

Altra edizione di Venezia

29,109/C

~~Q~~

10

A. XXI. Hof

HOFFMANN, 1660-1742

Friedrich

FRIDERICI
HOFFMANNI

CONSILIARII REGIS INTIMI,

Archiatři, Academiae & Ordinis Medici Senioris

OPUSCULA MEDICA

VARIi ARGUMENTI,

SEU

DISSERTATIONES SELECTIORES

ANTEA DIVERSIS TEMPORIBUS EDITÆ,

NUNC

REVISÆ ET AUCTIORES.



NEAPOLI, MDCCLVI.

Ex Typographia BENEDICTI GESSARI.

SUPERIORUM PERMISSU AC PRIVILEGIO.

THE
HISTORICAL

OF THE

OF THE

OF THE

OF THE




OF THE

OF THE

OF THE

OF THE



OF THE

OF THE

OF THE

CLARISSIMO DOMINO
NICOLAO ALDERISIO

BENEDICTUS GESSARI

S. P. D.



UUM tandem Præclarissimi, & Celeberrimi FRIDERICI HOFFMANNI variorum argumentorum Codicem perquam utiles perstringentem tractatus Reipublicæ litterariæ tradere mihi obtigerit, illum Tuis facrare auspiciis, nomenque Tuum fama undequaque pervolitans, & ultra montes erectum jure ei præficere animo peregi. Hinc Te, qui rei medicæ, arcanorumque naturæ, ac omnigenæ eruditionis maxi-

P R Æ F A T I O.



ENUINAM, solidam & securissimam morbos tam avertendi, quam sanandi methodum, nec in medicamentorum varietate, multitudine aut pretio, nec in valentiorum effectu, sed in prudenti & sagaci selectiorum, leniorum, & simplicium magis quam compositorum adplicatione consistere; ii demum ex medentibus recte intelligunt, qui longo rerum usu edocti corporis humani naturam & genuinas status tam sani, quam morboſi causas exquilitius paullo penetrant. Enim vero, primo rei intuitu videri posset, quod tanta morborum corporumque varietas, quæ omnem fere numerum excedit, innumera etiam remediorum genera requireret. At vero, qui prudentia & ratione duce artem facit medicus, ex facili perspicit, omnium quotquot sunt, morborum causas tam proximas quam mediatas, non esse multiplices, non valde diffusas, sed paucas admodum & simplices, quæ tantum pro subjectorum & partium, ubi resident, differentia differentes plane effectus & symptomata producant; atque ideo non tanta remediorum copia & varietate, sed perpauca potius, debito tempore, ordine & regimine adhibitis, satisque diu continuatis opus esse judicat rectissime. Secus autem faciunt imperiti & de causis rerum investigandis minus solliciti, qui, quando medicamentum non protinus desideratum edit effectum, mox aliud atque aliud, quod expectationi magis respondere autumant, temere substituunt, miserumque ægrotum medicamentis obruendo lædunt magis quam adjuvant. Quam quidem in re monumenta veterum evolventi perplacuit semper egregium CELSI effatum, quod *lib. III. cap. I.* inferuit: *oportet, ubi aliquid non respondit, non experiri aliud atque aliud: nam in longis morbis, quos tempus ut facit, sic etiam solvit, non statim condemnatur, si quid non statim profluit. Minus vero removeatur, si quid paullum saltim juvat, quia profectus tempore expletur.*

Deinde, medicus salutis hominum vere cupidus remediis validioribus, quæ vim quasi & impetum naturæ inferunt, magna cum cautione, & nisi summa urgente necessitate utitur, sed lenioribus potius & benignioribus curationem, quantum licet, expedire satagit. Etenim, quum subjecta per naturam imbecilliora maximis plerumque morbis pateant; judicatu facillimum, ipsiusque HIPPOCRATIS testimonio evidum est: medicamenta fortiora, quibus vis statum corporis transmutandi inest, nec in debilibus corporibus tuto adhibenda esse; nisi quis ægros in maiorem præcipitare perniciem velit. Longe autem alia in medendo viam sibi eligunt medici minus circumspècti, qui in adfectibus longis eradicandis, ut fere sunt cachexia, hydrops, lues venerea, lcorbùtus, asthma, podagra, adfectio hypochondriaca & hysterica &c. magna vi & vectibus quasi opus esse credunt; ideoque emetica, salivantia, purgantia, sudorifera, aliaque activiora remedia maximo ægrotantis damno & exi-

& exitiali plerumque effectu præscribunt. Equidem bene scio, quid hic ob-
strepere soleant vani arcanorum venditores, qui sine validiorum, ex mine-
ralium præsertim familia paratorum ope morbos graviores abigi posse negant;
sed, qui per dimidium sæculi & ultra innumeris morborum curationibus va-
cavi, sancta adseverare fide possum, me nunquam fere non remedia ex eva-
cuantium, alterantium & sedativorum classe desumpta leniora, securiora lon-
goque usu explorata in usum vocasse, iisque cum patientia & temporis ex-
spectatione adhibitis, morbos æque chronicos ac acutos, juvante Deo, per-
sanasse felicissime. Splendent autem quam maxime blanda, miti ac tempe-
rata operandi energia remedia sic dicta diætetica, & quæ ubivis facile pa-
rantur domestica, quorum prudenti & ægrotanti cujusque naturæ accommo-
dato usu imminentes morborum accessiones avertuntur, & præsentis per-
commode profligantur. Per diætetica vero intelligimus ex alimentis elemen-
tisque omnia, quorum ad vitam & sanitatem conservandam quotidianus no-
bis usus est, & quæ priscorum loquendi idiomate res non naturales, vel
rectius adhuc physicæ naturales appellari solent: atque hæc fere sunt, a qui-
bus non modo sana & longa, sed brevis quoque & morbosa vita, imo mors
denique ipsa dependet. Quare etiam præcipua doctrinæ medicæ pars esse
videtur, ex veris & solidis physico-mechanicis principiis harum sibi rerum,
quibus omni momento ad vitam utimur, interiorē comparare cognitionem,
ut quid inde adversi ad morbos ingignendos, quidque boni ad eosdem abi-
gendos in nos redundet, accuratius intelligamus. Penitus hancce veritatem
cognovit veneranda antiquitas, quæ nullam medicinæ partem fere magis,
quam diæteticam excoluit, & in medendo adhibuit; id quod præcipue au-
rea Hippocratis monumenta, quæ de victu acutorum, de diæteta, de natura
aeris, aquarum & locorum, posteritati reliquit, aperte declarant. Et si di-
fertissimi CELSI librum evolvimus, in quo omnium fere vitiorum inter-
norum curationem tradit, hanc ipsam certe potissimum mutatione cœli,
locorum, vitæ generis, varietate ciborum & potus, abstinencia, variâ cor-
poris exercitatione, frictionibus, balneis, aliisque hujus generis similibus
ex voto peractam legimus. Eadem tenuerunt vestigia omnes recentioris ævi
medici, qui solidi quicquam & imitatione digni memoriæ prodiderunt, quos
inter alios antecellunt Itali, & nominatim quidem SANCTORIUS, MER-
CURIALIS, MONTANUS, RAMAZINUS, LANCISIUS & BAGLI-
VUS, qui principiis physico-mechanicis, unde optime corporum motuum-
que causæ ac leges derivantur, adjuti, principem artis salutaris partem,
diætetam paullo subtilius longeque optime excoluerunt. Quamobrem permul-
tum ii hallucinari videntur, qui obliquo decurrentes stadio, originem mor-
borum, & vitæ vel longioris vel brevioris causas ex rebus altioris indagi-
nis, fortuito siderum influxu, principio corpus nostrum dirigente & motus
secundum sapientiam vel errorem administrante, vel aliis captam longe su-
perantibus sublimioribus derivare contendunt. Quibus rebus nihil significan-
tibus, nihil firmi ac solidi in medicina stabilitur; cum contra ex illis cau-
sis corporeis, quæ materiam varie adficiunt & motus disponunt, ut sunt
ali-

alimenta ac medicamenta ex regno naturæ desumpta simplissima, vera & perspicua sanitatis, morborum, vitæque longæ, ac brevis ratio possit reddi ac demonstrari.

Quæ cum ita sint, ego per quadraginta & sex annos docentis munere fungens nihil magis curæ cordique habui, quam ut ex clarioribus anatomicis & physico-chymico mechanicis principiis, tanquam evidentibus causis, artem nostram divinitus concessam ex obscuriori in clariorem lucem, magisque rationalem statum reponerem; quod inter alios jam editos labores, insigni, ut spero, usu non destitutos, præcipue dissertationibus de rebus physico-medicis, chymicis & diæteticis, ut & de valetudine tuenda conscriptis, summoque ubivis applausu exceptis præstare allaboravi. Quum vero distracta sint omnia, licet sæpe recusa exemplaria, ut difficulter nunc haberi queant; petiit a me honestus & de re litteraria bene meritus *Dn. Vickius*, ut ipsi licentiam concederem, quasdam denuo recudendi & in opuscula concinnandi dissertationes. Quare ego juvandum ratus hoc egregium publico inserviendi studium, iteratam dissertationum quarundam rariorum editionem lubentissime concessi, nihil magis ex animo optans, quam ut B. L. ex frequenti & attentiori earum lectione fructum reportet uberrimum.

I N D E X

O P U S C U L O R U M

H U J U S V O L U M I N I S.

D E Dietetica sacrae Scripturae Medicina.	I.	1.
	II.	
De dietæ vitio multorum morborum causa.		13.
	III.	
De vini Hungarici eccellente natura, virtute, & usu.		15.
	IV.	
De valetudine senum tuenda.		35.
	V.	
De salutari ac noxio venæsectionis usu.		47.
	VI.	
De balsamo Peruviano.		62.
	VII.	
De Terebinthina.		71.
	VIII.	
De Millefolio.		78.
	IX.	
De camphoræ usu interno securissimo & præstantissimo.		86.
	X.	
De Infusi Veronicæ efficacia præferenda herbæ thee.		97.
	XI.	
De purgantibus minus cognitis & selectioribus.		105.
	XII.	
De cauto & præstantissimo vomitoriorum usu.		114.
	XIII.	
De Usu & abusu pulverum sternutatoriorum.		129.
	XIV.	
De Mirabili Sulphuris Antimonii fixati efficacia in Medicina:		140.
	XV.	
De specificis antispasmodicis.		147.
	XVI.	
De studiis per regulas dieteticas facilitandis, & prolonganda literarum vita.		156.
	XVII.	
De Cinnabari Antimonii, ejusque eximiis viribus, usu tam secretiori, quam vulgari, tam in morbis hucusque cognitis, quam incognitis.		169.
	XVIII.	
Fundamenta Medicinæ ex principiis naturæ Mechanicis in usum Philiatorum succincte propositum.		197.
		DIS.

DIÆTETICA SACRÆ SCRIPTURÆ M E D I C I N A.

§. I



Nihil præstabilius in universo terrarum orbe esse, quam sanitate integra vitæque longæva frui, extra omnem dubitationis aleam positum est. Excedit enim vita & sanitas omnium rerum terrenarum pretium, & maxima pars felicitatis humanæ in ejus integritate sita est; quippe corpore male constituto etiam animi vigor immittitur, & homo ad actiones mentis obeundas ineptior redditur. Quanti sanitatis commodum sit æstimandum perpulchre prodidit dexterrimus morum magister, SYRACIDES cap. 30. v. 15. *Sanitas, inquit, & bona constitutio quolibet auro melior est & corpus validum immensis opibus. Potior est mors, quam vita acerba aut invaletudo permanens.* Quapropter omnes homines egregiam hanc sanitatis tuendæ scientiam sibi habere debent commendatissimam. Licet autem hæc scientia longè sit nobilissima & utilissima, temporum tamen fato accidit, ut perpauca reperiantur, qui corpus suum recte curare, omnique modo illud integrum conservare allaborant; quin potius pleraque hominum pars pro vario connatæ pravitatis impulsu eas consecratur res, quæ ad diminutionem sanitatis & ad morborum productionem, imo ad mortis accelerationem causam fatalem præbent. Proh dolor! nostra ætate in plerisque medicorum scholis eo fere deventum est, ut vel parum vel nihil cogitent de corpore humano in suo vigore per salutaria diætæ præcepta conservando & a morbis præservando; cum tamen maxima pars potestatis medicæ in hoc unico præservationis negotio versetur. Notum enim est, potestatem medici in depellendis a corpore morbis & morte averruncanda admodum esse circumcisam & restrictam, quippe in morbis præsertim acutis spectatoris tantum & ministri munere medicus fungitur, cujus adjumento quidem natura sibi adhuc constans

Hoff. Opusc. varii argum,

parumper sublevatur, quod tamen minime fit ipsa jam succumbente. O tempora! o mores, quibus sanitas vili adeo pretio perditur? Reperias logiatros etiam fama celebres, qui tanquam fungi subito creverunt, & speciem quandam magnæ eruditionis præseferentes, subito in altum quanquam incasum generis humani, everti sunt, qui ex vana persuasionem diætam fere insuper habent, omnem fiduciam collocantes in suis pharmacis vel medicamentosis spiritibus sale acri vel sulphure quodam metallicò aut terra prorsus fatua imprægnantis. Hæc ipsorum sunt arma, quibus corpus diu sanum, imo longævum reddere satis jactabunde gloriantur. Pulchrum certe hoc institutum, quæstiosa sane medicorum auro inhiantium molimina, quibus homines potius præparant ad morbos, ut ipsis postea non desinit ægroti, quorum moribus lucrum facere possint. Ea est jam temporum indoles, ut derisui omnes ii exponantur, qui tum ad præservandum tum ad liberandum a morbis corpus maximam artem in diæteticis & naturæ convenientibus remediis collocant.

2. Perspecto igitur insigni hoc circa sanitatis curam errore non potuimus, quin meliora edocti ex divinissimo illo mysteriorum sacrorum codice, junctis simul salutaribus medicinæ sobriæ rationibus, diæteticam scientiam de meliori nota commendaremus. Prudentior ille jure meritoque censendus est, qui ad hujus boni, sanitatis nimirum, possessionem acquirendam omnes animi vires intendit, & media ad hunc finem collineantia & necessario adhibenda eligit. Ut autem hæc nostra præcepta diætetica majorem obligationis vim in animis hominum habeant, non abs re fore visum fuit, illam ex sacro revelationis fonte depromere. Est enim scriptura sacra hac in parte summa philosophia, in qua plurima, quæ circa rerum non naturalium usum & abusum observanda sunt, præclare annotata reperiuntur. Hæc enim fons ille est misericordiæ di-

A

vinæ,

vinæ, ex quo tanquam ex rivo, viventium aquarum omnes istæ divitiæ promanant, quarum usus homines omni ex parte beatos reddit. In hac delitescit arcana conservandæ sanitatis methodus, quam qui adsequitur, secretum omnium maximum acquirit hacque ratione vitam quam diutissime sanam & ab omnibus fere morbis immunem protrahere poterit; in hac sanctissima præcepta continentur, quorum recto ac pio usu terrenæ non solum, sed & cælestis illius tantopere a mortalibus expetitæ felicitatis fructum consequi datur. Quum igitur hæc materia tanta cum jucunditate atque utilitate sit conjuncta, ea propter in animo constitui DIÆTETICAM MEDICINAM EX SACRA SCRIPTURA in præsentem exhibere.

3 Ante vero, quam ad ipsam diæteticæ sacrae tractationem progrediamur, non alienum a scopo nostro erit, fundamentum vitæ ac sanitatis, nec non mortis præmittere & explicare, quippe hoc intellecto minori cum difficultate diæteticorum præceptorum, quæ huic superstruuntur, rationem veram perspectam habebimus. Quod si veterum monumenta evolvimus, & ex iis rei hujus dissolutionem expectamus, præter vocabula sesquipedalia & grande quid sonantia, quæ nec concipi nec explicari commode possunt, nihil quicquam inveniemus. Alius calidum quoddam innatum & humidum radicale, alius archeum, rursus alius naturam vel similem voculam causam vitæ ac sanitatis constituit, & hoc pacto unusquisque suam hæc in re ignorantiam involucri quodam literaliter abscondidit. Verum excusandi sunt veterum hæc in re errores, quippe accuratiori anatomes studio destituti circulum sanguinis humorum progressivum nesciebant. Nostro autem tempore, ubi ille ipse per solertissimum Harvæum detectus est; ubi deinceps multa, antiquorum sæculorum medicis prorsus incognita, in structura corporis nostri frequentiori ac diligentiori cadaverum humanorum ope cultri anatomici perscrutatione patefacta & in lucem prodita sunt, ubi insimul matheseos studium ad altius fastigium evectum est: multo aliter jam philosophandum. Missa igitur faciamus veterum ratiocinia & verum fundamentum ex ipsa machinæ nostræ natura depromptum inquiramus. Exacta inter philosophos rationales res est: omnes actiones corporum in universa rerum natura ex motu profluere, & nullum corpus sine motu ipsi naturaliter insito

concipi posse, unde effectuum vel phænomenorum naturalium rationes deducendæ, vel corporum qualitates explicandæ. Quod si igitur jam principium adæquatum & certam vitæ & sanitatis machinæ nostræ corporeæ rationem reddere velimus, omnino ista ex motus natura desumenda est. Quapropter non inconcinne hoc modo finiri potest vita; quod nimirum sit motus sanguinis systolicus & diastolicus per cor & universam tum arteriarum, tum venarum per corpus dispersarum compagem, cui simul arctissime connexus est inde dependens solidarum partium tonus. Hæc sanguinis in circulum per totum corpus abiens progressio machinam nostram ex rebus corruptioni valde obnoxiiis conflata & mixta ab actu putredinis egregie defendit. Quamdiu itaque hic motus fluidorum ac tonus solidarum aliquo modo viget, tamdiu vita præsens est: simulac vero hic motus ac tonus partium plenarie cessat, ut non amplius possit revocari, mors adest & cadaver homo nuncupatur; mortis enim ratio formalis in motum machinæ nostræ omnimoda abolitione consistit.

4 Deducta sic, quam compendiosissime fieri potuit, vitæ ac mortis causa, jam facillimum erit sanitati definitionem exinde formare. Quando hic motus sanguinis systolicus ac diastolicus partiumque tonus vitalis, liber, æquabilis & moderatus est, quod cognosci potest expulso, habitu corporis externo, actionibus corporis nostri præsertim naturalibus, quæ in secretionem rerum similiarum versantur, recte & secundum regulam ac ordinem naturæ se habentibus, homo optimo jure sanus est dicendus. Sanitas itaque dependet a circulo sanguinis & humorum libero, æquali & moderato per omnes corporis partes. Quoniam vero hic sanguinis circuitus nonnisi ex effectibus in corpore humano se exerentibus, nempe secretionis potissimum & excretionis potissimum & excretionis negotio cognosci & dijudicari potest; hinc optima ratione sanitatis definitio ab his effectibus circuli sanguinis & toni partium petitur. Dicimus idcirco, sanitatem esse convenientem omnium actionum tam corporis, quam animi exercitium a vegeto, moderato & æquabili sanguinis circulo indeque dependentibus secretionibus debitis proficiens.

5 Hisce suppositis quæritur, quanam sint illæ res, quæ corpus nostrum & conservandi in debito sanitatis vigore, & variis morbis

his vel morti quoque illud exponendi facultate polleant pro diverso eorum vel legitimo vel illegitimo usu? Si veterum hic responsionem nostram facimus, dicendum, eas comprehendendi sub nomine sex rerum non naturalium, quibus homo quamvis ejus essentiam non constituent, ad conservandam vitam ac sanitatem, sive, ut medice loquimur, ad liberum ac æquabilem humorum circuitum continuo opus habet. Sunt vero hæ ipsæ maxime omnium animantium necessarius potus est; sunt alimenta solida æquæ ac fluida: sunt denique actiones ipsius hominis nunquam non necessariae; quæ ad motum, quietem, somnum, vigilias, consuetudinem vitæ quæ genus pertinent. Quicunque itaque hanc rerum usum ita moderatur, ut circulus sanguinis liber & æquabilis maneat: is veram sanitatis tuendæ ac vitæ longæ methodum & saluberrimas diæteticas regulas obtinet, quæ unice circulo sanguinis proportionato innituntur. Quemadmodum enim affabre constructi automatis motus ab elasticitatis vi vel pondere alterius corporis dependet; ita etiam sapientissime fabricatæ machinæ nostræ a corruptione conservatio atque regularis & ordinatus motionum successus rebus memoratis externis earumque sub prudenti regimine usu unice profuit atque perficitur. Hæc ipsa enim sunt, quæ corpori nostro mobilitatis seu motus materiam sufficientem ac bona temperie gaudentem largiuntur. Hæc ipsa sunt, quæ vigorem, motum, actuationem partibus solidis æque ac fluidis contribuunt. Quare sole meridiano clarius hinc elucescit, utique in harum rerum justo usu primarium vitæ ac sanitatis nostræ momentum esse constitutum. Hanc ob causam unica nostra cura eo tendat, ut leges sanitatis, quæ nobis convenientem earum rerum usum præscribunt, diligentissime observemus.

6 Cum igitur sacra scriptura nos optime hac de re instruat, & viam simul monstret tutissimam, qua incedentes & sanitatis exoptatum commodum & vitæ terminum a Deo machinæ nostræ naturaliter concessum ex voto adsequi optime possumus: hinc jam toti in id erimus defixi, ut methodum hanc sacrae diæteticæ medicinæ, qua licebit perspicuitate, evolva-
mus & publico usui sistamus. Primum vero occupati erimus circa affectus animi eorumque regimen, quibus deinceps ordine subjungemus, quæ circa aerem, alimen-

ta & potulenta, somnum & vigiliam, nec non motus exercitium in sacris litteris præcepta diætetica occurrunt.

7. Primum jam nostræ tractationis caput ab affectibus animi exordimur. Quæritur hic ante omnia: an anima potestatem quandam exercere possit in corpus humanum? Si accuratiori scrutinio hanc rem examinamus, ingenue fateamur necesse est, vitam & sanitatem nostram in rerum natura vix infensorem habere hostem, qui tam potenter tamque celeriter œconomix nostræ vitalis motus turbare, imo penitus subvertere possit, præterquam animam nostram. Etsi enim nullam potentiam absolutam in actiones sic dictas vitales eas pro lubitu moderandi & dirigendi habeat; attamen has ipsas ob arctissimam connexionem, quæ ipsi cum corpore intercedit, variis mediis perturbare potest. Testatur experientia, quantos motus irregulares varii affectus animi, desideria anxia, firmiores impressiones producant, sicque verum fateri debemus, plurima pars hominum ægrotat & perit magis animi, quam corporis morbis. Id quod ii maxime experiuntur, qui læto ægrotantium adstant, ubi convenienti facto examine circa morborum originem, animi gravem affectionem morbo ansam præbuisse subinde observant. Satis pro compendio dictum putamus: nolumus enim jam in hujus quæstionis deductione, cum rem complectatur per se manifestam, esse prolixiores, sed potius nos accingimus ad ipsam exponendam diætam, quæ circa hos affectus homini sanitatis amanti attendenda est.

8. Videamus igitur, quid commodi ex affectuum animi contemperatione in corpus humanum redundet. Quod si sacram scripturam hac de re consulamus, ea ad sanitatem & vitam longam hilaritatem atque tranquillitatem mentis egregie commendat. Sapientissimus Salomo, Proverb. cap. 15. v. 13. *animus letus, inquit, bene afficit vultum*. Idem v. 15. Cap. 15. ita pergit: *leti animo sunt convivium iuge*; quasi diceret: qui lætus est animo & sua sorte contentus, melius habet, quam si semper lautissimis epulis frueretur. Ulterius Prov. cap. 17. v. 22. ita fatur: *animus letus bene medicinam facit*. i. d. optimæ medicinæ loco est, qua corpus a morbis & morte præmatura conservatur. Quid quod multis in locis hilarem animum vitam quotidianam jucundam adpellat. His astipulantur verba Ecclesiastici cap. 30. v. 21. *letitia cordis est vita ipsa hominis & exultatio*

4 DISSERT. II. De dietetica sacrae scripturae medicina.

io producit dies vite. Ex hisce omnibus sequentibus regulam dieteticam elicere possumus: cui sanitas curae cordique est, iis hilari atque tranquillo animo sit necesse est. Ejusmodi enim mentis compositio placitum & pacatum in spiritibus animalibus excitat motum, qualis autem spirituum motus, & talis motus cordis & arteriarum tonus partium, & quale partium tonus motusque cordis & arteriarum, talis sanguinis circulatio, & qualis hujus circulatio, talis sanitas. Quapropter mens tranquilla summum hominis in hac vita bonum judicari debet, utpote mens in tali statu posita non tantum corpori, sed ratiocinationi quoque quam optime inservit & ingenii vim acuit. Experientiae fide certissima constat, animo placido & affectibus vacuo praeditos omnium fere morborum & ipsorum quoque epidemicorum contagio inficientium tela plerumque effugere, ac si forte ab iis petantur, non modo non succumbere, sed ceteris omnibus etiam feliciter evadere. Neque minus in morbis periculo non plane expertibus maximam reconvalescentiae spem ex animi tranquilla habitudine concipi posse praxi clinica quotidie edocemur.

9. Hoc tamen loco maxime notari velim, nos minime sub laetitiae vel tranquillitatis animi nomine gaudium repentinum atque effusum comprehendere: nam cum hoc celerissima anima sit motio, eam quoque irregulares spirituum & sanguinis motiones excipiant necesse est, unde occasionem magnarum turbarum morbosarum, imo mortis repentinae praebere possunt; qualia exempla hinc inde apud auctores medicos consignata exstant.

10. Sicuti autem sacer codex animi constitutionem hilarem atque tranquillam ad incorruptam sanitatem ac vitam longam suadet atque commendat: ita e contrario tristitiam, quae laetitiae adversatur, & animi angor, cura ac cruciatus est, omnibus & singulis dissuadet. Pertinent huc, quae a Salomone sapienter dicta sunt Proverb. cap. 17. v. 22. Spiritus fractus exsiccat ossa. Item cap. 15. & 13. dolore animi spiritus frangitur. item cap. 15. sicuti tineae vestimento & vermis ligno: ita tristitia in viro nocet cordi. Sagacissimus morum praeceptor Syracides cap. 30. Psal. 21. unumquemque hominem a tristitia his verbis avocare studet, ne tradas tristitiae animum tuum neque angas te ipsum consilio. Dilige animum tuum & consolare cor tuum tristitiamque procul a te pelle. Rationem, cur fugienda sit tristitia v. 26. subjun-

git, sollicitudo, inquiens, ante tempus fenestritatem adducit. Quicumque igitur sanitatis curam habet, is mœrorem ac tristitiam quovis modo fugiat. Quemadmodum enim laetitia blanda ac moderata spiritus recreat, excitat & sanguinis circulum promptum ac liberum reddit, ita mœstitia spiritus obtundit, deprimit & sanguinis circuitum impeditorem facit, sanguinemque a naturali sua temperie, ad spissitudinem lentam redigit. Et sicuti in laetitia sanguis undiquaque aequaliter circumfertur, & ipsa adeo cutis vascula capillaria minima pervadit, unde rubore amœno facies coloratur: sic contrario modo in tristitia sanguinis calor & spiritus a circumferentia ad centrum magis intro compelluntur & habitus corporis spasmodice constringitur, unde in tristibus pallor faciei, cutis constrictio, transpiratio remissior, pulsus exilis ac lentus, appetitus imminutus, somnus terroris plenus & virium languor subinde observantur. Probe hæc cognovit FERNELIUS, qui ita hanc in rem differit; tristitia spiritus obtenebrat, ingenium hebetat, rationem impedit, judicium obscurat, spiritus scientiam deprimit & melancholicas desperabundas cogitationes efficit, quibus ex causis corpus pallore defoedatur, ignavia torpet, atrophiam liquefcit & in marcorem aliosque frigidos morbos ruit.

11. In praxi attentiori observari licet mœrorem profundum ac pertinacem ad febres mali moris, melancholiam, insaniam, malum hypochondriacum, calculum tam renum, quam vesicae, phthisin, hecticam, cachexiam, aliosque morbos frequentissime disponere. Nam ab ejusmodi continuo mœrore sanguini fluiditas demitur, unde spissescit, stagnationes subit & hinc inde obstructions parit, a quo dictorum malorum origo fere unice dependet. De mœrore profundiore pulchra quoque exstant apud HIPPOCRATEM Lib. 2. de morbis. Cura in visceribus veluti spina videtur atque illa pungit. Et alibi: ubi hæc, inquit, anxietas animum corripuit, lucem atque homines fugit & tenebras amat & timor invadit, aridus est & ad contactum dolet & expavescit & terculamenta & somnia horrenda videt. Et hæc sunt præcipua symptomata, quibus mœrore sepulti contorquentur & continuo discruciantur, ut quandoque etiam eo insaniam procedant, ut præ vitæ tædio sibi ipsis vim inferant & in laqueo solamen suae miseriae quarant. Patet exinde evidentissime, tristitiam & mœrorem maximum

DISSERT. II. De diætetica sacrae scripturae medicina. §

mum corporis & animi esse tormentum, unde sapientissime is rerum suarum & sanitati satagit, qui omnem moerorem procul ablegat.

12. Eisdem fere effectus cum tristitia habet invidia, quæ ubi altius animo insidet, humanum consumit corpus, ut rubigo ferum. Placet hanc in rem allegari *Ecclesiast. Cap. 30. v. 25.* ubi de invidia dicitur, quod minuat dies. Pari passu cum tristitia & invidia ambulat anxia in divitiis corradendis cura; unde idem *Ecclesiast. Cap. 31. v. 2.* ejus noxam, quam corpori humano infert graphice depingit: *vigiliae, inquit, divitiarum causa tabefaciunt carnes & cura earum amovet somnum.* Huc pertinet quoque amor insanus, cujus vehementia fere contabuit Ammon II. Samuel. *Cap. 13.* Unusquisque ergo, qui sanitati studet ex præscripto sacrae scripturae, omni studio ab his vulgaribus & maxime turpibus affectibus, quales sunt invidia & avaritia, sibi temperet necesse est.

13. Restat adhuc alius affectus corpori nocentissimus, qui iræ nomine venire solet. De hac *Ecclesiast. Cap. 30. v. 25.* claris verbis pronuntiat, quod dies vitæ minuat. Idcirco sanitatis cultori incumbit, ut iram cœu pestem corporis omni arte fugiat. In omni enim iracundia commotio fit spirituum & sanguinis extrorsum a centro ad circumferentiam: cum itaque in iracundia sanguis maximo cum impetu ad externum corporis habitum pellatur, hinc evenit, ut sub iræ æstu infletur facies, oculi appareant feroces, in partibus sentiatur tremor & respiratio cum pulsu adauctior fiat, ipsaque mens a statu suo dejiciatur. Et ab hac vehementiori sanguinis in ira commotione plurima mala corpori humano accidunt. Præclara est observatio *Hildani obs. 18. cent. 1.* ubi arteria vulnerata, postea probe sanata, iterum rupta fuit ab ira, quæ disruptio a nulla alia causa facta fuit, quam a sanguinis impulsu majori, & tunicarum arteriæ expansione fortiori. In praxi attentiori observamus, iram maxima pollere vi in consuetis & dispositis enormes sanguinis excretiones sive per nares sive per venas ani sive per uterum in feminis proritandi. In senibus, & sanguine abundantibus vehemens ira apoplexiam non raro producit, si, quando enim sanguis cum impetu ruit ad caput, vasa a nimia congestione ejus distenduntur ac per-rumpuntur, unde sanguinis lethalis fit extrava-

ratio. In plurimis post paroxysmum iracundiæ in latere dextro sub scrobiculo cordis, mox sentitur dolor quidam constrictivus cum oris amaritie, quod symptoma ortum habet a motu bilis impetuosiore ejusque in intestina effusione, hinc etiam dependet inclinatio ad vomitum & diarrhœa, unde *HILDANUS Cent. 7. obs. 14.* annotavit alvum subductam fuisse ab ira, ac si pharmacum adsumptum fuisset? Morbi inflammatorii, ut sunt pleuritides, peripneumonia, inflammatio hepatis, ventriculi & intestinorum, item erysipelas subinde ab ira ortum traxisse observantur. Hi morbi potissimum in iis eveniunt, quorum sanguis impurus ac spissus est, & tubuli corporis angusti, quapropter in arterias ab iræ affectu adactus sanguis, si viscosus & tenax sit, non eadem celeritate per venas reverti potest, undæ sæpius in tubulosa partium solidarum vel viscerum substantia subsistit & inflammatorias ejusmodi passiones efficit. Quicumque igitur ex præscripto sacrae scripturae iram coercet, is sanitati suæ optimæ consulit & corpus ab his morbis immune servat.

14. ORDINE jam progredimur ad aeris diætam. Nihil sane ad sanitatem ac vitam tuendam plus confert, quam elementum illud commune aeris & ætheris fluidum, quo omnia animantia continuo opus habent, cujus secundum *HIPPOCRATEM Lib. de flatibus §. 6.* tanta est necessitas, ut si omnibus aliis abstineat homo, neque cibum sumat, neque potum, possit dies tres vel plures vivere: si vero spiritus viæ in corpus intercipientur, brevi tempore illi esse pereundum. Hoc certissimum est, aerem esse primarium corporis nostri quoad solidas & fluidas partes motus materiam ac instrumentum: quo igitur purior ac temperatior, eo magis ad vitam & sanitatem integre conservandam confert; e contrario vero, quo impurior & intemperatior, eo magis vitæ ac sanitati est infensus. Sicut enim aer purior circulum sanguinis promovet, robur & tonum partium auget, transpirationi velificatur atque ingenio vim addit: ita impurior particulis heterogeneis, narcoticis & putredinosi maxime inquinatus circulum sanguinis turbat, robur partium infringit, perspirationem remoratur ingenique vim obtundit. Unde talismodi intemperatus aer ad morbos ex humorum stagnatione indeque contracta impuritate offundens, item ad putridas febres, imo ipsam pestem disponit. Et hanc ob causam, ut qui-

6 DISSERT. II. De diætetica sacrae scripturae medicina.

quidem nostra est sententia, clementissimus rerum conservator Deus, pro singulari sua in homines providentia permotus fuit, ut populo suo cautionem a rebus aerem inquinantibus serio injungeret. Quare Levit. XI. v. 35. omnia ea, quæ labe quadam forte aerem inficere possunt, ceu impura & inquinata proscripsit, eorumque usum plane interdixit. Cumprimis etiam huc pertinere videntur, quæ de inspectione sacerdotali leproforum Levit. Cap. XIII. v. 8. proponuntur. Lepra enim erat morbus summa ex corruptione humorum ortus, qui suam foeditatem vicinis corporibus infirmioribus, præsertim communione aeris facillime adfricare potuit, unde tam sedula leproforum inspectio & custodia separata a cœtu hominum fuit injuncta. Levit. XIII. v. 46. Quicumque igitur aeris noxas evitare & sanitatem hoc modo integram conservare nititur, is omni arte & studio loca suspecta ex præscripto sacrae scripturae fugiat & commercium hominum infectorum diligenter evitet. Optimum enim præservativum a morbis ex aere impuro oriundis, imo ipsa peste in fuga & curatiori contagii evitatione consistit, ut gravissimorum medicorum est sententia.

15 Ad alterum jam membrum nostri propositi pergimus, quod de cibo ac potu institutionem diæteticam subministrabit. Alimentorum & potulentorum maxima habenda est ratio, cum proxime ad vitæ ac sanitatis conservationem concurrant. Nullus enim homo sine cibo & potu vitam diu conservare vel sano ac integro corpore esse potest; siquidem ob continuas egestionem partium, motu sanguinis intestino resolutarum, quotidiana etiam ingestione opus habemus, ut partes illæ motu sanguinis effictæ redditæ ad consueta emunctoria deletæ & foras protrusæ nova utilium succorum accessione reparentur, & sic corpus sub continuis egestionibus & ingestionibus in vigore actionum suarum adeoque in sanitate conservetur. Quam autem esculenta & potulenta tum ratione indolis & temperaturæ, tum etiam ratione facultatum & virtutis mirum inter se diffideant, & cum etiam magnus subinde error circa adsumptionis quantitatem committatur: hinc omnino medicum & naturæ consultum oportet scire, quænam ex hisce tam ratione temperaturæ, quam ratione quantitatis corpori nostro congrua vel incongrua sint, ut hoc pacto noxam a corpore avertere possint. Multa præclara huic fini accom-

modata hinc inde ex sacra scriptura deprimi possunt, unde illa jam ordine percurrere & explicare animus est.

16 Quod attinet ad ciborum quantitatem, omnis repletio ex iis ceu naturæ corporis nostri inimica & morbis proferendis apta ex præscripto sacrae scripturae prorsus vitanda est. Notatu digna sunt, quæ hanc in rem adfert Ecclesiastes Cap. 36. v. 32. seqq. *Ne esto insaturabilis omnibus deliciis, neque projectus esto ad escas. Nam multis sibus adheret morbus & insatiabilis voracitas maxime accedit ad cholera. Voracitate insaturabili multi sunt mortui.* Idem Cap. 31. v. 22. ita fatur: *laboriosæ vigiliæ & cholera torminaque adsunt viro insaturabili.* Recte a Syracide ciborum nimia adsumptio & voracitas plurimorum morborum, speciatim vero cholera, laboriosarum vigiliarum, torminum imo ipsius adeo mortis causa statuitur. Nam quandocunque cibus variæ præsertim indolis majori in copia quam par est, ventriculus oneratur, non modo ejus tonus & robur inde imminuitur, & chylus ob lymphæ gastricæ insufficienciam crudus, intemperatus ac intimiorem cum sanguine mixtionem renuens separatur, sed etiam ingens colluvies acidorum, biliosorum, pituitosorum ac putrescentium humorum in primis viis a reliquiis ciborum ibi diutius commorantibus colligitur, quæ omnia morborum causis jam dictis originem atque materiam præbent fertilissimam. Non inconcinne *Fernelius in Patholog. Lib. I. Cap. 15. pag. 210.* perniciosam admodum sentinam abdomen insaturabile adpellat, quia omnium tuum corporis, tum animi vitiorum fons & origo est, ut adeo verissimæ sint facetiæ illorum, qui intemperantiam medicorum nutricem appellarunt. HIPPOCRATES *Sect. II. aph. 17.* ita de ciborum intemperantia loquitur: *ubi cibus præter naturam copiosior ingestus fuerit, morbum facit.* Cuiusque ergo sanitas curæ est, is a nimia ciborum ingestione & voracitate turpi absteat. Observent vero hanc diæteticam regulam cumprimis imbecilliores, quorum in numero habendi ii, qui modo a morbo aliquo convaluerunt, qui enormes cum virium jactura passi sunt hæmorrhagias, & qui fame, vigiliis immodicis ac labore emaciati sunt vel alia ratione vires amiserunt. Horum enim hac in parte excessus tanto sæpe nocumento est, quantum vix exspectari poterat. Profecto innumera sunt commoda, quæ ex accurata & moderata ciborum men-

sura

sura in corpus nostrum redundant. Probe hoc vidit *Syracides*, unde *Cap. 31. v. 22.* ita exclamat: *quum sufficit homini erudito res modica! nam cum in cubili suo non anhelat, somnus sanus est, cum intestino mediocri surgit mane animæ suæ compos.*

17 Ulterius diætam circa alimenta persecuturis non incongrue quæritur: quinam cibi & quales in usum trahendi? Quando sacram scripturam hac de re consulimus, commendatos hinc inde atque in usum vocatos fuisse temperatissimos & optimi succi cibos reperiemus. Ex carnibus enim quadrupedum a Deo ipso conceduntur bovinæ, vitulinæ, agninæ, hædinæ, arietinæ. *Levit. Cap. 11. v. 3. quicquid habet ungulam scissam & bifidatum est fissura ungularum revocans ruminis cibum, ex quarvis bestia illud comedetis.* Carnes harum bestiarum præsertim juniorum, omnium medicorum consensu ejus sunt indolis, ut & facilius a menstruo ventriculi solvantur & bonum sanguinem ingenerant. Habent enim cum sanguine nostro exactam convenientiam, & temperatam gelatinam in se recondunt, quam coctione omnes dimittunt. Quid vero aliud est sanguis optime temperatus, quam gelatinosus succus a continua in circulum translatione rubicundus redditus? Hac de causa verissimum manet hoc assertum, quod dictorum animantium puriorum præcipuæ carnes succique inde excocti & juscula, quia gelatinam copiosam & temperatam præbeat, ad corporis nutritionem præ aliorum animantium carnibus optime inserviant.

18 Ex volatilibus humano usui concessit summus rerum œconomus carnes columbarum, alaudarum, gallinarum, perdicum, anserum, anatum & aliarum avium, quarum *Levit. Capite IX.* non fit inhibitio. Hæ omnes & adhuc aliæ volatiliū species eandem ob causam, quia succum temperatissimum & cum sanguine nostro convenientissimum foveant, in optimum nutrimentum corporis nostri cedunt.

19. Ad aliud genus ciborum, nempe pisces nos convertimus: horum usus *Levitic. Capite XI. versiculo 9.* commendatur his verbis: *hos comedatis ex omnibus, quæ sunt in aquis, omne quod habet pinna & squamas in aquis tum per maria, tum in fluminibus, illa comedatis. conf. Deuteronom. XII. 9.* Equidem non sine ratione esus piscium commendatur, nam propter faciliorem solutionem, & copiam partium humidarum, quibus abun-

dant, uti ex destillatione eorum videre est, minime nocent, & quoniam non tam facile putrescunt, quam quadrupedum vel avicularum carnes, hinc etiam absque nocumento in febribus, in morbis malignis ipsaque in peste ægrotis possunt concedi, ubi alias ab esu carniū maxime est abstinendum. Siquidem putredo, in qua malignitatis natura continetur, non parum harum usu promovetur, & humores jam corrupti ad majorem putredinem disponuntur; unde etiam evenit, ut natura ipsa in ejusmodi morbis sponte ab esu carniū abhorreat. Datur autem magna piscium differentia respectu aquarum, in quibus degunt, ex quibus illi sapidissimi sunt & saluberrimi, qui in fluviis, ubi aqua levis & subtilis est ac rapidissimo cursu fertur, progignuntur: e contrario ii minus sapidi sunt minusque salubres, qui in aquis paludosis & stagnantibus capiuntur. Deinde etiam datur differentia inter ipsas piscium species, quidam enim durioris, & compactioris, quidam mollioris & candidioris respectu carnis sunt indolis. Unde, si optio nobis detur, pisces omnium sapidissimi ac optimi pro usu seligendi sunt.

20. ALIMENTORUM ex regno vegetabili usus est vetustissimus itemque innocentissimus, quippe herbæ, semina & fructus arborum paradisiacus ille cibus erant a creatore sapientissimo Adamo in statu integritatis concessus, uti clarissimis verbis *Genes. capite I. versiculo 29.* legitur, ubi scriptum extat: *præterea dixit Deus: ecce dedi vobis omnes herbas sementantes semen, quæ sunt in superficie totius terræ, omnesque arbores sementantes semen vestræ ad comedendum erunt.* item *capite II. versiculo 16. de fructu quidem omnis arboris libere comedes.* Herbæ & arborum fructus nutrimentum quidem adeo copiosum, ut carnes animantium, non supeditant, interim tamen hoc verissimum est, illa succum præbere leviolem, facile transeuntem & necessarium eumque optime temperatum sanguinem gignere, ideoque ad vitam sanam atque longævam maximæ utilitatis esse, eam maxime ob causam, quia plethoram avertunt, quæ a cibis plenioris nutrimenti corpori ingenerata plurimorum morborum & ipsius etiam mortis maturioris causa esse potest. Majus vero nutrimentum præbent varii generis semina præsertim tritici, siliginis, hordei & ex iis præparata. Est enim ea omnium seminum indoles, ut temperie optima gaudeant, dum ex partibus

terreis subtilioribus, mucidis & oleoso-sulphureis probe mixta sunt; unde cum aqueo liquore cocta vel tria, eundem lacteo colore bene saturato imbuunt. Ex his colligi facile potest, quare panis ex frumentorum generibus præparatus in optimorum nutrimentorum numero habeatur. Ex sola aqua & pane homo vivere potest, testante id *Ecclesiastico Capitulo XXXIX. versiculo 25. præcipue vitæ humanæ sunt aqua & panis*. Hinc etiam regius psalmista pani virtutem confortantem & cordialem tribuit. Psalmo centesimo quarto versicul. decimo quinto. Huc pertinent quoque legumina, quorum genus quoddam propheta Daniel cum sociis suis præ cibo regio expetiit, uti ipse testatur in prophetia sua Capite primo, versiculo decimo secundo; quo in loco nempe versiculodecimo quinto simul indigitavit, quam bene usu hujus cibi eorum corpora nutrita fuerint, facies enim illorum inde elegans ut pinguium carne apparuit. Ex hisce jam omnibus, quæ de ciborum conditione ex sacris fontibus protulimus, hæc regula diætetica consequitur: eligenda sunt alimenta corpori nostro congrua, temperata, quæ facilius solvantur & corpus transeunt.

ANTEQUAM pedem ulterius proferamus hoc loco non incongruè quæritur an rationes medicæ firmiores dari possint, quod esus adipis, Levitici septimo versiculo decimo tertio; item carnis suillæ, Levitici Capite decimo primo, versiculo septimo, ut & sanguinis animalium, Levitici Capite decimo septimo versiculo decimo Actor. Apostol. Capite decimo quinto versiculo vigesimo nono, nec non suffocati, Lev. decimo septimo versiculo decimo septimo Act. Capite decimo quinto versiculo decimo nono interdictus, sit insalubris ac noxius? Adipem quod attinet, ejusdem indoles noxia cognoscitur ex eo, quod vix in ventriculo dissolvatur & in alimentum cedat, sed ab acido in coagulum concreascit, plicis ventriculi, & intestinorum cellulis adhærescat, ubi ex diuturna mora corrumpitur & ructuum, sodæ, pathematum spasmodicorum ac dolorum occasionem præbet amplissimam. Notandum insimul hoc loco est, quod quo viscosiores & magis rancidæ, ac vetustiores sint pinguedines, eo etiam peioris sint indolis. Hanc ob rationem, præsertim ii, quorum primæ viæ acido copioso scatent, optime sibi consulunt, quando ab esu omnis generis pinguedine copiosiori penitus abstinent. Quare vero ca-

ro suilla ut noxia, majoris paulo difficultatis quæstio est, cum maximam habeat convenientiam cum sanguine humano & præterea gelatinam præbeat multo copiosiorē ipsa carne bovina, vel ovina aut alia. Respondemus autem hic cum distinctione aliqua & dicimus: carnem suillam minus nocere illis, qui eo pariori in quantitate utuntur & insuper corpus motu ac labore probe exercent, sed infirmioribus, iisque, qui corpus parum movent, non potest non magno esse nocumento propter glutinosum, quo abundat, succum, hinc promte illius frequentiori usu emunctoriorum tubuli obstruuntur, quibus obstructis, plurimæ impuritates in corpore accumulatur, quæ deinde variis cutis vitiis & scorbuticis morbis occasionem subministrant. Optime igitur faciunt ii, qui cachecticæ sunt constitutionis & vitam degunt otiosam, si talismodi carnis usum plane abdicant. Nunc videbimus etiam, quænam ratio medica dari possit de noxa esus sanguinis interdicti. Quicumque sanguinis examen instituit, haud difficile negotio comperiet, eum ex particulis maxime putrescibilibus constare. Elucescit id inter alia ex eo, quod sanguis e vena emissus statim coaguletur & rancorem contrahat. Quod si igitur ejusmodi sanguis in cibum sumitur, facile in ventriculo corrumpitur & chylum minus aptum suppeditat. Eadem est ratio suffocati: nam quandocunque animal suffocatione perit, sanguis in vasis partium coagulatur & putredinis celerioris causam præbet.

22. Hisce discussis pergimus ad potulentorum genera, hoc autem loco solummodo recensere lubet, quæ naturæ nostræ maxime congrua sunt & quorum in ipsa sacra scriptura fit mentio. Primum igitur de aqua ejusque usu agemus, quem ex ipsa sacra scriptura provoco ad *Num. Cap. 20.* ubi Israelitæ aquam postularunt a Deo per Moysen, quam etiam impetrarunt, cum Moyses petram virga sua percuteret. Huc spectat locus i. *Reg. XVII.* ubi potus Eliæ fuit aqua e torrente. it. *Ecclesiastic. Cap. 29. v. 25.* ubi legitur: *præcipua vitæ humanæ sunt aqua & panis*. Primæ vos homines & Patriarchas usque ad Noachi tempora aquæ potu usos fuisse, non obscure judicatur: nullibi enim ante tempora Noachi vini fit mentio, multoties vero aquæ. Ex hisce adductis satis manifestum videtur, quod jam inde ab antiquissimis temporibus usus aquæ fuerit co-

gnitus & maximi æstimatus. Est itaque aqua potus omnium animantium communissimus & ad vitam ac sanitatem tuendam accommodatissimus. Hoc enim aquenū elementum maxime omnium ad constituendam sanguinis ac humorum vitalium texturam necessarium est. Aqua ad digestionem & extractionem succorum ex alimentis aptissima, hæc minimos corporis meatus quam expeditissime subit, unde ad interiores partium poros nutriticium succum advehit, hæc quoque evehendis e corpore salino-sulphureis excrementitiis partibus quam maxime idonea est, unde optimo jure medicina universalis præservativa nuncupari posset: non enim facile datur hac ipsa nobilior a morbis præservativum. Qui solo aquæ potu utuntur, in multo robustiores & vivaciores sunt, quam qui aliis liquoribus aut cerevisiis delectantur. Aquæ potus dentes firmiores & candidiores & gingivas sanas conservat. Pulchra est observatio, quam *Miscell. Natur. Curiosor. Dec. II. A. III. obs. 15.* exhibent de sene centum & viginti annorum, cui adhuc integra dentitio in senectute obtigit, quique nullam aliam longævitatē causam proferre potuit, quam quod per omne vitæ tempus aquæ potum in deliciis habuerit. De Andrea Tiracquello Jcto, auctores referunt, quod solo aquæ potu contentus senex obierit. Inter causas longævitatē Ægyptiorum aquæ Niloticæ usus non infima fuit. Diversa vero aquarum ratione bonitatis est indoles, optimæ sunt pellucidæ, leves particulis heterogeneis calcareis non refertæ, quæ epotæ in hypochondriis fluctuationem non concitant, bene per urinam & transpirationem secedunt, & sic excretoria aperta conservant.

23. Post aquam merito quoque vini mentio est inicienda, cujus inventor & primus cultor Noachus celebratur ex *Genes. c. IX. v. 20.* unde patet, ejus usum itidem esse antiquissimum. *Syracides* ejus usum moderatum egregie commendat *Cap. 30. v. 30. tanquam vita est vinum hominibus, si moderate illud biberis.* Lætificans cor hominis virtus ipsi tribuitur *Psal. CIV. v. 15.* Denique in omni mœrore extollit ejus usum *Ecclesiast. Cap. 31. v. 32. exultationem cordis letitiamque animi efficit vinum potum tempestive, quod satis est, & ibidem v. 33. acerbam animam facit vinum multum potum irritatione & adversa causa.* Et *Cap. 40. v. 20. vinum & musica letitiam adferunt cordi.* conf. *Proverb. Salom. Cap. 30. v. 6. 7. date potum ine-*
Hoff. Opusc. varii argum.

briantem perituro & vinum amaris animo. Bibat, ut obliviscatur paupertatis sue & molestie sue non sit memor amplius. Sane vinum temperatum non nimis acidum, nec vaporosum inter remedia nobiliora totam naturam corroborantia facile principem obtinet locum, siquidem eximie circulum sanguinis promovet, ventriculo tonum ac robur largitur, corpus perspirabile reddit, & vires collapsas mirum in modum erigit. Hanc ob causam Paulus Timotheo suo infirmitate ventriculi laboranti vini usum præscribit in *Epist. I. ad Timoth. Cap. 5. v. 23.* Et postea subjungit: *aquas ne bibas, sed vini modicum bibe propter stomachum tuum & propter morbos tuos assid.* Quantas enim vires vinum generosum in anorexia seu appetitus prostratione & digestionis vitiis corrigendis possideat, vix satis depredicari potest, quotidiana id testante experientia. Potissimum autem vinum iis conducit, qui temperaturæ corporis sunt frigidioris ac humidioris, qui vitæ sedentariæ addicti sunt & corpus parum movent; calorem enim ipsis addit & spirituaſcentiam auget, unde etiam vinum bonæ notæ optimum affectus hypochondriaci & aliorum frigidorum morborum præservativum judicatur.

24. Quemadmodum vero sacra scriptura moderationem vini usum concedit & commendat: ita vicissim ejus abusum & immoderatam in corpus ingurgitationem summo pere reprehendit: hinc ebrietas multis in locis novi testamenti ceu vitiorum genitrix & seductrix a via salutis ab Apostolis severe inhibetur. Sapientissimus Salomo in *Proverb. Cap. 23. v. 29. & seqq.* genium vinosorum & ebrietatis studiosorum cum incommodis tam corporis, quam animi, quæ ex vini nimia ingurgitatione proveniunt, graphice depingit, dum ait: *cui vae? cui ebrietas? cui contentiones? cui loquacitas? cui vulnera impune? cui robur oculorum est? immorantibus apud vinum, quum rubescit; quum exhibet in poculo colorem suum, indefinenter movetur rectissime; tandem velut serpens mordebit & velut hæmorrhoids punget. Oculi tui respicient alienas mulieres & animus tuus eloquetur perversitates. Et eris, ut qui jacet in medio mari & ut, qui jacet in corona carthesii.* *Ecclesiastes Cap. 19. v. 1. de vino profert: quod intelligentes seducat. item Ecclesiast. Cap. 31. Ps. 28. in vino ne agas vinum: vinum nam multos perdidit: in eodem Cap. V. v. 34. auget animum ebrietas imprudentis ad offensionem:*
B mi-

10 DISSERT. II. De diætetica sacrae scripturae medicina.

minuit robur & acquirit vulnera.

25. Quantas noxas vina praesertim intemperata vel nimis dulcia, vel acida, vel spirituosiora vel sulphur vaporosum olentia, si immodice ingurgitentur, corpori humano inferant, etiam vulgus non ignorat. Dulcia enim vina plethoram augent & morbis ab ea pendentibus ansam praebent. Quae vero acidum foveant passionibus ex acido & viscido nutrimentum praebent & speciatim calculorum, hysterici ac hypochondriaci mali, podagrae generationem in dispositis corporibus promovent. Deinceps spirituosiora vina, dum mirifice sanguinem & humores exagitant, in juvenibus inprimis & cholericæ temperaturæ hominibus calorem adaugent & bilem acrem ingenerant, unde ad hæmorrhagias, febres ardentes, biliosas, spasmos, dolores maxime arthriticos, quandoque etiam convulsiones inducendas sunt aptissima. Ea denique vina, quæ sulphure vaporoso scaudent, nervis infesta sunt & capiti nocent, unde morbis capitis, quales sunt torpor, somnolentia, cephalalgia, paralysis & epilepsia viam sternunt. Huc satis apposite transferri possunt, quæ de vino differit VALLERIOLA Lib. 2. *Enarrationum Medicinalium, Enarrat. IV. vinum, varia in corpus incommoda pro sui natura, ætate, potentia & adsumptionis modo infert. Nam vinosa immodice sumpta caput tentant, nervos implent, fluxiones excitant, mentem labefaciunt, vires corporis universas dissolvunt; aquosa minus alunt, dulcia obstruunt, crassa nigraque difficile permeant diuque in ventre morantur: vetera vehementer calefaciunt: nova turbant & fluctuationem miram concitant. Acida lædunt ventrem nervisque sunt inimica.* Quicumque igitur sanitatis suæ curam habet, is immoderatum vini usum ceu corruptelam animi & corporis abhorreat, eoque modico nec excessiva qualitate donato utatur.

26. A potulentis ad motus diætam transibimus & considerabimus, quid commodi ex illius convenienti administratione in vitam & sanitatem humanam redundet. Sacra scriptura motus exercitium, quod fit per laborem, ceu somnum a morbis praeservativum agnoscit, uti videre est ex *Ecclesiasti. Cap. 31. v. 25.* verba ita se habent: *In omnibus operibus tuis esto promptus, & ulla infirmitas non obveniet tibi.* Hinc etiam Paulus, *II. Thessal. Cap. 3: 2. 10.* his, qui nolunt operari ciborum adsumptionem dissuadet his verbis: *quod si quis non velit operari, neque*

comedito. Magnificæ etiam præstantissimorum medicorum hinc inde prostant commendationes motus corporis, qui fit per labores & variis aliis modis. Ex hisce placet allegare HIPPOCRATIS Lib. de diætâ §. 1. ubi inquit: *homo edens sanus esse non potest, nisi etiam laboret. Contrarias enim inter se vires habent cibi & labores: verum inter se mixti conferunt ad sanitatem.* SANCTORIUS in medicina statica ait: *si homines tempore debito exercitio ac labore uterentur, carere possent medicis ac medicamentis.* Nihil tam idoneum est ad circulum sanguinis promovendum & humores a particulis impuris liberandos, quam motus externus musculorum; siquidem quandocunque musculi, qui genuina sunt motus instrumenta pro animæ imperio ope subtilis elastici sanguinis & nervei fluidi, vivida ac mobilissima expansione contrahuntur, accidit, ut strictura quadam agilissima non modo vasa praesertim venosa ad constrictionem sicque ad fluidi sanguinis progressivum motum expeditiorem animentur, sed & ipso hoc motu attritivo particulæ crassiores attenuentur & dividantur. Hoc vero modo intestina motio valde increscit, fluiditas, spiritusascentia & calor augetur, ut adeo transpiratio & superflui humidi evaporatio non sine magno corporis levamine perficiatur. Hanc ob causam homines laboribus dediti non modo robustioris & sanioris sunt corporis, sed & vitam longævam ut plurimum degunt. Nemo facile ex iis, qui diligenter laboribus incumbunt, calculi, podagrae, arthritidis, affectionis hypochondriacæ, cachexiæ, scorbuti, hydropis malum incurret: contra vero, qui desidiae se mancipant vel vitæ sedentariæ corpus addicunt, frequentissime his morbis patent ac exponuntur, praesertim si genio indulgent & laute vivunt. Hoc enim vivendi more sanguis in vasis accumulatur & ob segniores transpirationem impuritatem contrahit, spissitudinem lentam acquirit, in visceribus stagnationem subit, eorumque vasa minima opplet & obstruit, sicque dictorum malorum causam praebet fecundissimam. Optime itaque sibi consulunt, qui secundum præceptum Dei *Gen. 3. v. 9.* in sudore vultus cibis suis vescuntur.

27. Quemadmodum vero moderatio in cunctis rebus naturæ corporis nostri est amicissima: ita motus exercitium, praesertim id, quod per labores fit, non excessivum ac immoderatum, neque continuum, sed moderatum

tum cum alteram quiete interposita sit necesse est. Utrumque enim horum & motus parcitas, & ejusdem frequentia male afficit corpus illudque mirum quantum debilitat, dum priori modo excretiones retardantur, posteriori vero plus juxta adaugentur. Quare semper, ubi sanitatis scopus nobis propositus est, quies ac motus alternari & se invicem excipere debent. Et hæc inter eas rationes, quæ Deum permoverant, ut sex in hebdomade dies operibus faciendis destinaret, septimo vero a laboribus omnimodam quietem præciperet, non infima forte fuerit.

28. An somnum & vigiliam quod attinet, non minus hic, quam aliis in rebus ad vitam & sanitatem corporis necessariis prudentissimum regimen requiritur. Sacra scriptura usum somni labore defatigatis vires addere confirmat *Ecclesiast. cap. 5. v. 12.* ubi verba textus ita se habent: *dulcis est somnus illius, qui servit.* Hisce verbis peritissimus morum magister Syracides somnum iis præsertim, quorum vires per diem laboribus plurimis magna ex parte exhaustæ sunt, esse dulcem, id est, vires corporis reficientem adserit. Equidem somnus ad vitæ & sanitatis conservationem cuivis homini summe necessarius est, nullus enim homo absque ejus usu diu salvus ac incolumis esse potest. Hic corpori delassato vires collapsas restituit illudque ad consuetos labores subeundos aptius reddit, imo etiam, quod majorem adhuc admirationem meretur, ipsum animum vegetat eumque ad functiones suas perficiendas alacriorem ac promptiorem efficit.

29. Sicuti autem somnus moderatus damno eidem est & vires refarcit: ita immoderatus damno eidem est & vires potius imminuit, quippe non modo capitis gravitatem & torporem infert, sed & omnibus partibus corporis languorem inducit, sicque agilitatem menti & corpori subtrahit, quia influxum fluidi subtilissimi & mobilissimi in nervos & solidas partes, quæ motum efficiunt, nimium impedit, unde spiritusascensia & fluiditas sanguinis perit, humores spissescunt, incrassantur & ad chronicos morbos fit dispositio. Hinc ob tantam noxam, quam immoderatus somni usus corpori humano adfert, divinus Salomo in *Proverb. cap. 6. v. 4.* nimium somnum his verbis dissuadet: *non concedito somnum oculis tuis aut dormitationem palpebris tuis*; quod dictum de somno intemperato omnino intelligendum, cum moderatus nihil vitii habeat & homini ad vitam & sanitatem sit necessarius.

30. Quodsi igitur somnus moderatus ad vitam & sanitatem est accommodatissimus: facile inde consequitur, vigilias, quarum paucis adhuc attingenda consideratio est, immodicas & longius protractas ingentem noxam corpori nostro adferre. Ex nimis enim vigiliis coctio perturbatur, facies pallorem induit, corpus macie conficitur, oculi fiunt concavi cum austero & tristi vultu. Pulcherrimus huc quadrans locus legitur *Ecclesiast. cap. 31. v. 1.* *divitiarum causa tabefaciunt carnes.* Ex hisce jam omnibus, quæ de somno ac vigilia paucis commentati sumus, sequens elicitur regula dietetica; nempe sanitati suæ illum optime consulere, qui omnem excessum ac defectum circa somnum evitat, eoque ipso, quantum ad vires resarciendas sufficit, moderate utitur.

31. Hisce ad finem perductis pauca saltem de diæta circa veneris usum annexere visum fuit. Uti vero venus legitima & moderata nulli culpæ est obnoxia, cum ipsius Dei providentissimum sit institutum, eum in finem, ut genus humanum nova subinde generatione conservaretur & hominum numerus multiplicaretur: ita eadem præpostere & immoderate exercita plurimorum malorum, imo mortis maturioris causa esse potest, quod ex sacra scriptura luculenter satis demonstrabimus. Cum Salomo in suis *Proverb. Cap. 8.* veris coloribus ingenium meretricis impudentissimæ depinxisset, sapientiæ cultori commercium cum ejusmodi obscæna adulteria v. 25. severe interdicit eam ob causam, *quia nempe, ut v. 27. verba se habent, via ad sepulchri sunt via ad domum ejus descendentes ad penetralia mortis.* Præterquam enim, quod ejusmodi facinus sit abominabile coram Deo & poenam mortis æternæ mereatur, nihil etiam magis sanitati corporis insensum est; vires enim destruit & sanguinem spiritusascensia orbat veneris usus immodicus, & subtracto sic sero roscido spirituoso, quo semen constat, quod ad robur partium accedere debebat, necesse est, ut vires labefactentur & suo robore priventur membra. Majora vero adhuc mala sunt, quæ ex impuro concubitu corpori accidunt, quod *Ecclesiast. Cap. 19. v. 2.* satis evidenter docetur, ubi hæc verba leguntur: *qui agglutinatur scortis, est audax, tineæ & vermes hereditario jure possidebunt illum & arefiet traductus in exemplum infamiæ maxime.* Hoc loco luis venereæ naturæ ac indoles non obscure exprimitur, hæc enim in summa humorum præsertim lymphæ pu-

tredine & corporis defœdatione ac contahescentia consistit. conf. *Eccles. Cap. 32. v. 21. 22.* Nolumus hac in re esse prolixiores. Qui sanitatis causam habet, is monito *Syracidis florem ætatis suæ conservabit sanum, nec robur suum meretricibus dabit.*

32 Restat adhuc magni momenti diætetica regula exponenda, quam *Ecclesiasticus Cap. 38.* nobis tradidit, ubi *v. 30. & 31.* ita dicit: *fili, dum vivis, periculum fac animi tui ac vide quid sit malum, ac ne des illi. Non enim omnia omnibus conferunt.* His verbis divinus ille scriptor vult, ut probe nostrum corpus exploremus, quid ipsi in individuo damno vel nocumento sit, a quibus rebus male vel bene se habeat, multum enim differre corpora a corporibus & his sæpe nocere, quæ aliis prosint ac vicissim. Equidem, auctore *Celso* & ipsa experientia teste, sanis omnia sunt sana; sed cum naturarum maxima sit diversitas & unum corpus præ altero robore excellat, hinc alimenterum salubritas non in genere more vulgi, sed secundum vires & naturam corporum in specie æstimanda est. Quicumque sanissimum corpus habent, illi non facile ab ulla re offendentur & cibum copiosorem eumque etiam intemperatiorem ferre possunt, eorum enim ventriculus sufficienti robore ad illum subigendum instructus est, & sanguinis motu vivido omnia supervacanea debite excernuntur. Ast qui imbecillius habent corpus a copiosioribus æque ac intemperatioribus alimentis lædantur necesse est, quoniam eorum ventriculus ad digestionem & intimam adsumptorum resolutionem impar est, nec sanguinis motus adeo vividus existit, ut superflua debito modo expellere possit.

33 Hoc itaque verissimum est assertum, neque alimenta, neque medicamenta per se & absolute salubria ac noxia vocari posse, neque secundum suam insitam virtutem certum effectum semper exserere, sed prout corpus ratione roboris solidorum & viarum ac humorum conditione dispositum inveniunt, tum demum proficuum aut perniciosum effectum edere. Hoc cum ita se habeat, optime sibi consulit iste, cui vita & sanitas curæ cordique est, si corporis sui naturam & peculiarem dispositionem accuratissime inquirat & insuper solerter observet, quænam naturæ suæ amica, quænam inimica sint. Hoc enim pacto, si ad usum seligit, quæ prodesse sæpius observavit, & reji-

cit quæ nocere & vim naturæ suæ inferre animadvertit, optima & constanti sanitate perfrui poterit. Profecto si cauta victus ratione uterentur homines & usu probe explorarent, a quo potu vel cibo se juvari lædive sentirent, in paucissimis vel plane non medicorum opera egerent, quoad forent.

34 Coronidis loco non possumus non omnibus & singulis, quibus sanitas vitæque longævitas curæ cordique est, sinceram pietatem seu irrefragabile diæteticæ hujus nostræ fulcrum etiam atque etiam commendare. Profecto theologia, quatenus in praxi consistit, nec in nudis tantum speculationibus acquiescit, optimo jure corporis medicina nuncupari potest: adeoque non sine causa etiam naturali in sacro codice probis ac in timore Dei ambulantes vitæ longævitas est promissa; improbis autem & involuptatum cœno se volutantibus vitæ brevitas in pœnæ locum indicta. Sic divinus Salomo de præceptis sapientiæ dicit: *Proverb. Cap. 3. v. 2. longitadinem dierum annosamque vitam cum pace adjicient tibi.* Idem *Cap. 9. v. 27.* ita fatur: *reverentia Jehovæ adjicit dies, anni vero improborum decurtantur.* Conf. *Proverb. Cap. 3. v. 16. item Cap. 4. v. 22. Cap. 9. v. 10. 11.* Pariter *Ecclesiasticus Cap. 1. & 2.* hæc verba habet: *reverentia Domini delectatura est cor & inditura lætitiæ gaudiumque & longævitatē.* Divus Paulus in *Epistola priori ad Timotheum*: *pietas*, inquit, *ad omnia utilior est, ut quæ promissionem habeat vitæ præsentis ac futuræ.* Nam quandocunque homo terminum voluptatis suæ Deum constituit omnes actiones suas ita moderatur, ut mentem sanam conservet in corpore sano & hac ratione participes reddatur profectionum hujus & futuræ vitæ. Qui vere pietati se totum consecravisset ac per preces ac fidem magnum illud Spiritus Sancti donum acquisivit, animo est tranquillo & omnium commotionum ab objectis externis vacuo lætatur in Domino omni tempore, nec ulla re acerba contristatur, omnis generis maledicta, contumelias & injurias patienter tolerat, laboribus suis solerter incumbit: cibo, potu, somno aliisque rebus ad vitam necessariis utitur in conservationem corporis, nec curam habet carnis suæ ad concupiscentiam. Et hac methodo ingenuus pietatis cultor fructum vitæ longæ ac incolumis optime consequitur.

35 Si experientiam consulimus, plurima pos-

possunt allegari exempla, quod theologi & pii viri, ad senectutem grandævam pervenerint vel sola mentis tranquilla constitutione. Quicumque autem a recto pietatis tramite discedunt & sanctissima vitæ præcepta negligunt, impetu pravarum cupiditatum abrepti, nulla in re facile moderationem admittunt, variis affectuum fluctibus agitantur & rebus sic dictis non naturalibus, quarum rectus usus vitæ ac sanitati amicissimus est, nefarie & contra sanam rationem abutuntur, quippe pax & tranquillitas mentis non est apud improbos; ingluviei dediti sunt, potationes sæpius in feram usque noctem protrahunt, somnolentiæ indulgent & Baccho ac Veneri tantum non assiduo litant. Et isto vivendi more insanum hocce hominum genus complures morbosas sibi accersit afflictiones & vitæ filum quod naturæ ordine ac cursu longius potuisset producere, temere ac in optimo sæpe ætatis flore abrumpit. Quicumque igitur sanam ac longam vitam magni æstimat, is totus eo annitatur oportet, ut in possessionem divinæ gratiæ perveniat, qua duce & cooperatrice a viis salutis æque terrenæ ac cœlestis nunquam sane aberrabimus.

DISSERTATIO II.

D E

DIÆTÆ VITIO MULTORUM MORBORUM CAUSA.

§. I.

MOrbos partim ex diætâ, partim ex spiritu, quem attrahentes vivimus fieri, præclare admodum Hippocrates *Lib. de nat. hum.* §. 18. edisserit. Etenim cuncta animantium corpora, ut vivant, nutrantur atque persistent, continuo opus habent triplici nutrimento, quorum primum est aer, alterum cibus, tertium potus. Sicut enim tria hæc elementa fluidum, solidum & humidum ad constitutionem omnium corporum, quæ in rerum natura consistunt, invicem mixta contribuunt: ita etiam, ut corpus humanum conservetur, nutriatur & vitales motus continuet, tenuissimo fluido, quod secundum Hippocratem movet & impetum facit, deinde solido, quod structuram & firmitatem corpori adfert, tum humido, quod nutritionem præstat & perpetua in circulum abeunte progressionem, omnem corruptionem avertit, opus habet. Qua de

causa nullus homo sine aere, sine cibo & sine potu vitam diu conservare, vel sano ac integro corpore esse potest. Quum vero aer, neque minus esculenta & potulenta, tum ratione facultatum & virtutis, mirum inter se diffideant: hinc omnino medicum & naturæ consultum oportet scire, quænam ex hisce tam ratione copiarum quam ratione temperaturæ, corpori nostro congrua vel incongrua aut aliena sint, ne noceant vel detrimentum quoddam atque exitium adferant.

2 Quemadmodum vero magnum illud catholicum longe tenuissimum movens, aer, quando intemperie delinquit, vel alienis inquinamentis contaminatus est, celeriter ac promptissime nocet, & cum plures simul invadat, acutas & populariter grassantes ægitudines invehit: ita cibus ac potus, quoniam permanentem ac diutius inhærescentem corpori materiam suppeditat, gignendis chronicis morbis maxime pabulum subministrat. Igitur ad rem pertinet, horum proprietates & vitia nosse exactius.

3 Equidem sanis omnia sunt sana, atque etiam nonnullos homines alimenta & copiosa & intemperata, sine ulla sanitatis offensa, ferre posse animadvertimus; sed tamen, cum naturæ mirum inter se differant & unum corpus altero sit imbecillius: hinc utique alimentorum salubritas & insalubritas non in genere, ut indocti putant, sed secundum vires & naturam corporum æstimanda est. Quibus enim sanum & robustum corpus est, illi nec a copia, nec ab intemperie alimentorum facile offenduntur, eo quod vigore motuum & nimium facile vincatur ac subigatur & supervacaneum debite excernatur: quod vero minus obtinet in infirmioribus, ubi & nimium & intemperatum subsistit & morbum facit. In medicina enim illud perpetuo servandum, & animo diligenter imprimendum est, quod nec medicamenta nec alimenta in se & sua natura proficua vel perniciofa censerī debeant, neque secundum suam activitatem, certum effectum semper habeant, sed demum bonam vel pravam operationem exserant, prout corpus ratione roboris solidorum, ac viarum & humorum conditione dispositum inveniant. Quo magis magnum illud paradoxon, homines quoad individua raro, inter tot occurrentes morbosas causas, ægrotare, facilissima ratione solvi poterit, cum non una causa, sed plures simul & naturales & non naturales ad morbum, velut effectum, concurrere.

rere debeant. Nostrum itaque jam erit, hæc paulo subtilius agitare & exponere, quomodo nempe & in quibus subjectis & quos morbos alimenta tam esculenta, quam potulenta invêhere ac producere possint.

4 Quemadmodum vero rectum est regula obliqui, ita ad sanitatem & integritatem corporis nostri, tanquam regulam cibi & potionis insalubritas æstimanda erat. Vigor videlicet omnium corporis nostri, tanquam regulam cibi & potionis insalubritas æstimanda erat. Vigor videlicet omnium corporis nostri actionum & sanitas in eo merito poni debet, ut primo alimenta adsumpta in ventriculo ac intestinis probe digerantur & dissolvantur, atque utile ab inutili separetur, hoc vero excernatur; deinde ut utilis succus ad sanguinem delatus, probeque mixtus cum eo, libero ac moderato solidorum motu per omnes corporis meatus ac canales propellatur, & per diversa emunctoria alienum & supervacaneum excernatur, quo fit, ut non modo corpus bene nutriatur, sed & vigor omnibus actionibus accedat.

5 Quapropter primo ea insalubria nobis dicuntur alimenta quæ ventriculi & intestinorum virtutem ac motum peristalticum, quo alimentorum resolutio & superfluum egestio celebratur, labefactant vel destruunt. Deinde alimenta minus salubria ea censenda esse arbitramur, quæ sanguinis liberum per omnes meatus progressum ac transitum præpediunt & inutilium atque supervacaneorum excretionem sufflaminant, hinc enim plethora, cruditates, obstructions, impuritates plurimorum morborum procreatrices resultant. Primum itaque quod attinet ad ciborum quantitatem, eam utique & naturæ inimicam esse & morbum facile præferre adserimus. Præclare enim non minus, quam vere Hippocrates *Sect. 2. aph. 4.* prodidit: *neque satietas neque aliud quidquam bonum est, quod naturæ modum excedit.* Et *aph. 17. Sect. 2.* clarius id exprimit, cum ait: *ubi cibus præter naturam copiosior ingetus fuerit, morbum facit.* Et optime Celsus *Lib. 1. Cap. 2. p. 25.* ubi ad cibum ventum est, *nunquam utilis est nimia satietas.* Recte itaque ciborum exsuperantia & nimia voracitas plurimorum morborum causa habetur: & pulchre Ferrius in *Patholog. Lib. 1. Cap. 15. pag. 210.* perniciosam admodum sentinam, abdomen insaturabile appellat, quia omnium tum corporis, tum animæ vitiorum fons atque origo est, ut non minus acute, quam facete in-

temperantia nutrix medicorum nominetur.

6 Neque vero tantum nimia ciborum copia sanitati officit, verum etiam, si quando nimia aviditate ingeritur. Laborant vero ejusmodi edendi intemperantia maxime pueri, adolescentes & juvenes, qui adhuc nutritione opus habent; ex temperamentis, qui complexionis sanguineæ vel cholericæ sunt, majori cum cupiditate cibos adsumunt; quam qui segnioris & phlegmaticæ indolis sunt. Qui ex morbo convalescerunt, ordinario magna edendi cupiditate feruntur & nimis propere stomachum ciborum mole obruunt. Simili intemperantiæ vitio laborant quoque ii, qui diutius inedia vel fame pressi fuerunt, siquidem, ubi ad cibos accedunt, eos in magna copia & ingenti aviditate, non parvo ipsorum damno, ingurgitant. Non minus noxia ad edendum appetentia subinde, qui chronicis morbis detinentur ferri solent. Ita ex hypochondriacis pathematibus addicti, febre quartana vexati quoque, melancholici, phthisici plerumque edaciores sunt. Idem vitium quoque infantes, qui veribus laborant vel convulsivis insultibus fatigantur, corripit. Tali vero casu perquam necessaria & utilis in praxi est observatio, quod hujus generis morbi, quibus voracitas adjuncta est, difficillime medicina expugnentur, quia natura perpetuo novo onere alimentorum premitur, ut eo minus contra vim & causam morbi insurgere eamque subigere possit. Tacemus, quod nova semper cruditas proveniens, novum semper pabulum morbo subministret. Multum vero ad edendi intemperiem & voracitatem sola adsuetudo contribuit, unde, qui tribus vel quatuor vicibus die cibum sumere consueverunt, ii hora instante, vehementer esuriunt.

7 Plura vero & gravia damna sunt, quæ ex nimio cibo & edendi aviditate corpori accedunt. Nam ubi cibi non bene masticatione comminuti & cum saliva permixti, descendunt in ventriculum, non sufficienter dissolvuntur, unde crudus, nec satis digestus & attenuatus ad intestina fertur chylus, hinc ulteriori ibi fermentationi resistens, flatibus materiam præbet, unde borborygmi, abdominis inflationes & tensiones variaque tormenta consequuntur.

8 In imbecillioribus, & qui non multo tempore a morbo sanitatem receperunt copiose, & cum nimia cupiditate ingestus cibus in ventriculo semidigestus hæret, quem flatu implet, distendit, maximasque angustias

stias & conatum ad vomendum efficit. Idem de puerperis sentiendum est, in quibus nimia cruditas adeo ventriculi robur peristalticum enervat, ut ponderis instar, cum misero aspectu faciei, premat & noctes insomnes faciat. Solet quoque multo crebrius in iis, qui modo e morbis & febribus convalescerunt, cibus male concoctus & crudus, lentore suo mucido, plicis & tunicis duodeni firmitus adhærescere & febris lentæ, stomachalis, cardialgiæ, icteri, flatuum, ructuum materiam & causam suggerere. Fœminæ tenerrimæ & sensibilibus constitutionis gravidæ, vel quæ hysterice pathematis patent, quando cibum copiose vel nimis avide devorant, multas inde molestias, anxietate liunt ac patiuntur.

9. Nocet vero quam maxime avidissime exceptus cibus, qui enormes sanguinis profusiones passus sunt; ibi enim ventriculus, tono & robore destitutus, alimenta nec bene digerere, nec apte propellere potest, quare & cardialgiæ, angustia, anxietates, vertigines, dolores capitis & lenti calores subsequi solent. Vel si crudi succi nimium ad sanguinem & vasa feruntur, ob robur naturæ deperditum hinc inde fiunt stagnationes, decubitus, viscerum infarctus, inferiorum partium tumores & via ad cachexiam & morbos chronicos panditur. Periculosissime vero in copia & cum ardore devoratus cibus nocet iis, qui in castris fame, assidua vigilia & nimio labore naturæ & ventriculi robur deperdiderunt; unde non potest non corrupta alimentorum massa in infirmo corpore & humoribus in putredinem pronis, graves malignas febres sic dictas Hungaricas contagiosas progignere, quod sæpissime contingit, ubi milites ex castris in hibernis ad plenum victum accedunt.

10. Præterea tenerrimæ constitutionis infantibus copiosior lactis vel alimentorum ingestio admodum infensa est, utpote quæ nimium ventriculi tunicas distendendo, æstuationes, cardialgias, angustias & anxietates provocat, a quibus malis egregie liberantur, quando ob sensibilitatem superfluum vomitu rejiciunt, quod sanitati infantum maxime proficit. Ubi vero natura languidior ac segnior est, lac coagulatum & crudum crustam villösam glutinosam suo lentore obstruit, glandulasque mesenterii tumidas reddit, unde atrophix, cachexiæ, & ingentis tensionis in abdomine fit origo. Nihil vero valetudinem in infantibus æque ac in adultiori-

bus magis turbare solet, quam si alvo adstricta vel segnius procedente, nimia lactis vel aliorum ciborum copia accipitur. Difficilius enim, ob vacillantem motum peristalticum, progreditur, sed in tenuibus subsistens, accessu aliorum humorum ex sanguine, corrumpitur & exæstuationibus febrilibus, ventriculi inflationibus, ructibus, in tenella vero ætate convulsionibus occasionem suppeditat. Nam quo liberior & minus obstructa est alvus, minus cibus ingestus incommodo est; sicut etiam contra, alvo diutius adstricta, omnis nimia satietas valde periculosa est. Novimus aliquot exempla, ubi prægnantes, per alvum nihil reddentes, cibo paulo largius usæ, aliquoties iteratum abortum passæ fuerunt. Neque alia ratione, nisi deinto cibo & facta alvo laxiore fœtum retinuerunt.

11. Plus vero periculi illud habet, quando cibi, etiam optime nutrientes & carniū alimentosa jacula, cum vitello ovorum mixta, in continuis & acutis febribus, & maxime circa excretionem criticas, paulo largius exhibentur. Et si quispiam in vitæ discrimen ægrum tali casu cibus conjicere potest, certe est alimentosus, eo quod cum naturæ sit oneri, eam in salutaribus excretionibus pessime turbet. Nocet vero quam maxime in acutis & malignis carniū esus, quandoquidem hæc facile putrescunt, & sic vim morbi, cujus natura in putredine residet, augent. Neque etiam sine ratione puerperis, quæ in primis humoribus impuris scætant, carnosa diætæ interdicitur. Et spectat huc Hippocratis aphorismus 10. Sect. 2. *corpora impura, quo magis nutriveris, eo magis læseris*. Victus quoque lautus & plenus inimicus maxime est febribus, & ex tertiana simplici quam facile duplicem facit. Rectissime enim Hippocrates Sect. 7. aph. 65. *Si quis febricitanti cibum dederit, quem sano exhibet, valenti robur, ægrotanti morbus fit*.

12. In genere vero id observationem meretur, quod omnes valetudinarii & infirmi, item senes, facile a copia alimentorum, præsertim si pravi succi fuerint & promte in corruptionem abeant, lædantur. Siquidem hæc ipsa non modo placidum somnum impedit, sed & gravitatem corporis & capitis lassitudinem, catarrhum & dolorem in capite accersit. Neque enim ulla causa, inquit, Sanctorius, Sect. 4. aph. 40. *somnum magis interturbat, quam ciborum corruptela; id efficit*.

fecit sympathia, quæ est inter stomachum & cerebrum. Non parum itaque refert scire, quinam homines imbecilli, quinam firmi & robusti sint. Qua de re optimam cautelam nobis reliquit Celsus Lib. 2. Cap. 18. *imbecilli homines rebus infirmissimis opus habent, mediocriter firmos media materia optime sustinet & robustis apta validissima est.*

13 Verum enimvero non tantum cibus paulo copiosior & majori aviditate, quam par est, sumtus, ventriculo & primis viis molestus varia procreat mala, sed & cibus optime nutriens & probe temperatus, qui apertissimam chyli & sanguinis materiam continet, ubi in copia sumitur, universum corpus præter naturam multis gravibus & longis morbis pabulum præbendo afficit. Dicimus non sine ratione optimum cibum, hoc est, qui optimum & laudabilem præbet sanguinem, ea mala procreare. Jam vero quænam ex omni alimentorum classe optimum nutrimentum & laudabilem sanguinem generent, intuebimur. Inter hæc vero primum merito locum obtinent carnes juniorum animalium, caro vitulina, bovina, agnina. Omnes enim hæc carnes coctione succum gelatinosum reddunt, qui proxima sanguinis est materia. Quid enim aliud optime temperatus sanguis est, quam gelatina occluso & continuo calore rubedine tincta? quid aliud est is succus, qui solidas universi corporis nostri partes nutrit, quam gelatina, in quam etiam animalium partes, vel durissimæ, ossa, & cornua longiori demum coctione resolvuntur & manet hoc loco id verum, in quod quid resolvitur, ex eo etiam constat. Secundum locum inter alimenta, quæ bonum suggerent sanguinem & optime nutriunt, frumenta & panificia sibi vindicant. Est enim ea natura ac indoles omnium seminum, ut temperie gaudeant, dum ex partibus terreis, subtilioribus, mucidis & oleoso-sulphureis probe mixta sunt, unde cum aqueo liquore trita & cocta ac emulsa albidum instar lactis liquorem constituunt. Quid vero aliud est chylus, quam lac, quo nihil ad alendum est præstantius. Ex quibus intelligi potest, plus alimenti esse in pane, quam in ullo alio, quare etiam solo pane & aqua vivere & sanus homo esse potest. Panis enim, qui ex seminibus tritici, siliginis vel hordei conficitur, cum aqua in emulsionem sive optime temperatum chylum faceffit. Denique & ipsum lac animalium optime nutrit, corporaque robusta reddit,

quemadmodum videmus in quibusdam firmis Helvetiæ populis, qui solo lacte vescuntur. Huic postea illa, quæ ex lacte parantur, ut butyrum & caseus succedunt, quæ cum pane mixta robur membræ adferunt; ejusdem quoque generis sunt ova volucrum sorbilia fluida, quæ ex optima alibili materia animalium constant. Imbecillius vero nutrimentum pisces omnis generis, & ex vegetabilibus olera, radices, bulbi & herbæ continent.

14 Equidem hæc omnia probe digesta & subacta in ventriculo sanguinem bonum & laudabilem ingenerant. Attamen si is abundantior, ex nimis largo & lauto victu, redditus fuerit, quantum noceat, exprimere vix possumus. Nam ejus copia fibras motrices cordis & vasorum admodum distendit eorumque robur, tonum ac systolen debilitat atque infringit, quominus expedite & prompte liquoris vitalis per universi corporis tubulos fiat cursus, quo imminuto inutilium partium secretio & excretio tardior quoque fiat necesse est. Quapropter decrescente solidorum pulsu ac impulsu, corporis nativus calor, secundum veterum sententiam, quasi suffocatur, quemadmodum flamma lucernæ a multo oleo opprimitur. Decrescente quoque impulsu sanguinis & humorum conveniens fluiditas ac tenuitas decrescit, hinc spissiores ac crassiores facti, meatus viscerum obstruunt, viasque comprimunt, adde, emunctoriorum tubulis clausis, impurum in sanguine remanet. Tum minore facto solidorum impulsu, sanguis in excrementitias partes, serum nempe falso-sulphureum minus per calorem resolvitur, sed potius ingens sanguinis & humorum in vasculoso genere fit accumulatio, qui status & habitus corporis nunquam tutus, sed suspectus & juxta aph. 3. Sect. 1. sine mora solvendus est. Pulchre admodum verissime hanc in rem Celsus Cap. 2. Lib. 2. scribit. *Si plenior aliquis & speciosior & coloratior factus est, suspecta habere bona sua debet, quæ quia neque in eodem habitu subsistere, neque ultra progredi possunt, fere retro quasi ruina quadam revolvuntur.*

15 Illud autem magis attinet scire, non æque & promiscue in omnibus tam facile bonum & laudabilem sanguinem redundare, sed hoc ipsum magis fieri in iis, qui habitu spongioso & laxiori præditi sunt, venas obtinent copiosas & angustas, temperamento sunt sanguinei, vitæ sunt otiosæ & ani-

mi tranquilli, vino & spirituosus liquoribus delectantur. Neque ignorare oportet, feminas semper alendo copiosiori sanguini plus esse idoneas, quam viros. Signa vero sunt repletionis ac nimiae sanguinis redundantiae, quando non modo habitus corporis turget, facies apparet colorata, sed & vasa, praesertim in partibus inferioribus, sanguine sunt distenta & inflata, & si quando motu corpus exercent, facile delassantur inque adscensu difficulter spirant. In quibusdam pruritus, praesertim in pedibus excitatur. Neque vero semper in plethoricis facies rubet, quod tantum in sanguineis evenit, sed macilentiores saepenumero faciem habent minus coloratam, vasa tamen valde sanguine distenta, quae ideo principale repletionis signum exhibent. Nil vero plus ad generationem superflui sanguinis facit, quam quies seu motuum consuetorum intermissio, praecleara enim sunt, quae hac de re Hippocrates *Lib. 1. de dieta §. 1.* perhibet: *homo edens sanus esse non potest, nisi etiam laboret, contrarias enim inter se vires habent cibi & labores, labores enim ea, quae insunt, consumere solent, cibi autem & potus ea, quae evacuata sunt, explent*, siquidem omnis motus & exercitatio corporis celeriores sanguinis per vasa efficit cursum & iter, unde fortior fit calor, quo magis illud, quod est gelatinosum in sanguine, in excrementitium serum dissolvitur. Etenim quam celeriter & vehementer auctus calor succos & pinguedinem corporis nostri consumere & obesos graciles reddere possit, febris continua documento esse potest.

16 Ex copia vero alimentorum sanguinis facta abundantia eos maxime fovet ac sustentat morbos, quos plethora proficisci in peculiari dissertatione *de ortu & causis morborum* exposuimus. Sunt vero ii morbi, qui ex plethora nascuntur, partim a spasmo & inaequali sanguinis circulo, partim ab atonia & a sanguinis stagnatione derivandi. In corporibus videlicet agilioris naturae juvenibus & temperamentis sanguineo-cholericis sanguinis copia subsistens in abdominis visceribus, ad quae portae vena pertingit, facit fortiores stricturas, quae illum cum impetu in pueris & adolescentibus ad caput, unde narium haemorrhagiae: in juvenibus pectus, unde haemoptyses & anxiae & difficiles respirationes: ad ventriculi regionem, anxietates & quandoque cruentae vomitiones, vel ad uterum, unde menstruae purgationes:

Hoff. Opusc. varii argum.

in adultioribus viris ad anum, unde haemorrhoides: in senioribus ad renes, hinc mictiones cruentae proveniunt, pellunt. At si corpus propter male succedentes has salutares excretionem a supervacaneo sanguine non liberatur; tunc ipse decumbens, pro varietate locorum, molestissimas stagnationes, stases, dolores & inde subnascentes graves passiones concitat. Igitur in capite fiunt exinde intolerabiles cephalalgiae & hemicraniae, melancholiae, in ejus partibus exterioribus ophthalmiae, odontalgiae, dolores & tumores rheumatici, erysipelacei, otalgiae: in pectore, si serosioris constitutionis homines fuerint, tussis & asthmata humida, rheumaticae scapularum afflictiones, pleuritides spuriae, in sanguineis & cholericis pleuritides, peripneumoniae, oppressiones pectoris, cordis palpitationes, in regione ventriculi praecordiorum constrictiones, anxietates, flatulentiae, cardialgiae: in abdomine, colicae convulsivae, alvi adstrictiones & hujus generis plura.

17 In corporibus vero humidioribus, & quae naturae obtusioris & segnioris sunt, succorum & sanguinis redundantia, in aetate senili affectus soporosos, paralyses, hemiplegias parit; in aetate vero juvenili, ab anno vigesimo primo ad annum trigessimum quintum, praesertim in sanguineis & qui habitus corporis sunt spongiosi in pectore phthises, tabes, apostemata, abscessus, vomicas, exulcerationes, chronicas tussis, hecticas producit. At si copia sanguinis in abdominis visceribus stagnat eaque infarcit, multos graves & longos morbos progenerat, siquidem ex hepate obstructo, infarcto & indurato icterus flavus & niger, cachexiae, leucophlegmatiae, & hydropes profluunt. Ex liene simili modo se habente ingentes ejus tumores, atrophiae, vomitiones cruentae, & sanguinis nigri per alvum ejectiones, quas atrae bilis nomine antiquitas venditavit, suboriuntur. In utero si subsistit, nec purgatur bene copiosus sanguis, polyposas in vas majoribus efformat concretiones, quae ad frequentes abortiones aditum praeparant. Solent vero hujus generis prava accidentia facile contingere in iis, quibus solemnes & alias consuetae a natura factae salutares sanguinis excretionem subsistunt, cessant ac deficiunt: vel iis, qui sanguinis adusetas missiones per venarum sectiones, scarificationes maxime proficuas multo jam tempore intermiserunt, victum tamen & vivendi rationem

nem non mutarunt. Quocirca in periculoso admodum & ad morbos graves proclivi statu feminæ, quibus ordinarii menses deficiunt vel quinquagenariæ, quando plane quiescunt, versantur, atque viri, quibus olim fluentes hæmorrhoides non amplius feruntur, simili periculo expositi sunt.

18 Gravidæ, quia in statu plethorico atque etiam cacochymico consistunt, ex cessante sanguinis per uterum evacuatione pluribus, ut notum est, patent affectibus, qui nullam aliam habent originem, quam, quod nimis abundans in vasis sanguis, hinc inde varias congestiones & decubitus efficiat. Qui status tanto peior redditur, quanto plus gulæ & abdomini indulgent, corpus motu non exercent & alvo dura ac obstructa laborant: præsertim si corpus habitudinis fuerit laxæ & spongiosæ. Ex quibus omnibus intelligi potest, quantum corpori noceat cibus etiam optimus in copia adsumtus, quomodo ille plethoram, fecundissimam morborum matrem, procreet & qua ratione plethoricus status, lauto & copioso victu continuato, semper in deterius, non sine sanitatis & vitæ periculo, collabatur.

19 Plura itaque mala sunt, quæ ex ciborum & succorum abundantia in corpus humanum redundant: illud vero quam maxime adhuc debet considerari, quod status plethoricus omnibus ferme morbis addat perniciem, atque difficiliorem, nisi mature solvatur, efficiat curationem. Graves animi affectus in corporibus, quæ plurimum sanguinis alunt, non parum habent periculi, eo quod accumulatus & cum vehementia ad quædam loca propulsus, profundas stases vel quod pejus, vasorum rupturas de facili funestas producit; qua de causa etiam acre frigus plethoricis est inimicissimum. Dein attenta & diligenti constat observatione, plus sanguine copioso præditos malis epidemicis esse obnoxios, quam ullos alios, quare ad grassantes febres suscipiendas valde sunt idonei, eo, quod insensibilis transpiratio læsa, graviolem noxam eorum succis, ipsique digestionem primarum viarum adfricet.

20 Neque vero dumtaxat optimus & copiose sumtus cibus nocet, sed quam maxime is, qui temperie destituitur, qua mirifice per omnia natura gaudet, siquidem ad succum, qui nos generat, & qui nos nutrit, & partes corporis nostri constituit, nihil intemperati, nihil excessivi accedere debet, sed omnia, quæ eminenti facultate ac

intemperie donata sunt, e corpore, si in id admissa fuerint, debent excludi. Equidem corpori humano tametsi multa insint & amara & falsa & dulcia, attamen ubi temperamentum hæc inter se habuerint moderatum facultate, tum copia, & ubi maxime fuerint permixta, tunc sanus est homo: agrotat autem, dum horum quid minus aut amplius sit, aut separatur in corpore & non fuerit reliquis omnibus contemperatum, sicuti præclare, & scite loquitur Hippocrates Lib. de Nat. hum. §. 6. Quare etiam cibi ingesti nobis incommodi sunt, & intemperati nos lædunt, ut sunt nimis amari, salsi, acidi, quemadmodum graviter, idem auctor non minus ac vere Lib. de vet. Medic. §. 24. & 25. docet. Et, ut paucis rem explicemus: sicuti in genere omne excessivum, tam copia, quam qualitate: ita etiam alimentum corpori nostro est inimicum.

21 Si quis vero secundum tres morborum classes, quas in superioribus adduximus, alimenta dispescere velit, non multum errabit. Videntur enim mihi quædam, vel nimia tenuitate partium sulphurearum & calidarum excedere, alia vero salino, acri & acido exsuperanti elemento partes nervosas & fibras corporis plus justo adficere, alia porro nimis compacta, immobili & terrestri substantia humorum fluiditati & progressioni adversari. Quæ sunt generis primi, ad omnium febrium & caloris, qui præter naturam fit, generationem, multum facere videntur, ut sunt potus vinosi, spirituosæ aquæ sic dictæ vitæ, cibi nimium aromatibus, pipere, zingibere conditi. Alterius generis ea sunt, quæ fibrarum spasmos provocant, vel dissolutionem continui inferunt, ut sunt cibi nimis sale conditi, omniaque acida, acrida, allio ac cepis condita. Tercii generis sunt, quæ crassum generant sanguinem, minimosque canales ac meatus obstruunt, qualia sunt frumenta, legumina, ut fabæ, pisæ, lentes, grana milii, omnes marini pisces & cibi duri ac valde glutinosi. Denique solidorum relaxationem & robur deperdunt valde refrigerantia, crudis quæ succis abundant, ut sunt omnes fructus horæi, cucumeres, melones, mala persica, ficus, uvæ, cucurbitæ, omniaque dulcia & quæ facile fermentescunt: & hæc morbos ex imbecillitate toni & roboris provenientes eximie fovant atque sustentant.

22 Maxime vero omnium quoad alimentorum intemperiem respiciendum esse arbitror,

tror, primo ad ventriculi & intestinorum tonum & motum peristalticum, deinde ad sanguinis progressum & circulum, indeque dependentes salutiferas excretiones. Nam quicumque cibi vel poriones ventriculum ejusque tonum & intestinorum robur lædunt ac destruunt, & quicumque porro sanguinis liberum progressum atque inutilium rerum excretionem remorantur: ea non tantum intemperata, sed & noxia censenda esse arbitror. Quapropter in alimentorum salubritate & insalubritate cognoscenda, plus ad motum, quam ad materiam respiciendum esse existimaverim. Nam humorem circulo salvo & incolumi, & vigentibus excretionibus, nec quicquam intemperati facile nocet, quia secedit atque corpore expellitur.

23 Ex universa verò alimentorum classe nec ullum mihi videtur naturæ plus inimicum, & quod primarum viarum virtuti ac tono magis adversum sit, vitales motus ac excretiones magis turbando, quam excessivum acidum. Primo enim hoc ipsum in copia ingestum chyli elaborationem, quando particulas mucidas & oleosas præcipitat, impedit: deinde nihil tam promte coagulum sanguini & gelatinosis succis infert, quam acidum; quare ad obstructions viscerum atque humorum stagnationem multum omnino facit, eo, quod excessive acidum valde retardat excretiones, vasa ac poros angustando, fibrasque constringendo. Quin etiam nihil æque acrimoniam bilis, quæ secundum naturam alvum stimulat, obtundit ac intestinales tunicas constringit, ac acidum, quod cum partibus ciborum terrestrioribus mixtum, austeram indolem acquirit. Neque, quod ad calculi tam renalis & vesicæ, quam ejus, qui in cystide fellea & ductibus hepaticis reperitur, nec non ad tophorum inter articulos generationem aptius existat, quam acidum, reperio: quia ferme omnis concretionis tartareæ in corpore nostro causa est. Ulterius, quid partibus nervosis & membranosis ipso acido inimicius esse potest, quando tenerrimas earum fibras ad stricturas & crispaturas spasmodicas ac dolores disponit. Qui fonticulos in artubus gerunt, mox ab adsumto acido dolorem persentiunt. Nutrices, quæ acidis delectantur, lac habent, quod facile tormina in infantibus suscitatur.

24 Igitur acidorum abusus vel maxime ad morbos chronicos, ad spasmos, ad infarctus viscerum disponit & solennes sanguinis per-

menes aut hæmorrhoides, quæ saluti & præsidio corpori sunt, vacationes intercipit. Experiuntur id fere in dies feminæ, quæ nimium acetosis & acetariis delectari solent, ut etiam acetum quandoque sæpius maximo suo periculo hauriant, quando in graves spasticas passiones incidunt. Et plerumque feminæ, instituto morborum scrutinio, fateri coguntur, se prima adolescentia vel etiam postea nimium acidis cibis indulgisse. Simili ratione in viris hypochondriaca affectio ex nimis acida & crassa diæta atque intermisso motu corporis ac intempestiva animi fatigatione incunabula sua agnoscit & nihil æque hypochondriacos offendere, quam acidum, usus ac experientia, omni futile speculatione superior, docet. Novi quosdam, qui a continuato acidorum vinorum abusu hypochondriacum malum sibi contraxerunt, tunicis intestinorum ab acido excessivo adeo corrosis, ut continuæ alvi dejectiones cum torminibus & flatulentibus eos nunquam non fatigarent: igitur & acidum exsuperans hypochondriacam affectionem progignit; ejusque symptomata acerbiora reddit. Et notabile est, quod omnis generis etiam plane insipida alimenta in hypochondriacorum ventriculo acecant, tum, quod primarum viarum fermentalis succus acidissima celeri fermentatione non spirituosum, sed acidum reddit chylum, tum, quod ob alvi officium retardatum, ingestorum massa diuturna mora fortem acorem contrahat.

25 Solet vero quam maxime acidum, prima in regione diutius oberrans, capiti esse noxium. Qua de re cum egregius locus apud Martianum in Hippocratem pag. 382. exstet, placet ipsum inferere: *acidum in ventriculo existens vapores acres huc & illuc diffundit, quotidie observatur in iis, quibus acetum non est conveniens, quemadmodum etiam in illis, in quorum ventriculo cibi ace-
scunt. Nam communiter talibus caput dolet, propter cerebri membranas, quæ ab acetoso vapore punguntur, idque hujus humoris adeo proprium est, ut raro caput per consensum a ventriculo dolere invenias, quin acetosa in eo consistunt; & qui epilepticis motibus sunt subjecti, symptomatibus hisce corripuntur, cum acetosa in ventriculo peccant: ita enim vomitationes subsequentes palam faciunt. Et ego observavi, quamplurimos podagricos ab eadem causa a doloribus corripere consuevisse, liberatosque aut saltem mitigatos, ubi acetosa evomissent: taceo mulieres cum va-*

riis ut erit symptomatibus conflictatas, quæ a vomitu acetosorum e vestigio liberabantur.

26 Solet vero acidum magna in copia primis in viis generari, primo ex nimio usu acetariorum, dein ex potu liberaliori vinorum, quæ multum acidi tartarei principii secum ferunt, ut sunt Rhenana, Mosellana, Franconica & Thuringica. Tum quoque frequentior fructuum horæorum usus, ut prunorum, fragorum, ribium, berberum, persicorum, malorum, pirorum, uvarum cupiofissimum acidum, tam in primam regionem, quam in ipsum sanguinem invehit, siquidem hæc ipsa eminens acidum secum habent, quod maxime per fermentationem, quam in ventriculo subeunt, longe fit fortius. Id vero ructus, vomitus acidissimi, torsiones ventriculi & intestinorum, & albicantes fæces satis manifesto produnt. Accidit vero non raro a dulcibus & fructibus nimia copia ingestis, ex occurso bilis acris, præsertim cholericis, fermentatione adjuvante, tam corrosivam & causticam acredinem in ventriculo eique annexis intestinis generari, ut cholerica inde passio sive creberrima sursum & deorsum dejectio cum periculo funestæ ventriculi inflammationis resultet. Quoniam vero ab adiuncto acido tanta sæpius noxa observata fuit, & contra ab iis, quæ substantia alcalina illud plane invertunt atque extinguunt, præsentissimum auxilium secutum fuit: hinc plures medicorum nostris temporibus eo processerunt, ut ab acido exsuperante & variis vitiis inquinato, ferme omnium morborum causas deducere ac derivare annisi fuerint. Alii vero, cum animadverterent nonnullos hominum, præsertim cholericæ constitutionis & vina acida & cibos aceto conditos & fructus horæos refrigerantes & subacidos impune ferre posse, omne acidum plane insons & morbis inferendis minus idoneum nimis propere declararunt: ita semper, prohi dolor! in medicina ab uno extremo in alterum dilabimur. Nos vero in hisce dirimendis asserimus: omnino acidum & sua natura corpori nostro maxime esse infensum, dum fluidos humores facile coagulat, poros constringit, ut viscerum obstructions, excretionum retardationes & pessimæ impuritates inde proveniant. Multo magis vero hoc ad noxam inferendam idoneum est, si phlegmatici & melancholici, & qui corpus motu non exercent & spongiosæ carnis sunt, illud nimium assumant. Ubi vero motu sanguinis tam intestino, quam progressivo in-

tenfiori, copia partium sulphurearum & biliosarum in sanguine est, corpus quoque juvenile & motibus ac laboribus adæuetum: tum utique acidum non tam facile nocebit, ut potius ad refrenandum nimium calorem medicinam præbeat. Atque adeo nihil perpetuum est in medicina, quod non respectu individuorum & circumstantiarum sit discernendum.

27 Consideratis ac prævisis jam iis vitiis, quæ ex intempestivo acidorum usu in corpus nostrum redundant, nunc descendimus ad victum nimis durum, crassum, salum, quo non modo ex leguminibus panem grossiorem, fabas, pisas, lentes, milium & quodcumque valentissimum habet alimentum, sed & omnes carnes sale conditas, & induratas & infumatas, præsertim pisces marinos, comprehendimus. Duplici vero ratione is vitus peccare videtur, primo propter copiam salis, deinde propter compactam, duriorē, qua ejusmodi alimenta prædita sunt, substantiam. Equidem sal commune carniū & ciborum optimum est condimentum, quando eorum digestionem egregie adjuvat, neque minus moderato suo stimulo omnis generis excretiones promovet: attamen ubi nimia quantitate sumitur, corpori non potest non esse hostile, siquidem nullum sal sanguinis vel partium solidarum corporis nostri principia constitutiva ingreditur, sed potius omne adsumtum rursus emunctoria subire & per alvum, sudorem, urinam penitus & plane debet excerni: id quod si minus obtingit, sed remanens vitales succos & maxime lympham temperatam & dulcem collutulat; tunc & humorum vitium & fibrarum læsio consequitur. Qua de causa, qui nimium salitis vescuntur, neque ea per emunctoria aperta convenienter rejiciunt; in salsas defluxiones, rheumatismos, dolores artuum & cutis exulcerationes, pustulas, ulcera, scabiem, herpetem, lepram perquam facile incidunt.

28 Longe magis vero sal nocuum adfert corpori nostro, quando ejus copia cum cibis duris, crassi & viscidis succi, quos supra commemoravimus, ingeritur, utpote hi, generando crassum sanguinem & serum, viscerum obstructioni multum velificantur. Nam factio impeditiorē sanguinis & humorum per vasa cursu atque itinere, & obstructis excretoriis vasculis, multæ excrementitiæ sordes salino-sulphureæ impuræ in succis remanent, quibus successive & tota humorum massa inficitur, & solidorum textura læditur atque destrui-

destruitur. Et hac ratione fit origo pessimi istius, septentrionalibus maxime regionibus & maritimis locis proprii & endemii, mali scorbutici, cujus tanta est tyrannis, ut non tantum plures nationes adoriatur, sed ita corpus omnesque ejus partes destruat, ut vix una salva ac integra suo munere recte defungi possit. Fovetur autem quam maxime a victu ejusmodi duro, crasso, salino, cœlo denso & humido, præcipue si corpora motu ac exercitatione carent & insuper spongiosi fuerint habitus. Memoratu dignum est, quod in hoc malo sanguinis etiam color mutetur, ut pote qui plumbeus & viridis solet esse, si e vena dimittitur, quod teste Eualeno de scorbutico certum hujus morbi, etiam plebis judicio, solet esse indicium, & quod observatur in omnibus crassiori cibo utentibus & qui cum hoc morbo diutius sunt conflictati.

29 Multum quoque ad impuritatem sanguinis & humorum augendam facit creber usus carnis suillæ, tam recentis, quam sale conditæ. Etenim caro suilla, licet sapidissima, non facile tamen sine noxa adsumitur propter glutinosam ac viscidam, qua pollet, substantiam, qua facile nostræ carni adsimilatur & nimium nutrit ac poros occludit. Nam constanter, qui humanas carnes inscienter gustarunt, referunt, quod porcinas saporis fuisse putaverint, ut habet Fonseca de sanitate tuenda pag. 45. Solet quoque perspiratio, teste Sanctorio, ab esu carnis suillæ impeditior fieri & omnes, qui vel ulcus vel vulnus in parte quadam solida habent, hujus carnis noxam mox percipere possunt. Sicuti vero & caro suilla & omnis dura, crassa & salia diæta maxime nocet iis, qui vitæ sedentariæ sunt addicti, parum bibunt, frigido aeri corpus obijciunt: ita ejusmodi diæta iis, qui ipsi adsueta sunt ventriculum habent robustum & labore corpus valide exercent atque humidum congruum debita in quantitate sumunt, minus infensa est, ut potius corpora duriora ac robustiora reddat.

30 Quia vero ex cibo valde viscido, glutinoso ac duro ejusdem naturæ, nempe firmioris, sanguis generatur, hinc non duntaxat illos, qui ex obstructione emunctoriorum & impuritate proveniunt, morbos fovet, sed & ad graves & profundas inflammationes seu stases sanguinis, præsertim peripneumonias disponit, quibus hac de causa septentrionales populi & maritima loca incolentes & qui duro hoc victu & pane grossiori gaudent,

valde sunt obnoxii. Tandem etiam ad glutinosum sanguinem & qui obstructionibus & morbis ex impuritate favent, multum faciunt cibi farinacei ex farina similaginea, triticea, ovis, saccharo, butyro præparati. Ii tametsi palato grati atque accepti sint, nihilominus ad obstructiones & infarctus viscerum, & inde consequentes morbos multum contribuunt. Exstat hanc in rem egregius locus apud Simon Pauli in quadripartito botanico pag. 483. in quotidiana, inquit, victus ratione, qui assiduo similagineo pane vescuntur, nec corpus laboribus validoque opere aliquo exercent, parum sibi consulunt, nam cum palato morem gerunt, in varios morbos incurrunt, confestim enim illis jecur & lien obstruitur, nephriticisque doloribus corripuntur, propter simile lentorem & dulcedinem, quibus confusaneus panis magis conducit, ob fursuris enim miscellam minus obstruit, faciliusque per alvum scedit atque hæc est una ex præcipuis causis, cur ditiores & magnates assiduis calculi & podagræ doloribus vivant obnoxii. Ceterum memorandum hoc loco est, quod panis calidus ex furno extractus & devoratus multum detrimunt adferat, & novimus quasdam feminas exinde flatulentas ventriculi & abdominis tensiones, ut hypochondriacas & hystericas crederes, fuisse consecutas. Et Simon Pauli l. c. meminit feminæ, quæ vix horæ spatio post lipothymia corripiebatur, dyspnœa & tandem intra octiduum orthopnœa fuit jugulata.

31 Inter hæc quæstio non minimi momenti occurrit: num dulcia, mellita, saccharata morbosa & corpori nostro inimica sint? nostra hac de re sic fert sententia, quod sicuti sanis omnia sunt sana, sic quando ipsos dulcia non tam facile lædunt, sed per congrua evacuatoria rursus e corpore expelluntur, insontia sint. Aliter vero sese res habet cum corporibus infirmis, & quorum ventriculus ac digestio vitio laborat & primæ sic dictæ viæ viscidis ac tenacibus humoribus repletæ sunt, ut ingens ibi fermentatio & acescentia reperiatur: ubi hæc ipsa nunquam utilia, sed potius summe noxia observantur. In infantibus, quæ dulcia sunt, generationi & nutritioni verminum admodum favent, & quod serum vitiosum reddant, vel ex eo intelligi potest, quod a nimio dulcium usu dentes facile nigredinem & cariem contrahant. Præterea experientia clarum est, quod dulcia jejuno sumpta ventriculo, appetitum destruant & vim digestionis infringant. manifeste

festo documento succum illum fermentalem & menstrualementem, qui alimentorum texturam intime solvit, horum efficacia multum debilitari. Et quod ventriculi ac intestinorum tonum dulcia solvere ac relaxare soleant, ex eo cognoscitur, quod non tantum a nimio eclegmatum & pectoralium dulcium usu sensus gravitatis in ventriculi regione enascatur, sed & alvus nimis laxa ac fluida reddatur. Quapropter experientia non minus quam ratione suffultus Celsus *Lib. 2. Cap. 25. & 26.* prædulcia, mel quoque, mulsum & mustum inter ea quæ infant, & quæ stomacho aliena sunt, refert. Deinde cum omnia dulcia facile, ut notum est, in fermentationem abeant, hinc supra modum nocere solent iis, in quorum ventriculo acris & in acorem degenerans alimentorum fermentatio viget, ut fit in hypochondriacis & qui sunt alvi adstrictoris, ubi omnia fere ingesta in liquamen acidum & corrosivum convertuntur. Quare illis dulcia nunquam convenire experientia in dies comperimus, dum acidum semper ab horum usu primis viis augetur, interdum non sine cholericæ passionis metu atque periculo. Tum dulcium etiam excessus visceribus non adeo amicus est, unde Celsus *Lib. 4. Cap. 14.* omnia dulcia inimica lineosis pronuntiat. Et Oribasius *Lib. 4. Cap. 23.* auctor est: omnia dulcia lienem & jecur obstruere & scirrhum producere. Notum enim ex anatomicis est, quod hæc duo viscera ex innumeris capillaribus vasculis sint constructa, quæ facile a sanguine & sero tenaci & viscido coarctari & obstrui possunt. Jam vero dulcia, ubi in prima regione non mutata, salva sua textura ac substantia sanguinem subeunt, propter lentorem, quo constant, non possunt aliter, quin humores glutinosos & viscidos reddant. Quo magis corpora spongiosa, phlegmatica, atque motu & exercitatione vacua a dulcibus læduntur & ad viscerum infarctus, obstructions & chronicos morbos præparantur. Postremo illud unicum adhuc est memorandum, quod in morbis pectoralibus ex abusu dulcium & eclegmatum, præsertim in phlegmaticis, ventriculi non minus, quam reliquorum viscerum tonus ita lædi possint, ut ex tussi humida & asthmate diuturno cachexia cum pedum tumore œdematoso, imo ipse hydrops possit produci.

32 JAM tractationis quoque ordo postulat, ut de lacticiis nostram exponamus sententiam, quatenus nempe ad morbos generan-

dos concurrant. Lac alimentorum esse optimum & naturæ amicissimum vel ex eo colligi poterit, quod chylus, qui proxima materia sanguinis est, lac sit & lacte omnis generis animalia juniora, etiam ipsi infantes, quam optime nutriantur, & membra teneriora non modo inde nutrimentum, sed & primum robur accipiant. Solo quoque lactis usu corpora firma ac robusta reddi & conservari posse, non nulli Helvetiæ populi id suo exemplo nos docent, qui solo lacte vescuntur. At vero cum omnium corporum sive naturarum eadem sit ratio, neque ventriculus eodem modo constitutus, lac vero facile in coagulum caseosum abire queat: hinc non omnibus etiam æque utile est. Sicuti vero lac iis, qui nimis fluidos & salios habent humores, macilenti sunt, & vasa aperta habent, motu gaudent & febre carent, amicissimum est: ita omnibus repletis, pituitosis, & viscerum obstructioni obnoxiiis, & qui ventriculi sunt imbecillioris & copiosum acidum in eo foveant, inimicissimum est. Et quoniam ex ventriculi vitio, ejusque ab acidis & corruptis humoribus infarctu, facile caput dolet, hinc rectissime HIPPOCRATES *Señt. V. aph. 64.* Lac caput dolentibus & febricitantibus & quibus præcordia murmurant, malum pronuntiat; quocum venit ORIBASIUS *Lib. IV. Cap. XVIII.* dum ait: lac in iis, qui frigido sunt ventriculo, acescit, in iis vero qui calido sunt in nidorem transit, ex quo fit ut febricitantibus noceat. Idem *Lib. III. Cap. XXV.* testatur: lac renes calculo obnoxios ledere & jecur in dispositis obstruere. Quare AETIUS *Lib. II. Cap. XCII.* præclare monet, quod ii, qui lacte uti velint, latas debeant habere venas & apertos viscerum meatus. Nocet vero lactis usus maxime iis, qui calculo tam renum, quam vesicæ laborant, quia caseosa, quam lac continet, materia ad calculi concretionem non parum contribuere videtur, & quod de lacte dictum est, id quoque intelligi debet de usu ovorum, quæ omnino sanis & robustis, & qui integrum habent ventriculum, optimum nutrimentum, si sorbilia fuerint, præbent: nocent vero quam maxime corporibus repletis & ubi ventriculus scatet corruptis, viscidis & acidis humoribus, ubi facile in corruptionem & coagulum abeunt, quare febricitantibus & hypochondriacis eorum usum nunquam non malo & detrimento est. Et quemadmodum, secundum HIPPOCRATEM, corpora impura, quo magis nutriveris eo magis læseris: ita

ita etiam ventriculum, quo magis nutritur, eo magis læseris.

33 A cibis veniendum ad potum est, isque vel aqua vel cerevisia vel vinum est. Sicut vero & corpora ratione temperamenti, ratione climatis & cœli, quo vivunt, ratione ætatis & dispositionis ad morbos mirum differunt, ita etiam is vel ille potus magis vel minus ipsis conveniens est & corpus mutat in pejus vel deterius. Multum tamen hic facere consuetudinem negari nullo modo potest, utpote quæ, si subita ab uno potu ad alterum fit mutatio, corpori raro solet esse proficua; ceterum aqua est convenientissimus omnium animantium potus, cavendum vero, ne dura, tephacea ac gravis in usum trahatur, siquidem hæc calculorum generationi & viscerum obstructioni multum lenocinatur, eo quod difficilius progrediatur & facile in angustis meatibus stagnet. Observatum sæpius fuit, quod potus aquæ duræ & asperæ & animantibus & hominibus pernicialis fuerit, de qua militiæ dediti luculentum edere possunt testimonium. Sunt vero maximæ duræ aquæ infestæ visceribus inque primis lienoso & vasculoso visceri, in cujus minimis vasculis, ubi hæret & stagnat, quam facile totum viscus in ingentem tumorem attollit. Scrophulas maximæ molis a duris & asperis aquis incrementum in certis montium tractibus, ubi tales fontes scaturiunt, constans est adsertio. Maxime vero omnium cavendum est a stagnantibus, paludosis, putridis aquis, quæ non modo exhalatione prava & maligna aerem inquinant, verum etiam gignendis putridis morbis ac febribus aptissimæ sunt.

34 Ex genere vinorum alia sunt vel dulcia vel acida vel valde spirituosæ. Ubi animadvertendum est, quod omnia dulcia plethoram augeant & parciori manu, ubi sanguis est exsuperans, danda sint; spirituosæ vero, dum nimium sanguinem & humores commovent, calorem accendunt & bilem acrem copiosam ingenerant, progignendis hæmorrhagiis, febribus ardentibus, biliosis, spasmodicis, doloribus, præsertim arthriticis, item convulsionibus idonea sunt. Quæ vero subtile acidum tartareum fovent, ut Rhenana aliaque, morbis ex acido & viscido incrementum dant, unde calculi, podagræ, hysterici & hypochondriaci mali generationem promovere, præsertim si jam fuerit ad hos morbos ingens in corpore dispositio, alias si corpora sunt sana & fluxilia, tum bene transeunt emun-

ctoria, nec facile, nisi excessiva quantitate, nocent, ut potius chronicas, quæ ab infarctu viscerum fiunt, passiones, eorum ulus egregie avertat. Quæ vero sulphure vaporoso scatent vina, nervos debilitant, & ad omnes capitis morbos torporem, somnolentiam, cephalalgiam, hemicraniam, paralyfin, epilepsiam viam præparant.

35 De cerevisiis id tenendum est, quod quæ nimio lupulo infectæ sunt, caput feriant, dulces vero & non fermentatæ tonum relaxando flatibus torminibusque intestina distendant. Nimium vero alimentosæ plethoram adferunt, excretionem minuunt & viscerum ac præsertim pulmonum infarctibus favent. At quæ valde sunt spirituosæ, iis qui ad spasmos, dolores & febres sunt proclives, minus conveniunt.

36 ILLUD vero in genere adhuc circa potum monendum est, quod eo frigido nihil ad morbos, eosque celeriter procurandos, sit præsentius, cum primis si corpus sudore diffuset & forti motu incaluerit, nihil enim tam cito abire in sanguinem calidum, quam frigidum humidum, nihil etiam tam subito vascula viscerum obstruere & sanguinem ac serum in motu & circulo sistere idoneum est, quam frigidus. Et hinc verissime scribit CELSUS *Lib. I. pag. 28. illud nosse oportet, quod ex labore sudanti frigida potio sit perniciosissima, atque etiam, cum sudor se remisit, itinere fatigatio inutilis est.* Ex potu itaque frigido liberalius in corpus calidum admissio, repente ventriculi ac intestinorum funestæ inflammationes & sphacelationes consequuntur, quæ vel cito vel lentiori gradu, nisi mature medicina succurramus, hominem internecioni dant. Historias eorum, qui aquæ potu perierunt, legere possumus apud MARCELLUM DONATUM *Hist. mirab. Lib. IV. Cap. VI.* Et certe nihil frequentius in praxi occurrit, quam quod, si primam morbi originem paulo accuratiori cura inquiramus, gravissimæ chronicæ passiones, hæticæ, phthises, cachexiæ, spasticæ & flatulentæ intestinorum afflictiones, in feminis æque ac in viris, item atrophiciæ ex potu frigido celeriter hausto prognatæ fuerunt. Quam maxime vero aquæ frigidæ potus femellis est noxius circa mensium negotium, quibus sistendis nihil est aptius, ut perite JOH. LANGIUS *Lib. II. Ep. 51.* monet.

37 UTI vero corpori calefacto nunquam expedit frigidum potum copia ingerere: licet etiam illud noxium atque perniciosum est in

in febribus, aut intermittentibus aut continuis, id fiat. Evenit hac ratione sæpissime, ut adsumto copiose potu frigido in intermittentibus hydropes, abscessus & pedum œdematosi tumores inde fiant. In febribus continuis periculum est, ne singultum, vel etiam ventriculi inflammationem aut sphacelationem producat. In quodam Comite, febre continua laborante, teste *Foresto Lib. I. Cap. XV.* copiosus aquæ frigidæ potus graves pectoris convulsiones induxit. Nocet vero frigidus potus porro maximopere senibus & omnibus imbecillis & tenuibus, item crassis & valde obesos corporibus, feminis, puerperis, gravidis, infantibus & qui doloribus ex calculo, colica & podagra laborant, quos affectus semper exacerbat.


38 ULTIMO loco de abusu spiritus vini & liquorum spirituosorum, qui aquæ vitæ nominantur, quædam dicenda sunt. Quamvis etiam hic consuetudo sit altera natura ac spirituosus potus aduetis non adeo nocere soleant, sicut in Poloniæ & Russiæ incolis cernis, nihilominus experientiæ, optimæ veritatis magistræ, testimonio, nihil ex nocentibus potibus tantum detrimenti corporibus humanis adfricat, quantum a liberaliori: liquorum spirituosorum abusu expectandum est. Quid enim naturæ ac fluiditatis chyli & sanguinis ipso spiritu vini est inimicius? eo quod promte ipsis coagulum inducat atque adeo & chyli & sanguinis elaborationem impediat. Et quando tenacem ac viscidum producit sanguinem, dum humidum absumunt & ejus solidas partes coagulat, quid ad obstructions & meatus viscerum occlusos adeoque ad cachexiam, ac phthisin, hydropem, hæcticam, atram bilem generandam aptius sit, non invenio? Nocet quoque in omnibus viscerum & capitis morbis & disponit ad epilepsiam, cephalalgias, convulsiones, tremores. Hoechstædterus *Dec. X. cap. 6.* scribit: *quidam de aqua vitæ Matthioli copiosius bibit & is paralyticus factus est; alter, simili vitio laborans, apoplecticus, tertius, qui cacochymicus fuit ac podagricus, totius corporis pruritum sentiebat ac lassitudinem, cui icterus, dyspnœa ac tandem mors supervenit.* Quando corpora aperiuntur, quæ continuo spiritu vini usa fuerunt, neglectis carne aliisque eduliis, tunc ventriculus, intestina, omniaque interiora contracta & rugosa inveniuntur, hepar induratum, pancreas aridum, corpus exsuccum & bilis concreta visitur.

39 Postremo ex causis non naturalibus &

quæ ad vivendi rationem spectant, maximum momentum in creandis morbis motus & quies, somnus & vigiliæ adferunt. Et sicuti motus atque exercitatio corporis, circulum ac impulsus sanguinis egregie promovet & excretiones, præsertim perspirationem conciliat, ita nimia quies & vita sedentaria ad plethoram, morbos chronicos viscerumque obstructions viam parat amplissimam. Nimia vero vigiliæ corpus viribus exhaustiunt & capiti maxime nocent. Ex quibus omnibus facile intelligitur, quod varium vitæ genus, quo homines utuntur, multum ad morbos producendos contribuat. Qui vitam sedentariam agunt, ut professores, studiosi, monachi, itemque sartores, sutores, textores, nec non, qui in aere valde humido & vaporibus repleto degunt, ut fullones, olearii, balneatores, piscatores, zythopeptæ, lotrices, ob fibrarum tonum relaxatum, circulum sanguinis tardiores, transpirationis defectum & seri impuri accumulationem, ad scabiem, scorbutum, capitis dolores, morbosque putridos, vermes, hæmorrhoidum fluxum præparata habent corpora. Qui vero se fortiter motu exercent, ut cantores, cursores, agricolæ, athletæ, bajuli ad inflammationes, phthisin, hæmoptysin, hæmorrhagias & asthmata sunt proclives. Quicumque aere fruuntur metallicis vaporibus repleto, ut vitriarii, inauratores, specularii, pictores, figuli, stannarii, lapidicidæ, fabri murarii, gypsarii, ob spasmodicam constrictionem nervosarum partium facile in asthma & colicam convulsivam, tabem, contracturam, paralytin incidunt. Milites ob multas aeris injurias & mutationes tempestatum, quibus expositi sunt, virium prostrationem patiuntur, cutisque tonum adeoque transpirationis negotium plane interrumpunt, unde morbis epidemicis, febribus castrensibus, dysenteriis, & iis qui ex transpiratione prohibita & corruptione humorum proficiscuntur, sunt obvii. Mulieres sedentiæ vitæ addictæ, adfectus circa mesenterium spasmodicos persentiunt, eruditi ob nimium laborem & meditationem caput debilitant, hinc si morbos patiuntur, caput inprimis adfligitur.

40 Ex iis omnibus, quæ hætenus adduximus, clarissime apparere arbitror non modo aerem, sed & alimenta sanum corporis nostri statum mutandi & morbos varii generis inferendi potentia esse instructa. Quo magis intelligitur, quam necessaria sit rerum

rum naturalium accuratioꝝ disciplina cuiusvis, qui solide in artis operibus se exercere velit. Is enim maximam adhibere debet curam, ut secundum dictum Hippocratis ejus loci, ubi medicinam facit, situm, aeris, aquarum indolem atque naturam & victus ac vivendi rationem probe perscrutetur; siquidem hac ratione non modo cognoscet, ad quos peculiares morbos certæ regiones inclinent, sed & medendi rationem certe multis locis peculiarem, nec non fundamentum corpora a morbis præservandi inde trahet ac desumet quam felicissime. Apparet quoque ex hisce, quam male hi doctores sacris medicinæ initiandis sibi consulant, qui solidam rerum naturalium scientiam nullius usus ac fructus esse in medicina, sine ulla ratione adseverant.



DISSERTATIO III.

DE

VINI HUNGARICI EXCELLENTE
NATURA, VIRTUTE
ET USU.

§. I.

QUum excellentem Hungarici inque primis Tockaviensis vini naturam, virtutem & usum exponere constituerim, plures fore arbitrör, qui rem ab officio medici plane alienam me suscepisse existiment. Nam perversa illa opinio plurimorum mentibus inhæret & præsertim vulgi animum irrepsit, a medico non nisi medicamenta, eorumque formulas & varias compositiones pharmaceuticas expectandas esse; vina vero & id genus alia inter alimenta magis esse referenda, quorum usus ad medicum non adeo singulariter pertineat. Verum enim vero quum medicus, qui valetudini & tuendæ & instaurandæ præesse vult, omnia ea ex rerum natura, quæ ullo modo prodesse vel etiam nocere possint, scopo suo accommodare debeat; ex ipsius re omnino esse videtur, ut non tantum ex pharmacia, sed etiam ex alimentorum genere & diætetico fonte ea meditationi & perquisitioni paulo subtiliori subjiciat, quæ maguam vim & efficaciam tam in avertendis, quam sanandis morbis atque in integritate corporis conser-

Hoff. Opusc. varii argum.

vanda possident, in quibus vinorum genera propter egregiam, quæ iis inest, virtutem & mirabilem operationem primum omnino ac principem locum obtinere, non est, quod amplius dubitemus. Atque ego quidem in hac sum sententia, medicum, qui aliquid solidi & laude digni in medendo præstare velit, longe tutius & consultius agere, si laborantibus auxilium ferat alimentis & præsidis diæteticis, quam si ea ipsa ex medicamentis validioribus, magis activis & naturæ corporis humani non adeo amicis adhibeat. Nam si antiquissimorum & qui methodicæ imprimis sectæ addicti fuerunt, medicorum monumenta consulimus, hos ipsos suas curationes ex diætâ petitis remediis maximam partem instruxisse deprehendimus. Nam inedia, abstinencia, motu, & exercitatione corporis, quiete, frictionibus, balneis, mutatione cœli & aeris, convenienti victu, aquarum & vini potu contra graves etiam & chronicas passiones non sine insigni successu pugnabant, rariusque medicamentis & rarissime validioribus utebantur. Qua in re optimos hos artis magistros ac professores nos hodieque sequi & imitari debere persuasissimus sum. Qua de causa nobilem hanc materiam de vini Hungarici natura, virtute & usu evolvere & explanare in præsentî constitui; ea imprimis ductus ratione, quum ejus usum ubique jam invalescere magnique æstimari videam.

2 Prius vero, quam excellentes vini Hungarici in corpore sano conservando & minus firmo restituendo virtutes ante oculos ponam, historiam physicam de hujus vini solo natali, cultu & præparatione hoc loco prætexere commodum mihi videtur. Amplissimam Hungariæ regionem in inferiorem & superiorem dividi, cuiusvis vel leviter rerum geographicarum gnaro non poterit esse ignotum. Utraque vinorum nobilium, imo optimorum feracissima est, quæ tamen, quum inter se non parum ratione indolis ac virtutis differant, singula breviter strictimque considerare oportet. Quod attinet itaque ad Hungariæ inferioris districtus, ubi vites coluntur & vina proveniunt, maxime Soproniensis recensendus venit, qui vinorum est feracissimus, inter quæ tamen palma maxime tribuenda est iis, quæ in lacu Neosidlenfi progignuntur, omnium sane delicatissima. Nam soli hujus ingenium producendo optimæ notæ vino quam maxime accommodatum est. Siquidem hic locus multis mon-

D
tibus

tibus stipatur saxosis, arenosis, copiosa sulphurea terra imprægnatis, e quorum etiam radicibus minerales aquæ subinde scaturiunt. Crescit ibi generosissimum vinum Goldbergense. Minori in pretio habentur vina eorum montium, qui solem occidentem respiciunt atque arborum multitudine vestiuntur. Et tales quidem sunt, qui in terris Wohndorf vicinis exstant, quorum vina Goldbergensibus multum sunt inferiora, quoniam hæc terra non tam fecunda est, limoque inertii scatet. Neque pagus circa Gros-&Klein Hoflingen prætermittendus est: hinc est, quod incolæ iis loco ordinarii potus utantur. Nam in genere hoc loco sciendum est, plerosque Hungariæ incolas minus frequenter vina generosa & optima ad quotidianum usum transferre, quum perpauca calidissima æstate & qui corpus multo labore exercent, sine sanitatis offensione ea ferre possint, præsertim tanta in copia, quanta ad sitim levandam requiritur. Si vero utuntur generosis admiscendo aquam, iis tale inducunt temperamentum, quod suæ quisque valetudini proficuum arbitratur. Quem morem etiam colividemus a reliquis gentibus, quas natura faulrix vimis valde generosis instruxit. Nam & Hispani, Itali & Galli rarius illud merum hauriunt, sed pro potu ordinario aqua admixta diluunt atque adtemperant.

3 Ex inferioris Hungariæ vinis commemoratione digna sunt ea, quæ trans Danubium in tractu Posoniensi progignuntur, quorum nobilissimum habetur illud, quod in vicinia St. Georgii civitatis ex terra ibi valde lapidosa editur, & duplex est; alterum ex uvis selectioribus & maturioribus expressum, saporis delicatissimi, vocatur Aufbruch, & caro admodum venditur pretio; quum illud, quod ex uvis non selectus vulgari modo præparatur, vilius habeatur. Postea vina, quæ natales suos ad terram Rustensem & vicos Besingen, Modern, Razenberg referunt, optimæ notæ sunt, & ob salubrem usum & præstantem vim ab incolis pariter ac exteris magni æstimantur. Vina Posoniensia, & maxime id, quod vocatur Roster, peculiarem in eo habent proprietatem, quod minus commode aeris liberiores ac diurniorem accessum ferre possint: mox enim inde colorem, qui ex auro in brunum transit, nec non saporem suum mutant.

4 Accedimus jam ad generosissima illa superioris Hungariæ vina, quæ crescunt in iis locis, quæ appellantur civitates submonta-

næ, in comitatu Zempleniensi sitæ, qua um nomina sunt Mad, Tolezua, Benye, Talrya, Schadan, Keresstur, Tarzal, Serensch, & Tockay. Vina omnia, quæ ibi crescunt, submontana τὰτ' ἐξοχὰν Tockaviensia appellantur, quoniam in eo præjudicio mercatores versantur, ut a popularibus fide dignissimis accepi, vinum, quod circa Tockay provenit, reliquis submontanis esse præferendum, quum tamen omnia fere sint æqualia, utut non negandum sit, quod spectans ad meridiem certa pars hujus promontorii, ex 600. passibus constans, excellentissimi vini genetrix sit. Deinde celebris est ille districtus vinearum in territorio civitatis submontanæ Tarzal, qui se extendit in latitudine ad 3000. passus, in longitudinem vero circiter 9000. passus patet. Hæc duo loca sibi vicina vocantur ber Buderberg, & quamvis hæc vina, in Buderberg Tarzaliensi & Tockaviensi nata, habeantur præstantissima, non tamen hujus vini adeo parva quantitas est, ut secundum vulgarem & usu receptam opinionem Augustissimi Imperatoris mensæ tantum inserviat, quum rex præter unam vineam non possideat, cæteram autem vinearum partem comites, nobiles, harum civitatum incolæ, imo rustici in possessione habent. Præter hæc loca sunt multæ aliæ civitates hisce vicinæ, in quibus vinum etiam valde potens ac generosum, optimi saporis & egregiæ salubritatis crescit, utut Tockaviensi & submontano paulo inferius, cujus naturæ est, quod in vinetis Zackmariensibus producit. Nec inglorium est Miskotz dictum. Tockaviensium præstantiam æmulari etiam videntur Tarnaviensia, & quæ circa Grosvardein satis benigno solo educantur.

5 Propositis sic vinorum inferioris & superioris Hungariæ optimorum natalibus, sequitur jam, ut de uvis earumque indole, quæ suavissimum hoc nectar proferunt, quædam inferamus. Has fere omnes satis commode duas in classes dispesci posse existimo, quæ quidem differentia maxime in Soproniensibus & Posoniensibus animadvertitur, quarum una uvas valde nobiles comprehendit. Inter illas eminent, quarum succus saporis dulcedine delicatiori palato mirifice blanditur, & quas incolæ vocare solent Augster-Muscatteller Mener, und Gengbutter-Grauben. Ad ignobiliores referendæ sunt uvæ albæ & cœruleæ, quarum succus non tanta dulcedine gaudet, sed sub æstate non adeo fer-

fervida austeri quippiam in lingua relinquit. Præstantissimæ sunt illæ uvarum species, quæ Augster vocantur, & mutantur nomen suum partim ab insigni magnitudine baccarum, quæ sæpius pollicem adæquat, partim etiam a tempore maturationis, quod plerumque in principium mensis Augusti incidit. Nulla enim regio inferioris Hungariæ uvas tam cito & expedite maturat, quam terra Soproniensis, maxime ea, quæ lacum Neosidlensem ambit. Hinc etiam Senatus Soproniensis harum uvarum primitias quotannis primo die Augusti Romano Imperatori offerre solet. Incolæ has uvas semipassas dicunt Mandele; iisque utuntur loco passularum majorum, quarum saporem mira similitudine exprimunt. Cæterum de hisce uvis illud notari meretur, quod quædam ex illis baccas obtineant paulo minores, & quæ vix seminis cannabini magnitudinem superant. Sed tamen earum parvitas generositati nihil detrahit, nam si ad maturitatem perveniunt, saporis suavitate non cedunt majoribus. Ad nobiles uvas, præstantioris vini genetrices, pertinent etiam Moschatellinæ, quæ nomen suum debent succo, quem alunt, delicatissimo, qui & sapore & odore nucem muschatam æmulatur. Magnitudinem præ se ferunt cocculorum orientaliū & colore leviter rufescente tinctæ sunt. Quod ex iis paratur vinum, germanice Muscateller-Mein vocari solet. Ad has proxime accedunt eæ, quas dicunt Mener, vel Mepran-Meintrauben, quoniam succi, quem intus foveant, sapor & odor herbæ majoranæ valde similis videtur. Velantur baccæ tenui, tenaci tamen tunica, cui puncta nigricantis coloris interspersa sunt. Vinum præbent spiritu & oleo plenum palatoque gratissimum. Sequuntur tandem uvæ, quas vocant Gensbutten-Trauben, quarum baccæ crassæ & viridescente teguntur membrana, & formam habent papillis caprinis similem. Succo abundant copioso, qui maxime dulciariorum usui inservit.

6 Quod vero attinet uvas vilioris notæ, harum in numero sunt albæ & pallidæ, quibus a tunica, qua vestiuntur, pellucida & alba nomen obtigit. Succum foveant copiosum, subdulcem, virtute tamen debiliorem. Huic generi viliori etiam adscribendæ sunt rubræ seu cœruleæ, quarum proventus maxime in terra Soproniensi & Bubenfi exuberat. Nomen gerunt ab exteriori rubra seu cœrulea pellicula, unde vocantur die blaven

oder rothen Mein-Trauben. Succus earum paulo adstringens est & acidiusculus.

7 Recensitis jam variis uvarum, quas Hungaria superior & inferior alit, speciebus, proximum est, ut quomodo varia ex iis præparentur vini & musti species, paulo clarius exponamus, præsertim, quum per paucis hic conficiendi modus notus sit, quem a fide dignissimis popularibus accepimus. Primum & delicatissimum præparant ex uvis, quas vocant Augster-Trauben, quod ab incolis vocatur essenz. Colligunt sigillatim uvas, ultra consuetum maturationis gradum excoctas & semipassas, quas etiam interdum, si solis calore non satis siccatae fuerint, mitissimo furni calori committunt, ut magis flaccescant, easque a racemis revulsas torculari subjiciunt, cujus forti pressione succus elicitur, nectaris suavissimi æmulus, qui exacto despumationis tempore vinum præbet generosissimum, oleosum, quod diu dulce manet & spatio unius anni demum defecatur, caroque venditur pretio & magnatum mensæ inservit, quod mercatores pro aliis vinis perficiendis emunt. Secundum genus dicitur Ausbruch, quod paratur ex uvis nobilioribus invicem collectis, ex quibus, separatis racemis, torculari identidem exprimitur succus dulcissimus, cui post aliquot dies fervefacto adjiciunt uvas semipassas, ita fervente musto dulcedo uvarum passarum extrahitur; vinum fit dulcissimum, oleosum, saporis gratissimi, cujus dulcedo valde diu immutata durat. Tertium genus est, quod conficitur ex puro musto nobilium uvarum, quod fermentatum dat vinum valde spirituosum, minus dulce, limpidum. Sequitur postea quartum genus, quod ex diversis uvarum speciebus, nobilibus & ignobilibus, parant, & sic mustum copiosum acquirunt, quod perfecta fermentatione vinum præbet mediocre, quod nec nimis aquosum, neque etiam nimis generosum aut dulce est, præstantia tamen vino Rhenano palmam dubiam reddit. Ex vilioribus pallidis parant mustum, quod fermentatum cedit in vinum cibarium, quo maxime incolæ utuntur, quoniam liberalius haustum non adeo facile ebrietatem inducit. Ex rubris seorsim etiam parant vinum, dum succus ex contusis uvis exprimitur, qui rubris pelliculis per aliquot dies stat superfusus. Ex musto fit vinum rubrum, saporis quodammodo adstringentis. Hæc omnia vina quo diutius servantur, eo præstantiora sunt & fortiora, & odore quodam

dam naturali & proprio prædita sunt.

8 Vera sic & speciali vini Hungarici historia descripta, liceat nobis jam in peculiaribus vites, proprietates ac virtutes eorum inquirere, quibus ab aliis vinorum generibus distinguuntur, eorumque, quæ in supra memorata historia continentur notabilia, genuinas rationes invenire ac reddere. Primo vero omnium essentielles hujus vini characteres & notæ enumerari merentur, quæ sunt primo, quod hæc vina præ omnibus aliis valde sint spirituosæ; secundo, quod quædam, præsertim generosiora, ut fere sunt die Essentz und der Augbruch, diutius servant suam dulcedinem, alia vero non ita: tertio, quod peculiari aromatico odore & sapore prædita sint: quarto, quod vim habeant diaphoreticam, roborantem, & liberalius etiam hausta nullum dolorem in capite vel languorem in artubus relinquant, sed potius totam corporis naturam robovent: quinto, quod generosiora non vappam contrahant, atque in vitris clausis optime per multos annos conserventur.

9 Primum itaque dispiciendum venit, unde tanta vini Hungarici, præsertim quod in superiori tractu crescit, excellentia dependeat, ut plurimorum, Italici etiam, Hispanici & Gallici vincat præstantiam: quod vero in inferiori Hungaria provenit, Germanicis omnibus palmam reddat dubiam. Cujus rei causam altius investigare, non adeo difficile vel operosum erit, si considerate ac diligenter nobiscum reputemus, Hungariam regionem esse ita a natura comparatam, ut omnibus iis præsidiiis instructa sit, quæ ad generosi ac potentis vini essentiam unice requiruntur. Sita est fertilissima hæc regio in illo orbis terrarum spatio, quod gradu elevationis poli quadragesimo & quinquagesimo describitur, imo posita est in ejus medio, quod tabulas geographicas vel leviter inspicienti in oculos incurrit. Jam vero perpetuæ observationis res est, certoque experientiæ suffragio compertum habemus, has regiones, quæ intra quadragesimum & quinquagesimum gradum elevationem poli habent, vinis nobilissimis progignendis maxime esse idoneas. Nam si universam Europam per omnem ambitum usque ad ejus fines perlustramus, oculorum sane judicio constat, hanc lætissimam cæli regionem sibi subjectam habere Portugalliam, Hispaniam, Galliam, Italiam, magnamque partem Germaniæ, Austriam, Styriam, Carinthiam &

fere totum tractum Rhenanum, Hungariam, Transylvaniam & eximiam partem Græciæ, quas terras, continuo & cohærente tractu exporrectas, vina omnium præstantissima proferre animadvertimus. Cujus rei ratio non obstrusa videtur; nam sub hac poli elevatione sitæ terræ fecunditate fere omnes superant, propter maximam temperiem, qua gaudent, quæ omni propagationi, fecunditati & augmento eorum, quæ e terra nascuntur, est accommodatissima. Hæc vero consistit in abundantia subtilioris humiditatis & efficacia caloris solaris: illa ad nutritionem & augmentum, hæc vero ad crescentium rerum perfectionem, coctionem & maturitatem confert. Est enim hisce in regionibus efficacior solis operatio, quam in reliquis, quarum situs in septentrionem declinat, quæ parcissimo solis calore foveantur.

10 Ea nimirum in varianda vinorum indole solis vis est & efficacia, ut in reliquis causis quæ ad nobilitandam & exaltandam eorum virtutem conspirant, primum ac principem locum tueatur: Quemadmodum enim ejus calor universale quasi naturæ instrumentum est, quo in augmentandis & perficiendis vegetabilibus utitur, quo secunda reddit animantia, eorumque vitam custodit: ita maxime ejus calor paulo penetrantior in excoquendo & dulcificando uvarum acido succo fere omne fert punctum. Sol enim paulo altior & perpendiculariter positus aeris & ætheris fluidum in vorticosum & celerimum motum abripit, & nobilissimum nutrimentum succum ita attenuat atque expandit, ut tenuissima radicum ora subire possit. Deinde eundem, ostiis radicum susceptum, per angustias filamentorum & tubulorum, quibus vitium compages contexta est, vi propellit mirifica, ejusque progressum ad diffusas racemorum propagines insigniter adjuvat. Denique etiam succum intra uvarum folliculos collectum amplius resolvit, torquet, attenuat, pleniusque elaborat ac perficit, ut tandem sublata cruditate plane dulcescat. Quò fortior itaque solis est in succum vitium nutritioni destinatum operatio, eo perfectiorem eum fieri nullum est dubium. Patet ex hisce facile ratio, quare in regionibus septentrioni valde vicinis, uvæ non facile dulces fiant & maturecant, nec vinum generosum ibi possit produci, & cur sub æstate frigidiuscula vina debilia, acida & languida, sub æstate autem calidiori generosa & spirituosæ evadant.

11 Neque vero solus calor solis, licet sit fer-

ferventissimus, progignendis optimis vinis aptus est. Adspiciamus jam tantummodo eas regiones, quæ intra trigessimum quintum & decimum quintum elevationis poli gradum sitæ sunt, in quibus Barbariam, Lybiam Indiamque hoc loco nominasse juvat, quibus intensior solis æstus graviter incumbit. Nihilominus ibi admodum rarus vini est proventus, aut si quæ proveniunt, non tanta excellunt virtute, quantam ea obtinent, quæ sub temperatiori cœli ingenio nascuntur, cui Hungariam aliasque regiones subjectas esse commemoravimus. Neque deficit ratio: nam calidissimis hisce in regionibus rarius cadunt pluvix, & si cadunt, per multos menses continuant, gravesque fiunt inundationes, quibus irrigatæ terræ quandam fecunditatem concipiunt. Jam vero inter omnes constat, potissimum esse pluviales aquas, quæ vegetantibus maxime etiam vitibus, genuinum pabulum & nutrimentum præbeant; si itaque eæ deficiunt & vites convenienti nutrimento defraudantur, hæc solis vehementiori calore quasi torrefiunt; si vero pluvix adsunt continuæ, deficit æstuans solis calor, neque etiam nimia humiditas fecundationi & perfectioni vegetabilium idonea est, sed potius humiditatis & caloris temperamentum ad eam requiritur. Quapropter in lucis temperatæ zonæ subjectis, ubi temperies caloris & humiditatis non deficit, omnes plantæ, vegetabilia & vites optimos ferunt fructus. Quare etiam non mirum est, Hungariam fere omnes regiones fecunditate superare & optimæ notæ proferre vinum. Regio quidem hæc torquetur sæpius certis temporibus, imprimis interdiu, incredibili calore, qui incolis multam creat molestiam. At diem calidissimum nox sequitur paulo frigidior, qua sub forma roris aqua in forma vaporum in atmosphæra contenta & solari calore valde attenuata descendit, qui totam terram mira fecunditate imbuit, atque in vitium sanguinem & succum convertitur.

12 Neque vero solus est cœli calidioris favor solisque benignitas, cui adscribi debeat vini Hungarici excellentia, sed etiam in ejus societatem venit ipsius soli natalis indoles & conditio. Nimirum ad generosioris vini efformationem non sufficit blandum cœli ingenium, nisi conspiret conveniens terræ temperamentum, & quo ingens vinorum differentia proficiscitur. Quemadmodum enim frumentorum semina, licet etiam vegetissimum solis calorem experiantur, lætam in

messem ægre efflorescunt, nisi opportuno solo excipiantur: ita etiam ad efficiendam vini præstantiam ac nobilitatem parum valet convenientissima cœli inclinatio, nisi a favorabili terræ genio secundetur. Quando autem vividior solis operatio solique opportunitas conveniunt, admirabilem sane in amplificandis vini dotibus exserunt efficaciam. Ante omnia igitur illud animadversione dignum est, quod nobilissima Hungariæ vina quæ maxima in celebritate sunt, & reliquarum virtutem longissime exsuperant, nascantur in summis montium jugis, solem orientem vel meridianum respicientibus, inque fluviorum confinio positis, quorum etiam terra admodum arenosa & copioso sulphure imprægnata est. Hæc autem locorum positura, hæc soli indoles ita omnino comparata est, ut generosissimo vino perficiendo quam maxime inserviat. Primo enim scire oportet, montes altissimos, quorum facies in orientalem vel meridionalem plagam directæ est, vini feraciores esse aliis locis humilioribus vel etiam montosis, quorum situs ad solem occidentem propius accedit. In illis aer spirat purissimus, nullisque peregrinis effluviis contaminatus, illi ab omni ventorum septentrionalium injuria immunes sunt, dumque præruptis jugis vividiores solis radios excipiunt & versus se invicem reflectunt, calorem augent, conceptumque diutius retinent. Aer autem purus, vegetus & solis calore extenuatus succo nutritio uvarum se intime miscet atque insinuat, ipsique subtilitatem & quandam spirituscentiam conciliat, vinaque maxime salubria reddit, ut promptius minimos etiam corporis humani tubulos tam secretorios, quam excretorios transeant. Subtile & æthereum hoc principium vinis admixtum efficit in partibus nostri corporis solidis quoddam robur ac vigorem, ut sanguinis & humorum circuitus facilitetur. Nam tenuissimum & æthereum hoc elementum quo majori in copia liquidis & potulentis inest, eo majori salubritate ea aliis præstant, quod ipsis etiam in aquis animadvertimus fontanis, maxime vero mineralibus, acidulis, thermis, quæ efficaciam suam in medendo & a salibus & maximam partem a principio aereo-æthereo, quod accedente vel levi calore vel motu bullarum copiosissimarum auctor est, quæ vitri parietibus adhærent & foras erumpunt. Quo spirituofo principio si privatæ fuerint, longè inferiores evadunt, & saluberrima earum virtus multum elanguescit.

scit. Præterea & aer purus ac defœcatus & solis æstus efficacior in causa est, quare omnia ea, quæ in editioribus & montosis locis succrescunt ac germinant, & teneriori habitu & nobiliori virtute splendeant, quam quibus solum natale humiliter valdeque depressum & planum obtigit. Plantas in montibus & altioribus locis crescere saluberrimas, roborante & aperiente virtute præditas, artis medicæ periti optime norunt. Frumenta, quæ ibi nascuntur, tenuiori cortice esse donata, ac meliorem & copiosiore farinam dare, fœnum quoque & gramina ad nutrienda jumenta & nobiliter lac præbendum esse aptissima, in re œconomica versatis perquam notum est.

13 Ego vero hoc loco & occasione egregium illud argumentum, quod videlicet ad præstantiora vinâ generanda loca montosa & declivia, & ubi in eorum radicibus flumina feruntur, sint aptissima, paulo explanatius evolvendum esse arbitror. Nam si loca natalia eorum vinorum, quibus naturæ benignitas Germaniam nostram fortunavit, consideramus, observare licet, nobilissima vina in tractibus montanis, maxime soli orienti vel meridiano oppositis, circa flumina, quæ infra transeunt, prognasci, & aliis etiam propter nobilissimam virtutem vulgo proferri. Equis enim nescit, in Franconia Wirtzburgense, Weitheimense, Klingenbergense, quæ omnia in montibus Mœno vicinis proveniunt, cæteris esse superiora? Quorsum etiam spectant vinum Nierensteinense, Hochheimense, Muchelbachense, Cocheimense, quæ non procul a Mœni fluvio producuntur. In montibus circa fluvium Rheni positos prodeunt Bacheracense, Rudelsheimense, Laubenheimense, Johannesbergense & hujus generis plura. Circa fluvium Mosæ quæ crescunt, ex his celebrantur Dusemundense, Selberi; circa fluvium Kocher proveniunt etiam nobilissima Neccarina; in montibus, quos transfluit fluvius Albis, optima vina, quæ suppeditat Bohœmia & Misnia, proferuntur. Eodem modo res habet cum vinis Austriæ, quorum præstantiora in locis montanis circa Danubium exstant. Patet hinc etiam ratio, quare vinorum circa lacum Neosidlensem optimorum sit proventus, & loca illa superioris Hungariæ submontana, ubi generosissimum & Tockaviensè vinum abundat, superius enumerata, in confinio fluviorum præsertim Teyssæ posita sint.

14 Sequitur jam, ut hujus salubritatis &

excellentia vinorum, quæ in montibus fluvii vicinis producuntur, causas, & quare in locis planis & humilioribus non tanta bonitate gaudeant, inquiramus. Nos in ea sumus sententia, præstantiam & salubritatem vinorum præter solis efficaciam etiam nutrimento vitium teneriori & subtiliori deberi. Quum vero omne plantarum alimentum ex aqueis & tenuioribus sulphureis pinguis partibus sit compositum, facile inde judicare licet, quæ ad subtilem reddendum nutritium succum & præbendas particulas aqueas sulphureas pingues tenuiores, levioresque conferunt, ea etiam ad nobilitatem & salubritatem vinorum præstandam esse aptissima. Jam vero quum montes expositi sint nocturnis roribus, qui circa confinia fluviorum sunt abundantissimi, & subtilissimam & æthereo principio intermixtam aquam foveant, non mirum est, rorem optimum esse nobilissimarum vitium nutrimentum. Fatendum quidem est, rorem nocturnum per se ad nutriendas vites non sufficere, sed pluviae ut accedant necesse est, quæ plenius nutrimentum toti vitium compagi afferant. In eo tamen posita est differentia, quod copiosæ pluviae, in locis planioribus collectæ & diu stagnantes, situm & putredinem contrahant, valdeque crassum & impurum nutrimentum reddant. Ubi vero post humectationem terræ, quæ vites alit, citius delabuntur, nulla harum stagnatio, nulla corruptio locum invenire potest.

15 Diximus etiam supra, ipsius soli naturam atque indolem diversam multum facere ad differentis vini, nobilioris, vel ignobilioris, proventus, quod jam plenius & accuratius evolvendum erit. Constant nempe ipsius experientia & oculorum testimonio, nobilissima vina, ubicunque terrarum crescant, natale solum habere terram non valde pinguem, crassam, lutosam, nigram & viscidam, sed potius saxeam, arenosam, calcaream, vel scissilem lapidem. Videtur quidem primo intuitu ejusmodi terra valde infœcunda & sterilis, & progignendis ac fœcundandis plantis & fructibus minus idonea; sed tamen res aliter se habet cum vitibus, quæ si nobilissimum succum ferre debent, utique talis terræ indoles huic rei aptissima est, & quidem eas ob causas, quia arenosæ, calcareæ & saxosæ ejusmodi terræ diutissime retinent solares radios, qui hic concentrati radices blando suo calore fovendo efficiunt, ut nutrimentum per omnes ejus poros facilius trans-

eat

eat. Deinde dum per hujus generis terras quasi per filtrum humiditates, & pluviales aquæ transmittuntur, has ipsas non modo attenuant, inque minimas partes dissolvunt, sed & crassiores & rudiores partes separant ac detinent, ut longe subtilior succus nutritius evadat. Ubi tamen notandum venit, quod ejusmodi terræ vinearum & montium fimo & stercorea materia singulis fere tribus vel quatuor annis probe imbui debeant. Nam hæc ipsa utique pingue & sulphureum principium, sine quo nulla fit fecundatio, supeditant; sed tamen ad purificationem & subtilitatem etiam hujus sulphureæ & oleosæ matetiæ solum arenaceum & calcareum multum confert. Ubi vero terræ sunt valde pingues, lutosæ & viscidæ, ibi nec depurantur satis aquæ pluviales, nec sulphur soli satis subtile redditur, sed integrum & minus defæcatum canales & poros plantarum ac vitium subit.

16 In diversissima igitur soli natura, & quidem non sine ratione, diversi saporis, quo vina prædita sunt, eorumque salubritatis & insalubritatis causas positas esse existimamus. Neque enim ignotum est mirifice inter se ratione saporis & odoris differre vina Rhenana, Franconica, Hungarica, Mosellana, & alia etiam aliis esse salubriora; quam differentiam solo natali si quis adscribere velit, is utique non multum errabit. Dicit enim vix potest, quam diffidens planeque diversa sit natura atque indoles soli & terræ, quod vel ex colore, odore, textura, consistentia, porositate, crassitie, imo ex destillatione aliisque laboribus & mechanicis & chymicis satis superque cognoscimus. Mirum itaque est, quod vineæ, quæ habent eundem solis aspectum, quæ etiam in ejusdem altitudinis montibus positæ sunt, & ejusdem generis vites alunt, vina tamen ratione præstantiæ, salubritatis, saporis ac penetrantiæ admodum diversa proferant. In cujus rei illustrationem ut saltem unicum adducamus exemplum, notum est, vina, quæ circa pagos Hochheim, Kochem, & Cassel, & regione urbis Moguntiaë producuntur, nasci ex unius generis vitibus, quæ etiam eodem modo tractantur, eodemque prorsus sole foventur; nihilominus præstantia mire inter se differunt, ut longe etiam cariori pretio Hochheimense præ Kochemiensi & hoc præ Cassellano ematur. Quum vero nihil fiat sine ratione, valde credibile est, hujus differentiaë causam referendam esse ad soli diversitatem, quæ non

adeo aperte in sensus incurrit. Et quum etiam vinum Hungaricum ratione saporis & odoris aliquid habeat præ aliis vinis peculiare sibi que proprium, & spiritus etiam ex iis destiliatus saporem & odorem exhibeat singularem, nullum sane dubium est, quin hoc soli natalis peculiari naturæ sit adscribendum.

17 Accedimus jam ad virtutem vini Hungarici, præsertim Tockaviensis, explicandam, quæ etiam quodammodo peculiaris est. Nam plura vinorum genera dantur, ut Rhenana & Mosellana, quæ virtute diuretica & alvum solvente eminent. Hungarica vero diaphoretica, imo sudorifera virtute præ omnibus aliis excellunt, quod quisque sanus homo experiri poterit. Nam si quis illud paulo liberalius atque etiam ad ebrietatem usque hauserit, mane totum corpus sudore diffuere observabit, si modo vinum bonæ notæ & purum fuerit. Quemadmodum vero liberior transpiratio & sordium in corpore superfluum excretio, quæ per corporis corticem, nempe cutim fit, omnium excretionum est præstantissima, quoniam totum corpus & universam sanguinis & humorum massam a sordibus depurat; ita vina diaphoretica saluberrima esse, quilibet facile judicabit. Liberior enim & vel ad sudoris eruptionem aucta transpiratio intensiorem & expeditiorem sanguinis motum sequitur, cordisque & partium solidarum sanguinem impellentium, robur ac vigorem indicat, quod utique ad tuendam valetudinem, eamque a morborum causis atque insultibus præservandam plurimum valet.

18 Præterea vinorum Hungaricorum salubritas eo manifestatur, quod nullum fere acidum in se custodiant, neque illud in primis viis reliquant, quemadmodum omnia fere Germaniæ vina id faciunt, adeo, ut ab iis omnes, qui imbecillem habent ventriculum, qui affectu hypochondriaco laborant, & ubi alvi est segnitie, plane abstinere debeant. Quam nocivum vero sit acidum, ex alimentis in corpore relictum atque ad massam sanguinis tractum, res jam satis clara & inter medicos decisa est. Quis enim nescit, eam esse acidorum indolem, ut tunicas nerveas ventriculi & intestinorum arrodant, extractum ex alimentis succum præcipitent, alvum constringant, sanguinemque & reliquos humores ad crassitiem, spissitudinem, & coagulum disponant, & arthritidis, rheumatismi, calculorum frequentissimam cau-

causam constituent, in sceminis vero, dum saluberrimum fluxum reddant, innumeris malis, quibus affligi solent, occasionem, præbeant, quæ omnia a vinis Hungaricis expectanda sunt incommoda. Alia vina, si destillantur præsertim quæ in Germania proveniunt, tertiam circiter partem spiritus inflammabilis præbent, tres vero sui partes in cucurbita reliquunt, saporis valde acidi & austeri. Hungarica vero vina, quæ fermentationem subierunt generosiora fere dimidiam partem spiritus vini grati odoris exhibent, dimidia parte relicta subacidi dulcis saporis. Vina autem generosiora, oleosa & dulcia superioris Hungariæ, item der Dusbruch, non quidem tantam copiam inflammabilis spiritus suppeditant, sed præter phlegma insignem copiam magmatis visceris dulcis præbent, quod siccatur & igni injectum flammam concipit.

19 Ex his elementis & ingredientibus vini Hungarici jam expositis quisque peritus medicus facile judicare poterit, quas alat in medendo virtutes, quibus corporibus, ætatibus & temperamentis conveniat, & quibus in morbis usurpari possit. Qua de re etiam, ut scopo nostro medico satisfaciamus, paulo fusius & distinctius agendum erit. Diximus in superioribus, ipsa vina Hungarica diversis modis præparari, & inter se quoque ratione nobilitatis differre, hinc etiam virtutes singulorum non esse easdem, sed differentes facile apparet. Nonnulla enim valde generosa & dulcia sunt, suamque dulcedinem diutius servant. Alia sunt tenuiora & spirituosiora, minoris dulcedinis. Dulcia maxime sunt recentia, & quæ in Hungaria superiori ex nobilissimis uvis proveniunt. Sed placet hoc loco priusquam ulterius progrediamur, ante omnia inquirere, quare vina Græca, Hispanica, Italica, aliaque in regionibus calidioribus, etiam ex uvis optimis parata, dulcia non diu retineant suam dulcedinem, sed eam mox deponant, ita ut vel fortia aceta degenerent, vel in valde spirituosiora vina convertantur; vina vero Hungarica, præsertim quæ ex urbibus submontanis fuderioris Hungariæ ad nos veniunt, & quæ vulgo dicuntur Dusbruch, eam diutius servant. Etenim omnia musta, sive succi ex uvis recenter expressi singulari dulcedine linguam afficiunt, quæ tamen mox post fermentationem perit. Deinde omnia musta destillata parum vel nihil dant spiritus inflammabilis, post fermentationem ver, quum

jam omnis fuerit finita, multum spiritus phlogisti exhibent, acido & tartareo phlegmate remanente. Quare vero vina Hungarica non ita deponant suam dulcedinem, sed eam servant, & cum vetustate generosa evadant, res scrutinio non erit indigna.

20 Supra jam memoravimus diversis modis tractari & præparari vina Hungarica; ex qua peculiari tractatione erit, etiam pendenda ratio durantis illius dulcedinis. Nam ubi succus ex uvis nobilioribus & maturis semi passis & exsiccatis elicitur, qui essentia dicitur, diutissime manet dulcis, deinde quando musto subdito calore ferventi immittuntur uvæ passæ vel aliæ adhuc recentes, dulcia identidem vina emergunt, quorum dulcedo diutissime durat. Quæ vero non ex siccatis uvis vel ex musto fervefacto proveniunt vina, ea utique, non secus ac alia vinorum genera effervescentia, gratum ac dulcem suum saporem amittunt, idque etiam fit in nostris regionibus. Nam si quis musta recentia calori vel igni admoveat, ut ex parte embulliant, quemadmodum additis herbis, vina v.g. cochleariæ, enulæ, absinthii, melissæ parantur, non amplius ita effervescent, sed dulcedine diutius linguam afficiunt. Eadem encheiresi in insulis Canariensibus vina, quæ dicuntur Dest, item Hispanica, vina de Tint, de Alicante incolæ parare solent. Causa igitur durabilis illius dulcedinis non est a natura, sed dependet ab artificio, ab igne nempe & calore, qui hunc peculiarem effectum producit, quod fermentationis actum præpediat, qua unio dulcium dissolvitur ac destruitur, ingenisque mutatio ipsi musto ratione qualitatis inducitur. Fermentatio vero est nihil aliud, quam motus intestinus aeris & ætheris partiumque aquearum in musto contentarum, qui partes, quæ mixturam dulcium corporum constituunt, dissolvit particulasque acidas & sulphureas terreasque, quæ inter se commixtæ dulcedinem formant, a se invicem separat, adeo, ut acidum incipiat in sulphureum ac terreum principium agere, unde fit ebullitio, spumescencia, & evaporatio partium sulphurearum, nec non partium crassiorum terrearum in fundum dejectia: qui motus ebullitionis dum diu durat, acidum cum subtiliori sulphure & phlegmate sese intimius conjungit rursus, & vinum inde surgit, sive liquor acido spirituosus. Quod si vero per calorem mustum ferverescit, & ex parte ebullit, particulae aereo æthereæ subtiliores aquæ, quæ

quæ prima ac præcipua motionis illius intestinalis fermentativæ causa efficiens, sunt, ex intimis musti poris exturbantur atque aufugiunt, unde necessario sequitur, ut partium liquoris dulcis salva & integra maneat textura ac dispositio, & inimica earum separatio impediatur. Quum vero non omne principium aereo-æthereum & subtile humidum per fermentationem evaporet, sed quædam pars ejus remaneat, impeditur quidem vehemens fermentationis actus, sed tamen remissior & lenior species fermentationis adhuc manet, a qua etiam defæcatio successiva & spirituscentia blandior horum vinorum dulcium producitur.

21 Explicata sic dulcedinis quæ vinis Hungaricis inest, ratione, jam longe feliciter & clarius vires & virtutes horum vinorum peculiare deducere ac determinare licet. Vina itaque dulcia generosa, quum nihil fere in se habeant acidi, nec valde spirituosæ, sed temperata sint, corporis humani naturæ admodum amica & blanda observantur; eo quod omne dulce & temperatum nutritioni & succorum deperditorum restaurationi valde aptum sit: quare etiam lac, quod sensu medico dulce est, multum nutrit. Hinc hæc vina ad succum nutritium chylosum temperatum blandeque spirituosum reddendum multum valent, unde si moderatori dosi usurpentur, nullum dubium est, quin succos nutritioni aptos reddant, & corpora exsucca & arida, imbecillia etiam, alant ac nutriant, viresque simul restaurent. Rectissime igitur ejusmodi vina medicis & sapientissima antiquitate lac senum vocantur, qui virium restauratione valde indigent. Deinde etiam eorum usus admodum salubris & est iis corporibus, quæ vel ex nimia sanguinis profusione aut diuturno morbo, præsertim acuto, aut fatigatione corporis & animi succos & vires amiserunt, viriumque amissarum & nutritionis reparationem exoptant, si nempe inter cibum pariori manu, sed crebrius sumantur. Porro ubi digestionis vis est diminuta, ubi acidorum humorum est colluvies, alvusque stipata & adstricta, suppetias hæc vina ferunt desideratissimas. Nam subtili suo spiritu adaugent calorem, viscidaque dulcedine acidum contemperant & lubricas intestinorum tunicas reddunt, ut excrementorum progressus ac transitus fiat facilior. Quapropter summo cum fructu hypochondriacis, arthriticis, podagricis, quibus omnibus acida vina valde infensa sunt, illa exhiben-

Hoff. Opusc. varii argum.

tur, quippe qui inde magnum levamen, quotidiana id testante experientia, persentiunt; siquidem hos morbos valde pertinaces ex tartareis salibus invicem concretis prognosci extra dubium est. Quum igitur acidum prima in regione collectum attemperent, atque impedian, quo minus cum particulis sanguinis coire & congregari possit, utique tartari generationem ejusque causas prævertunt & remonent. Accedit etiam, quod intestinorum & ventriculi tunicis valde nerveis & exquisitiori sensu armatis multum faveant, dum blanda sua visciditate eas oblinunt, ut a succis acidis corrosivis ibi stagnantibus non offendantur, vel earum læsio ab hisce jam inducta emendetur, partesque corrosæ demulceantur ac deliniantur. Denique etiam paulo liberalius sumta, modo non crebrius, non facile nocent, nec corpora, ut alia vina ad morbos disponunt, sed eos potius, præsertim chronicos, præcavent. Nam quum circulum sanguinis strenue promoveant, atque insuper perspirationem reddant auctiorem, corpus a multis sordibus excrementis liberando id agilius & alacrius reddunt.

22 Quemadmodum vero nihil eminente quadam virtute agendi præditum in tota rerum natura existit, quod incongrue atque immoderate usurpatum non noceat, licet sit sua natura optimum: ita etiam cum optimæ notæ vinis, Hungaricis quoque, comparatum est. Nam parcius uti eo debent, qui nimium abundant succo & sanguine, & ubi vasorum ingens est angustia, eaque succis referta, quoniam non modo eorum augent copiam, sed & dum in motum intestinum calidum eos conjiciunt, ex ingente sanguinis turgescencia calores, anxietates, sanguinis congestiones, imo ad inflammationes, viscerum internas dispositiones, febresque synochæ & sanguinis profusiones fieri possunt, præsertim si quis ea crebrius & immoderatus in usum velit recipere. Infensa etiam sunt iis, qui ex motu & calore æstuant, vel ad choleram & vehementem iram proclives sunt. Vidimus ab ejusmodi vinis dulcibus & spirituosiss, in actu iracundiæ fortius haustis, inflammationem ventriculi subortam, quæ emetico imprudenter a medico exhibito adaucta, intra paucas horas mortem induxit.

23 Accedimus jam ad vina Hungarica spirituosiora, quæ motum fermentationis sustinuerunt; ea prioribus calidiora esse, nemo facile in dubium vocabit. Hæc utique cor-

E

pori.

poribus humidioribus, & ubi multum crassi phlegmatis in partium tubulis subsistit, sub moderatiori tamen semper usu, valde conveniunt. Hæc etiam digestionem primarum variarum labescenti calore & spiritualescentia sua valde succurrunt, inque morbis chronicis, qui ex atonia & nimia laxitate fibrarum proveniunt in alvi fluxibus, flatulentis, in dispositione cachectica, affectibus paralyticis, colicis, opem ferunt exoptatissimam; sed ut moderatior eorum sit usus, providendum est. Et quemadmodum omnia calidiora sanguinem in vehementem motum conjiciunt, eumque valde exagitant: ita sanguinei & cholericis, plethorici atque ad vehementiores animi affectus proniores, iis ut parcissime utantur, necesse est, si ardentes febres, sanguinis profluvia, congestiones & inflammationes, itemque nimios conatus & motus ad hæmorrhoidales venas evitare velint. Novimus, quosdam plethoricos & vitæ sedentariæ addictos, qui iis frequentius usi fuerunt, in dorsi graves dolores incidisse, quos passiones calculosæ, & ischiadicæ sequutæ sunt, quibus deinde sanguinis missiones in pede, neque minus diluentia, ac nitrofa profuerunt. Habent vero vina Hungarica generosiora id commodi secum, ut correctionem acidis & ponticis humoribus, si prima in regione stabulentur, dulcificantem medicinam præbeant. Nam corrosivos etiam mineralium spiritus vini rectificati additione ne sufficiens temperari, inque blandam & dulcem naturam converti, spiritus vitrioli, nitri & salis dulcis præparatio chymica luculenter demonstrant. Et quum sæpius ex cruditatibus acidis in senibus vel imbecillibus capitis dolores, ophthalmiæ, dysuriæ, hemicraniæ, stranguriæ, eructationes & vomitationes acidæ eveniant, certe hi convenientissimum præsidium in vinis Hungaricis, tam dulcibus, quam spirituosius invenire possunt: hæc enim inter vina stomachum confortantia principem sibi locum vindicant.

24 Cætera Hungariæ vina, quæ non tam spirituosius, sed temperatiora sunt, quod attinet, præstat iis uti loco vini Rhenani vel Franconici, si quis cum molestissimo illo hypochondriorum malo aut podagrico affectu conflictetur, quia non tam subtile acidum ac tartareum principium, nervis partibus valde inimicum, quod iis se altius infinuat, secum ferunt, & transpirationem etiam melius adjuvant, quæ his in morbis excretio est desideratissima.

25 Convenienti sic usu & viribus vini nostri traditis, exposita etiam eo male utendi ratione, jam breviter strictimque proponere placet, quam opportunum in nonnullorum medicamentorum præparatione illud locum habeat. Igitur primo optime inservit destillationi aquarum spirituosarum ex speciebus aromaticis vel sale volatili oleoso pollentibus. Serenissimus Rex Prussiæ, Fredericus, Augustissimæ memoriæ frequenti in usu ad flatulentias depressandas habebat aquam carminativam, quæ ex corticibus aurantiorum recentium, pomorum Chinesium & citri cum vino Tockaviensi per destillationem præparabatur, cui ad dulcificationem pauxillum iulapii rosarum additum fuit, quæ odoris fragrantia, saporis suavitate, & eccellente virtute utique se commendabat. Ex vino Hungarico destillatus spiritus aliis ex vino vel facibus vini paratis spiritibus longissime præferendus est; non modo enim sapore & odore aromatico, sed & viribus differt. Præter virtutem enim confortantem & calefacientem, blandum somnum placidamque quietem, si circa lecti ingressum fumatur, inducit, ob sulphureum, quo gaudet, principium, quodammodo vaporosum, sed blandum & nervorum texturæ eorumque fluido amicum.

26 Præterea Hungaricum generosum, præsertim Tockaviense, optimi menstrui vicem gerit, quo in elixirio stomachico & antihypochondriaco præparando felicissime utor, cujus præparatio hæc est: fumo corticum aurantiorum recentium unam unciam, qui in mortario contunduntur in massam, cui extracti cardui benedicti, centaurii minoris, salis tartari æquali portione drachmas duas admisceo, & postea olei macis, olei de cedro guttas viginti adjicio; affunditur vini Tockaviensis libra una medica, extractio fit in Mariæ balneo: post subsidentiam clarus liquor decantetur, qui ad cochleare dimidium cum convenienti vehiculo datus in morbis, qui ex prava digestionem nascuntur, & prima in regione sedem habent, & maxime in molestissimo illo hypochondriorum malo, si quod aliud remedium, præsentissimi usus est. Eodem modo elixir proprietatis præparationem, ut loco spiritus vini fumatur vinum Hungaricum, & loco spiritus vitrioli sal tartari, in feliciorum usum institui posse, nemo facile inficias ibit. Postea etiam hoc vinum optimum præbet vehiculum ad assumenda medicamenta, quæ saporis

ris paululum nauseosi sunt; ita enim gratia iis conciliatur. Species aromaticæ & nervinæ si cum eo infundantur & cum hoc infuso partes externæ, si qua læsio aut contusio, tumor aut impotentia motus eas obfideat, calide foveantur, nihil potest esse præstantius. Corticis chinæ uncia una, & florum chamomillæ vulgaris uncia semis, addita salis tartari drachma una, si decoquantur cum libra una vini Hungarici, medicina fit antifebrilis, quæ si ventriculus nimia imbecillitate laborat, in febre intermittente & chronica, præsertim ubi vires morbo vel ætate fractæ sunt, virtutem habet excellentissimam.

27 Ultimo loco de adulteratione horum vinorum quædam adjicienda sunt, quæ nostræ tempestate est usitatissima; maxime eam ob causam, quia hæc dulcia vina ob eximiam virtutem magno in pretio habentur. Solent eam tentare, dum musto recenti dulci cuicunque vel etiam calefacto adjiciunt uvas passas Hispanicas vel saccharum etiam, & parum ex facibus cerevisiæ albæ addunt, ita in loco temperato fit ebullitio, & liquor gratus, suavi dulcedine præditus emergit, quem incautis parumque vinorum naturam intelligentibus pro Hungarico vendunt, & ut naturalem saporem hoc vinum æmuletur, portionem vini Hungarici inferioris admiscunt. Sed sapor & odor, maximeque virtus ab iis distinguitur, qui frequentius genuinis vinis usi fuerunt. Certissimum tamen vini Hungarici genuini indicium illud est, si liberalius haustum nullam capitis gravitatem inducit, sed potius corpori alacritatem affert. Nam licet artificialia dulcedine placeant, valde tamen insalubria sunt; caput enim statim occupant, & immodice hausta mirum languorem ac gravitatem toti corpori inducunt. Spirituosum enim & subtile illud elementum, quod salubritatem vinis ingenerat, & ex vitium, solis, soli & nutrimenti natura peculiari affertur, in ejusmodi arte factis plane deficit.

28 Coronidis loco id prætermittere intantum non possumus, quod salubris & præstantissima vini Hungarici, præsertim superioris indoles communiter, imo ab ipsis incolis etiam solo, ubi vites crescunt, aurifero adscribi soleat, eo quod terra Tockaviensis roborans in se auri sulphur copiosum contineat. Quinimo variæ circumferuntur historiæ & litteris etiam mandatæ sunt, de quibus legi possunt Jacobi Tollii epistolæ iri-

nerariæ. In ipsis botris & acinis compactas sæpius auri atomos mire splendentes fuisse repertas, ita ut etiam membranulæ exteriores auro quasi obductæ fuerint. Et ajunt, in Tockaviensi tractu, ubi generosissima nascuntur vina, videri non raro aurum instar funiculi rotundi simul e terra enasci; quas tamen historias in medio relinquimus, utut non de earum fide dubitandi prægnantes habeamus causas. Id saltem dicimus, nec aurum, nec alia metalla ad fecunditatem terræ, multo minus ad succos vegetabilium nobilitandos, & salubres reddendos quicquam conferre posse.

DISSERTATIO IV.

DE

VALETUDINE SENUM TUENDA.

§. I.

FInem velle, nolle tamen media, perversa plurimorum & tantum non omnium fert assuetudo, nullibi frequentior, quam ubi de præcipua felicitatis humanæ parte, sanitate scilicet consequenda agitur. Etenim nemo certe non diu sospes & incolomis vitam transigere ardentem percipit: sed vix ullus admittit subsidia, hoc est, præceptis obtemperat, quæ ad obtinenda hæc bona deducunt, ut nempe ex præscripto saluberrimarum sic dictarum diætetarum regularum, omnem plane suam vivendi rationem institueret, servando exactum moderamen & æquale temperamentum, tam quoad tempus, quam ipsum adhibendi modum & usum, in iis, quorum ope vita sustentatur, & ad quæ præter aerem, cibum & potum, corporis alimoniam potissimum dicata, referenda sunt ea, quæ ad placidum & moderatum somnum inducendum, corporis motum & exercitationem, nec non ad legitimum excretionum vitæ ministrantium successum pertinent, non neglectis iis, quæ ad mentem compositam, sedatam & ab impetuosius affectuum exagitationibus immunem servandam, apta sunt atque idonea. Hæc autem curiosa salutarium ejusmodi legum observatio, omnibus quidem, qui vitam longam & morbosarum afflictionum exper-

tem vivere gestiunt, cuiusque ætatis, temperamenti corporisque constitutionis sint, & sub quocunque cœlo degant, summopere est inculcanda & excolenda: attamen infirmi potissimum sunt, debiles ac præsertim senes, imbecillimis merito accensendi, qui earundem omnium exquisitissimam habere debent rationem; eo quod facillime ab incongruis læduntur & leve tantum contra normam admissum delictum gravissime luunt, quod robustioribus & ætate vigentibus nihil plane noxæ infert. Quia vero ætate provectiores, quo magis viribus & corpore labentibus annis deficiunt, eo magis per longiorem experientiam rerum gerendarum peritia atque prudentia augentur, aliosque ipso usu longe antecedunt: nihil utique æque necessarium ac salutis publicæ utilius excogitari & suscipi potest, quam ex artis, quæ sanitati præest penu, salutaria monita & consilia hunc in finem depromere, quo veneranda ejusmodi, habilia & exercitata capita, diutissime animo æque ac corpore valentia supersint, rei que publicæ consiliis suis profint. Quod quidem negotium, licet jam dudum nonnulli tractare exorsi sint, ipsa tamen argumenti dignitas & utilitas nos allexit, ut nostras etiam de eodem meditationes in publicum producamus & sequenti tractatione salutaria præsidia ipsamque rationem valetudinis senum conservandæ, uberior paullo ac pervestigatius exponamus.

2 De senum itaque sanitate & integritate, per diætam salubrem & convenientem victus rationem conservanda, dum curatius acturi sumus: primum opus est, ut eam ætatis humanæ periodum, quæ senectutis nomine effertur, exactius determinemus, & ab aliis annorum terminis rite distinguamus. Dividitur autem senectus, secundum receptum, in scholis ordinem, plerumque in tres periodos, quarum prima a quinquagesimo sexto ad sexagesimum tertium usque ætatis annum porrigitur, & viris communiter, si ve vegeta, vocari solet, eo quod hac decurrente, vires plerumque satis constant parumque imminutæ observantur. Secundam sexagesimi tertii & septuagesimi anni termino includunt, qua actionum & functionum vigor notabile patitur decrementum. Et tertia denique, quæ decrepita audit, a septuagesimo ad octogesimum annum & ultra prorogatur & cum ipsa vita terminatur, ita, ut eadem robur sensim mirifice atteratur, vires consumantur, corpus animusque

vacillent, donec mors omnia extinguat.

3 Constitutis his ipsius senii diversis terminis, jam facile patet: per senectutem, quæ ab Hippocrate ipse morbus nuncupatur, & pro ultima vitæ periodo & prona ad interitum via judicatur, nullam aliam esse intelligendam, quam consummatam illam & decrepitam. Sunt enim & novimus plures senes sexagenarios & septuagenarios, integris sensibus, tam externis, quam internis pollentes, vegetos, cibos probe adhuc appetentes, concoquentes somnumque longum adhuc & quietum capientes, neque tam facile ab externarum rerum, aeris, cibi & potus usu, nisi quoad genus, modum & tempus excessus accesserit, detrimentum patientes. Sed hi omnino sunt, qui a parentibus ipsaque nativitate, stabilem, firmam & ad diutius sustinendum ac protrahendum sanguinis cursum, solidorum nacti sunt structuram: neque elapsa ætate, per intemperantiam vitæ & affectuum, luxuriam, aliaque voluptatum lenocinia, languidum, imbecille & effœtum corpus reddiderunt, & jam attritum senectuti tradiderunt.

4 Hinc etiam est, quod sapientissimus noster senex *Secl. 2. aphor. 39.* disertis verbis edicat: *senes minus, quam juvenes egrotare*, eos nempe, qui bonam corporis obtinuerunt naturam, temperanter vixerunt & in viridi, vel media etiam senii periodo versantur: quum contra idem gravissimus auctor, *lib. 3. de diætâ*, morbosissimos dicat eos, qui maxime senes sunt, hoc est qui decrepiti & a Græcis *πρεσβύται ἢ γέροντες* nuncupantur, si ve, qui senium & insignem virium imbecillitatem, non tam ob ætatem ingravescentem adepti sunt, quam ob intemperantiam suam, & admissa in rerum sic dictarum non naturalium usu, delicta, sibi contraxerunt. Etenim quo magis juvenes ac viri incontinentiæ indulgent nihilque moderati habent, eo magis & citius vires corporis profundunt, illud caussarium reddunt, & sic ante tempus senes fiunt, miseram, infirmam multisque morbis obnoxiam vitam ad extremum usque halitum trahentes. Ex quo quum pateat: senes non tam annis, quam virium constitutione æstimandos esse: utique nos etiam, de valetudine senum tutanda differentes, per senes non solum eos, qui ob grandiores ætatem, sed etiam qui sua ipsorum culpa ac vitio anticipato termino, senium, si ve præcipitatum vigoris decrementum, incurrerunt, volumus intellectos.

5. Ut

5 Ut autem certa ac rationali methodo incedamus in enumerandis iis, quæ ad conservandam senum valetudinem faciunt; necessarium est, ut prius dilucide exponamus: quæ illa sint mala, quæ in senio constitutos potissimum infestant ipsisque quasi propria sunt, nec non a quibus causis hæc ipsa dependeant? In genere igitur tenendum est: ingentem in senectute virium defectum & roboris imminutionem ingruere, quæ tamen ad vitam sustentandam sanitatemque servandam summopere sunt necessariae. Quodsi enim functiones, quæ recepta in scholis voce animales dicuntur, pensitamus ingravescente ætate, memoria & acumen quoque ingenii debilitantur & languescunt, oculi caligant, somnus est brevis, non placidus, interruptus, viresque minus reficit. Quoad actiones, κατ' ὄρεσιν sic dictas vitales, & quæ a viribus denominationem sortiuntur, lassæ sunt & languida senilia corpora & ad laborem & exercitationem minus prompta, perquam facile ad languorem dantur, pedes nutare incipiunt, pulsus tardius, utut durius micat, & omnes partes, inque primis pedes, a frigore facile afficiuntur & inhorrescunt. Et tandem ad actiones sic dictas naturales quod attinet, universum corpus contabescit, facies rugas contrahit & livido colore perfunditur, tempora collabuntur, oculi fiunt concavi, cutis exsucca & arida, dentes vacillant & decidunt, ciborum appetentia prostermitur eorumque digestio minuitur.

6 Jam si specialius paullo morborum, quibus senilis ætas solenniter affligi solet, considerationem & censum inimus, lustrando omnes corporis a capite usque ad calcem partes, in illo frequentissime sedem figunt capitales affectus senum, apoplexia, lethargus, paralyxis & vertigo, una cum tinnitu aurium, incipiente surditate visusque hebetudine. In narium & faucium confiniis coryzæ, acres in laryngem destillationes, tussis, pituitæ viscidæ scretus, quin ipse catarrhus suffocativus, sæpe scenam ludunt. Cor una cum arteriis, lenta febre, quæ marasmus dicitur, infestante, crebrius pulsatur, & succi laudabiles cum ipsis viribus paulatim absumuntur & dissipantur. Digestionis officina, ventriculus scilicet & duodenum, nec non organa alimentorum solutioni, chyli elaborationi servientia, & ductus recrementitiorum eliminationi dicati, alvi maxime secessus & urinariæ viæ, tantopere a pristina indole defecisse observantur, ut cibi

ingesti facile acescant, in ructus & flatus explicentur, stomachum & intestina inflent, caput torpore gravent, dolores ac tormina pariant, alvus plerumque solutior sit & crebrior ad desidendum stimulus, vel plane lienteria & colliaca passio infestet, urina ut plurimum cum difficultate, ardore, vel dolore reddatur, & saturate tincta, nonnunquam etiam sanguinolenta, prodeat. In corporis cortice universo, & maxime ano, molestissimus percipitur pruritus. Denique pedes levi de causa occupant inflammationes erysipelaceæ, ulcera mali moris, quandoque etiam iisdem exquisitus dolor insidet, cum topis & subsequente ambulandi impotentia. Quin omnes morbi interni & externi, omnia ulcera, vulnera ossiumque fracturæ, in senili corpore difficillime sanationem admittunt, & vix ac ne vix quidem coeunt ac consolidantur.

7 Et hos modo enumeratos morbos, non solum in nostris oris nostroque tempore senibus familiares esse, ipsa experientia luculenter confirmat; sed idem etiam in quibusvis plagis contingere & prisco etiam ævo obtinuisse, antiquissimorum auctorum fide uberius constat. Ipse enim gravissimus medicinæ parens HIPPOCRATES, plurimas in senili ætate solennes ægritudines integro aphorismo 31. Sect. 3. fuse commemorat, quem clarus olim in Academia Jenensi Medicinæ Professor, ANDREAS ELLINGERUS, in paraphr. aphorism. poet. ita numeris latinis reddidit:

Dyspnæa, tussis, cum catarrho, urinaeque

*Seu difficulter, sive guttatim exient,
Renumque acutus, insuavis & dolor
Nexus revinctorum ossium quo vapulant,*

Vertigo, apoplexia, habitusque corporum

Mali, vigiliæ, alvus soluta & humida,

Nares oculique, totiusque corporis

Pruritus, acies luminum retusior

Glaucedinesque, auditus & gravis, senam,

Τῶν προσδυτῶν, sunt morbi & apostemata.

HIPPOCRATI accedit CELSUS, qui lib. 2. cap. 1. p. m. 46. senectutem longis magis morbis, adolescentiam acutis patere asserit, & lib. 5. cap. 28. ulcera, & præcipue cancrum in senibus maxime fieri perhibet.

Ut

Ut prætereamus alios, qui idem conceptis verbis testantur.

8 Verum enim vero non satis est medico, qui ratione & demonstratione certa cuncta assequi & metiri nititur, ut tantum sciat, quæ fiunt; sed necesse est, ut causas, quare sic & non aliter quid contingat, & sigillatim ut quam ob causam senectus hisce potissimum morbis pateat eruere, & clarius sistere possit. Primo itaque loco altius paulo rimandæ & exponendæ erunt genuinæ ac veræ rationes, quibus tribuendum, quod in ætate provectis tanta virium jactura & imminutio fiat, & sensim paullatimque sic successive increseat, ut tandem ex plenaria earum defectione ad mortem fiat aditus. Veterum quidem placita si arcessere hanc in rem velimus, ut ad unum fere omnes edixerunt: senectutem esse inevitabilem quandam caloris nativi humidique radicalis diminutionem & absumptionem, & inde quoque causas languoris & functionum læsarum in hac ætate derivarunt. GALENUS autem ejusque dogmatum sequaces ac æmuli, nimiam abundantiam humidi excrementitii in senibus, & partium solidarum nimiam frigiditatem, siccitatem & ariditatem accusarunt. Recentiores in spirituum, tam vitalium quam animalium, qui virium inspirarent defectum, causam rejecerunt. At recentissimi quidam inevitabilem hanc senii ipsiusque mortis necessitatem, ita ex facili explicari posse crediderunt, si supponerent principium vitale movens, quod a summo rerum conditore certis quibusdam limitibus ac terminis circumscriptum, quos si attingeret, deficeret & ab opere suo in regenda ac sustentanda machina desisteret, & sublata ejus in corpus actione, sic omnes in eodem functiones collaberentur.

9 Ast qui notiones claras, distinctas, adæquatas, a confusis quæque minus concipi possunt & intelligi, reales conceptus, a speciosis verbis, & remotas quoque nimis quandoque causas a proximis & veris discernere nevit: is certe omnibus his verba tantum dari, non rationes, perspiciet; quam ex iisdem neque morborum senilium explicatio deduci ac perspicue explanari, neque congrua ad arcendos eos præsidia depromi & ad usum impendi possint. Quin potius, quum quilibet homo, temperatissime etiam & ex præscripto exquisitissimarum regularum diætericarum vitæ rationem adornans, ingravescente ætate, insignem in omnium fun-

ctionum exercitio persentiat debilitatem & notabilem virium lapsum, quem tandem mors excipit; in proclivi est judicare: verum hujus defectus & languoris causam, in ipsius corporis compage ejusque partibus inquirendam esse, ita quidem, ut primo & principaliter non tam in natura ac temperie fluidarum consistat, ibique quærenda sit, quam potius in solidarum, quæ juxta ætates valde differunt, mutata structura & textura, fundamentum & originem obtineat. Nam si solidarum corporis partium, ossium nempe, nervorum, tendinum, musculorum, membranarum & tunicarum in annosioribus, & animantibus & hominibus, intuemur constitutionem & habitudinem: certe hæ omnes longe densiores, duriores, aridiores, rigidiores & compactiores esse, quam in tenerioris & juvenilis ætatis, animadvertimus.

10 Jam vero omnium omnino animantium nec non hominum corporum fabrica ita concinnata est, ut mere sint hydraulica, quod vasa ipsaque viscera, ex tubis majoribus, minoribus & minutissimis capillaribus, conflata, per quas varii generis fluida jugiter ire, redire, fluere, secerni iterumque excerni debent, si rite & ex æquo functionum in corpore successus sperandus. Increcente igitur fibrarum & tunicarum, e quibus vasa exilia æque ac ampla coagmentantur duritie & crassitie, necessarium utique est, ut ipsi canales angustentur, quin minima illorum plane concidant & collabantur, ut transitus humorum ipsiusque sanguinis, per eorum alveos vel tardius succedat & sufflaminetur, aut plane præcludatur & denegetur. Eo facilius autem eoque majori cum detrimento in arctius adducuntur & oppilantur vasorum cava, in organis, quæ ex congerie minutissimorum tubulorum conflata, & potissimum fluidissimis succis spirituosissimis, & secundum HIPPOCRATEM impetum facientibus, partibus separandis dicata sunt, cujus generis sunt cerebrum, nervi & tubulosa testium substantia, in intestinis crassa villosa cum lactis, nec non canaliculi, qui succum roscidum nutritium in musculis secernunt. Quod si enim exiles meatuum in his partibus cavitates procedente tempore & ob ipsam ætatis rationem in angustum magis coeunt & sicciore fiunt, nec subtilior sanguis & lympa, nec succi, qui potentia & viribus movendi instructi sunt, ab alimentis & sanguine nec separari, nec in organa, sensibus & motibus ministrantia, influere pos-

possunt; non possunt utique non vires ac vigor, tam in sensuum quam motuum exercitio, mire labefactari ac dejeci: quandoquidem omnis tonus, robur, vigor & motus reciproci systoles & diastoles, nec non peristaltici, in canalibus maxime secretoriis & excretoriis viget, potentia & administratio, a tunicis musculosis & nerveis, nec non subtiliori sanguine arterioso & fluido nerveo, penitus duci debent ac derivari.

11 Si porro, specialiori disquisitione morborum quibus infestatur senectus natales rimari velimus: certe præcipui eorundem a copia & impuritate sanguinis & lymphæ viscida falso-tartarea, & a naturali blanda ac dulci sua schesi deflectente humorum natura petendi sunt. Inde enim tusses, coryzæ, atrophiz, defluxiones acres, urinæ difficultates & stillicidia, cutis pruritus, originem sortiuntur; inde exulcerationes & difficiles in partibus læsis consolidationes cum cachexia, sive malo habitu, senibus familiarissimo, incunabula trahunt; inde calculosæ in renibus, vesica urinaria & fellea concrectiones, nec non tophaceæ, in artuum juncturis excluduntur; inde quoque vigiliz, gingivarum putredines, dentium vacillationes ortum nanciscuntur. Quin eadem quoque causa subest, quare nulla ætas tam facile pateat sphacelationibus & cancriosis exulcerationibus, præsertim in corporis exterioribus, quam senilis. Summa enim eaque foeda & corruptiva humorum impuritas, cum virium defectu, sive cacochymia, quæ communis & fere perpetua est senibus & quam ipsa hæc ætas progignit, corruptionis hujus, quæ in partibus extremis prodit, vera causa, origo & fons est.

12 Unde vero tanta humorum sordities in extremam ætatem incidat, ipsique quasi propria, vel familiaris admodum sit, ut etiam nonnulli senectutis vitium cum malo scorbutico comparare permoti fuerint, jam erit evolvendum. Nos, uti omnis impuritatis in humoribus causam, in organorum, quæ excretionibus vacant & sæculentas ac alienas materias a succorum vitalium consortio segregant, vitium reiicimus: ita idem etiam in senili cacochymia gignenda animadvertere licet. Etenim libera & sufficiens per cutis meatus perspiratio, omnium, quæ corpus a putredine & interitu vindicant excretionum saluberrima est atque præcipua; ita, ut hac immutata, plurimæ recrementitiz sordes multaque inquinamenta in corpore re-

maneant & vitæ servientes humores conspurcent. In decrepitis autem & senio confectis, hæc per corporis corticem succedens evacuatio, propter aridam & siccam cutim, porosque ac tubulos subcutaneos coarctatos & contractos, valde minuitur ac supprimitur; quo fit, ut dulcis alias & saporis expers nutritius, peregrinæ & falsæ indolis humore inficiatur, urina multo acrior & salibus onustior cum dolore reddatur, corpus minus recte alatur, ulcera difficilius coeant, fracturæ ægre consolidentur, & quæ hujus generis plura sunt. Et quia biliosi pariter & lymphatici humores, a suppressa cohibita sordium per cutis perspiracula eliminatione, acrimoniam & alienam indolem contrahunt: neutiquam certe mirum videri debet, si ob eandem lenteriz, celiacæ passionis & alvi crebriores dejectiones senes quam maxime impetant ac detineant.

13 Ad miæctum denique cruentum quod attinet: cur is tam crebro in decrepita ætate conspiciatur, & quare vesicæ morbi senilia potissimum affligant corpora; ex facili reddi posse rationem existimamus. Id enim crebriori observatu compertum habemus, eos, quibus antea per ani venas sanguis secessit, postea vero subsistit, vel non sufficienti in copia stillavit, sanguinolenta miæctione tandem infestari & vesicæ vitiis quam maxime laborare, dum cruor, prohibito per hæmorrhoidales venas exitu restagnans, ad ramos earum vesicam versus excurrentes deferatur, ibique perrumpens, in ejus cavum effunditur & cum urina emittitur. Quando tamen facile contingit, ut perforata sic interiori vesicæ tunica, factum vulnusculum ob perpetuum urinæ acrioris appulsum iterum non consolidetur, sed in ulcus transeat, aut ipse sanguis altius & firmiter tenerrimis furculis impactus, eosdem nimium distendat, inflammationem pariat, corrumpatur, & sic ulcus suscitetur, non solum ex succedentibus apospasmodicis ulcerosis, ex urina præcipitatis & concrecentibus calculis generatur, sed ipsa etiam urina turbida, pultacea & cum magna difficultate ac ardore stillat, donec tandem læso sphinctere, ejus oriatur incontinentia.

14 Adductis sic atque perspectis causis morborum, qui senilem ætatem frequentissime adoriuntur summamque ingenerant infirmitatem: paratiori nunc via accedimus ad præsidia quæ vires senum, pari cum vitæ passu ambulantes, fulciunt, difficiles istas

mor-

morbosas afflictiones arcent. Quum vero prima in medendo sapientiæ pars sit, ea nosse, quæ nocent, utile non minus, quam necessarium visum fuit ea præmittere, quæ ætate proventis adversa sunt & inimica, quæ naturale virium robur frangunt ac dejiciunt, & alendis, quin augendis morborum causis favent: quo majori postea cura & sollicitudine, qui in senio processerunt, sibi ab iis cavere possint. Ordiamur proinde ab iis, quæ subito & potentissime vires convellunt & singularum fere partium robur prosternunt, quo nomine potissimum notanda sunt ea, quæ animum percellunt impensius, affligunt & sollicitant, quibus merito diuturnum mœrorem & gravem angorem annumeramus, quo plures senes subito e medio sublato novimus. Et sane pro re satis effari nequeo, quam gravi & perniciosi noxa longius protrecta tristitia animique sollicitudo, tam firmos & valentes, quam multo magis senio fessos, infirmos ac imbecilles, maestet. Inde enim ciborum appetentia perit, somnus fugatur, languor & imbecillitas totum corpus occupat, vigor ingenii & corporis atteritur, extrema frigescent, alvus fit solutior, sudor ex pedibus ob inductam debilitatem, noctu copiosius manat. Quapropter in declivi hac ætate omni certe studio & cura evitandæ sunt quævis occasiones, quæ ægritudines anxias & acerbis importare, aut mœrorem & terrorem incurrere possunt. Nam sicuti ad difficiles & chronicas passiones excludendas ipsamque scorbuticam sanguinis impuritatem ingenerandam, auctore EUGALENO, nihil magis quam tristitia, animique mœror confert: ita omnino alendis & augendis senum afflictionibus, quæ natales ex crudis potissimum & impuris humoribus trahunt, exitialis hic affectus quam maxime servit & velificatur.

15 Porro omnes, qui ætate graves sunt, solerter animum ab immoderatiore ira continere debent. Hæc enim si incidit in corpora impuro sanguine oppleta, aut si inferiores partes spasmis ac doloribus torquentur, perquam facile apoplecticum aut hemiplecticum insultum, vel inflammationem erysipelaceam, aut ventriculi, inducit. Non minus senibus infirmioribus exitiosa adeoque fugienda est Venus. Nam licet, forsan ob lymphæ seminalis majorem falsedinem, stimulos eandem persentiant: attamen, si vim naturæ inferentes, hos promovent & ad ipsum exercitium descendunt, certissima vi-

rium subsequitur jactura, quæ nonnisi ad difficiles morbos, quin ipsum interitum, aditum pandit. Maxime omnium vero ii, qui eam ætatis periodum attigerunt, ut, præstolante ex prisco fœdere morte, mox transactæ vitæ ratio ipsis reddenda sit, id potissimum per Dei gratiam agere debent, ne peccatis, sese polluant, quæ conscientiæ suffragio, ipsos injecto metu redarguant, animumque lacerent, & ipsi sic grassante in vires angore, easdem disperdant corpusque morbis obnoxium reddant.

16 Post animi turbas, in eorum, quæ senibus evitanda sunt, sensu, secundum utique locum ex rerum non naturalium classe meretur frigus. Nam si quid aliud, certe hoc, naturæ corporis senilis insensum est atque adversum; quia, dudum notante HIPPOCRATE, *Sect. 2. aph. 20.* obdurat eamque rigidam & pallidam reddit, quæ jam tum in annosioribus dura, arida & contracta, sordium ex subcutaneis tabulis exhalationem prohibet & ad plurimas ægritudines viam sternit. Hinc est, quod admissio ad partes inferiores vel etiam ipsum corporis habitum paullo intempestivus frigore non modo cutis inhorrescat & subito humorum ad interiora conversio oriatur, gravedines, tusses, destillationes & raucedines, cum languore, inappetentia & inquietudine suscitentur, sed etiam apoplexiæ metus ingruat. Et hæc etiam ratio subest, quare senes ætate optime valeant & hieme pessime habeant, adeo, ut auctore eodem HIPPOCRATE, senes hieme bis senes sint. Eo igitur studiose aliorum laborandum est senioribus, ut corpus, maxime pedes, exquisite vestibus adversus auræ perfrigoratæ allapsum muniant, neque eidem, post somnum maxime & sub linteorum mutatione, accessum præbeant, ac præterea nunquam non ejusmodi regimini studeant, ne corpus ventis borealibus, aut pluviosæ ac procellosæ tempestati exponant, neque hiemali potissimum tempore ex calidiori hypocausto, mox in frigidum locum, vel ex hoc, confestim in valde calefactum conclave concedant. Similiter quum in locis depressioribus, humilioribus aut subcavis, in terram altius demissis conclavibus, quæ liberioris aeris transitui minus patent & vapidis terris exhalationibus referta sunt, ea inspirationem aeris minus puri ipsamque perspirationem sufflaminatam, degere vel dormire insalubre admodum sit & sanitati dispendiosum; utque eadem curiose vita, & salu-

saluberrima semper senes feligere debent domicilia.

17 Accedimus nunc ad ea, quæ in victus ratione ætate gravioribus fugienda sunt. Hæc inter inprimis connumeranda nimia & avidior ciborum ingestio. Quod si enim simul & semel largiori alimentorum copia insarcitur ventriculus, is jam tum ob ætatis rationem solutior, ingestorum molem non debite subigere, comminuere & in laudabilem succum convertere potest, neque chylus, ex indigesta massa extractus, a sanguine intimius absorbetur, & hinc perspirationi parum idoneus est. Quin potius, dum cibi diutius in stomacho mora neſtunt, cruditates, inflationes ac tensiones ventriculi, flatus, nec non somni perturbationes, excludunt, aliaque incommoda inducunt. Unde scite non minus quam vere CELSUS lib. 1. cap. 2. fatur: *ubi ad cibum ventum est, nunquam tuta est satietas*. Cujus in sententiam conspirat HIPPOCRATES lib. de diet. acut. prava, inquit, est hæc dieta, cum quis plures cibos corpori præbet.

18 Quoad ciborum vero genera, senio plane inimici sunt, qui glutinosi, compactiores & plurimum alimenti crassi, rudioris cultodiunt, a CELSO valentioris materiæ dicti, nec non qui, ob tardiores minusque expeditam concoctionem, ægrius intestinorum volumen trajiciunt & flatulentis ingignendis favent. Horum familiam ducunt ova ad duritiem cocta, carnes & pisces nimis saliti vetustiores & duriores, marini, vel indurati, fabæ, milium, lentes, pisa omnesque placentarum, quæ ex lacte, ovis, butyro & farina tritici pinsuntur, species, nec non ipsa pingua, ægrius semper solubilia. Eundem quoque in censum referenda omnia cruda, dura, & quæ ob fibrosiorem texturam, difficile in digestionis officina discerpuntur, sed ob viscosam tenacitatem facile in flatus resolvuntur, ex vegetabilium classe depromta, cujus generis potissimum sunt, napi, rapæ, bulbi, brassicæ species, dauci, allium, cepæ, raphani, acetaria, ex lactuca variisque herbis parata.

19 Sed nihil certe magis senibus damni importat iisque adversum est, quam acida, ipsius vitæ principis inimica. Hæc enim dum solidas partes præter naturam afficiunt, constringunt, irritant, densant, meatus coarctant, afficiunt, constringunt, irritant, densant, mentes coarctant, minima vasa obstruunt & vinculum seri ac sanguinis destruunt,

Hoff. Opusc. varii argum.

fluida incrassant, & excretiones, præsertim quæ per alvum succedunt, impeditiores reddunt: utique non possunt non senibus corporibus, in quibus solidorum constitutio jam vitiata ipsaque fluida spissitudinem contraxerunt & lentius circumaguntur, maximum injungere detrimentum. Deinceps quum ea ventriculi in annosis sit habitudo, ut ob imminutum robur & motum peristalticum, viscidas quoque & crudiores sanguinis particulas, per progressivum & intestinum motum tardiores minus evolutas, subtilisatas, & ad sulphureo-alkalinam naturameductas, ingesta facile in ejus cavo acescant, & sic saponariam illam alkaline bilis indolem infringendo, ad strictiorem alvum, tenesmum, fæces albas aliaque mala ansam præbeant; iterum dilucide patescit: non solum quæ acidam & noxiam indolem apertius produnt, sed etiam in stomachum delatam, acetosam & perniciosam naturam induunt, in grandiori ætate, tam ex ciborum, quam eorum, quæ potui inserviunt censu, summo esse vitanda studio.

20 Potissimum huc trahenda ex iis, quæ conspectius, ipso sapore teste, aciditatem monstrant, sunt omnes horæi fructus, acidi & immaturi, acetaria, viscida, potissimum Rhenana, nec non cerevisiæ vetustiores. Ex his vero, quæ in ventriculi cavo demum acetosam indolem suscipiunt valetudini noxia sunt, nominandæ inprimis omnis lactis, excepto solo asinino, cum regimine dato, species, omniaque ex ipso parata, maxime caseos. Dum enim lactis materia cum acido, in ventriculo senum ubertim delitescente, congregitur, in coagulum abit & in firmam tractam difficulter solubilem densatum, parietibus adhærescit, & cum succo corrosivo, acido & bilioso mixtum, partem cui incumbit, rodit, molestum in præcordiis sensum, cum inflatione stomachi excitat, variaque alia damna, in capite potissimum, ex consensu oriunda importat. Idem tenendum de dulcibus & conditis, & variis bellariorum generibus, quippe quæ, si non solutiores alvum reddunt, damnum gignunt, & testimonio CELSI imbecillo stomacho aliena sunt in eoque coacescunt. Eo major autem noxa ab iis metuenda, si cum acidis, ut vino Rhenano, sumantur, eo quod aciditatem quidem promte imbibunt, sed firmitus retinent, donec tandem calore accedente, fermentatione acerrimam & corrosivam indolem induant, qua ventriculum &

F

in-

intestina mordente, anxia & nauseabunda circa præcordia molestia percipitur, & alvi tormina, irritus ad desidendum stimulus cum albis stercoribus excluditur.

21. De potus delectu jam quidem ex præcedentibus constat, damnosum esse omnem illum, qui acidum in recessu alit, addendum vero etiam & senibus perniciosum esse. reor hunc, qui caput petit, gravat & facile inebriat, siue vinum sit, siue cerevisia. Quia enim in senibus caput maxime, cum universo genere, insigni infirmitate laborat: profecto omnia spirituosæ & ebrietatem inducentia, cerebro & nervosarum partium naturæ valde inimica, ipsumque sanguinem nimis rarefacientia, in iis non cum eximio damno naturale robur & motum magis pervertere, & distentis nimium a sanguine expanso tenuissimis cerebri vasculis, gravissimis capitis morbis occasionem præbere. Et quum legitimus alvinæ excretionis successus senum valetudinem quam maxime tueatur: utique, tam in cibo quam potu, solícite sibi temperare debent ab omnibus, quæ eundem turbare aut cohibere possunt, e quorum numero, præter acida, notanda potissimum cydonia & ex ipsis conflata, vina austera rubicunda, Gallica maxime quæ vocant Pontac & Claret, nec non cerevisiæ vetustiores, præsertim e tritico coctæ, utpote quæ, longiori mora non solum magis spirituosæ redduntur, sed etiam acorem contrahunt. Denique ætate grandes desidiam quoque nimiamque quietem fugere debent; quandoquidem si his indulgent, humores lentius per corporis vasa volvuntur, spissescunt, & excretionibus suppressis, facilis ad obstructions aliaque mala est aditus.

22. Remotis igitur & interdictis, quæ senum valetudinem labefactant ac destruunt: progrediendum est ad ea, quæ eidem servandæ profunt. Est vero inprimis mens hilaris, æqua, composita & ab affectuum impetu immunis, quæ non solum motibus machinæ vitalis conservationi dicatis minus perturbatum semper concedit successum, sed etiam vigorem corporis fulcit ac tuetur. Et optime certe a sapiente dictum est: *animus gaudens ætatem floridam facit, spiritus tristis exsiccat ossa*. Quare nihil magis e re sua esse putent ii, qui obrepente senectute valetudini consulere nituntur, quam ut pæcato, CELSO ac excitato fruantur animo, illum subinde oblectando & innocenti voluptate & lætitiâ perfundendo, cujus uber-

rimam materiam penitior rerum, tam divinarum in sacro codice comprehensarum, quam naturalium in amplissimo naturæ libro obviarum, contemplatio suppeditat.

23. Deinceps aeris quoque magna vis est, ad inducendam tam secundam quam adversam valetudinem, corporibus præsertim imbecillis senilibus, quæ mutato illo, illico etiam mutationem experiuntur. Ne igitur ex insalubri aura detrimentum accidat senio fessis, eligendus erit aer temperatus, purus, tetrus alitibus non inquinatus, sed liber,isque ruralis: quippe qui verum sanitatis pabulum, quod vires inspirat, appetitum excitat, concoctionem juvat ipsique libero excretionum successui servit. Inprimis e re illorum est, ut incolant conclavia ampla & spatiosa, ad quæ aer libere pertingere eademque perflare potest, orienti quoque & hiberno potissimum soli patentia.

24. Apprime enim senibus conducit solaris calor hieme præsertim & autumnu usura; quandoquidem sicuti floribus, herbis aliisque vegetabilibus, brumali tempore propagandis, ad incrementum & durationem solis accessus summopere confert: ita pariter etiam ratione, marcida senum corpora hiemis ipsiusque senectutis molestias longe tollerabilius perferunt, si solari naturali calore, & non tantum adscititio per ignem suscitato, perfruantur. Veteres hunc in finem in superiori ædium parte construebant solaria, quæ solem undique exciperent apricæque essent, & recepti inter eos ad valetudinem tueadam moris erat, ut crebrius nudi in sole jacerent, sederent vel ambularent, quod sole uti, & insolationem dicebant, cujus commoda Mercurialis lib. 6. cap. 1. fusius exponit.

25. Prodest etiam nonnunquam, præsertim Majo & Septembri mense, qui saluberrimi censentur, senibus, ut peregrino aere se confirmant, quod præsidium prisce identidem ad conservandam & fulciendam corporis integritatem mirifice commendarunt; ita, ut Plinius lib. 3. ep. 1. de Vespicio quodam fidem faciat, quod constanter hanc regulam servans, post septuagesimum & septimum annum, aurium oculorumque vigorem integrum, agile & vividum corpus servavit. Idem clarissimo argumento docent diuturni & quam maxime rebelles morbi, quos, quum non tempus, non remedia vicerunt, mutatum cælum subinde sustulit.

26. Porro motus corporisque exercitatio viri-

viribus fulciendis & sanitati servandæ longe utilissima est. Dadum id professus est Celsus, perhibens: *ignavia corpus hebescere, labore firmari, illa maturam senectam, hoc longam adolescentiam fieri*. Quemadmodum enim ipsa vita, omniumque tam animi, quam corporis functionum integritas, consistit in motu solidarum æque ac fluidarum partium æquali ac imperturbato: ita certe, quin motitatio corporisque exercitium, huc adjuvando, non solum vitæ & virium conservationi eximie patrocinetur, sed etiam in ætate declivi vigorem ingenii ac corporis sustentet & augeat, ipsique sanitatis constantiam spondeat, non est quod dubitemus. Et dicet plura ex remediorum classe sint, quæ corpus calefaciunt & motum sanguinis intendunt: motus tamen corporis his omnibus longe præferendus, quippe qui, naturalis magis & de proprio principio calorem & progressus augmentum inducit, ille vero adscititius, externus & aliunde accensus, naturæ non adeo amicus.

27 Sant vero ejusmodi-exercitationum modi eligendi, qui corpus non nimis languoriant, sed ætatis provectioris viribus respondent. Saluberrima ambulatio, vel præsertim litteralis, quo sedentaria vita, quam poscunt musæ, per intervallum temperetur corpusque refocilletur. Hæc quo moderatior est, sub temperate calido cœlo, eo plus emolumenti præstat, præsertim si tribus, vel etiam quatuor, ante, nec non post cibum sumtum, horis, instituatur; quandoquidem hoc pacto, concoctionem non turbat, sed eandem adjuvat & appetitum excitat.

28 Aptissimum quoque imbecillis & senescentibus, nec non qui musis in quiete & secessu litant, motus genus est clara lectio, cujus usum veteres eximie collaudarunt. Dum enim elata voce diutius emissa, respiratio intenditur, non solum pulmones crebrius attolluntur, latius panduntur, incalescunt & cum aere sordes eliduntur, sed universus etiam sanguinis circulus, cum calore, spiritu & perspiratione augetur, quo fit, ut partibus robur infundatur omnesque in corpore functiones expeditius & melius succedant. Quin auctore Celso, figurata voce instituta lectio robur ventriculo maxime ingenerat, & ciborum concoctioni egregie servit; siquidem motis sub sermone thoracis septiq; transversis musculis, vicinus conquassatur ventriculus & comprimitur, ut non solum sanguinis arteriosi & fluidi nervei in ejus tuni-

cas augeatur impulsus, sed etiam major salivialis & fermentalis menstrui fiat affluxus. Ut adeo pateat, egregio beneficio publice docentes in eo frui, quod ipsa muneris ratio ipsis injungat, ut ademptis maxima ex parte aliis motus speciebus, voce corpus exerceant.

29 Lenissima & imbecillis quam maxime conducibilis corpus agitandi ratio est gestatio in lectica: quippe quæ, ad discutiendum id, quod coit in habitu corporis, & liberum perspiratum retardat, sine ulla vehementia plurimum confert. Eisdem quoque senio & debilitate affectis, Celsus *lib. 4. cap. 5.* suadet, ut ejusmodi exercitationis genus adornent, qua superior corporis regio magis dimovetur & percietur, illudque in omnibus stomachi vitiis accommodum & ex usu esse confirmat: id quod commodissime perficitur manuum motitatione & brachiorum agitatione, per pulsationem musicorum instrumentorum, lusuam varia genera & qui plures alii sunt modi.

30 Motus vices in iis, quibus exercendi corpus occasio & locus deest, supplet frictio, quæ utilissime non modo in capite & dorso, sed etiam pedibus & toto corpore instituitur; eo quod inde calor insitus excitatur, motus sanguinis per minima vascula urgetur, cutis rarefit, & si quæ subtus hac latent superflua transpirant. Multum certe huic detulerunt veteres, & Celsus inprimis in corporibus imbecillis & levata adversa valetudine, ejus administrationem præcepit, neque dubium est, quin eadem debilibus etiam senum corporibus apprime proficua sit. Tutissimum vero & opportunum est, corpus quotidie, perfecta concoctione alvoque prius excreta, mane in lecto, vel vespere ante lecti introitum, maximeque partes extremas, pedes potissimum, panno asperiori ad cutis ruborem usque perfricare, & ita quidem, ut fricatus deorsum ducatur; siquidem lentior semper est sanguinis ex inferioribus partibus ad fontem recursus, qui hoc auxilii genere adjuvandus est, inprimis quem pedes senum & imbecilliorum ex facili & plerumque frigescat.

31 Non minus priscis in quotidiana corporis cura olim frequentissimus fuit balneorum & unctionum usus, & pugnare hæc præsidia contra frigiditatem & aciditatem partium, senibus exitiosissimam affirmarunt. Verum nostris in regionibus, quæ cœlum longe frigidius & rigidius obtinent, auramque

inclementiorem foveant, quam Græcia aliæque calidiora loca, minus tutus est senibus balneorum infusus, inprimis autumnus & hieme, eo quod aer perfrigeratus corpus ambiens, tonum cutis magis destruit & ad destillationem ac gravedines disponit. Interim tamen iis, qui senio non adeo exhausti sunt, æstivo tempore, fatigatis per motum & iter membris, non adeo dissuademus, ut partes, tam inferiores, quam superiores, accommodo balneo, in conclavi maxime spatioso, amplo, alto & lucido, foveant. Uctiones autem magis, inter nostrates etiam, usui esse possunt, ita easdem adornando, ut partes inferiores, & maxime etiam spina, ad solem, vel fornacem calidam, calide cum oleo v. c. amygdalarum dulcium, vel pinguedine caponum & gallinarum, additis aliquot olei lavendulæ guttis, inungantur & leniter perfricentur.

32 Præterea somni ad vitam & sanitatem servandam tam præstans est usus; ut sine eo durare nequeant, & ad vires reparandas tam incomparabilis facultas, ut omnem, cujuscumque etiam analeptici dilaudatam virtutem longissime exsuperet. Is enim non solum spirituosas & fluidissimas sanguinis & lymphæ partes fovet & tuetur, sed etiam nutritium & alibilem succum retinet, quo solidæ partes egregie humectantur & dulci rore perfunduntur: ut adeo ad exsuccas & aridas corporis marcescentis partes, eodem nihil sit utilius & aptius, & ex vero a Galeno monitum: *omnibus ex siccitate laborantibus. Somnus opportunissima est medicina.* Quo magis itaque senibus siccitas est infensa, & genuina, tam imbecillitatis eorum & extincti caloris, quam ipsius mortis causa, eo magis ipsis somnus amicus & in pretio esse debet, & is quidem non interruptus, non fatigans, inquietus, nimisque accisus, sed placidus, plenus & reficiens, qualis esse suevit post cœnam facilem & frugalem animoque hilari & tranquillo quieti sese dantibus. Incubandum vero etiam stratis mollioribus, non solum ut ipse somnus eo quietior sit, sed etiam quo mollescente inde & relaxato corporis habitu, sanguinis liberior in hunc fiat appulsus, & sordes per aperta cutis spiracula eo promptius dissidentur.

33 Succedunt ingesta, cibus scilicet & potus, in quorum delectu maximopere respiciendum ad senilium corporum, tam quoad annos, quam virium diversam habitudinem. Etenim quibus firmior adhuc ventriculus mi-

nusque annorum, non facile discedant ab assueta victus ratione, licet tantisper durior sit & ex viliorum more; qui vero solutioris sunt stomachi, uti decrepita ætate confecti, selectum instituant & accommodis cibis utantur, iis nempe, qui probatissimi succi, temperati, faciles concoctu, nec diu in ventriculo moram necitantes eumque gravantes & moleste afficientes. Commendamus hunc in finem inprimis juscula ex caponibus, gallinis aliisque alibilibus carniū generibus, nec non liquamen ex contusis cancris fluviatilibus, sine aqueo vehiculo, affuso vini modico, adjectisque aliquot citri taleolis & macis frustulis, in vase clauso, imposito aquæ bullienti, per decoctionem paratum. Eandem quoque in rem laudem merentur brodia, quæ ex pane grossiori furfuraceo, cum aqua & vino, addito cinnamomo & saccharo, conficiuntur, nec non, succus ille gelatinosus, qui ex assatis carnibus stillat, quippe qui, tanquam selectissima & ad chyli naturam quam maxime accedens pars, nativi caloris in senibus substantiam egregie instaurat affuso solidis temperato, & spirituosius delibatissimo nutrimento. Neque etiam penitus abstinendum a cibis levioribus: qui alvum lubricam servant & acidum in prima regione succos contemperant, cujus genera sunt pira & poma dulcia, pruna Hispanica, fructus cynosbati cum passulis aqua & vino decocta. Parcior vero semper sit cœna senibus, præsertim si caput infirmitate detinetur, vel tussis humida urget, ipsiusque ventriculi robur remissum. Nam licet somnus cœnam excipiens ingestorum digestionem secundet; ipse tamen, superfluum per alvum, urinam, perspirationem & pituitæ screatum impedit, eaque suspensa, cruditas sit proventus, quas ventriculi inflatio, ructus, capitis oppletio, pondus, sensuum torpor, nocturna tussis corporisque sub somno jactatio arguunt.

34 Non minor cautio circa potum adhibenda. Et ut prius de cerevisiis mentem promamus; rarissima certe sunt exempla senum, qui easdem ferre possunt. Nam si juniores, flatuum generationi velificentur, si vetustiores, acorem contraxerunt & caput petunt, uti solenne inprimis est ex tritico coctis, si vero lupulo amaricantes & validioris materiæ, humoribus lentorem & capiti segnitiam insinuant. Quare si quis cerevisias assuetus, nec aquarum potum admittere potest, tenuissimæ, vulgo Dalb bier, crassioribus

ribus præferendæ, & spirituosæ gratiores, quo nomine notæ sunt Goslariensis; Brunswicensis & Mecklenburgensis, saltem instar medicinæ stomachicæ, modice, & quidem in cœna bibendæ. Qui vero aquis assuesciti, his levissimas & purissimas, leniter tantum cum ligno lentisci, vel corticibus citri decoctas, potui dare expedit, eo salubriores, si cum vino apto remisceantur.

35 De vino ejusque usu, communis quidem veterum sententia fert: pueris dilutum, meracum & potens senibus conducere; norma tamen est neutiquam perpetua, sed potius cum judicio & discrimine applicanda. Omnino enim natu grandioribus saluti est, ut vinum minus potens bibant, vel forte, quale vetus Rhenanum & inter Gallica optimum Burgundicum est, aqua temperent: ita tamen ut si aquæ potus ordinarius, illius tertia vel quarta pars confundatur. De generosioribus autem monendum: quod potentia eorum simulque dulcia, quorum censum subeunt, quæ superior Hungaria profert, imprimis Tockaviense, porro e Gallicis Languedocense, Vin de St. Laurenz, Lusitanum quod ex Portu Cale advehitur, Florentinum, & inter Franconica der Stein-Mein senili ætati admodum salubria sint, modice tamen & crebrius inter cibandum sorbillata, quo pacto juvant concoctionem, calidum nativum, ex prisco loquendi more instaurant, neque minus universo corpori calorem infundunt & ferofas sordes, tam per urinarios meatus, quam subcutaneos tubulos, ejiciunt.

36 Sunt vero etiam præter frigidos potus, recepti nostra ætate usus calidorum potulentorum genera, Thee scilicet, Coffee & Succolada, quæ, an grandævis etiam prosint dispiciendum. Hæc utique senibus eorumque valetudini tuendæ aptissima sunt, etiam paullo liberalius propinata: eo quod humectant, crassos & salsos humores diluunt, meatibus patulos servant, & calore sanguinis progressumfordiumque cum perspiratione diffinitionem promovent: modo ventriculus liberaliorem ferre possit copiam. Interim tamen, quia vis herbe Thee adstrictiva senili corpori non adeo favet, rebus suis melius consulunt, qui tutioris virtutis herbas cum calida infundunt, eoque nomine imprimis herba veronicæ, betonicæ, melissæ, præsertim Turicicæ, cum corticibus citri & aurantiorum, commendationem merentur. Decoctum quoque Succoladæ, si cum aqua paratur, adjecto uno vel altero ovi vitello, senum constitutioni &

nutritioni quidem maxime accommodum est: sed moderamen tenendum, nec nimis crebro eo utendum. Neque etiam potus Coffee plane rejiciendus, quod si enim alvum solvit & nervoso generi non obest, acidum, quo seniorum ventriculus plerumque obsidetur, infringendo & temperando, egregie inservit. Sorbillantur autem ejusmodi calidæ potiones, nostra quidem sententia, commodissime & optime mane in lecto, quo iisdem lenis & placidus mador eliciatur.

37 Sed hæc de vitæ regimine & victus ratione in tutanda senum valetudine servandis; jam nonnulla adjicienda sunt, de aliis præsidiis medicamentosis magis & non ita quotidianis, integritati tamen ætate provectiorum egregie patrocinantibus. Et primo quidem loco excutiendum: num thermarum vel acidularum potus senibus utilis sit & accommodus? In hac autem consideratione potissimum ratio habenda non solum virium, quæ usuris consent, & ipsius periodi senectutis, quæ non adeo sit declivis, sed etiam facultatis mineralium aquarum, quæ minus vehemens esse debet. Proinde in decrepitis & a vigore defectis, quales communiter sunt qui septuagesimum annum compleverunt, caute mercandum est in medicatarum aquarum commendatione, ac potissimum improbandæ sunt validiori agendi vi instructæ, quarum classem ducunt Pyrmontanæ & Egrinæ, ex thermis Carolinæ, ex falsis Sedlicensis, cum fonte, qui ad pagum Seydschutz salit. Temperatarum vero & mitius operantium usum admitti posse censemus, & ex his quæ saluberrima est, Selteranæ, imprimis si tempore æstivo loco ordinarii potus, cum tertia vini Rhenani optimæ notæ parte nupta, exhibeatur; ita enim acidum vini, cum alcalino aquæ elemento in tertium quoddam sal abstersivum degenerat, cujus ad excretionum secessum secundandum eximia est virtus. Addi etiam potest huic mixturæ elæosacchari citri sufficiens quantitas, tum ut saporis gratiam captemus, tum etiam ut viribus tantisper prospiciamus.

38 An venæsectio senibus proficua sit? vexatum in foro medico est dubium, facile diluendum & solvendum, si subactum medicum judicium accesserit. Quod enim in senili corpore, si firmior adhuc ventriculus & appetentia vegeta, sanguinis abundantia adsit, nullum est dubium, eo major & certior, quo minus sub otioso minusque laborioso, senibus

bus familiari vivendi genere, is per motum consumitur. Quin potius in plerisque non solum humorum redundantia, sed etiam ex hac oriunda impuritas peccat, ut plurima ipsis solennia mala, ac inprimis infestissimus proVectiori ætati marasmus, a crasso & copioso sanguine, quo viscera turgent & infarcta sunt, originem trahant. His igitur sanguinem mittere, est vitam prorogare & sanitatem servare, præsertim si jam antea venæsectioni assueverint, diætâ lauta ac vinosa fruuntur, sanguinisque; per ani venas secessus substituerit. Novimus certe plures, qui subtracTo quotannis aliquoties e vena sanguine, ætatem, quæ robustissimis etiam satis longa est, impleverunt, & annum octogesium quartum & sextum exceßerunt. Contra vero si corpus impensius enervatum, vires confectæ, appetitus dudum prostratus, sanguinem educere, piaculum foret & senectutem extinguere. Sed quum nobile hoc non minus quam utile argumentum, jam olim peculiari scripto fufius pertractavi, supervacaneum puto, plura de eodem, ibi dicta huc transcribere.

39 Præterea quum alvina excretio, sive excedat, sive deficiat, senum saluti periculum minetur, legitimi ejusdem successus quoque ratio habenda erit. Quod si autem alvus compressa fuerit, ejus solutio neutiquam validioribus, & virulenta indole gravius in vires grassantibus, molienda; sed confectæ huic ætati, præter laxantes, ex salis, dulcibus & pinguibus, cibos apprime dicata & accommoda est manna, ad unam vel alteram unciam, cum lacte asinino, vel sero caprillo oblata; quippe quæ, pectori amica, tussi medetur & ponticos austeros in primæ regionis diverticulis obhærescentes succos egregie cicurat, eosdem sine virium damno, promte per ani secessum exturbat. Sæpius quoque observavimus, exhibito saltim pulvere absorbente, vel bezoardico fixiori, alvum in senibus fuisse motam, hanc forsan ob causam, quod alcali terreum pulveris ingrediens, cum acido primarum viarum in sal tertium abiit, & tunicis intestinalibus stimulum insinuavit. Sennata autem nec non aloetica exulent. In segnioribus tamen & phlegmaticis, si res postulat, pilulæ temperatæ balsamicæ ex usu esse possunt, cujus generis sunt Beccherianæ & ad imitationem harum paratæ & correctæ. Et si forsan acciderit, ut ob sæcum siccitatem & copiam alvus obstipetur, injiciendi sunt clysteres

emollientes oleosi & his stercora evocanda. Sin vero nimis crebro alvi dejectio senes exerceat, ut metus lienterix sit, innocentissima sunt adstringentia; tutius est diætâ quodammodo siccante uti, abstinendo ab omnibus acidis, salis & acribus, stimulum inferentibus. Et ad reparandum intestinorum laxatum tonum, ex cinnamomo paratis nihil est præstantius. Utilissimum quoque est balsamum nostrum spirituosum sic dictum vitæ, cujus guttæ 10. ut plures, cum duabus ol. cinnam. guttis interius assumendæ, eodemque exterius ventriculi regio inungenda.

40 Superest tandem, ut de iis, quæ ex medicamentorum classe ad refocillandas in grandævis vires faciunt, nonnulla addamus. Quamvis autem plurimi ad hoc perficiendum spirituosos & aquis sic dictis stomachicis, primas deferant: cautissimus tamen eorum sit usus auctor sum, ne liberali manu & crebrius propinata sanguinem, præsertim si redundet, exagitent & caput imbecillius reddant; quin, in senectute viridi & vino fruentibus, plane ab iisdem abstinendum esse censeo. Interim si vires vacillantes remediis suscitare ex usu sit, tria, quæ principem inter analeptica locum tenent, ambram scilicet, cinnamomum & succinum, & ex his lege artis parata, plenissime commendamus. E liquorum autem analepticorum compositionibus, hanc maxime utilem & accommodam fere reor formulam: Rec. myrrhæ electæ unciam unam, croci unciam dimidiam, corticum citri & aurantium ana uncias duas, cinnamomi acuti unciam cum dimidia; affunde spiritus liliorum convallium libram dimidiam, postea adde vini Hungarici mensuras tres, distillantur lege artis per alembicum; prodiens liquor suavissimi odoris & saporis, julepo rosar. grata dulcedine imbuetur & affusa drach. una essentix, usui servetur. Est certe hoc remedium tam accommodum senum fessæ naturæ, & tam præstans ad imbecillitatem sublevandam, quam vix ullum aliud, firmat quippe ventriculum debilem, caput roborat & blandum quoque somnum inducit. Poterit autem de eodem nonnunquam cochlear unum vel alterum, vel solo vel intincto pane mellito Norimbergensi exhiberi. Non minus etiam viribus & stomachi infirmitate egregie succurrit elixir nostrum balsamicum viscerale temperatum, ad cochleare dimidium post pastum propinatum, inprimis si refracta dosi bals. nostri vitæ admisceatur: quod balsamum si ad aliquot

aliquot guttas infuso thee intilletur, & exterius, attracto per nares odore, verticis, nuchæ, & necessitate exigente aliarum a robore defectarum partium inunctione, in capitis dolore, vertigine aliisque senum afflictionibus, opem præstat longe saluberrimam.

DISSERTATIO V.

D E

SALUTARI AC NOXIO
VENÆSECTIONIS
USU.

§. I.

SI unquam breviter, solide tamen & accurate universæ medicæ artis natura tradita fuit, certe ab antiquissimo & probatissimo medico HIPPOCRATE præstitum fuisse arbitror, qui libro de Flatibus docet: *medicinam: nihil aliud esse quam additionem & subtractionem: subtractionem eorum, quæ exsuperant, eorum vero, quæ deficiunt, additionem: Qui vero illud optime facit, is optimus medicus existimandus est, quique plurimum abest ab eo præstando, is plurimum in arte medica deficere censetur.* Profectio hæc vere mechanica definitione gravissimus auctor universæ nostræ artis indolem ac solidum fundamentum complexus est. Ecquis enim est, qui liberum functionum corporis nostri exercitium, quo sanitatis natura continetur, in sola moderatione motuum, & humorum debita proportionem ac temperie versari ignoret? utpote nihil vitæ ac sanitatis negotio tam inimicum, & tam adversum est, quam eorum, quæ vitam dispensant, excessus aut defectus: quæ de causa omnis generis morbificæ causæ humorum & motuum excessum & defectum respiciunt. Et quicumque morbum vult tollere, is nihil aliud agere debet, quam ut motus & materias deficientes vel superabundantes in naturæ amicam temperiem ac moderationem reducat. Huc quoque omnis generis, quæ alma mater natura largiter nobis concessit, remedia spectant, quæ vel evacuandis vel restituendis humoribus aut nimis motibus compescendis vel tardis promovendis unice dicata esse animadvertimus.

2. Ex quibus omnibus clarissime apparet, magnum nostrum HIPPOCRATEM uni-

versæ artis, præsertim praxeos medicæ fundamenta nobis doctissime tradidisse, quæ si quis paulo diligentius & perquisitius attendat, is optimus certe effato COI medicus censebitur: habet enim hic normam ac regulam, quæ scit, quid agendum, quid omitendum sit. Quum vero excedens & superfluus sanguis ex consensu etiam solertissimorum medicorum ipsaque teste experientia, maxime omnium adfligat, & morbosis passionibus producendis admodum idoneus sit, hinc facile apparet, principem merito locum inter ea, quæ exsuperans detrahunt, venæsectionem sibi vindicare: quia sanguis quo naturæ, si moderatus fuerit, amicior est, eo si superabundet, nocentior existit. Quapropter magna semper laus & gloria divino venæsectionis remedio consistit. Comperit enim ratio & experientia confirmavit, omnibus aliis auxiliis tam operationis celeritate & securitate, quam tolerantia facilitate hanc esse superiorem: hinc nullo ferme in morbo a veteribus & HIPPOCRATE est intermissa; ejus quoque utilitatem præter veterum testimonia longus & quotidianus usus comprobat. Quo majora autem usu in praxi medica sunt commoda, adeo ut non tantum ad arcendos a corpore morbos, sed etiam ad periculum in iis averendum ipsosque sanandos summum sit præsidium; ita e contrario eo graviora inde resultant incommoda, si nulla subjecti, causæ morbi, temporis ac virium ratione habita ea administratur, quare id laboris jam in nos suscepimus, & in præsentis de venæsectionis non solum ad vitam sanam & longam consequendam salutari sed & noxio usu agemus.

3. Dicturi itaque de venæsectione, eamque seu securum & summum ad prosperam ac longam vitam impetrandam auxilium adferenti, necessarium omnino arbitramur præmonere, neutiquam nobis in præsentis esse propositum, ut solam sanguinis detractionem protrahendæ vitæ sufficientem asserere velimus, vel quod sine venæsectione nemo prospera ac secunda valetudine frui, aut ad vitam longam spem sibi possit facere. Neque enim ullum tam absolutæ efficaciam in universa rerum natura datur remedium, de quo quis certum sibi, nedum talem effectum possit polliceri: sed omnia, quæ in auxilium prompta sunt remedia, limitatis viribus determinantur, & naturæ corporis ægrotantis potissimum innituntur. Præterea novimus, qui sine venæsectione per longam ætatem firma-

gavili sunt valetudine. Novimus quoque, qui cum venæsectione præmaturo fato defuncti sunt: quapropter hoc loco nobis non est animus, ut asseveremus sanguinis vacuationem omnibus promiscue individuis quadrare, vel ad longam vitam necessario perducere; sed hic est noster scopus, hæc mens nostra, ut adfirmemus tantam virtutem, ut plures, quibus propter sanguinis redundantiam & gravis morbus, & subitæ mortis periculum immineat, ab imminetibus hiscè malis tueri ac defendere possit.

4 Prius vero quam in hujus rei explicationem paulo altius descendamus, non sine fructu fore arbitror, si eorum, qui vel totum vel ex parte hoc remedii genus contemnunt, rationes ac argumenta examini subjiciamus. Quamvis vero neque ullum unquam auxilium tanto medicorum consensu ab incunabilis fere scientiæ medicæ per tot secula ubivis fere terrarum, & per tam constantem experientiam, approbatum fuerit, præterquam ipsa sanguinis per sectionem venæ emissio; nihilominus esse & fuisse semper, quod satis demirari nequeo, qui fere divinum hoc auxilium ex toto damnare, imo infamare, vel tamen parcissime eo utendum esse, contenderunt, vix ac ne vix comprehendendum est. Quod unicum certe documento esse potest luculento, quanta imperitia, non dicam ignorantia inter gentem medicorum adhuc versetur; quæ res quo certior, eo magis deploranda videtur. Atque non tanta nos tenere debet admiratio, quare olim ERASISTRATUS & ante seculum forsan HELMONTIUS hoc remedium contemtui habuerunt, quandoquidem ERASISTRATI tempore spissis tenebris adhuc rerum physicarum & medicarum cognitio erat involuta. HELMONTIO vero virò alias nobili, & per ignem Philosopho, qui nunquam artem agitavit, hic error de facili videtur condonandus: quod vero ex eo tempore, quo magnum illud mundi inventum, sanguinis intelligo circuitum orbi innotuit, & hinc corporis humani œconomia paulo subtiliori solertia excoli cœpit, ac universa medicina ex tenebris in sereniorum lucem asserta fuit, adhuc ex medicorum cohorte dentur, qui vel ex toto venæsectionem repudient, vel nimis timide ac trepide cum hoc agant, illud merito vituperandum videtur.

5 Possemus certe hoc loco, si velimus ire in exempla & nisi veritas odium, molestiam

ac periculum gignat, multos casus recensere, ubi plures ceterum sani ac ætate florentes ex sola venæsectione tam curando quam præservando omissa in gravissimos & lethales morbos inciderunt, qui certissime potuissent maturæ venæsectionis auxilio servari; sed hæc lubenter jam prætermittimus: prius hoc loco non alienum esse existimamus, & patrocinium venæsectionis agam & argumenta in contrarium, qua fieri potest brevitate ac perspicuitate discutiam. Mittimus vero Erasistratos, quos olim jam suo tempore Galenus lib. de Venæsect. adversus Erasistratum non sine felicitate refutavit, sed rationum momenta, quibus nonnulli ex recentioribus uti solent intuebimur. Præcipuum vero quod asserunt est: sanguinem non modo vitæ esse thesaurum, sed & ipsius animæ vehiculum & instrumentum, & sanguine amisso non modo vires, sed & vitam amitti. Cum vero omnis thesaurus non sit minuendus, sed potius servandus & reparandus, hinc male cum ipsis agi asserunt, qui vitalem liquorem tam improvide profundunt. Insuper confugiunt ad experientiam, qua ostendunt plures a detractione sanguinis ita fuisse debilitatos, ut ægerrime pristinam valetudinem fuerint assequuti. Porro quoque dicunt, complures firma & æquabili valetudine frui & longa vita gaudere, qui totam ætatem nullam sanguinis imminutionem passi sunt. Illud vero primum & præcipuum illorum videtur argumentum, quod nullam plethoram seu boni sanguinis redundantiam noxiam esse contendunt, sique forsan superfluous & pravus vasis inhæreat, felicius eum abstinencia, motu & tutioribus remediis absumi posse asseverent.

6 Operæ itaque pretium erit, ut hæc dubia, quæ primo intuitu videntur speciosa, paulo accuratius discutiamus. Primo vero non ibimus inficias, sanguinem pretiosum & desideratissimum, quo vita & anima ad suas operationes utitur, esse liquorem, quo penitus amisso & vita exspiret, & anima corpus suum deserat, necesse est: quo nomine utique optimus vitæ est thesaurus. Concedimus quoque immoderatam ejus profusionem admodum debilitare, corporisque robur imminuere. At vero sanguis est thesaurus vitæ & animæ sustentaculum, dum nempe libero & æquabili flumine vitalem suum in orbem motum per corporis partes absolvit. Nunquam enim sanguis in se spectatus ratione mixtionis suæ præstat vitam, vel ani-

animam cum corpore jungit, sed tum demum, quando in orbem agitur, & placido motu per corporis fertur tubulos, unde etiam talis motus recte dicitur vitalis, isque est, qui commercium corporis cum anima statuminat, simulac vero optimus alias liquor in parte quadam subsistit, & progressivo motu exiit, protinus amplam non modo morbis & morborum causis, sed & morti occasionem subministrat. Quod vero nimium exsuperans sanguis vitalem circumlum turbet, nostrum est inferius ostendere.

7 Remoto vero hoc dubio ad aliud deproperamus: naturam nempe nihil facere frustra declamant, utpote quæ tanta sapientia instructa sit, ut non majori, quam par est, copia vitalem hunc liquorem progeneret. At huic assertioni optima veritatis parens experientia solenniter contradicit. Cui usui enim est ingens illa pinguedinis moles, qua subinde corpus humanum obruitur, annon potius plus exitii quam salutis naturæ adfert? Sique nihil noxii vel supervacanei aut deficientis quoddam natura proferat, unde fit, quod unum corpus præ altero debilius, & non modo ad morbos, sed & ad mortem promptius existat. Unde porro evenit, quod natura tam parata ac prompta sit in morborum aliis causis fabricandis? Quomodo magis apparet, corpus nostrum ita esse dispositum, ut tam facile noxia, quam utilia producat.

8 Accedimus jam eam rationem, quod videlicet experientia comprobet, amisso sanguine mire corporis robur debilitari: sed admodum etiam lubrico & invalido fundamento hæc innititur. Quid enim notius, quam quod ex corporibus pleni habitus per vulnera sæpe sæpius incredibilis sanguinis copia sine noxa profundatur? In hujus rei illustrationem occurrit elegans locus apud Joh. Heurnium in *Com. lib. 1. aph. 3.* dum scribit: *Illustris. Aurantiæ Princeps Wilhelmus Nassovius Antvverpiæ a latrone læsus sclopeto in collo, ita ut jugularis magna illa vena maximam sanguinis funderet copiam per plurimos dies, cum quotidie plures sanguinis libras emitteret, fluxione tandem colcothare cohibita, salvo viribus evasit.* Quid porro familiarius in praxi accidit? quam quod foemina ex abortu ac in puerperio immensam subinde sanguinis quantitatem collectis mox viribus effundant. Neque adeo crebrior per venam sectam sanguinis detractio viribus in-

Hoff. Opusc. varii argum.

ferfa est, ut fert vulgi opinio. Legimus apud Scultetum in *observat. 2. Virginem septingentes per vitam venæsectiones passam fuisse sine omni sanitatis periculo.*

9 Neque Gallorum hodie medicorum morem ignotum esse existimaverim, qui acuta febre detentos decem sæpe repetitis venæsectionibus interdum citra detrimentum singulare exercent. Sanguis enim est, qui ex boni succi alimentis, salvo saltem ac integro manente appetitu, facilius reparatur, præsertim in iis, quibus laxæ fibræ sunt, & spongiosa carne gaudent, quandoquidem in his ob lentiores cursum temperatior fit calor, qui potius servat sanguinem, quam ut ipsum consumat. Deinceps non constantis est experientiæ unicum virium fomentum esse sanguinem. Vidimus potius a venæsectione oppressas in plethoricis vires protinus erectas. Equidem negandum non est, quin sæpenu-mero venæsectio male a medicis imperitis instituta corpora viribus exuat, ipsaque mirum debilitet, sed tamen remediorum abusus non tollere debet verum eorum usum, nec sinister quandoque superveniens eventus ejus legitimum usum excludit: nam vix prodest, quod non lædere possit idem.

10 Urgent præterea ii, qui minus sanguinis vacationibus favent, quod plures sine venæsectionibus longam & sanam egerint vitam. At hi perpauci numero sunt, neque vero omnibus alma natura tam valens ac robustum a nativitate corpus concessit, cujus robur humorem alienum & excedentem facile vincere possit: pauci etiam sunt, qui motu, labore, commodoque ac attemperato victu bonam, quam a parentibus nacti sunt naturam secundant. Hisce discussis deveniendum jam ad ultimum, quod tamen primo loco esset ponendum. Communis nempe est sententia, quæ etiam in Gallia, teste Jouberto, adhuc viget, primam venæsectionem a morte liberare posse, quare nonnulli hoc remedii genus ad averruncandam mortem differunt. Ad hæc vero dicimus, si sanguinis missio hominem ab impendente morte vindicat, certe non aliter hoc præstat, quam sanguinem exsuperantem, a qua morbus subnatus fuit, & qui multum periculi minatur, subtrahendo: an non vero consultius est matura venæsectione morbum & illud, quod subest mali, depellere, quam periculo se manifesto exponere, quia hoc non raro labente bene agendi occasione & tempore hominem perimit.

11 Dilutis itaque iis, quæ in contrarium possent moveri, dubiis, sequitur jam ut firmiter ratiociniis venæsectionis tam necessitatem, quam utilitatem ad tutam & prosperam valetudinem diu servandam statuminemus. Præcipuum vero ad firmandam nostram sententiam ex ipsa natura corporis nostri argumentum desumemus. Tam provide enim & tam sapienter a benigno conditore constructa machina nostra & tam insignibus viribus dotata est, ut non modo sponte ab eo, quod vitæ est infensum, se liberare & feliciter tueri possit: verum etiam ut sola sapius optima morborum sine medici opera sit medicatrix. Jam vero cum nihil æque sit valetudini adversum, quam superabundans sanguis, eo quod vitalem in orbem motum sufflammet; hinc nihil prius & antiquius prudens habet natura, quam ut sanguinem superfluum convenienti motu, debito quoque tempore ac loco felicissime eliminet: id vero non modo in sequiori sexu magno cum alleviamento singulis præstat mensibus, verum etiam in puerili ætate vel adolescentia exsuperantem sanguinem per nares, in adultioribus per sedis venas statis subinde periodis, non sine singulari commodo evacuat. Et quodcumque solennis & saluberrima hæc sanguinis excretio, vel ob longuorem ex ætate, vel ex longo morbo proveniente, vel ob alias causas e. g. præpositam curationem supprimitur, vel penitus cessat, protinus ingens malorum agmen corpus adfligit. Fiunt enim ex consuetis narium hæmorrhagiis deficientibus graves cephalalgia, ophthalmia, vertigines, in adultioribus apoplexia, aut sensuum depravationes. Mensium vero inordinata vel deficientia fluxio quanta mala non concitat? inde enim spasmodicæ internarum partium tractiones, cachexia, lentæ febres, miræ flatulentia, ac digestionis vitia sequuntur. Ex hæmorrhoidum vero impedita vel cessante evacuatione gravissima quoque mala, ut sunt hydrops, insania, nephritides, spasmi primarum viarum, flatulentia, asthmata, cachexia & apoplexia subnascuntur. Monstrat certe medico sapientissima natura, quid ipsi sit agendum; nam cum medicus languidæ naturæ minister & adiutor, vel valentis spectator esse debeat, hinc naturæ methodum optimam addiscere, & cum attentione imitari debet. Videlicet ubi deficit, eam adjuvare, id est arte sanguinem exantlare superfluum, qui tantas molestias creat, enita-

tur; quo remedio tam ad depellendos, quam etiam ad sanandos prædictos affectus nihil est efficacius.

12 Ex his itaque clarissime perspicimus, venæsectionem maximum fundamentum in ipsa natura habere, cujus ars tantummodo est imitatrix. Solvit autem venæsectio plethoram, quæ fecunda morborum est procreatrix: at cum ex recentioribus nonnulli dentur, qui plethoram existere pernegant, hinc non alienum esse iudicio eorum etiam rationes paulo perquisitis intueri. Dicunt, sanguinem bonum minus abundare posse, talis vero ipsis est, qui gelatinosus, temperatus & floridus apparet. Verum enim vero ipse sanguis duplici modo consideratus bonus dici potest, vel ratione mixtionis suæ, vel relatione facta ad motum, qui demum recte hunc titulum meretur. Nam etsi optimus, & gelatinosus in vasis contineatur, minus autem recte & æqualiter per corporis partes circumferatur, tum ad vitam & sanitatem tuendam plane inidoneus est: quandoquidem si tardiori nimis motu provolvitur, facile in vasis præsertim minimis subsistit, & si viscidiores ejus partes secedentes coalescunt, & hac ratione magna & noxia fit viscerum offensio. Cum vero optimus & temperatissimus, qui gelatinosa rubicunda substantia cognoscitur, maxime omnium facile redundet, patet, nullum æque hoc ipso ad morbos generandos esse aptiorem. Frequentiori enim constat experimento, sanguinem ex plethoricorum vel etiam sanguineorum venis extractum, ut plurimum mixtione gelatinosum, temperatum, coccineo & eleganti colore tinctum esse. Ubi itaque talis sanguis animadvertitur, ex eo recte sagaciores medicorum judicant, multum sanguinis in ejusmodi corporibus generari, missionemque ejus esse utilissimam: contingit id ipsum maxime in foeminis & qui spongioso habitu gaudent, laute vivunt, & mentis ac corporis motibus vacant; ibi enim temperatior calor sanguinis, ex gelatinosa substantia chyli, proventui mirifice velificatur. Etenim quo intensior corporis fervor ac æstus est, eo major liquoris hujus vitalis fit consumptio. Siquidem celerrima ætheris agitatione, qua caloris natura continetur, nexus ac unio partium sanguinis texturam constituentium facile dissolvitur, ut ex nobili, & temperato alimento inutile excrementitium sulphureum liquamen emergunt. Qua de causa vehementior corporis motus ac labor, neque minus febrilis

brilis æstus pingue & sanguine superans corpus celeriter extenuat .

13 Ex dictis itaque clarissime patet , non modo habitum corporis plenum ac coloratum , sed & sanguinem optimum periculi imminentis esse plenum , quia ubi bonus sanguis gignitur , ibi ejus quam facilis sit abundantia , quæ in pejus omnia successive præcipitat , qua de re perite non minus ac scite noster Hippocrates *lib. 1. aph. 3.* prodidit *athletarum evexia* , quæ ad summum distensionis evasit , periculosa , unde talem evexiam sine cunctatione solvere oportet : hinc dicebat Celsus *si plenior quis , speciosior & coloratior se ipso factus videatur , suspecta sua bona habere debet* , quia inquit , Heurnius : *a nimia sanguinis ubertate calidum nativum extinguatur & præcipiti lapsu homines rapiuntur , & interceptis carotidum viis , parva apoplexia fit* . Quemadmodum vero redundans sanguis tam infensus naturæ ac inimicus sit , nostrum jam est exponere . Videlicet laudabilis ex bono chylo in vasis supra modum collectus copia sanguis vigori ac elateri , quo cordis musculi & arteriarum tunicæ instructæ sunt , nimium resistens , cursum ac circulum sanguinis reddit difficiliorem , unde sanguis ob debiliorem cursum spissescit , crassus evadit , ad obstructions & stagnationes gignendas paratissimus . Rationem vero hujus rei ex mechanicis eruere non magnæ erit difficultatis : nobilissima enim motus scientia est , quæ nos docet , ex proportionem & relationem virium moventis & resistentis motus effectu profluere , adeo ut quo major potentia sit virium in impellente , & minor in resistente , eo celerior fiat motus ; sicut contra , quo major mobilis resistentia est , eo plus virium moventi detrahitur , & tardior fit impulsus . Itaque sicut major molis quantitas majorem gignit resistentiam , ita major quantitas sanguinis activitati & pulsui cordis atque arteriarum elateri plus quam minor resistit , consequenter sanguis tunc minus expedito circulo per corporis partes circumfertur . Perquam curiosum vero illud anatomicum experimentum est , ubi ex flatu immisso in venam cavam vel ductum thoracicum canis viventis , cordis motus mox sistitur , subsequente inde morte . Cujus phænomeni nulla alia subest ratio , quam quod dextra cordis auricula , cujus fibrarum structura valde tenera est , a flatu nimium distenta non amplius contractioni sufficiat ; unde cordis motus etiam conquiescat necesse

est . Neque dubitamus , quin ex nimia sanguinis redundantia , si præsertim hic excedente calore acris vel spirituosoliquore interius expandatur , cordis auriculæ eodem modo possint distendi , ut fibræ supra modum extensæ ad propulsandam sanguinis congesti molem & ad circulum continuandum fiant planæ minus idoneæ , unde lypothymia viriumque oppressiones plethoricis perquam sunt familiares .

14 Quis itaque medicorum tam socordis ingenii & hebetis mentis est , qui non perspiciat , venæsectionem tam noxa sanguinis nimii cogestionem summum esse præsidium , eo quod superfluum sanguinem subtrahendo , protinus convenientem proportionem inter cordis arteriarumque musculos & inter vim sanguinis resistentis , restituat , circulum sanguinis rursus æqualem & liberum , a quo sanitatis & vitæ ratio pendet , reddendo . Quod etiam experientia confirmatum habemus , dum oppressæ nimio sanguine vires unica venæsectione , augentur , pulsu citiori , calore & perspiratione reddita intensiori .

15 Quamvis vero hæc , quæ adduximus , ita sint comparata , ut quemvis etiam possent convincere , nihilominus dantur , qui hæc subvertere enixe laborant , dicendo sanguinis excessum longe tutiori via , videlicet abstinentia , inedia , victu tenui , motu corporis intensiori , infusis calidis , quam periculosa venæsectione consumi ac castigari posse . Verum non inus inficias , illud fieri posse , sed quis est nostris temporibus ita comparatus , ut a consueta sua indole , vel nimia edendi cupiditate facile deflectat & rigida hæc præcepta sequatur ? Et utut hæc cuncta fieri possent , tamen , ubi præsens impendet a sanguinis ubertate , præsertim in passionibus acutis periculum , hæc commemorata remedia , quia tardissime agunt , plane non sufficiunt . Manet itaque & manebit perpetuo venæsectioni sua laus & gloria .

16 Confirmata sic firmioribus ratiociniis venæsectionis necessitate , proximum jam est , ut paulo specialius , quibus in morbis avertendis , quo tempore & qua ratione sectio venarum sit instituenda , proponamus . Primo vero dicimus : omnibus , qui succi pleni sunt , vasa sanguine repleta habent , bene appetunt , laute vivunt & vita secunda ac otiosa fruuntur , neque sanguinis solennem & ordinariam quandam vacationem habent , de tractionem ejus ad depellendas , quæ presso certe sequi debent pede , ægritudines longe

esse utilissimam. Perraro enim accidit, ut homines ita comparati periculum evadant, quod feliciter venæsectione bis vel ter anno instituta potest propulsari. Nunc vero devenimus ad eos morbos, quibus dimovendis venarum incisio idoneum est remedium. Videmus sæpenumero robustissimos, qui secunda videbantur frui valetudine, præter omnium spem repente procidere omnique motu ac sensu privatos. Neque novum est, multos in lecto, quem sani firmique conscenderunt, emortuos reperiri. Novimus & ante oculos plura nobis versant exempla, ubi tales funestos eventus prædiximus. Novi in hac urbe tres floridæ & sanæ visæ feminas, quæ subito fato ceciderunt.

17 Quod si vero solertiori studio tam subitæ mortis causas explorare animus est, tunc demortuorum corpora aperiendo, plerumque has duplicis generis esse observamus. Vel enim ruptio vasorum intra cerebrum, aut in thoracis vel abdominis cavitate, quod tamen minus frequenter fit, visitur; vel polyposa in cordis thalamis concretio, magna venarum occludens orificia, causa deprehenditur. Incurrunt vero apoplexiæ periculum maxime ii, quibus copiosus intra venas sanguis fertur, maxime si senectuti fuerint propiores, facilius vero malum gignitur, si post largos imbres aquilonaris tempestas & sævientis boreæ flatus repente sequatur. Qui sanguinis missionem, quam alioqui salutariter adhibuerunt, temere negligunt, facile quoque eadem corripuntur, id quod & iis evenit, quibus sanguinis per nares vel ani venas profluvium, vel sponte constitit, vel suppressum est, hinc etiam mulieres lochiis non rite fluentibus, hoc acerbo malo adfectas vidimus. In præservatione hujus funesti & feralis mali, si quid aliud certe venæ in pede tusio plurimum sibi vendicat, quæ ubi circa æquinoctialia tempora instituitur, securam præstat valetudinem.

18 Quod ad polypi originem attinet, patient identidem huic quam maxime ii, qui sanguine abundant & habitu præditi sunt spongioso, insuper obesi multum comedunt, sed parum bibunt, vitam agunt sedentariam, ac spiritum vini copiosius ingurgitant, fit exinde sanguis viscidus ac crassus, qui minus expedito itinere corpus percurrit, unde viscidiores & glutinosæ ejus partes columnis cordis facile adhærent, in fibrillas paulatim coalescentes. Quo minus vero promptum est tale concretum veluti mortis fomentum ulla medicina dissolvere; eo facilius ac paratius

est, hujus genesin præcavere, quo nomine præter abstinentiam & motum corporis validiorem, nec non liberaliorem aquæ calidæ potum, venæ sectio omnibus præferenda videtur. Nacti enim liberiori spatio, longe expeditius sanguis per cordis thalamos ac tubulos venosos movetur, unde concretio, quæ quietis & motus retardati soboles est, minus potest contingere.

19 Deinceps heroicum nostrum remedium in gravibus acutis passionibus præsertim, ubi inflammationis metus subest, præcipuum fert punctum, idque non modo in curando sed maxime omnium in præservando præstat. Est videlicet solertioribus practicum haud incognitum, quantum periculi in febribus sub initio & statu præsertim immoderata sanguinis profusio habeat, cui symptomati sanguinei sic dicti & plethorici in tales incidentes morbos plerumque sunt obnoxii: quantum itaque auxilii a venæ sectione tam ad præservationem, quam ad sanationem, si mature inter initia morbi adhibeatur, expectandum sit, quisque qui mediocri tantum judicio pollet, facile dijudicabit. Pleuritides, peripneumoniæ, anginæ, nephritides & id genus aliæ inflammationes, vel principaliter adfligunt, vel secundo superveniunt aliis morbis ob sanguinem copiosum spissorem factum, qualis e vena missus plerumque apparet. Quid vero hisce gravibus vitiis plus præcavendis & propulsandis sanguinis decenti detractioe convenientius sit equidem non video?

20 Abortus præsertim grandiori fœtu grave malum est, ipsoque partu longe periculosius, eo quod secundina retenta vasorum orificia adaperita maneat, & sic lethales ut plurimum fiant hæmorrhagiæ. Invadunt tales abortiones præcipue sanguine redundantes, si gravi terrore percelluntur. Præcavet vero dira hæc mala omnium optime phlebotomia in tempore instituta, quæ in quibusdam confidentius repeti potest. Animadvertimus enim quibusdam feminis abortum esse frequentissimum, adeo, ut repetitis vicibus recurrat, a cujus mali amolitione, aliis non neglectis, nihil aptius est venæsectione, quæ pro ratione circumstantiarum non semel vel bis, sed singulis mensibus, sicuti tales observationes mihi notæ sunt, debet continuari. Quoniam vero ordinario abortus circa tempus mensium consuetum solet invadere, opportunum utique tunc est, circa hoc, si res postulat, sanguinem demere.

21 Ceterum plethoræ solutio gravidis administrata sanas reddit puerperas, vividos gignit infantes & multorum malorum materiam præscindit. Ordinario enim gravidæ sunt plethoricæ & inde fiunt cacochymicæ, multis impuritatibus in vasis collectis, quæ matri & infanti malo sunt, siquidem in puerperio purpuræ tam rubræ, quam albæ, neque minus partium internarum inflammationi fomitem præbent. Solent quoque prægnantibus adhuc alia incommoda succrescere: scilicet pedum & abdominis tumores oedematosi, ferinæ tusses, vomitiones, dorsi dolores, odontalgia, languores, quæ cuncta sanguinis imminutio, non omisso clementium laxantium usu, egregie præoccupat. Dein ab impuro gravidarum sanguine infantes frequentem sibi contrahunt labem. Fiunt non modo inde infirmi, sed & si natura valet, variis exanthematibus, ut sunt tineæ capitis, aphthæ, erysipelata, variolæ, morbilli, crusta lactea, valde exercentur. Qui itaque ab omnibus hisce vitiis immunes eos reddere percipit, sanguinem ad justam mensuram reducat, necesse est. Quam gravia symptomata suppressa lochia causentur quotidianis exemplis edocemur, sequitur plerumque periculosa admodum inflammatoria febris complures perimens. Non semel sed sæpius summo cum fructu inter initia sectionem venæ in puerperio, ubi lochia cohibita fuerunt, vitiis alias difficillimis mitioribus inde redditis vel iisdem plane averruncatis, vidi adhibitam.

22 Accedimus jam ad chronicas easque contumaces passiones, quibus amoliendis vix par habet sanguinis copiosioris diminutio. Non incognitum est iis, qui in artis opere frequenter versantur, quod vere & autumnos maxime circa æquinoctia graves morbi aboriantur & resuscitentur, in quo numero sunt hæmoptyses, arthritides, asthmaticæ pectoris oppressiones, insanix melancholicæ, hemiplegiæ, febres & acutæ & intermittentes, colicæ convulsivæ, hemiplexiæ, quæ sæpe anniversarias & statas temporum periodos observant, hisce generosa & alioqui probata præsidia frustra sæpe opponuntur: venæsectione vero circa æquinoctia celebrata, non neglectis iis, quæ primam regionem ab impuris fordibus liberant, omne punctum sanationis conficitur.

23 Arthritis malum est, quod omnis ætatis & sexus homines vario tempore & diversis in artubus exercet. Et quamvis eos, qui

vel natura languidiores fuerint vel præpostero vivendi genere debilitatem membrorum contraxerint, potissimum invadat, attamen a sanguine plurimo, qualis sit ob evacuationes solennes cohibitas, maxima parte fovetur. Sanguinei enim & spongioso habitu præditi plerumque fiunt arthritici, quibus si per hæmorrhoides aut alia loca superfluous sanguis fertur, ab hoc malo evadunt ferme immunes. Quicumque itaque a sævis hisce doloribus suum corpus tueri percipit, is nihil prius habere debet, quam ut temperata diætâ nimium sanguinis proventum impediat: deinde omni studio ea removeat, quæ viribus ullo modo convellendis idonea sunt. At solenni & spontanea sanguinis cessante vacuatione vel intermissa in iis, quibus humorum aderat plenitudo, venæ sectione, si magnam malum incidit, tunc plus matura sanguinis detractio quam ulla alia medicina efficitur.

24 Mensium profluvium, a quacunque etiam causa suppressum fuerit, præsertim ob languentem naturam, quæ circa quinquagesimum annum plerumque accidit, innumeralibus illarum corpora malis obicit, quæ solers medicus nunquam non matura venæsectione præcavere debet; hac enim graves diaphragmatis spasmi, cardialgiæ syncopica, cordis palpitationes inde mox conquiescunt, neque tutius præsidium est, multa mala ab illis, quibus propter ætatem proveciorem plane deficiunt, avertendi ipso hoc nobilissimo nostro sanguinis mittendi remedio.

25 Dolor calculi est unus ex atrocissimis, sed si originem ejus spectemus vix alia est, quam quod lente nimis procedens plus justo abundans & spissus sanguis in renalibus vasculis stagnet, eorumque elaterem ac tonum imminuat, unde urinæ difficilis fit secretio, hinc tartarus ex hac secedens paulatim conrescit & inimicum hunc hospitem ingenerat. Videmus itaque plethoricos vitæque sedentariæ addictos, & quibus hæmorrhoides vel menses non amplius feruntur, potissimum diro hoc malo exerceri. Et hæc quoque est ratio, quare fluentes hæmorrhoides magno sint nephriticis remedio: ubi vero illos non provocare licet, vicariam operam ipsa venæsectio in pede præstat. Et notavimus plures a calculo, quem dolor circa lumbos prænuntiabat, hoc modo immunes redditos.

26 Cachexia & qui hanc insequitur scorbutus atque hydrops ex sanguinis & feri re-

ducuntur.

dundantia, factaque viscerum inde obstructione citra omnem contradictionem suam originem nanciscitur. His difficilioribus vitiis maxime ii patent, qui fibras natura laxas exiliaque vasa habent, atque ex victu crasso, duro, item intemperantia, nimio otio vasa humoribus aggravarunt. Arduum vero ac difficile est, has graves adfectiones visceribus non amplius integris eradicare; neque tamen, si recens malum fuerit, omnis sanationis spes est amittenda, quam in sanguinis matura detractio, motu ac labore usuque aquarum mineralium præcipue ponendam esse arbitramur.

27 Ex longis & periculi plenis vitiis non ultimum est phthisis, quæ multos in juventute constitutos perimit opprimitque. At vero ab hac venæsectione corpora defendi posse, paradoxon multis videbitur, sed tamen experientiæ id esse consentaneum, pluribus exemplis confirmatum habemus, ubi nempe juvenes sanguine pleni ex variis causis macilentii facti, spiritus angustia, tussi sicca, dolore circa pectus gravativo, calore intensiori diu correpti in extremo phthiseos periculo versantes, admissa phlebotomia & usurpatis aquis mineralibus cum lacte caprino mixtis, nec non pediluviiis & nitroso absorbentibus rursus obesi & robusti præter omnium expectationem facti fuerunt, pristinis incommodis penitus sublatis. Neque porro incognitum est, eos, qui hæmoptysi patent, quam facile fieri phthisicos, sanguine ex aliis partibus ob spasmodicas interiorum stricturas ad pulmones cum magno impetu congesto, qui postea vasorum orificia dirumpens floridus tussi ejicitur. Jam vero nil familiarius est, quam quod hæmoptysin male tractatam pulmonum exulceratio subsequatur. Quum vero provide instituta venæsectione aliaque sanguinis a pulmone motum divertentia commodissime hæmoptysin præcaveant, hinc quoque phthiseos periculum depelli hac ratione posse certum est.

28 Ultimum est, ut venæsectionem in senibus longam vitam producendi esse præsentissimum artis subsidium confirmemus. Communis & pessima opinio increbuit, quæ non modo vulgus, sed medicos etiam occupavit, senectuti sanguinis detractioem esse inimicam, eo quod senibus, qui ordinario invalidi ac infirmi sunt, non conveniat, illud, quod virium pabulum ac alimentum est, subfurari. Quoniam vero supra jam hanc rationem destruximus, hinc supervacaneum du-

cinus hæc ipsa fastidiosè repetere: quin potius experientiæ solidoque ratiocinio nixi adfirmamus, venæsectionem senibus, quibus appetitus adhuc integer ac salvus est & quorum vasa turgent, ad longam vitam & ad seniles ægritudines amoliendas esse convenientissimam. Error est, sanguinis missioem senectuti vires subtrahere, possem enim hoc loco complura exempla proponere, ubi septuagenarii imo octuagenarii per aliquot annos singulis fere mensibus venam aperiri passi sunt sine ulla virium diminutione. Certo scimus, plures eam ætatem ad quam pervenerunt, non attigisse, nisi ex consilio medico singulis annis minimum bis venæsectionem admisissent.

29 Dein nulla regio est ubi tam liberaliter hoc auxilii genus admittitur, præterquam in ipsa Helvetia. Nemo fere est, qui non bis minimum singulis annis venæsectionem ibi sibi curat administrari, vixque in ulla regione, quam in hac tam longævi homines reperiuntur. In universum vero plurimi senum sunt plethorici, inque primis ii, qui robustiori natura & vegeto adhuc appetitu gaudent, quibus sanguinis copia præsertim ex boni succi alimentis adsumtis intermissoque exercitio in vasis colligitur, quam expedit; accumulatus itaque nimium in visceribus subsistit, illaque infarcit, obstruit, unde ad cachexiam & marasum via præparatur paratissima. Ob lentiolem quoque humorum cursum & perspiratum segniorem perfaciles fori contingunt secessiones, unde catarrhi, tusses, raucedines, paralyses, pruritus, stranguriæ, dysuriæ senibus perquam familiares propullulant: si quando vero gravi animi motu vel acri frigore accedente redundans sanguis ex partibus inferioribus ad caput & pulmones nimium urgetur, apoplexiæ & subitanæ mortes, catarrhi suffocativi celerrime suboriuntur. His itaq; de causis senibus sanguine plenis nunquam venæsectionem inutilem judicamus, adeo, ut potius eam ad longam vitam impetrandam expeditissimam esse adseveremus, modo simul ea quæ vires frangunt & huic ætati sunt aliena removeantur.

30 Ex his jam adductis cuivis erit perspicuum quam generosum magnæque utilitatis tam ad morbos avertendos quam debellandos venæsectio sit remedium; nunc propositi ratio quoque postulat ut de ejus noxio usu quædam dicamus. Multi proh! dolor sunt, qui omnium fere morborum ortum & cau-

causas, a nimia sanguinis abundantia deducunt atq; derivant, eaq; propter liberales nimium sunt in sanguine profundendo, ac in omnibus tantum non morbis venam fecandam esse præcipiunt, prætereaq; sciunt ferre nihil. Etenim sanguinis & bonorum succorum in vasis copiam, hæc nimium distendendo, lentius justo progredi, spissescere, imminutis excretionibus sordibus inquinari & vitalibus motibus infensam fieri, eaq; propter subtractionem exigere, est utiq; certum. Sed pari ratione vicissim firmum est raturumque, sanguinis & bonorum succorum defectum ac inopiam, sive parciorem justo quantitatem, cum vitæ & sanitatis periculo junctam esse, & fecundam morborum suppeditare matrem, ac ob id conservationem potius, quam consumptionem sanguinis pascere. Vires enim, quæ functionibus, & vitalibus & animalibus & naturalibus præfunt, sufficientem omnino sanguinis & humorum, ad facilem & liberam circulationem, quantitatem postulant; hæc autem imminuta ad solidorum robur naturale, vim motricem ac tonum non sufficit, his vero elanguescentibus, labascit illico humorum progressus, sanitas ipsaque vita. Testes hujus sunt ii, qui sanguinem non adeo copiosum in venis alentes, eundem inprimis paulo largius subtrahi patiuntur, quippe qui, haud raro sub ipsa missione, suspenso cordis & arteriarum motu, animo deficiunt, in animalibus postea æque ac voluntariis motibus, notabilem persentiscunt languorem, & oppressis viribus, de digestionem languente & stomachi gravitate justas edunt querimonias. Quid? quod etiam in vulgus notum est, effusio nimium ex vasorum systemate sanguine, cum viribus vitam & animam effundi. Ut adeo, vel ex hujus tantum, abusum etiam in sanguinis missione frequentissime committi posse, pateat abunde.

31 Inducuntur autem plerumque morborum artifices ad præposterum ejusmodi consilium falsa illa hypothese, quasi morbi tantum non omnes orirentur ex plethora. Nostra igitur jam demonstrandi methodus primo omnium exigit, ut hanc confutemus, & evictum demus; plurimos & præcipuos morbos, non a sanguinis & humorum abundantia, sed ex longe aliis causis, maximeq; virium & succorum inopia, ortum ducere. In quo quidem recte perficiendo, ex veræ pathologiæ principiis in genere repetendum

erit: nullum morbum, sive præternaturalem in solidis & fluidis corporis nostri partibus mutationem, sine præcedente violenta quadam, in nerveo-musculosas, quæ motibus præfunt membranas, actione contingere; hanc actionem, vel augendo & intendendo, vel minuendo & destruendo, vel etiam varie alterando & determinando vim motricem, morbosam illam mutationem inducere, idque vel per nimiam harum exquisitioris sensus partium distensionem, vel compressionem, tractionem, puncturam, laniationem, rosionem, aut continui læsionem ac dilacerationem fieri. Causas vero hos naturæ humanæ adeo inimicos effectus præstantes, non ejusdemque indolis ac generis esse; alias mole & quantitate nimia, alias mole exili & varia particularum perversa figura & qualitate acri, salsa, caustica, alias materia crassiori, alias subtiliori, alias exhalatione putrida, sulphurea, vaporosa, alias nimium constringendo & exsiccando, calore aut frigore intensiore, noxium edere hunc effectum. His vero omnibus tam diversi generis morbificis causis tollendis, an ullo modo satisfacere queat sanguinis missio, nemo, quantumvis perspicax & acutus, capere vallet.

32 Jam, si specialius ipsas morborum origines disquirimus; stupendæ profecto exiguitatis sunt illæ exhalationes, quæ malignos, pestilentes, petechiales, dysentericos, exanthematicosque morbos inducunt, ac quæ intima corporis subeundo iisdemque adhærendo, motuum in solidis & fluidis œconomiam graviter pervertunt; ita vero comparatæ, ut nequitiam sanguinis subtractione amoveri queant & eliminari, sed potius eo firmitus impingantur. Quantopere solus immaterialis actus, ob commercium animam inter & corpus, sine ulla materiali quantitate, vel qualitate delinquente causa, universum partium nervosarum systema afficiat & præternaturam commoveat, quamque graves & exitiales, sæpe chronicæ æque ac acutæ passionis inde accersantur, animi affectus, moeror impensus, angor, metus gravis, cura ac sollicitudo, terror, ira vehemens, cum profundis assiduis meditationibus satis superque testantur. Quæ omnia, ubi accidunt, sanguinis missio, nisi eminens concurrat plethora, utique plus detrimenti affert, quam emolumenti.

33 Populares dein morbi, qui uno tempore, ob insolitam temporum constitutionem

diuturnam subitasque tempestatum vicissitudines, infestant plures, uti sunt ex febribus maxime catarrhales, benignæ & malignæ, intermittentes, tam quotidianæ, tertianæ, quartanæ, synochæ cum cacochymia complicatæ, rheumaticæ, pleuriticæ spurix & hujus generis aliæ, longe frequentiores & periculosiores sunt iis, quibus sanguis & succi laudabiles deficiunt, quam quibus abundant, ac sanguinis missionibus ut plurimum & graviores redduntur, & contumaciores. Qui milites, ob perperam in castris interdiu æstum, noctu frigus, tolerantam famem, vigilias, victum & potum insalubrem, nec non inquinatum putridis effluviis haustum aerem, affligunt autumno & in hiberna concedentes, graves morbi, tanto magis si putridorum genium habent & summum spirituum & boni sanguinis defectum arguunt, tantum abest, ut venæsectionem ferant, ut potius inde exacerbentur, ac teste Ramazzini *de morb. artif. pag. 292.* id remediî genus suspectum semper fuerit observatum, quin funestum.

34 Quæ biliosus humor, vehementi ira subito & cum impetu ex universo ductuum biliariorum systemate in duodenum exturbatus, mora acrior & corrosivus factus, ventriculi & aliarum partium nervosas sentientes exquisitè membranas, lancinando, vellicando & spasmodice constringendo, suscitât mala, cardialgiæ syncopica, febres inflammatoriæ, cholericæ, tertianæ continuæ, causi, ictericæ, lentæ & hecticæ, omnis fere generis evacuationes, maxime omnium vero sanguinis, respuunt, ac potius demulcentia, diluentia, & sedativa poscunt. Morbi, qui ex vitio digestionis & dejecto intestinorum & ventriculi tono oriuntur, multi & graves, ac colluvie crudorum acido-viscidorum succorum nerveis tunicis inhærentium, has rodendo, vel ubi in flatus resolvuntur, distendendo sunt molestissimi, maxime iis, qui natura debiliores, a morbo diuturno convaluerunt, otio & gulæ indulgentibus, senibus, etiam lactentibus, colicæ flatulentæ, plurima hypochondriaco affectui juncta pathemata, vomitiones, diarrhœæ, phlogoses, eructationes, tusses, cephalalgix, interdum etiam convulsiones, tantum abest, ut sanguinis subtractione quicquam levaminis accipiant, ut potius imminuto inde plus robore, magis ingravescant.

35 Mitto jam illos atrocibus symptomatibus stipatos morbos, qui a morsu vermium

in intestinis, a calculo asperiori & grandiori in uretheribus & biliaris ductibus, nec non urinariæ vesicæ collo, a materia arthritica articularum membranas arrodente, a punctura tendinis, aut alia externa violenta causa accidere solent, quibus omnibus nihil plane cum sanguinis plenitudine commercii, ac proinde etiam cum ejusdem subtractione, nisi admodum per accidens, ut symptomatibus occurratur, sed longe alia indicantur auxilia. Neq; etiam dicam de contumacibus ac gravibus, quin funestis sæpe occurrentibus passionibus, asthmate humido, suffocativo catarrho, pectoris aliisque hydropis speciebus, syncope, cordis palpitatione, quæ a polyposis in corde & majoribus vasorum concrementis, post mortem reperiundis, ortum ducunt. In his enim cunctis, venæsectio, nisi forsan ad præservationem, locum invenit nullum, ac potius est detrimento. Neq; minus quotidiana & funesta sunt exemplo eorum, qui ex haustu potus frigidi, corpori sudanti ingesto, ventriculi inflammationem, phthisin, lentam & hecticam febrem, hydropem, hypochondriacos sic dictos spasmodicos incurrerunt. Sed quid etiam his in morbis a sanguinis missione expectari queat auxilii, nec ego, nec quisquam alius in arte exercitatus, perspicere valet.

36 Præter hos autem, a causis, figura irregulari, subtilitate inimica & mole parva nocentibus, inductos morbos, sunt adhuc alii, qui non tam a sanguinis & feri corrupti copia, quam potius debilitatissimæ succorum substantiæ defectu ingignuntur, ac venæsectionem ea propter minus commode ferunt. Hos inter primum merito locum obtinere videtur, venerea & scorbutica lues, cui variæ morborum externorum cutem defœdantium species accedunt, lepra, herpes, scabies, furunculi, tumores in ulcera maiores desinentes. Omnia enim hæc vitia, neutiquam a sanguinis & humorum plenitudine fiunt, neque etiam, ut in simplici cacochymia accidit, intemperie sive dyscrasia viscida, aut falsa nituntur, sed potius in defectu spiritaliscentiæ succorum, sive inopia subtilioris, purioris & spirituosissimi elementi, quod in sanguine a veteribus vitalis, & in cerebro animalis spiritus nomine fuit insignitum, suum habent fundamentum. Hujus quippe si sufficiens adest quantitas, humores in crasi, consistentia & mixtione naturali servantur quam optime, ac a corruptela vindicantur; ubi vero deficit, fluida corporis

poris a naturali *σχεσι*, unione & mixtione perquam facile desciscunt & in corruptionem ac vappescentiā abeunt. Et certe quantum ad servandam fluidorum integritatem conferat nobile hoc subtile elementum, in physicis testimonio sunt aquæ, tam pluviales, quam fontanæ, minerales quoque & medicinales, quippe quæ aufugiente ab ipsis subtili ætherea elastica materia, non modo saporem genuinum cum virtute medicamentoſa amittunt, sed & facile corrumpuntur atque putrescunt. Idem vino accidit, quod subtili & spirituoſa ſua parte orbatum, vappam contrahit, ac immutata plane priſtina mixtione ac unione, ſub leni digeſtione in acetum degenerat. Atque etiam ex his ingentis illius in malo ſcorbutico corruptionis quam facile ratio eſt repetenda. Cauſæ enim ipſius utplurimum ſunt aer denſus, humidus, materia elastica in locis humidioribus, cibi exſucci, indurati, craſſioris compagis, subtili elemento orbi, potus aquarum ſtagnantium, crudarum ſpirituoſa parte deſtitutarum, cum vita otioſa motuſque experte. Quæ omnia, junctim ſumta, corpus non modo viribus defraudant, ſed & ſuccos a naturali indole deciſcentes & in corruptionem pronos ingignunt, unde graviffimi memorati morbi ducunt originem.

37 Demum in perquirenda morborum geneſi & hoc memorabile occurrit, quod plures ex iis, ut apoplexia, deliria, phrenitides, ventriculi inflammationes, hæmoptiſes, peripneumoniæ, paralyſes, neque a ſanguinis & humorum abundantia, neq; intemperie ac dyſcraſia, in ſe ſpectata, originem ducant, ſed potius inculandus ſit error quaſi loci incongrui, in quem ſucci & ſanguis ſunt delati. Id enim non infrequens eſt, per aliarum, etiam ſæpe remotarum partium ſtriſturam, ſpaſmos, flatuſ, animi affectuſ, corporis exæſtuationem, calore & factam poſtea refrigerationem, aliasq; cauſas, ſanguinem in capillares tubulos propelli, qui ſecundum naturam ſanguinem nec capiunt, nec ferunt, ſed tenuiorem humorem, cruorem in eos vectum hæreſe ibi, colligi & impactum mala tam atrocia ſuſcitare. Sanguis autem ſic in anguſtiſſimis vaſis incarceratus, neutiquam evacuatione artificiali facta liberatur, eaque propter venæſectio auxilium afferre valet, directe nullum, licet, ſi plethora urget, ad intercipiendum majorem ad partem laborantem affluxum, & impediendum inflammationis incrementum, de-

Hoff. Opuſc. varii argum.

rivandi ſine uſum habere queat. Nec aliter de ſanguinis miſſionis uſu in intermittentibus ſentiendum. Si enim in earum geneſi inquirimus, eas plerumque vitii in aere, aut pravi victuſ foetus eſſe conſtat. Nihil autem ipſis commercii cum ſanguinis plenitudine, eaque propter ejuſdem ſubtractione neutiquam tolluntur, ſed experientia teſte redduntur chronicæ, niſi in reſervatis quibuſdam caſibus, ex accidenti plethora emimente, eadem judicetur neceſſaria.

38 Gravia porro damna, quæ ex indiſcretim inſtituta venæſectione reſultant paulo uberius & ſpecialius jam excutiemus. In quo exſequendo, primo omnium cenſuram meretur illa erronea, tam vulgi, quam chirurgorum, ipſorum etiam medicorum minus peritorum opinio, qua omnibus ferme hominibus, ad corpus a morbis vindicandum, venæſectionem verno tempore utilem ac neceſſariam eſſe putant. Id quidem certum, quod ineunte vere, quo ſanguis, hieme ad corporis exercitationem minus apto, ſub impeditiore perſpirationis ſucceſſu, uberius collectuſ, atmophæra iterum calidiori reddita, expandit ſeſe majuſque affectat ſpatium, iis præſertim, qui ad generationem copioſi ſanguinis proclives ſunt, ad præſcindendos ex ſuccorum plenitudine imminentes morbos, utile ac neceſſarium ſit, ut copia exundans ſubtrahatur; interim tamen id neutiquam univerſale cenſendum. Non enim in omnibus ſunt adeo ſanguine plena vaſa, ut depletionem poſcant, quin quandoque plane virium languor adeſt atque debilitas, ſive per morbum prægreſſum, immoderatos animi affectuſ, vigilias nimias, aut digeſtionis & appetentiæ vitio fuerit inducta. Quod ubi accidit, ſanguinem non perdere, ſed potius ingignere & longe aliis præſidiis ſervare decet. Vidimus certe plures corporis tenuioris ac debilioris, poſt ſanguinis, inprimis paullo liberalius inſtitutam vere miſſionem, in majorem virium proſtrationem, gravativum & preſſorium artuum dolore, neque minus in rheumaticas & catarrhales incidiffe febres, quæ, accedente medentis errore, in lentas tandem deſierunt.

39 Pari ratione falſa eſt opinio illa per-vulgata: nonniſi circa æquinoctium, ante, aut poſt illud proxime, venæſectionem eſſe adornandam. Nam licet plurimi medicorum mirabilem proruſ æquinoctii in corpus humanum influxum eſſe credant; is tamen aliuſ eſt plane nulluſ, quam qui a calore

H

ſolis

solis pendet, neque certa semper tempestatum ratio, sed interdum plurimis ante æquinoctium diebus, interdum circa illud, mitior & calidior atmosphæræ est constitutio. Quare nos, ex mente ipsius Hippocratis, qui in omni magna ac subita tempestatum vicissitudine, quæ æquinoctii tempore est maxima, dissuadet medicationes magnas: venæsectionem, cum ipsis Heluetis, tutiorem judicamus Februario mense, si serenum est cœlum, ubi non tantæ aeris sunt mutationes, quæ perspirationem mire lædunt. Atque etiam si aliquot ante æquinoctium hebdomadibus, incidat insuetus calor, minime exspectandum æquinoctiale tempus, sed plethoram citius solvendam esse censemus, ne sanguis ob expansionem in venis, periculum intentet.

40. Non autem frequentiora sunt medicorum in præcipienda venæsectione delicta, quam in femellis: His enim quia solennis spontanea sanguinis per uterum emissio, hujus successum, nunquam fere non urgent morborum artifices, & sanguinis missione in pede proritare nituntur. Si forsan occurrit virguncula ægotans, agens decimum circiter quartum ætatis annum, quo plerumque erumpere solet primum uterina purgatio, in hac provocanda illico sunt toti. Licet autem in iis, quæ angusta & exilia habent in utero vasa, ac ceterum natura sunt sensibiliores, difficulter admodum succedere soleat eruptio prima, multaue valetudinis afferre incommoda; pessime tamen sanitati consulunt ii medentur, qui menses moventibus & sanguinis missionibus fluxum procurare pertinaciter & vi contendunt. Lenissime enim & circumspecte tractanda sunt tenera ejusmodi corpora, tam medicamentis, quam ipsa venæsectione, quæ nisi manifesta plethora & vasorum turgescencia poscat, plus erupturi sanguinis effluxum impedit, quam adjuvat. Longe vero melius balnea, infusus aquarum mineralium, motus, frictiones, balsamica temperata & potus ordinarius accommodatus, desideratum hunc mensium fluxum eliciunt.

41. Multo magis adhuc, vel conscientiæ causa, notandum illud præposterum quorundam molimen, quo, ubi mensium defectus adest, ut hunc restituant, omnibus viribus, reluctante ipsa natura, pugnant. Evenit enim sæpius, ut a puerperio, largiori lochiorum fluxu stipato, a prægresso diuturno succos consumente morbo, mensium profluvii flata periodo, bis, vel ter obser-

vetur defectus, aut parcior successus. Quod ubi animadvertunt illi plethoram ubique crepantes medici, ad majus, ut putant, avertendum periculum, repetitis venæsectionibus instant, quin quandoque emmenagogis paullo fortioribus, ex radice bryoniæ, croco, sabina, myrrha, baccis lauri cum vino aut aqua infusis, aut etiam in elixirii formam redactis, nec non balsamicis pilulis, motum simul corporis, quantum fieri potest, validum imperantes, menses iterum emovere conantur; quum tamen potius imbecillia ejusmodi, succis bonis viribusque exhausta, ac malis ex vacillante digestionem succis referta corpora, clementioribus laxantibus, stomachicis temperatis & jusculis nutrientibus fuissent excipienda. Unde non mirum, ex præpostera ejusmodi medicatione, miseras in longe majorem conjici miseriam, in cachexiam, lentas febres, quin ipsam hecticam funestam. Nos certe novimus complura, veritatem hanc, licet odiosam, confirmantia exempla, e quibus etiam est, quod in femina, tenerioris & debiloris constitutionis, vidimus. Profuderat hæc post partum sanguinem largiter, cum tanta virium prostratione, ut nec caput, nec corpus, sine metu animi deliqui erigere posset. Periit postea appetentia; successit lenta febris & calor cum ventris torminibus, simulque elapsis sic aliquot mensibus, substitit, ob sanguinis inopiam, fluxus. Ad quem revocandum, instituta aliquoties sanguinis missio & data pilulæ sic dictæ balsamicæ, eo cum effectu, ut virium decrementum incretaret, febris purpurea & petechialis succederet, & hac depulsa, hectica presso pede obreperet febris, ac intra mensis spatium, sanguinem cum ipsa vita absumeret.

42. Non leviora sunt intempestivæ venæsectionis damna, iis in morbis qui ex immunita, aut restitute plane uterina purgatione, sensim succrescunt & diu extrahuntur, chlorosis, cachexia, virium & appetitus prostratio, lentus calor, cum atrophia. Enimvero primordia horum morborum ex menstrui fluxus vitio repetenda esse notum est quidem ac certum. Neque etiam negandum, venæsectionem, mature & circumspecte administratam, interpositis aliis congruis remediis, egregie prodesse. Sed quando res eo devenit, ut elapso jam aliquot mensium, aut longiori temporis spatio, infectis magna labe humoribus, atrophiciæ phthificæ & hecticæ sit suspicio, cum eminentiori virium de-

defectu stipatæ; perperam ad primam illam causam dirigitur medicatio, ac ut menses extendantur, iterata adornatur in pede venæsectio. Nam hac methodo fieri aliter nequit, quam ut malum præsens increseat, & consumtis cum sanguine viribus, mors acceleretur. Atque etiam sic omnino evenire, testatur experientia, qua novimus complures feminas, ob impensum diuturnum animi mœrorem & angorem, incidisse in insuetam ipsis mensium difficultatem, sanguinem misisse, eoque adeo debilitasse stomachum, ut vomitu rejecerint omnia; sedato vomitu, successisse dein erraticam febrem, cum quotidiana quadam intermissione, mensibus tum penitus retentis, ut redirent, iterum venæsectionem admisisse miseras, sed pejus habuisse, & lentam febrem, in phthisin & hecticam veram generantem, incurrisse, cum vitæ jactura. Quare firmiter omnino, ceu practicum axioma, tenendum inculcamus: in lentis feminarum febribus, multo magis hecticis ipsaque phthisi, licet ex mensium defectu primam traxerint originem, menstrui fluxus per venæsectiones aliaque remedia revocationem, nunquam esse moliendam.

43 Eadem ferme ratio illius feminis adeo frequentis passionis hystericæ, quæ universum nervolarum partium systema male afficit & multis gravibusque symptomatibus stipatur. Nam hujus quoque incunabula ex deficiente sanguinis superflui per uterum excretionem; atque etiam si recens malum est, sanguinis missio, cum judicio adornata, præsidio est egregio, tanto magis, si ipsius operatio postea medicamentis roborantibus, sanguinis spiritusascentiam & circulationem liberiores promoventibus, secundetur. Ast, si jam anno, aut longiori tempore, firmas egit radices & in feminis porosi corporis habitus eo processit, ut a magna stomachi inflatione syncopes, facies pallida, cordis palpitationes, artuum tremores & quæ alia gravitatem mali indicantia pathemata, accesserint, venæ secanda cautione summa, ne, uti sæpius, si inconsiderato fit, accidit, symptomata aliquantisper inducias dare visa recrudescant, sed potius thermalium aquarum potu & balneo, junctis balsamicis, medicatio perficienda.

44 Quæ omnia sicuti de feminini sexus ex mensium vitio morbis ubertim constant; ita non minus obvia medica peccata, quæ in virili sexu, ex præjudicio de salubritate hæmorrhoidali fluxus, subinde committuntur. Ea-

dem autem tenenda de his, quam quæ modo inculcavimus. Scilicet quamvis in morbis qui post restituentem consuetum hæmorrhoidum fluxum impetunt, in cachexia, hydrope, tympanitide, atrophia cum lenta febre & virium prostratione, statim ab initio cum cœperunt gigni, proficuum esse potuisset, si venæ secta fuisset & usurpata ea, quæ sanguinis cursum ad intestina crassa maximeque rectum placide direxissent; frustra tamen non modo, sed & cum certo damno postea in his quæritur auxilium, quum mala longiori mora invaluerunt & jam insignem viscerum labem introduxerunt. Tantum interest, ut medicus observet opportunitatem & medendi occasionem, qua dimissa, priora, quantumvis egregia præsidia, postea juvant nihil, quin nocent.

45 Inprimis severa censura dignus pathologicus ille, qui sectariis multorum animis altius insidet error: hypochondriaci mali originem unice fere petendam esse ex plethora & sanguinis spissitudine, nec non deficiente hæmorrhoidalis fluxus successu. Quo inducti, ruunt dein in errorem therapeuticum: sanguinem esse subtrahendum, ani stillicidium proritandum & corpus valide movendum. Ast tot & tam gravia a venæsectionis in hypochondriacis abusu damna sæpius notavi, ut per ipsam conscientiam, perversam ejusmodi medicationem non possim non, quin ipsam detester magnopere & ab eadem serio dehorter. Enimvero si originem hujus passionis dispicimus, naturæ ut plurimum debetur infirmitati, sive nativa sit a parentibus accepta, sive studiorum & animi intemperantia, aut aliis vires attenuantibus contracta. Quæ etiam detinet corpora, bonis succis & sanguine plerumque sunt destituta, ac præterea ipsis illis gravibus spasmodicis pathematibus, animi ut plurimum impotentia ac in mœrorem proclivitate stipatis, longe magis adhuc infirmantur. Unde non mirum est, sic afflictos, & jam debiles, crebris venæsectionibus crebrisque per pilulas fortioribus purgationibus, in pejorem valetudinis statum adduci, & succedere majorem virium languorem, inappetentiam, animi & præcordiorum angustiam, melancholicas mentis turbas, cum pulsu debili & inæquali. Quæ autem circa portæ venam in mesaraicis & hæmorrhoidalibus vasis adsunt stagnationes, neque spissitudini sanguinis, qui emissus plerumque apparet tenuissimus, neque copiarum boni, cujus magis præsto est

defectus, unice tribuendæ, sed potius virium imbecillitati solidorumque robori dejecto, fluida contenta minus efficaciter propellente; eaque propter liberaliori sanguinis subtractione obfirmantur potius, quam solvuntur. Et illa hypochondriacos in infimo ventre subinde male habentia symptomata, tormina, dolores pressorii ac tensivi a lumbis ad sacrum os excurrentes, quibus quandoque jungitur dolens venarum in ano protuberantia ac humoris sanguinolenti viscerum cum tenesmo fecæ, effectus sæpius atque producta sunt spasmodorum intestina gravius detinentium, quam solius plethoræ indicia.

46 Præterea ultro quidem largimur, in morbis, qui a sanguine in vasis maxime abdominis stagnante oriuntur, spasmodicis scilicet intestinorum doloribus, vesicæ urinariæ mictum sufflaminante spasmō, indeque pendente dysuria contumaci, nec non doloribus tensivis dorsi, ischii atque etiam intestini recti, sanguinis missionem in pede utilissimam esse iis, quorum corpus succis plenum & vasis non adeo minutis donatum. Sed ubi tenerior corporis habitus, vasa exiliora, nec vires adeo vegetæ, idem hoc remedium, licet symptomata primum minuere videatur, curam præstat mere palliativam, ac pathematum atrociam sensim non modo iterum postea succrescit, sed & increscit. Quin, ipsa venæsectio, crebro & intempestive instituta, ad ejusmodi stagnationes ac inde oriundos morbos disponit, tanto certius, si corpora imbecillia sunt atque tenuia. Etenim illæ sanguinis & humorum stagnationes, non semper a copia ipsorum pendent, sæpe potius a deficiente vasorum vi motrice, progressum humorum servante, quam vero sanguis nimium subtractus magnopere labefactat. Vehementer igitur delinquunt ii medici, qui in hisce morbis nonnisi ad sanguinis abundantiam, quæ tantum particularis ob deficientem ibi virtutem motricem est, medicationem venæsectione dirigunt, non vero, ut roborantibus ac diluentibus solidis robur reddant propellens, ac liberum & expeditum sanguinis procurent commeatum, quo tamen omnes hæ passionibus quam optime aut penitus tolluntur, aut minimum multum levantur.

47 Neque hac occasione reticendum, crebram inconsulto institutam venæsectionem, corpora ad affectus subcutaneos, & qui ex feri acrioris impuritate fiunt, reddere disposita. Nostro hoc tempore inter exanthemati-

cos hos morbos maxime frequens est purpura, quæ vario colore, maculis ac pustulis etiam subinde prodit non modo sola, sed & aliis morbis complicatur, ac insuetis plane gravibus symptomatibus, ut stipentur, facit. Causam autem hujus frequentię nullam aliam subesse autumo, quam quotidianum intemperatum calidorum potuum, maxime ex fabis coffee usum, cum sanguinis missionibus, jam nostris plus quam septentrionalium regionum incolis familiaribus. Illis enim calidis potibus sanguis & humorum massa multis heterogeneis, salino-alkalinis, ex parte empyreumaticis, inficitur particulis, & calor ipse motum intestinum intendendo in corporis succis alienas multas gignit materias, ac præterea quæ insunt subtiliores reddit simulque deteriores. Venæsectiones autem crebriores in omnibus fere, debilioribus & fœminis maxime, sedentariæ vitæ sub potu parciore diluente addictis, sanguinis ad capillaria subcutanea vascula affluxum minuendo, perspirationem impeditiorem, ac ut retineantur illæ sordes, faciunt. Cui, si accesserit alvi segnities, magis adhuc inquinatur humorum massa, nec mirum, conflare sic fermentum quasi exanthematicum, demum prorumpens morbumque inducens. Idem vero etiam cum aliis cutis defædationibus succedere, ipsius experientiæ fide constat. Novi in corporibus a febre chronica repositis, adhuc tamen languentibus, instituta æquinoctii tempore sanguinis missione consuetâ, erupisse brevi post per omnem ambitum ulcera & abscessus tetros, quorum coalitus, recrudescente sæpe exulceratione, medentibus multum faceffit negotii. Ratio hujus in proclivi est: febrili quippe intestino motu diu perseverante, ipse sanguis in tenue, impurum, falsum serum est resolutus, simulatque solidorum robur morbo ita attritum, ut sordium genitarum per convenientiam emunctoria non rite perfici potuerit excretio. Detracta dein per venam sectam adhuc sanguinis parte, reliquus intus contenta ætherea elastica materia, facto spatio, impensius agitata, utique plus in serum impurum est dissolutus, quod retentum pariter, excludit materiam inducendæ scabiei aliisque cutis defædationibus idoneam.

48 Quod si etiam jam in corporis succis præsto est ejusmodi materia sanguinis mixtionis & nervosis partibus infesta, eaque propter extus pellenda, podagrica, arthritica, erysipelacea, purpuracea, variolas & mor-

morbillos faciens, cum venæsectione mercandum est cautissime. Quando enim vasa repleta sunt sanguine crasso, in quo genuina plethoræ missionem urgentis continetur ratio, neutiquam sub initium statim, si vena pertunditur, nocet, sed potius inimicæ illius materiæ ad corporis ambitum secessum adjuvat. Verum si venæ plus sero sanguineo, quam ipso consistente sanguine sunt opletæ, viresque imbecilles, sanguinis subtractione nihil est deterius atque nocentius. Hoc etenim facto impeditur excretio, ac potius retrocessio fit materiæ, quæ ad interiores nobiliores exquisitioris sensus partes delata, suscitât ibi pathemata ac damna gravissima. De quo obvia passim sunt exempla, facile recensenda, si tempus ferret & occasio. Inprimis de purpureo exanthemate est in comperto, id difficulter penitus eradicari, sed relinquere quasi fermentum, quod reviviscens, crebro morbum inducit eundem. Interim si placida ipsius ad cutem fit emissio, & debito regimine excipitur, vacat periculo & postea redit sanitas; si autem præpostera sanguinis missione, illud retinetur exanthema, atrocia symptomata, melancholici, maniacy & apoplectici insultus ac suffocativi catarrhi cum convulsivis quandoque motibus, succedunt, tanto certius in tenerioribus ac animo mobilioribus.

49 Mitto jam turbulentos illos sanguinis motus & perniciosas sanguinis congestiones inflammatorias, quas venæsectio, liberalius justo minusque opportune instituta adducere valet, de quo noxio effectû sanguinis missionis, non in uno, sed duobus locis adornatæ, tres consignavit observationes Hildanus *cent. 6. obs. 92.* Is autem non prætereundus venæsectionis abusus, qui subinde committitur in iis, qui pathematibus spasmodicis, convulsivis & epilepticis detinentur. Recte enim jam pridem dixit Hippocrates: spasmos & convulsiones non tantum a repletionem fieri, verum etiam ab inanitione. Quæ posterior causa ubi subest, ac morbus non ex nimis aucta sanguinis bene consistentis copia, sed serosi potius atque attenuati nimium vitio accidit; pertusa vena, nunquam non augetur & contumacior rediditur.

50. Ceterum in genere de venæsectionis in ipsum sanguinem effectû, inter omnes, qui rationem sequuntur ducem, est pro certo: post eam relictum in vasis cruorem magis attenuari, eo quod particulæ aereo-ela-

sticæ, quæ nunquam non in ipsius sinu hospitantur, mole nimia antea compressæ, facta ventilatione, in vacuum cedunt locum, sese expandunt & irrequeto suo motu sanguinem interfluum agitando, crassiores moleculas discerpunt, attritu attenuant eoque majorem ipsi conciliant tenuitatem. Unde, nostra quidem sententia, vix certior sanguinem mittendi est indicatio, quam ubi viscidus is & crassus compareret, a colore obscuro veteribus dictus atrabilarius, qui in aqua multum substantiæ gelatinosæ dimittit, cujusque serum mox post emissionem in offam supranatantem densatur. Sic enim comparato sanguine, utilissima ipsius missio, tum ut tenuior reddatur atque fluxilior, tum etiam ut eo promptius circumagi & solidis robur foenerare possit. Contra ea, si sanguis jam tenuis nimium est atque serosus, ac deficientibus moleculis solidescantibus, plus aeris, quam sanguinis venis inest, ipse quoque sanguis emissus & frigefactus respuit coagulum, venam secare damnosum est atque perniciosum. Quam ob rem atro merito carbone notandus est ille nonnullorum passim obvius practicus error, quo nimium sanguinis, per tussim, sputum, rarium, aut ani venas, fluxum, iterata sanguinis, non bis, sed vel quinquies & sexies intra mensem subtractione, cohibere nituntur. Nam licet profluvium ad tempus conquiescat & pallietur quodantenus, neutiquam tamen tollitur, sed sanguis inde tenuior factus simulque immixta perspiratione acrior, eo magis per apertos tubulos exitum affectat & malum vehementia recrudescebat majori.

51 Sed nolumus diutius immorari enumerandis hisce tædiosis medicorum delictis: præsertim quum jam passim in variis scriptis hæc cum aliis perstrinxi, maximeque in *disser. de imprudenti medicatione multorum morborum causa*, nec non ea, quæ de medicis morborum causa, inscribitur. Subjiciemus potius tantum ex pluribus utilissimas cautelas, ad evitanda damna in suadenda venæsectione servandas.

I. Magis proficua est sanguinis subtractio carnosio corporis habitu præditis, quam obesis ac pinguibus. Hi enim vasa exilia habent & progressus humorum lentus & perspiratio est impeditior; hinc quam facile a copiosa sanguinis detractione tam celerem animi patiuntur defectionem, quare potius alia via exsuperantes succos educere oportet; juvat potius hunc in finem sacificatione & leni

leni laxante humorum abundantiam minuire: in carnosius autem longe turgentiora sunt vasa, ampliores canales, magnum cor, quod vasorum amplitudini respondere solet, apparent; quare confidentiorum macilentioribus sanguinem etiam in copia mittere possumus.

II. Errorem committunt, qui artes operosas exercentibus plus sanguinis subtrahunt, quam sellularias tractantibus. Motus enim & exercitio corporis ipsis quotidiana, ad justam quantitatem sanguinis in corpore servandam, & nimiam absumendam, jam est sufficiens. Sanguinis autem missio, vires labefactando, eisdem ad labores reddit minus aptos.

III. Perperam instituitur venæsectio, ubi primæ viæ vitiosorum succorum colluvie scantent. Hac enim facta, sordes sanguinem subeunt ac retinentur facilius, ob imminutam ipsam ventriculi & intestinorum vim expultricem. Quare consultius est, præmittere sanguinis missioni ea quæ alvum blande ducunt & canalem intestinorum a sordibus liberant. Nil tamen est deterius, quam in crasso sanguine turgidis impetuosas ac vehementes per inferiora, vel superiora moliri purgationes, quibus sanguis exagitatus, cum impetu ad incongrua loca propellitur, consequentibus morbis gravissimis.

IV. Neque etiam in senibus reformidanda sanguinis missio. Sunt enim inter illos, qui appetentia integra, laudabili victu usi, sanguinis majorem, quam par est, in vasis colligunt quantitatem. Unde in senili ætate interdum magis necessaria, quam alia, ad morbos grandævus familiares arcendos ipsamque mortem aliquamdiu protrahendam.

V. Cum sanguinei temperamentum corpora etiam multum inter se differant, dum alia carnosiora, robustiora & majoribus vasis instructa, alia vero teneriora, cum valde exilibus & angustis vasis, atque in illis pulsus plenus & magnus, in his autem debiliior, oportet etiam medicum hoc discrimen in sanguinis missione instituenda attendere, quia in illis venarum apertio plus utilitatis & securitatis, quam in hisce habet: si e. g. mensium ita, vel hæmorrhoidum, suetus fluxus substituerat, non semel, sed aliquoties brevi post venam sectam in corporibus plenioribus sanguinis fluxum fuisse restitutum observaverimus.

VI. Summa prudentia ac iudicio opus est, ut iusta & corpori proportionata sanguinis quantitas emittatur. Quare illud monendum

ducimus, quod nimia sanguinis copia si fuerit detracta non sufficiens satis ad partes inflammatione adfectas perveniat, quo fit ut humor eccentricus de sede sua non dimoveatur, sed corruptionem & sphacelum parti adfectæ minetur. Nam sicuti inflammationibus sanandis nimia sanguinis quantitas nocet, ita etiam exigua ejus portio est iis adversa. Rectissime monet Celsus *Lib. 2. Cap. 10. in sanguine mittendo vim corporis melius ex venis, quam ex ipsa specie estimari*; & porro ibidem ait: *si materia vel deest vel integra est, istud alienum est, nullo modo melius succurritur. Et vehemens febris, ubi rarer corpus, plenæque venæ tument, sanguinis detractionem requirit: item viscerum morbi, nervorumque resolutio & rigor & distentio, quicquid denique fauces difficultate spiritus strangulat, quicquid subito supprimit vocem, quisquis intolerabilis dolor est & quacunque de causa raptum aliquid intus atque collisum est: item malus corporis habitus, omnesque acuti morbi, qui modo non infirmitate, sed onere nocent.* Qua propter in definienda ea exacta habenda ratio ætatis, sexus, corporis habitus, pulsus, vitæ generis, consuetudinis, morbi ipsius, maximeque omnium virium.

DISSERTATIO VI.

DE

BALSAMO PERUVIANO.

§. I.

Nullum gratius, & quod majori suavitate sese commendat, nomen occurrit in foro medico, quam balsami. Quivis sive chirurgus, sive medicus sit, ad ejus mentionem mox singularem efficaciam & virtutis medicamentosæ spem sibi promittit & concipit: qua de causa evenit, ut in more habent medici, generosa & magnæ virtutis, quæ ad conciliandam gratiam & famam præpararunt remedia, balsami vel balsamici titulo exornare & commendare. In vulgus enim notum est: balsamum vel balsamicum tale quid audire, quod fraganti & suavissimo odore nares reficit, & insuper omnem labem ac corruptiones a corpore avertit: nemini enim est ignotum, animantium cadavera ad putredinem summe proclivia, balsamo diu conser-

servari, & a corruptione defendi posse. Neque de nihilo est tanta balsamorum æstimationis. Ex omnibus enim vegetabilibus non datur aliquod præstantius, quam succus talismodi oleosus, suavissimi ac penetrantis odoris ac virtutis, qui ex certis arboribus elicitur, unde merito rex & princeps vegetabilium talis balsamica arbor dici meretur. Sicuti vero sanguis inter animalia est nobilissimus ille liquor, qui vitæ & omnibus actionibus corporis præest, a quo totum corpus calorem, robur, incrementum & conservationem sortitur; ita succus, qui per cortices fertur, vegetabilium sanguis est, & ipsorum pretiosissima pars, a quo vegetatio ipsorumque omnis medicamentosa virtus duci ac æstimari debet.

2 Ex eo jam facile apparet, quod succus vegetabilium quo puriori & suaviori resina & oleo pollet, eo majores obtineat laudes, majoremque custodiat efficaciam. In tota enim rerum natura nullum principium majori donatum est agendi potentia nullumque eximiores virtutes atque effectus prodit, quam quod inflammabilis est indolis & sulphur seu resina & oleum audit, hoc mixtis non modo calorem & odorem, sed & vires ac spirituscentiam elargitur, & præcipuarum operationum fons ac fundamentum est. Non immerito itaque peritiores medicorum a multis retro temporibus ipsa balsamica, quæ suavi naturæ amica liquida resina constant, ad sævissimorum morborum ferociam edomandam nullo non tempore maximi fecerunt. Inter ea jure meritoque palmam obtinuit & adhuc obtinet, balsamum sic dictum Peruvianum, omni tempore a medicis & chirurgis celebratissimum. Et quum cogitatio animum subiret, de nobilissimo hoc simplici inter tantam farraginem nihil huc usque scriptum, quod ex instituto ejus originem, naturam & vires pertractet; non dubitavi haud inutilem laborem fore, in præsentis materiam hanc paulo exquisitius excutere & fusius ventilare.

3 Antequam ad scopum ipsum accedamus & balsami Peruviani naturam & vires decenti scrutinio medico persequamur, e re fore nostra judico, de origine hujus nominis ejusque varia acceptione quædam præmonere. Plures sunt qui hebraicam ejus originem esse asserunt; dum balsamum a Baal seu Bal, quod dominum significat, & Simen quod pinguedinem seu oleum notat derivant, adeo, ut balsamum, pinguedinem

seu oleorum princeps audiat. Alii malunt, hanc vocem esse orientalem, quoniam balsamum in linguis orientalibus princeps aromatum significatur. Nihil hoc loco addimus, quam ut nomen ipsi rei correspondere asseramus, quoniam tantum excellentissima olea ac sulphura balsami titulo superbiunt. Equidem perperam vulgo aliis rebus hoc eximium nomen assignarunt, dum apud pharmacopolas linimentum omne ex variis fragrantibus concinnatum, balsami nomine ornant. Hinc balsami rosarum, apoplectici, cinnamomi, nomina usitata sunt. Deinceps, compositi quidam spirituosii liquores ex gummatibus, resinis & oleis fragrantibus, cum spiritu vini extractis vel destillatis, nomen hoc accipiunt, unde surgunt nomina, balsami nervini & balsami vitæ. Ipsi quoque chymici non veriti sunt, hoc nomen suis præparatis affligere, dum vel salia fusa aut liquata, vel sulphura mineralium oleis destillatis extracta, balsamorum titulis insigniunt. Nobis balsamum non est artificiale compositum, sed naturale quoddam simplex, ex vegetabilium familia oriundum, oleosum & inflammabile, consistentiæ fluidæ crassiusculæ, odoris fragrantis & virtutis mirabilis. Tale hoc proprie & κατ' ἐξοχήν balsami appellationem sortiri debet, & hoc jam commode de balsamo de Tolu, Copaiba, styrace liquida, & maxime Peruviano prædicatur.

4 Balsamorum nostra appellatione sumtorum varia genera antiquis fuisse cognita, & ab ipsis propter egregium usum maxime æstimata, is credit, qui veterum monumenta paulo attentiori animo versat atque manu evolvit. Inter alia jam ante Christum natum in orientalibus regionibus celebratum, & sancte pro usu asservatum fuit balsamum quoddam, quod nostro tempore balsamum orientale & verum dicitur. Non levis hinc nata fuit controversia inter genuinos rerum naturalium perscrutatores, quale balsamum fuerit, quo Ægyptii, Syri & Judæi ad balsamanda corpora & ad medicinam usi fuere, num hoc balsamum adhuc nostris temporibus cognitum sit & usitatum nec ne. Sunt qui existimant post excidium Hierosolymæ in Judæa, balsamum verum non amplius existisse, quale quid prodidit Evonymus. At vero præter Plinium & Galenum, qui post excidium hoc scripserunt, ipse Solinus gravissimus auctor, Trajani tempore vivens Cap. 48. Polyhistoris balsami existentiam confir-

firmat post Christum natum his verbis : *In Judæa tantum balsamum nascitur, quæ sylva intra terminos 20. jugerum usq; ad victoriam nostram claudebatur . At cum Judæa potitissimus, ita loci illi propagati sunt, ut jam vobis letissima colles sudant balsama : similes vitibus stirpes habent, malleolis digerunt, rastris nitescent, aquis gaudent, amant amputari, tenacibus foliis sempiterno adumbrantur . Cornelius Tacitus Lib. 5. eundem in modum scribit : exsuperant in Judæa fruges nostram ad morem, præterque eas balsamum & palmæ, balsamum modica arbor . Hunc balsami autem plantam periisse Teophrastus & Monardus scribit, hic multis, inquit, jam annis perit id balsamum quod in Ægypto nasci solebat, nec usquam gentium amplius invenitur. Huic autem contradicit Clusius in Exotitit. lib. 10. cap. 9. de Balsam. p. 304. scribens; falleris Monarde, nam Arabia felix, quæ sola balsami plantas sponte nascentes ab omni ævo protulit ac etiam nunc profert, legitimum balsamum præbet. Aliud quidem Ægyptus loco quodam Cairo vicinus, quem Matharia appellant, nunc etiam opobalsami frutices alit, sed ex Arabia semper petitur, quemadmodum olim Judæa habuit. Tale quid etiam affirmat Brasavol. in Exam. simplic. p. m. 396. Busbeq. de legat. Turc. epist. 4. Nicol. Christoph. Razivil. in sua Hierosol. peregr. p. 277. Scaliger. Exercitat. 157. qui Cardanum balsamum desisse & in parvo esse pretio agentem vanitatis arguit.*

5 Describitur autem hæc planta, quæ balsamum orientale, quo usi potissimum sunt in regum inunctione, fundit, a Bocharo in Tract. de Terra Sancta P. II. c. 5. hæc tradens : *Inter Heliopolim & Babyloniam medio fere loco est balsami hortus, in festo Michaelis lignum satis humile existerat, scilicet palmæ & dimidiæ in altitudine habens folia parvula ut ruta, sed parum albiora, & de ligno mecum detuli .* Inter notas autem & characteres, quibus hoc dignosci possit, celebrantur penes fide dignos auctores primo ut planta hæc resinifera perpetuo vireat, postea magnitudinem habeat pedis longitudine ex pollicis crassitie, duorumque aut vel trium cubitorum altitudinem, ramulos multos & graciles obtineat. Deinde adjiciunt ejusdem esse hanc plantam cum vite naturæ, quam singulis annis amputare necesse sit, ne degenerent; cortex viridis est, folia viridia lentiscinorum foliorum modo formata, nonnulla minutiora aut rutæ fa-

ciem præ se ferunt, cortex digitis tritus valde odoratus est, saporis pinguis & aromatici, instar thuris lignum candicat, odoris saporisque expers, hoc vocari solet Xylobalsamum.

6 Hæc planta nunc potissimum Ægypto apud Cairum colitur, qua de re omnium optime & studiose scripsit Prosper Alpinus excellentissimus ævi sui botanicus; qui per novem annos ceu medicus clarissimus Venetorum claruit, ubi medicorum tam Ægyptiorum, qui Hebræorum auxilio plantam penitus indagare, modumque colligendi Opobalsamum, notasque veri Carpobalsami, Xylobalsami addiscere potuit, quod in suo libro de Plant. Ægypti Cap. 14. de se ipso testatur. Et multo clarius in suo de Balsamo dialogo, quod cum Appella Arabe & Abdachim Hebræo medicis in examen vocat, in quo omnes propositi negotii difficultates tam clare & perspicue solvit, ut veritatis amanti nullus amplius superesse possit scrupulus.

7 Deinceps arbor balsami orientalis flores fert parvos & albos in umbellæ formam compositos, quinque foliis obrotundis constantem, floribus acaciæ proximos. Ab hisce semina promanant flava, folliculis nigris siliquosis obrotundis, magnitudine unius digiti fusci involuta subrubentibus contenta, valde odorata, intus humorem flavum mellis similem habentia, sapore amaro, parumque acri, linguamque ferientia Opobalsamum redolentia, sicut præclare tradit Wormius in Museo 223. Quod pretiosissimum illum liquorem colligendi modum attinet, qui Opobalsami nomine venit, notandum est, mensibus æstivis desinentibus umbris, luna plena incidendum esse corticem ad medullam usq; ita liquor exstillat, qui in vitrea vascula excipiendus. At vero non possumus hic fidem adhibere ipso Rajo, qui scribit, spatio trium horarum duodecim hujus liquoris libras effundi, cum arboris magnitudo exigua contrarium potius suadeat. In eo autem omnes, qui balsami hujus naturam & originem investigarunt, consentiunt, quod liquor ille qui emanat, primo albo colore tinctus conspiciatur, & liquidior sit, mox paucis diebus in viridum mutetur olei crassitie, demum post aliquot annos aureus & mellis consistentiæ fiat, & instar terebinthinæ crassescat.

8 Porro dicunt quoque primo tempore turbidum esse crassumque uti oleum statim

ab olivis expressum, postea clarum fieri & tenuem, demum crassescere & sub aqua mergi, cum primum propter levitatem ascendat, & supra totam aquæ superficiem expandatur. Scribunt quoque de eo, quod primis diebus acuti & validissimi sit odoris, ut aliquibus inter odorandum sanguinem e naribus eliciat, qui gravis odor cum tempore pereat & gratior sit, & fragrantior. Sapor est acris, amaricans & paululum adstringens. Notatu quoque dignum est, quod aliqualis coagulatio lactis ab eo infuso perficiatur. Probe notat celebris scriptor Gallus du Pommet in *Traité des Drogues* p. 275. quod hoc balsamum sit rarum, pretiosissimum & in Matharia magnoque Cairo, ubi in hortis crescit & maxime colitur ac defenditur, rarius obtineri possit, nisi per legatos Turcicos, quibus ceu munus offertur. Unde porro addit, adulteratum esse, quod vulgo venditur pro vero balsamo, & nihil aliud esse quam balsamum Peruvianum cum storace & benzoe permixtum. Confirmat hoc assertum Clusius in *Monard.* p. 103. qui ejus unciam modo viginti, modo decem ducatis vendi scribit. Quocirca hodiernum, quod venditur & inclusum est nucibus Coccis pro Opobalsamo, artificiale est. Qui plura de hac materia legere vult, evolvat elegantissimum tractatulum Volcameri, de *Examine Opobalsami* editum.

9 Accedimus nunc ad balsami Peruviani originem indagandam, quod nostræ potissimum considerationis est. De eo scribit celeberrimus ævi nostri botanicus Raius ex *Pisone in Hist. Plantar.* p. 1757. Quod arbor sit mali medicæ magnitudine, foliis amygdali majoribus tamen rotundioribus & magis acuminatis, floribus pentapetalis, in extremis ramorum flagellis luteis, initio loculorum oblongorum forma, sed procedente tempore quorundam veluti foliorum cæteris latiorum. Arbor est siliquosa, siliquis brevibus in singulis Yemine contento. In America & quidem Hispania nova & Mexico crescit, unde etiam Americanum, & Mexicanum audit. Cortex contusus suavissimos dat globulos aliaque multa. Lignum ejus singularem in ædificiis præbet usum.

10 Cæterum Monardus fidissimus rerum excoticarum scriptor de arbore hujus balsami scribit; quod contineatur in America, vastæ sit magnitudinis, ad radicem usque ramosa, duplici cortice septa, altero crasso suberini modo, altero tenui interno, materiam arboris complectente. Ex eo, quod inter utrumque cor-

Hoff. Opusc. varii argum.

ticem est, spatium, incisione balsamum educitur. Fructum dicit esse ciceris aut pisi grano non majorem, in extrema siliqua angusta, digitum longa, alba, tenuitate regalis simplicis. Depinxit Parckinsonius pro balsami Peruviani arboris fructu, siliquam longam, angustam, quæ balsamum Peruvianum, aut benzoinum adeo odore referebat, ut sibi plane persuaserit, ejusdem arboris fructum esse.

11 Quod attinet ad modum colligendi balsamum, hic duplici ratione vel per incisionem vel per coctionem peragitur. Incisio fit cultro, quovis annuo tempore, post imbres serenitate aeri restituta, luna plena, & ut perhibent eum in modum, discinditur nempe uterque cortex, tunc emanat liquor tenax, subalbidus, limpidus, terebinthinæ consistentiæ, saporis acriusculi, aliquantulum amari, odoris fragrantissimi. Et hoc dicitur Peruvianum balsamum album, estque rarius & carius nigro: nigrum autem quod ad nos magna in copia adfertur, decoctione extrahitur, videlicet referente Clusio *Comment. in Monard.* p. 302. ramos atque etiam truncos arboris assulatim & minutim concisos, in lebetem amplissimum injiciunt, multa insuper affusa aqua, bulliunt omnia & fervent, quantum satis esse putant, igne sublato frigesce sinunt, & conchyliis oleum supernatans colligunt. Id vero est, quod in has regiones invehitur, & quo vulgo utimur, ex nigro rubente, odoris suavissimi. Vascularibus argenteis, vitreis, stanneis, aut fictilibus vitratis asservatur, omnem aliam materiam penetrans. Ex quibus patet, balsamum Peruvianum esse vel album vel nigrum, & binas has species ex una arbore provenire, parandi tamen modo differre. Nam album stillat ex arbore ad medullam usque perforata instar olei terebinthinæ, & longe præferendum est balsamo nigro, quod coctione paratur, ubi nonnullæ particulæ volatiles avolant.

12 Differt autem hoc nostrum balsamum tam nigrum quam album a balsamo sic dicto Copaiba. Duplex hoc nobis apportatur, quale unum liquor est limpidus, stillans ex arboribus Americanæ Copaiba dictæ ad medullam usque perforatis, odoris fragrantis & gratissimi saporis acriusculi, alterum vero crassioris instar terebinthinæ est consistentiæ. Discrimen autem hoc dependet ex diverso colligendi tempore. Illud enim cum statim post arboris incisionem primo effluit,

I

est

est admodum clarum, album, odoris resinosi. Hoc autem quod sequitur, magis aurei coloris & consistentiæ densioris est, quæ consistentia ipsi balsamo nomen conciliavit. Ultimum hoc balsamum, magna in copia in lagenis ex Portugallia ad nos perfertur: alterum autem tenuius magis rarum est.

13 Tandem discrimen quoque inter nostrum balsamum & sic dictum Tolutanum. Existimant nonnulli balsamum Peruvianum album esse idem, falluntur autem in eo, differt etiam natale solum. Arbor, pino est. & similis & folia ceratiæ faciem obtinent, semper virent, ramos quaquaversum spargunt, teste Raio in *Historia Plantarum* p. 1759. Locus ubi crescit est provincia Hispaniæ novæ, inter *Carthaginem* & *le nom de dieu sita*, *Tolu* Indis dicta. Incisione etiam exstillat ex arborum corticibus, coloris est aurei, saporis dulcis, grati, & non nauseabundi, limonio- rum fragrantiam quodammodo refert, si paulillum in vola manus fuerit fricatum. Rarius est in Gallia, in Anglia autem ordinario reperitur, unde ad nos in consistentia sicca advehitur.

14 Quod saporem balsami Peruviani attinet acris est, paululum amaricans, utpote subtili acredine irritativæ, papillulas linguæ nerveas afficit. Subsimilis sapor in corporibus resinosis præsertim liquidis obtinet, qualis deprehenditur in terebinthina, strobilis pini, resina ligni guajaci, tam ea, quæ coctione cum aqua, quam spiritu vini rectificatissimo extrahitur resina ladani, storacis, in storare liquida essentia ligni aloes. Tenuis est hæc acredo, testatur sal quoddam volatile acidum cum oleosis particulis intime esse nuptum. Notum enim est, non tantum ex analysi chymica, sed & ex compositione, resinas ex oleo fluido-æthereo & tali acido tenui esse conflatas. Unde oleum quodvis æthereum destillatum permixtum cum spiritu nitri concentrato in magna resiniforme abit, quod subtili acredine ipsam linguam petit & afficit.

15 Odor balsami Peruviani est suavis & fragrans, indicio sulphuris & olei volatilis ætherei probe temperati. Recte enim a chymicis odor petitur a sulphure, & quidem ejus suavitas a mixtura earum partium, quæ sulphur constituunt, temperata & proportionata. Fœtor a mixtione intemperata, & proportionem discedente. Notandum autem hoc loco est, quod effluvia balsami Peru-

viani, quæ admoto fortiori calore in cochleari argenteo mittuntur in auras, in nares recepta, in limine arteriæ asperæ tussiculam ordinario quandam movere soleant, quod etiam aliis resinis, benzoës, resinæ storacis, perfamiliares, in manifestum signum, effluvia hæc tenuissima non esse salis acris & stimulantis expertia. Sulphureum autem, aut oleosum principium, palmarium esse balsami nostri ingrediens, vel sola inflammabilitas abunde manifestat. Utpote non modo in liquida forma, si debita ratione candelæ ardenti objiciatur, flammam probe concipit, verum etiam quando ad siccitatem redigitur, quod fit, si tantummodo arenæ candidæ miscetur, hoc ipsum præstat: præter hoc sulphuream materiam clare demonstrat ejus facilis & promptissima dissolutio & intima unio cum spiritu vini rectificatissimo & oleis cunctis spirituosus & destillatis, amice enim conjungitur cum his ipsis, neque olei, neque spiritus vini unionem respuit.

16 Hoc loco autem non prætereundum est, cum cera & cum oleis omnibus expressis balsamum Peruvianum, sive calide, sive frigide mixtura fiat, nunquam velle coire, unde etiam ii perperam agunt, qui inter olea cocta & expressa, pro medico usu, præsertim externo hæc inter se miscent. Econtra probe ingreditur balsama illa, quæ ex oleis destillatis composita sunt. At vero averlatio hæc expressorum oleorum & pinguedinum hanc affert utilitatem, ne his ipsis adulterari queat. Falsum enim est, uti nonnulli auctores habent, admixtione olei amygdalarum dulcium hoc balsamum infici. De balsamo Peruviano sic dicto albo, quod in officinis venditur, res clara est, hoc nunquam vere purum, sed perpetuo hoc oleo est adulteratum. Nam lubenter quod notabile est, olea expressa cum hoc balsamo junguntur, neutiquam autem cum nigro, quod uti nos existimamus, citra adulterationem venditur.

17 Placet hoc loco mentionem quoque facere nonnullarum mixtionum, quas institimus cum variis rebus; ita nostrum balsamum aquæ infusum fundum petit, plane autem respuit consortium aquæ, dum nullo modo, vehementi etiam agitatione facta, ab ipsa turbatur vel lactescit. Id autem in ipso experimento curiose conspiciere licuit, quod extremitas pennæ immissa balsamo Peruviano, eoque imbuta quodocunque, vitro
aqua

aqua repleto inditur balsamum Peruvianum, ægre descendat, sed sub globosa forma, in medio vitri suspensum hæreat, simul ac autem extra aquæ superficiem penna ex aqua educitur, mox decidit de penna & in fundum delabitur. Ratio iis, qui gravitatis naturam cognitam habent, ex physicis & staticis facilis est. Datur tamen medium hoc balsamum miscendi cum aqua simplici pura, & hoc est ipse vitellus ovi. Dici vix potest, quam amice inque momento ad superficiei tantum mixtionem, vitellus capiat hoc balsamum, intimeque cum ipso uniatur. Mixtura postmodum hæc aquis indita, per omnia spatia diffunditur & flavescens turbidum colorem ipsis largitur. Non contemnendus hic in pharmaceuticis modus est balsamum Peruvianum potionibus & mixturis admiscendi.

18 Cum oleo vitrioli rectificato quando miscetur particula balsami Indici, nulla fit effervescentia, sed tantummodo leni odore immutatur, & intense ac saturate purpureus ex utroque exsurgit, amboque abeunt in coagulum, quod quando aqua calida affusa sufficienter eluitur, aciditate vitrioli transiente in aquam, relinquitur purissima solida resina in manu tractabilis sine cohesionem, quæ ad flammam admota perfacile accenditur, & in rectificato vini spiritu solvitur. Docet hoc experimentum, acidum, quod coagulationis causa & auctor existit, nostro balsamo sufficiens deesse, unde liquidum permanet: hoc si adjicitur, stabilem acquirit consistentiam. Fecimus quoque simile experimentum cum spiritu nostro flammifico, hic cum certis oleis iisque aromaticis, intensissimam & lucidissimam flammam vehementer ardentem producit, ad mixtionem autem aliorum oleorum v. g. carui, anisi, terebinthinæ, majoranæ, lavendulæ, mox intensissimam facit effervescentiam: hic mixtus cum nostro balsamo, non statim effervescebat, sed mora aliqua interjecta & facta agitatione demum ebullitionem prodebat, ob eam procul dubio causam, quod in balsamo quoddam æthereum oleum latiter, sed viscosis terreis partibus valde sit immersum.

19 Tandem etiam quædam adjicienda veniunt, quæ variis factis destillationibus annotavimus. Primo enim hoc balsamum cum aqua mixtum & vesicæ cupreæ inditum & destillatum nullum fundebat oleum; aqua tamen de odore quodammodo ejus fragrantem

participabat; nihilominus ea aqua, quæ in vesica supernatans, deprehendebatur manifeste odore, sapore, colore etiam aliquatenus flavo imbuta erat. Videtur nexus iste partium viscosarum, terrearum, olei tenuioris & ætherei, nec non salis acidi, tam arctus esse, ut vaporibus aqueis disjici nequeat. Non enim mirandum est, in chymicis dari corpora, quæ sapore acri, nec non salis acris copia imo volatilis scatent, quæ tamen sub destillationibus humidis nihil de hisce suggerunt. Ita gelatinæ, sanguis animalium, ossa destillata, ac vegetabiles, zingiber dant a quam odore saporeque privatam.

20 Quandocunque autem intimior hic partium nexus ac vinculum dirimitur ac solvitur, ecce mox alius effectus sese pandit. Fecimus itaque experimentum, & lixivium satis forte sumimus, hocque miscuimus cum balsamo Peruviano, mixturam indidimus vasi argenteo, & subdita flamma, hanc in ebullitionem fervidam coniecimus, ita mox conspeximus dissolutionem balsami usque ad dimidium factam, nam saturate flavum lixivium tingebatur colore, & vapor qui in coctione emanabat, odorem penetrantem suavissimum exserebat, adeo ut pateat, hac ratione, aquam ex balsamo Peruviano ex vesica destillari posse una cum subtili oleo præstantissimo. Est enim ea indoles alcalinorum salium, ut contextum viscosarum, oleosarum & resinotarum partium fortiter aggrediantur, dissolvantur, & oleum acido ac terra ligatum in pristinam volatilitatis libertatem vindicent.

21 Verum enim vero adhuc longe nobilior modus eliciendi ex hoc balsamo spiritum fragrantissimum mirabilis virtutis prostat, quem primus descripsi in *Annotationibus in Poterium* p. 440. nempe tres partes balsami Peruviani cum una parte salis tartari exacte trituantur in mortario, affunditur spiritus vini rectificatissimus vel melius spiritus rosarum ad eminentiam quatuor digitorum: extractio fit leni calore, postea destillatio in cucurbita vitrea per alembicum usque ad siccitatem, ita prodit spiritus, longe suavior & fragrantior ipso balsamo, qui in omnibus nervorum & cerebri affectibus a causa frigida & humida ortis, in omnibus partium nervosarum & glandulosarum nimis relaxationibus, efficaciam vix parem possidet. Relinquitur in cucurbita magna ex crassis viscosis terreis partibus constans, quod volatili oleo suavi penitus orbatum est. Notatu

hoc loco digum est, ipsum sal tartari oleum tenue & suave a tricis & involucris partium viscosarum separare, quod postmodum receptum in spiritu vini calore cum eo sursum rapitur. Eadem encheiresi ex aliis resinis, mastiche nempe, succino, benzoe, myrrha, aloes ligno, eduxi spiritus admirandæ virtutis & vix adhuc in pharmaceuticis notos.

22 Destillavimus quoque balsamum nostrum sicca via, miscuimus nempe partem unam hujus cum partibus duabus arenæ, mixturam immisimus retortæ vitreæ, & facta fuit per arenam destillatio, ita prodiit oleum ex flavo-rubrum, quod aquæ supernatabat, odoris non ingrati paululum empyreumatici, quod in spiritu vini rectificatissimo solutum egregium liquorem nervinum, interne & externe assumendum constituebat. Destillatione ulteriori subsecutum est oleum crassius, fundum in aqua petens. Duplex enim oleum in balsamo Peruviano observatur, unum tenue & levius, alterum crassius, potest hoc extemporaneo labore ad oculum demonstrari. Nempe sumatur balsami Peruviani particula, & ferventissimæ aquæ injiciatur, ita mox videbis, oleum quoddam instar cuticulæ supernatare, sapore penetranti imbutum, crassiorum autem & majorem portionem in fundum descendere, ex quo patet, non inepte balsamum Peruvianum immisceri posse decoctis, quod adhuc magis ex voto succedit, si particula simul salis tartari additur.

23 Ex hisce omnibus dictis & adductis abunde elucescere arbitror, balsamum Peruvianum, esse succum resinoso-oleosum arboris ex corticibus & foliis, mediante aqua & igne extractum, qui compositus est ex oleo tenuiori & subtiliori viscosis terreis acidis partibus ligato & intricato. Probe hic est notandum, aquam non addi eum in finem, ut dissolvat & extrahat balsamicam & oleosam arboris partem, utpote hæc nullum habet in id ingressum, sed calor tantummodo humidus facit liquationem & fusionem oleosarum & resinolarum partium, quæ in porulis & interstitiis corticis, potissimum arboris subsistunt; liquatæ autem per calorem oleosæ partes, recipiuntur in aquam, quæ si non adesset & sicco tantum calore negotium institueretur, periculum esset empyreumatis. Nihilominus tamen nostra non est opinio aquam in extrahendo omni destitui virtute, æquidem non adoritur ipsum oleum, in partes tamen acres, salinas jus quoddam habet,

unde dum in eas agit, easque in se recipit, una quoque adducit quasdam oleosas. Exemplo res clara est in decocto ligni guajaci. Hoc lignum valde est resinosum, & ob copiosam resinam admodum grave. Si ejus raspatura fortiter decoquitur in aqua per aliquot horas, & postea hoc ipsum decoctum inspissatur, relinquitur magma quoddam resiniforme, quod saporis est acriusculi, odoris fragrantis, multum ad thoracis resinam accedentis. De hoc sumta particula & naribus excepta, sternutationes insignes, citra tamen capitis imbecillitatem efficit. Hoc tamen dolendum est, ex libra una ligni, vix drachmas duas posse obtineri, cum tamen uncia tres ad minimum ejus resinæ, si extractio fiat cum spiritu vini rectificatissimo, haberi possint.

24 Est nempe balsamum nostrum resina arboris liquida. Possident omnes arbores succum quendam, quo nutriuntur, qui vel gummeæ, vel resinosæ naturæ est. Arbores in nostris regionibus substantiam magis gummeam, in præcalidis autem & orientalibus, ob fortem solis æstus, magis resiniformem, adeoque calidiorem alunt. Hic succus nutritius per intermedium corticis spatium & per ipsa folia fertur, unde vel incisione facta exsudat, & calore externo humiditate absorta in solidiorem substantiam concrevit, coctione autem cum aqua & extractione vel cum spiritu vini facta, ex poris tam radicis quam ligni extrahitur. Quod si autem, uti in aromatibus fit, pars oleosa tenuior prævaleat partibus acidis & gummeis, coctione cum aqua & destillatione facta, purissimum æthereum oleum, quod delicatissima & volatilius istius succi pars est, obtinetur, unde nulla resina, nullum balsamum liquidum, sed optime oleum ex aromatibus v. g. caryophyllis, cinnamomo, nucista, floribus macis, corticibus citri præparari potest. Guaiacum autem & lignum aloes resinam largiuntur, quoniam pars oleosa particulis terreis & acidis magis est imbuta. Dantur autem certa ligna, ex quibus nec oleum destillari, nec resina cum spiritu vini confici, sed elegantissimum balsamum liquidum produci potest. Et tale est santalum flavum, cujus limaturæ si spiritus vini rectificatissimus affunditur, & inde emergens essentia leni calore abstrahitur, remanet balsamum perfectissimum, consistentia & calore Peruviano simile, odore ambram redolens.

25 Dicimus itaque in nostro balsamo esse tempe-

temperatam & valde proportionatam mixtionem elementi sulphurei oleosi, tenuis, oleique crassioris viscosioris & salis acidi, quo nulla resina, nullum vegetabile solet destitui. Ex substantia hac oleosa-resinosa & viscosa jam merito omnis virtus, quæ in nostro balsamo latitat, debet deduci, imo non tantum seu principio, vires per experientiam seu a posteriori cognitæ peti, sed & novæ incognitæ inveniri & detegi.

26 Paucis autem hic recenserebimus, in quibusdam affectibus tam internis, quam externis, chirurgis & medicis eximiam opem & levamen balsamum Peruvianum præstiterit. Ut autem exordiamur ab usu interno, ante omnia in decubitu & defluxione seri & pituitæ, glandularum tumoribus & laxitatibus, nervorum tono dejecto, præsentissimam opem tulit, nominatim vero in gonorrhœa tam maligna, quam benigna, unice hoc balsamum, præmissis purgantibus, idoneum est, molestum hunc affectum tollere, sive ejus sola essentia sumatur, sive cum vitello ovi in formam electuarii redigatur.

27 In fluore albo quoque, præmissis per epicrasin agentibus, laxativis ex melissa, abrotano, corticibus lignorum, essentia balsami Peruviani cum tinctura martis Zvvoelfferi mixta, in rebelli hoc & molestissimo fœminarum affectu, non omissis quoque externis cum eodem balsamo suffumigationibus in uterum receptis, egregium levamen aliquoties attulit. In nimis seri excretionibus & destillationibus lymphæ per scretum, per ruffim inveteratam, per nares, in raucedine, uvulæ relaxatione, essentia balsami Peruviani mixta, & cum tinctura antimonii acri maritata, nimium illum fluxum ex stagnatione seri & glandularum laxitate ortum, roborando & tonum restituendo egregie cohibet.

28 Præterea balsamum hoc mirifica pollet virtute in læsionibus, corruptionibus & exulcerationibus partium consolidandis, adeoque in ulcere pulmonum, renum exulceratione ejus usus circumspectus mirabilis est. Probe autem hic notandum, balsamum sibi relictum per se esse nimis calidum, unde cum aliis temperatis peropportune in balsamum miscetur. Hujus census est Locatelli, qui ex oleo florum hypericonis, vino Hispanico, santalo rubro, terebinthina Veneta, & balsamo Peruviano, cunctis debita dosi sumtis conficitur. Vidimus hoc ipso balsamo perfecta phthisi laborantes, & per plu-

res annos graviter affectos feliciter restitutos, si singulis diebus cum decocto hordei, succo cancrorum fluviatilium roborato, æstus compescendi gratia drachma semis fuit assumpta & exterius ipsi regioni stomachali ejus portio cum oleo nucistæ, menthæ, carui, commista applicata. Continuatio autem, quod probe notandum est, per dimidium anni fieri debet, servata simul accurata diæta. Potest etiam balsamum pectorale egregium ex eo concinnari, si sumantur balsami sulphuris cum oleo amygdalarum dulcium præparati uncia una, balsami Peruviani in vitello ovi soluti, balsami de Copaiba ana drachmæ duæ, olei anisi drachma semis. Et hic balsamus in omnibus pectoris affectibus ipsoque asthmate, nimis excretionibus purulentæ & viscosæ materiæ, divinas medentibus porrigit manus. In læsionibus & exulcerationibus intestinorum post dysenteriam gravem, idem balsamum Peruvianum vel Locatelli per clysteres applicatum, vel intus etiam assumptum, ad consolidationem, practicis celeberrimis passim testantibus, laudatissimo pollet effectu. In asthmate pituitoso elæosaccharum balsami Peruviani, vel syrupus ex eo factus, balsamicus nobis dictus, egregiam præstat efficaciam. Paratur autem hoc elæosaccharum ita, sacchari canariensis uncia una, cum drachma dimidia balsami Peruviani miscetur. Syrupus autem fragrantissimus & gratissimus, in officinis Brunsvicensibus a magni nominis archiatro Conerdingio introductus præstat, qui sequentem in modum paratur: ad libram aquæ hordei affunditur balsami Peruviani uncia semis: per balneum Mariæ fit destillatio, usque dum dimidium prodierit. Humiditas autem in cucurbita relictæ & balsamo supernatans, ejusque oleo tenui imbuta coquitur cum sacchari debita quantitate, ad syrupi consistentiam. Sapore hic syrupus gratissimus est, virtute quoque præstantissimus, & certe omnibus, quotquot in officinis præstant, antefendus: commodissime enim & magna cum gratia quibusvis potionibus potest admisceri. Extemporaneæ autem parari potest, si saccharo soluto debita quantitas spiritus nostri balsamici, de quo supra facta fuit mentio, adiciatur.

29 In affectibus nervorum & capitis, v.g. vertigine, paralyfi, epilepsia, imbecillitate capitis, post discussam apoplexiam, cephalalgias gravativis a causa pituitosa ortis, soporosis affectibus, balsamum, omniaque ex eo parata, & jam recensita divinam afferunt opem,

opem. Nascuntur hi affectus ut plurimum ex nimia laxitate & tono dejecto membranarum, vasculorum & nervulorum cerebri; unde circulatio sanguinis debita impeditur & humores pituitosi visceri accumulatur. Ad tonum itaque debitum restituendum, ad humores stagnantes in motum redigendos, non potest non sale suo tenui acri, & sulphure amico, tonico, nostrum medicamentum multum contribuere. Optime autem tali in casu usurpatur sub forma pilularum, quando extractis vegetabilium amarum, nec non purgantibus debita in quantitate admiscetur. In omnibus autem affectibus spasmodicis, doloribus arthriticis, rheumaticis, hysteris, nec non viscerum contractionibus, quas largæ sanguinis effusiones quandoque subsequi variis in locis solent, in usu crebriori habui sequentem spiritum. Combinavi spiritum prædictum balsami Peruviani cum tinctura antimonii acri & spiritu eboris rectificato anatica portione, prodiit mixtura spiritus nobilissimarum virium, spiritui Bussiano longe præferendus, qui dictis in affectibus, item præservationis causa ad quosvis cujuscunque generis morbos præsidium est generosissimum, triginta, vel quadraginta guttulis sumtis. Tandem adversus scorbutum, ad luem veneream, & ubi humorum coagulum adest, motusque imminutus existit, vires balsami nostri non contemnendæ veniunt. Notum enim est, in hisce refractariis morbis, ea, quæ resina acri stimulant & balsamica, sanguinem & humores fortiter concitante polent, inter specifica numerari. Extra dubium quoque est siue essentia hujus balsami decoctis lignorum admisceatur, siue in forma pilularum adhibeatur, exoptatissimam operationem exinde promanare debere. Tandem etiam in ventriculi & intestinorum vitis, tono eorum ob spasmi frequentiam dejecto adeoque dispositionem ad tormina colica, ad flatulentiam, vomitum, nauseam, virtus balsami Peruviani est excellentissima. Hunc in finem ingreditur elixir balsamicum vitæ & balsamum vitæ, quæ duo remedia intus cum cibis sumta & continuata, præfatis in affectibus, omnique defectu virium & spirituum, virtutes vix ab aliis remediis obtinendas, fovent & sustinent.

30 Lustravimus jam nostri simplicis breviter usum internum & medicamenta huic destinata, præparationes nobiliores candide communicavimus, superest jam, ut pauca etiam verba faciamus de usu ejus externo,

eoque chirurgico, cum satis etiam nobilis sit. Nolumus vero esse longiores cum satis abunde; hujus usus chirurgis perspectus sit. Non enim datur excellentius remedium, in omnibus periculosis tendinosarum & nervosarum partium læsionibus, exulcerationibus & contusionibus, hoc ipso, & vix habet simile in omnibus naturæ regnis, maxime omnium autem in capitis læsionibus, pericranii, membranarum cerebri, ipsiusque cranii vulneribus, & convulsionibus, in ipsa quoque trepanationis operatione hoc balsamum solum omnibus palmam præripit.

31 Notum est, in partibus sic dictis frigidis nempe membranosis & tendinosi, quæ a motu sanguinis vitali valde remota sunt, læsiones summe periculosas nasci, quibus convulsiones, spasmi, sphacelationes, inflammationes frequenter conjunguntur. Respuunt hinc omnia pingua, inviscantia, poros obstruentia, amant autem omnia balsamica, quæ putredinem avertunt, motumque fluidarum partium internum per earum fibras conservant. Prout autem diversus est læsionis modus, diversis quoque rationibus solet misceri & a prudentibus applicari. Ita nonnulli miscent cum melle & spiritu vini, qualis mixtura in duræ matris vitio optima. Alii cum vitello ovi, thure, mastiche, quod egregie facit ad puris generationem. Alii oleum tartari foetidum & balsamum sulphuris terebinthinatum ipsi jungunt, quod arceat putredinem in antiquis, sordidis, profundis, fistulosis exulcerationibus & corruptionibus.

32 Quodocunque cum essentia balsami nostri miscetur essentia succini, myrrhæ, mastiches, flor. hyperici, vulnerarium præstantissimum elixir paratur, quod vel solum omnia recentia vulnera sanat, antiqua ad incarnationem & consolidationem perducit, putredinem & carnem luxuriantem abigit, cariem ossibus absumit & recentem carnem progenerat. In gingivis exulceratis, sphacelosis, scorbuticis idem elixir virtutes ostendit egregias.

33 Tandem in omnibus doloribus, spasmodicis contractionibus, paralyticis nervorum resolutionibus, ubicunque locorum ipsæ consistunt, nostrum balsamum solutum in spiritu vini rectificato, additis camphora, oleo nucis & croco, instar incantamenti dolores abigit, debitumque robur partibus addit, ipsisque egregium solamen affert. Ingreditur quoque balsamum apoplecticum tam

sic-

ficum quam liquidum cujus inunctio in temporibus, vertice, naribus & cervice facta, ab omnibus præternaturalibus sanguinis & feri in capitis & cerebro factis stasibus præservat, & gravissimis capitis affectibus nervor inque imbecillitatibus interno usu sic medetur. Ad roborandum imbecillem stomachum, in frigida ejus constitutione, in nausea, vomitu; externe cum oleis stomachicis inunctum, vel emplastris stomachalibus additum, expertissimi est effectus.

34 Tandem quoque elegantissimum præbet suffimigium, quod fit, si vel hoc balsamum Peruvianum solum vasi argenteo inditur & carbonibus imponitur; effluvia in nares recepta, coryzam, ori immissa raucedinem tollunt, ano applicata alvi fluxum, in uterum autem recepta fluorem album cohibent: postremo ad reficiendos spiritus & ad aeris humiditatem & vappescentiam ejus corrigendam non datur excellentior & fragrantior fumus, quam si hoc balsamum cum resina storacis & gummi benzoës in mortario calido miscetur, addito oleo ligni rhodii & cinnamomi, fit hac ratione pretiosissima illa massa, quæ vulgariter dicitur Hispanica. Plura jam restarent enumeranda specialiora, sed indigitasse hæc saltem suffecerint quibus sapiens quivis percommode uti poterit. Coronidis loco addimus hanc unicam cautelam, ut abstineamus a balsami hujus usu tunc temporis, quando febriles adsunt commotiones & ventriculus copia bilis repletus est, nec non in statu plethorico, ubi vasa nimium sanguine impuro turgent.



DISSERTATIO VII.

D E

TEREBINTHINA.

§. I.

DE terebinthina dicturis primo omnium ipsius nomina consideranda. Terebinthina Græcis dicitur *τερβινθίνη*, Germanis Terpentin. Est nempe ratione naturæ suæ liquor transparēs & clarus, resinofus, odoris non ingrati, saporis paululum acris, ex certarum arborum truncis & ramis, mediante incisione, defluens. Ordinario tres terebinthinæ recensentur species, quæ etiam ratione arborum, ex quibus pro-

veniunt, ratione foli natalis, virtutis & pretii, longissime a se differunt ac distinguuntur.

2 Prima est terebinthina Cypria, quæ etiam vocatur de Chio, quoniam in abundantia in insula Chio crescit; secunda species est terebinthina, quæ vocatur Veneta & secundum Gallos: *le terebinthine du bois de Pilatre*, & tertia est communis. Terebinthina Cypria omnium est pretiosissima & defluit ex arbore mediocris altitudinis, quæ appellatur terebinth. Arbor ejus est baccifera, mense Aprili florens fructus instar nucum juglandium, ratione magnitudinis, ratione figuræ autem, instar pistaciarum, profert. Clusius hanc arborem ad frutices refert, ex eo, quod i la maxima ex parte fruticasse visa fuerit, nihilominus tamen & ipse fatetur sæpius hanc arborem adolescere, id quod etiam affirmat Theophrastus Eresius *lib. 3.* qui generi arborum, quæ non nisi in montibus nascuntur, perpetuo virent & in eunte vere germinant, & circa tritici messem reddunt semen, accenset. Idem laudatus auctor binas hujus arboris species constituit, quarum altera mas, altera foemina ipsi dicitur, hæc fructum ferens, illa sterilis, quæ tamen in eo conveniunt, quod radice valida in terram profunde demissa truncum alant, cujus lignum, forsan ob molliorem & rariorem texturam, torno, sculpturæ usibusq; aliis mechanicis minus aptum sit. Celeberrimus botanicorum Joh. Rajus in *Plantarum historia* p. 1577. possidere hanc arborem edocet ramos longos, raros & cinereo cortice tectos, a quorum tuberculis copiosis longo racemo producantur flores, meris flamineis fibras purpurascensibus contexti, folia autem laurinis non absimilis, scribit delapsis floribus, fructus apparere parvos, rubentes, oblongos, resinofum viscidum lentorem & nucleum includentes. Idem optimus auctor *loc. cit.* falsam illam assertionem, terebinthinam semper virere & nunquam sine foliis reperiri pronunciat, testibus auctoris Bellonio, Revvolfio, Cæsalpino & Clusio.

3 Quoad locum natalem, auctore Dioscoride, terebinthinus arbor nascitur in Cypro, Syria & Africa, observante autem Clusio, etiam in Hispania, Lusitania & Gallia. In Hæturia Italiæ regione ipsam quoq; se invenisse refert Rajus *loc. cit.* In Gallia autem & Hispania resina ex hac arbore non colligitur: etiam Lobelius in *Tom. 2. terebins*

rebinthinam in sylva Monspeliensium interdum ab inflictis vulnusculis pellucidam resinam fundere affirmet : attamen in exigua copia colligitur , ut nec in propriis aromatopoliis proftet , multo minus in nostras transmittatur terras ; hinc Rajus officinis Europæis terebinthinam veram & Cypriam ignotam esse fidenter affirmat , & hujus loco abjetinam vel lariceam substituit . Ipse Galenus *lib. de methodo medendi* lariceam suo tempore locum terebinthinæ vere subornat . Terebinthina hæc est resina solida , dentibus non adhærens , non fluida , pellucida , coloris subflavi , odoris gratissimi , saporis suavis , paululum acris & amaricantis . Per distillationem suavissimum oleum limpium & spirituosum elargiri , quod in urina cienda , calculo pellendo , ulceribus persanandis , lymphæ corrigenda & nervosis ac glandulosis partibus roborandis , præstantissimam vim habere , Angli de eo affirmant .

4 Accedimus jam ad examinandam alteram speciem terebinthinæ , quæ ex arbore larice , germanice Lerchenbaum existillat , & falso nomine terebinthinæ Venetæ venditur . Est autem larix arbor e coniferarum censu , magnitudinem abjetis æquat , & indigenam recto ac procero caudice attingit , qua de re evolvi potest Johannes Bauhinus in *Theatro Botanico* it. Matthiolus & Casparus Hoffmannus . Colligitur resina hæc tempore vernali & autumnali , æstivo intensissimo existente calore , perforatur arbor junior , isque excipitur vasis appropriatis & lavatur aqua simplici , ut acredo resinæ minuatur & illa mitior evadat . Curiose notat Hermannus in collectaneis suis , raro arbores has fundere resinam , in quibus agaricus est , quoniam resina in producendo agarico absumitur . Nascitur larix diversis in locis . Clusius in Viennensi saltu aliisque montibus Alpibus observavit eam in copia . Sic in Alpibus Vallensium , Stiria ac Carinthia copiosam observavit peregrinans Rajus . Et Caspar Schvvenckfeld in *Catalogo Stirpium & fossilium Silesia Lib. I. pag. 119.* in baronatu Jægerndorffensi laricem abundantem esse meminit . Vitruvius , autumante Rajo , Plinii calcans vestigia , de larice pro more erronea quædam audacter consignavit litteris , inter alia autem asserit , eandem floribus exornari & lignum ex ipsa non ardere , sed instar lapidum ignis vi non posse consumi . Cui assero experientia Valiensium expresse re-

fragatur , ibi enim vix alia lingua , præter laricem , in usum culinarem adhibentur .

5 Notabile est resinam hanc , sive terebinthinam ex larice , a Lionensibus nobis vendi pro vero balsamo Peruviano albo , ab aliis venditur sub nomine , uti antea dictum , terebinthinæ Venetæ , cum tamen Venetiis nulla ad nos apportetur terebinthina . Terebinthina hæc clara est & longe melior communi , colorem solet habere citreum & dentibus adhære , id quod non facit terebinthina Cypria . Cavendum maxime , ne adulterata sit additione olei terebinthinæ , id quod facile cognosci potest ex consistencia & odore , quando enim oleo terebinthinæ infecta est , vaporem sub flamma præbet nigrum , celeriterque accenditur & consumitur . Ex adverso si pura & sincera est resina , odorem resinosum suavem præbet , neq; tam facile concipit flammam .

6 Devolvimur jam ad terebinthinam communem , quæ passim magna in copia in Germania locis venditur . Soboles arboris est abietinæ & piniferæ , quæ non tantum in exteris regionibus , maxime in Gallia , sed etiam Germania , silva Hercynia , Thuringica , abundantissima reperitur . Terebra autem , vel securi infligitur vulnus arbori , aut cultro scinditur cortex ab imo ad summum , detracto cortice , successu temporis succedit resina , quæ primo est limpida , postea vero induratur , & hæc resina terebinthina communis vocatur . Depuratur aqua simplici & agitur , ut sordes abluantur , & acredo mitigetur . Feces solent petere fundum , & aqua decantata , resina colligitur . Resina illa , quæ sereno tempore ex pino , præcedente incisione effluit , tempore sereno solidescit & alba est , Gallisque vocatur Gallipot , sive thus album . Gummi hoc etiam fundunt , & cum fusum est , infundunt doliis , quæ pondus 300. librarum attingunt , & hæc est terebinthina illa communis , quæ quo clarior , eo melior est . Impuriorem ex strobilis & conis pini coquere solent . Resina illa , quando funditur cum paucissima quantitate olei terebinthinæ , fit exinde alba , quæ Argentorato & Hollandia affertur .

7 In nostris terris terebinthina non elicitur , sed arbores tantum suppeditant picem , quæ in Norvvegia & Finlandia magna in copia elaboratur . Cæduntur nempe arbores , lignum inditur furnis , qui habent quatuor canales , circa furnum accenditur ignis , &

tunc

tunc ex ligno per canales in ollas foras liquida manat resina, quæ dicitur Germanis Teer, si diutius coquitur, siccatur pix purior. In aliquibus locis, fit ex resinis laricis, quando nempe distillantur per descensum, relinquitur pix purior & clarior. Quod autem liquor resinofus transparens terebinthinaceus ex nostris pinis colligi nequeat, causa hæc mihi videtur, quod in nostris locis calor & æstus sit mitior. Confirmat enim experientia, quando æstas est ferventissima, pinos & arbores alias resinofas longe melius crescere & copiosiores ac liquidiores resinas suppeditare.

8 Exhibita sic naturali terebinthinæ ejusque specierum descriptione, ratio instituti etiam postulat, ut ex ipsis præparata & composita, quæ usui medico servire possunt, recensamus. Quicunque in substantia illam propinare & præscribere solent, plerumque, ut tutior ejus usus fiat, correctionem & præparationem quandam superficialem instituunt. De Cypria & Veneta sic dicta, quæ nullo egent correctorio, propter partium sulphurearum blandissimarum & purissimarum, quibus constant, abundantiam, illud non valet, sed saltem de communi, ex strobilis sive conis pini & abietis prodeunte. Hanc aqua quadam destillata vel pura pluviali, antequam interno usui destinant, probe & repetitis vicibus lavare solent, non alium forsitan in finem, quam ut a sordibus, inquinamentis variis & acredine eminentiori, quæ omnibus resinis arborum intime inhæret, liberetur. Certissimum enim hoc est, resinarum elementa esse tenue, subtile oleum & acidum. Patet id manifestissime ex artificiosa resinarum compositione, dum nempe quodvis oleum destillatum, commixtum cum spiritu nitri probe dephlegmato & concentrato, in perfectissimam resinam, inflammabilem, solidam, in spiritu vini rectificato solubilem & cuti accidentibus adhærentem convertitur. Quocirca non improbabile videtur, acre illud sal, quod ex acido & tenui oleo componitur, & in terebinthina vulgari extraversum quoad partem & extricatum est, sufficienti affusa aqua tepida dissolvi & ablui, sicuti videmus, aquam cum benzoe coctam, tenuissimum sal acre cum particulis sulphureis tenuissimis, terrestribus resolvere, quod deinde præcipitatum, exhibet flocculos instar amianthi splendentes, acredine penetranti præditas, quæ sternutatorium & errhinum usum habent præstantissimum & flores vocari solent. Equi-

Hoff. Opusc. varii argum.

dem reponi hic posse video, supervacaneam & pene frustraneam esse ejusmodi lotionem, imo plane rejiciendam, quoniam activo suo principio simplex hoc defraudetur. At vero utut non negemus, si alvum laxandi, vel urinam ciendi fine, quis terebinthinam præscribere velit, inutilem esse talem abluitionem crebriorem; attamen fateamur necesse est, si consolidandi laxos fibrarum & glandularum villos, nec non consolidandi scopo ipsam administrare velimus, præparationem hanc valde esse proficuum, laudemque mereri.

9 Porro notissima res est, ex terebinthina destillari posse oleum tenuissimum, quod promte flammam suscipit & penetrantia sua ad varios usus medicos & mechanicos sese commendat. Ejus autem præparatio sequentem in modum solet adornari. nempe terebinthinæ sumitur libra una, imponitur cucurbitæ vitreæ, & in Mariæ balneo calore subdito satis fervido, oleum destillatur diaphanum, pellucidum, paucum tamen, quod spiritus nomine indigitari solet. Alii terebinthinam imponunt vesicæ, affundunt aquam, & calore subministrato debito ignis, oleum æthereum summe penetrans eliciunt. Verum si in majori copia expetimus oleum, tam tenue, quam crassum, cucurbita vitrea, ex qua mediante balneo prius abstractum fuit oleum tenue, in arenam denuo collocanda est, ut calore intensiori addito, oleum minus tenue ex flavo rubescens eliciatur. Quod in fundo cucurbitæ residuum est, corpus stabile resinofum constituit, quod colophonium germ. Geigenharat vocari solet. Colophonia, sive caput mortuum terebinthinæ, si recipiatur ad uncias quatuor & cum arenæ cribratæ uncis octo misceatur per destillationem ex retorta oleum spissum, acre, empyreumaticum acquiritur. Notabile autem hic ulterius est, acidulum quoddam phlegma simul prodire & sal quoddam ejusdem saporis, nec secus ac in destillatione succini accidit, oleo empyreumatico insidere, qua de re etiam consuli possunt *Collectanea Chymica Leydensia cap. 69. pag. 204.*

10 Oleum terebinthinæ in longe majori quantitate obtinetur, quando illud gummi simul ac ex arboribus effluerit, destillationi subjicitur, quale non procul a Marsilia & provincia Burdegalensi elaboratur & hoc oleum æthereum nomine spiritus terebinthinæ ubique venditur: optimum est, quod clarissimum, & instar aquæ pellucidum, odoris

tis fortis & penetrantis est, ne vero diminutionem patiatur, præsertim aere existente calido, neque flammam tam facile suscipiat, & periculum maximum inde exurgens evitetur probe munitum servari debet. Ex oleo hoc æthereo balsamum sulphuris vulgare confici solet, quod vitute revera præstantissimum est & ita paratur. Recipiuntur olei terebinthinæ partes tres, florum sulphuris, vel loco horum, sulphuris purissimi stillatitii partes duæ, miscentur, induntur retortæ, ut in arena colore lenissimo per octo ad minimum horas fiat destillatio, ita ut pauca quantitas olei in recipiens vas extillet, balsamo rubinei coloris in retorta relicto. Notatu hoc loco quoque dignum est mone-re, moderatum subministrari debere calorem alias intensissimo dato, receptaculis fortiter luto munitis & firmiter clausis, periculum gravissimum incendii domus cum fragore & remulo motu ædium illarumque quasi subversione, excitari potest, quale exemplum in pharmacopæa Clausthalensi ante aliquod tempus accidere memini. Extemporaneo magis labore cum oleo sulphuris balsamum ex sulphuris hepate, quod ex anatica portione sulphuris & salis tartari mediante liquefactione in igne compositum est, parari potest. Neque opus est hic destillatione, sed sub leni calore oleum sanguineo tingitur colore. Ex eodem quoque fundamento balsami sulphuris antimonialis dependet præparatio, quod ita paratur: sumitur nempe uncia una salis lixiviosi sulphurei, ex lixivio scoriarum regum simplicis parati, oleum terebinthinæ pellucidum, ad eminentiam trium digitorum transversorum, vel loco hujus, oleum juniperi, menthæ, anisi, in æquali portione adfunditur, digestio cum leni destillatio in retorta vitrea, mediante arena, instituitur; ita nobilissimi usus balsamum, sapore, & vitute commendatissimum acquiritur. Insuper præstantissimæ virtutis balsamum sulphuris compositum parari solet sequenti ratione: recipe florum sulphuris, myrrhæ electæ, aloes, mastiches, benzoës, succini ana drachmam unam, olei anisi, juniperi, terebinthinæ ana unciam unam semis, camphoræ drachmam unam, spiritus vini rectificati unciam semis, misceantur invicem in cucurbita parva, & igne arenæ fac, ut leviter bulliant, ita spiritus balsamicus acquiritur, instar rubini, præstantissimis virtutibus fulgens.

11 Curiosum est, spiritum, sive oleum

terebinthinæ, cum spiritu nitri concentratissimo fumante impetuosissimum & calidissimum motum efficere, adeo, ut ingens fumorum copia ex mixtura horum emergat: & quando satis fortis & ab omni phlegmate privatus fuerit spiritus, oleum in carbonem siccum exurit. Quando autem phlegmate adhuc est dilutus, generatur resinosa sapa rubicunda, quæ promte flammam igni admota suscitatur. Notissimum quoque experimentum est sulphur genuinum vulgare per artificium parandi ac regenerandi, quod Boyleus in *Chim. Scept.* hunc in modum describit: sumitur nempe æqualis portio olei terebinthinæ & olei vitrioli, quæ invicem mixta, per retortam vitream igne arenæ destillantur, ita sulphur vulgare inflammabile in retortæ collum sublimari affirmat. Quamvis autem experimentum omnibus probe observatis circumstantiis, institutum fuerit; minus tamen succedere voluit, sed materia quædam resinosa loco hujus in collo retortæ visa fuit, quæ tamen accensa vaporem instar sulphuris emittebat. Hic quoque commemorandum, perfectissimum sulphur, communi in omnibus, consistentia & colore simile, ex oleo vitrioli & certo succo inspissato vegetabilis a me fuisse productum & sublimatum. Porro circa oleum vel spiritum terebinthinæ illud notari meretur, hoc ipsum in spiritu vini rectificatissimo, etiam tartarifato difficillime dissolvi; cum tamen omnia olea destillata ætherea promptissime huic obsecundare soleant. Rationem hujus phænomeni reddere, res videtur difficilis: credibile tamen est, tenues salinas, acidas & aqueas partes, quæ omnibus resinis inhærent, cum oleosis ramosis partibus firmiter esse connexas, quæ deinde intimam unionem cum spiritu vini rectificato respuunt, & potius in forma globulorum, aut in superficie, aut inter interstitia spiritus vini, hærent.

12 Quod ad composita ex ipsa terebinthina attinet, nolumus hic esse longiores in cunctis recensendis formulis & compositionibus, sed saltim præcipuas quasdam hic apponere sufficiet. Ita celebres sunt pilulæ ex terebinthina contra gonorrhæam, quarum descriptio in nonnullis Westphaliæ pharmacopæis prostat, quæ hæc est: recipe terebinthinæ Venetæ, ad consistentiam cum aqua rosarum coctæ, unciam unam, extracti rhabarbari drachmas duas, balsami Peruviani, de copaiva ana scrupulos duos, ossis sepiæ, succini albi præparati, coralliorum, ma-

mastiches, terræ sigillatæ ana drachmam unam, nitri purificati drachmam semis, camphoræ scrupulum unum, misce f. l. a. pilulæ ex scrupulo semis numero XXX. pro una dosi. Neque hic omittendum censemus præparandi modum ex terebinthina pilulas, quæ exstant in *Dispensatorio Brandenburgico* p. 157. quarum præparandi modus hic est: recipe terebinthina Venetæ ad consistentiam cum aqua rosarum coctæ, succini, mastiches electæ, olibani ana drachmam unam semis, boli armenia drachmam unam; cum sufficiente quantitate terebinthina fiat massa pilularum, in gonorrhœa, fluere albo & nimis glandularum laxitatibus valde proficua. Tandem etiam terebinthina celebratissimas pilulas Becherianas ingreditur. Cæterum terebinthinam Venetam recipiunt complures aquæ spirituosæ, ut nempe balsamica & oleosa vis destillatione eliciatur. Ejusmodi aqua est B. Frid. Hoffmanni contra gonorrhœam, communicata in *thesauro pharmaceutico* pag. 27. & hæc est. Recipe herbæ menthæ siccæ uncias tres, feminis rutæ, agni casti ana uncias duas semis, foliorum dictamni unciam, radicis ireos Florentinae uncias duas, terebinthina Venetæ uncias decem, vini generosi albi mensuras tres, fiat destillatio in mariæ balneo: Hæc aqua non tantum in gonorrhœa, sed & fluore albo feminarum, præmissa sufficiente purgatione, insignis est utilitatis, de qua æger mane, horis duabus, vel tribus horis ante pastum, & vesperi quatuor horis a cœna, duo capiat cochlearia.

13 Aquas nephriticas, quæ partim ad pellendum calculum, partim ad læsam substantiam consolidandam, valde proficue sunt, nostra ingredi quoque solet terebinthina. Exemplum potest esse tale: recipe succi petroselinæ libras duas, herbæ selleri, chærefolii, hederæ terrestris, mille folii, draunculi hortensis, pimpinellæ ana manipulos duos, baccarum juniperi libram semis, milii solis uncias tres, terebinthina Venetæ uncias quatuor, spiritus vini mensuras quatuor, stent per aliquot dies in vase clauso, postea destillantur: cujus dosis cochlear unum, vel duo, in curatione tria, vel quatuor, tempore matutino vel ventriculo vacuo ad præsertionem esse possunt. Ipsa terebinthina ingreditur quoque aquam Anhaltinam famigeratissimam, cujus usus multorum annorum experientia probatissimus fuit, non saltem externe in affectibus arthriticis, rheumaticis, verum etiam interne, in expellen-

do calculo, cujus efficaciam idem B. Hoffmannus p. 45. *Clau. Schræderian.* mire extollit, ubi tamen notandum, si interne illam adhibere velimus, propter majorem penetrantiam, convenienti aqua destillata dilui debere.

14 Meretur quoque hic apponi balsamum sic dictum Hispanicum, cujus vires vulneta intra breve temporis spatium conglutinandi mirifice laudari solent. Compositio talis est: recipe olei vetustissimi uncias quatuor, terebinthinae uncias octo, frumenti integri unciam unam semis, florum hyperici uncias duas, radicem cardui benedicti, valerianæ ana unciam unam, thuris electi uncias duas, radices & herbæ grosso modo contendantur & ollæ imponantur, superfundendo tantum vini albi, ut omnia submergantur; stent per biduum, deinde adde frumentum & oleum, coque ad vini consumptionem, tum forti facta expressione, addatur terebinthina & thus, & iterum ebulliant, demum in vase cum alembico ad usum servantur.

15 Celebre quoque est balsamum Locatelli, quod, & externe, & interne, in sanandis vulneribus & ulceribus præstantissimæ efficaciam est, legitime usurpatum. Descriptio autem est sequens: recipe olei hyperici veteris lib. semis, ceræ albæ, terebinthinae optimæ ana uncias sex, bals. Peruv. unc. semis, santali rubri drach. duas, vini Malvatici quantum satis. Coquantur leni calore in balsamum consistentiæ mediocris, cujus dosis drach. semis, ad unam, in jusculeo calido esse potest. Ceterum terebinthina omnia fere chirurgorum emplastra & unguenta digestiva solet ingredi, non tantum ob meliorem solutionem mixtionemque ingredientium, vero potissimum ob virtutem suam temperatam balsamicam, qua abstergit, mundificat, consolidat & fibras partium solidarum læsas roborat.

16 Quod vires ejus ac usum in morbis sigillatim attinet, is omnibus latissime sese extendit. *Dioscorides* ipsam omnes antecellere confidenter asserit. *Clarissimus D. le Moir*, in *pharmaceutica medica physica* p. 64. hoc elogium ipsi tribuit: terebinthina, inquit, quasi universale dissolvens menstruum omnium resinorum puriorum existit, tam ad solutionem, quam ad mixtionem faciendam illorum corporum, imo plura dantur in hoc genere resinosa, quæ terebinthinae consortium immediatum expetunt, antequam ullo modo dissolutiones ulteriores admittere debet. Sic gummi Copal

primo dissolvi debet in terebinthina, alias difficilius cum aliis permiscere sese sinit absque empyreumatis contractione. Et p. 55. l. cit. diversis, ait, adjicitur oleis, ad faciendam unionem & solutionem, hinc quoque ingreditur omnino emplastra, & similia præparata. Terebinthina præsertim vulgaris & laricea, magno cum successu in scabie leprosa, tinea & aliis cutis defædationibus, vel sola vel cum aliis in unguento olim fuit adhibita: Galenus ipsa sola psoram sanavit, vid. lib. 8. de simpl. med. facult. Neque hic objici debet, aliam hanc fuisse terebinthinam. Etenim & ipsum lariceam assumisse & in usum vocasse, ex compluribus probabile videtur; siquidem ipse Galenus lariceam suo tempore loco terebinthinæ vendidit, unam alteri sapius substituit, ut ex libro ejus de medicamentis secundum genera satis patet, ubi etiam affirmat, quod laricea omnia illa, quæ terebinthina vera possit, efficiat. Wagnerus in historia naturali Helvetiæ curiosa p. 266. hujus resinæ usum in scabie, psora, tinea valde laudat. Cujus ratio hæc est quod mundificet & glandulas nimium relaxatas roboret, a salibus autem stagnantibus corrosas consolidet, & ulteriorem feri corrosivi & lixiviosi generationem in subcutaneis vasculis impediat. Simon Pauli in Quadripart. botanico in capitis vulneribus, ubi vel a plaga, vel etiam post trepanationis usum, dura meninx nuda detegitur, hujus resinæ usum valde proficuum pronuntiat. In omnibus ulceribus & recentibus vulneribus sanandis commode terebinthinam admisceri Dodonæus in Historia stirp. pag. 857. docet, quoniam non evidentem obtinet acrimoniam, qua ulcera irritare possit. Imo si verum est, quod judicat Dodonæus libro citato, abietis lacryma pro laricea a Galeno habita & reputata fuit, quod & Bæuhini, Rondeletii, Clusii & Simonis Pauli sententia est, qui similem usum ac effectum habere asserunt; hinc non video, cur tam anxie a se invicem soleant distinguere, præsertim cum externa differentia, si recentes sint, vel exigua, vel plane nulla invenire possit.

17 Sed placet jam paulo accuratius terebinthinæ usum internum enarrare. Primum itaque terebinthina, ad drachmam unam cum vitello ovi subacta & cum aqua distillata sumta, alvinam regionem probe expurgat; uti id experientia manifestum est. De purgante autem ipsius virtute potest etiam inter alios videri Wagnerus loc. cit. p. 297.

Inest enim omnibus ferme gummatibus sal quoddam acre, quod resolutum fibrillas membranarum intestinalium stimulando, contentorum ejectionem faciliat atque promovet, sicuti id luculenter videmus in gummi ammoniaco, myrrha, sagapeno, benzoe, quæ cuncta pilulas anthypochondriacas & antihystericas laxantes non sine levi effectum ingrediuntur, utpote succi acidi, qui alias aliorum purgantium vim respuunt & eludunt & quibus hypochondriacorum regio valde scattet, egregie ejusmodi gummatibus purgantur & evacuantur. Acidum enim corrosivum ramoso horum contextu excipitur, infringitur, sicque saturatur & corrigitur, ut adeo pro purgandis acidis morbosis succis sint convenientissima.

18 Præterea utilissima terebinthina est interne in affectibus renum, & vesicæ, dum sale acri, tenui glandulas & siphunculos renales irritat & separationem urinæ promovet, nec minus viscosam tenacem materiam in urinariis tubulis renum hærentem & calculi materiam præbentem abstergit atque dissolvit: insuper particulis oleosis viscosis substantiam renum & vesicæ ab erosionem, inflammationem & exulcerationem læsam, quod sæpissime in truculentis & diuturnis calculosis harum partium affectionibus accidit, rursus conglutinat & compagem laxatam unit & firmat. Quocirca passim auctoribus practicis terebinthina in substantia probe cum vitello ovi mixta & propinata cum specifica quadam aqua, ad ardorem urinæ mitigandum, in ulcere vesicæ, nephritide, purulenta mixtione, & renes detergendos, incarnandos eosque a calculo purgandos magno opere commendatur. Simon Pauli in Quadripart. Botan. pag. 538. de laricea nostra sive Veneta, inquit: insigniter est utilis, ubi renes viscida pituita & calculo obstruuntur, in aqua chærefolii, petroselinii, fragorum, aut simili, addito tantillo vitelli ovi soluta & crebrius propinata, urinas pellit & pectoris vitiis, ac gonorrhœæ medetur. Forestus passim in observationibus suis magis ad præservationem, quam curationem calculi illam adhibet: at vero si jam calculus est præsens, commodissime propinari potest sine ulla prævia præparatione, quod Hildanus aliquoties expertus est uti ex ejus observationibus patet. Quidam infuso cum cerevisia, leve accidente prope ignem deservescencia, pro potu ordinario ipsa in calculo viscerumque obstructionibus laudabiliter utuntur. Obiter hic notari meretur, quod tere-

terebinthina, licet frequenter usurpetur, non æque ut reliqua diuretica noceat, cujus phænomeni Georg. Horstius *decad. 8. qu. 1. de calculo renum & vesicæ* rationem reddere conatur, inquiens: *caliditatem terebinthinæ temperatam membris cōtioni dicatis amicam, esse*: at magis nobis arridet ratio Riverii *Tom. 1. prax. l. 8. cap. 1.* quia scilicet alvum simul laxat, & per eum crassiores educit humores, qui a ceteris potissimum diureticis ad renes adducuntur.

19 In paroxysmo vero calculoso exhibitionem ejus non suademus, sed consultius est, ante ipsum, vel post eum mitiorem factum, adhibere, ita enim optime arenulæ e renibus eliminantur. Deinceps in thoracis affectibus non sine utilitate adhibetur, illam enim ab omni immunditie pulmones nec non infimum ventrem purgare, scribit Raius *l. c.* Confert quoque porro, uti ait, veteri tussi, spirandi difficultati & spuro sanguinis. In phthisi cum lacte sulphuris si exhibeatur maximam præstare ibi opem scribit Hartmanus in *Tyro. Chym.*

20 In gonorrhœa & fluore albo, ipsam terebinthinam, in substantia, vel coctam, aut distillatam magnas præstare virtutes inter chirurgos & medicos notissimum est, & revera hic terebinthinacea omne absolvunt punctum, præsertim si cum specificis purgantibus acuantur, vel balsamum etiam Peruvianum admisceatur, utpote serum copiosum & vitiosum partim per renes & alvum educunt, partim glandulas & vesiculas seminales nimium laxatas roborant, sordes abstergunt, & dilaceratas partes consolidant. Optime hanc in finem adhibentur in forma pilularum, desuper bibendo serum lactis, vel etiam lac calidum. Et hæ sunt præcipuæ, quibus terebinthina imbuta est, vires, in medicina & chirurgia repertæ expertissimæ; circa quas tamen illud adhuc venit monendum, peropportune terebinthinam hanc sumi vel in bolo, vel sub forma pilularum, aut placentularum; deinde exiguum, vel plane nullum ejus usum esse debere, quando ventriculi adest debilitas: recte enim a Celebrissimo Wedelio in *Amœnitatibus materiæ medicæ lib. 2. §. 3. cap. 4.* ventriculum debilitare terebinthina dicitur ex multiplici experientia, hinc etiam in stomachicis spirituosus merito debet propinari, vel si major adsit imbecillitas stomachi præparata ex ea, nempe spiritus, aquæ distillatæ, cæteris paribus, magis exhibere debent. Subjectis ta-

men robustioribus commodissime per se exhiberi suadet idem laudatus Wedelius & quidem in massa pilulari, *vid. l. c. pag. 239.* neque sine ratione, utpote analysi chymica crasis & textura mixti, e qua forma & virtus medicamentosa dependet, plane destruitur, & præparata exinde longe aliam induunt naturam, a priori plane diversam, aliasque vires & operandi modum nanciscuntur. Videmus id manifestissime in china chinæ, ceu specifico optimo antifebrili, lumbricis terrestribus, ceu laudatissimo antepileptico; quæ distillata & igne resoluta, virtute hac plane exuuntur & defraudantur: unde non sine ratione Arnoldus *de Villa nova simplicia* longe antefert præparatis & compositis, ubi adsunt simplicia. Egregius quoque locus de hac re exstat in Helmontio *Tractat. dispensat. moderno p. m. 372.* dum inquit, *detestatus sum multorum simplicium compositiones, eo quod si ad odorem sanativum alium desuper adjunxeris, qui priorem supprimat, palliet, in se convertat, vel simul ex utroque neutrum suscitet; scivi exinde vim specificam sanativam abolitam fore, irritumque effectum ab agro optatum.*

21 Circa usum & applicationem spiritus terebinthinæ & ex ipso præparatorum quædam adhuc monenda veniunt. Nimirum cautissime calidissima hæc remedia adhibenda esse interne, præsertim quando calor præter naturam corpus afficit, alvus obstructa & status plethoricus præsens est. Tunc enim maximum damnum inferre solent, quotidiana experientia id edocente; renes enim hac ratione facile ad inflammationem, exulcerationem & calculum disponuntur; in phthisicis calor facili negotio per præposterum balsami sulphuris terebinthinacei usum suscitatur; in mensium suppressione idem balsamus sulphuris adhibitus antequam secta fuerit vena & intestinalis regio a copia & saburra vitiosorum humorum purgata, sæpenumero calorem internum maximum cum anxietate præcordiali excitare non sine periculo solet. Diabetem ab ejus improvido usu productam notavit Wedelius in *Miscellan. Nat. Curios.* In gonorrhœa caute etiam cum validissimo hoc medicamento mercandum est, lenta enim febris, nisi prudenter adhibeatur, hoc ipso facile inducitur. Auctor itaque sum, ut in subjectis præprimis tenerioribus, ætate juvenili, tempore æstivo, temperatura cholero biliosa, parcissime, vel plane non adhibeatur. In robustioribus autem pituitosis, rusticis,

cis, & durioris vitæ generi addictis, paulo liberalius usurpari potest, ubi tamen semper generalis regula debet valere, ne plethoricis, ne alvo obstructa, vel calida intemperie laborantibus offeratur. Refracta dosi si misceatur cum tinctura tartari, elixirio pneumonico, carminativo, spiritu salis ammoniaci vinoso, in plurimis affectus ejus usus non erit de nihilo.

22 Externe autem spiritus terebinthinæ, maxime si cum axungis animalium rite mixtus fuerit, in nervorum ac ligamentorum contractionibus, tensionibus, nec non relaxationibus egregium auxilium præbet, si calide partes paralyticæ ipso inungantur. Boyle spiritum hunc, in *Traſſat. de specificorum remediorum natura*, adversus contracturam ceu summum & divinum remedium extollit. Ad ulcera cacoethica mundificanda, carnem superfluum absumendam & putredinem arcedendam, cum spiritu vini dilutus chirurgis fert opem exoptatam, præsertim in læsionibus partium nervosarum. Spiritus terebinthinæ, imo ipsa terebinthina, cadavera a putredine & corruptione præservare optime potest. Sed hæc de terebinthina ejusque usu monuisse & attulisse in præsentiarum sufficiat.



DISSERTATIO VIII.

D E

MILLEFOLIO.

§. I.

NON minus acute, quam vere pronuntiavit superioris seculi clarissimus chymicus Osvald. Crollius, dum ait: *natura etiam in minimis & abjectissimis observatur cum stupore maxima, & ubi deficit in corpore, abundat in viribus*. Ad veritatem hujus adsertionis confirmandam auctor inter alia ex regno vegetabili exempli loco allegat vitem & culmum innuendo varii generis frumenta. Et sane si triticum, secale, hordeum intuemur, nihil aliud sunt quam gramina exili splendore ornata, at in seminibus eorum succus adeo nobilis delitescit, ut exinde universus orbis communissimum pabulum & sitis levamen præparet & vitam hanc fere unice sustentet. Similiter vitis & frutex parvæ considerationis, floribus

exiguus prædita & incapax suis viribus e terra se elevandi opus habens loco fulcimenti adaptatis palis vel arborum truncis ramisque, quibus se ope capreolorum suorum circumvolvitur & in altitudinem effert: nihilo minus tamen utilitas, quæ ex fructu ipsius plane divino ad vitam & sanitatem hominis redundat, revera est summe admirabilis: siquidem succus uvarum, per fermentationem in vinum generosum mutatus, maximum est machinæ humanæ restaurativum, sanguinis spirituaſcentiam auget & mentem acutiorum atque elevationem reddit, unde & ipse sacer codex ejus vires mirifice extollit & Syracides præ æſtimatione hujus adeo delicioſi nectaris exclamat: quid est vita absque vino!

2 Quodsi latius paulo in castra vegetabilium exſpatiatum fuerimus, conspectui nostro sese offerent multiplicis generis herbulæ circa semitas hinc inde dispersæ, figuræ quidem externæ pulchritudine non admodum superbientes, quarum tamen elementa & agendi vires si penitus scrutemur, fatendum omnino erit, esse illas ex earum numero, in quibus natura cum stupore voluit apparere maxima. Unicum solummodo hac vice lubet in medium proferre millefolium, quod ubivis copiosissime provenit & in omnibus fere pratis luxuriat, aspectu quidem ignobile, viribus vero eximium, & dignum maxime, ut præ ulmaria & aliis longe speciosioribus plantis reginæ pratorum nomen sustineat. Non possumus non singularem Dei providentiam & ore & calamo venerari, cum observemus, tam bene, tamque sapienter consultum fuisse generi humano, ut, quæ ad longe optabilissimam sanitatem conservandam & ægrotudines valde horribiles simul a corpore avertendas inserviunt, non e longinquo & ex abditis terrarum locis scrupulose debeant conquiri, sed circa vias in campo plano haberi & colligi queant, quare non inconcinne Paracelsus alias non adeo magnus vulgarium medicamentorum æſtimator pronuntiavit: *rusticum quemlibet verum pharmacopolium ante suas edes habere*. Et profecto, quid impedit, quo minus hoc adfertum cum rei veritate valde consonum statuamus, siquidem circa quodvis tugurium in copia crescunt malva, chamomilla, millefolium, acacia, sambucus, esula, papaver rubrum erraticum, brassica, petroselinum, plantago, pimpinella, hyosciamus, lapathum & aliæ adhuc præstantissimæ herbæ ac fructices,

rices, quibus sane omnibus in morbis indicationibus satisfacere possemus optime, ut adeo vix opus esset tam pretioso ex regno minerali apparatu. Mea est & manet firma sententia, quod qui simplicissimis herbis, feminibus, flosculis & radiculis morborum curationem suscipiunt, omnium felicissime medeantur, id quod pluribus testatum facere possem exemplis, si temporis exiguitas permetteret. Et eam omnino ob causam, ex locupletissimo materiae medicae thesauro praeter omnibus placuit millefolii herbae tractationem suscipere. Et quicquid de nobilissimae totius plantulae natura & usu explorare vel ab aliis jam exploratum deprehendi, in dissertatione praesenti ea, qua possum, accuratatione discutiendum decrevi.

3 Antequam ad scopum ipsum accedamus & millefolii naturam viresque decenti scrutinio medico persequamur, e re fore nostra judicamus, ut primo omnium istius ejus differentes species, cognomina ac figuram externam inquiramus, & descriptionem ejus paulo accuratorem sistamus, quo omnibus pateat, quanam sit illa herba, cujus discussionem pleniorē hic intendimus. Quod si scriptores botanicos evolvimus, ii varias nobis subministrant millefolii species, siquidem Caspar Bauhinus, qui potius in herbarum nomina, quam earum usum sagaciter inquit, in *Pinace Theatri Botanici Lib. 4. Sect. 3. pag. 140.* tredecim millefolii species recenset & in *Prodromo Theatri botanici*, in quo plantae ab ipso primum descriptae traduntur *Lib. 4. cap. 6. pag. 72.* adhuc quinque millefolii species exhibet & sollicitè delineat. Christoph. Merret. *Pinace rerum naturalium Britannicarum* decem, Hermannus vero medicinae & botanices Professor in *Horto Academico Lugduno-Batavo* novem millefolii exhibet species. Nos ex multivariis istis millefolii speciebus seligimus tantum vulgare sic dictum millefolium, quod Germanice audit Garbe, Garben-Araut, Schaaff-Harbe, Schaaff-Hipp, Graece Chiliophyllum, miriophyllum, Dodonæo Achillea, Fuchsio Stratiotes millefolia aliis alio non multum ab his differente nomine.

4 Rationem praedictorum nominum si quis a nobis expetat, dicimus, hanc herbam millefolii nomen accepisse ob multiplicem foliorum ordinem & incisuras, siquidem unumquodque folium a caule plantae progrediens interdum, si praesertim in salaciori solo succreverit planta, ultra octo spargit ramifica-

tiunculas, quae singulae rursus quinque sex vel octo gaudent incisuris, ut adeo si a dictis foliorum ramificationibus eorumque incisuris calculus desumatur, revera vocari possit millefolium. Quare autem Germanicis Schaaff-Garbe audiat, id eo deducendum esse arbitror, quoniam contestantibus id opinionibus oves lubenter hac herba vescuntur. Praeterea achilleae cognomen habet ab Achille magno Graecorum heroe, qui hac planta vulnera suorum militum curasse perhibetur. Stratiotes quoque dicitur, quoniam militum vulneribus sanandis egregie conducit. Satis vero de nomine esto, cum in aprico sit positum, parum utilitatis inde in praxin medicam redundaturum. Salse admodum Simon Pauli in *Proœmio Quadripart. Botanic.* illos, quibus volupe est nomina herbarum tantum venari, neglecta virium inquisitione, perstringit his verbis: *quid opis ægro adferet medicus ex catalogo nominum Pœoniae, cum v. g. decies vel saepius uno die eum concidere, convulsivis motibus lancinari, contortis oculis torvum tuentem epilepticum ante pedes jacentem observat? Non hic scire conducibile* Apulejum Platonium *cap. 64. de virtutibus herbarum* referre, quod Pœonia Graecis adpelletur Pentorobon, aliis Glycyssis, aliis Agloophotis, aliis Pœonion, aliis Selenion, aliis Menion, aliis Panacosceras, aliis Helenogonon, aliis Dichomenion, aliis Gludim, aliis Menogenion, aliis Theodonion, Italos vero Pœoniam, alios Rosam fatuinam vocare? Nos igitur hac occasione ipsa hæc verba ad millefolium nostrum applicaturi dicimus: quid quæso proderit ægro spasmodicis ventriculi & intestinorum doloribus detento vel vulneribus multis afflicto, si medicus sciat exacte recitare cognomina eorumque accuratam calleat delineationem, interim tamen ignoret, quid virtutis intus custodiat hæc planta & quomodo in solamen & juvamen ægrotantium millefoliata adhibeat.

5 Millefolium ab auctoribus botanicis hinc inde describitur, uti videri potest in *Matthioli Comment. in Dioscorid. Libr. 3. cap. 137. Dominico Chabraei, stirpium iconibus & sciagraphia*, Simon. Pauli *Quadripart. Botan. Class. II. pag. 103. Rarii methodo plantar. nova & plurimis aliis*. Nos florentem herbam paulo accuratiori considerationi nostrae subjecimus & notavimus omnia, quae ad externi illius habitus cognitionem aliquo modo facere videbantur. Radicem quod attinet,

tinet, ea ex plurimis constat filamentis & non secus ac calamus aromaticus late per tellurem dispergitur atque hinc inde turiones emittit, qui successive crescunt & novæ plantæ faciem induunt, unde facile peti potest ratio, quare hæc herba adeo luxuriet & a Junio ad Septembrem usque flores possideat, cum rosæ, lilia, tulipæ, plurimæq; aliæ herbæ vix per quatuordecim dies in flore conspiciantur. De foliis jam supra dictum fuit. Florem vero quod concernit, præsentat ille umbellam ex multis una in serie separatim erumpentibus flosculis coagmentatam, unusquisque horum flosculorum gaudet quinque petalis candidis & rotundiusculis, discum vero formant semiflosculi calyciformes quinque incisuris cœu petalis imperfectis superius notati, ex quorum fundo prominent stamina cum antheris aurantii coloris, quibus inferius capsula seminalis adhæret. Herba hieme perit, sed verno tempore radices succo novo imprægnatæ copiosos emittunt turiones, ut adeo hæc planta non solum ex semine terræ mandato propagetur, sed potissimum ex radicibus late serpentibus denuo subpullulet. In pratis ubivis fere locorum & circa semitas crescit. Si tellure alitur pingui & subhumido ad ulnæ altitudinem excrevit, in arido autem & exsucco solo plerumque spithamam longitudine non multum superat. Natura interdum ludit, & flores monstrat purpureos vel ex albo purpureascentes, uti idem in aliis quoque observatur plantis & cum primis in cœruleo illo agrorum decore cyano, quem non semel flore albo vel purpureo aut aliis coloribus ornatum reperire contigit.

6 Hisce obiter præmissis ordinis ratio postulat, ut ante omnia in naturam, principia & elementa herbæ millefolii inquiramus. Sicuti enim actio & operatio cujusvis medicamenti unice fluit & proficiscitur ex natura principiorum dextre cognita: ita præcipuum laborem hunc esse judicamus, ut jam ostendamus naturam & principia activa in millefolio, quæ utique medicus cognita explorataq; habere debet, si cum ratione & certo quodam effectu hac herba uti velit. Cum vero plura sint, quæ simplicis alicujus naturam patefaciunt, hinc ordine decenti cuncta persequemur. Et primo quidem de principio infuso & activo millefolii judicabimus ex forma externa & loco natali, deinceps subiciemus gustus & olfactus testimonia, quibus omnibus addemus experimenta

chymico-pharmaceutica, unde omnium elementorum hujus herbæ qualitas optime hauritur.

7 Multi sunt medicorum, qui magnam de viribus cujusdam herbæ judicandi fiduciam in signaturis externis ponunt, adeo ut Osvald. Crollius in *Tract. de signaturis rerum*, eum tantum verum medicum dicat, qui ex signaturis rerum externis de interna illarum præstantia judicare possit & meliorem partem veræ literaturæ, per quam omnes res occultæ legantur ac investigentur, nuncupare non erubescat hanc falso jactitatam de signaturis rerum scientiam. Verum qui paulo penitius rem considerat, facile cognoscet, methodum hanc imaginationis sobolem esse, adeoque incertam & fallacem, ut nihil minus inde, quam specialis virtus & activum plantæ alicujus elementum explorari ac detegi possit. Hoc vero concedendum omnino est, ipsam florum figuram quodammodo, sed probabiliter tantum & generaliter nos de facultate alicujus herbæ instruere. Quare ex observatione botanica constat, herbas sic dictas umbelliferas plerasque virtute gaudere sedativa, antispasmodica & sulphure suo caput replere, simul quoque carminativam vim exserere, uti videre licet in anetho, levistico, aniso, pimpinella, chærefolio, carro, coriandro, ulmaria, fœniculo, nigella, cervaria, valeriana, meo multisque aliis. Itaque millefolium nostrum quod attinet, a priori ex solo aspectu umbellæ ipsius cognoscimus, illud ob sulphur suum blande vaporosum magna pollere vi antispasmodica, sedativa & carminativa, quæ virtutes etiam ipsi revera inexistunt ac de jure conveniunt, ut in sequentibus dilucidius exponetur.

8 Alia vero adhuc viâ paulo securior datur in plantæ alicujus elementorum cognitionem deveniendi, si secundum mentem locus natalis, ubi hæc vel illa herba sponte provenit, consideretur. Observavi enim plantas pro differentia locorum, ubi sponte nascuntur, peculiare sed communes & proprias fere possidere virtutes. Ita v. g. plantæ pleræque, quæ in fœcundis ac pinguibus locis nascuntur, principio pollent partim mucilaginoso, partim sulphureo & vaporoso naturæ plus minusque amico, eaque propter omnis generis dolores sedant, somnum inferunt, humorum acrimoniam temperant, tumores emolliunt, omnibus affectibus, qui ex spasma fiunt, medentur & immodicas flu-

fluxiones sistunt, quales sunt v. g. anethum, anisum, absynthium, buglossa, chærefol. chamom. vulgaris, cynoglossa, crocus, cumin. hortense & paratense, nigella, papaveris species, coriandrum, ebulus, fœnum Græc. fœnicul. hyosciamus, hormin. imperator. lotium, levisticum, lupulus, mentha crispa & Saracenica, & hujus generis plurimæ. Jam vero ad millefol. nostrum hoc adplicaturi haud ignoramus, illud in pratis quæ locis fœcundis accensetur, sponte progigni, adeoque valde probabilis infertur inde conclusio, quod iisdem agendi principiis sit instructum, quibus herbas in locis fœcundis nascentes scatere modo diximus. Itaque si ulla alia hoc in solo enutrita plantula certe hæc ob sulphureum blande vaporosum cum mucilag. quadam intermixtum principium insigni gaudet vi anodyna, antispasmod. acrimoniam humorum temperante ac tumores emolliente.

9 Attendendum hoc loco est, quod prædictis modis in herbarum principia inquirendi necessario conjungi debeat gustus & olfactus experimentum, si cum cæritudine majori judicare de herbarum virtutibus cupiamus; in hoc enim multum momenti situm est, siquidem cum duobus maxime natura gaudeat in mixtione corporum agendi principiis, ex quibus fere omnis earum virtus promanat, quorum unum est sal, quod sapore dijudicatur, alterum sulphur, quod ope odoris percipitur, facile apparet, hunc plantarum vires explorandi modum esse longe accommodatissimum & ceteris jam propositis pondus addere. Sicuti vero saporis diversæ species sunt, quæ ex commixtione salis cum aliis partibus exsurgunt, ita quoque prout principium sulphureum cum salinis, terreis & aqueis varie commiscetur, diversa odoris species resultat, unde ex sapore & odore generalis æque ac specialis certis in morbis proficua plantarum virtus explorari potest. Quodsi jam millefolii herbam gustu & olefactu perscrutamur, observabimus totam plantam, radicem cum fibrillis minimis fere capillaribus, caulem quoque cum medulla in ejus cavitate hærente, folia & flores sapore gaudere amaricante, qui tanto conspectius deprehenditur, si hæ partes cum aqua decoquuntur vel in ea saltem infunduntur. Odor vero plantæ est fortis sulphureus, qui in floribus præsertim longe eminentior observatur. Ex his igitur merito concludimus, millefolium sale quodam fixo cum partibus terreo-mucilaginosi

Hoff. Opusc. varii argum.

nupto & sulphure vaporoso subtili & suavi naturæque amico esse instructum.

10 Tandem chymico-pharmaceutica partium a se invicem abstractione optime elementa hujus herbæ evolvuntur. Quod si enim hæc planta recens vel sicca cum aqua distillatur, prodit inde oleum sulphurinum penetrantissimi saporis & odoris valde sulphurei vaporosi, quo ipso clarum fit, inesse huic plantæ sulphur quoddam vaporosum, anodynum, sedativum peculiaris indolis, quale vix ulla in planta excepta chamomilla vulgari reperitur. Hujus igitur olei ratione quoque recte ipsi tribuitur virtus antispasmodica, anodyna & carminativa. Quodsi oleum subtilius fuit abstractum, remanet magma brunum coloris, paulo mucilaginosum, valde adhuc redolens, quod cum decenti modo partibus terrestrioribus per expressionem prius separatis igni ad evaporationem supponitur, coit in extractum amaricantis saporis, quod ob immixtas adhuc plurimas particulas sulphureas singulari pollet efficacia antispasmodica, humorum correctoria & roborante, itemque traumatica. Reliqua pars crassior post expressionem relicta tanquam terra effata nullius est utilitatis. Ex herba tota siccata & igne concremata sal elicitur amaricantis saporis. Constat itaque ex hisce experimentis, in millefolio prædominari elementum subtile vaporosum summe sulphureum cum quadam mucilage, terra sicca & sale alcalino intime combinatum. Ex hac igitur substantia oleosa cum mucilag. quadam, sale & terra mixta deduci utique debet omnis virtus, quæ in nostro millefolio latitat, imo non tantum ex hoc principio vires per experientiam & a posteriori cognitæ peti, sed & novæ incognitæ inveniri & detegi possunt.

11 Evolutis hoc modo millefolii elementis & agendi principis, opus etiam erit ut recenseamus, in quibusnam affectibus tam internis, quam externis chirurgis & medicis eximiam opem & levamen medicamina ex millefolio adornata præstiterint. Ut autem exordiamur ab usu interno, maxima ejus virtus celebratur in omnibus iis morbis, qui spasmodis originem debent & dolores atroces junctos habent, unde præsertim aqua ex millefolio destillata febrium paroxysmos & vehementiam coercet, siquidem non solum humores impuros in primis viis & massa sanguinea collectos corrigit, diluit & resolvit, sed & spasmos, in quibus febrium natura consistit, optime demulcet ac aufert. Et hanc

L

ob

ob causam etiam ipsa in febre pestilentiali a compluribus auctoribus practicis mirifice extolluntur millefoliata, adeo ut *Henricus Paschasius Libr. de peste cap. 5. pag. 1.* testetur, se millefolii effectum plane singularem expertum fuisse in peste Hafnienfi, nec desunt auctores alii plurimi, qui hanc herbam cum flore ceu peculiare arcanum contra pestem habeant, uti videre est in *Claud. Theod. Panth. Hygiast. Lib. 3. cap. 27. Phil. Cruling. Florileg. Hippocr. Galen. Chym. Part. 8. cap. 7. pag. 219. Th. Bartholin. in Act. Med. Hafnienf. Vol. 2. pag. 291. Ang. Sala Opera Med. pag. 455.* Quin imo iidem auctores millefolium suspendere tempore pestis præcipiunt in copia domuum parietibus, forsan ut aer corrigatur & miasma pestilentialis ejusmodi effluviis odoriferis avertatur; quamvis ego potius exinde promanantem effectum attribuam fiduciæ, quam ejusmodi homines, qui amuletis hisce domuum parietes ornant, tunc concipiunt, his præditi postea non timent pestem, unde ab ipsa interdum immunes degunt. Idem quoque effectus antipestilentialis salis millefolii adscribitur.

12 Præterea millefoliata & cum primis florum cum aqua infusio aut decoctio, aqua destillata vel cum spiritu vini non rectificata extracta, essentia aut syrupus infra describendus, ut & spiritus millefolii cum oleo ejus adhuc exaltatus in omnibus doloribus, qui spasmodorum sunt tragici effectus, egregiam exserunt efficaciam. Equidem non sine magno fructu & utilitate usurpantur in hæmorrhoidum cæcarum dolore, in colica, doloribus post partum, a lochiis suppressis & quæ ex hæmorrhoidum suppressione nascuntur acerbioribus tormentis, in cardialgicis quoque anxietatibus, affectu spastico ventriculi & diaphragmatis, uti in dissert. de præstantia remediorum domesticorum docui. Pulverem millefolii cum vino exhibitum efficacissimum esse in colicis auctor est *Johannes Camerarius in Horto medico pag. 101.* Similiter in doloribus a calculo ejus usus non contemnendus est, quoniam spasmus constrictos ureteres relaxat & liberiores calculis renalibus exitum conciliat. Pulchre hanc in rem scribit *Marcus Antonius Zimara in antro magico medico P. 1. pag. 7.* pulvis seminis millefolii vere collecti ad drachmam unam cum vino albo aut juscule mane jejune usurpatus quam sit præstans remedium ad calculum deturbandum experientia me docuit, præsertim si his ter-

ve repetatur. In suppressione quoque urinæ infusum millefolii in aceto suadet *Apollinaris in Enchiridio suo botanico*, quem in finem substitui rectius posset tinctura ex millefolii & chamomillæ oleis & spiritu juniperi parata, si præsertim in gonorrhœa vel a flatulenta & feculenta cerevisia hausta oriatur. In odontalgia herba millefolii cum butyro insulso frixa & calide malæ dolenti imposita commendatur ab *Apollinari* loc. cit. quod sane remedium præsertim in tumoribus ab inflammatione membranularum dentes cingentium relictis est accommodatissimum. Manducata folia maxime recentia dentium dolores mulcere perhibentur, quæ virtus etiam commanducatæ radici & diu sub dente dolente retentæ adscribitur, uti videre est in *Matthiol. Comment. in Dioscorid. Lib. 3. cap. 135.* & *Apulejo de virtutibus herbarum*. Sed an hic effectus inde sit expectandus, valde dubito, ego hunc in scopum potius suaderem oleum millefolii gossypio dentis cavitati inditum & ad tempus ibi detentum.

13 Quum vero enormiores sanguinis sive per uterum, sive per sedis venas, aut fistulam bronchiale profusiones, acerbioribus spasticis viscerum vel aliarum partium contractionibus suam originem suaque incubula debeant, euporista illa ex millefolio parata in iis compefcendis vix ulli alii remedio efficacia cedunt, uti multis practicorum testimoniis id clarum manifestumque fit. Ita *Matthiolus Comment. in Dioscorid. Lib. 3. cap. 137.* hanc in rem sequentia profert: *datur utiliter millefolii succus ad sanguinis rejectiones. Idem præstat sicci farina ex symphyti majoris aut plantaginis aqua pota. Eadem naribus indita fluentem inde sanguinem compefcit.* Et paulo post hæc verba ponit: *herba recens tusa & supposita pubique illita mensum profluvia compefcit. Præstat quoque mirum in modum millefolii & foliorum & florum farina ad sanguinis mictum, ubi uncie pondere una cum Armeniæ terræ drachma ex vaccino lacte propinetur jejunis diebus tribus continuis: conf. quoque Galenus Lib. 3. simplicium medicamentor. Job. Renodæus Lib. 1. de Materia Medica, Reinerus Solenander Consil. 8. S. IV. Sennert. Lib. 4. Med. Pract. pag. 2. Sect. 2. 6. sistit quoque hæmorrhoidum nimium fluxum secundum Petr. Pachegu. obs. 5. ap. River. in Comment. Thom. Willis. Pharm. ration P. 2. G. I. cap. 7. Thom. Fuller. Pharmacop. Extemporan. p. m. 135. Ex*

eodem quoque fundamento non modo sanguinis, sed alias quoque fluxiones egregie intercipit & cohibet, hinc memorato Matthiolo millefolium una cum floribus tusum & cum sua ipsius aqua aut caprino lacte potum gonorrhœam in viris, in feminis alba uteri excrementa tollere & dysentericis quoque utiliter infundi una cum sui ipsius succo perhibetur, qualem observationem etiam habet Gabriel Fallop. *Secret. pag. 73. 77.*

14 Insuper antepileptica quoque virtute excellere millefolium auctoritate Arnold. *de Villanov. Lib. 1. Prax. cap. 22.* & Craton. *Lib. 1. Consil. 4.* comprobatur, quæ vis & efficacia unice, ut nobis videtur, a sulphure vaporoso, anodyno & magno spasmodicorum etiam convulsivorum sedativo petenda ac derivanda est. Porro in spasmodicis vermium rofionibus commendatur, uti inter alios prodit Zwingerus in *Herbario suo* it. Anton. Chalmeteus in *Enchirid. Chirurg. Lib. 3. cap. 15.* quæ ipsi virtus ob amaricantem saporem & olei fragrantiam competere videtur, unde ex eodem fundamento Julius Cæsar Claudinus in *Empiria rationali Lib. 3. Sect. 31. Tr. 2. cap. 6.* aquam rosarum & Riverius aquam florum aurantiorum adversus vermes convenireprehenderunt. In abortu imminente, qui nunquam non absque spasmodicorum summa violentia fit, decoctum millefolii ceu præstantissimum remedium præservatorium commendatur a Simone Pauli in *Quadrupart. Botanico class. 2. pag. 103.* Contra vomitum herbæ decoctum cum labruscæ floribus utiliter dari putat Matthiolus in *comment. ad Dioscorid. Lib. 3. cap. 137.* quod non sine ratione ab ipso statuitur, siquidem vomitus est affectus insignium ventriculi præsertim ac duodeni spasmodicorum, quibus vero sedandis millefoliata optime succurrunt.

15 Si ullo vero in morbo solamini egregio sunt millefoliata, certe in malo sic dicto hypochondriaco & hysterico eorum usus continuatus tum ad præservationem paroxysmi, tum ad ejus mitigationem, observatur longe præstantissimus. Hunc in finem familiarissime uti soleo decoctis & infusis ex millefolio, neque minus frequenter præscribo pilulas ex extractis millefolii, chamomillæ, camphora, castoreo & extr. rhabarbari paratas. Mirifice etiam clarissimus Sthalius in *dissert. de Therapia passionis hypochondriacæ* medicamenta ex herba millefolii extollit, dum ait: *quodsi in passione hypochondriaca etiam acerbiores anomalæ commotiones circa venam*

portæ succedant, specifico quodam affectu illis succurrit herba millefolii vel in decocto vel in essentia adhibita, quæ ultima etiam cum moderata spiritus volatilis additione interdum non æque continuo usu offerenda conducit. Et profecto, certa & multiplici observatione edoctis contumacissimum hunc morbum minime remediorum multitudine eorundemque crebra cum aliis mutatione vinci, non absque fundamento adserere licet, millefolii solius decocto vel infuso per longum tempus usurpato, adsumtis interdum lenioribus laxantibus & servata insimul exactiori diætâ plus præstari posse hoc in casu, quam omnibus aliis tantopere commendatis morosiusque paulo conquistis medicamentis.

16 Quia flores chamomillæ vulgaris etiam propter oleum, quod per destillationem identidem sapharinum prodit, temperatum & sedativum, millefolio penitus ferme similes & ipsi affines vires alunt, eorum hinc virtus non dispar, sed una eademque in commemoratis jam affectibus deprehenditur. Quæ de causa opportune admodum in horum morborum curatione hi duo flores conjungi & in unum medicamentum, ut infusum vel decoctum aut in clysterem vel cataplasma recipi possunt: siquidem hic flos in omnis generis doloribus, spasmodicis quoque & hæmorrhagiis sistendis fere est incomparabilis. Id vero habet maxime familiare præ millefolio, quod semiflosculi illi lutei, qui discum formant, ad drachmam unam aliquoties die vacuo sumti pertinaces febrium intermittentium insultus atque impetus potenter sistant & compescant longe tutius, quam ipse laudibus in cælum sublatus chinæ chinæ cortex, qui ex remoto Peruviano regno ab aliquot inde jam annis tanto pretio redemptus fuit.

Nullum vero simplex in rerum natura reperitur, quod tam amicum est intestinis, quam flos chamomillæ, qua de causa etiam non sine consilio & singulari fructu huc usque solos flores chamomillæ ad clysteres in omnibus fere affectibus loco aliorum ingredientium recipiendos curavi ac suasi addito, si opus videbatur, oleo amygdalarum dulcium, vel hujus loco substitutis ad sumtus parandos oleis lini aut raparum, ut & salis communis sufficienti quantitate, si præsertim alvi dejectio tentata simul fuerat; quippe sal commune in stimulo andis intestini recti tunicis meliorem longe usum habet, quam varia extracta & electuaria lenitiva vel purgantia, quibus omnibus inter clysteres care-

re possumus optime.

17 Denique millefoliata mirifica pollent virtute in læsionibus, corruptionibus internarum partium consolidandis, adeoque in pulmonum, renumque exulceratione eorum usus circumspectus non plane est contemnendus. A Fonsæca Tom. 2. *Consil. Med.* & Johannes Prævotius in *Medicina pauperum* valde extollunt pulverem millefolii in phthisi & ulceribus pulmonum, si quotidie ejus drachma una in jusclo calido sumatur. Neque dubium est, quin dictis in morbis maximam interdum præstet utilitatem, præsertim si ægrotantis ætas non sit provector, si succos adhuc in venis alat benignos, nec marcor, languor & summus virium lapsus in corpore sentiat, sique insimul accuratior victus ratio observetur & medicatio hæc per dimidium annum & ultra sollicita cura continetur. Eundem vero & illustriorem adhuc effectum in phthisi ab usu continuato decocti millefolii cum conserva rosarum rubrarum præparati & bene clarificati expectare possumus. In læsionibus & exulcerationibus intestinorum post dysenteriam gravem flores millefolii & chamomillæ in clystere adplicati vel intus quoque in forma decocti adsumti ad consolidationem egregiam exserunt efficaciam. In casu ab alto ad sanguinem congruatum resolvendum aqua millefolii destillata vel ejus decoctum, pulvis quoque cum aceto itidem præstantissimæ sunt virtutis.

18 Lustravimus jam nostri simplicis usum internum, superest igitur, ut paucis tantummodo verbis agamus de usu ejus externo, cum satis etiam ille nobilis sit. Nolumus vero hic esse longiores, quia abunde ejus usus chirurgicus & vulgo est perspectus. Et primo quidem egregiam exserit efficaciam in tumoribus & inflammationibus externis emolliendis ac discutiendis. Speciatim vero cataplasma ex floribus millefolii, chamomillæ, meliloti aliisque similibus speciebus præparatum in tumoribus odontalgicis, itemque pedum œdematosi non sine effectu est evidenti. In erysipelate flores sicci prius contriti ope lintei triplicati parti inflammatione tactæ impositi optime conducunt. Linimentum ex aqua millefolii, chamomillæ, aceto vini, spiritu vini camphorato & cerussa partibus genitalibus, cum primis præputio ac scroto ab impuriori venere tumore affectis frequentius de die calide adplicatum egregio est juvameni.

19 Præterea decantatissima est millefolii apud omnes fere auctores & botanicos & praticos singularis vis traumatica, siquidem non solum vulnera recentia optime conglutinat, sed & ulcera etiam fistulosa & mali moris purificat & ad consolidationem perducit. Est igitur hoc millefolium inter vulnerarias plantas facile princeps & jam ab Achille armipotente Græcorum heroe ad vulnera militum suorum sananda adhibitum fuisse traditur. Simon Pauli in *Quadrupart. Botanico* citat historiam ex Hollerii lib. 2. cap. 5. *institut. chirurg.* petitam de quodam rustico, cui decisus erat nasus ea parte, qua os in cartilaginem desinit, qui sola herba millefolii tusa & in vino nigro trita imposita brevi fuit restitutus. Renodæus in *materia medica* ita de millefolio disserit: *qualitatem habet adstringentem vulnerariam. Optime ab inflammatione vindicat, desiccatur & glutinat, ulceribus quoque prodest & sanguinem undecunque fluentem sistit*, conf. quoque Zvvingerus & Lonigerus in *Herbariis suis*. Vulgus in usum vulnerarium subigit aut tundit herbam millefolii in formam cataplasmatidis, addito tantillo axungie porcine vel lardi infumati. Quidam etiam telæ aranerum parum remiscere ac vulneribus recens inflicti id adplicare solent. Gargarisma ex aqua destillata millefolii vel ejus decoctione usurpatum resistit putredini faucium, gingivæ, & colli. Herba contusa carbunculis cum fructu quoque adponitur, uti testantur Joh. Crato lib. de peste. P. Droetus *Consil. de pest. c. 10.* Jul. Palmar. de febr. pestilential. c. 18. M. Unzer *Antidot. pest. l. 2.*

20 Ultimo loco exponendæ veniunt variae ex millefolio præparationes. Quando herba vel recens vel sicca una cum floribus parumper inciditur & cum sufficiente quantitate aquæ simplicis vesicæ cupreæ vel cucurbitæ vitreæ capaci inditur & destillatur, prodit aqua coloris subcœrulei, cui supernatat oleum penetrantissimum coloris saphirini elegantissimi, cui vix datur in rerum natura simile, unicum si chamomillæ oleum excipias. Johan. Sigismund. Elsholzius in *Destillatoria curiosa* plurima profert exempla vegetabilium colorate alembicum transcendentium, quippe secundum prædicti auctoris experimentum veronica recens cum vino vel aqua destillata dat aquam viridem, id quod etiam de salvia & rore marino valet; chamomilla Romana oleum flavum destillatione fun-

fundit, ex fecibus vini elicitur per vesicam oleum viridissimum, ex cinnamomo aurei coloris, ex petroselino & chærefolio florentibus & in semine constitutis viridiusculum oleum prodit, iridis quædam species cœrulea aquam largitur cœruleam, planta ros solis dicta decenti methodo per vesicam vitream destillata liquorem ad rubedinem inclinantem exhibet & certa pimpinellæ species cœruleo colore imprægnatum spiritum fundit. Meminit quoq; curiosus hic scriptor olei cœrulei ex chamomilla destillati, sed de nostri millefolii oleo saphirino altum apud ipsum est silentium. Evolvimus hanc in rem plures alios scriptores tum chymico-pharmaceuticos, tum botanicos, nullibi tamen ejus mentionem factam deprehendimus, etsi sollicita cura in id inquisiverimus, tandem casu quodam incidimus in exiguum libellum, quem Joh. Poppius Chymicus Coburgensis *de herbis* conscripsit & anno 1625. edidit, qui unicus auctor jam mentionem injicit oleorum millefolii & chamomillæ, quod colore cœruleo prodeant in destillatione.

21 Memorabile circa oleum millefolii hoc est, quod ejus color pulcherrimus saphirum fere superans successu temporis paulatim mutetur, adeo ut gratiam suam intercapedine duorum vel trium annorum fere penitus amittat; spiritus vero cœruleus ex summitatibus destillatus nostro experimento ultra quinquemestrem colorem hunc suum longe amœnissimum exacte servavit, ab eo vero tempore deinceps successive glaucescere cœpit. Falsissima est eorum opinio, qui spiritus & olei millefolii colorem cœruleum vesicis destillatoriis ex cupro confectis deberi adserunt & dicunt solvi ab oleo hoc penetrantissimo quasdam cupri particulas & deinceps commisceri eas intime cum oleo & spiritu, ut adeo hanc ob rationem cœrulei coloris faciem induant. Refutari vero horum splendida theoria facile potest, si modo destillatio suscipiatur in vase vitreo, ubi itidem hac veste conspicua prodeunt oleum & spiritus. Circa jam dicti spiritus destillationem adhuc est monendum, quod is sub initio destillationis non statim cœruleus appareat & quidem ex hac ratione, quia particula oleosa ob arctissimam cum ceteris partibus connexionem tum temporis nondum sufficientes ex floribus sunt evolutæ & extractæ. Quodsi vero aliquandiu continuata est destillatio, tum demum successive colorem acquirit cœruleum, qui in fine, circa

quod tempus potissima olei pars alembicum transcendit, fit saturatissimus. Observandum quoq; hoc loco est, quod ex floribus millefolii recentibus vel modo siccatis major olei quantitas & spiritus quoq; saturatioris coloris obtineri possit, quam ex diu conservatis & aridis, quia ex his tempore magna particularum sulphurearum portio exspirat.

22 Oleum millefolii est magnum anodynum, antispasmodicum & carminativum medicamen, qua ipsa virtute egregia quoque spiritus exsplendescit. Spiritus vini rectificatissimus cum oleis millefolii & chamomillæ destillatis & camphora decenti in quantitate imprægnatus eximiam dat medicinam carminativam ac discutientem, quæ longe majori cum fructu in omnibus istis affectionibus, ubi spiritus vini camphoratus alias adhiberi solet, potest usurpari. Spiritus juniperi, in quo sufficiens quantitas olei chamomillæ & millefolii soluta est, concedit egregiam tincturam saphirinam diuretica & emmenagoga virtute non contemnenda præditam. Quodsi spiritus vini superfunditur floribus millefolii & aliquandiu solis digestionem vel leniori ignis calori exponitur, emergit inde essentia virtute gaudens antispasmodica, stomachica & carminativa non vulgari. Essentia millefolii in pharmacopoliis prostat, uti & extractum, quod ex totius plantæ decocto inspissato conficitur & consimili virtute gaudet, interque pilulas laxantes, quæ simul confortant & humores corrigunt, recte recipitur. Laudatur quoq; ab auctoribus nonnullis pulvis herbæ ex planta arida compositus. Posset quoq; ex millefolio parari syrupus, qui cum aqua millefolii & cinnamomi haustus egregio foret levamini in doloribus ventriculi & intestinorum, ut & nephriticis. Communissime herba & summitates millefolii in decocti vel infusi forma præscribuntur hysteriis præsertim & hypochondriacis subjectis, quæ ab uteri spasmodicis, flatulentis & ventris torminibus frequentius afficiuntur, quibus etiam non mediocri est solaminj.

DISSERTATIO IX.

D E

CAMPHORÆ USU INTERNO
SECURISSIMO ET
PRÆSTANTISSIMO.

§. I.

Medicamenta sua etiam fata experiri, nemo facile, nisi rudis sit historiæ medicæ, in dubium revocabit. Quid enim frequentius occurrit, quam quod non tantum diversæ circa remediorum efficaciam apud medicos vigeant opiniones, sed & quædam interdum ob mirabilem maxime, quæ celebrantur, virium potentiam, ad cælum usque tollantur, quæ intervallo temporis obnoxiam, quam forte crearunt, iterum culpanitur & ad ima usque deprimuntur. Neque tantum ab antiquis præstantissimis medicis maximopere commendata inque pharmacopæis recensita medicamenta cum primis composita hoc fatum sustinent, sed maxime nostris temporibus, quibus medicina magis exulta & in sereniorum lucem posita est, magnificæ famæ, quæ exstiterunt remediorum genera, paucis abhinc annis laudem atque existimationem suam penitus ferme amiserunt. Quanta enim famæ celebritas fuit paucis abhinc annis laudano opiato Helmontii, elixirio proprietatis Paracelsi, antihectico Poterii, aquæ benedictæ Rulandi, specifico cephalico Michaelis, tincturæ ejus bezoardicæ Sennerti, spiritui oleoso volatili Sylvii, tincturæ aperitivæ Mœbii, tincturis ferme omnibus martis, bezoardico sic dicto solari, Joviali, cerussæ antimonii, bezoard. minerali, panacæ Glauberianæ, theriacæ celestis Quercetani, sali volatili cornu cervi, chinæ chinæ, illis, qui in artis operibus indefesso studio versantur, notissimum est. Utpote hæc ipsa velut polychresta & arcana ob mirabilem & pene divinam virtutem ipsis concessam recondebantur, quorum tamen fama atque existimatio nostris ferme temporibus periit atque exspiravit, eo quod conceptam medentium spem maxima ex parte eluserint.

2 Ex dictis his artis nostræ misera facies elucescit, quæ nunquam fere sibi constat,

sed semper innovatur, reformatur & immutatur. Enim vero nolo hoc loco ipsa culpare, vel accusare remedia, quibus eximias vires agendi in sommovendis morbificis causis utique Numen benignissime infudit, sed medicorum coarguo ignorantiam, inconstantiam, inque judicando & applicando præcipientiam: quorum plurimi, cum parum docti & solidi sint & recte ratiocinandi usu ac arte destituti, hinc in sentiendo sunt inconstantes, huc vel illuc agitantur, inque diversas partes facile distrahuntur: maxime omnium vero eorum opinionibus, quos fama vulgi, casus, aut cæca fortuna forsan extulit, & qui in adplausu & existimatione vivunt, inhaerent. Alii in præceptoris & magistri sui, quem sæpius etiam forte nanciscuntur, unice verba jurant, ejusque dicta quasi Apollinis Delphici oracula existimant. Complures, dum a certi remedii usu sinistrum vel dextrum effectum observant, protinus hunc soli remedio nulla aliarum causarum concurrentium habita ratione, quæ multum remedii virtutem modificant, adscribunt, & hinc noxium aut proficuum in his vel illis evincendis morbis illud eximunt, sique tantopere decantatum remedium votis & expectationibus non recte respondet, tunc mox ad alia ab aliis magnifice laudata, vel etiam ad exotica transcurrunt, quo efficitur, ut nunquam recte notitiam remediorum facultatis atque potentiae, quæ tamen fere præcipuam therapiae medicæ partem sustinet, acquirant. Maxima itaque scientiæ & prudentiæ medicæ pars est, nosse medicamenta, nosse eorum facultates ac vires, neque minus eorum usum ab abusu recte distinguere, ita enim fiet ut neque ipsis nimium laudis vel virtutis tribuamus, neque nimium detrahamus. Nostri jam instituti est de interno præstantissimo camphoræ usu nostras observationes atque rationes exponere. Neque enim ignotum est, quam præstans atque eximius camphoræ sit usus externus, at nescio, quo fato ejus internus usus minus tutus atque suspectus adhuc creditus fuerit; cum tamen non facile in rerum natura simile detur remedium, quod majores in medendo camphora effectus exhibeat.

3 Prius vero, quam de interno camphoræ usu & ejus admiranda in compluribus morbis depellendis efficacia differamus, quædam de illius origine, solò natali atque natura peculiari præmittenda esse censemus. Quod itaque ad ejus originem ac generationem

nem attinet, est ipsa foetus arboris glandiferæ in India Orientali, cujus folia & radices tenerrima tali resina sunt imprægnata, unde etiam arbor camphorifera appellatur. Fusiores vero hujus arboris descriptionem exhibuerunt Breynius in *exoticis plantis Cent. 2.* & Kleyrus in *Annotationibus*. Crescit hæc arbor in Japoniæ silvis absque cultura insigni in abundantia, radicem habet crassam, densam, subrusam & ligneam, quæ admodum olet camphoram, cortex est inæqualis ac grysei coloris, lignum vero solidum, ponderosum, subfuscum, oleoso humore turgidum & identidem camphoræ odorem de se spargit, rami oblongi, late expansi atque divisi foliis alternatim positis gaudent palmum longis & duos transversos digitos latis, referunt Cassiæ ligni folia & contritu fragrantissima camphoræ effluvia emittunt. Hæc arbor ad quercus altitudinem in India quandoque adsurgere dicitur. Perpetua fronde virescit & sub nostro quoque climate culturam fert, modo acri gelu & ventis borealibus sollicitè defendatur. Eam non modo in horto medico Leidensi, sed etiam in famigeratissimo illo Schvvebbeleni, ingenti sumtu adornavit generosus Dominus de Mynchhausen, vidimus. Neque vero tantum in uno eodemque Indiæ loco progignitur, sed alibi quoque ejus proventus visitur, utpote in Sumatra & Insula Borneo sponte & copiose in silvis crescit, nec multum a Japonica distat. Quando inciditur hæc arbor, profluit oleosus succus, qui particulas camphoreas non paucas continet.

4 Hæc itaque arbor camphoram nobis largitur, quæ non uno modo ex ipsa elicitor. Distinguitur autem camphora in nativam & factitiam, illa granulata est, & ex arborum trunco solis æstu sponte transsudat, vel ex fisco aut inciso ligno prolicitur & rarissima est: factitia vero, quæ ad nos in glebas & panes compacta transportatur, ex radicibus, ligno, ramis ac foliis dissectis ignis officio coctione extrahitur atque sublimatur. Nativa maxime ex Sumatranæ & Borniensi arbore depromitur. Japonenses vero per destillationem longe majorem ejus quantitatem obtinent, segmentis enim adfundunt aquam simplicem sufficienti quantitate, & postea in vesica, quæ collo longo ac angusto & capitello lato est instructa, destillationem adornant; in capitello vero ipsa camphora colligitur, ac condensatur. Quodsi opus esse censetur, de novo sublimatur, quo præstantior puriorque evadat.

5 Perspecta jam genesi ac origine camphoræ, res poscere videtur, ut ejus quoque naturam ac indolem paulo penitus inquiramus. Persecuturis vero excellentissimi hujus simplicis naturam & proprietates paulo accuratiori indagine ac meditatione, in universa rerum natura vix simile sibi aut par haberi jure pronuntiandum est. Quare etiam ob peculiare sibi proprias vires ac qualitates, ad quod genus vel speciem referenda sit, nondum inter medicos & physicos consensus est. Veteres camphoram pro resina habuerunt, eo quod ex arbore incisa succus elicitor instar resinæ inflammabilis concre-scat: at vero, num ad resinas camphora sit referenda, merito dubitandum est. Nulla enim ex omni resinarum genere seu naturalis seu arte præparata resina fuerit reperi-tur, quæ accensa nullo cinere relicto tota in auras avolet. Quid quod haud ulla datur resina, quæ vase clauso per ignem tota in altum elevatur. Ea enim est natura atque indoles resinarum, ut vehementiori igne tractatæ, phlegma, spiritum & oleum fundant. Accedit, quod nulla ex resinis nobis cognita sit, quæ tam promte insignem quantitatem spiritus vini rectificatissimi recipiat atque absorbeat, sicuti id observare licet in camphora, cujus pars una exacte a spiritu vini rectificatissimi partibus duabus dissolvitur.

6 Cum itaque camphora inter resinas vix commodum adinveniat locum, hinc recentiorum nonnulli in eam iverunt opinionem, ut camphoram salis volatilis oleosi possidere naturam adfererent, impulsæ maxime ad hanc sententiam ex eo, quod instar salis volatilis oleosi accedente calidiore igne non modo tota in auras avolet, sed & in clauso vase minima quantitate relicta in sublime feratur. Verum enimvero etiam hi ipsi mihi a veritatis tramite valde aberrare videntur, utpote nullum datur sal oleo etiam intime imbutum, quod in flammam abripiatur, vel quod cum rectificatissimo spiritu vini aut oleo quodam arctissimam unionem subeat. Et qui camphora salis titulum jure mereatur, cum solutionem in aqueis menstruis penitus aversetur? Neque isti rem accurata acu tangere mihi videntur, qui inter gummata illam collocant, quia & solutione & volatilitate plane cum ipsis nullam alit adfinitatem.

7 Ut nostram quoque de camphora promamus sententiam, dicimus: camphoram nihil nisi oleum volatile tenuissimum esse, aut

coagulatum, non liquidum. Id vero multis iisdemque firmissimis rationibus corroborabimus. Primo enim multæ dantur species fragrantis odoris ac saporis penetrantis, quæ subtile oleum, quod etiam præmittissime sub destillatione in vesicâ cum aqua fundunt, in se custodiunt. Hac ratione non modo ex omnibus fere aromatibus, sed etiam ex plantis oleo volatili turgidis, ut sunt lavendula, majorana, mentha, rosmarinus, ruta, oleum destillatur, unde profecto non mirum est, camphoriferæ arboris partes tale oleum fundere. Secundo sicuti omne oleum destillatum flammæ admotum mox accenditur atque totum avolat & acerrimam fuliginem emittit: ita etiam fit cum camphora, quæ mox flammam concipit, tota avolat, nigerrimo fumo exhalante. Dein, quemadmodum omne oleum destillatum in spiritu vini rectificatissimo præsertim tartarifato solvitur, adeo, ut partes duæ spiritus unam partem olei v. g. lavendulæ, in se recipiant intimeque invicem uniantur: ita etiam experimentum cum camphora feliciter succedit, dum nempe uncia una spiritus vini rectificatissimi promittissime dimidiam camphoræ unciam dissolvit. Et quemadmodum solutioni oleorum cum spiritu vini peractæ adfusa aqua oleosas particulas præcipites dejicit: simile ratione soluta in spiritu vini camphora, menstruo aqueo accedente, rursus fundum petit & præcipitatur, mixtura inde reddita turbida albescente. Denique sicuti olea destillata, quibusdam saltim gravioribus aromatibus exceptis, propter levitatem aquæ supernatant: ita etiam camphora in omnibus aqueis liquoribus in superficie hæret.

8 Postremo camphoram cum oleis destillatis similis ejusdemque esse indolis, vel ex eo colligitur, quod illa in spiritu vini rectificato soluta & per alembicum destillata non simul tota evehatur, sed in fundo cucurbitæ, nisi ulteriori destillatione in alembicum urgeatur, pars illius relinquatur, perinde ac fieri solet cum solutis oleis æthereis in spiritu vini rectificato, quæ distillationi submissa, spiritum oleosa substantia subtiliori quodammodo imbatum, fundunt, potiori tamen olei parte in fundo cucurbitæ relicta, quæ ulteriori commissa igni separatim in forma olei prodit. Hæc exactissima experimenta satis abundanter comprobant, maximam inter camphoram & olea destillata intercedere conformitatem. Quapropter non satis mirandum est, quam inani & frustraneo co-

natu magni etiam chymiatrum oleum ex camphora destillatum eliciendum quæsierint. Quo fine obtinendo & sua ingenia & nobilissimum hoc simplex dire torserunt atque adfluxerunt: ignorabant enim hi lepidi camphoræ carnifices, ipsam jamdum oleum volatile & destillatum esse. Sicuti vero ridiculum est ex oleis destillatis oleum elicere velle, cum jam tale quid sint: ita etiam, si quis ex camphora oleum vult perficere, res merito paradoxa dici debet. Decepti vero omnes sunt in eo, quod camphoram resinam esse credebant, quæ sicuti facile per destillationem oleum largitur: ita etiam hoc ipsum ex camphora eliciendum omni studio curarunt.

9 Verum enim vero non eadem, sed diversa camphoræ natura ab oleis destillatis videtur, cum hæc solida & sicca, illa vero pinguis, fluida quoque & manus madefacientia sint. Deinceps & in eo discrimen notabile observatur, quod oleum volatile denuo ex retorta vitrea per arenam destillatum subtilissimum quidem largiatur oleum, sed crassum magma relinquatur: camphora vero tota in forma sicca, ne ulla materia relinquatur, in auras abit. Quibus dubiis, ut satisfaciamus monendum est, dari quædam simplicia in vegetabilium regno, quæ volatilem illam sulphuream & inflammabilem partem, quam in mixtione custodiunt, non in forma pinguis olei, sed in sicca forma, non secus ac camphora elargiantur. Ita si florum rosarum cum sale bene contritorum ac maceratorum magna quantitas cupræ vesicæ immittitur & cum aqua destillatur, præter aquam, fragrantissimam etiam oleum, quod ipsi supernatat album, coagulatum instar sevi, elargiuntur odoratissimum, quod non secus ac aliud oleum in spiritu vini rectificatissimo dissolvitur.

10 simili modo ante aliquot annos ex ligno aloes tale oleum destillatum instar camphoræ prolicui, ingentem nempe raspaturæ ligni aloes odoratissimi ad lib. 10. accedentis summi quantitatem, aquam fluviatilem adfundi curavi, qua per aliquot dies in temperato loco macerata fuit, postea, adornata destillatione, prodiit aqua, cui oleum siccum, album, odoratissimum, miræ suaveolentiæ & penetrantis saporis supernatabat, & ad drachmas sex minimum fuit collectum. Hoc resolutum in spiritu vini rectificatissimo elegantissimum liquorem cephalicum præstantissimi odoris & virtutis sub-

ministrabat. Ex radice recenti camphoræ simile oleum, quod camphoram & ipso odore & virtute æmulatur, destillari ex vesica posse mediante aqua Hermannus in *Collegium manuscriptum in materiam medicam* notavit. Ita porro ex cortice radicis cassiæ cinnamomeæ camphoram parari posse Grimmus docet in *Laboratorio Zeulnico*. Ex cortice vero radicis arboris cinnamomiferæ oleum paratur liquidum, quod camphoræ & cinnamomi fragrantem odorem refert & ex India ad nos transportatur, nullumque dubium est, quin ex aliis fragrantissimis corticibus, radicibus & gummatibus simile oleum siccum per destillationem haberi possit.

11 Quamvis vero camphora ad oleorum æthereorum classem perquam commode possit referri, quod ex antea adductis experimentis & rationibus satis superque adparet: nihilominus talismodi sicca olea, ut camphora, pro pinguibus illis liquidis quasdam peculiare & sibi proprias facultates in sinu suo recondunt, multum enim inter se ratione volatilitatis seu tenuitatis partium differunt. Nam camphora non modo igne submisso, sed & sub moderate calido aere tota in auras & quidem celeriter avolat & evaporat, nullo vestigio remanente: contra vero destillata olea tardissime avolant, emittunt saltem tenuissimas sulphureas partes, crassioribus & viscidioribus relictis, unde olea destillata vetusta crassescunt, adeo, ut ad terebinthinæ consistentiam accedant. Quapropter etiam camphora, ne avolet, longe exactiori custodia & conservationis cura in vasis muniri debet, quam ipsa olea destillata, quorum evaporatio non tam prompta & expedita est, sicuti camphora. Hanc ob causam pharmacopœi perperam suis rebus consulunt, quod camphoram, citra exquisitam clausuram, libero sic aeri committant, falsa traditione & opinione occæcati, quod adpersio seminis lini ejus evaporationem impediat, cum tamen parum vel prorsus nihil huic scopo inserviat.

12 Ex hoc igitur adparet, longe majori partium sulphurearum inflammabiliumque tenuitate & exiguitate camphoram præ aliis oleis destillatis pollere, utpote quæ viscido quasi quodam & ramoso involucro excipiuntur & custodiuntur, quo camphora summe volatilis ac tenera caret. Hæc summa partium sulphurearum tenuitas a viscido pingui involucro liberata efficit quoque, ut cam-

Hoff. Opusc. varii argum.

phoræ virtus ab olei cujusdam destillati viribus longe multumque distet ac differat, nam utut camphora tota inflammabilis sit, nihilominus tamen in corpore nostro calorem haudquaquam efficit, adeo, ut potius intensiorem corporis fervorem sistat, quo circa etiam a veteribus non calida, sed frigida habita fuit. Etenim viscidiores & secundum Cartesii doctrinam ramosæ olei destillati partes sulphur tenuissimum & inflammabile in carcere quasi irretitum & conclusum habent, ut minus promte per poros corporis evolare possit, sed diutius in corpore maneat, unde etiam intensiorem intestinum sanguinis partium motum melius sustinet atque tuetur.

13 Hac quoque de causa omnia olea destillata, guminata quoque, quæ insignem olei quantitatem custodiunt, ut sunt gummi ammoniacum, myrrha, balsamum Peruvianum, sagapenum, galbanum, sanguinis & humorum massam atque universum corpus mire exagitant, magnumque æstum atque fervorem accendunt, siquidem particulae sulphureæ, æthereæ, quæ omnis intestinæ calidæ agitationis causa sunt, anfractuoso, viscido & gummoso contextu involutæ per majus temporis intervallum remanent, neque tam facile ab involucro hoc se possunt emancipare, quare effectus diutius persistit ac durat: secus fit in camphora, cujus partes per poros citissime avolant, hinc etiam una guttula olei cinnamomi plus calefacit, quam decem grana camphoræ. Quod vero viscosa, pinguis & ramosa olei substantia volatilitatem impediat vel ex eo liquidissime patet, quod camphora in oleo amygdalarum dulcium expresso vel in oleo de cedro aut lavendulæ soluta, sub liberiori quoque aeris accessu non facile in auras abeat, sed sub tegmine hoc oleoso diutius ejus substantia contineatur. Et hæc forte fuit ratio, quare veteres semen lini ceu valde oleosum camphoræ adjici curarunt, quo minus ejus volatiles partes in aerem secedant, quanquam hic effectus longe felicius obtineri possit, si modo camphoræ superficies oleo amygdalarum dulcium inungatur, quod ad tutelam partium subtilissimarum plus, quam talismodi semen adjectum, efficere poterit.

14 Quod vero camphora volatilis, tenuissimi & inflammabilis sulphuris copia imbuta sit, vel unice ex sequenti, eoque perpulchro experimento clarissime evincitur. Nostris enim temporibus ex urina fermentata

M.

debi-

debita encheiresi in Anglia præsertim paratus phosphorus est celebratissimus, qui levi attritu lucidissimum sine flamma ignem spargit, cujus causa ab acutioribus physicis in partium sulphurearum motu intestino, celerissimo, verticillari non incongrue constituta videtur. Hic lucidissimus ignis non melius, quam beneficio camphoræ multiplicatur ac propagatur. Sumitur nimirum granum unum phosphori & grana decem camphoræ adduntur: hæc invicem in mortario probe prius contusa miscentur, quo facto tota camphora fit lucidissima, quæ si solvitur in oleo caryophyllorum, liquidus fit phosphorus, quo sine noxa & metu inflammationis, caro, cutis, crines, & vestes inungi possunt, quod elegantissimum de nocte præbet spectaculum. Hujus vero lucis phosphori per camphoram propagationis nulla alia subest ratio, quam quod camphora propter summam partium sulphurearum tenuitatem ad intestinum lucidum motum producendum sit aptissima. Id autem minus experiri licet in aliis oleis destillatis, si cum solo phosphoro misceantur. Atque adeo ex hoc etiam experimento peculiaris & eximia camphoræ proprietas ab aliis oleis destillatis distincta elucescit.

15 Hæc igitur partium sulphurearum tam incomparabilis tenuitas in camphora efficit, ut ejus quoque usus plane sit singularis, neque oleis aliis destillatis proprius. Ita camphora, in universa rerum natura nullum datur excellentius & magis discutiens remedium. Omnes enim humores in tubulis & poris stagnantes promptissime dissolvit, partim poros obstructos aperiendo, partim etiam fibras relaxatas animando, ut vel exhalent particulæ subsistentes, vel in motum ac circulum redigantur. Quæ de causa in omni dolore sive iste in pericranio, sive perioestio persistat, spiritu camphorato nihil excellentius est. In omni præterea tumore abigendo, a quacunque etiam causa subortus fuerit, idem spiritus mirabiles fovet vires, namque tonum fibrarum roborando humorum cursum atque iter promovet.

16 Denique in omni inflammationum genere, imo in ipsa gangræna convenientissimum est remedium, non modo enim præservat ab his sævissimis malis, sed etiam, si eorum cohibitioni locus superest, nihil hisce casibus ipsa camphora exterius adplicata est præsentius, sicuti id solertiores medici & chirurgi longo usu atque experientia com-

pertum exploratumque habent. Ejusmodi vero efficacia roborans & discutiens in dolorum & inflammationum atrociam a nullo destillato oleo vel alia inflammabili substantia in rerum natura poterit exspectari vel obtineri. Tametsi vero magna quoque oleis quibusdam destillatis æthereis, si debite fuerint soluta, & roborandi partium tonum & fibrillarum exorbitantes motus sedandi virtus insit, ut non sine fructu adhiberi possint, nihilominus in inflammationum vi compefcenda inque partis inflammatae ardore exstinguendo camphoratus spiritus ceteris multis parasangis præcedit.

17 Utut vero a nullo facile medicorum ejus summa & mirabilis virtus ab usu externo negari possit: nihilominus plures medicorum exstiterunt, & adhuc sunt, qui ejus internam usum admodum reformidant & damno atque exitio facile esse posse sibi persuasum habent; hinc veteres ea rarissime & parca admodum dosi in medicamentis & formulis suis uti consueverunt, nullam aliam forsitan ob rationem, quam quod eam credebant calidissimam, quæ intensam sanguinis ebullitionem efficiendo æstum atque delirium accendat. Alii contra eam valde frigidam rati venerem ipsam extinguere credebant, cum tamen effectus ille, qui frigiditati adscribitur, cum intenso calore, qui ab aliis camphoræ adsignatur, minime conveniat. Quidam nimis vaporosam & caput, & cerebri nervorumque vitio originem ducunt, eam minus conducibilem medicinam judicarunt. Sed quod omnis hic metus inanis atque frustraneus sit, quo boni illi de cetero ac eximii viri laborarunt, & quod camphora non insegura, sed optima medicina sit, tum ratione & experientia, cum etiam auctoritate, quæ fulcimenta nostræ artis sunt, solide demonstrabimus.

18 Quum vero securum camphoræ usum internum dicamus, primo omnium hoc vocabulum, ne offensionis lapis fiat, dilucida expositione enucleandum est. Sensu itaque medico securum illud audit, quod naturæ humanæ conveniens est, neque in copiosiori dosi datum, facile motus aut turbas in corpore excitat & periculum gignit. Insegurum autem adpellatur, quod valenti agendi principio instructum in minori & proportionata dosi efficaciam exserit; in majori vero commotiones vehementes & excretiones enormes suscitatur. Ex his dictis tamen minime sequitur; segura non posse nocere, quod per abusum

sam illorum utique solet contingere, quem admodum etiam de insecurorum utilitate non penitus desperandum, siquidem quando recte, prudenter & tempestive adhibeantur, magnæ eorum vis & efficacia in persanandis morbis producit. Juvat tamen hanc distinctionem medicamentorum in praxi tueri eam ob rationem, ut quis prudentior medicus intelligat, abusum medicamentorum insecurorum & fortiorum plus periculi gignere, quam si quis benignis securisque abutatur; majori itaque cautione ac circumspeditione esse hæc adhibenda, facile nullus ibit inficias. Jam vero camphoram majori in dosi exhibitam plures æstimant insecurionem, adeoque periculi minus expertem.

19 Crato minus æquus camphoræ censor est, & tam in morbis ob dolores capitis, quos concitare putat, fere ablegat; hinc robore maxime valentibus subjectis vix tria grana præscribere usus fuit. Sed præcipuus auctor hujus præjudicii mihi videtur medicus alias & chymicus magni nominis Daniel Ludovici in *Pharmacia*, quem postea multi professores, doctores & horum discipuli non pauci usque huc presso pede sunt secuti. Hic in *Pharmacia hodierno seculo adplicanda Dissertat. I. de Diaphoreticis vegetabilibus* camphoram calidissimam resinam dicit, eamque volatilioribus, calidioribus ac vaporosis medicamentis accenset. Dicit porro de ejus operandi ratione, quod producat angustias, solutiones virium funestas, frustraneas ebullitiones & id genus alia. In eruditis, qui debiliore capitis sunt, itemque in delicatioribus feminis cephalalgias incompestibiles atque deliria sæpe lethalia in febribus continuis, præsertim in earum statu secundum ipsius sententiam excitat. Cum igitur tali modo inter calidiora remedia camphoram reponat citra manifestam sufficientemque rationem, hinc multis eam elixioris virtutis medicamentis postponit. At vero (pace hujus viri dixerim) camphora minime est medicamentum calidissimum & noxium, quin potius prudenter, debito tempore & conveniente dosi exhibitum recensita symptomata febrium feliciter tollit & protinus aufert, siquidem camphora ad scrupulum unum vel etiam ad drachmam semis in spiritu vini dissoluta & sano homini cum sufficiente vehiculo exhibita, quemadmodum experimentum multoties fecimus, corpori neque intentiorem æstum aut calorem infert, neque pulsus adaugere, sed potius manifestum refrigerium

præsertim circa præcordia præstat. Multo minus vero appetitum exstinguit, sicut movet, aut urinam coloratiorem reddit, quod tamen ab omnibus nimis calidis fieri debet, hinc ad unciam spiritus vini ingestus vel unicus haustus vini generosi plus caloris corpori, quam duæ drachmæ camphoræ inferunt.

20 Quodsi ergo ejusmodi symptomata a camphoratis remediis forsan concitata fuerint, tunc sane illum effectum magis calidioribus essentiis atque elixiriis, quibus camphora adjecta fuit, quam ipsi camphoræ adscribendum jure censendum est. Camphora certe propter partium tenuitatem, quæ pollet, cito e corpore avolat & intime poros subiens eosque obsidens, animando fibras inertes & relaxatas, non modo expeditiorem sanguinis & humorum cursum facit, sed & transpirationem valide adjuvat, tubulos obstructos aperit & peregrinas atque naturæ alienas partes expellit. Quod autem usum internum camphoræ nonnulli reformident, eo quod venerem sopiat atque exstinguat, id minime experientiæ est consentaneum. Novimus potius camphoram naturam roborando cupiditatem coeundi concitasse. Et notatu digna sunt, quæ clarissimus Pauli in *Obs. 235. M. N. C. Dec. I. A. VI. & VII. prodidit*: est, inquit, in vicinia juvenis vegetus & sanus, cui meo jussu in omni fere cibo ac potu camphora per aliquot septimanas a matre data fuit, ipse tamen minime recessit ab indole sua puellarum amantiissima.

21 Nos ea sumus in sententia, quod in universo rerum naturæ sinu vix ullum reconditum sit simplex, quod ad submovendam de corpore malignitatem, cujus naturam in penetranti putredine tam solidarum, quam liquidarum partium reponimus, non detur ipsa camphora præsentius. Quare jure meritoque alexipharmacorum princeps dici meretur. Deinceps ad contagii sive maligni miasmatis morbifici vim infringendam, illudque mox ab initio de corpore propulsandum summum camphora est remedium. Morbi enim, qui ex contagio nascuntur, ex putrido quodam vapore seu halitu in interiora corporis suscepto fiunt, qui cum salivali lactice in ore mixtus descendens ad ventriculi & intestinorum sinum humores ibi stagnantes ad fermentationem subeundam faciles, ut sunt biliosi & salivales, penitus corrumpit, ipsisque putredinem inducit, quæ postea fluidum corporis nostri tenuissimum, quod maxi-

me in membranis, nervis & fibris habitat, contaminat, unde solidorum vis motrix, tonus & robur perit, quod summa virium convulsio denotat atque sic humores & sanguis tardius modo circulantur, sed & ad sphacelofam corruptionem inclinant.

22 Quicumque itaque malignos contagiosos a corpore arcere vult morbos, is vel ipsum putridum miasma vel quod ab ipso corruptum fuit ex corporis nostri sphaera propellere omni studio atque opera nitatur. Nihil verò ad hoc præstandum aptius est camphora, utpote quæ oleo penetrantissimo omnes corporis poros pervadit, ipsasque fibras motrices, a quibus solida componuntur, citra augmentum caloris armat, quo fit, ut fluida corporis promptiori cursu per omnes tubulos corporis ferantur, inde stases corruptivæ non modo impediuntur, sed & illud tenue putridum sanguini admixtum per glandulas & poros subcutaneos, velut congruum omnis decrementi spirituosi tenuis emunctorium, expellitur. Unde etiam veteres ejus virtutem in malignis mirabilem agnoverunt. Quam ob causam non modo *electuarium antipestilentiale Kegleri*, sed & *pulverem Pannonicum rubrum*, cujus virtus, quæ ab admixta camphora maxime dependet, in malignis expellendis febribus semper plurimi habitæ est, ingreditur. Habet quoque camphoram *mixtura simplex Paracelsi* & *famigeratissima Michaelis bezoardica tinctura*, de qua tamen monendum ducimus, quod, si commotio sanguinis ab ejus usu paulo concitator fiat, is effectus non tam camphoræ, quam potius aliis admixtis radicibus calidioribus & ingredientibus debeat adscribi. Quam potens camphora sit in sphacelo partium externarum, quam profunda inflammatio minatur, avertendo remedium, vel medicæ artis & chirurgicæ elementa edoctis haud ignotum est. Quod si igitur tanta ejus laus est in sphacelo partium externarum avertendo, quidni etiam ejus usus internus ad interiorum sphacelationem viscerum præcavendam eadem ratione proficius sit? Quum vero rationi etiam ipsa experientia optima veritatum medicarum magistra adstipuletur, merito concludimus camphoram in omnibus malignis putridis morbis inque ipsa & jam peste omnibus alexipharmacis esse præferendam.

23 Huic nostræ sententiæ primo adstipulatur Mindererus in *Lib. de Peste Cap. XV.* dum, inquit, nostris laudibus insigniter prædicanda venit camphora: non mirabile

modo, verum etiam forte & efficax alexiterium est. Modum operandi ita explicat: *interno nostro calore mæx ignita & in corporis quasi meditullio flagrans inquinatos spiritus eosque terreos ac fædo miasmate pollutos, aut inspiratos veneni tabe aliqua contaminatos halitus jam cordi vicinos ac circa præcordia hærentes exurit & sicco plane ac igneo calore perurens partem expellit, partem combustionem absunit, partem corrigit, atque emendat, partem per sudorem pellit.* Neque Johannes Crato in *Epistolis medicinalibus* a Schulzio editis pag. 103. diversæ est sententiæ, sed potius hanc confirmat ita differens: *adversus pestem multa, quæ pro certissimis habentur, fallacia sunt, camphora omnia remedia excellere re comperi.* Et idem auctor loc. cit. sequentis utitur in febribus malignis pulvere, qui ex bolo armenicæ drachma una, camphoræ scrupulo uno, ambre gryseæ granis tribus conficitur. Subscribit huic etiam Fernelius *Lib. X. Methodi medendi Cap. 21.* ubi camphoram malignos calidos vapores extinguere statuit. Zwingerus in *Epistola ad Monavium inter Schulzianas num. 246.* camphoram cum spiritu vini solutam in peste & malignis mirifice commendat. Hartmannus vero in *Pract. Chymiatr. pag. 364.* aqua antipestilentiali in peste 1629. grassante magno cum fructu usu est & edidit hac de res Germanicum scriptum; descriptio vero hæc est: *Rec. spiritus vini optimi libram unam, camphoræ unciam unam, croci orientalis scrupulum unum, solvatur & spiritus vini fiat aurei coloris, qui ad cochlearia aliquot dandus est.* Hujus spiritus largiorem dosin suadet Scretæ in *Tract. de febr. pestilent. pag. 296.* cum primis instante crisi in malignis, & quod miraculum præstiterit adfirmat. Vidimus quoque ex *manuscriptis Wepferi*, illum in malignis ad drachmam semis pro dosi summo cum fructu exhibuisse.

24 Nullus vero facile fuit, qui majori dosi felicius illa in malignis & petechialibus febribus usus fuit ipso Riverio. Neque alienum erit hoc loco notabiliora circa ejus usum ex *observat. & Histor. Riverii* recensere. *Cent. I. Obs. 24.* hunc casum insinuat: *juvenis sexdecim annorum, febre maligna laborans, maculis violaceis conspersus cum delirio & alvi fluxu sumsit camphoræ grana duodecim cum pulveris sudoriferi scrupulis duobus, copiose sudavit, delirium cessavit, alvi fluxus imminutus est, & optime se habuit.* Et porro *Cent. I. Obs. 29.* hunc casum adfert: *juve-*

juvenis febre maligna cum exanthematibus laborans die nona moribundus visebatur. Dedi pulveris diaphoretici scrupulos duos, camphoræ grana duodecim cum aqua cardui benedicti, & rectus in lecto mansit per duas horas, non sudavit, vesperi tandem portio fuit iterata & copiose sudavit, multo melius habuit & convaluit. Denique Cent. II. Obs. 18. hic casus proponitur: vir quadraginta annorum febre maligna cum maculis lividis, hæmorrhagia, pulsu parvo & frequenti laboravit, præscriptus fuit hic pulvis: rec. salis prunellæ unciam semis, camphoræ semi drachmam, misce: divide in quatuor doses, quarum unam accepit singulis tribus horis, mane multo melius habuit, jussit iterari pulverem & eodem die a præsentaneo vitæ periculo liberatus est, ac paucis postea diebus convaluit. Et Obs. 62. Cent. II. hic casus legitur: juvenis viginti quatuor annorum febre maligna laboravit cum delirio, & circa undecimum diem motus tremuli & convulsivi nervorum visi sunt, administrata fuit venæsectio in fronte & dati fuerunt pulveres ex bezoardico minerali ad scrupulos duos, camphoræ grana duodecim cum aqua cardui benedicti ad uncias duas & evasit. Et Cent. II. Obs. 64. hunc nobiscum communicat casum: mulier quinquaginta annorum febre maligna cum maculis latis violaceis octavo die portionem diaphoreticam supra laudatam sumpsit & addita est ventri & pectori cum spongiis, pulsus inde factus est validior ac magis ordinatus & die undecimo parotis apparuit, quæ in suppurationem transiit & convaluit. Et Cent. 2. Obs. 73. idem sequenti confirmat observatione: filia viginti annorum febre laborans maligna, accessit circa undecim diem delirium cum contractione nervorum in carpis manuum & lipothymia, ordinatum fuit julapium ex aqua cardui benedicti uncias tribus, aquæ theriacalis drachmis tribus, bezoardici mineralis scrupulis duobus, camphoræ grana sex, qui julapi per biduum usurpati fuerunt, mane & sero hoc remedio intra paucos dies convaluit.

25 Ex his adductis jam liquidissimum est, camphoram in malignis præsertim eo tempore, ubi corpus critico motu in eo, quod ipsi inimicum ac perniciosum est, expellendo occupatur, salutarem opem adferre, nulloque dubium est, quin laudatissima nostra camphora adversus pestem tantopere commendatis omnibus remediis, modo debito tempore, quod caput praxeos medicæ

est, exhibeantur, sit superior. Quam eximia laus oleo sic dicto pestilentiali Heinssii, cujus basis camphora est, constiterit, obscurum esse nequit. Huic viro statuiam Romæ ob præxim feliciter in peste gestam erectam fuisse communis est doctorum traditio.

26 Secundum nostram sententiam, si ulla medicina præsertim camphora multum in peste præstare potest, modo non præpostere, sed recte & ordine habita circumstantiarum & temporis ratione ipsa utamur. Neque enim incognitum est, præsentissimam adversus quendam morbum medicinam minus recte & inconvenienti tempore datam maximum nocumentum adferre, sicuti id clarissime in exhibitione chinæ chinæ ad curandas intermittentes animadvertimus. Inter fortissima alexiteria a viris doctis atque eximiis medicis camphora numeratur, quia putredini mirifice resistit, sed quod non semper expectationi & spei conceptæ effectus respondeat, hoc non remedio tanquam clavæ Herculis, sed medico, qui Herculis clavam tractare ignorat, adscribendum esse jure meritoque censemus. Nos hujus sumus sententiæ, delinqui maxime in eo, quod camphoram in peste, in exili admodum dosi, præscribant & majorem reformident. Deinde, quod calidioribus elixiriis & essentiis oleosis ipsam admisceant. Tum quod non convenienti tempore eam exhibeant. Nos sub invasione vel prima accessione mali neque minus circa criticum tempus ejus usum convenientissimum judicamus, præsertim si cum acidis seu vehiculis administretur. Hunc in finem in pestilentialibus febribus sequentem mixturam etiam atque etiam commendamus: sumatur nempe aquæ acetosæ & cardui benedicti ana uncia una, bezoardici mineralis drachma semis, camphoræ grana sex, syrupi acetositis citri uncia semis, detur pro una dosi.

27 Præterea visitur adhuc in camphora alia nobilis virtus putredinem & malignitatem lentam quidem, sed admodum pernigiam ex corporis nostri sphaera propulsandi: talis est, quæ ab impuro coitu lymphæ succis vitalibus & postea solidis partibus ossibus quoque affricatur. Exiguum quidem, sed potentissimorum omnium venenorum more est illud elementum, quod & virulentam gonorrhæam & luen sic dictam veneriam ejusque atrocissima symptomata suscitât, intima corruptione & putrefactione succos præsertim lymphaticos contaminando.

Præcipuum igitur curationis momentum etiam in eo consistit, ut putredinem exterius susceptum miasma prima quasi in herba suffocemus, illudque citius e corpore expellamus; neque minus id quod putridum & corruptum fuit, a vitalibus succis separemus. Huic vero scopo obtinendo diu jam dudum ex omnibus naturæ regnis remedia quæsitæ & excogitata fuerunt: num vero camphora præsentius & excellentius adhuc fuerit reperi- tum, ipse usus, atque experientia addocet? Profecto summa in camphora ad gonorrhœam etiam veterem, item luem veneream ad ex- stirpandam medicina recondita est, qua om- nes mercuriales salivationes lignorumq; de- cocta balneaque laconica omniaq; alia sunt in- feriora. Neque ita pridem a medico, cui fides in- dubia habenda est nobis relatum est, quod, præ- misso conveniente alvum ductorio remedio, sola camphora soluta in axungia viperarum ad diram hanc luem persanandam suffecerit, id quod plurimis experimentis & exemplis ille edoctus asseveravit. Crediderim tamen mer- curio fixato, qui sola diaphoresi agit, cam- phoram decenti dosi adsociatam in tollenda luis hujus atrociam majores adhuc præstare effectus. Hoc certa experientiæ fide confir- mare possumus, quod in gonorrhœa curan- da inque luis venereæ principio nihil præ- sentius camphora deprehenderimus; quare etiam non sine ratione essentiis & elixiriis contra gonorrhœam balsamicis, quæ ex O- pobalsamo, balsamo de copaiba, balsamo de Peru, balsamo de Mecha, resina ligni aloes, gummi Guajaco cum spiritu vini tartarifato præparantur, camphora adjicitur, utpote quæ mirifice horum virtutem acuit atq; in- cendit, inque roborando glandularum tono & statibus corruptivis abigendis mirabilem efficaciam exserit.

28. Deinde camphora non datur excellen- tius remedium contra internas inflammatio- nes, quæ sphacelum & interitum, si gra- viores fuerint, inque membranosis partibus maxime consistunt, minantur & maximum periculum alunt. Felicissimo vero connubio tunc conjungitur cum nitro, nam solam camphoram in inflammationibus, quibus maximus æstus junctus est, non facile sua- derem. Etenim, ubi magnus fervor urget, spasmus plerumque constrictæ sunt fibrillæ, & poris cutis clausi ac coarctati: his aper- tis & spasmus sedato mox sudor fuit secutus. Quam vero id felicissime exsequatur ipsi nitrum, hinc quoque mirum refrigerat &

hoc modo efficit, ut camphora felicius & obstructionsolvere & materiam vitiosam in partibus inflammatis stagnantem discute- re possit, metus enim est, ne poris arcte clausis & cute aridissima existente campho- ra interne quidem multum commoveat, sed parum vel nihil prorsus promoveat. Quare in febribus continuis, quæ fere omnes ali- quid inflammatorii habent, itemq; etiam in inflammationum generibus ceteris, in pleu- ritide, phrenitide, angina, inflammatione uteri magno cum fructu semper camphora cum nitro mixta, adjecto pulvere bezoardi- co, in artis exercitio usus sum, ubi mox ab eorum adsumptione ratione æstus, delirii, si- tis & vigilæ ingens alleviamentum secutum est. Tales quoque nitrosos & camphoratos pulveres acutus pariter ac prudens *Belgii medicus Craen* in frequentissimo habuit usu, ut ex ejus *Praxi medicinae reformatæ* adpa- ret. Ita in phrenitide & mania hunc pulve- rem laudat; fume lapidis prunellæ gran. 15. camphoræ grana quatuor vel quinque, lau- dani opiatæ semi granum, misceatur & fiat pulvis. *Ab hoc pulvere*, scribit, p. 132. loc. cit. miras aliquando vidi operationes in phre- nitide & mania ita, ut agri ipsi mutatio- nem admirarentur. In pleuritide & peripneu- monia camphoram cum spiritu nitri vel et- iam ipso nitro & aqua papaveris rhœados mire quoque commendat: *conf. pag. 197.* & in renum inflammatione lapidem prunellæ ad grana duodecim cum camphoræ granis quatuor miscet & præscribit: *conf. pag. 207.* & in febre continua pro siti sedanda grana tria camphoræ pulveribus addenda esse sua- det & talem pulverem in febre pestilentia- li cum bezoardico minerali quoque commen- dat.

29. Denique camphora in hæmorrhagiis valde periculosis & enormibus, præsertim, quando febribus malignis junguntur, miras præstat vires. Hac de re elegantem locum habet *Raygerus in Observationibus medicina- libus observ. 20.* ubi ita scribit: Nihil fre- quentius apud nos est in variolis, morbillis, & febribus petechialibus, quin & ipsa præ- terita anno 1679. peste, quam hæmorrhagia- narium quandoque in statu morbi superveniens & quoniam rarius critica, semper, imo sa- pius symptomatica morbum non solvit, sed potius exanthematum eruptionem impedit, spi- ritusque dissipat, agrumque debilitat, hinc omnibus modis sistenda, vix autem melius & magis adpropriatum inveniri potest, quam

Sper-

Sperniola Crollii, cujus miram efficaciam semper tuto & optime sum expertus. Et confirmat hanc adsertionem observationibus ann. 1685. In hyeme puella duodecim annorum petechiis laborans corripitur hæmorrhagia narium, quam cum domesticis remediis reprimere non potuissent & tota nocte sensim ita stillasset sanguis, mane vocatus ego, obstupui conspecta quantitate sanguinis, tunc cum gossypio pulverem ex colcothare vitrioli, sanguine Draconis & terra sigillata consperso obturavi nares & exhibui sperniolam ad scrupulum unum & post tres horas rursus, & tertia vice reiteravi, sic sanguis non modo substitit, verum & petechiæ jam disparentes erupere, sensimque puella convaluit & adhuc vivit. Et porro anno præcedenti vocatus sum ad feminam, in quartum diem febre acuta maligna detentam, mane insuper abortum passam, huic circa vesperam hæmorrhagia enormis supervenit, ut usque ad nonam noctis plus quam duæ libræ sanguinis effluerint, cum valde debilis esset, exhibui statim Sperniolæ scrupulum unum cum aliquot granis Coralliorum præparatorum, at nares obturavit gossypio atramento scriptorio imbuto, ita effecit, ut intra breve tempus sisteretur. Jussi, ut singulis tribus horis pulvis reiteretur, sic hæmorrhagia totaliter emansa & illa convenienter tractata convaluit. Nec in hæmorrhagia narium solum, verum & in hæmoptysi optimum ejus successum idem auctor expertus est. Componitur vero hoc medicamentum ex myrrha electa, thure, sumendo uniuscujusque unciam unam, ex croci granis quindecim, ex camphoræ drachma una & dimidia, qui pulvis aqua spermatis ranarum vigesies vel trigesies irroretur, ita tamen, ut semper prius sponte exsiccetur. Confectio de Hyacintho ejusque species laudantur etiam in nimis hæmorrhagiis, in malignis morbis & aliis, utut compositio, ex pretiosis adeo lapidibus conflata, curiosa videatur, quicquid tamen præstat potissimum camphoræ intermixtionem adscribendum. Heurnius ad omnem sanguinis fluxum maximo cum successu semper propinavit sequentem pulverem in notis ad aphorism. Hippocr. Recip. seminis papaveris albi, hyosciami albi cujusque drachmam, hæmat. coralli. rubr. cujusque semidrachmam, camphoræ scrupulum semis: sumat mane & vespere semidrachmam. Craen in Praxi reformata in narium hæmorrhagia sequentem pulverem maxime commendat: rec. lapidis pruellæ scrupulum unum, camphoræ grana tria

usque ad quinque, laudani opiatum granum unum: item rec. boli Armeniæ, terræ sigillatæ, cujusque grana quindecim, camphoræ grana quatuor. Camphora vero cum nitro in omnibus hæmorrhagiis magnæ est efficaciam, eam maxime ob rationem, quod graves hæmorrhagias, si a causis internis profiscantur, nempe a viscerum & mesenterii spasmis & constrictionibus, tanquam egregium antispasmodicum cohibeat. 30 Præterea camphora in discutiendis flatibus, qui hypochondriaca, hysterica & colica passione correptos sævissimis sæpe symptomatibus torquent, mirabilem præstat opem. Dici vix potest, & quotidiana id indicat observatio, quantam truculentiam in ventriculo & intestinis detenti atque incarcerati exerceant, nimia enim tunicarum sensibilibus expansione & distractione maximas angustias, anxietates, spasticas nervosarum partium constrictiones, quas excretionum suppressæ & extremorum frigora insequuntur, non sine ingentis periculi & mortis metu concitant. Nihil hic opportunius est, quam ut penetranti medicina tonum ventriculi atque intestinorum dejectum, qui plerumque flatuum causa est, restauremus, quo vividiori reddito, non modo flatuum, sed & humorum aliorum excrementitiorum ibi hærentium copia feliciter foras eliminatur. An vero quid præstantius ad hunc scopum obtinendum ipsa camphora cum nitro mixta inveniri possit, est quod merito addubitemus, sicut enim nitrum cum camphora in pluribus casibus felicissimum inest conjugium: ita maxime id fit, ubi carminativam vim exercere debet, quia solum nitrum relaxando spasmos & biliosam acrimoniam partiumque calidam intemperiem temperando in vehementibus colicorum tormentis miracula præstat, multo magis vero, si felici copula jungatur camphora. Meretur vero hoc medicamentum longe majorem laudem atque palmam, quam aliud ullum ex calidioribus præsertim concinnatum carminativum, eam ob causam, quod citra interni fervoris augmentum operetur, quæ virtus aliis calidioribus, in flatibus discutiendis negata est. Varia vero forma ac modo in talismodi casibus camphora poterit exhiberi, vel enim in liquidam aut solidam formam redigi poterit, si illam desiderans, sequens formula selectissima laudem meretur: Rec. tincturæ tartari, essentia corticum aurantium recentium, spiritus nitri dulcis cujusque drachmas

chmas duas, camphoræ grana decem, misceantur, dosis sunt guttæ quinquaginta vel sexaginta, singulis duabus horis sumendæ. Si vero spasmi truculentiores urgeant, tunc castorina, ejus nempe essentia vel extractum admisceri possunt. Pulverem si expetas, ille sequenti modo concinnari potest: rec. lapidum cancrorum, antimonii diaphoretici, nitri purificati cujusque drachmam unam, camphoræ grana decem, olei chamomillæ vulgaris non adulterati vel olei millefolii guttas sex, misceantur, fiat pulvis, dosis est drachma semis: Hæc duo magnarum virium sunt remedia, quæ in hysteriis compescendis pathematibus omnes fere numeros absolvunt. Etenim hæc ipsa præter virtutem roborantem & flatus discutientem simul sedativam & anodynam habent, quæ in talismodi casibus est desideratissima.

31. Est præterea camphoræ alia adhuc laudatissima virtus atque efficacia infusa, nempe sanguinis excretiones consuetas & naturæ solennes promovendi. Haud ignotum in foro medico est, quam gravia symptomata suppressas vel deficientes ordinarias sanguinis periodicas, in plethoricis præsertim foeminis evacuationes sequantur, cum nihil certius, præsertim & celerius statum sanum in deterius commutare his ipsis possit. Neque vero tam facilis res est, medico, opportuna medicina in ordinem talimodi salutare excretiones restituendi. Fateor vero ex omnibus tantopere ad id perficiendum laudatis remediis, nihil camphoræ esse excellentius, præsertim, si cum balsamicis & antispasmodicis specificis, quorum virtutem non parum accendit & auget, misceatur. Nostri moris est, hac uti mixtura: rec. essentia myrrhæ electæ, succini cujusque drachmam semis, essentia croci, castorei cujusque drachmas duas, camphoræ drachmam semis, quæ mixtura, præmissa venæsectione atque alvi-ductione, circa instans mensium tempus frequentius usurpata eximio erit usui. Observavimus scilicet a frequenti & continuato camphoræ usu sanguinem antea crassum longe tenuiorem & fluidiorem redditum fuisse. Observavimus quoque homines obesos & ferro turgidos quodammodo macilentiores factos fuisse evidenti argumento, hanc medicinam egregie humores crasos & stagnantes attenuandi & dissolvendi virtute gaudere.

32. Est denique usus camphoræ singularis atque eximius in morbis, qui vesicam infestant, quales sunt dysuria, stranguria, qui

ut plurimum vel a vesicæ calculo, vel a viscida tartarea in ejus cavitate stagnante saburra, vel a seminali lymphâ corrupta & acri facta nunquam non proveniunt. Etenim a læsione substantiæ vesicæ putridus quidam corruptus fit humor, qui urinam præcipitat, ipsamque putridam efficit, quæ postea eximio sensu præditam urethram membranofam lancinat atque dolore adfligit. Ad putridam igitur in vesica & urethra stagnantem materiam summovendam fortiori quodam roborante & stimulante opus est. Johann Croeneveld Anglus medicus tractatum edidit Londini anno 1703. de tuto cantharidum in medicina usu interno, qui in vesicæ vitiis, in ejus calculo, in gonorrhœa quoque virulenta cantharidum pulverem cum aliquot granis camphoræ mixtum præscribit, ejusque insignem utilitatem non satis dilaudare potest. Cantharides solæ & sibi relictæ ob sal, quo pollent, tenue, penetrans, causticum validissime vesicæ partes nerveo-membranosas stimulant, & impactum viscidum, acrem humorem excutiant, quia vero metus est, ne inflammationem vel vasorum apertionem efficiat, camphora adicitur, quæ causticæ vehementiæ non modo optima correctrix est, sed & stases inflammatorias impediendo faciat; quominus periculosa inflammatio subsequatur. Etenim camphora non tantum vehementiorum diureticorum, quæ erodente sale prædita sunt, vehementiam mitigat atque castigat, sed & valentioribus acribus, purgantibus, quæ simili caustico acri sale agunt seu summum correctorium quam opportune admiscetur, utpote omnia cathartica, si pauxillum camphoræ ipsis adiscitur, longe mitiorem naturam ac facultatem induunt.

33. Hisce jam diductis ac demonstratis, quod camphora sit securissima medicina, reliquum jam est, ut de ejus utendi ratione monita breviter adjiciamus. Quemadmodum vero nullum optimum etiam medicamentum semper juvat, quin potius improvide & in tempestive datum nocet, ita etiam nulla hac in re camphora gaudet prærogativa. Nam & ratio dicitur & experientia confirmat, quandoque oriri ab ejus improvido usu anxietates circa præcordia, cephalalgias augeri, appetitum destrui. Fit hoc maxime in iis, qui infirmioris sunt naturæ & facile a levi mutatione læduntur. Accidit quoties in iis, qui capitis & cerebri vasa sanguine & humoribus repleta habent, seu ubi inæqua-

lis humorum circuitus est, & cum impetu sanguis forsan propter membranarum & vasorum atoniam ad caput ruit, quod ex facie tumida & rubicunda, dolore capitis gravativo, vertigine, torpore, somnolentia adparet. Quo casu utique omnia volatilia & vaporosa spiritiosa præsertim in majori dosi exhibita nocent. Quare etiam paralyticis, epilepticis & convulsionibus diris afflitis cum cautione & parca manu sunt concedenda. Neque minus congrua præsertim in excessiva dosi sunt plethoricis & repletis corporibus, utpote motum intestinum, in humoribus, quorum liberior cursus ac iter impeditur, efficiunt, & ut dici solet, movent, sed non promonent, hinc anxietates & inquietudines vel producant vel augent. Neque in alvi adstrictione utilia sunt, quia fibras intestinales fricando nimium efficiunt, quo alvus tardior descendat. Denique in omnibus acutis, ubi omnia interius fervent & ardent, humidumque deficit, cutis sicca & torrida & omnia constricta sunt, ea remedia, quæ motum intestinum augent interius, nequaquam locum inveniunt. Præstat etiam tali in casu lenissime agere & naturæ potius frenum, quam stimulum injicere: nam in acutis nihil præcipitandum est, sed omnia moderate ac tempestive sunt agenda. Quapropter in horum morborum augmento vel statu cautissime procedendum est. Tutius in principio vel instante crisi, si natura eget stimulo vel sub declinatione, locum habent.

idoneum adpræbet. Singulis terris olim sua suffecerunt remedia, non autem, postquam peregrina alimenta & condimenta nobis placere cœperunt, nostra etiam spernimus remedia & foras remota, prioribusque seculis ignota, summo studio ac labore repetimus. Et sane, si verum fateri licet, nulla ex ceteris nationibus, majorem sibi in hac parte sumsit licentiam, quam Germanorum genus, quibus nulla erga matrem naturam est fides & constantia. Quot alimentorum, condimentorum, potuum v. g. Thee, Coffee, Choccolade species, etiam sanitatis titulo inventæ sunt? Equidem non omnem detrahere laudem hisce volumus, sed saltim hoc urgemus, dari meliora & salubriora, & elementorum affinitate naturæ magis congrua in nostris terris, quæ aspernamur, & nihili habemus nobisque sordent; adeo ipsarum rerum saporem amisimus, ut nihil fere palato accidat gratum, quam quod male emptum, & ex dissitis ac extremis regionibus allatum barbaræque nomenclaturæ titulo fulgeat. Hoc ad medendum longe efficacius creditur, stolidi phantasia vires vel augente vel imminuente. Habemus ante oculos herbas efficacissimis virtutibus & dotibus instructas, minimeque ingratas, quas pedibus calcamus, quibus ignotas & ex externis regionibus allatas præferimus; cum tamen ipsæ Indorum gentes illorum usum magni faciant, & magno pretio ob hanc causam sibi adferri curent. Placet jam unicam veronicam assumere, quæ non pares saltim, sed majores, cum ipsa herba Thee, recondit virtutes. Hujus infusi vires, liquore herbæ Thee adhuc superiores, dissertatione hac recensere nostri jam est instituti, simul istius herbæ elementa chymico igne eruta tradendo, accuratius observationes quasdam de hujus infusi viribus insinuando.

2 Ante omnia vero necesse erit, ut moneamus, quid sub infusi veronicæ nomine intelligamus, quo minus neglecta nominis evolutio difficultatem vel obscuritatem quandam pariat. Per veronicam intellectam volumus illam spicatam terrestrem perennem supinam vulgarem foliis serratis secundum Morison flore albo & cœruleo nitentem herbam, quam Germanice *Ehrenpreis* nominant. Infusio autem sive infusum secundum Schræderum, audit liquor qualitatibus medicamentosis, sola maceratione imprægnatus, & differt a decocto, quod in hoc coctione extrahuntur, in illo autem sola digestionem

DISSERTATIO X.

DE

INFUSI VERONICÆ EFFICACIA PRÆFERENDA HERBÆ THEE.

§. I.

Detestandus Europæorum, maxime Germanorum mos est, quo remota & exotica magis æstiment, & suis indigenis & domesticis, longe sæpe præstantioribus præferant. Natura sui ubique est custos, cuique terræ sufficit, & uti dat alimenta, sic quoque remedia, hacque ratione omnibus nationibus, quod & ad alendum & sanandum est

Hoff. Opusc. varii argum.

N

& ma-

& maceratione calida virtutes medicamentosæ eliciantur. Uti autem infusiones apud medicos variis liquoribus; nimirum vino, aceto, aquis destillatis, liquoribus salinis, aqua communi adornari solent, sic nostrum infusum veronicæ sola aqua simplici, eaque calidissima, facta in illam sufficiente injectione herbæ exsiccatæ, peragitur per exiguum saltem tempus digestio ac extractio fit facilisque aquæ tinctura, non secus, ac in præparatione herbæ Thee fieri assolet. Omnibus vero aliis infusum ex hac herba paratis medicamentis & præsertim illius spiritibus, essentiis præferimus; nam licet puriores sint, vehementius tamen ægros offendunt, & spiritibus corporis nostri vim faciunt, cum e contrario infusa moderate agant. Longe quoque præstabilius ejus decoctio, quippe in hoc, fortiori calore admoto, particulæ volatiles subtiles ipsius plantæ in auras diffillantur, crassioribus ac magis terrestribus a nexu aliarum dissolutis, inque ipsum liquorem coactis, quæ non parum vires ipsius infringunt atque imminuunt. Ob hanc quoque rationem rhabarbarum, & folia sennæ calidæ infusa, longe felicius vim suam purgantem exserunt, quam si cum eadem aqua decoctionem fuerint passa, particulis terrestribus identidem salis purgantis acrimoniam multum obtundentibus. Folia asari in infusione aquæ calidæ vomitum, decoctione autem diaphoresin movent laudabilem. Herba Thee, fortiori in aqua coctione, adstrictione facultate brunoque colore illam imbuunt, minusque grata evadit. Quare sale subtili sulphureo, quæ pollent, magis infundenda, & quorum virtus in principio resinosa, terrestri, acido residet, magis coquenda esse, regula docet pharmaceutica. Adeo ejusdem medicamenti vires & usus, ratione diversæ præparationis modi variant.

3. Quod usum nostræ veronicæ attinet, illam infundi solum jubemus, non enim decoctionem videtur admittere, partim ne substantia sua volatili summe æstimabili defraudetur, partim ne moleculæ fixiores terrestres indolis, coctione nimis evolutæ solventis poros subeant, sicque activitatem medicamentosam infringant. Optime autem hæc infusio in decenti & cooperto vase instituitur, quo particulæ evaporabiles spirituosæ custodiantur, mox aqua elegantissima flavelline tingitur, & saporem non ingratum, leniter subamaricantem exhibet. Sorbetur

hæc infusio calidissime, cum vel sine saccharo ad mensuram unam, vel saltem dimidiam, in loco temperato blandum sudorem expectando; paucis eadem præparatio, idem modus utendi veronica est, cum ipsa herba Thee.

4. Ut autem infusi hujus virtus dilucidius innotescat, & ejus vires commendabiles evadant, necessum est, ut prius elementa ipsius herbæ paulo penitus examinemus, illamque diligenti tractatione chymica, ac mistionum cum variis liquoribus versemus, quo operationis fons eo liquidius pateat. Quemadmodum autem quævis universi hujus corpora, ex diversis ratione figuræ, magnitudinis ac motus, particulis constructa deprehendimus, sic quoque veronica nostræ particulis non homogeneis, sed variis ratione magnitudinis seu molis, figuræ & situs constat. Quænam sunt volatiles, spirituosæ, celerius evaporabiles, eæque in minutissimas superficies divisæ sunt, quare promte subtilissimi ætheris aut aeris motui, vel calori obsecundant. Compertum enim est ex mechanicis, physicis, nulla corpora proprio modo ascendere, sed ab ambiente extrinseco fluido graviore sursum pelli, hinc particulas veronicæ volatiles, ipsius atmosphæræ particulis leviores esse firmissime statuendum esse videtur, certum est, veronicam innumera effluvia in auram emittere, nec minus odor & destillatio veronicæ recentis de particulæ subtilissimarum levitate ac copia testatur.

5. Porro particulas salinas variæ figuræ nostræ herbæ inexistere, exinde patet, quia magnam copiam salis fixi, si decenti combustionem tractatur, largitur, nec herba, solo absynthio excepto, facile invenitur, quæ majorem copiam salis fixi præbeat. Nostra herba retortæ indita, si igni aperto committitur, fundit liquorem salinum subacrem, empyreumaticum, qui cum acido affuso nullum quidem edit conflictum; attamen effectum alcalinum undequaque edit, dum syrupum violarum cœruleum, viridi tingit colore, quod omnibus alcalinis est solenne, ipsiusque proprium, & solutionem mercurii sublimati præcipitando, colore subflavo imprægnat. Carbonibus vivis ipsa herba injecta, fumum exhalat salino-volatilem, qui mirifice nares, & oculos ferire ac afficere solet. Porro hæc herba in solutione salis tartari prius macerata & destillata, præbet liquorem cum oleo empyreumatico, mere alcalinum acrem sal vola-

volatile spirantem. Sulphureas inflammabiles partes in veronica oleum indicat, quod ex destillatione emergit, idemque plantæ combustio. Et notabile est, infusioni veronicæ flavo colore tinctæ si injiciatur oleum tartari per deliquium, vel spiritus salis ammoniaci urinosus, quod mixtura longe clarior evadat & color magis exaltetur. Omnia quippe alcalina singulari colore exaltandi ac diffundendi vi pollent, dum in texturam sulphuream, illam rarefaciendo, & lucis radios varie modificando agunt. Sic tincturæ rhabarbari, aloes, myrrhæ, addita debita quantitate olei tartari per deliquium, rubicundissimum induunt colorem. E contrario acida, uti nonnullos colores exaltare solent, sic quoque plures destruere apta sunt, & idem contingit circa nostram infusionem, cui, maxime si imprægnata fuerit ante liquore alcalino, affusum acidum omnem adimit colorem, ita ut pene limpida & clara evadat.

6 Principium terrestræ in veronica arguit, præter lenem adstrictionem & amarorem, etiam calor nigricans, qui ex mixtura infusi nostri cum solutione vitrioli emergit. Experientia quippe mechanico-chymica ostendit, quæ particulis terrestribus facile solubilibus constant corpora, uti gallæ, terræ catechu, radix tormentillæ, lignum aloes, illa soluta ad mixturam vitrioli atramentosum induere colorem. Et quoniam eadem corpora, solutioni mercurii sublimati remixta, illam obscuro-brunam reddunt, idem quoque cum nostra veronica, & herba Thee tentavimus idemque successit effectus, manifesto indicio; plures terrestres solubiles partes continere nostram herbam.

7 Ex hisce jam adductis clarissime efficitur, plantam nostram ratione divisionis ex corpusculis variis, nimirum volatilibus, levissimis, mediis, & fixioribus, terrestribus esse conflata. Particulæ quippe quo magis sunt divisæ, eo volatilitatis statum, quo minus divisæ, eo fixitatis indolem lubentius induunt. Subtilitatem particularem effluvia & odor testantur: fixiores partes, ipsum sal fixum, cineres; medias, particulæ sulphureæ salinæ solubiles sufficientissime demonstrant. Quoniam autem diversa hæc principia non inæqualiter invicem mixta sunt, sed laudabilis harmonia & æqualis illorum proportio ubique apparet; hinc non sensibile prædominium qualitatis cujusdam in sensus cadit, nec sapor, nec odor, qui alias elementorum illo-

rumque variæ mixturæ indices ac productrices sunt, nimis excessivus est, hinc etiam ejus infusio non facile creat nauseam, sed palato, modo ipsi consuecamus, arridet, nam omnes potus qui fortiori odore imbuti sunt, facile nauseam parare solent, & ob id decocta & infusa herbarum cephalicarum, quæ sale oleoso turgent, v. g. salviæ, rorismarini, non adeo placent. Uno verbo plantæ veronicæ, ratione principiorum constituentium, illorumque qualitatum ac virium valde temperata est, quo titulo quoque ipsa herba Thee fulget & arridet. Omne autem temperatum naturæ nostræ admodum amicum, insensum autem & nocivum omne, quod excessiva facultate notatum est, hoc facillime in deteriorem partem, illo autem minime uti possumus. Non tutius nec gratius & ad sanitatis conservationem conducibilis datur remedium, quam quod amica temperie se commendat: temperata magis sunt domestica, principiis nostris vitalibus magis confinia, quæ harmonia & decenti temperie sustentantur. Temperata æqualem, nec tardum nimis nec nimis celerem humoribus injiciunt motum, in cujus æquilibrio vitæ nostræ ratio ac incolumitas præcipue consistit.

8 Examined sic veronicæ, quoad principia, indole, si jam comparisonem instituere velimus, cum herba Thee, haud difficulter demonstrare possumus, longe excellentiorem illam esse, multisque parasangis eam antecellere; utpote veronica longe copiosiores alcalinas particulas, quam ipsa herba Thee, alit. Falsum est herbam Thee sale volatili oleoso esse foetam, a quo, qui ejus virtutes educere vult, multum errat, talismodi enim salis volatilis oleosi, ne ullum quidem vestigium apparet; potius petendæ illius virtutes sunt, quicquid præstat, a sola calida aqua, & adstrictoriis terrestribus moleculis; siquidem herba Thee destillata exhibet non spiritum volatilem alcalina virtute præditum, sed subacidulum adstringentem empyreumaticum: fumi ejus per fistulam si hauriantur, austeritate sua gulam constringere solent. Latissime autem patet ejus virtus adstrictoria in decocto paululum inspissato, quod ad solutionem vitrioli in verum degenerat atramentum, non secus ac si gallarum infusio assumpta fuisset; extractum herbæ Thee propter virtutes adstrictorias alvum constipat, ejusque nimium fluxum cohibet, quod etiam annotavit D. Mandelslo in *Itinerario Indico* c. 9. p. 42.

9 Quicquid itaque herba Thee per se & sua natura præstat, id per particulas adstringentes copiosissimas præstare videtur. Nec absonum & rationi ineptum est, propter easdem adstringentes particulas alacritatem majorem spiritibus injungere, illosque ad promptiorem motum incitare: distributæ enim per intima sanguinis eadem particulæ, fibrarum ac nervorum dum ingrediuntur tubulos, illos sibi arctius jungunt, & strictiores reddunt, hinc illos tubulos angustatos paucior quidem spirituum animalium copia replet, compensatur autem propter angustias majores, majori illorum rapiditate, sicque, ob citatiorem spirituum motum, œconomix animalis functiones longe alacrius celebrantur. Compertum autem est, medicamenta adstringentia non eosdem, sed varias pro diversitate individuorum edere effectus & uni prodesse, alteri mire nocere. Illis, qui siccitate nervorum laborant, & quibus roscidum humidum deficit, adstringentia admodum infensa esse solent, magis enim nervorum tubuli occluduntur, & influxus spiritibus animalibus denegatur, sicqui paralyseos & apoplexiæ metus fit. Magis itaque æstimanda venit ipsa veronica, quæ præter subadstringentes, ceu vasorum tunicas roborantes, etiam copiosas alcalinas salinas particulas possidet, quæ magnos in debellandis affectibus edere solent effectus.

10 Quoniam autem tractatio nostra potissimum est de infuso ipsius herbæ, placet jam inquirere, ex quibus elementis illud ipsum constet, sive quænam principia ipsius plantæ, aquam, quæ infusioni servit, ingrediantur. Diximus superius, particulas terrestres, quæque majori gaudent superficie, non facile concedere in poros ipsius aquæ, nisi fortiore coctione comminutæ illorum interstitia subire cogantur; remanent itaque subtiliores salinæ alcalinæ & terrestres, prompte solubiles, quas lubentius recipit ipsa aqua, ceu menstruum simplicissimum ac potissimum, calore extractionem non parum adjuvante. Volatilium particularum portionem infuso inesse, evincit illius destillatio, quæ aquam veronicæ boni odoris & saporis præstantisque virtutis largitur. Ex hisce jam patet, veronicam recentem vel in umbra, aut sub charta circumspecte siccata, quod etiam de aliis herbis tenendum est, ad infusionem esse optimam. Pessimus pharmacopæorum mos est, locis vel hypocaustis calidis committere herbas ad siccationem, cum præcipua virtus, quæ

residet in sale volatili æthereo, avolet in auras. Quo curatius itaque nostra herba est siccata, eo meliorem depromit virtutem. Porro infusi magna quantitas, si debite inspissetur, postea aeri frigido exponatur, magna apparet in sua superficie sal tartariforme, haud ingrati amaroris & elegantibus striis emicans, virtute deterfiva ac aperiente se undiquaque commendans. Præter salinas autem in superficie contentas, apparent in fundo magmatis particulæ terrestres copiosissimæ.

11 Tria itaque in infuso elementa, nimirum particulas spirituosas volatiles, deinde salinas alcalinas, & terrestres adstringentes deprehendimus. Ratione volatilium infusum hoc in corpus haustum, & in sanguinem distributum, tam spirituum animalium, quam reliquorum minutissimorum corpusculorum, in lymphæ & sanguine consistentium, motum blande procurat & promovet, quia propter subtilitatem jus habet proxime adficiendi. Spiritus autem impulsus ac in motu constituti, reliquos humores in motu tardiore versantes, ad motum faciliorem incitant ac cogunt. Etenim omne corpus in motu constitutum, alterum, quod in motu non est, facilius secundum axioma mechanicum impellere potest. Hac enim ratione motus omnium fluidorum machinæ nostræ tam progressivus, seu circularis, quam intestinus promovetur, in quo utroque motu sanitatis nostræ conservatio maxime pendet. Ratione particularum alcalinarum & salinarum, vi resolvente ac corrigente, laudatum nostrum infusum pollet. Certum enim ac statum est, plurimas morborum causas nidulari in obstructionibus, illasque morborum fabros esse: hæ autem non nisi ab impedito partium fluidarum, per angustissimos capillarium anfractus motu, tam circulari, quam intestino, non possunt non originem suam nancisci. Fieri enim non potest, ut corpus fluidum, quamdiu ejus partes in perpetuo & irrequieto motu juxta se invicem quiescant, & sese invicem firmiter contingant, quo durum & solidum obstructionum primaria fiat causa. Quando autem sal propter acies & spicula minutissima rigida in continuo motu est, dividendo crassorum humorum vascula obstruentium superficies, non possunt non illorum particulæ dividi, incidi, atteri ipsisque motus denuo introduci, ut fluiditatem resumant: & in hoc pene omnis curationis cardo ac nervus versatur; qui enim prompte ac facile obstructions per-

pertinacioras solvere novit, ille & felicius curare chronicas passiones sataget. Tandem terrestriores infusi nostri particulæ, machinæ vitalis fluoribus intimatæ, parietibus vasorum ac tunicarum fibrarumque interstitiis, propter crassiorem superficiem, facilius adhærent, illaque coarctant, & in angustius spatium redigunt: unde spiritus animales, machinæ nostræ motores, in angustius spatium coacti, angustiam loci celeritate compensant, sicque celeriori influxu partes fibrosas ac musculosas magis animant, vigorant, constringunt, unde partium dependet robur.

12 Examinata jam sufficienter veronicæ natura, restat nunc, ut alterum ingrediens, nempe aquam calidam inspiciamus, quidnam ad infusum nostrum conferat, seu ab illa sit expectandum. Non absone plures medicorum, quicquid infusum Thee, Coffee aliarumque herbarum præstat, id omne malunt ab aqua calida, quam ab ipsis herbis deducere. Nec noster animus est, ab hac sententia secedere, potissimas infusi vires adscribentes calidæ, secundarias autem ipsi herbæ. Sola enim herba vel redacta in pulverem vel in essentiam, & extractum abiens nunquam hoc præstabit, quod ejus infusum, quarum unum alterius poscit opem, amice ambo in medicamentum optimum ac præstantissimum debent conspirare.

13 Quoniam autem in aqua calida duo occurrunt consideranda, primo aqua, & deinde calor ipsi adveniens, placet in utriusque naturam paulo accuratius inquirere. Aquæ essentia consistere videtur in ipsa fluiditate, humiditate, & si loqui sic fas est, insipiditate, nihilque aliud aqua est, quam liquor insipidus. Notum autem est ex physicis, fluiditatem consistere in perpetuo ac jugi minutissimarum particularum juxta se invicem motu, & quod fluida poris gaudeant innumeris, in quorum interstitiis copiosissima subtilis hæreat materia. Intestinum autem aquæ particularum motum solutio salium vel sacchari in ipsam injectorum patefacit, quæ sine motu, ut ut oculorum sensum fugiat, absolvi non potest. Abundantiam & diversitatem pororum illud arguit experimentum, dum portio aquæ sale communi saturata, ut ne granum quidem salis capere amplius possit, aliud sal v. g. alumen injectum, de novo aggreditur, illud solvendo, sique hoc refertum est, tertium sal v. g. vitriolum tenue recipit, & sic porro, ut admiratio

mentem merito subeat, quomodo hæc procedant. Nullum autem dubium, interstitia inter particulas aquæ esse figuræ diversissimæ, quæ alias particulas capere ineptæ sunt, quam quæ ipsi loco congruunt, & cum salia longe diversis gaudeant figuris, clarissime inde colligitur, poros cubicos particulas etiam cubicas requirere, & si illi saturati sunt, non alias amplius capere possunt, & sic porro. Præsentiam particularum aerearum & ætherearum in ipsa aqua hærentium, monstrat partim experimentum, dum in vase ab aere per antliam evacuato, posita aqua innumeras emittit bullulas, partim etiam aquæ evaporatio id testatur, quæ fieri non posset, nisi particulæ quædam elasticæ æthereæ ipsi aquæ inessent. Præterea aqua insipida est, i. e. omni sapore destituta, quia lubricis, flexilibus constat particulis & salinis caret. Et quamvis pauca salium ramenta in magma te evaporatæ aquæ conspiciantur, illa tamen adventitia sunt, ex fundo forsan oriunda, nec proprie naturam aquæ ingrediuntur. In insipidis autem magna inest efficacia, uti id solide ac erudite demonstrat clariss. D. Schraderus in *dissertatione de insipidorum efficacia*. Menstruum enim insipidum simplicissimum & purissimum est, & ad varias recipiendas particulas aptissimum, quoniam heterogenis nondum est imprægnatum, & quicquid agit, sola fluiditate id præstat. Nam fluida, mediante intestina & perpetua particularum agitatione, corporum poris impelluntur, ut sic iterata insinuatione earum ac concussione, non vi, sed blande particularum solidarum nexum tandem dissolvant.

14 Ex hisce jam adductis luculenter patet, aquam optimum esse menstruum, & vehiculum ipsius herbæ veronicæ, & quo puriorem ac leviolem illam esse, eo meliorem, insignique pollere efficacia, salia cuiusvis generis ac figuræ in poros suos recipiendi, dura ac solida corpora emolliendi ac resolvendi, illique ad fluiditatis statum adducendi.

15 Quod ad caloris naturam attinet, ille id motu non rectilineo, sed curvo, confuso, & velocissimo particularum minutissimarum ætherearum consistit, adeoque elasticam dilatativam, expansivam seu rarefacientem vim habet; æther enim in calore expansus propellit corpora vicina ex suo loco, uti id eleganter patet experimento, dum nimirum aqua inclusa æneo vasi, admoto fortiori calore, intus valde incallescens, data apertura,

instar fontis magna vi prosilit & erumpit. Calor itaque aquæ simplici superveniens, illi majores vires. fœnerat fluidificationem, emollitionem ac dissolutionem mirum quantum augendo & adjuvando: quare notabile est, solis aquæ calidæ vâporibus ossa & cornua durissima emolliiri posse in vase destillatorio, quam operationem pharmacopolæ philosophicam calcinationem nominant; nec ignotum jam amplius curiosis est Papini experimentum, dum carnem, ossa, & durissimas res includit vasi, ita coaptato, ne minutissima rima aquæ, quæ in decenti quantitate adjecta fuit, exitum præbeat; leni machina committitur calori, & sic brevi exacto tempore durissima ossa, in liquamen gelatinosum ac lentorem fatiscunt, per solam vim elasticam calidæ aquæ, quæ potentissime minutissimos poros subire illorumq; contra resolvere valet. Nam omnia corpora resolveri ac emolliiri possunt, si ipsis particulæ elasticæ vel beneficio aeris, ignis, vel menstruis subtilissimis impingantur.

16 Calidæ itaque aquæ usus in medicina egregius est. Exstat circa hanc rem insignis locus in *Aetio tetrabil. 1. Serm. 3. cap. 165. aqua*, inquit, *calida conducit, ubi oportet excretionem præparare, & ubi quid attenuare, diffundere, liquefacere, mollire, eluere, concoquere aut discutere volumus*. Calida quippe assumpta magna in copia cum tenuium partium sunt, qua data via ruunt, arctissimos poros vi sua elastica subeunt, & ubique sese insinuant, & quaque versum penetrant, sicque calorem a potu calido assumpto in totum corpus diffundi sentimus: quod si enim sanguis stomacho vicinus a calore aquæ rarefit ac fluidus redditur, lege circulationis non potest non omnis sanguis ad motum aptior evadere, magisque evolvi, non secus ac videmus totum corpus calefieri, si calor externis saltem partibus v. g. pedibus admoveatur.

17 Præterea calidi potus viscidos quoque & tenaces humorem attenuant, colliquant, sicque obstructions expediunt, & circulationem humorum promovent, quandoquidem talia effluvia actuant & partes tenuissimas sanguinis excitant, & humorum, illisq; motum imprimunt, ut ipsi spiritus sic dicti animales exsuscitati functiones suas eo melius absolvant, hinc ex potu calidæ aquæ hilares & alacres ad studia & res peragendas reddimur, torpor & somnolentia dissipatur, vigiliæ magis procurantur, quæ in actuo-

so & concitatori spirituum animalium motu, & liberiori in partes nervosas influxu consistunt, quare infusum herbæ Thee somnum dissipat, vigilias procreat, non ob singulares dotes ipsius Thee, quæ nullo modo in hoc observari possunt, sed propter effectum ipsius calidæ aquæ, quamobrem quævis pene herba aquæ calidæ infusa similem effectum excitat. Motis autem in corpore nostro spiritibus, qui primi ac præcipui reliquorum fluidorum motores ac impulsores sunt, moventur, & ipsi debitum motum absolvent.

18 Tandem quoniam plurimorum morborum symptomata, & exacerbationes salibus morbosis excrementitiis, illorumque acrimoniæ adscribendæ sunt; potus aquæ calidæ in magna copia assumtus non potest quin insigni levamen ac emolumentum afferat, utpote qui salia illa, nimia acredine infensa, promptissime diluit, temperat, corrigit, & per congrua evacuatoria, nimirum glandulas subcutaneas, seu per cribrum, eliminat. Quantum itaque sit usus, & quanta efficacia aquæ calidæ, si herbæ talismodi temperatæ medicamentosæ, uti nostra est, virtutibus imprægnetur ac essentificetur, quivis, qui ingenio pollet, & rerum physicarum ac medicarum parumper gnarus est, clarissime perspicere poterit.

19 Pretium autem erit operæ, singulatim recensere eximias illas dotes ac virtutes, quibus donatum est nostrum medicamentum, quæque in ipso observationibus accuratis annotatæ fuerunt. Nolumus autem auctoritate veterum operationis rationem accersere a qualitatibus illorum primis, quatuor elementis inædificatis, quæ si curatius & libero animo rem spectemus, non absolutæ entitates sunt simplicibus inexistentes, sed potius relativæ potentiæ, & modificationes ipsius materiæ, quibus medicamenta varios effectus in corpore humano pro diversitate individuorum producere valent, nullum quippe medicamentum agit ratione activitatis, sed receptivitatis suæ, hinc idem pro diversa constitutione humorum, & varietate individuorum diversissimos solet edere effectus; sed fons operandi ac indolis nostri medicamenti satius supra detecta est, partim chymico igne, partim variorum liquorum conubio, & inde phænomenorum resultantium attenta consideratione, ubi deprehensum fuitherbam nostram calidæ aquæ infusamsubtiles, volatiles, salinas, alcalinas, cum terrestribus fixio-

xioribus, temperatas tamen particulas communicare.

20 Securissimus autem modus est a posteriori sive ab ipsa experientia, optima artis magistra, & propriis observationibus desumere medicamentorum vires. Circa hunc modum autem merentur observari quædam regulæ, ne res difficultatibus immergatur. Primo optime medicamenti effectum explorare possumus, si singula seorsim, nec unum aliis mixtum, in usum trahatur, unde nescimus, cui operatio sit adscribenda. Improbanda itaque illa medicorum consuetudo est, qui remediis suis quasi ludunt, & ab uno ad aliud ruunt, mutato quasi in horam consilio, sicque sine iudicio sæpe, & sine arte in curatione progrediuntur, & hinc fit, ut nunquam medicamentorum vires expiscari vel firmam sibi experientiam comparare possint, sed semper dubitent, vacillent, errent: deinde idem medicamentum simili in casu, iisdemque correspondentibus circumstantiis, non semel, sed decies, vigesies, eundem effectum præstare debet, si certi velimus esse de singulari & specifico effectu.

21 Sedula itaque ac studiosa observatione annotavimus, nostræ plantæ infusum moderatius tamen haustum, digestionem juvare, ac resolutionem ciborum promovere, dum tenacem viscidam amurcam, quæ glandulas œsophagi, ventriculi & intestinorum obstitit, fundit atque abstergit, quo & melius tunc glandulæ plorare possint liquorem menstrualementem, qui potissimæ resolutionis ciborum causa est, & quando lymphæ, cujus soboles est ipsa saliva & menstruum ventriculi, nimis crassa & inspissata est, infusum veronicæ illam diluit, attenuat, sicque cibos fluidos reddit, illorumque resolutionem adjuvat, quod exemplo Indorum & Japonensium confirmatur, qui semper cum cibis aquam calidam bibunt. Quinimo ventriculo gratus est omnis calidus potus, ipsoque gaudet; coagmentatus namque est ex meris membranis & tunicis, & hinc a provida naturæ mente intra calidissima viscera positus est, ut ab omni parte blandò foveatur calore, quo eo melius munus suum absolvere possit; quare nihil magis ventriculo, quam frigus, nocet, quod, ut humores facile crescant, & in lentam abeant pituitam, efficit, hinc a frigido putu inprimis post insignem corporis incalescentiam tanta noxa, ipsaque mors observatur a practicis.

22 Quam gratus ille potus sit ventriculo, sequens docebit historia, nimirum nuperri-
ma æstate studiosus quidam, ingente corporis calefactione prævia, magnam cerevisiæ frigidæ haurit quantitatem, mox debilitabatur & sequentibus diebus dolor ventriculi, vomitus, nausea, cibi fastidium, virium prostratio, calor præternaturalis, urina rubra, ægrum affligebant. Remanebant hæc symptomata per longum temporis spatium, viresque & solidam partium substantiam notabiliter absumebant, nec deerant hecticæ signa, discrimen vitæ minantia: sanitati tamen æger restitutus est sequenti methodo: primo potum veronicæ, cum tinctura flor. bellidis aliquoties de die assumebat, deinde cum cibis & iusculis propinabatur bis de die essentia balsamica, composita ex nucistâ, croco, myrrha, zedoaria, arcano tartari, & spiritu vini tartarificato. Extrinsece ventriculo applicabatur linimentum ex oleo nucistæ, spiritu vini tartarificato, oleo menthæ, camphora, croco, oleo caryophyllorum & balsamo Peruviano, sicque paucis septimanis elapsis cum morbo rediit in gratiam.

23 Porro observavi nihil magis juvasse febricitantes, tertiana vel quartana decumbentes, quam si post paroxysmum statim in magna quantitate idem hauriant infusum, componendo se ad sudorem, qui si sequitur, semper levior sequens est paroxysmus. Consentit hac in re Hippocrates *lib. de locis in homine c. 88.* qui febricitantibus suis etiam propinavit calida, ubi inquit: *cum lassitudo, febris, & plenitudo detinuerit, multa aqua lavandum, & quam maxime calefaciendum est, quo calor, aperto per sudorem corpore, exeat, & in potu exhibenda calida.* Potus enim calidus in corpus ingestus ex ægro corpore detrahit, sive urinas educat, sive sudorem eliciat, undique enim apertum, & respirans corpus ac motum faciet, quod conducit.

24 Præterea potus veronicæ singulariter phthificis opitulatur, & vitio pulmonum laborantibus. Annumeratur a practicis ipsa veronica inter herbas vulnerarias, & consolidantes, & vix potio vulneraria vel pectoralis in practico-
rum libris invenitur, quam non ingrediatur ipsa veronica. Notum est aquam veronicæ præstabilem opem ferre hecticis, ad præternaturalis caloris & sitis extinctionem; ejus autem infusum, quod præter particulas volatiles etiam gaudet amar-
is, aperientibus, & acrimoniam corrigentibus,

tibus, longe observatur præstantius, præsertim. si aqua, cui veronica infundenda est, ante cocta sit cum passulis, cornu cervi, & loco ordinarii potus hæc substituatur potio. Nec minus observavit puerum decem annorum, asthmate pulmonali per aliquot annos laborantem, cum roncho ac sibilo, qui incassum oppositis antea omnibus celebratissimis pectoralibus, incidentibus sulphuratis, tandem solo potu veronicæ, qui omni die per aliquot septimanas hauriebatur, restitutus est. Porro non ita pridem vir quadraginta annorum, crassioris habitus, & hypochondriacæ affectioni obnoxius, mira sanguinis & humorum exagitabatur ebullitione, cum tussi pulmonali phthisin minante, appetitu prostrato, calore præternaturali, virium defectione, frustra datis medicamentis alias generosis pluribus, tandem convaluit, & vires a solo potu veronicæ recuperavit, qui mox tussim sedabat, appetitum excitabat, expectorationem juvabat, & præternaturalem calorem compescebat.

25 Certissimum est veronicæ vulgo adscribi ab omnibus medicis singularem virtutem depurandi sanguinis massam, nec sine ratione; virtus enim depuratoria in eo consistit ut sanguis & fluores corporis nostri scoriis salino-sulphureis excrementitiis morbosus priventur, sive illis correctis ac inversis, sive per congrua sua evacuatoria proscripitis. Utrumque egregie præstat infusum veronicæ, quod acres morbosos sales temperando, diluendo, & spiracula cutis renumque poros blande aperiendo, in sanguinis impuritatibus seu malo scorbutico præsentissimam opem afferre solet. Sic veronicæ potu contra scabiem & cutis pruritum vix datur remedium præstantius, eaque mala depulit felicissime, aliquoties Halberstadii scabiem siccam, ægros, imo ipsos senes instantem, diuturnam, solo hoc potu largissime per mensis spatium hausto. Similem effectum extrinsecus etiam exercere testis est satis locuples Simon Pauli in *quadripart. Botan.* qui ita scribit; *ingenue fateor, cum aliquando variis medicamentis adversus crustosam scabiem puerorum usus essem incassum, me iussisse parentibus aquæ veronicæ intincta lintamina applicare compressa, ne stillarent, suris brachiisque pueruli ejusque, meque sic eum ex voto restituisse pristinae valetudini.*


26 Stupendæ tandem virtutis, contra calculosam concretionem hæc herba a Clarissimis Medicorum celebratur. Notabilem hac de re inserit observationem in *Ephemer. Germ.*

D. Elsnerus A. I. *Observ.* 107. Sutoris vidua, quæ calculum per 16. annos in rene alui sinistro, qui cruciatibus illam affligebat, ut, viribus omnibus absumtis, nil nisi skeleton vivum repræsentaret, ob summum cruris stuporem & renis dolorem in isto latere, per totum illud tempus nunquam dormire potuit. Tandem decoctum veronicæ in magna dosi per aliquod tempus assumsit, quo effecit, ut calculus ad ureteres & tandem ad vesicam protrusus, miseram stillicidio & difficultate urinæ diu vexavit, donec ab assumpto superiori nominato decocto & ejus fomentatione, natura adhuc dormiens expergefacta maximis & iis conatibus, quibus alias a fœtu se liberare conatur, excitatis, hospitem peregrinum cuspide expulit, qui tandem vi ab ipsa ægra per collum vesicæ extractus fuit, & quidem non absque summa illius læsione & copiosa hæmorrhagia. In colica, calculo & ipsa peste Crato *trium Imper. Archiater* plurimi facit hanc herbam, imo vel simplex decoctum veronicæ omnibus aliis generosioribus internis medicamentis contra calculum præfert. Sic observavi Halberstadii fortem infusionem herbæ veronicæ viro quinquagenario colica violenta laboranti, materiam instar spermatis ranarum, innumeris vesiculis constantem per alvum eduxisse.

27 Nolo jam esse nimis longus in recensendis veronicæ observatis viribus, & ut rem paucis complectar & expediam, crebro ac quotidiano usu observata fuit potio & infusio veronicæ, idem imo longe præstantius quid effecisse, quam ipse potus herbæ *Thee*, nec singulare quid ab hac expectandum videtur, quod non idem noster potus præstare potis sit. Ego sane per multos annos hanc potionem loco herbæ *Thee* omnibus fere ægris maximo cum emolumento suasi, & nunquam noxam ab hac observavi; cum contra herba *Thee* propter nimiam adstringentem qualitatem a me non semel observata fuerit magna peperisse incommoda, præsertim in illis, qui siccitate nervorum laborant, & spasmodicis contractionibus sunt obnoxii; hinc hypochondriaci & hysteriæ gravia non semel ab ejus experta sunt symptomata, nimirum cardialgias, anxietates præcordiales, dolores in abdomine, alvi fluxum &c. relaturnque fuit mihi ex ipso Belgio, plures ex frequenti ejus usu factos fuisse paralyticos & hinc potum Coffee magis ibi æstimari.

28 Ex hisce jam adductis sufficientissime patebit, dari in nostris terris herbas longe salu-

salubriores, & præstantiores exociticiis illis, quæ magno pretio ex extremis istis regionibus sibi afferri curant Germani, & quod veronicæ nostræ dignitas ipsa herba Thee longe sit superior. Hinc nostra vernacula, quæ nobis provida mater natura largissime & gratis concedit, ad sanandum merito sufficere debet, ut non opus habeamus, ex difficultis regionibus ignota quædam ad medicandum repetere.



DISSERTATIO XL

DE

PURGANTIBUS MINUS COGNITIS ET SE- LECTIORIBUS.

§. I.

UNiversam œconomiam microcosmi vitalem ejusque conservationem, motu non modo progressivo solenni per circulum, sed & variis motibus mixtionis, secretionis, excretionis sustentari, nemo facile, cui interiora corporis nostri paulo exquisitius patient, in dubium revocabit. Quapropter omnis generis læsionem præternaturalem & morbosam affectionem corporis nostri non inconvenienter ex læsis istis motibus prudentes ducunt atque derivant. Ex horum numero eminent maxime motus evacuatorii, qui quantum naturæ commodi adferant, dici vix potest. Quandoquidem corpus nostrum in conservationem eget multis rebus, quæ intus debent sumi, nec tamen in mixtionem & intimum ejus vitale consortium abeunt, sed rursus maxima ex parte solent evacuari, quorum spectant omnis generis fere salia inter alimenta reperibilia, humidi plurimum, nec non sulphurea explicata. Quin imo pauca sunt ex medicamentis, quæ sese cum succis corporis nostri jungunt, sed potius rursus debent excerni, utut hoc ipso actu, dum intrant & exeunt, nobilissimam opem conferant. Paucis: natura plus est occupata in excernendo quam in retinendo. Si itaque evacuationes hæc summe necessariæ non debite, non sufficienter succedunt, & ea, quæ debebant ejici, relinquuntur, præsentissima inde materia ad morbos nascitur. Tametsi autem natura numerosa & diversissima cum in finem construxerit evacuatoria:

Hoff. Opusc. varii argum.

nullum tamen solennius est, nullum magis pernecessarium, quam quod constituit alvus, si nempe ab ipsa perspiratione cutis longe saluberrima discefferimus.

2 Et quemadmodum per alia evacuatoria certa & peculiaria tantum excrementa eliminantur, ita per alvum non unius ejusdemque naturæ, sed diversi generis humores secluduntur; utpote non modo ex ventriculo & tenuibus intestinis crassior, inutilis & effæta alimentorum extractorum portio per hanc viam transit, sed ex toto hepate bilis, ex pancreate & intestinorum præsertim crassorum glandulis lymphæ, serum, mucus sequelstrantur. Quantum vero corpori accedat inde beneficii, vel ex eo tantum potest cognosci, quod ex suppressa & pigra alvo morbi permulti oriantur, nec ipsa præsentē, tuta ac felix cum acutarum, tum chronicarum passionum succedat sanatio, sæpissime enim providissima natura sibi eligit has vias, & sanat morbos. Ex hisce fluit, respiciendum a medico maxime omnium esse ad hanc alvinam evacuationem, ut ipsam, quando necesse est, juvet; munus enim medici in eo potissimum versatur, ut quod natura sola non potest efficere, id arte procuret & exsequatur. Permultum autem interest, quibusnam subsidiis & instrumentis id perficiatur. Nos, repudiatis omnibus iis, quæ violenter & virulentia naturam laceffunt, maximam securitatem ponimus in temperatioribus stimulantibus, naturæ amicis, & nullum damnum, nullam noxam, iis partibus, in quibus operantur, affricantibus. Quoniam autem non hæc obvia omnibus sunt, judicavimus dignum opus recensere ea, quibus egregio cum fructu uti possumus. Placuit itaque in præsentī loco selectorum purgantium materiam pertractare & optima ac selectissima parum nota in usum medicum commendare.

3 Prius vero quam ad enumerationem rariorum & selectiorum alvum stimulantium accedamus, nobis erit commemorandum quæ ratione, & quo principio evacuatio per inferiorem partem celebretur, siue qua ratione ipsa purgantia effectum purgantem exferant. Quemadmodum vero fœcum seclusio secundum naturam sit primo motu intestinorum peristaltico, secundo huic ipsi serviunt stimulo: ita etiam purgatio, quæ fit arte, simili modo habet. Notum enim ex anatomicis est, totum intestinorum volumen gaudere tunica ex duplici fibrarum ordine, longitudinalium scilicet, & circularium conte-

O

xta,

xta, quæ muscularis & carnea appellatur, cujus beneficio motum reciprocum dilatationis & constrictionis a ventriculo ad anum successive tendentem persequuntur. Qualis motus peristalticus sive circumpressorius etiam vermicularis appellari solet. Hoc ipso omne in intestinis contentum urgetur vel foras, vel per vasa in interiora. Motum hunc intestinalem non esse a se ipso, sed ab alia extrinseca causa, nullus est qui dubitat; hanc vero corpoream esse & tenuissimam, fluidissimam, valde activam nullus ex sanioribus quoque negat. Quo autem vocabulo hanc ipsam insignire quis velit, & vel naturam, vel animam, vel archeum, vel animale spiritum, aut vitale principium vocare, nobis perinde est. Illud tamen suffecerit hic meminisse, nullum motum in tota rerum natura non nisi proxime per substantias extensas sese invicem tangentes fieri, quamvis deinde talium substantiarum corporeas inter se actiones, & reactiones, immateriales actus in animantibus præsertim, quandoque variis modis modificare, determinare & dirigere ad certos motus, incognita nobis plane ratione possint & soleant, sicuti id in *dissert. de potentia diaboli in corpora* latius est ostensum. Quamvis itaque in motione intestinorum peristaltica, sicuti ad omnem in universo motum, & movente & mobili extenso opus sit, sine quibus nullus celebrari potest motus, nihilominus solo ideali & immateriali actu, cogitatione, perversa impressione, determinatio & directio hujus motus varia fieri potest. Ita habemus luculentissima exempla, ubi saltim ex solo visu, odore, auditu, multo magis sapore purgantium vehementer quidam purgati fuerint, ubi anima immateriali isto phantasiæ actu id minime effecit proxime, sed tantum per hoc instrumentum sive principium corporis activum, quod communi & recepto nomine spiritum vocamus.

4. Quemadmodum vero in microcosmo, si motus sunt celebrandi, non tantum sufficiunt moventes, instrumentum & mobile, sed recte, ut hæc ipsa agant, opus est alia actione, motione externa excitatoria, quæ in ipsis nervis sive nervosis membranis fit. Hinc ubi musculos natura collocavit, ibi etiam adstantes sunt nervi; in hos si fit insultus, vel licatio ab objecto corporeo externo, vel pondere, vel figura acuta, protinus excitatur, & motus in substantia augetur musculosa. eodem modo sese res habet cum motu peristaltico intestinorum, qui non nisi præce-

dente actione in nervosam tunicam, celebratur vel intenditur in tunica musculosa. Huic autem stimulo, quo agitur ipsa nervea tunica, serviunt non modo sanguis, alimenta, cum copia, tum qualitate salina, sed natura peculiarem eum in finem quoque elaborat liquorem, & jugiter ipsum in intestinorum initium amandat, ut per hunc ad motum incitentur, estque ipsa bilis, quæ a veneranda antiquitate non inepte clyster naturalis dicta est. Copiam vero ingestorum alvum irritare vel ex eo convincimur, quod in diuturna fame, & iis qui parum bibunt aut comedunt, utut bilis sit valde acris, tardissima soleat esse alvi excretio, & ordinario a copia cibi vel potus assumpti sollicitetur natura ad dejectionem. Imo ipsa purgantia ante vel etiam post cibos sumpta laudabiliorem effectum edunt, ac si ventriculus fuerit vacuus. Acidularum & thermarum ingens copia, non tam activo principio, sed potius mole sua sollicitat alvum. Deinde cibos, quo magis sunt, sale & aromatibus conditi, eo citius per alvum transire, toto die obvium est. Principaliter vero ipsa bilis stimulo suo acri irritando nerveas sensibiles intestinorum lamellas ad conservationem & auctorem motus peristaltici multum confert. Unde qui bilis defectu laborant, vel eam viscidam, inertem, vel nimis dilutam habent, in ordinario alvi sunt tardioris. Ex hisce allatis non inepte colligimus, ea esse optima & naturæ convenientissima alvum stimulantia, quæ ratione mixtionis & naturæ consymbolismum atque affinitatem fovent cum ipsa bile, cujus generis sunt omnia amara in regno vegetabili conspicua, nisi aliud quoddam iis admixtum principium eorum efficaciam retundat.

5. Veruntamen cum de stimulo principioque purgante verba fecimus, non res ita intelligi debet, ac si proxime & immediate hoc ipsum commoveat intestina & suscitetur ipsas sedes. Quoad ego meminerim, nullus sanior unquam medicus in talem ivit sententia, sed omnes fere in eo sunt concordantes, quod sicuti omnia medicamenta, ita & ipsa purgantia non proxime & formaliter motum efficiant in nervis & musculis, sed quod hoc faciant spiritus, sive anima, quæ tantummodo ab ipsis pharmacis varie disponitur, & ad motum excitatur, Nam quemadmodum fluidum illud elasticum, quod in nervis & sanguine reconditur omnium motuum in corpore nostro, ita etiam motus peristaltici au-

At in purgatione causa est. Perspicua inde est ratio, quare qui sensibilibus sunt naturæ, sanguine & spiritibus abundant, qui cholericæ & sanguinei sunt, non modo expeditionem evacuationem per alvum ordinario habeant, sed & a purgantibus celerior & faciliorem effectum sentiant. Hæc quoque est causa, quod sub æstatem atmosphæra valde tenui & fluida existente, & in corporibus motu exagitatis facillime succedat purgatio. Idem fit, quando purgantia cum vehiculis calidis & spirituosissimis assumuntur, hinc vidimus cum vino calido, item cum spiritu vini dulcificato purgantia assumpta felicissimæ fuisse operationis. Contra per irrefragabilem experientiam compertum est, corpora languida, segnia, torpida, ubi vires & spiritus deficiunt, fibræ sensus & motus debilioris, temperamentum pituitosum & melancholicum est, motus & laboris expers, cælum triste & nubilum, valde difficilem ipsa purgantium operationem sentire. Quibus aperte liquet non proxima ratione purgantia hunc effectum præstare in intestinis, sed saltim mediate.

6 Deinceps hæc nostra sententia est, principium, quo agunt purgantia, & quocunque modo alvum stimulent, esse merum salinum, quod vellicando, scindendo, pungendo, fibrillas nerveas & naturam ad motum peristalticum intensiorem incitat & provocat. Et clarissime hoc demonstrabimus iis, quæ sequuntur; omnis generis salia ex regno vegetabili & minerali desumpta facultate pollere laxante: neque hic admittimus specifica sui generis salia esse, quæ intestina commoveant, stimulent, in aliis vero partibus id non faciant: sed potius aperte profiteamur, omnia salia, quæ extricata sunt, sui juris, quæ ipsum iustum afficiunt, linguamque feriunt & vellicant, esse debita in quantitate sumpta etiam alvum stimulantia. Excipimus tantum volatilia salia, urinosa, quæ quoniam nimis cito per poros avolant, hoc effectum destituuntur, & magis sudorem ac urinam pellunt. Excipimus porro, omnia caustica ex regno animali desumpta, quæ vesicatoriorum effectum exserunt & sale subtili caustico scindente imbuta sunt, cujus generis sunt cantharides, millepedes, scorpiones, araneæ, vermes majales, bubones, quæ fortia sunt diuretica, minime autem purgantia, nam ex toto regno animali nec unicum nobis notum est corpus, quod cum certo successu purget. Nam utut certis in cor-

poribus, præsertim infectis inhabitent salia tenuissimæ causticæ indolis, ea tamen propter nimiam exiguitatem & volatilitatem non apta sunt linguæ papillulas nerveas, multo minus intestinorum tunicas, commovere.

7 Equidem quod non omnia salia purgantia sint virtutis, ex eo evincere allaborant, quod piper, zingiber, ceu fortissima salia stimulantia, alvum potius siccent, quam ipsam fluidam servant; veruntamen non negamus hæc dicta acerrimo sale esse fecunda. At quoniam copioso sale alcali tam fixo & volatili, nec non sulphureo scatent, potius in sanguinem operantur, calorem & motum ejus intestinum movendo, unde calefaciunt, exsiccant & humores a centro ad circumferentiam commovent. Diximus vero antea omnia salia alcalia volatilia & sulphurea stimulo suo plus agere in sanguinem, quam in ipsa intestina. Unde etiam radix armoraciæ, raphanus, piperites, sedum vermiculare, radix ari, quæ acerrima sunt, magis ob eandem rationem sudorem & urinam cient quam ut sedes moveant. Quapropter statuimus sal acidum, præsertim si cum aliis sulphureis particulis varie mixtum sit, esse palmarium purgantium elementum. Id quod probamus maxime exinde, quoniam, uti diximus, nullum sal volatile urinosum purgat, sed omne quod purgat, si ve sit desumptum ex regno vegetabili, si ve minerali, in mixtionem suam acidum principium admittit. Acida enim naturæ sunt fixioris, partes habent solidiores & constanter, figura gaudent magis scindente & purgante præ alcalinis.

8 Clarior autem hæc assertio fiet per sequentia, dum varia minus cognita purgantia recensere animus est. Verum enim vero obicitur hic vulgo, quod, quoniam affusione acidorum mineralium spirituum purgantia etiam drastica castrantur & exuuntur sua virtute, esse purgantium elementum magis alcalinæ indolis; quibus respondemus: imbecillum esse hoc argumentationis genus, si acida privant purgantia sua virtute, ergo in alcali consistit eorum energia. Nam videmus emeticam antimonii vim sufficienti quantitate spiritus nitri affusa, si ve cum tripla portione nitri deflagret, exspirare, ne utique tamen exinde elicitur antimonii vim emeticam conquiescere in alcali. Quin imò ipsa tinctura salis tartari acri omnia drastica purgantia, colocynthidem, gummi gut-

tæ, helleborum, omni vehementia purgante exuit & privat. Ita quoque eadem encheiresi vesicatoria cantharidum qualitas debilitatur, vel plane destruitur. Potius hæc fortiora excessiva salia, quoniam totam crassam, schematismum, ac mixtionem corporum mutant, aliamque partium dispositionem & configurationem efficiunt, alium quoque introducunt effectum ac virtutem antiquam destruunt.

9 Exposito sic elemento, quo & per quod agunt purgantia, sequitur jam, ut partim rariora minusque cognita, partim etiam selectiora ex minerali & vegetabili regno sigillatim, eo tamen, quo fieri poterit, compendio, recenseamus. Prodeat itaque in scenam regium illud metallum aurum, quod per se fixissimum & omnium in hoc universo gravissimum, quod nisi fuerit solutum, omni penitus effectui in corpore caret. Simulac vero degenerat in salinam & vitriolicam naturam, commixtione variorum salium, sive liquidorum sive siccorum; acquirit virtutem, non modo alvum, sed & alia emunctoria sui officii admonentem. Ita verbi gratia solutio auri in aqua regis facta, inspissata & cum spiritu vini rectificato diluta, & instillata ad aliquot guttas aquæ fontanæ, placide & egregie aliquot sedes movet. Auri fulminantis virtus expurgans nemini non jam cognita est; accipit autem hanc ipsam tantum a particulis nitrosis intimius actu solutionis & præcipitationis auri minutis commixtis, dum nempe ex commixtione aquæ regis & liquoris alcalini resultat nitrum, quod poris auri ceu corporis fixi inhærens hunc stimulandi producit effectum. Ab hoc quoque dependet auri fulminantis vis, de eoque observavimus, si fortius fulminat, vehementius etiam movere alvum; contra vero debilius etiam hoc agere, si parum vel plane non fulminat. Experientia porro confirmat omnes solutiones & liquores auri, qui sub splendidis titulis medicinæ universalis vel potabilis auri venduntur, sæpenumero in majori dosi cingere alvum, non sine fructu: ita exempli gratia, quando in solutione salis communis, nitri, tartari vitriolati coquantur folia auri, postea massa exsiccat, & hæc massa exsiccata extrahitur spiritu vini, exsurgit elegans tinctura aurei coloris, quæ chalybem quoque egregie tingit aureo colore, & in nonnullis subjectis efficaciter sordes educit alvinas. Referri etiam huc debet famigera-

ti hujus loci remedii, quod essentiam dulcem vocant, operatio, quæ in dispositis sæpius fortiter purgat. Verum quoniam in recentis ex auro paratis purgantibus exiguum sæpe est salis, minus etiam purgare eadem solent, ast si major accedat salium copia, fortior quoque succrescit in purgando effectus. Ita verbi gratia granum unum auri fulminantis bene tritum cum arcani duplicati scrupulo, & croceo colore, & metallico austero sapore hoc ipsum imbuunt. Talis pulvis in Serenissima ultra viginti sedes nuper provocavit.

10 Observamus quoque fulminans ipsum aurum quando non sufficienter edulcoratum fuerit, plus ducere alvum, quam si ab omni salino contagio fuerit magna de industria elotum. Denique circa hæc ex auro parata remedia non ignorari oportet, longe majori utilitate & consilio ipsa præscribi in corporibus torpidis, cachecticis, infantilibus etiam, ubi intestina mucosa & verminosa saburra sunt obsessa, neque tam felicem eorum successum esse in sensibilibus & biliosis scorbuticis subjectis. Deinde animadversionem desiderat hoc, quod tutiora perpetuo in forma liquida sint ex auro parata, quam sicca; metallum enim hoc omnium gravissimum plicis & tunicis intestinorum tam firmiter insidet, ut non tam facile elui possit, unde concursu acidi solutum & vitriolicum factum vim inferre loco, cui inhæret, quam facile potest.

11 Descendimus jam ad argentum, & an ex hoc quoque prodeant remedia alvum solventia, scrutabimur. Qua de re non amplius dubitandum est, dum a peritissimis chymicis lunæ chrysallos cathartica & hydrogogæ celebrantur, & ab illustri Boyleo pilulæ ex ipsis paratæ ad educendas hydropicorum aquas ceu specificæ commenduntur: nec sine ratione, nam strenue a colluvie serosa deplent intestinorum canalem, idque unice faciunt, quia rodendo & vellicando intestinorum tunicas & glandulas majorem motum peristalticum & majorem affluxum feri procurant; nemini enim in medicinâ versato ignotum est, dictis crystallis felicissimo cum successu inuri fonticulos. Et porro omnes solutiones argenti alvum ducente virtute per experientiam claræ sunt. Ita argentum purum, solutum in aqua forti, postea instillatum spiritui vini rectificatissimo largitur liquorem, qui in sufficienti quantitate ad guttas decem & ultra liberaliter & sine

sine torminibus sedes facit. Succedit autem experimentum magis ex voto, quando secundum processum Monteschnideri argentum cum regulo antimonii miscetur & pulvere fulminanti tractatum vertitur in cineres, qui expositi aeri, sal vitriolicum elegantissimum, splendidis miculis conspicuum præbent, quod in aqua solutum, nobile medicamentum ad detergendas in primis viis sordes constituit. Magisterium etiam lunæ præcipitatione cum sale communi confectum, debita dosi, pituitam per alvum educit, & hydropicis & melancholicis confert. Cæterum notum est, quod in chronicis affectibus capitis, præsertim epilepsia, vertigine, in putredine quoque verminosa infantum, veteres remedia ex luna laudibus magnis extulerint. At vero quicquid boni præstant laudatis in affectibus, id saltem fit, cum successive detergent, resolvant, & viscositates e primis viis deducant. Valet circa usum cautela B. Hoffmanni *in clave* p. 280 quæ est, ut non nimis crebro exhibeantur, quia alias noxam inferre possunt. Addimus quod magis pituitosis, segnibus & torpidis naturis convenient, quam activioribus.

12 Progredimur jam ad cuprum, & quænam ex ea repeti possint alvum irritantia circumspiciemus. Ejus vis drastica ventriculum subvertens & nauseosa, vomitoria, nemini non ignota est, adeo ut universaliter pronunciandum sit: omnia ex cupro parata, præsertim in pleniori dosi, esse emetica, cujus rei ratio in eo consistit, quoniam sulphur mercuriale valde activum penetrans cum acidi mixtura celerrime agit, mox in ventriculi fibrillas corrosivitatem exserit. Enim vero, quando cupri cum spiritu urinoso, qui nullum aliud metallum præterquam hoc ipsum aggreditur & solvit, dissolutio instituitur, tincturam pulcherrime cæruleam concedit, quam debita dosi, refracta nempe & convenienti vehiculo propinatam, intestina a sordibus per aliquot sedes liberando, in epilepsia infantili ex primis viis, febribus intermittentibus, & ex verminibus prodeuntibus symptomatibus non contemnendam opem tulisse ferunt. Operose vero talis cærulea tinctura ex luna cupro infecta, operosius ex vitriolo, & operosissime ex limatura martis petitur. Nam observationem meretur, quod famigerata ista cærulea tinctura, quæ ex Silesia etiam ad nostras regiones transferri solet, & pro tinctura martis venditur, & ex martis etiam li-

matura, salibusque præsertim sale ammoniaco conficitur, suum colorem unice debeat veneri, quod minus curiosis paradoxum videtur. Verum qui considerat metallorum mutuum consymbolismum & affinitatem, & quod omne fere argentum quædamamenta auri, omne fere plumbum particulas argenti, & omne ferrum aliquid veneris in sinu suo complectatur, ille facile capiet rationem, quare ex contextu & involucro martiali cuprum latitans non nisi salibus penetrantissimis eliciatur. Constat autem frequenti experimento de hac dicta tinctura cærulea, quod pleniori manu exhibita, & vomitum & alvum quoque ciere soleat. Circa venereorum autem usum monemus, ut ob metum corrosivitatis valde moderatus ac parcus sit, præsertim si cum acidis menstruis ex ipso remedia fuerint parata.

13 Num ex Marte magis insonte metallo peti possint alvum ducentia, res exquisitiorum indaginem meretur: & quemadmodum nullum metallum, nisi solutum & vitriolicum factum operatur in corpore: ita etiam mars nisi solvatur, omni efficacia exiit. Quapropter si quis limaturam martis in substantia præscribere velint, opus est ut circumspiciat, an acidi in sinu ventriculi oberrantis præsentia sit, tunc operatio succedere solet non infructuosa. Nam acidum absorptum degenerat in vitriolum, quod sæpius alvum liberaliter ad quinque vel sex sedes cum appetitus, virium, caloris interni suscitatione non sine fructu in quibusdam subjectis movet, imo ipsum vitriolum martis ad drachmam unam vel duas, modo in sufficienti quantitate aquæ diluatur egregie per inferiora operatur. Videmus id clarissime in acidulis, quarum virtus dejectoria notissima est, quæ plerumque vitriolo martiali debetur. Quin imo omnes tincturæ martiales quæ cum blandis vegetabilium succis & menstruis sunt confectæ, v. g. cum succo pomorum borstorfianorum, cydoniorum, tamarindorum, succo pomorum chinenfium, largius ad cochlearia duo datæ alvum egregie expediunt. Subjiciendum vero hoc loco est, quod martialia non semper in alvo ducenda correspondant voto, sed quandoque stringendo contrarium exserant effectum, præsertim ubi humores incrassati sunt, & spasmodicis constrictionibus inferiores partes adsuæ.

14 Ex Jove suppeditari alvum stimulantia, perinde in scholis medicis incognitum, nihilominus certissimum est: nam sal stanni vir-

virtute laxante & anthelmintica eminet, & experimentum cum vulgari stanni solutione fieri potest, quæ ad drachmam unam cum vehiculo aquoso data vehementer alvum exercet. De Saturni sale dubium quoddam restat, an hoc ipsum etiam sit laxantis naturæ, potius communi suffragio medicorum molestam alvi constrictionem facit & ad tormina disponit. Alii virtutem emeticam ipsi tribuunt, quod solutio lithargyrii cum aceto facta ad cochlear unum sumpta vomitum & alvum cum violentia moveat. Verum cum loco lithargyrii minium si recipiatur, effectus idem non sequatur, ideo drastica illam vim a cupro, quod lithargyrio admiscetur, dum argentum separatur, rectius deducunt. Merito igitur saturnina seu stiptica & austera ex classe laxantium proscribimus. Devenimus jam ad mercurialia, quorum summe vehemens vis caustica in pruritanda non modo alvo sed & vomitu, salivæ fluxu ex læsione, inflammatione omnibus apertissima est, & effectum inde producant. Notissimum porro, quod sicuti cætera metalla, ita hydragyrum etiam purum nisi fuerit solutum, in & extra corpus in magna quantitate sumtum omnis violentiæ expers sit: simulac vero contactu acidum solvitur & in sal degenerat, summe venenosum evadit.

15 Ordine jam perducimur ad mineralium familiam ex quibus principatum ducit ipsum stibium. Ex hoc purgans tutum diu curiosi rerum chymicarum ac medicarum scrutatores desiderarunt, sed adhuc expectationi votum non respondit. Potius antimonium ex emeticis omnium optima in exili dosi generosissimæ operationis subministrat. Ubi quidem non negandum est, post vomitus alvum etiam simul fluere, tale vero, quod tantum purget, nondum hætenus inventum est. Illud autem non prætermittere hoc loco volumus, quod vehemens illa vis, quæ in emeticis antimonialibus conspicua est, identidem a connubio acidum cum mercuriali stibii parte sit petenda; nam crudum antimonium sine noxa, imo cum fructu insigni certa quantitate a quibusdam solet offerri. Simulac vero sulphur a substantia mercuriali separatur, & tenue acidum, imprimis tartareum, ingressum in hanc ipsam invenit, summe violenta inde exsurgit operatio. Et hæc est causa, cur vitrum antimonii vino infusum ipsum reddat emeticum, & tartarus coctus cum hoc ipso sal emeticum paratissimæ operationis constituat. Mercurius vi-

tæ quoque, si sufficienti lotionem a spiculis acidis privatur, valde violentus est; quæ omnia docent, acidum esse in causa, quod metallicam & mercurialem substantiam ita armet in venenum.

16 Verum longe magis optatum ipsa salia ex minerali regno edunt effectum. Nam si sal primum est stimulans & præcipuum fundamentum purgatricis efficaciam, facile constat, in salibus etiam eminentiori gradu hanc ipsam custodiri. Quod etiam res ipsa confirmat. Salia enim omnia, quæ natura profert neutra, quæ artis etiam sunt producta, dummodo in convenienti adhibeantur quantitate, semper strenue alvum movent. Et primo examen subeat sal commune, cuius virtus alvum dejectoria non omnibus æque nota est. At si una uncia in dimidia mensura aquæ soluta hauriatur, sine molestia ultra sex sedes provocabit, & eam ob causam ipsi fontes, qui ante aliquot annos celebres erant Hornhusani, circumspicte poti, quibusdam insigne levamen afferebant, satis fortiter & celeriter purgabant: non vero aliud elementum, quam verum sal commune magna in copia, in pariori autem sal quoddam nitrosum calcareum complectebantur. Et duobus ab hinc annis Stasfurti scaturientes fontes valde insigni purgandi virtute pollebant propter sal commune, quod in copia continebant. Imo quotidiano docemur experimento, quod ab usu haledis mox citatiorem alvum experiamur, qua de causa a nonnullis medicis, præsertim Vienneis loco medicinæ commendatur. Effectus vero purgans & stimulans huius salis notissimus est inter clysteres, nam certe una drachma salis communis in clysteribus plus præstat quam uncia una aliorum purgantium, & si quando reliqui omnes clysteres subsistunt & carent effectum, clyster salinus tantum ex sale & aqua paratus certissime eam referabit, & reliquos ad exitum promovebit.

17 De salis nitri laxante virtute nemo est ex medicis, qui ulterius dubitet, unde etiam ubi metus est alvi fluxus, ab ejus usu cavere solent. Hartmannus in praxi miscet nitri unciam cum mensura una aquæ pro potu febricitantium. Scroederus in hunc locum scribit, quod non transcendat scrupulos quatuor & tamen sæpius alvi fluxus concitet. Nos in omnis generis febribus non melius novimus remedium ipso nitro tam propter virtutem refrigerantem, quam ob id, quod alvum ad fluiditatem disponat, quod beneficium

ficiunt tanti est, ut non satis ad sanandas febres possit æstimari. Quoniam vero de vitriolo jam superius mentionem iniecimus, de nitroso, calcareo, neutro, amaricante sale, quale in copia nonnulli fontes custodiunt, etiam aliquid dicendum est. Afferimus vero plurimas acidulas Germaniæ scateri tali sale nitroso neutro, arcano duplicato valde proximo, & ob id suam aperitivam purgantem virtutem accipere; sicuti in *Dissertatione de methodo examinandi aquas salubres* latius demonstratum est. Abundantissime hoc sal etiam in fontibus Egranis existit, ex quibus quoque magna in copia arte paratur, Schvvalbacensibus, Wildungensibus, Tonsteinensibus, & omnis effectus spiritui æthereo & huic salis est adscribendus. Quod exinde discimus, quando videlicet sal ex Egranis aquis elegantissime ante productum, suminus ad unciam unam & in aqua sufficienti solvimus, emergit liquor, qui totus haustus quinque vel sex sedes sine omni molestia movet, appetitum excitat, & magnos effectus in chronicis morbis edit. Sæpius in me ipso & in aliis cum arcano duplicato feci experimentum, & ad unciam unam in mensura dimidia aquæ solutum hypochondriacis, intermittentibus lentisque febribus laborantibus egregio cum commodo propinavi. Sustulit sæpe unica dosis febres, & sedes tres vel quatuor movit.

18 Hujus commatis quoque solet esse sal illud ex alumine paratum febrifugum purgans, de quo mentio reperitur in B. Hoffmanni *clavæ pharmaceutica* pag. 348. Ego, inquit, ex alumine cum alcali quodam combinato egregium novi conficere sal crystallisatum abstersivum purgans, tutissimum in febribus & aliis affectibus, ubi curatio alias per colliquativa purgantia non facile expedienda est, usurpandum. Dosis est a scrupulo uno ad drachmas duas vel ultra in brodio calido, habet vim saponariam, abstersivam ac diureticam. Ipse hoc sal loco arcani duplicati frequentissimo habeo in usu, quod in omnibus huic est simile, sed extendi ejus dosim in fortioribus ad unciam semis, imo ad unciam unam, ubi alvum in iis subjectis egregie aperit, quæ alias frustra purgantibus exercentur. Observavi de laudato sale aliquoties hoc peculiare, quod affricu in renebris lucem sparserit.

19 Notabile porro est, quod alumen styptica virtute alias clarum certa quantitate mixtum cum sale communi & aqua coctum

& ad crystallisationem repositum degeneret in sal amaricans austeritatis expers, quod ad drachmas quinque vel sex datum cum sufficienti quantitate potus egregie sedes movet. Brevissimis; omnia salia neutra, tartarus tartarizatus, tartarus vitriolatus, tartarus nitratus, terra foliata tartari, solutio oculorum cancri, sufficienti in dosi, & cum largo vehiculo sumta, egregie primarum viarum sordes aliquot sedibus sine ullo incommodo, languore vel violentia expurgant. Et unice id in exhibitione horum remedium desidero, quod in certis casibus non dentur in ingenti dosi, nec eorum usus continetur. Quod autem in salibus potens insit vis expurgandi humores per alvum, vel hoc ipsum evidenti testimonio esse posset, quod ad acuenda purgantia, eorumque efficaciam intendendam salia addita egregie inserviant. Ita ex sagacioribus medicis salia dicta neutra paucis saltem granis verbi gratia diagrydii, jalappæ, admiscere consueverunt, & observarunt, quod unum granum diagrydii cum scrupulo semis tartari vitriolati mixtum plus operetur, quam si ad grana sex diagrydium fuerit sumtum, quod etiam valet in cæteris.

20 Perlustravimus hætenus salium mediorum classem quo modo & qua dosi alvum laxandi vim habeant. Aquas quoque minerales laxantes ob idem principium salinum efficaces observavimus. Dicendum jam etiam est de nonnullis vinis, quæ in convenienti quantitate sumta eximie alvum aperiendo multas sordes educunt. Referri huc maxime debent vina Mosellana, quæ non modo propter temperiem, qua gaudent, & diureticam virtutem æstimatissima sunt, sed quod peculiariter alvum altero die satis strenue moveant, qua de causa etiam omnium saluberrima solent judicari. Causas hujus peculiaris effectus si exquirimus, non alias invenire in expedito est, quam quod copioso sale, non tam tartareo, quam potius nitroso calcareo scateant, cui ipsorum virtus est tribuenda. Relatum namque nobis est, quod ubi vites crescunt solum valde fecundum sit sale nitroso tartareo amaricante, a quo etiam plurimi fontes & aquæ, testibus Tonsteinensibus, saporem salubremque virtutem mutantur. Hoc sal causa quoque est quod hæc vina amariusculem saporem præbeant, virtute diuretica & aperitiva prædita sint, nec facile inebrient, inque subjectis & morbis calidis, æstate quoque melius aliis ferri possint.

21 Exposita sic virtute salium mediorum deterforia, sequitur ut circumspiciamus, num acidis, sive in forma sicca, sive fluida consistent, etiam eadem virtus possit attribui. Occasionem dubitandi subministrat, quod acida adstrictivæ sint indolis, stimulum bilis enervent, poros constringant, humores incrassent; at vero non perpetuo id esse verum sequentia indicabunt. Spiritum salis rite præparatum diureticum esse in eo hætenus, ut memini, convenerunt omnes, sed laxante virtute instructum, paucos memini, qui adfirmarunt, verum hoc experientia discimus. Degit Cizæ non imperitus chymicus, qui sequentem in modum hoc spiritu utitur. Instillat nempe ipsum ad guttas decem in mensuram dimidiam aquæ fontanæ. Hanc mixturam mane jejuno ventriculo simul & semel hauriendam imperat, in calore præternaturali, febrili, bilis commotione ab iracundia, a copia vini, ita egregie præcipitat æstum, sitim exstinguit, aliquot sedes alvinas movet, urinam pellit & appetitum excitat. A spiritu nitri instillato eximia quantitate julapiis pro extinguendo calore febrili, quam methodum usu quondam habuit Mindensis practicus, alvum inde fluidam redditam non sine notabili emolumento vidi; aliquando tamen a paulo liberaliori instillatione hujus spiritus etiam sanguis prodiit, verum sine damno. Clyssus antimonii sulphuratus quod similem in finem potui intermisceri soleat, practicus est notissimum. Hic autem nonnisi spiritus nitri & sulphuris, penetrantissime acidus est. Meretur huc adduci, quod de hoc scribit Wedelius in libro de medicamentorum facultatibus pag. 152. *Acidule, inquit, artificiales, sive clyssus antimonii sulphuratus alvum ducit & simul uti & acidule naturales urinam pellit*. Hinc in praxi observamus, tota die potui febricitantium inditum alvum apertam tenere, ut hoc loco & largior paulo assumtus iisdem non noceat. De spiritu vero & oleo vitrioli major esse posset dubitatio: verum si in notabili quantitate offertur & magna copia aquæ superingeritur, certissime & alvum laxabit. Quinimo ipsum elixir proprietatis secundum Paracelsi methodum vulgariter paratum cum spiritu & oleo vitrioli, teste experientia, plus laxat ducitque alvum, quam si sine acido vel liquore alcalino fuerit confectum. Et quod attinet ad oleum vitrioli, & hoc ipsum quod vehementer satis exerceat alvum, confirmat usus elixirii sic dicti polychresti pur-

gantis, quod in pharmacopolio Glauchensi prostat. Paratum hoc est ex oleo vitrioli, spiritu vini & purgantibus, acidissimum est corrosivum, valde amarum. Hoc in febribus ardentibus ad guttas viginti aliquoties de die cum regimine propinare solent, ut magnam quantitatem cerevisiæ tenuis superbibant, non sine successu, uti aliquoties, ubi desperata cuncta videbantur, observatum fuit. Credibile est ab acido vitrioli tunicas ventriculi rodente & vellicante plus dependere hunc effectum, quam ab admixtis purgantibus, quorum energia, uti notum est, ab acido tam forti valde cicuratur.

22 Dum hæc scribimus, in memoriam incidit, non ita pridem a duobus medicis collegiis, quod hodierno tempore incredibile visum, renunciatum fuisse ad acta famam & vitam concernentia, spiritum vitrioli singulis diebus ad guttas decem per mensis spatium sumtum mortem ex absoluta necessitate intulisse, cum tamen ab hujus usu ægra bene valuit, menses habuit, donec post octo septimanas inflammatione anginosa fuerit extincta. Cujus mortis causam, per assumtum spiritum vitrioli, qui inter acida corrosiva imbecillimus, per tantum temporis spatium inaudito exemplo sine corrosione existentem, quo ratiocinio solito, & connexionem cum physico-mechanicis principiis, quaque certa & vera experientia stabilire & corroborare possint, adhuc desideratur. Spiritui vitrioli occultam quandam virulentiam adscripserunt quidam ex veteribus, sed meliora experientia chymica & practica edocti plane contrarium adserunt, & crudum spiritum vitrioli phlegmate suo sulphureo, quod Helmontius realgaris nomine insignivit, saluberrimum judicant, experientia communissima tot hominum talem spiritum cum fructu quotidie fere usurpantium id suadente. Turpe est sane in rebus, ubi certitudo haberi potest, opinionibus & conjecturis solis plus fidere, quam inquisitione accuratiori rem tractare.

23 Verum ut in viam redeamus, utique acida egregio pollent laxandi effestu. Videmus id manifesto in cremore tartari, imo in tartaro crudo, in sale acetosellæ essentiali, sale succini bene temperato acido, tamarindis acidis; hæc in dosi debita alvum non modo lubricam & laxam, sed quandoque fluidissimam reddunt. Nam si sola, uti nostra est sententia, irritatio, vellicatio, arrosio, non tam in una parte intestinorum, sed

sed in pluribus simul sufficit, ut motum peristalticum intestina intendant, & alvi fluxum secudent, acida id optime perficere possunt. Monendum tamen circa eorum usum judicavimus, ut ubi pectus laborat vitio, ubi bilis deficit, dispositio ad spasmos, ad melancholica, hysterica & hypochondriaca pathemata est, ubi excretionis sanguineæ consuetæ suppressio est, ut nos, quoad fieri poterit, ab eorum usu temperemus. In omni autem biliosa, præcalida, sanguinis & humorum commotione, alviq; inde pendente siccitate, horum usum magni facimus.

24 Ulterius devenimus ad hanc quæstionem, num in salibus fixis alcalinis virtus alvum aperiens quoque latitet? minus quidem hoc notum est, nec ullam hac de re in medicorum libris invenimus mentionem. At vero si experientiam ante oculos toto die versantem consulimus, debemus utique id ipsum plenissime adfirmare. Nam si spectamus thermas plurimas Germaniæ, præsertim Carolinas celebratissimas, hæ copiosissimum fixum alcalinum salem in sinu suo recondunt, quod etiam arte ex iis extrahi potest; videatur Dissertatio nostra *de methodo examinandi aquas salubres*. Jam vero quem latere, nisi imperitum, potest, has thermas, modo sufficientes potentur, sine ullo incommodo, dolore aut molestia alvum decem vicibus & ultra paucis temporibus sollicitare. Ut autem certior res fieret, sumsi hoc sal extractum ex thermis istis, secundum omnia sali tartari simillimum, & ejus unciam solvi in mensuris duabus aquæ, idq; in aqua calida solutum bibi: similis, purgans, diaphoreticus & diureticus respondit effectus. Neque dubitari poterit, thermas nos posse artificio imitari, modo sal alcali ex calcaria terra & spiritu acido minerali paratum sumamus, idque solvamus in aqua calida; sed hanc rem alibi fusius deduxi.

25 Consideravimus hætenus ea, quæ partim subterranea loca, partim chymica ars ad alvum expeditam fluidamque reddendam nobis largiuntur. Ordo jam postulat, ut etiam, quæ ex vegetabilibus possint depromi in usum medicum, circumspiciamus. Dicimus vero primum, plerosque fere succos plantarum, quæ odore carent, sapore autem amaro & nitroso vel acido pollent, deterfiva & laxante virtute gaudere. Ex his commendari merentur succus asparagi, betulæ, brassicæ, cardui benedicti, radicis cichorei, Hoff. Opusc. varii argum.

centaurii minoris, anagallidis, fumariæ, scabiosæ, epithymi, portulacæ, graminis, hederæ terrestris, lactucæ, mercurialis, atripicis, scordii, senecionis, & dulcium fructuum. Tales succi prius calefacti & in debita quantitate poti, vel soli, vel cum sero lactis, aut aqua calida, egregiam virtutem aperitivam alvum laxantem exserunt; inest enim dictis hisce herbis sal elegantissimum subtile tartareum & nitrosum, quod essentielle vocant, & arte quoque ex ipsis potest extrahi. Placet huc adducere eximium locum ex Pechlini observationibus, scilicet obs. 9. pag. 337. Ubi ait: *cichorei succus plurimo nitro abundat, quippe quod chymici dexteritate inde extractum vulgaris nitri instar & figuratum & inflammabile vidi: item in portulaca, succulentissima planta, obvia quoque est nitri copia, quando illud crystallatum in totidem angulos faciesque excrevisse observavi.*

26 Præterea ex vegetabilium classe plures herbarum & arborum flores subtili ac tenero sale acri, viscosis particulis immerso, fecundi sunt, & ob id blande alvum molliunt, eamque ducunt. Ejusmodi generis sunt flores persicorum, acaciæ, violarum, bellidis, borraginis, calcatrippæ, cheiri, item rosarum recentium, hepaticæ nobilis, fumariæ, rhapontici veri, ebuli, qui vel cum infuso in vino, vel expressi in succum, tempore præsertim vernali, egregie alvum commovent. Intenditur vero eorum vis, si aliquid de tartaro, agarico, aromatibus adjiciatur. Ex seminibus vegetabilium semen violariæ in emulsionem redactum gratissimam, eleganti virtute non saltim diuretica, sed & purgante pollet, ut drachma una quatuor sedes quandoque ciere soleat. Valde accommodatum est infantibus, & iis qui nausea medicamentorum afficiuntur. Virtus hæc præstantissima adeoque commendatissima hujus seminis parum nota est; meminit ejus Scroederus in *pharmacopœia*, qui lib. IV. p. 147. hæc habet: *seminis violarum usus rarus est, isque in obstructione renum, ubi emulsionibus potissimum inservit, de quibus nota, quod plerumque vomitum ac secessum moveat.* Verum monendum, quod virtus emetica accipienda sit de recentissimo semine. Nam generalis est regula, quod omnia purgantia ex vegetabilibus, si fuerint recentissima, ob sal acre volatile cum alvo simul provocent ventriculum ad vomendum.

27 Progressum jam facimus ad ea vegetabilia,

bilia, quæ resina quadam subtili acri pol-
lent, ex quibus aliqua delibabimus, quæ
sunt tuta, utut non valde usitata. Maxime
omnium vero non ignorari oportet, omnia
resinoso-gummata, quæ multum olei & spi-
ritus acidi per destillationem fundunt, &
acredinem in lingua relinquunt, laxante
quadam virtute gaudere. Ita, verbi gratia,
gummi galbanum, sagapenum, ammoniacum,
bdellium, opoponax, myrrha qualitate
stimulante imbuta sunt. Gaudent enim sub-
tili acri sale, quod enascitur ex commixtio-
ne olei & acidi, quibus constat. Quapro-
pter non sine ratione veteres & recentiores
hæc gummata in pilulas receperunt, hypo-
chondriacis convenientes, quo nomine Quer-
cetana, Conerdingiana claræ sunt. Absti-
nendum tamen ab iis esse censeo, quando
humores biliosi, fervidi prædominium ha-
bent, & phlogoses atque exæstuationes cau-
santur. Ob eandem causam nempe, sal te-
nerum acre immersum particulis sulphureis,
etiam terebinthina, Peruvianum balsamum,
liquida ambra, resina ladani, stimulante sua
virtute ad alvum aperiendam faciunt. Coni-
abietis in principio veris collecti, & loco
thee cum aqua calida infusi, & saccharo
canto melioris gratiæ ergo edulcorati, scor-
buto frigido affectis eximie succurrunt. Nam
non modo urinam cient & alvum apertam
tenent, sed & humorum & sanguinis mas-
sam commovent, & excretionem totius cor-
poris optimum in modum secundant.

28 Insuper egregium stimulans latitat in
ligno guajaco; hoc non modo copiosa resi-
na, sed & acerrimo sale imbutum esse variis
experimentis evinci poterit. Præter alia ve-
ro ipsius decoctio facta in aqua communi,
sapore teste, id comprobatur. Et si inspissa-
tur, largitur magma odoris balsamici, sa-
poris acris, quod naribus exceptum potenter
sternutamentum movet. De quo jam olim
egi in dissertatione *de sternutatoriorum usu
& abusu*. Hæc ipsa substantia, acris, bal-
samica, vel per se in pilulis, vel melius in
pulvere ad scrupulum semis sumpta, præfer-
tim si aliquot grana salis neutri admiscen-
tur, insigni cum euphoria alvum stimulan-
do quatuor, imo sex sedes movere solet.
Eadem virtute, quamvis remissiore, prædi-
tum quoque est gummi guajaci, quod eum
in finem inter balsamicas pilulas optime re-
cipitur. Ulterius notum est gummi benzoës
purissimum, sapore acri, & sternutamento
teste, subtili acri sale abundare, & eam ob

rationem quoque opportune ingreditur pilu-
las cephalicas catarrhales & balsamicas, cum
autem in floribus sal illud acido-acre magis
sit congregatum, hinc etiam observatur,
quod ii ipsi ad alvum stimulantam melio-
res & aptiores sint. Duo hæc, nempe ben-
zoës flores, & extractum decocti guajaci,
ratione virtutis stimulantis nares & alvum,
hactenus, quantum scimus, minus nota fue-
runt, a me tamen sæpius commendata.

29 Restat adhuc aliud quoddam tutissi-
mum stimulans parumper etiam cognitum,
quod tamen meretur commendationem, &
est essentia centaurei minoris cum spiritu vi-
ni rectificatissimo, & melius cum spiritu
cochleariæ facta. Hæc ad guttas sexaginta
vel ultra propinata, ex observatione & usu
multiplici cum summo emolumento alvum
aliquoties aperit. Qua virtute etiam resplen-
descit extractum, quamvis paulo languidius.
Superest adhuc ut ex notis & vulgaribus
istis purgantibus tutiora & selectiora com-
mendemus. Inter hæc autem primas partes
tenet rhabarbarum & folia sennæ, utraque
in infuso. Porro tamarindi in decocto, &
denique extractum hellebori nigri in pilu-
lis: mechoacanna vero in pulvere vel essen-
tia. Reliqua omni caustica potentia in ma-
jori dosi plane dissuademus; in remissiori
autem, e. g. ad duo vel tria grana pro una
dosi si fuerint remixta cum salibus & car-
minativis, qua dosi & methodo ea sæpius
utilissima sumus experti.

DISSERTATIO XII.

D E

CAUTO ET PRÆSTANTISSIMO VOMITORIORUM USU.

§. I.

Quicumque in salutaris & pœne divinæ
artis nostræ exercitio dextre versari,
& officio medici exacte satisfacere ni-
titur: illi profecto nihil prius esse debet,
nihil posterius, quam ut proprias & genui-
nas remediorum, quibus utitur, vires, in-
dolem & operationes, pro diversa tot ægro-
tantium natura ac corporum constitutione,
nec non morborum indole eorumque causis,
probe intelligat intimeque pernoscat. Nihil
enim

enim ad rectam, securam & rationi subnixam medendi methodum magis necessarium est, quam exquisitum ac certum, pro morbi & ægrotantis conditione, debito tempore, convenienti regimine, justo ordine & congrua mensura, appropriata auxilia præscribendi ac offerendi judicium. Quomodo autem cum recta ratione & solido fundamento id præstare velit & possit medicus, equidem non video, nisi prius ipsorum remediorum agendi principia & elementa, variamque partium, quibus componuntur, mixtionem atque texturam, non solum a priori, tum sentium, tum artis chymicæ ministerio, explorarit, sed etiam a posteriori, per varias observationes & experimenta practica, eorum effectus, atque operationes plenius cognitæ habuerit atque perspectas. Et quum pauci ex iis, qui medicinam faciunt & eruditorum nomen frivole affectant, medicamentorum facultates & pro tanta ægrorum & causarum morbificarum varietate, mirum dissidentes virtutes penitus cognoscant & perfectius intelligant: minime certe mirandum est, tantos non solum lapsus, tamque graves errores, in explicando contrario sæpius & quandoque plane noxio medicaminis cujusdam effectu committi, sed in tam diversum etiam abire animos, in quorundam remediorum æque commendatione & usu, ac infamatione & vitiatione: ita ut nonnunquam idem medicamentum a quibusdam insigniter celebretur & ut summe proficuum collaudetur, aliis vicissim hoc ipsum magnopere dissuadentibus & ut nocivum reformidantibus.

2 Iniquissimam vero hanc ex medentum inscitia sortem ea præsertim experiuntur remedia, quæ præ reliquis vegetiori & validiori agendi potentia sunt instructa: utpote quæ, quo majori & insigniori virtute, si caute atque prudenter exhibentur, pollent; eo gravius utique damnum, perperam oblata, inducunt. Et sicuti hoc de omnibus sic dictis heroicis medicamentis quotidianæ ferme observationis est; ita certe vix ullum ex eorum censu est, quod tantopere suspensos tenuit & in tot sententiarum divortia pertraxit medicos, quam vomitoria. Viderant nimirum nonnulli; emetica veneni indolem æmulari, & exigua admodum mole validissime operari & atrocia nonnumquam symptomata, stomachi nempe ardorem, anxietates, oris pallorem, labiorum tremorem & suscitare alia. Cogitarant, ipsam vomitio-

nem esse ejusmodi excretionis speciem, quæ tantum abest, ut secundum consuetum naturæ ordinem contingat, ut potius eundem pervertat, & inverso plane ordine procedat, ipsumque reciprocum ventriculi motum retro urgendo, nonnisi summe violenta sit & aliena. Observarant præterea noxium sæpius & perniciosum effectum, apoplexiam, cæcitatem, cruentum vomitum ipsamque mortem a vomitoriis esse productam. Et his potissimum rationibus inducti, emeticis indelebilem maculam inurendam eademque e foro medico merito penitus proscribenda esse censuerunt. Alii contra, ipsa experientia edocti, noverant, venenum quandoque in salutarem medicinam cedere, & vomitoriorum incomparabilem prorsus esse utilitatem ac præsentaneam in debellandis morbis opem; neque ob id mirificis encomiis eadem dilaudare dubitarunt, ita ut sine eorum usu rebellium morborum sanationem frustra- neo conatu suscipi aperte profiterentur, & vix morbus esset, in quo non vomitum momenta suaderent ac commendarent.

3 Verum enim vero quemadmodum priorum opinionem in Asclepiade, qui teste Plinio, *H. N. lib. 26. cap. 3.* vomitum penitus rejecit, jure reprehendit Celsus, *lib. 1. cap. 3.* ita certe parum circumspecti & imperiti esset, in emeticorum laudes tantum excurrere eorumque usum ultra prudenter constitutos limites proferre, nimiaque promptitudine & liberalitate in eorum oblatione uti; quin potius media ineundum est via, & sagaci rationis usu dispiciendum: an & quare in hoc vel illo morbo, in alio & alio ægrotante, conducant vel noceant? Sed hoc opus, hic labor est, quem irritò sane ausu adgrediuntur, qui remediorum verum & rationalem operandi in corpus modum ignorant, fructuose vero & exoptato conficiunt, qui rationum physico-mechanicarum & anatomicarum solida cognitione adjuti, in horum remediorum agendi principia, in effectus, quos in corpore humano, pro indole causarum morbum excludentium, nec non pro ratione temporis, producant, summo studio inquirunt. Quæ quum ita sint, non incon-sultum fore duxi, si hoc arduum quidem, sed summæ utilitatis argumentum, speciminis inauguralis loco mihi explanandum sumerem, & *observationes* non adeo tritas atque vulgares *de cauto & præstantissimo emeticorum usu* cum publico communicarem.

Observatio I.

Exquisita & stupenda partium tenuitas est in emeticis, qua tam violentos & vehementes in corpore suscitant motus: unde summa cum moderatione & provida manu dosis eorum determinanda.

Scholion.

Quanta partium subtilitas, vis & potentia emeticis, sive ex mineralium, sive vegetabilium familia petitis, insit: inter cætera vel sola exigua moles ac dosis, qua oblata vehementissime non modo primas vias, sed & alias a ventriculo longius remotas partes exagitant, luculentissime arguit. Inprimis autem in antimonialibus mira particularum exiguitas est & summa teneritudo, qua potentissimæ operationis sunt, licet sensuum ministerio non percipi possit, eadem quicquam ipsorum ponderi decessisse. Nam frustum vitri antimonialis, hyacinthini coloris, scrupulum circiter æquans, vino Rhenano sub moderato calore immissum, tam validæ virtutis est, ut iterata vini aliquoties infusione, vel centum robustis, vomitu satis vehementi expurgandis, sufficiat. Nota etiam sunt pocula emetica, quæ ex stanni Anglicani & una reguli antimonialis parte concinnantur. In his si aliquandiu detinetur vinum expeditissima vomitiva virtute illud imbuunt, quæ nunquam aboletur, sed tantæ firmitatis atque constantiæ est, ut procurato myriadibus vomitu, poculum ne sensibile quidem ponderis decrementum inde patiatur. Ipse tartarus emeticus, qui ex vitro antimonii & cremore tartari paratur, longe vehementioris operationis est eo, qui ex croco metallorum communi more conficitur, & tria hujus grana, vix tanta vomendi vi pollent, quam unum illius, cujus tamen vix vigesima pars antimonialis prosapiæ est. Famigeratissimus porro nostra ætate est pulvis ille emeticus Monckii, gallice Ramoneur dictus, qui ex nitro & antimonii regulo, in crucibulo calcinatis, præparatur, ope certe cujusdam encheiriseos, qua neglecta, vis vomitoria illico in mitissimam transit diaphoreticam. Nimirum si una pars reguli & tantundem nitri depurati & exsiccati miscentur, & ambo crucibulo immissa calcinantur, in calcem acerrimam utuntur, quæ

spiritus vini rectificatissimi affusione, prævia digestionem & repetita infusione, celebratissimam illam metallorum tincturam elargitur, remanente in fundo calce antimoniali diaphoretica, omnis virulentia experte. Si vero eadem & reguli & nitri portio sumatur, nec simul & semel commisceatur, & crucibulo indatur, sed regulo fuso, successive & per vices nitrum adjiciatur, & scoria demum, in superficie hærens, semper eximatur & removeatur, quousque omnis regulus cum nitro in scorias abierit: & tunc his scorias eodem modo purissimus vini spiritus aliquoties in sufficienti quantitate infundatur, quo lixiviosum illud & acre sal cum nitro transcendat in spiritum, residuus in cucurbita pulvis ad grana aliquot, sex vel decem propinatus, non raro pro dispositione corporis & humorum vomitiones sat violentas concitat. Cujus tam diversæ operationis causam si quis scrutetur, vix aliam deprehendet, quam quod scoria illa, in superficie reguli, inferiorem carini partem occupantis, hærens, subtilissimis reguli exhalationibus imprægnetur, quæ nitro non cicurata vel inversa, vehementis illius & vomitivæ facultatis materiam præbent. Hinc etiam antimonium diaphoreticum, mitissimum alias omnisque vehementioris operationis expertum pharmacum, illico insigni vomitiva facultate imbuí potest, quando nimirum regulo in crucibulo fuso injicitur, quo exhalantes e liquefacto illo & spumante agilissimas & tenuissimas particulas absorbeat, inque societatem suam admittat. Et sæpius observavimus, ipsum hoc antimonium diaphoreticum cum tribus nitri partibus non rite præparatum &ustum, quandoque in corporibus dispositis nauseam & vomitum suscitasse, quod maxime contingit, si globuli regulini, forsitan ex improvida pulveris carbonum admixtione & inde facta reductione, prognati, calci diaphoreticæ adhuc interspersi sunt. Neque vero tantum vomitoria antimonialis familiæ in exigua dosi vehementes in corpore concitant commotiones, motusque ventriculi, intestinorum ac oesophagi præter naturam invertunt, sed minima etiam portio cupri, quod unicum ex metallis emeticum est, ad vomitum proritandum sufficit. Vitrioli enim cypri, quod cæruleum a cupro mutuatur colorem, grana tria quatuor emetici suscitare valent; id quod etiam vitriolum album eodem ferme modo præstat. Antiquissimis medicorum hæc activæ indolis emine-

minerali regno deprompta remedia plane ignota neque in usum recepta fuerunt, sed ad vehementiores per superiora & inferiora evacuationes suscitandas, necessitate id exigente, solo helleboro, præsertim albo, usi sunt. Quam enormes autem pariter exigua aliquot granorum hellebori albidosis turbas, in universa corporis œconomia irritando & exturbando concitet, in propatulo est: ut nisi aliorum admixtione probe corrigatur & subigatur, instar veneni perimat homines, vel in miserum valetudinarium statum dejiciat. Nihilominus tam tenera & subtilis partium in eo est compages, ut sola paullo diuturniori ex aqua simplici decoctione, omni virtute drastica penitus privari possit, & tuto postmodum assumi; quod etiam eadem ratione cum tabaco, asaro aliisque emeticæ & drastice virtutis vegetabilibus succedit. Similiter gummi guttæ, si ad grana sex vel decem propinatur, non modo per inferiora, sed etiam superiora, insigniter & vehementer purgat: si vero id ipsum paullo diutius cum aqua decoctum fuerit, quo sub coctura tenue illud & virulentum principium in auras aufugiat, cathartica vis ex toto perit. Folia vel etiam radices asari, nec non cortices medii, radices & arboris sambuci recentes, sæpe superius & inferius materias exturbant, asservati autem, præsertim æstivo tempore, aliquandiu, hanc virtutem penitus exuunt. Plura porro sunt ex fortioribus purgantibus, ut gialappa, scammonium, hermodactyli, esula, soldanella, gratiola & alia id genus, quæ, si recentia fuerint, præter dejectiones alvinas, etiam vomitum cient; quod tamen minime accidit, si in pulverem redacta, in libero aere diutius fuerint detenta. Experti quoque sumus, radicem ipecacoannæ, si in pulvere per annum & ultra liberiori aeris accessui pateat, vel ex parte, emeticam vim perdere, ut nimium longe majori dosi ea tunc propinari debeat. Denique tenuissima illa & insigniter activa emeticorum facultas dilucide ex eo patescit, quod exterius tantum admota, interiora promptissime subeant, & eo delata, vomitum illico proritent. Fidem hujus rei faciunt M. N. C. Dec. II. A. I. obs. 43. ubi memoratur: quod decoctum croci metallorum, in puero trienni herpete laborante exterius applicatum, vomitum produxerit. Et teste Hildano *lib. de dysenteria*, quidam ad emesin movendam radices hellebori albi orificio ventriculi imponi, autori-

ficiam hoc, & ventrem supra umbilicum, unguento de arthanita inungi jubent. Quæ quum tam vera sint, quam quæ verissimæ, cautissime certe erit mercandum & summa cura providendum, ne unquam in emeticorum oblatione dosi excedamus, in corporibus præsertim tenellis & ad anomalas commotiones admodum pronis. Hanc enim si medicus pro diversa indole subjecti laborantis, partium nervosarum constitutione & virium quoque ratione non solícite distinguit & circumspécte moderatur: præsentissimam, & haud raro, nisi cito succurratur, immedicabilem noxam inferre potest. Quare etiam sagaces & prudentes medici, non tam inconsiderato & promte, sed expensis omnibus circumstantiis ægri, morbi & temporis, ad hoc remedii genus descendunt, multo minus peregrinis & in exteris locis degentibus illud præscribunt atque committunt.

Observatio II.

Sicut omnia activioris indolis & operationis medicamenta, ita etiam ea, quæ vomitum valide provocant, in nerveo-membraceas corporis partes, & primario quidem in ventriculum & intestina ipsisque contermina, vim atque efficaciam suam exerunt.

Scholion.

Per activioris naturæ & operationis medicamenta intelligimus ea, quæ ingentem mutationem solidorum & fluidorum motibus celeriter inducendi facultate gaudent, & excretiones vel præter consuetum ordinem & modum augent & intendunt, vel nimias sistunt atque compescunt. Priorum censum subeunt omnia drastica & acriora, *αὐτὸ καὶ κατὰ* evacuantia, nec non quæ salivam, urinam & sudorem impetuosius cient, aut sanguinis profluvia eliciunt. Inter illa vero, quæ effrenes solidorum & fluidorum motiones sedant vel sistunt, narcotica principem sibi vindicant locum. Omnia hæc ac singula, summa partium, sive sulphurearum, sive salinarum, tenuitate & subtilitate in tenerrimas tunicarum nervearum & musculosarum fibras penetrando & agendo, tum sensum, tum motum, & systalticum & diastalticum, cujus beneficio omnis generis fluida per canaliculosam partium texturam traduntur &volvuntur, diversimode afficiunt, atque immutant. Nam pro
di-

diversa activi in medicamentis principii ratione, & pro varia etiam nervosarum partium structura, longe multumque effectum variare, vel ex eo luculenter apparet, quod quæ vomitum cient, potissimum in ventriculum & duodenum, quæ alvum subducunt, maxime in intestina, quæ diuresin proritant in tubulosam renum substantiam, nec non ureteres atque vesicam, quæ diaphoresin procurant, in arteriarum tunicas & tubulos subcutaneos, & quæ salivæ fluxum exprimunt, in salivales glandulas, vim atque potentiam suam edant. Quæ certa & constans effectuum observatio, sola ad usum practicum & medentis scopum obtinendum sufficit, neglectui data omni subtiliori theoria, seu potius sublimi speculatione, quomodo nempe remedia agant in has vel illas partes? qua textura, vel figura partium id fiat? Item: quid moveat solida corporis nostri? vel motum peristalticum ventriculi & intestinorum efficiat? num fluidum, per nervos aut arterias allatum, sit mobilissimum? aut an principium quoddam agens, vel ratione præditum, vel eadem carens, motus in corpore perficiat? Hæc omnia enim nimis abstractæ, subtilis & reconditæ indaginis sunt, ac ne hilum quidem ad tutam morborum persanationem & prudentem remediorum administrationem conferunt. Id vero nosse oportet medicum, dari emetica mitiora & fortiora; quorum illa in ventriculum & ei annexum duodenum agunt, ac moderate nec impetuosè nimis expellunt: hæc autem non modo easdem partes fortius exagitando evacuationem vehementiorem moliuntur, sed etiam in reliqua tenuia intestina, eorumque glandulas & confines ductus, quæ bilem & succum fermentalem e pancreate advehunt, latius vim suam diffundunt, & varii generis excrementitias materias e remotis etiam sedibus alliciunt atque eliminant. Inter clementiora & magis diætetica, veteribus maxime familiaria, aquæ tepidæ, cum vel sine sale & melle mixtæ, celerius haustæ copia, connumeranda, vel solennis recentioris ævi medicis radicis ipecacuanhæ, aut tartari emetici, nec non pulveris regulini, præscripto Monckii parati, panaceæ emeticæ Glauberianæ & Conerdingianæ usus, quæ parciore dosi & sufficienti cum vehiculo exhibita, primam sic dictam regionem, a corruptorum, ex bilis pravæ, acidorum seccorum & malæ digestionis cruditarum coacervatione emergentium, ibique locorum stabu-

lantium humorum sorditie, insigniter, blande tamen, deplent. Quod si vero hæc ipsa, antimonialis præsertim prosapiæ pharmaca, liberaliori manu propinantur, non tantum intra ventriculi & duodeni pomœriâ subsistunt, sed intimius penetrando, in contiguas etiam & adjacentes partes vim suam propagant, & maxime ductus biliarios attentant, eosdemque concutiunt & crispant, ut redundantius biliosum humorem eructent, unde nonnunquam tanta biliosæ materiæ copia iterato vomitu rejicitur, quanta neutiquam duodeni latibulis excipi potuisset ac comprehendere. Quinimmo sæpius vomitoria primæ regionis limites multum transcendunt & in longe distitas partes virtutem suam explicant, ut etiam, quemadmodum cachecticorum & anasarca laborantium exemplo constat, ex universi corporis habitu, copiosos serosos humores, & per superiora & per inferiora educant, ac in corporibus tenerioribus, & quæ spasticis ac convulsivis nervosarum partium commotionibus solenniter conturbantur, gravissima & quandoque funesta symptomata inducant.

Observatio III.

Dentur, quæ vomitu ventriculum deplent plane innocentia & blanda, quæ non infecta qualitate & arrosione tunicarum nervearum, sed magis copia & fibrarum relaxatione, motum excretorium adjuvant, & non sine emolumento usurpantur.

Scholion.

Quod pravi in ventriculi & duodeni cavitate contenti humores, ingenti cum commodo cito, & qua fieri potest brevissima via, ore foras ejiciantur, & ipsi spontanei a natura, ut ita loquamur, instituti, & arte provocati vomitus, clarissime demonstrant; idque duplici modo contingere ac perfici attenta observatione constat: quando nimirum vel a subtili & penetranti acrimonia, vel mole nimium distendente, tunicæ nerveæ ad contractionem, expulsionem & motum inversum irritantur & sollicitantur. Hinc repleto nimium & aggravato, vel a cibis avidius ingestis, vel a copia potus, præsertim vini aut cerevisiæ, vel in infantibus lactis congerie, ventriculo, summo sæpius cum emolumento, vomitus aut sponte subsequitur, aut etiam proritatur. Et certe, ve-

terum excitandi emesin methodus, longe erat alia, ac illa, quæ nostris temporibus acrium & chymicorum pharmacorum ope recepti moris est. Illi enim rarissime helleboro albo, ceu drastico, utebantur, sed solenne ipsis erat, remediis fere diæteticis, aqua nempe tepida, vel sola, vel cum sale, melle aut oleo remixta liberalius hausta, non secus, ac quasi clystere, qui ex iisdem ingredientibus componi solet, ventriculum ad expulsionem per superiora stimulare, & hoc pacto acres, biliosos, viscidos & acidos humores diluere, detergere & utiliter foras ejicere. Et sicuti tutissimum hoc ad vomitum excitandum est remedium, quod in regionibus maxime calidioribus & corporibus facile mobilibus, felicissimæ erat operationis: ita omnino hoc ipsum in nostris etiam oris neutiquam penitus rejiciendum, sed sæpius necessarium esse existimo, tunc potissimum usurpandum, quando per activæ indolis chymica & mineralia stomachum movere, valde intutum & periculosum est. Nam sæpe acres, biliosi, ab ira maxime commoti humores, firmiter ventriculi tunicis inhærentes spasticam cum cardialgia constrictionem & perpetuum vomendi conatum gignunt, ubi antimoniale, vel acrius, vel validius, e mineralium regno petatum, propinare, perniciosum esset atque funestum: quum contra lubricans ejusmodi & relaxans, paullo majori dosi oblatum remedium, maxime ex usu sit, & vomitus, quos natura sinistra molitur, promovendos ac provocandos. Sunt porro, qui ex depravata concoctione ac digestionem, magnam stagnantium crudorum colluviem collegerunt, sic dicti hypochondriaci. Hi thermalibus aquis, primis potationis diebus paullo liberalius haustis, insigni cum levamine vomitus experiuntur, & tenaci viscida materia rejecta, medicatarum aquarum postea usum longe commodius ferunt & facili atque explicita curatione ex ancipiti levantur. Denique quotidianis experimentis comprobatum est, emeticum antimoniale, vel aliud minoris molis, sed agilius indolis, molestissima vellicatione summas sæpe cum frustraneo vomendi conatu parere anxietates; jusculis vero pinguibus, vel aqua tepida cum butyro insulso copiosius haustis, & felicius sequi vomitiones, & anxietates illas cardialgicas, cum inquietudine junctas, conquiescere. Arsenicum, innumeris funestis exemplis infamatum venenum, spasticas vehementes per universum nervosa-

rum partium systema contractiones, quibus totam œconomiam motuum in solidis & fluidis pervertit & extinguit, efficit, cum vomitu non adeo frequenti, qui tamen copiose hausto lacte, oleis & humidis dum adjutur, acrimonia veneni correctæ, non modo fibræ laxantur, sed vomitus etiam subsequuntur numerosi, quorum beneficio ipsum venenum felicissime e ventriculo eliditur. Ex quibus jam facile liquet, humida & relaxantia uberius ingesta, ad vomitum eliciendum summopere esse proficua: ubi ab enormi spasmò, a quacunque etiam causa suborto, primæ viæ affliguntur; quandoquidem ad excretionem illam emeticam, non sola contractio tunicarum ventriculi sufficit, sed opus est, ut ejus motus peristalticus, qui reciproca parietum corrugatione & dilatatione absolvitur, intendatur & invertatur.

Observatio IV.

Quæ dolores & spasmos leniunt, motuum impetum refrenant & sistunt, ut sunt anodyna, narcosis inducentia, & maxime ex opio præparata, hypercatharces per vomitum aut secessum sistere & coercere, experientia testimonio constat: eadem vero remedia vomitum etiam provocare, non adeo quidem obvium, sed tamen attenta observatione compertum est.

Scholion.

Ipsam theriacam, & ex ea præparatam essentiam, nec non aquam cum vino destillatam, ad compescendas hypercatharces certum & tutissimum esse præsidium in propatulo est; & hanc sistendi facultatem opio, ceu potissimo theriacæ ingredienti, tribuendam esse, non facile quisquam in dubium vocabit. Ut enim reliqua, quæ in observatorum commentariis memoriæ prodita sunt, prætermittam, memorabilis imprimis hanc in rem est observatio Cl. Et-mulleri, quam in *Dissertatione de virtute opii diaphoret.* p. 8. affert, dum tradit: *superiori Anno juveni ex incautius hausto vino emetico antimoniali, in hypercatharsin ultra 14. dies adeo copiosam dejecto, ut secessuum numerum referendo, mendacii suspicionem declinans, tam omittere liceat, essentia theriacalis, cum essentia opii propinata, eximiam utilitatem, 40. saltem guttarum dosi, attulit.* Similiter massa pilularum de cynoglossa, quam præ-

præter opium, etiam semen hyosciami ingreditur, pariori dosi, ad aliquot grana, in pulvere exhibita, ad compescendas enormes vomitiones, non sine fructu adhibetur. Utut vero hæc nimias per vomitum, aut alvum excretiones cohibendi facultas in opio aliisque narcoticis, abunde confirmata & indubiæ veritatis sit: attamen iisdem sedantibus remediis, vomitum, ingenti sæpius cum anxietate stipatum, subinde proritari, identidem certissimæ experientiæ, & multoties a me præsertim in hypochondriacis, qui sumto circa noctem leni opiato, mane vomitum experti sunt, observatum est. Quem etiam effectum *Cel. Wedelius in opiologia* probe notavit. Et *Helmontius* ob vomitivam hanc virtutem opium accusat, quod virulenti & acris quippiam custodiat; licet hæc sententia ad veritatem minus accommodata, & miræ huius operationis ratio longe aliunde petenda sit. Quod si enim præcordia spasmodis nimis stringuntur, anxietas potius & nausea, quam vomitus exsurgit: sublata autem per anodyna strictura, & motu peristaltico per debitam relaxationem & dilatationem restituto, vomitio faciliior fit & expeditior. Vel anodyna etiam tonum & robur ventriculo subtrahendo, efficiunt, ut humores non expulsi in eo subsistant, restagnent & postea copia & infesta qualitate eundem ad contractionem & expulsionem stimulent, quod sane stomacho jam imbecilliore & solutiore ac concoctione vitiata, facillime contingit.

Observatio V.

Quum emetica tutissime & celeriter a valde noxiis & naturæ infestis assumtis corpus liberent, dilucide patescit, quod adversus venena, præsertim narcotica, nec non alia caustica ingesta, vel prognatos in ipsius ventriculi sinu virulentæ qualitatibus humores, certius, tutius & præsertius vomitoriis non detur præsidium.

Scholion.

Inter venena, quæ per oris cavum corpus subeunt, præcipuum utique locum sibi vindicant narcotica; utpote quæ infesto vapore, fluidum, quod sensum, motum, tonum & robur solidis largitur, inficiendo & contaminando, illico summum torporem, sensuum ac motuum impotentiam, anxiam spirationem, pulsuum exilitatem & contractio-

nem, nec non ob sanguinis in cerebri vasis stagnationem, depravatam & plane aberrantem phantasiam inducunt. Horum classem ducunt omnes species hyosciami, stramonii, daturæ, solani, mandragoræ, papaveris & quæ ex iisdem desumuntur: quæ si ex errore comesta, aut ex imperitia assumta fuerint; certe consilio *Helmontii*, vix præsertius & præstabilius emeticis est remedium; quod etiam *Cl. Wedelius, in amœnitat. mat. med.* experientiæ calculo confirmat. Observatur adhuc meo animo notabile hac de re exemplum. Devoraverat nimirum quispiam ex errore, loco pilularum balsamicarum extracti opii grana XIIIX. & inde anxietates cum sensuum torpore mentisq; ab alienatione persentiens, errato opportune animadverso, confestim cum convenienti vehiculo tartari emetici grana tria assumpsit, & quum nullus duabus horis elapsis sequeretur vomitus, urgente symptomatum vehementia, eandem tartari emetici dosin iterato ingerere coactus fuit, sed pariter ne quidem nausea, multo minus vomitio suborta est. Tandem vero injecto clystere acriore, evacuatio successit, & decies vomens, nihil virium detrimenti percepit, sed optime convaluit. Porro aliud venenorum genus est, indolis acerrimæ, penetrantis & causticæ, ad quod referenda maxime arsenicum, argentum vivum corrosivum, antimonii vitrum, regulus & drastica acriora majori dosi data, præsertim helleborus albus: quandoquidem veri veneni ingenium in pervertendis & destruendis motibus vitalibus, hæc ipsa obtinent: ut adeo nihil magis consultum, & opportunum sit, quam ut quam citissime & qua brevissime fieri potest via, e corpore exturbentur. Sed horum ea est ratio, ut ipsa vomitum proritent, vel etiam enormes dejectiones moveant, licet sine ullo levamine: quippe dum firmiter adhærescunt ventriculi & intestinorum membranis nerveis, easdem perpetim lancinando & arrodendo, contractiones ad vomitus suscitant, quæ tamen nec sufficientes sunt, nec idoneæ ipso veneno educendo. Quapropter si vomitu curare juxta præcorum medicorum præscriptum expedit; certe illud hoc in casu ex usu est. Neutiquam tamen id irritantibus & virulenta acrimonia agentibus, sed lenientibus, pinguibus, demulcentibus, humidis copiosius haustis, exsequi fas est; quo non modo acrimonia involvatur & attemperetur, sed ipsum etiam venenum simul, evacuatione per vomitum auctiore reddita,

vendita, e corpore exturbetur. Et sicuti vel sola ratione dictitante liquido inclarescit: ad infringendam & involvendam venenorum & acrioris indolis pharmacorum virulentiam, nihil pinguibus & demulcentibus ipsoq; lacte esse præstantius: ita certe plurima exstant exempla, quæ id luculenter confirmant, e quorum numero notari inprimis meretur, quod mihi ante aliquot annos obtigit. Comiti decem annorum ad vermes enecandos pilulas ex mercurio dulci præscripseram, extracto panchymagogo Crollii & aliquot colocynthidis granis, sex dosibus assumendas. Sed arbitro forte remoto, comes ignarus numeri, circa noctem omnes in capsula contentas pilulas simul deglutit. Quod quum mihi esset renunciatum e vestigio ut afferatur insignis lactis copia iussi, eoq; ad menfuras duas hausto, nihil plane incommodi & mali subsequutum est, sed alvo quinquies vel sexies circa matutinum tempus subducto, aliquot lumbrici lati adhuc vivi una excreti sunt.

Observatio VI.

Gravissima nonnunquam symptomata lactis in ventriculo coagulum ingignit: quibus dispellendis & penitus submovendis, emetica exoptatissimam commodant opem.

Scholion.

Quemadmodum lac, moderate assumtum & ventriculo firmo ac puro, optimum præbet nutrimentum: ita certe copiosius ingurgitatum, stomacho infirmo & acidis succis obseffo, infensissimum est, & maxima non solum symptomatum tormenta suscitatur, sed etiam ancipites & periculosos morbos excludit, qui non prius discedunt atq; remittunt, quam exturbata noxia & infesta mole, ventriculus iterum sui factus sit juris. Quod si enim in lactentibus major lactis copia, quam tenerior & non adeo firmus ventriculus subigere atque expellere potest, in stomachum defertur, non modo in ejus cavo stagnat, sed etiam acore inficitur & in tenaces ac firmos grumos abit, quorum pondere ventriculus nimium oppletus distenditur & pleræq; ægri tudines, quibus infantilis ætas infestari solet, gignuntur. Inprimis notissimum est, quod acescens & fermentescens coagulatum lac, sæpius materiam & causam præbeat asthmatis infantes tantopere assilienti, Hoff. Opusc. varii argum.

ut etiam suffocationem minetur: quippe procurato per sirupum emeticum, ex violarum sirupo & tartaro emetico, paratum, aut linctum cum aliquot pulveris Monckii granis, vomitu, facili & explicita curatione morbus illico dispellitur & subigitur. Porro hypochondriaci, quorum ventriculus plerumq; solutior est & acidorum & corruptorum humorum sentina scatet, ab assumpto lacte & hostili coagulo infecto, maximas experiuntur molestias, ventriculi inflationes, anxietates, spirandi angustiam, inquietudinem & insignem virium prostrationem: a quibus ut præsentaneo cum levamine liberentur, certior & promptior non datur ratio, quam ut leniori emetico, cum diluente tepide sumto, ventriculus vomitu depleatur & pessimorum horum symptomatum materies exturbetur. Fidem etiam faciunt M. N. C. Dec. 2. A. 9. observ. 64. quod lac copiosius haustum, in corpus nimio motu & calore æstuans & in ventriculo acidorum succorum colluvie conferto, causa fuerit febris cum convulsionibus: ægro, caseosa materia sponte & elicitio per artem vomitu rejecta, ex voto convalescente. Et Henr. ab Heer obs. 90. prodidit: quod a lacte coagulato lipothymia gravis fuerit suborta, quam ipse vomitorio oblato feliciter sustulerit. Neque mirum est, ab hostili lactis coagulo ejusq; in ventriculo congerie, tam graves oriri cruciatus, tamque dira symptomata, quum Rolfinckius ord. & med. lib. 3. sect. 2. cap. 59. testetur: instar farciminis sæpe caseosam materiam rejici.

Observatio VII.

In morbis, qui contagio serpunt & insigniter pernicialis indolis sunt, ut pestis, petechiales febres, febris acuta cum phrenitide, sive sic dictus morbus Hungaricus, emeticum, gliscente adhuc sub initium miasmate, cum alexipharmaco datum, summam promittit securitatem, & sæpenumero capitales has ægri tudines prima in herba felicissime jugulat.

Scholion.

Integros, valentes & sanos homines, si cum contagiosis morbis laborantibus versantur, a pessifero & virulento miasmate tangi posse ac infestari, per experientiam satis comprobatum est. In quonam autem hujus

contagii natura, ratio atque operatio in corpus nostrum versetur, non adeo omnibus liquidum est atq; perspectum. Nostra quidem ita fert sententia: contagio infestos eos quam maxime esse morbos, qui a penetranti & subtili mobilissimi & lymphatici humoris corruptione atq; putredine, nervis eorumque summæ activitatis liquido, admodum adversa oriuntur; cujus tetræ exhalationes, vi quadam fermentativa & multiplicativa, in aerem sparsæ & ore per respirationem exceptæ, cum salivali valde fermentali humore connubium ineunt, & hujus vehiculo intra poros faucium & œsophagi sese sensim paulatimq; insinuant, vel cum potu aut cibus in ventriculum descendunt, ac multos ex vitiosa digestionem & eduliis minus congruis collectos crudos & ad corruptionem pronos humores ibi offendentes, subito per hanc sentinam feralem suam & putridam vim diffeminant, qua demum ad massam sanguinis & nervearum membranarum systema delata, tota motuum & functionum vitalium œconomia, summo cum vitæ discrimine turbatur, evertitur atque destruitur. Ne itaq; mortiferum in corpus delatum virus sumat, & perniciosam vim latius diffundat, nullum certe, nec præsentius, nec tutius, propinari vel etiam excogitari potest auxilium, quam vomitorium, quo, quamprimum fieri potest compendiaria via, corrupti in ventriculo humores, una cum virulento miasmate, foras exturbentur. Et hoc facto, assumptum postea alexipharmacum, sive in liquida, sive solida forma, v. c. tinctura bezoardica, aut pulvis bezoardicus, cum momento camphoræ & aliquot nitri granis mixtus, reliquam veneni corruptivi partem facile discutit atq; dispellit. Qua omnium tutissima & certissima curandi ratione, plures ab exitiis, qui in castris plerumque grassantur morbis, immo ab ipsa peste, quæ aliquot abhinc annis plura loca funeribus exhausit, & munitos esse & liberatos, certa & non fallaci experientia confirmati sumus. Hinc etiam Sylvius in *Opp. pag. 658.* vomitoria in pestis curatione laudat, mox ab initio diaphoreticis nupta; & si prima vice oblata effectum careant, secunda vel tertia vice eadem propinare jubet: si vero vomitus plane non sequatur, malum esse signum. Verum enim vero non modo ad acutas & funesti ut plurimum eventus has febres, sed etiam ad alias non adeo malignas, immo intermittentes, quæ ortum ex aeris vitio nanciscuntur, aver-

tendas & præscindendas, hæc medendi methodus plurimum valet & præstantissima est. Nam sæpissime contingit, ut ii, qui locis depressioribus, uliginosis, paludosis & culicum ac ciniphum caterva stipatis, æstivo tempore, sole præsertim occiduo, diutius versantur, ac quibus simul ex intemperantia & ingluvie primæ viæ multis cruditatibus obsidentur, incidant in febres, intermittentes quidem, sed valde contumaces; quæ tamen cito abigi & jugulari possunt, si statim inter insultus febrilis initia & indicia, emetico omnis e ventriculo saburra, una cum excrementitiis illis & causticis insectorum, per aerem conspurcatum eo delatis sordibus, opportune ejiciantur: specifico postea roboreante subjuncto. Id quod non fallaci conjectura & opinione, sed multiplici experimento confirmatum asserimus.

Observatio VIII.

Eximia & summo opere laudanda emeticorum, in compescendis alvi fluxibus & dysentericis, utilitas est atque efficacia.

Scholion.

Vomitum supervenientem longo alvi profluvio morbum solvere, est antiquissima sapientissimi Cei sententia, *Secl. 6. aphor. 15.* Quare sicuti vomitiones sæpenumero ipsius naturæ beneficio in alvi profluviiis, evocata sursum biliosa corrosiva materia, salubriter excitantur: ita naturam quandoque arte imitari neutiquam inconsultum est. Nam licet tum experientia, tum Celsi testimonio, alvum per dies aliquot, & nonnunquam ad longum tempus fluere, bonum & admodum salubre sit; quum corpus hoc profluvio a copia feri impuri & biliosi sæpius benigne repurgetur: attamen si alvi fluxus, sine, vel cum sanguine, a materia valde corrosiva, æruginosa, duodeni flexuræ firmiter impacta, nec virulenti contagii experte, suboritur, optimo ejusdem Hippocratis consilio obtemperandum, *lib. de locis in homine præcipientis*, morbos per eam partem, cui maxime vicini sunt, educendos esse, ne videlicet intestina sana, corruptæ materiæ transitu inficiantur & arrodantur. Et hoc nomine nostro certe ævo, ceu magnificæ famæ antidysentericum, radix illa emetica Americana, ipecacuanha, celebratur, quæ etiam primis invasionis diebus, semel, vel etiam ite-

Scholion.

iterato exhibita, opem fert longe desideratissimam. Plures jam olim fuerunt practici, qui tam præservationis, quam curationis causa, in dysenterico malo vomitoriis usi sunt, cujus rei præclaros testes citamus Sennerium, in *Prax. lib. 3. pag. 352.* Rolfinckium, de *ord. & meth. consult. p. 668.* Etmullerum, *coll. præct. Opp. Tom. 2. p. 154.* nec non Riverium, *Cent. 3. obs. 9.* qui memorat, quod adolescens, quum nullo remedio curari posset, in dysenteria, die morbi duodecimo, sumta salis vitrioli drachma, & rejectis per vomitum multis biliosis humoribus, evaserit. Eandem quoque in rem evolvi possunt M. N. C. *Dec. 2. A. 2. obs. 108. Dec. 3. A. 3. obs. 15. & 51.* Et Hildanus *lib. de dysenteria pag. 683.* suadet in hoc morbo potiunculam vomitoriam, ex aqua pluvialis libris duabus & mellis unciis tribus, epoto ejusdem, cum olei olivarum, vel butyri infusi unciis duabus, cyatho, & immisso post sesquihoram in gulam digito, vel penna, oleo olivarum aut butyro illita. Quinimmo M. N. C. *Cent. I. obs. 38.* aliquot exemplis confirmatum eunt, alvum in dysenteria ab ipecacuanha obstipari atque compesci. Probe autem monet Baglivus, *Prax. pag. 110.* dysenterias, quæ cum nausea & vomitu incipiunt, plerumque esse lethales, & tunc emetica, ipsamque ipecacuanhæ radicem minime locum habere: quippe, ventriculi inflammati indicium hæc esse, non sine ratione suspicamur. Inprimis singulari fructu atque emolumento, ante usum radicis ipecacuanhæ, statim in principio, pulveres temperantes, cum cremore hordei, plena dosi offerre suevi, quo humorum acrimonia cicurata, eo melior & securior emetici sit efficacia. Operatione vero ejusdem peracta, ut lac bibatur jubeo ex consilio ipsius Hippocratis, qui dysentericis, epoto lacte, vel sero lactis, in quo candentes lapides extincti, dolores & cruentas dejectiones moderatiores fieri asseverat.

Observatio IX.

Morbi, qui a colluvie humoris biliosi corrupti, prima in regione, per quam maxime duodeni cavitatem intelligimus, stagnantis foveantur, & certis periodis infestare solent, uti sunt tertiana lentaque febris, tussis contumax, sic dicta stomachalis, hemicrania, vertigo stomachica, emeticum convenienti dosi & tempore exigunt.

Fiunt hi, quos iam enumeravi, morbi, plerumque ex imbecilli & vitiata digestionem, in corporibus maxime debilioribus & impuris. Currumpitur vero & destruitur ciborum resolutio & subactio quam maxime, quando perpeffo haud ita pridem diuturno morbo, vel febre intermittente perperam curata, cibi avidius & copiosius, quam infirmus adhuc ventriculus ferre potest, ingeruntur. Et ex hoc pravæ digestionis vitio, de novo corruptorum humorum sentina colligitur, quæ vel febris præcedentis recursum gignit, vel lentus etiam, vires cum carne consumens, a pastu & circa noctem succedens calor exsurgit: in cujus persanatione omnem operam ludes, nisi opportune emetico colluviem ærugine quasi tinctæ bilis evocaveris. Sæpissime certe a bile per iram effusa, & in primo intestino aliquot dierum intervallo corrupta, lentæ ejusmodi febres excluduntur, quæ emeticum moderatius, quod statim post excandescentiam, omnibus adhuc a violentiori impetu & motu tremulis membris, perniciosissimum est, mora interposita & composito motuum impetu, non solum commodissime ferunt, sed etiam eodem profligantur. Porro a mensibus restagnantibus eorumque fluxu suppresso, ex illuvie vitiosorum, prima in regione stagnantium humorum, lente cum cachexia febris gignitur, quæ nec sanari, nec menses in ordinem redigi possunt, nisi emetico, mitiori tamen, aliquoties oblato, primarum viarum latibula a sentina sordium repurgentur. Ferina etiam cum ingenti viscidæ materiæ excretionem stipata contumax tussis, verno præsertim tempore prognata, & tam interdiu, quam noctu, cum gravi virium decremento & agrypnia fatigans, vix alio certo ac probato, quod præsentaneam opem ferat remedio, ac infuso aliquot unciam mannæ, cum uno vel altero tartari emetici grano, tam ad sedes, quam ad vomitiones movendas, armato, expugnatur. Mira enim sic ejecta pituitæ copia, facile demulcentia, ut lac & alia sedativa, nec non stomachum firmantia, reliquas molestias tollunt atque persanant. Similiter hemicraniam, inprimis eam, quæ ex alio morbo prodit, & certis temporum articulis affligit, sæpius præmisso emetico & subjunctis huic medicamentis stomachis, roborantibus & nervinis, penitus pro-

profligatam esse novimus. Et quum magna inter membranas ventriculi & cerebri intercedat consensio, mutuaque motuum vitiosorum communicatio, identidem notavimus, aliam vertiginem, summo mane a spasmo ventriculi profectam, pilulis aliquot Wildegansii sumtis, remisse, aliam vero, a redundante corruptorum circa ventriculum & duodenum saburra, vel solis pilulis balsamicis, aut iisdem cum tartaro emetico acuatiss, discussam esse & extirpatam.

Observatio X.

Quum plurimi infantum morbi optime ferant emetica; imbecilibus hæc ipsa non convenire erroris locum ponendum esse censeo.

Scholion.

Inter affectus, qui infantes maxime infestant & nonnunquam necant, connumeranda imprimis cardialgia & asthma ab inflatione ventriculi ortum, ventris tormina cum agrypnia sæ ius juncta, quibus tandem funestæ succedunt convulsiones. Cuncta hæc mala, ratione exactius putata, a nimia ingurgitatione lactis eoque in ventriculo & duodeno coagulato & corrosivo reddito, suam nanciscuntur originem. Nam si infantes probe vomunt & alvus ipsis fluida est atque frequentior, bonam portendit valetudinem: simulac vero & vomitus & dejectiones alvinæ deficiunt, retenta lactis copia, non potest non ad tussim, asthma stomachale, cardialgias, tormenta ventris & frequenter convulsivas commotiones promptus parari aditus. Quocirca perpensis rite his omnibus, nulum opportunius & magis accommodatum ad avertendos & præscindendos hos morbos præter leniora emetica & acidum temperantia, dari remedium, nemo nisi imperitus negabit. Neque eos, qui in artis exercitio versantur, fugit, sæpius infantes morbillis, variolis aut alio quodam morbo laborantes, ex coacervata ingenti pituitosorum humorum circa præcordia saburra, incidere in difficilem spirationem, suffocationem etiam minitantem, eandemque dimidia, vel quadrante grani tartari emetici parte, aut aliquot pulveris Monckii granis, cum syrupo violarum in forma linctus exhibitis, promptissime abigi, ita ut mira humoris visceri copia rejecta, illico vis morbi conquiescat. Et hinc luculenter admodum patet imbecillioribus et-

iam activæ indolis remedia, ut sunt emetica, apprime convenire, iisdemque opportune porrigi posse, hanc maxime ob causam, quia quo debiliora sunt corpora, eo magis ob digestionis imbecillitatem & excretionum debitarum defectum, colligendis vitiosis humoribus apta sunt atque idonea.

Observatio XI.

Vomitoria non modo ea, quæ in ventriculi & duodeni cavitate delitescunt, expellunt; sed vim ac virtutem suam etiam in hepar explicant: unde in morbis quorum sedes in illo est, ut ictero & quartana, usus sunt longe egregii.

Scholion.

Quando in venæ portæ per hepatis viscus dispersis ramis lentius progreditur sanguinis iter, bilis inde non leve capit vitium, & secedentibus tenuioribus in vasa lymphatica partibus, ob diuturniorem moram, in ductibus biliosis spissior fit atque viscosior. Quod si vero biliosus humor lentus est ac tenacior, in canalibus illum vehentibus, crassa, quæ demum in coagulum abit & in lapillos concrevit, amurca gignitur, & hinc orificio, sive sphinctere ductus choledochi, quo in duodenum hiat, obstructo, bilis, exitu prohibito, per vasa lymphatica ad sanguinis massam regurgitat, & una cum illa per universum corporis ambitum diffusa, icterum gignit; cujus principio nisi opportune obstiteris, quæ detergendi & tenacem hunc mucum e loculis suis excutiendi vim habent, contumax & inveteratus, quinimmo, si icteritia nigra succedit, lethalis plane morbus evadit. Et huic scopo obtinendo apprime inserviunt rhabarbarina, amara, lixiviosa, cum sufficienti humido data, imprimis vero emetica. Quod enim vomitoria in nerveas ductuum biliosorum tunicas agant, superius jam asseruimus, illudque clarissime vel unica hac observatione innotescit, dum sæpius post emetici usum, & novissime in viro hydropico, annotavimus, quod usurpato vino, corticibus sambuci infuso, & vomitiva ac purgante facultate imbuto, complures insignis magnitudinis biliarii lapides per alvum egregio cum levamine discesserint. Hinc etiam multoties statim inter icteri initia summo cum fructu usus sum radice ipecacuanhæ, iterato nonnunquam ad drachmam dimidiam exhi-

exhibita, interposito elixirii balsamici lixiviosi, minus spirituiosi, & essentiae rhabarbari usu. Cavendum vero perquam solícite est, ne, si subito ab ira enatus fuerit icterus, valentius emeticum porrigamus, eo quod spasmus subest, qui demulcentibus & anodynis sopiendus potius, quam per acriora intendendus. Porro quartana febris contumaciam debet hepati male affecto: id quod exinde patescit, quod perperam curatae, plerumque succedat hydrops. Et contumax ejusmodi ac refractaria febris omnia fere alia remedium genera eludit, nisi opponantur ea, quæ singulari virtute obstructions & infarctus referendi facultate pollent: quibus decoctum radicis asari & summitatum centaurei minoris, multis experimentis a Rulando comprobatum, nec non mercurius dulcis & regulus antimonii medicinalis merito annumerantur. Maxime omnium vero eximius hanc ob causam emeticorum in quartana usus est, qui priscis medicorum etiam non ignotus fuit: unde Trallianus *lib. 12. de quartana*, novi, ait, me vomitoriis quartanas inveteratas discussisse, ut in totum conquieverint. Et veteres quidem, semper primum lenioribus tentabant vomitum, iisque nihil proficientibus, ad helleborismum tandem descendebant, quem huic morbo maxime accommodum esse censebant. Nos vero pro certo asseverare possumus, pertinaces quartanas, non feliciore & expeditiori remedio, quam per emetica venereæ profapiæ fuisse sublatas: quando nimirum vitriolum album ad grana decem, cum aliquot croci granis, in juscule butyraceo, tribus vel quatuor ante paroxysmum horis exhibitum fuit; & si non prima vice spei respondit eventus, secunda tamen vel tertia morbus decessit. Novi etiam quondam in Westphalia empiricum, qui quartana detentis, tantum vitrioli cyprini, quantum ternario venit, in dimidia aquæ mensura solutum, offerre, eosdemque hoc pacto ad sanitatem reducere solebat.

Observatio XII.

Quæ paullo validius emesin excitant, non modo ventriculi & intestinorum tunicas stimulo, sed & universum vasorum nerveorum systema exagitando, operantur, eamque ob causam, provide atque prudenter exhibita gravissimis sæpe morbis opitulantur.

Hujus aphorismi veritatem vel ex eo clarissime constare arbitror, quod ab emetico assumpto, arteriarum pulsus longe multumque mutetur, citatior & auctior reddatur, & respiratio nec non transpiratio, ad sudoris usque profusionem, sæpe intendatur. Quare quum tam insignis & tam late patens vomitoriorum sit facultas, nullum etiam dubium est, quin in compluribus ancipitibus & periculosis morbis medelam spondeant. Inprimis hydrops, omnium morborum gravissimus, visceribus salvis, nec extravasato in thoracis aut abdominis cavitate fero curationem adhuc admittens, certe non rectius & melius expediri potest, quam petito, e mineralium familia emetico, uti est mercurius vitæ probe correctus, pulvis Monckii, aut tartarus emeticus, ad grana sex vel octo, cum mercurii dulci scrupulo mixtus, quippe quæ collectas & stagnantes in universi corporis habitu aquas cumulate educunt, ut etiam in extremis digitorum apicibus, quidam vellicationis & contractionis sensus percipiantur. Quum vero ab humore stagnante, intestinorum tunicae & aliæ motrices partium fibræ eliquentur ac relaxentur, & majori stimulo, ut motus systaltici augmentum accedat, indigeant, in hydrope, præsertim anasarca, si medicinæ adhuc locus, validissimis res aggredienda, & extractum elaterii, esulæ, hellebori nigri, gummi guttæ, auctiori longe dosi propinanda, & gummi guttæ quidem ad scrupulum, extractum hellebori, esulæ & elaterii vero ad drachmam usque, utpote quæ, licet in aliis, hoc morbo non detentis, validissime stomachum moveant, nihilominus in hydropicis rarius hunc effectum edunt, sed potius aquas deorsum ducunt. Verum enim vero, quia hæc ipsa drastica, virulenti quippiam alunt, quod vitali illi & intestinæ partium motioni, si-ve spiritaliscentiæ inimicum, tutius utique est ab iisdem abstinere, & emetica supra memorata, quod experientia etiam confirmat, in eorum locum surrogare. Præterea emeticorum efficacia ad magis diffitas adhuc partes cerebrum nempe, ejusque vasa ac membranas sese explicat. Hinc si sanguis ibi locorum hæret, vel restagnat ac difficilius progreditur, ac phantasie turbationes mentisque abalienationes oriuntur: certe si ulla auxilii spes superest, illud nonnisi prudenti

deniti venæsectioni & emeticorum usu impetrabitur. Monendum tamen est, quod longe auctiori ordinaria dosi, & v. c. tartarus emeticus ad gr. X. aut XII. & mercurius vitæ ad scrupulum propinari debeat: quandoquidem ob influxum liquidi per nervos denegatum, rigiditatem, stuporem & immobilitatem partes sensiles contraxerunt, & non nisi vi pharmaci roboratæ ac animatæ, remonent & excutiunt obstaculum liberioris progressus, spissum nempe & viscidum sanguinem, quo vasa repleta, facta atque distenta sunt. Denique emeticorum vim atque operationem non tantum ad superiores, sed etiam inferiores partes ipsumque uterum spargi ac propagari, ex eo apparet, quod difficultatem partus non raro facilitent atque secudent; unde Angelus Sala, nec non Rolfinckius, *chym. in art. form. red. lib. 5. Sect. 6. cap. 13.* eadem ad partum excludendum commendant, modo fœtus iusta positura instet. Et Cl. Boerhaave *in instit. med.* auctor est, vomitoria ad expellendum fœtum mortuum conducere. Quandoque enim contingit, ut spasmi ex spinali medulla ad uterum tendentes, & ad expulsionem fœtus apprime necessarii, deficient, ad quos iterum suscitandos & promovendos, utique emetica cum analeptis mixta, proficere persuasissimus sum.

Observatio XIII.

Conducunt etiam vomitoria præservationis maxime gratia, vel etiam sub initium eorum morborum, qui extremis partibus & articulis, cum inflammatione & ingenti dolore, incumbunt, uti sunt rheumatismi, arthritidis & erysipelatis species.

Scholion.

Fomes ac minera molestissimorum horum affectuum, prima in regione, & maxime in duodeni flexura, reconditur; congesta ibi ex universo corpore, propter excretionem, vernali maxime & autumnali tempore, imminutas, acrium biliosorum humorum saburra, quæ postmodum rursus cum alimentorum succis ad sanguinis massam delata, & motu quodam febrili critico ad summam cutem propulsa, inflammatorios ejusmodi gignit dolores. Optimo itaque consilio, imminente morbo, congrua laxantia aut leniora emetica, præmissis corrigentibus & acrimoniam biliosam contemperantibus, pro-

pinantur, quibus vel ipsum malum penitus arcetur, aut paroxysmi ad longe mitiorem insultum perducuntur. Si auctoritates & experientiam in partes advocare licet, consuli poterit Sylvius, qui *Opp. pag. 786.* asserit; quod experientia testetur, uno vomitorio, non tantum paroxysmum sublatum, verum novum etiam ortum in longum tempus fuisse dilatum. Et Solenander insigni cum emolumento in principio arthritidis purgans exhibere suevit, edoctus primum a Tralliano *Lib. XI.* licet a multis hoc tempore reformidetur, quasi, quæ exagitata sit materia, non amplius moveri debeat. Porro Martianus, *comment. in Hippocrat. pag. 382.* narrat: sæpius se observasse, quamplurimos podagricos, ob acorem in ventriculo peccantem, podagra correptos esse, liberatosque aut saltim mitiora tormenta passos esse, si acetosa evomuisent. Idem testatur Hildanus *Cent. VI. obs. 84. vomitorium*, inquit, *in principio podagricis datum, omnem dolorem absumit.* Quibus accedunt M. N. C. *Dec. I. A. VI. & VII. pag. 220.* ubi luculentum exemplum arthritidis annuæ, vomitu & diarrhœa solutæ, commemoratur. Post vomitum autem, suadet Hippocrates *lib. de affect.* ut lac asininum, vel serum coctum propinetur: id quod etiam egregie ex usu est.

Observatio XIV.

Emetica inter remedia præservatoria primum & principem obtinent locum, iis præsertim in morbis, quorum materia & causa prima in regione residet, & exinde remotas alias partes petit atque infestat.

Scholion.

Ægyptii singulis mensibus teste Herodoto vomitoriis utebantur: & Græci sæpius etiam vomebant; unde Martianus *lib. de nat. hum. pag. 153.* memorat: quod veteres ad corpus repurgandum & muniendum, solo vomitu, rarius purgatione, usi sint. Inprimis autem Celsus vomitum præservatorium gravissimis de causis, *lib. I. cap. 29.* suadet: *vomitum*, inquit, *utilis est plenis & biliosis omnibus, si vel nimium se repleverunt, vel parum concoxerunt. Nam sive plus est, quam quod concoqui possit, periclitari, ne corrumpatur, sive corruptum est, nihil commodius est, quam id, qua via primum expelli poterit, ejicere.*
Et

Et paucis interjectis inculcat, luxuriæ causa id fieri non oportere, interdum valetudinis causa recte fieri: *commoneo tamen, pergit, ne quis, qui valere & senescere velit, hoc quotidianum habeat.* Idem auctor utilissimam pronunciat vomitionem iis, qui cœlum vel locum mutant. Cui etiam Hippocrates de *salub. diet.* calculum adiicit, addita hac cautione; *qui vomere bis in mense vult, melius consulet, si biduo continuabit, quam si post quintum decimum diem vomuerit.* Sed hoc veterum de crebriori vomitione consilium, nonnisi ex more illorum interpretandum est, quo vomitum ad præservandum institutum, non fortioribus & acrioribus provocabant, sed lenissimis, quorum superius jam mentionem iniecimus. Quemadmodum itaque vomitoria, ad corpus a variis morbis tempestive muniendum, eximia utilitate splendent: ita præsertim in morbis, qui annuas statas periodos servant, vel certis mensibus recurrunt, ut sunt varii generis febres, asthmata, hemicrania, arthritides, insultus quoque apoplectici, maniacy & melancholici, nec non purpura, ante invasionem, eadem, leniora tamen & laxantibus nupta, aliquoties repetita, nec non in quibusdam sanguinis missione subjuncta, ex usu sunt; quandoquidem hisce præmissis, longe feliciter aquæ minerales, vel decocta sanguinem depurantia, & lacticia, aut alia accommoda præsidia, operationem suam postea exequuntur.

Observatio XV.

Oris amarities, nausea, cum vomendi conatu, ardor circa pectus, anxietas præcordia stringens, saliva frequens, tremor labiorum, indicia quidem sunt subversionis ventriculi & subsequuturi vomitus: sed non semper tutum atque proficuum est, his indicibus obsequi & vomitum emeticorum ope procurare.

Scholion.

Exacte profecto & summa cum cura, hæc a qua causa proveniant pathemata discernenda sunt; eo quod a vomitoriis, promte & sine discrimine, indicantibus tantum hisce signis datis, ingens damnum & vitæ etiam periculum exortum esse novimus. Nam si hæc symptomata a solo motu spastico & contractorio ventriculi per consen-

sum, subsistente in remotioribus partibus causa, uti videmus in apoplexia, vehementi tussi, calculo, suffocatione hysterica, passione colica, iliaca aliisque eveniunt, vel etiam a vehementiori præcedente animi affectu proficiscuntur, cane pejus & angue vitanda esse emetica, cum primis acriora, nisi neci tradere velimus eos, quorum vita nobis concredita est, auctor suatorque sum. Graviter certe in eo & infelicitè lapsos esse memini plures, qui omnes istos conatus & motus pro salutari principii vitalis & rationalis intentione agnoverunt, quam omni modo per artem promovere & sublevare oporteat. Deinceps sæpenumero etiam conatus ad vomendum a regurgitante sanguine ad vasa ventriculi in gravidis, mensium, vel hæmorrhoidum suppressione laborantibus oriuntur: ubi emeticum dare maximum foret piaculum; quum hac ratione cruentum & funestum provocatum esse vomitum quamplurimis constet exemplis.

Observatio XVI.

Nunquam emetica dare expedit, in ipsa accessione, impetu aut vigore morbi, tam in febribus intermittentibus, quam continuis & acutis; sed si morbus necessitatem eorum imponit, tempore intercalari, aut remittente impetu, ad usum ordinanda sunt.

Scholion.

Veritatem & observationem practici hujus canonis & ratio suadet, & experientia adstruit. Emetica enim activiora omnia & ventriculum, & reliquas nerveas corporis partes, spasticis stricturis tentant & sollicitant: sub morborum autem accessione, motu & impetu, systema tam vasorum, quam membranarum nervearum, jam spasmodicis commotionibus agitur, adeoque motuum impetus non potest non ab ejusmodi drasticis cum insigni detrimento notabiliter augeri atque intendi. Communis quidem practico- rum opinio & revera error est, brevi ante paroxysmum intermittentium exhibenda esse emetica: sed quam infelix sit successus, si vomitionis actui supervenit febris cum horrore & rigore initium, plurimis exemplis mihi innotuit; quippe syncopicas inde cardialgias, artuum tremores convulsivos, animi deliquia, cum extremorum rigore & frigido sudore orta esse annotavi. Satiùs itaque

que est vomitoria vacuo tempore, aut quinque vel sex ante paroxysmum horis, propinare, ac hoc demum pacto felicissime res succedet & febris discedit. Eadem quoque observatio tenenda in acutis, si vomitorium propinare necessitas urget, illudque nunquam in vigore porrigendum, sed statim in morbi principio, vel ante tempus invasionis, suffragante gravissimo auctore Hippocrate, & *Secl. 2. aph. 29.* monente: *ineuntibus morbis, si quid movendum, move: nam iis crescentibus, quiescere melius est.* Adeoque fatemur quidem initiantibus morbis castrensis, febribus exanthematicis, variolis, morbillis, purpura acuta, antequam materia virulenta cum sanguine fuerit permixta, & altius solidis, fibrosis ac nerveis partibus insinuata, emetica cum analeptics, vel alexipharmacis, in forma liquida propinata, præsertim si saburra in prima regione delitescit, felicissimam locare operam & longe benigniorem efficere morbi progressum: sed, si quispiam hæc pharmaca in ipsius morbi statu exhibere velit, ingens certe damnum & symptomatum augmentum procurabit atque inducet.

Observatio XVII.

Si ob spasmos primarum viarum & viscerum abdominis, quemadmodum in hypochondriacis, nec non hæmorrhoidibus retentis & post graviores animi affectum solenne est, inæqualis sanguinis motus aut congestionum impetus ad caput & pectus contingunt, ut in apoplexia, epilepsia, cephalalgia, vertigine, affectibus soporosis, narium hæmorrhagiis, hæmoptysi, asthmate, phthisi, catarrho suffocativo, summo opere cavendum est ab emeticis, nisi ventriculus saburra obsessus sit morbi causa.

Scholion.

Egregium est monitum, quod Septalius *l. 3. sect. 12.* inculcat: *qui tabe, inquit, qui capite, sine saburra ventriculo repleto, qui hæmoptysi, aut oculis, aut animi defectione, aut suffocatione uterina, aut colica suffocativa laborant, hi plane ab emeticis abstinere debent.* Et certe his in casibus magna prudentia & deliberatione opus est, antequam ad anceps ejusmodi & magnæ operationis remedium descendamus, ne plus damni, quam emolumenti afferamus. Nam

ipso vehementiori nisu vomituriendi conatu, omnino sanguinis & humorum affluxus ad partes superiores, caput & pectus urgetur, quæ, si ex crebriori appulsu & congestu sanguinis, jam jam imbecilliores redditæ, ex facili inde labem contrahunt & pristina ægritudines recrudescentes, longe gravius, quam antea, infestant. Apprime huc faciunt, quæ Hildanus de infelici emeticorum effectu observavit, qui *Cent. 5. obser. 12.* a vomitorio violento, unum mutum, alterum surdum factum, nec non *obser. 19.* cæcitatem indutam esse, refert. Et Scultetus *obser. 92. app.* a vomitu tumorem frontis subito enatum esse, testatur.

Observatio XVIII.

Emetica mineralia vel vegetabilia fortiora, tutissime semper in forma liquida, interdum etiam vehiculo spirituofo, insignem liquidi copiam superbibendo, assumi, multiplici experientia compertum est ac confirmatum.

Scholion.

Tutiora semper sunt ad emesin excitandam ex antimoniatibus ea, quæ soluta sunt, præ solidis; quare aqua benedicta Rulandi, quæ ex vitro antimonii paratur, tartarus emeticus Mynsichti, qui ex croco metallorum, sale absynthii, vel cremore tartari conficitur, nec non sapa vomitoria Sylvii, magis ex usu sunt, quam vitrum antimonii, vel crocus metallorum, pulvis Monckii, mercurius vitæ aliaque. Quum enim stibiatæ hæc pharmaca non agant nisi soluta, facillime contingit, ut a contentis in ventriculi sinu falsis & sulphureis humoribus promte liquata, aut enormes non sine periculo suscitent vomitiones, aut obfesso lenta mucagine minusque ad solutionem idoneis succis, stomacho non dissolvantur & nullius fere operationis sint. Accedit, quod non exiguum periculi sublit, si acrius ejusmodi minerale emeticum certæ tantummodo ventriculi portioni insideat firmiterque inhærescat, ut eandem continuo lancinando & arrodendo, ancipitem inflammationem pariat. Quod si vero potens ejusmodi pharmacum colliquatum fuerit & solutum, non unam tantum tunica ventriculi partem adoritur, sed universam illam moderate afficit ac stimulat, ut longe facilius & tutius tota substantia ven-

ventriculi ad inversionem & expulsionem sollicitetur. Quare semper mihi in more positum fuit, tartarum etiam emeticum solum prius in aqua analeptica spirituosum, paulillo syrupi grata dulcedine imbuta, propinare. Et hac ratione tutiorem longe, faciliorem ac meliorem, refracta etiam dosi fieri vomitum observavi. Præterea non quidem negandum, quod remedia spirituosum & ipse etiam vini spiritus vomitiones sistant: nihilominus tamen, si hic vini spiritus cum syrupo violarum, aut rosarum julepo cicuratus, una cum emetico porrigitur; non solum minor & refracta vomitorii dosis sufficit, sed etiam longe expeditior sit operatio: eo quod spirituosus hic liquor, tum subtilem illam & nervis inimicam acrimoniam corrigit, tum etiam insito suo calore majorem sanguinis affluxum allicit, & proinde motum & subversionem ventriculi strenue adjuvat. Inprimis autem, si non tam copia, quam peregrina indoles acrium biliosorum in ventriculo humorum, præternaturalium affectuum causa est, post vomitorii assumptionem multum liquidi bibere expedit; quo intus latitans congeries eodem diluatur, attemperetur & hoc pacto promptius evacuetur. Et hoc consilio interdum post cibum sumtum vomitum procurare suadebant veteres, quos inter præsertim Trallianus *lib. 1. pag. 72.* nominandus, qui vomitiones post cibum in epilepsia utilissimas judicat: quandoquidem hoc potissimum tempore exhibita emetica, quicquid crassum in ventriculi cavo offendunt, id omne simul cum reliqua massa exturbant ac utiliter remonent. Sed satis jam de vomitoriis eorumque usu dictum esse arbitror.

DISSERTATIO XIII.

DE

USU ET ABUSU PULVERUM
STERNUTATORIORUM.

§. I.

Quemadmodum sapientiæ humanæ fundamentum atque initium sensus recte dici possunt, adeo, ut illis in vigore atque integritate constitutis mens nostra functiones suas promptissime exsequi queat: ita nobis non exigua quoque incumbit necessitas,
Hoff. Opusc. varii argum.

illos ipsos tanquam rationis nostræ instrumentum curare ac colere, & quantum fieri potest, in debito statu atque incolumitate servare, ut tali cultura ad optimos mentis usus disponantur. Quod circa non incongrue illi faciunt, qui oculos frequenti tersione lemarum ac macaginis per aquam frigidam tempore matutino puros ac serenos servare allaborant, vel etiam perspicillis ad diuturnum visum illos præparant. Auditus organum frequenter purgare instrumentis a cerumine, vulgaris etiam consuetudo est, ne forsan in gypseam diuritiem mora transiens aurinos meatus ac gyros obstruendo auditui noceat. Organon gustus, quod lingua constituit, & oris elutiones cum aqua simplici factæ & calidæ jam usitatæ infusorum varii generis sorbitiones percommode abstergunt & mundant, utpote de nocte in lingua obortus lentor papillares ejus tabulos obsidens calida sic aqua extergitur, ut non tantum ad meliorem gustum, sed & ciborum masticationem & faciliorem mixtionem cum genuino suo succo solvente disponatur. Tactum, qui toto diffunditur corpore, frictionibus matutinis convenienter institutis curare utilissimum & a veteribus valde celebratum consilium est, quandoquidem hoc pacto discussa superflua humiditate spiritus segescentes in motum concitantur, ut ad corporis & mentis exercitia expeditius influant.

2 Profecto autem nullius sensorii majores hodie mortales habere solent curam quam narium, quem in finem non tantum exco-gitata fuerunt varia odorum oblectamenta, quæ in balsamis solidis, liquidis spirituosis, fumis ac pulveribus suavissimi odoris consistunt, quibus continuo nares deliniunt, sed & alia nunc frequens ubivis ferme regnat nares purgandi ratio per singulares pulveres errhipos & sternutatorios ex tabaco variisque speciebus odoratis & cephalicis confectos, quibus naribus attractis viscosorum in narium cavernulis hærentem humorem colliquare ac deturbare conantur. Quemadmodum autem salubritate sua ac usu non caret dictum narium purgamentum, ita tamen tanta jam increvit intemperies, non dicam vesania, nonnullorum, ut mira consuetudine vel imitatione aut auctoritate aliorum inducti, tali pulvere nares perpetuo vexare & irritare videantur, ut etiam inter mutua colloquia, conventus ac cœnam deesse aliquid humanitatis credatur, nisi quis pyxidem suam, qua servari pulvis ille solet, singula-

gulari officio ac inserviendi ejus sanitati studio alteri offerat ad mucii officinam purgandam. Cum autem perversus talismodi abusus, dum singulis fere momentis naribus talismodi pulvis attrahitur, non parum damni ac nocimenti afferat siccioris præsertim naturæ hominibus; itaque constitui de legitimo horum pulverum usu nec non prava illis abutendi ratione in præsentia verba facere, & non inutilem hanc materiam paulo uberiori evolutione pertractare.

3 Ut autem eo felicius in nostro instituto progrediamur & emolumenta ac damna dictorum pulverum rite exponamus, utile ac e re fore judico ante in sternutationis naturam materiam & modum agendi errhinorum paulo penitus inquirere & ipsum quoque locum, ex quo rivus ille mucidus derivatur ac stillat, secundum anatomicorum recentiorum accuratas observationes determinare ac perspicere. Nolumus autem rebus maxime intenti litem movere de sternutatorii nominis derivatione ac ortu, multo minus, an illud vocabulum barbarismum sapiat, ex criticis decidere, sed tantum breviter stricteque illud in limine præmonere allubescit, per pulveres sternutatorios nos intelligere tabaci varii generis folia & radices aliasque vegetabilium species rite siccatas & præparatas inque formam pulveris redactas, quæ naribus susceptæ inspiratione membranam narium irritando spissum vel aqueum humorem evocant, sive cum forti ac sonora aeris explosione, quo casu vocari solent sternutatoria, sive sine illa ubi errhinorum nomine insigniunt, utut sternutatoria græcis quoque errhina veniant, meliori tamen vocabulo ptarmica designentur. De utrisque autem hic loci agere decrevimus, præsertim cum ptarmica pro diversa dispositione hominum facile in errhina & versa vice in ptarmica degenerent.

4 Primum omnium autem, quo veritas dilucide appareat, constare debet, quænam pars corporis principaliter afficiatur ac patiatur in sternutationis actu, & ex quo loco insignis illa mucii quantitas, quæ mediante talismodi remedio extrahi solet, stillet ac derivetur. Magnam autem hac in re inter veteres & recentiores passim deprehendimus dissensionem, dum plures ex veteribus actionem ac motionem ipsius cerebri esse sternutationem affirmant, quæ in consensum rapiat thoracem, sicuti quondam Hippocrati & Aristoteli placuit. Alii potius principali-

ter illam actionem thoracis esse, quæ occasione irritationis factæ in naribus accidat, tuentur. Ita etiam circa partem, ex qua humor ille excrementitius effunditur, in diversas abeunt partes. Plerique ex veteribus cloacæ hujus originem esse cerebrum adstruunt, recentiores autem ex externis tantum capitibus partibus materiam hanc fluere firmis ratiociniis autopsiæ anatomicæ innixis comprobare satagunt. Nos non diutius refutationibus veterum immorabimur, neque sub examinis incudem etiam nonnullorum recentiorum placita revocabimus, sed brevissimis sententiam nostram exponimus, nempe sternutationem esse violentam actionem & motionem fluidi elastici tenuissimi, quod spirituum vulgari nomine venit, in nervis tantum, qui intercostales musculos descendunt. Quæ motio impetuosa ac præternaturalis cum sit & cum magna constrictione partium nervearum ac musculosarum conjuncta, hinc non inepte a veteribus convulsio, etiam epilepsia parva, levis, & particularis dicta est, præsertim ab Avicenna l. 3. c. 2. Tract. 2. Et tametsi etiam experientia doceat sternutationem sæpiuscule præcedere epilepsiam, vel etiam illam sequi, sicuti id docte inter alios notavit Wedelius in tractatu de medicamentorum facultatibus p. 211. Ut ex eo appareat magnam esse affinitatem ac convenientiam inter epilepsiam & sternutationem, illud tamen teneri meretur hanc esse utriusque differentiam, quod convulsio in sternutatione sit magis intrinseca, sive extra cerebrum ejusque membranas, in epilepsia autem intra cerebrum, ubi dura mater principaliter violentissima constrictione afficitur, sicque totum ferme corpus in consensum trahitur. Ex quibus patet sternutationis sedem non quidem cerebrum esse, at tamen spiritus, qui nervos incolunt, principaliter esse affectos. Et deinde jam clarum ac perspicuum fieri potest, quare a solo irregulari ac concitato spirituum motu in dispositis sternutamentum moveri possit. Ita curiosæ sunt observationes, quæ confirmant, nonnullos, quoties cum uxore rem habere gestirent, immediate ante cœptum opus ter quaterque sternutare coactos fuisse, qua de re legi meretur Stalpartius vander VViel obs. 6. part. prior. p. 44. it. Amatus Lusitanus in scholiis curation. 3. Cent. 4. fol. 370.

5 Cum autem sternutatio affectio spirituum sit, qui primas in regenda tota machina tenent partes, ex quorum constitutio-

ne boni vel pravi effectus in corpus redundant; hinc etiam a vetustissimis temporibus sternutatio actus boni & mali ominis signum fuit. Ita optimum signum fuit & adhuc est reconvalescentiæ, quando ægrotantes incipiunt sternutare, qui alias difficulter admodum id faciunt propter virium defectum si-ve spirituum non sufficientem influxum, unde vulgatum illud inter medicos Parisienses est: sternuit, salva res est, & Nosocomio expelli debet, circa quam rem videatur Mosantius Priolius in epistolis p. 204. ita etiam Ballonius ad Theophrasti librum *de vertigine* p. 9. vulgo, ait, *Xenodochiis jubent ægros exire, cum primum sternutant, quod bono id fiat omine, & quod in limine sint sanitatis, quasi victore calore naturali morbifica sit materia cocta & mitigata.* Ex ad-verso etiam observatum fuit, sternutationem mali fuisse ominis, cum frequenter pestilentiam vel alium gravissimum morbum præcesserit. Ita Thucydides *lib. de bello Pelopones.* §. 131. fol. 280. pestilentis cujusdam malignæque sternutationis meminit, in famosa illa Atheniensium peste grassantis. Polydorus Virgilius *Lib. 6. de invent. rerum Cap. 2.* itidem similis sternutationis mentionem facit, qua omnes, qui aliquoties sternutassent, paulo post extinguerentur. Asse-ritque ex recentioribus Diemerbroekius *Lib. de peste Cap. 15.* Tempore gravis illius pestis an. 1635. neminem se vidisse conva-lescere, qui durante morbo sternutasset sæpius. Exinde jam mos bene precandi ster- nutantibus, qui etiam diu ante Sospitatoris nostri ortum apud ethnicos, & ante ipsum Aristotelem obtinuit, ut *Famianus Strada pro- lusionum accadem. l. 3.* refert, derivandus vi- detur. Invaluit etiam is mos & semper con- tinuavit per omnes ferme nationes, etiam Turcicum regnum, (utut Angli hodiernum eum non observent,) ut ad sternutationem vel caput denudent, aut corpus inclinent, & sternutantes salutent his verbis: Deus te adjuvet, ut minus etiam urbanus ille habeatur, quisquis hæc, quicquid est humanitatis, negligat. Vid. laudatus Priolius.

6 Hisce jam missis res maxime poscere videtur, ut recipiamus nos ad examinan- dum & inquirendum, in quam corporis parte stationem potissimum habeat sternuta- tio, & unde mucosi istius & squalidi hu- moris ejectio oriatur. Memorandum autem hic venit perperam veteres dijudicasse ex cerebro illud, quod sternutamento ejicitur,

ortum suum habere. At vero infelicitati temporum, quæ observationibus anatomicis circa corpora humana admodum sterilia fue- runt, id condonandum est, utpote manife- stissime hodierno tempore demonstrari po- test, os ethmoides seu cribriforme forami- nulis variis instructum, non aptum esse ad transmittendam vel emittendam quandam materiam fluidam, cum firmiter foramina, utut pervia, dura matre & nervorum ramu- lis per hanc transeuntibus occlusa sint, ut nullum fluidum etiam tenuissimum, sicuti est spiritus vini rectificatissimus, ibi deten- tum ne ad minimam guttam transire & ad nares descendere possit. Denique & illud clarissimæ veritatis est, humorem talem, qui per sternutationem discutitur, intra duram matrem & cranium nunquam delitescere, neque talem reperiri in cerebri ventriculis, nec glandulam pituitariam suam, quam se- cernit, lympham huc amandare; ut adeo cloacæ hujus origo alio in loco quærenda sit. Deinceps & nunquam hoc demonstrari po- terit, aerem neque odores, multo minus alia externa inspiratione immediate in cerebrum pervenire posse, hinc optime Galenus *de sim- plicibus medicamentis* scribit; Errhina quæ mediante inspiratione attrahuntur in nares, non, ut vulgaris est opinio, per os cribri- forme ad cerebrum scandunt; sic etiam me- ra persuasio & figmentum est, in illis, qui tabaci fumigationi perpetuo student, ante- riora cerebri esse siccata & fumo nigro infecta, quod clarissime variisque dissectionibus factis refutavit Neander in *Tabacologiæ* p. 228. & seq.

7 Quodcirca rectissime cum recentioribus sternutationis subjectum & originem muci, qui naribus solet expurgari, nec non ipsius olfactus organon credimus esse cavernosam interiorum narium structuram & osseam con- camerationem, quatenus nempe membrana non tantum ad sensum, sed & ad pituitæ ejectionem disposita investitur. Operæ præ- tium autem duco hac occasione accuratius paulo, qua tamen fieri potest brevitate, in- ternam narium mirabilem structuram perlu- strare. Quoad autem internam narium con- camerationem spectat, deprehendimus varios sinus & cavitates osseas, dein gyros anfractuosa osseos triplices, qui scalæ, it. ossa turbina- ta spongiosa vocantur, quorum fabricam & usum singulatim jam perspicere placet. Si- nus autem illi recte numerantur duodecim, nempe duo sphænoidei, qui intra os, quod sphænoides dicitur, excavati sunt & sellæ

equinæ subjacent. Ex istis per unum foramen humores delabuntur in binos meatus, qui a naribus ad fauces tendunt. Ethmoidei sex numerantur, qui frontalibus & sphænoideis intermediis sunt, in utroque latere tres, & hi tenuibus ossibus transversis & non nonnihil obliquis ab invicem distincti sunt, quorum anteriores reliquis ampliores sunt, in quibus etiam foramina duo reperiuntur, quibus mediantibus anterior hic sinus ethmoideus cum maxillari communicat. In osse frontis juxta nasi radicem duo quoque exstant sinus dicti frontales, quorum unus sæpius altero amplior & distinctas etiam fovet cellulas. In illorum postica parte foramen est, quod narium posteriorem partem respicit, in maxilla autem superiore duæ cavitates amplissimæ sunt, in quarum superna parte unum est foramen & brevis ductus, qui ex sinibus ethmoideis anterioribus humorem recipit.

8 Sinus hi dicti duodecim nec non os vomeris omniaque ossa ad narium fabricam spectantia investiantur membrana, quæ propter officium suum dicitur pituitaria, hancque cum sinibus narium ex omnibus accuratissime descripsit Vieussens in *Neurologia* cap. 16. pag. 187. ubi asserit illam esse fungosam, spongiosam ac glandulosam quamplurimis diversis generis vasis instructam, quæ si digitis comprimatur, mucum statim emittat, sique in aquam immittatur, spongiæ ad instar intumescat. Casserius Placentinus illam dicit esse spongiosam, sublividam & multum sanguineam, ita ut si digitis leviter fricetur, sanguinem effluere faciat. Et observavi in anatomia cadaveris masculini a me celebrata membranam hanc numerosissimis arteriis stipari, quæ injectione liquoris spissi rubicundi adhuc dum in capite siccato elegantissime apparent. In plexus hepatis uterini plexibus non absimiles numerosas has arterias ex corotidum ramis externis enatas exire auctor est idem Vieussens *loc. cit.* Hæc jam membrana, glandulis copiosissimis prædita, ex innumeris hisce arteriis partem aquosam, lymphæ nervorum ac cerebri elasticæ spirituosæ activitatem infringentem, instar cerebri separat, & per breves quosdam ductus quos vasa mucifera laudatus Vieussens nominat & quorum aliqui fetam admittunt, & circa posticam ossis vomeris & utriusque ossis palati partem apparent, expurgat & in nares ceu communem cloacam derivat. Hæc itaque membrana, quæ ab utroque os-

sis occipitis processu oritur lateque expanditur & internæ œsophagi tunicæ continua est ac laryngis latera contingit, os vomeris ossaque spongiosa & turbinata omnesque superius nominatos sinus duodecim obducit, est emunctorium principale ipsius muci, qui secernitur in naribus & sinibus, ubi mora nonnunquam nimium lentorem contrahit. Non autem ubique est æqualis crassitie vel conformationis, nam quæ posticæ utriusque ossis palati parti appenditur, ea crassior est, & fere tota glandulosa & muciferis instructa vasis intertexta videtur. Illa autem membranæ pituitosæ pars, quæ duodecim sinus investit, subalbida & spongiosa est, valde autem membranosa & magis tensa apparet illa, quæ ossibus sic dictis turbinatis insertitur; de his autem ossibus Casserius de *fabrica nasi* Lib. 3. cap. 16. scribit: *In profunda narium recondita sunt officula spongiosa, quæ gradu scalæ videntur appellari, eo quod gradatim unum supra aliud positum sit, turbinata hæc ossa dicuntur.* Oriuntur ex parietibus narium, ossibus inquam cavitationem genarum interne septientibus, ubi initio tenui exorti statim crassescunt & turbinis formam adsumunt, undique libera & nusquam nisi suo principio alligata, ita deorsum pendula dependent, ut intermediam quandam latebram inter os genarum conficiant. Et sane jucundum spectaculum est, hæc officula seu lamellas osseas, quæ neutiquam cartilagineæ sunt, in varios cylindros tubulos & semicirculos osseos convolvi, ut quasi in diversos specus & labyrinthos, ubi alia in aliam tendit, dividi. Hæc singula spongiosa officula, singulæque eorum lamellæ & inde effectæ cavitates tunica etiam spongiosa, sed magis nervea investiantur. Hinc etiam hæc ipsa magis præ aliis membranæ partibus sensu exquisitiori gaudet; sicuti enim tota membrana pituitaria per nares extensa sensum suum ac motum maxime nanciscitur non tam a primo, quam a secundo ramo quinti paris emissi, ita maxime hi nervi plurimas fibrillas per membranam ossa turbinata obducentem, spargunt atque distribuunt, hinc merito huic tunicæ & dictæ ossium turbimatorum conformationi odoratus organi titulus tribuendus est, cum non peculiaris hujus tunicæ textura nervea tensa alium usum arguere videatur, quam ut tantum mucum separet: quocirca Bartholinus in tractatu de *olfactus organo*, rectissime scribit: *quo major tunica narium*

rium est superficies, eo plura nervosa extrema in eum terminari possunt, pluresque aeris particule in eandem impingere. Hinc etiam laudatus auctor in venatico exquisitissimi sensus cane inextricabilem & plane innumerabilem lamellarum in semicircularem figuram curvaturam progerminationem & circumvolutionem invenit, & animalia olfactu excellentia officula talia cucullum vel concham veneris figura referentia semper plura, longiora, magisque contorta possidere scribit.

9 Sententia itaque nostra est, tunicam hanc sensibilem ossa turbinata cum illorum cavitatibus investientem subjectum maxime esse odoratus, cujus organon in tunica narium multiplicata, dum ex angusto in angustum ipsa tendit, & in concavitate officulorum aerem odoriferum non tantum remorante sed & verberante consistit. Et sicuti in hac tunica particulæ odoriferæ fluido respirationis impulsæ percipiuntur, ita etiam nullum dubium est in eadem tunica varios pulveres vel species naribus susceptas ibique appulas percipi, sensumque irritatorium ab iisdem excitari, adeo, ut idem subjectum odoratus & sternutationis sit. Irritata autem illa tunica in consensum utique trahitur tota tunica narium pituitaria, propter eandem communionem nervorum, nec non continuitatem, ita, ut fibris ejus constrictis & compressis succus ille, qui in eadem hæret, copiose & ubertim excutiat.

10 Descripto jam sufficienter sternutationis organo & subjecto, illoque loco, e quo promanare crassus ille mucus solet, qui sternutatione ejicitur, restat jam ut etiam brevissimis naturam sternutationis sive motus ipsius thoracis convulsivi cum violenta expiratione & aeris explosione vehemente juncti indolem perlustremus, & maxime, quomodo thorax & diaphragma ab irritatione narium tunicæ in consensum rapiantur. Notum autem jam est ex anatomicorum observationibus, non tantum primum nervorum par, quod processum mamillarium nomine venit, verum etiam secundum ramum quinti paris nervosi intra cranium oriundi abire ad pituitariam membranam, maxime autem ad illam partem, quæ ossa turbinata sic dicta seu spongiosa investit, ubi non modo sensus sive perceptionis odoriferarum atomorum, sed & omnis motus & contractionis hujus membranæ causa existit. Quoniam autem par nervorum intercostalium quoad maximam suam portionem nervis quintæ con-

jugationis debetur, hinc facillime ratio peripoteat, quare irritatione facta molesta in naribus, quam semper subsequi solet influxus celerior nervei fluidi, in consensionem similemque actionem spiritus in nervis intercostalibus existentes rapiantur. Optime hinc Vieussens *Lib. 3. cap. 5.* scribit: *In sternutatione statim ac nerveæ fibræ, quæ in membranam narium interiora occupantem desinunt, a re quavis acri vellicatæ corrugantur, illico diaphragma propter altiore inspirationem a spiritu animali per nervos intercostales devecto excitatus, deprimitur & subinde membranam narium, spasmò remittente, septum transversum superiora versus vehementer retractum violentam expirationem excitat.* Ex quibus dictis & adductis patet diaphragma potius & principaliter sedem & subjectum sternutationis esse dicendum, quam ipsum caput vel in eo contentum cerebrum, tametsi non negandum sit, ex influxu concitatorii spirituum, qui occasione vellicationis ac morficationis tunicæ narium nerveæ contingit, violentum hunc thoracis motum dependere. Strepitus autem ille & aeris sonora explosio, in sternutationis actu quæ contingit, unice proficiscitur ab aere per expirationem celerrime ex trachea in anfractuosos narium meatus & ibi contractione quasi angustatos, vi transeunte & irruente, ubi reverberatione, allisione & fractione talem strepitum & sonitum edit, unde etiam sæpius fit, quando sic aer primum vehementer inspiratus maxima vi in expiratione expellitur, ut etiam cibus & potus in ore & faucibus hærens ejiciatur, lapilli in interiori aure hærentes, uti nuperimum hic exemplum docuit, expellantur, vel calculi ex renibus & ureteribus in vesicam deturbentur, aut etiam fœtus propulsio ex utero promoveatur.

11 Hisce jam pertractatis ordo postulat, ut non tantum illa, quæ sternutationem excitare apta sunt, perspiciamus, sed maxime etiam, quod nostræ est tractationis, ad ea dirigamus animum nostrum atque inquisitionem, quo illa ipsa, quæ ingrediuntur & constituunt famosos illos pulveres errhinos & ptarmicos, cognoscamus & medice examinemus. Et cum jam noster scopus saltim eo tendat, ut non tam illa, quæ intrinsecus in corpore ansam præbere possunt huic adfectui, inquiramus, quam potius externas causas scrutemur. Hinc omittis illis, quæ utique uberiores tractationem merentur, saltim jam occupati erimus circa causas exter-

ternas. Brevibus autem asserimus; omnia illa quæcunque membranam illam narium sensu exquisito pollentem, vellicare, irritare & morficare apta sunt, illa etiam sternutationem facili negotio movere possunt. Ita sola titillatio cum penna vel cum papyro convoluta facta, sternutamentum prompte ciet. Et compertum est, irritari etiam nares & sternutationis motum produci per repentinum transitum e loco obscuro in admodum illustratum. Unde etiam recte dixit Aristoteles: *sternutat, qui sub solem se committit*. Cl. Schneiderus tract. de *sternutatione* refert, concionatorem quendam se cognovisse qui cum soli exponeretur, bis, ter vel etiam sæpius sternutare coactus fuerit, quod tamen tantummodo locum habet in subjectis sensibilibus. Ratio autem hujus effectus hæc est: radii solares penetrantissima sua actione ac motione aerem commovendo, ipsos etiam spiritus tunicæ narium insidentes fortiter commovent; non secus ac videmus lucem solarem ob vehementissimam suam actionem oculis laborantibus non conferre, ita ut etiam solus adspectus lucis in ophthalmia causari vel eandem ob causam dolorem augere possit; siquidem nulla sensatio, nulla perceptio in machina nostra microcosmica sine præcedente tactu vel tremula motione membranarum fit.

12 Ut autem propius accedamus ad materiam & naturam illorum, quæ vel tantum pituitam e naribus evacuant, vel cum aeris explosione illam educunt, dicimus; omnia ea esse indolis salino-sulphureæ acris, quandoquidem non omnia salia, uti sunt neutra, media, salia etiam acida tali facultate polent, quippe quæ fixioris naturæ & spiculis crassioribus dotata minorem ingressum habent in tenuissimos fibrillarum membranacearum poros, sed requirantur paulo subtiliora; qualia sunt sulphurea & acria, quæ motu intestino ætheris stipata longe penetrantiora sunt & intimioris admissionis, unde videmus salia volatilia naribus indita promte colligare pituitam, imo sternutationem excitare. Quinimo admodum verosimile est, principium illud, quod in errhinis & sternutatoriis operatur, ad alcalinam potius quam acidam naturam accedere, præsertim cum acida enervent & notabiliter infringant illam vim, teste experientia & antiquissimo auctore Plinio, qui histor. nat. Lib. 23. c. 1. inquit: *sternutamenta acetum olfactu cohibet*. Et cum omnia purgantia propter idem sal

acre irritans subtile volatile plus minus causticum, sint simul validiora sternutatoria & ipsorum vis purgans manifesto enervetur atque cicuretur salibus acidis, dum nempe hæc ipsa sal illud tenue volatile alcalinum figunt & motum istum ætheris igneum sistunt, ita enim non inconvenienter argumentari licet eodem sale gaudere sternutatoria, quo ipsa purgantia. Accedit & illud, quod tabacus errhinorum & sternutatorium princeps sale volatili acri sulphureo copiosissimo polleat, qui intra assumtus, ventriculi, oesophagi & intestinorum membranulas fortiter vellicando & vomitum & sedes violenter ciere solet: manifesto documento, non alium modum agendi sternutatoriorum, emeticorum ac purgantium esse, quam qui in morficatione, insultu & rosione tunicarum nerveo-glandulosarum versatur. Deinceps elementum illud, quo agunt ptarmica & errhina, salinæ volatilis sulphureæ naturæ esse vel ex eo intelligi potest, quod pleræque herbæ cephalicæ, quæ sale subtili volatili oleoso gaudent, cujus generis sunt nominatim origanum, ruta, flores anthos, majorana, thymus, serpillum, basilicum, semen nasturtii, sinapi, coriandrum, cubebæ, vel recentes, vel melius sicco modo naribus inditæ promte sternutatorium vel tantum errhinum effectum exhibeant.

13 Non autem occupati erimus totum catalogum omnium errhinorum & sternutatoriorum proponere, sive totam materiam errhinorum recensere, sed tantum animus est brevissimis exponere, ex quibus usitatissimi isti pulveres, qui naribus inspirantur & attrahuntur, evacuandi muci causa componantur, sive quænam illorum ingredientia, quis modus præparandi sit, ut eo melius postea perspicere queamus, quid damni vel emolumenti adferre queat illorum rectus usus atque perversus abusus. Dixi autem superius, pulverum horum ptarmicorum princeps ingrediens esse ipsum tabacum seu herbam nicotianam; postquam enim hujus herbæ maxima utilitas generi humano innotuit, sub variis formis interne & externe usui humano illam adaptarunt; & cum nautæ ac milites, quibus initio frequentior fuit tabaci usus, experimento didicissent, tabacum in pulverem redactum & naribus inspiratum esse ptarmicum; & hoc ipso exonerari caput utilitate optima, hic usus postea ad multas gentes & nationes pervenit, & primum ad Italos, apud quos talium pulverum usus est fre-

frequentissimus, postea ad Gallos & etiam ipsos Germanos sese extendit, factum, ut tabacomania jam multi laborent, & ipsa consuetudo talem pulverem fecerit pene cum aere necessarium, ita plerisque inutilis & superfluous imo noxius est. Multi recto ejus usu primo, deinde facta consuetudine, sunt verba Magneni de tabaco, postea contracto habitu tantam hujus pulveris copiam absument, ut hominem noverim, qui die unico pulveris tabaci optimi uncias tres naso suo perdiderit. Sed opus jam est, ut de præparatione horum pulverum quædam edisseramus, quibusque in locis præparentur: notum autem est præparari maxima in copia Bononiæ, Trienti, Venetiis, Taurini, unde etiam ad alias diffitas regiones magno mercatorum lucro affertur. Modus autem præparationis hic est: sumitur nempe præstantissimus tabacus de Levante & ejus stipites ac cespites aqua rosarum infunduntur, postea siccantur & in minutissimum rediguntur pulverem, qui cum solutione tenui tragacanthæ miscetur, & in pastam redigitur, quæ postea ex tenuissimis tuniculis ferreis compositum est angustissima foramina relinquens, trajicitur, ita sub specie tenuissimorum pilorum apparet, qui dein singulari encheiresi vase concavo magno excipiuntur, & continua agitatione & succussione in globulos minutissimos rediguntur, qui Germanicis sub nomine *gekornter Tobak* venit, qui postea oleo de cedro vel jasmino, bergamotti suavi odore imbuitur & talis ex Italia ad nos adfertur. Taurini flores aurantium exsiccatos, item flores rorismarini admiscere solent. Alius autem est modus hunc pulverem in Hispania præparandi: hic enim loci in tenuissimum pollinem, qui in fumum facile abit, redigitur. Nempe sumunt tabacum optimum de Brasilia, & in camera calefacta extreme illum siccant, ut inter manus teri possit, talem jam induit duobus sacculis ex linteo subtili confectis, postea in alio conclavi puro vir, qui bene nares, oculos, & os singulari adoprato instrumento munit ac defendit, duos hos sacculos vehementissime inter se concutit, ut tenuissimus pulvis sub forma fumi per porulos faculi expellatur, qui deinde in conclavi excipitur, & hic jam propter tenuitatem suam inspiratione improvida facile ad ipsam laryngem asperamque arteriam transit ibique irritatione facta tussim concitat. Præterea usitatus hoc tempore adhuc est alius, qui ex Portu-

galia ad nos sub forma pulveris non adeo subtilis, coloris ex flavo viridescentis, & odorem sicut panis grossior Westphalicus vulgo Bonpournickel de se spargit, & ex foliis optimi nigri tabaci prius in aqua rosarum maceratis præparatur, ut nimia eorum acrimonia salino-sulphurea extrahatur; postea folia exsiccant & pulverem ex ipsis conficiunt, quem sine suaveolentia ut plurimum relinquunt.

14 Præter has præparationes simplices, adhuc innumeræ restarent magis compositæ describendæ, dum quivis ferme pharmacopola vel medicus graciosus in quavis regione peculiarem excogitat compositionem, ut non tantum colore, sed & odore ac consistentia pulveres hi admodum inter se differant, ubi tamen tabacus manet basis, quod modo varias species cephalicas fragrantissimi odoris ad meliorem gratiam conciliandum admisceant. Nostri jam erit officii, ut præstantissimas & valde expertas & quas nos magni facimus, tantummodo hoc loco adducamus, ut quivis habeat, quo casu necessitatis pro morborum & humanæ temperiei natura uti queat. In antecessum autem hic moneo, duo præ cæteris elegantissima & præstantissima virtutis plane vel parum cognita me magni facere, quorum usum etiam variis in adfectibus magno cum fructu & capitis robore adhuc expertus sum, quorum primum est resina ligni guajaci, non illa, quæ spiritu rectificato ex rasura hujus ligni extrahitur, sed quæ mediante coctione cum aqua tantum simplici elicitur; dum nempe in ipsa aqua per sufficiens tempus rasura coquitur; decoctum postea leni calore ad siccitatem usque inspissatur & sic ptarmicum pulcherrimum emergit, quod suavi balsamico odore nares adficit & satis potenter pituitam colliquat. Alterum est benzoe in flores resoluta, quando nempe hujus gummi optimi pulvis in aqua pluviali coquitur, quæ identidem inspissatur, ita pulvis odoris suavissimi ex splendentibus miculis & squamulis compositus conficitur, qui naribus attractus penetrantia sua ad motum eximie suscitatur & densatum ibi humorem extergit. Quod autem horum remediorum præparatio cum aqua instituat, hæc ratio est; quoniam hæc ex resinosis istis corporibus præter sulphureas, acutas, salinas scindentes & pungentes partes extrahit, quæ hic maxime considerantur.

15 Sed ut ad nostras, quas laudamus & lau-

laudavimus formulas, redeamus, sequentes cum benevolo lectore communicabimus. Recipe sacchari optimi unciam semis, balsami apoplectici grana duodecim, florum benzoës, resinæ ligni guajaci ana grana decem, misce. Pulvis hic gratissimi est odoris & egregie nervosas capitis partes solatur, nec non pituitam satis efficaciter educit. Hinc merito cunctis ferme errhinis est præferendus; præcipue autem singularem opem spondet in capitis seu actionum animalium torpore, vertigine, nimia somnolentia; decubitu humorum catarrhali ad dentes, ad aures, capitis gravativo dolore; egregie quoque conducit pituitosis & qui caput imbecillum habent. Altera formula hæc est. Recipe pulveris tabaci, infusione aquæ rosarum prius mitigati, unciam semis, florum aurantiorum exsiccatorum drachmas duas, olei florum aurantiorum optimi Italici guttas decem. Lenis operationis hic pulvis est, & suavem odorem spirat. Tertia hæc erit. Recipe pulveris ligni aloës, succini pulverisati, tabaci ana drachmam unam, castorei grana decem, olei majoranæ guttas quatuor, pulvis hic in dispositione ad apoplexiam, epilepsiam, paralytin, vertiginem egregii usus est. Parandi modus hic est quartus, sume salis volatilis ammoniaci sicci drachmam unam, olei majoranæ guttas decem, misce. Hoc penetrantissimum est errhinum, solo odore, vel melius pulvere ejus naribus attractum in deperdito odoratu ab humore crasso, copioso, spisso, frigido, quale quid accidit in coryza, nec non in naribus plane oclusis, item apoplectico, epileptico paroxysmo, nec non in affectibus soporosis efficacissimum. Quinta pulveris compositio hæc est. Recipe radicis iridis florentinæ drachmam unam, florum balauustiorum, rosarum rubrarum ana scrupulos duos, florum anthos, lavendulæ drachmam semis, hellebori albi grana octo, moschi in spiritu rosarum soluti grana duo, pulvis exinde fit varii & grati coloris, & talis ex Turcia adferri solet, nec usu suo defraudandus; hoc saltem vitii habens, quod linteamina propter flores balauustiorum rubro colore inficiat. Sexta est. Recipe florum liliorum convallium, majoranæ, pulveris tabaci ana drachmam unam, hellebori albi grana duodecim, olei majoranæ, cubebæ ana guttas quatuor; pulvis hic si sternutatio movenda est, & pituita crassa educenda, naresque muco obstructæ, in pituitosis & phlegmaticis egregie suum facit officium.

VII. Recipe radicis valerianæ, seminis fœniculi, pulveris tabaci ana drachmam unam, florum benzoës grana duodecim, olei cubebæ, fœniculi, majoranæ guttas duas, spiritus rosarum guttas duodecim, misce fiat pulvis, qui in adfectibus oculorum, visus imbecillitate, nimiaque illorum serositate usum habet non contemnendum. VIII. Clarissimus Lentilius in *miscell. parte 2. p. 564.* hunc pulverem magnificat in gravissimis capitis adfectibus; recipe olei succini scrupulum semis, lavendulæ, rorismarini, salviæ, rutæ, spicæ ana guttas tres, balsami apoplectici grana octo, incorporentur cum saccharo canariensi finissimo, ut fiat pulvis. Pulvis mochoacannæ albæ cum oleo fragrantissimi eximium quoque errhinum constituit, id quod ex Insula Malthæ adferri solet.

16 Recensitis sic optimis, quæ usui intervenire possunt, errhinorum & ptarmicorum formulis, utile futurum judico, si de illorum usu & abusu etiam verba faciam, illumque rationibus & experientia munitus aperte ostendam. In confesso autem est, omnino talismodi pulveres, si modus in hisce sit & prudenter applicentur, salubritate ac fructu non carere, quandoquidem in dubium vocari nequit, membranam illam narium, quæ in capite tam late se extendit, & tot anfructuosos ossium gyros ac sinuosas cavitates obducit, eo officio fungi, ut viscosam, mucidam ac serosam superfluam materiam ex sanguine secernat, quo ipse purior, agilior, & ad fluidi nervei ac cerebri elastici productionem aptior evadat, dum liberatus est ab ea materia, quæ ejus activitatem, expansionem elasticam impedire ac retundere poterat. Quinimo per solenne hoc narium emunctorium separata sic debite materia pituitosa, præsertim in illis, qui ejus copia abundant, sanguis in progressu & circulo suo per caput longe liberius ac minus impeditur circumvolvitur, cum alias si obstructis naribus refertus ac onustus talismodi lento humore sit, deprehendamus, & gravitatem capitis cum dolore, auditus difficultatem, tinnitum aurium, vertiginem, torporem actionum animalium, somnolentiam exinde oriri. Quemadmodum itaque legitimum exercitium actionum, quæ sanitati præsumt, potissimum in debitis secretionibus & excretionibus fundatur: ita omnino medici opus atque intentio esse debet, si secretiones hæc labascant, si secretoria & emunctoria otientur vel obstructa sint, convenientibus remediis, omnes secre-

cretiones sollicitare, procurare, obstructaque dissolvere ac referare, cui fini etiam serviunt purgantia, diaphoretica, diuretica, expectorantia, apophlegmatica, salivantia & hujus generis alia. Ex quo jam facile quivis intelligere potest, remedia, quæ nares incitant ad excretionem muci, magnæ esse efficaciz & insigni nisi fundamento in re medica, adeo ut illorum usus æstimandus merito sit.

17 Cum autem natura optima sit morborum medicatrix & vias monstret, per quas duci inutilis humor debeat opportunissime, & medicina imitatrix naturæ semper sit, hinc quoniam observamus naturam sæpius ipsam sternutationem efficere & colluviem humorum serosorum per nares educere insigni cum corporis levamine, sicuti videmus in coryza, ita etiam arte procurare nonnunquam licebit talem expurgationem seri effecti, inutilis, copiosi, præsertim si corpora fuerint pituitosa, si humores circa caput stagnant, gravitatem & dolorem pressorium inducunt, & nares humidæ observantur. Maxime omnium autem tale excretionis genus moliri licet, si homines certis anni temporibus assueti fuerint ipsius naturæ vigore talismodi excretioni sive profluvio seri per nares, quale quid si a causis variis cohibetur, non potest non magnam noxam toti corporis imprimis autem capiti inferre. Deinceps quando odoratus deperditus est ob nimiam humiditatem, circa hæc loca confluentem, utiliter etiam applicantur pulveres errhini, qui non modo exsiccandi, sed & tonum fibrillarum nervearum roborandi facultate polent. Siquidem notum est, uti omnes reliquos sensus, sic etiam odoratum perfici in sensoriis, quæ membranas habent nerveas, tensas, spiritu animali turgidas, ut tremulum & undulatorium motum qui ad omnem perceptionem requiritur, externum objectum efficere atque imprimere possit. Quando itaque membranæ nimis sunt relaxatæ & copioso humido imbutæ, nulla odorum perceptio, sicuti manifesto patet in coryza, fieri potest, hanc autem humiditatem præter naturam congestam extergunt, absument pulveres tabacini speciebus & oleis cephalicis nervinis exaltati. Præterea per ipsas nares etiam oculi purgantur, dum serositates, ex oculorum glandulis plorantes, per punctum lacrymale in cantho oculi situm singularemque tubulum inter osseum, qui ad narium cavitatem tendit, ordinaria via descendant, Hoff. Opusc. varii argum.

quemadmodum id apertissime videmus, dum lacrymas copiosas emittimus, quod magna humiditas ex oculis ad nares dilabatur. Quod si itaque sive in puerili sive in senili ætate inque catarrhosis subjectis tono glandularum ocularium nimis relaxato humiditates crassæ, limosæ, vel etiam falsæ, acres, copiosius in oculis influant, & non modo illorum serenitatem, sed & visus aciem turbant, tunc pulverum, quos in superioribus laudavimus, moderatus usus summe erit proficiuus. Præterea & ipsa experientia testatur, in visu abolito principio guttæ serenæ tales pulveres errhinos cephalicos, minus autem violenter sternutationem moventes, hisce adfæctibus opitulari efficacissime, in specie vero, quando incipiunt maculæ vel imagines minutæ inter cernendum ante oculos agitari, dicta remedia laudem merentur amplissimam. Confirmat hoc suo exemplo Ch. Bartholinus in hist. anatom. cent. 5. observat. I. pag. 50. Postquam enim aliquamdiu inter legendum potissimum aut scribendum maculis vexatus fuerat, tandem ptarmico frequenter naribus immisso liberatum se, Deo benedicente, refert. Remedium autem hoc est, recipe tabaci opt. unciam unam, majoranæ uncias duas, euphras. sem. fœniculi ana drachmam unam, agarici trochiscati scrupulum, aquæ fœniculi quant. suff. fiat pulvis subtilissimus.

18 Commendamus etiam dictorum laudatissimorum pulverum usum in aurium vitiis, quando nempe multæ serositates in capite collectæ ibi procumbunt & membranam tenuissimam nerveam, aurium labyrinthos obducentem, nimium humectant & relaxant. Tali in casu serum vitiatum ibi hærens percommode mediantibus errhinis vel sternutatoriis per ductus Eustachianos, ex auribus ad palatum abeuntes, evacuator. Quando coryza infestat homines & maximo natura molimine ibi sordes pituitosas deponere querit, quibus sarcinata est, non inutilis etiam erit horum remediorum usus, opus tamen hic quadam circumspeditione, in principio enim quando serum est nimis fluxile, salsum & acre, & cum impetu fluit ad nares, abstinentum ab hisce est, major enim tunc adfluxus excitabatur, in declinatione autem, quando serum incipit fieri spissum & in crassas lemas abire, quæ interiora sinuum occupant, tunc nostros pulveres adhibere summe proficiuum erit. Addimus & hoc, quod errhina rite præparata & balsamicorum ac cephalicorum additione roborata, nasum a

foetore, a polypo, aliisque concretionibus squalidis, nec non a malignis exulcerationibus præservare possint. Compertum enim in praxi medica est, qua ratione serum malignis causticis salibus in graviore scorbutico vel lue venerea infectum, ad has partes procumbat, illasque propter teneritudinem suam corrodat penitusque exedat, & sedum ac incurabile ulcus producat, quod hisce remediis etiam potest averti, partim dum ejusmodi seri maligni ulterius stasis ac mora, qua semper majorem corrosivitatem induit, impeditur, partim etiam, quod balsamicis speciebus putredo præcaveatur. Tandem etiam illud insinuare hic licebit, ad memoriam & prudentiam hominis, quod quidem paradoxon videtur, conferre temperatum nostrorum pulverum usum. Quemadmodum enim cerebrum, nimia humiditate obsessum, plane ineptum est ad actiones ingenii & memoriæ exsequendas, dum idearum vestigia difficili negotio in fibrillas ejus imprimi nec diutius detineri possunt &c. ita multo magis spiritus torpidi & segnes fiunt, quando sanguis vehit serum exsuperans; unde exercitium judicii ac promptitudinis ad ratiocinandum, quod in spirituum debita agilitate consistit, plane vacillat & imminuitur. Et enim non incongrue dictum a sapientissimis veterum, cerebrum siccum esse sapientissimum, & communi proverbio, prudentes emunctiores, sive emunctæ naris homines ob eandem rationem salutantur. Ex quibus liquido constat, apud pituitosos & illos, qui multum humidi generant, & cerebrum laxius ac mollius habent, ad actiones ingenii excitandas non minimam opem ferre & spondere pulverum talium exsiccantium & spiritus serenantium usum. Et quamvis non immediate ex ipso cerebro educatur superflua serositas, e pituitaria tamen tunica, antequam ad ipsius cerebri interiora cum sanguine adscendit, illud ipsum contingit. Tandem curiosum est quoque quod Welschius in *sylog. curat. obs.* 12. scribat podagricum ex consilio Ulrici Ducis Wurtembergici intra singula decennia semen majoranæ cum origano naribus indita magnam mucis & pituitæ copiam extraxisse, nec unquam podagram amplius sensit.

19. Verum dissertationis nostræ filum ad horum remediorum nos ducit abusum, qui latissime patet, tantus enim ille hodierno tempore est, ut vix quenquam videas, qui etiam morationibus & prudentioribus accer-

serferi gestit, qui ne minimo quidem temporis intervallo carere possit, talismodi pulverum inspiratione, & non refertam hisce pyxidem semper pera sua circumferat, quo brevissimis intervallis semper nares replet & aliis etiam urbanitatis causa offert. De tali autem perversa consuetudine nihil boni expectari posse facile quivis agnoscet. Damnum autem, quod tales pulveres inferunt, differt maxime, prout ingredientia varia sunt. Si enim ex vehementibus sternutatoriis compositi fuerint, & ita ereberrime usurpantur, non possunt non gravissima mala inde sequi. Hujus rei *Theodor. Kerckringius obs. anatom. cap. 2.* flebile memorat exemplum cujusdam rustici, quem inter vectores navis Harlema Amstelodamum vehebant, quique circumferanei cujusdam persuasu ejusmodi pulveris periculum faciebat, quo tam vehementer sternutare primum, deinde & tantum emittere sanguinis per nasum cepit, ut tanquam mortuus humi procumberet, ac portatus Amstelodamum aliquamdiu ibi remanere necesse habuerit. Ita etiam guttam serenam sternutatoriorum intempestivo usu excitatam fuisse, ex observatione *Guilielmi Fabricii Cent. 1. obs. 24.* *Plateri lib. 1. praxeos pag. 239.* cognitum habemus. Denique experientia testatur in capitis gravativo dolore, vel nimia gravedine sternutatoria adhibita epilepsiam vel etiam apoplexiam excitasse. Videantur *Rhodii analecta ad Septalii librum §. 17. pag. 129.* item *Nummannus de Apoplexia cap. 46.*

20. Noster autem scopus præcipuus hic est, ut qualem noxam asferre possint tabaciaci hi pulveres improvide & continuo inspirati videamus. Primum autem dicimus odoratum illos ipsos abolere posse. Sicuti enim nimia humiditas odorum perceptioni officit, ita etiam nimia siccitas membranarum nervique odoratorii odoratum tollere potest. Hinc *Simon Pauli Tract. de abusu tabaci ac Thee, periculosum est*, scribit, *adsuescere minutatim contriti tabaci usui, quoniam saepe patuit, eos, qui eodem abundanter usi sunt odoris privatos fuisse tono.* Membranæ enim narium nimio horum usu, præsertim in siccioribus subjectis, callescunt & duriores evadunt, ut nulla vellicatio amplius sensum efficere possit. Præterea dum indefinenter sic & excessive nares pulveribus hisce vexantur, & capsulæ satis capaces de die evacuantur, continua sic vellicatione facta, in subjectis pituitosis & serosis, præsertim si alvus non

non suum faciat officium, attrahuntur ad nares & copiosissimæ serositates, ut deinde consuetam viam ibi facile affectent, & cerebri vasa ac tunicas narium humore tali infarciant, unde & vocis claritas perit, dum narium meatus squalore turgidi angustiores facti fuerint, ut aer in voce, quod necessarium tamen est, ad gratam & claram loquelam libere non possit transire; hinc dicitur *sie reden durch die Nase*, deinde & tanta feri copiosi talismodi colluvies circa caput collecta ad somnolentiam, torporem & comatos os adfectus fenestram aperire potest. Memorabilia sunt binæ exempla quæ Josephus Lanzonus in *Miscellaneis Nat. Curios. Dec. 1. an. 2. obs. 131*, adducit, primum scilicet de cive Ferrariensi, qui ex nimia quantitate pulveris nicotiani assumpta coma somnolentum contraxit tam potens, ut neque ab acclamantibus domesticis, neque ab alio remedio expergisci potuerit, sed in cubili sedens stupidus omnino ac immotus manserit, donec tandem septima die extinctus sit. Alterum de quodam satellite est, ob continuam tabaci pulveris assumptionem, ex phrenitide misere interemto. Notatu digna hoc loco etiam est historia, quam communicat Wagnerus in *Miscellaneis Nat. Curios. an. 2. obs. 26*. nempe virum quendam litteratum ex abusu pulveris sternutatorii ex floribus liliorum convallium, majorana &c. confecti, aura inter aures abscondita, ita commovisse membranam tympani, ut nimirum in aure dextra ista dilatata aut disrupta penitus auditum ex ea parte sustulerit. Spectat huc egregius locus ex Mercuriali *de aurium affectibus cap. 4. de sternutatoriis nisi caput inquisite purgatum sit, nunquam adhibenda esse; quia maxime continuantur aures; nam dum emunguntur nares, semper aures correspondent: quodsi caput fuerit repletum, ex hac concussione trahitur nova materia ad aures, & ita malum augetur.*

21 Multo minus autem illis utiles sunt talium pulverum attractiones qui narium hæmorrhagiæ assueti sunt, utpote hisce non tantum sanguinis largior sit profusio, sed natura etiam crebriores talismodi hæmorrhagias intendit. Tandem & illud adjiciendum est, detracto sic in nimia quantitate sero, per hoc emunctorium in cholericis & siccioribus deficit ejus, ubi tamen necessaria est, excretio in glandulis palatinis & salivalibus. Cum autem saliva secundum nostram sententiam genuinum sic alimentorum solvens, quo ipsorum nexus intime discerpitur, hinc faci-

le patet, ex salivæ defectu digestionis vigorem labefactari & ad generationem cruditarum causam suppeditari posse amplissimam. Nocent autem illis maxime, qui ebrii sunt & vino ad ebrietatem usque se obruerunt: præsertim si sternutatoria valida hisce pulveribus admixta fuerint. Ita Thiermaius *Lib. 2. cap. 9. fol. 133*. se experitum ait quendam potui valde deditum, crebris sternutationibus valde commotis capitis humoribus, atque ipso vehementer concusso cerebro depressoque in apoplexiam incidisse. Postremo egregiam observationem de incommodis, quæ sternutamentum secuta fuerunt, affert Hildanus *Cent. 4. obs. 13. nempe an. 1611. Juvenem quendam Rutgerum Gummersbachium, robustum, optimo corporis habitu præditum, Coloniae cognovit familiariter. Ille cum catarrho ad dentes defluente vexaretur, empirici & circumforanei consilium auxiliumque implorat. Numerata pecunia curationem adgreditur, & nullo prius exhibito medicamento purgante, naribus pulverem ex radicibus, pipere, euphorbio, & similibus calamo inspirat, & bacillo ex utroque parte bifurcato inter dentes posito, sternutamenta provocat, & pituitam per os & nares extrahit & quidem copiose. Sed quid sit? eadem die subsequutus est tinnitus aurium molestus & dolorosus. Porro dolor iste cum per se paulatim remisisset & materia ad nares defluxisset, ichor emanare cepit, atque per menses aliquot inde effluxit. Tandem odoratus ita abolitus fuit, ut ab eo tempore sive suavissimi, sive ingratiissimi odores fuerint, eos tamen percipere aut discernere potens non sit.*

22 Coronidis loco etiam adjiciendæ sunt quædam regulæ, horum pulverum usum varie determinantes. I. Plethorici, alvo adstricta laborantes, hypochondriaci, ab effrænato eorum usu abstineant, item sicciores, senes, illis autem commode uti poterunt pituitosi. II. Noxius etiam eorum est usus statim a cibo, hinc consultius est, si homo jejunos illis utatur. III. Abstinentum etiam ab hisce pulveribus in oculorum defluxionibus calidis, ne major concitetur defluxio, item ubi nares hæmorrhagia tentantur, quia magis irritat: neque locus est illorum, ubi in naribus existit ulcus. IV. Quibus hic pulvis inaduetus & caput plurimo humore grave est, tunc facile sternutationem concitat, & sic motu humorum importuno ad caput gravem inducit destillationem. V. Si sternutatio crebra & frequens oritur, loto au-

xilii potest esse firma compressio narium circa angulos oculorum, protinus enim hoc pacto impeditur sternutatio & ratio est, non quod descensus lymphæ lacrymalis ad nares inhibeatur, sicuti nonnullis placet, sed quod ramus nervi quintæ conjugationis, qui abit ad nares, per rimam orbitæ oculi prius egrediatur, & postea per os orbitæ interius, per sinus ethmoideos & ossa cribriformia demum redeat ad nares. Hic si comprimitur, influxus spirituum, qui expansivum elasticum hunc motum efficiunt, quodammodo impeditur. Sed hæc de usu & abusu horum pulverum jam sufficient.

DISSERTATIO XIV.

DE

MIRABILI SULPHURIS ANTIMONII FIXATI EFFICACIA IN MEDICINA.

§. I.

Postquam in rebus medicis & chymicis philosophiæ seu mavis rationis studium liberius & rectius hætenus agitari & excoli cœpit, atq; illa ipsa, quæ facti & experientia sunt, ad solidiorum principiorum normam & rationem ponderata atq; æstimata fuerunt, splendidior ex tenebris quasi surrexit medicinae facies, dum in hac veritates complures absconditæ detectæ, innumeri errores monstrati, via medendi brevior & concinnior inventa, & præsidia vincendis etiam gravissimis morbis idonea excogitata fuerunt. Enim vero quodsi ad prisca tempora animum advertimus, quanta remediorum maximam partem languidorum diffusorum perversæque compositionis sylva in illorum libris deprehenditur, quæ nostro tempore, ubi ingenium morborum quasi mutatum ipsorumq; contumacia adaucta nequiquam sufficientia observantur. Quam præstantibus autem nec non concentratis & virtute valentissimis ex mineralium familia petitis claret & instructa jam est ars nostra salutaris. Equidem in ea non sum sententia, medicamina ejusmodi activiora ac chymica in domandis morbis tantum esse accersenda, sed potius necessaria ad felicem sanationem tam Galenica sic

dicta leniora esse quam exaltata, activiora & ad minimam molem redacta chymica, firmiter statuo & urgeo, confirmante id usu & experientia; qua edocemur utraq; prout morbi sit conditio, vel ægrotantis vires ac robur exigunt, eximium in medendo effectum, modo illa ipsa seligere prudenter, & morbis recte opponere novit medicus. Attamen non inficiandum est, si medentis ratio & ars aliquid eximii in sanandis morbis præsertim refractariis efficit vel contribuit, neque medicatio tantum naturæ opus est, profecto illud ipsum medicamentis activioribus, magna vi & virtute motus instructis expedire posse & debere.

2 Eminentiora autem ea sunt chymica, quæ ex familia mineralium ducuntur atque derivantur; hæc enim viva animata & spiritu minerali tenuissimo, purissimo, non destructibili fortæ atque imbuta sunt. Ex omnibus autem iis, si ullum efficacia & vi rebellibus etiam morbis resistendi est armatum, certe est ipsum stibium, quod ex duplici activissima substantia, mercuriali & sulphurea altera compositum est, & hinc merito chymicorum delicia & divinum minerale dicitur. Multa ex eo in chymicorum libris parata, nec non pharmacopolis præstantissima & expertissimæ virtutis medicamina, quæ artem nostram exercentibus sunt notissima, prostant. Cum autem experientia, qua indies docemur, & altius provehitur res medica, compertum ac confirmatum habeamus, quoddam remedii genus, ex ipso hoc minerali peculiari artificio paratum minusque notum, quod titulo sulphuris antimonialis fixati gaudet, illudque non modo nobis, sed amplissimis archiatis, & peritissimis medicis ac chymicis hætenus per aliquot annos repetitis vicibus mirabilem atque divinam in morborum sanatione præstitit opem atque auxilium, quod vix ac ne vix quidem ab aliis expectandum; ideo apud animum constitui, in præsentia ea, quæ circa efficaciam hujus remedii, naturam modumque operandi observavi & meditatsum, brevi, utilissimo tamen labore, communicare.

3 Ut autem eo melius naturam ac indolem agendique modum ac efficaciam hujus remedii expiscemur, opus erit ante exponere, quænam principia & elementa antimonium, medicinae nostræ parens in se contineat ac complectatur. Ubi tamen primo loco tenendum, illud ex duplici substantia, al-

altera sulphurea phlogista, minerali, & altera mercuriali, metallica regulina esse compositum atque conflatum. Quod primum in eo contineatur principium sulphureum, hoc ipsum variis sese modis sistit atque sensibus nostris exhibet. Quando enim antimonium crudum sive solaribus radiis, sive igne carbonum calcinatur, vapor quidam tenuis, sulphur perfectum redolens in auras excutitur, qui quoque tenebricoso loco, fortiori ignis gradu admoto, inflammatus visitur. Dein sulphur ex antimonio, salva sua textura ac crasi mediante mercurio extrahi potest; hic enim cum salibus corrosivus factus & cum antimonio crudo mixtus ignisque vehementia destillatus, corpus stabile rutilantis coloris, cui nomen cinnabaris competit, producit, dum ipse mercurius sulphur antimonii, relicta regulina substantia, separat, inque amplexus suos amicos accipit & secum in altum evehit.

4 Ex cinnabari autem hoc sulphur purum sequenti encheiresi separatur: una pars cinnabaris antimonii cum æquali portione limaturæ martis miscetur, & ex vitrea retorta, igne subministrato sufficiente, mercurius destillatur. In ipsa retorta sulphur antimonii cum limatura martis intime nexum remanet, quod si separaveris concretum hoc in spiritus vitrioli quantitatem sufficientem injicitur, ita hic martem in vitriolum solvit, relicto antimoniali sulphure intacto, in quod nullum jus habet acidum. Alii oleum vitrioli cum antimonio miscendo & destillando, sulphureum inflammabile crama proliciunt. Nonnulli spiritum salis fumantem antimonio adjiciunt, & sic ab ipso sulphur inflammabile separant. Vulgari methodo alcalia fixa cum antimonio fusa promississime ejus sulphur imbibunt & separant, seque ita arte invicem jungunt, ut non nisi diversæ naturæ liquido ex amplexu & tricis salium explicari & disjungi queat. Tam penetrantem ego possideo liquorem, qui simul ac crudo pulverisato antimonio adfunditur, protinus nullo præcedente calore, in ipsum agit, & substantiam sulphuream flavescen-tem, aurum rutilanti, argentum primum aureo, postea bruno colore inficientem separat.

5 Mercurialis in antimonio contenta substantia in ejus regulis deprehenditur, sive cum salibus varii generis alcalinis, sive cum carbonibus vel metallis sulphur saturantibus fuerint præparati. Mercurialis hic regulus

naturæ est: sicuti enim mercurius metalla, si cum ipsis miscetur, friabilia & fragilia reddit, auroque pallidum inducit colorem; ita simili ratione regulus metallis immixtus ipsa in partes frangibilia reddit, & splendorem auro aufert. Porro sicuti mercurius vim habet salivam in copia ex corpore provocandi; ita etiam regulus, cum duabus nitri partibus conversus, in pulverem album, qui cerussæ nomine venit, sæpiusculæ salivæ fluxum excitasse observatus fuit; præsertim si in insigni quantitate & repetitis per aliquot septimanas vicibus fuerit oblatus. Unde etiam stomachicum Poterii, materia perlata Krugneri virtutem suam medicamentosam mutuatur. Tacemus, ipsum regulum, præcedente debita resolutione & confermentatione cum salibus invicem pugnantes, arduo licet labore, in mercurium currentem converti posse.

6 Postquam itaque elementa & ingredientia antimonii perlustravimus, operæ jam erit pretium dispicere, cujus indolis ac naturæ sit illud ipsum sulphur, quod in antimonio delitescit, utrum nimirum peculiare plane & distinctum sit a sulphure minerali communi, an potius ejusdem cum ipso naturæ. Non possumus autem non hoc loco generatim nostram profiteri sententiam, quæ hæc est: unum tantum sulphur in regno minerali datur, uti unum sal volatile in animali, & unum spiritum phlogiston in vegetabili deprehendimus; differentia autem in aliarum particularum heterogenearum admixtione consistit, quæ si fuerint separatæ, unius ejusdemque naturæ ac indolis est sulphur in regno minerali, & sal volatile in animali, & spiritus inflammabilis in vegetabilibus. Quocirca in antimonio non aliud agnoscimus sulphur, quam vulgare: quod nostrum adsertum inter alia ex eo evincimus, quoniam sulphur commune anatica portione cum antimonii regulo per fusionem antimonium specie, colore, natura, effectu unum idemque regenerat. Ulterius ex eo quoque patet, quia ex nitro fixo & sulphure in antimonio existente inflammabili, quando antimonium diaphoreticum conficitur, una producit sal amaricantis saporis, figuræ sexangularis, arcano duplicato vel sali polychresto per omnia simile. Notum autem est, illud ipsum ex sulphuris mineralis acido & sale fixo nitroso parari. Ut silentio jam prætermittamus, sulphur antimonii cum mercurio commixtum in cinnabarim con-

verti posse, non secus ac mercurius cum sulphure vulgari decenter permixtus sublimatione in cinnabarim pulcherrimi coloris transit.

7 Equidem non sum nescius, hic quasdam obstare difficultates atque dubia, quibus sententia nostra possit oppugnari, dum nempe sulphur, quod ex lixivio antimonii præcipitatur, colore & virtute a sulphure vulgari longissime sit distinctum, cum hoc securissimum usu interno diaphoreticum & roborans sit remedium, illud autem drastica vi emeticum & purgans, rubroque colore splendeat. Addunt, quod sulphur antimonii singulari polleat virtute aurum depurandi, ipsique rutilantem egregium conciliandi colorem. Verum enim vero, ad hæc paucis respondemus. Sulphur illud, quod ex antimonio, mediantibus salibus alcalicis, extrahitur, utique non purum, sed regulinis atomis, a quibus vehemens illa vis aureusque color proficiscitur, adhuc imbutum est. Etenim salia lixiviosa non tantum in sulphura, in mineralibus existentia agunt, illaque separant, sed una cum sulphureis mercuriales, metallicas, arsenicales, sulphuri ipsi intime innexas, particulas imbibunt atque adgrediuntur. Arctissima enim unio & firmissimum partium sulphurearum cum minutis mercurialibus metallicis est connubium, adeo ut a se invicem ægerrime disjungantur.

8 Ita videmus & notorium quoque est domesticis & minerarum excoctoribus, quomodo sulphur in tractatione & calcinatione minerarum plumbeo-argentearum, vel mixturæ ex sulphure & argento compositæ igne simul auferat, in altum arripiat & portionem ipsius saturni & argenti deprædet. Mirifice enim amat sulphur mercurialem metalli substantiam, uti in cinnabaris compositione videmus, ubi utraque firmissime sibi juncta sunt, nec facile a se invicem iterum disjungi possunt. Ita curiosum est, nullo lixivio separari posse sulphur a cinnabari vel fortissima accedente coctione. Quando autem cinnabari antimonii regulus ejus admiscetur & debito igne subministrato ex retorta fiat sublimatio; tunc resuscitatus mercurius vivus prodit, & sulphur cinnabaris cum antimonii regulo intime junctum, antimonium regeneratum in retorta exhibet. Memorabile porro est, arsenicum crystallinum mixtum & fustum cum partibus duabus sulphuris communis tale efficere concretum, quod lixivio etiam penetrantissimo coctum difficillime,

vel potius plane non solvitur; cum tamen sulphur per se facili negotio, uti in præparatione lactis sulphuris patet, a tali lixivio solvatur & imbibatur, non aliam ob causam, quam quod arsenicales particule intime cum sulphureis coiverint, ut ex ambabus novæ crasis & textura corporis fuerit enata.

9 Ex hætenus dictis facile poterit concludi sulphur antimonii purum difficillime acquiri, sed semper infectum esse regulinæ substantiæ partibus, maxime si cum salibus alcalibus fiat extractio. Salia enim alcalia cum sulphure communi mixta & fusa in hepar sulphuris abeunt, & postea, anatica portione mixta cum regulo antimonii igneque liquata, totaliter illum destruunt ipsumque vertunt in crocum, ablata nitida ac splendida metallica substantia, ut dein sulphur ex lixivio tali præcipitatum non amplius albi coloris, uti magisterium seu lac sulphuris, non diaphoreticæ virtutis, sed coloris rubicundi ut sulphur auratum & virtutis vehementer emeticæ existat. Idem evenit, quando antimonium regeneratum ex sulphure communi & regulo antimonii cum salibus lixiviosis colliquatur & postea præcipitatur. Longe itaque felicius sulphur antimonii a regulina substantia mediante Marte separatur, qui tantum sulphur aggreditur, in fundum regulina substantia secedente. Et exinde jam fuit ratio, quare in longe majori copia regulus acquiratur, si antimonium cum Marte tractetur, ac si cum salibus lixiviosis præparetur, uti in confectione reguli antimonii vulgari patet, ubi salia alcalia una cum sulphure simul partes regulinas abripiunt.

10 Alterum quod concernit dubium, sulphur nimirum depurare singulari modo aurum, adeoque in eo differre a sulphure minerali, ad hoc respondemus: neque sulphur antimonii, neque vulgare aut ullum aliud ingressum habere in auri strictissimum corpus, tantum quod superficialiter, æque antimonii sulphur ac vulgare, si cum tartaro atque sale communi fiat auri coctio, illud rutilante tingat colore. Antimonium autem fustum cum auro, quod cum argento vel aliis metallis mixtum colorem suum flammeum amisit, pristinum ipsi restituit colorem, non quod aliquid sulphuris addat, sed quod metalla heterogenea sulphure hoc ab auro separantur, inque scorias reducantur, & sic aurum una cum regulinis partibus in fundum decidat. Huic quando additur sufficiens quan-

quantitas nitri, regulum in calcem vertentis, aurum sistitur splendidum finissimum. Similem obtinebis effectum, si antimonium artificiale, quod sulphur commune ingreditur, ad talem auri depurandi modum adsumeris.

11 Cum itaque in superioribus sufficienter deductum esse existimem, in antimonio quidem sulphur minerale latitare, vulgari quoad omnia analogum; at verò illud, quod mediantibus salibus alcalinis extractum & præcipitatum est, de mercuriali regulina substantia adhuc participare, & ratione hujus virtutem longe diversissimam præ sulphure communi possidere: operæ jam erit pretium, varias hujus sulphuris antimonii extractiones recensere, ut dein eo melius appareat, quænam sint optimæ & ad usum medicum aptissimæ: ubi dein facile innotescet, quid de nostro sulphure ejusque efficacia sit statuendum. Vulgatissima sulphur ex antimonio extrahendi via est, quando ipsum cum æquali portione pulveris nigri vulgo *Schwarzzer Asch*, vel sale tartari aut cineribus clavellatis permixtum in crucibulo fluat, quo ipso in substantiam flavam salino-sulphuream redigitur, quæ decoctione in aqua per solutionem largitur: lixivium, cui si impergitur acetum destillatum vel acidum quodvis vegetabile, in fundum tetro fœtore pulvis copiosus aurei coloris secedit, qui repetita affusione aquæ pluvialis probe elotus illud præbet medicamentum, quod sulphuris aurati nomine venit, quod vel solum vel melioris successus ergo cum tartareis mixtum & vomitionem & secessum satis efficaciter movet.

12 Ejusdem quoque efficaciæ prodit sulphur, si cum solutione salis ammoniaci præcipitatio instituitur, dum nimirum lixiviosum cum hujus acido congredditur, & sulphur in poris hærens inde dejicitur. Præcipitatum rubicundo colore magis exaltatum acquiritur, cum sal volatile, quod in mixtura utriusque salis exsurgit, colorem sulphureum dum in minimas discerpit partes, egregie adauget; & quod notabile, pulvis hic præ communi sulphure aurato magis adhuc est emeticus. Vehemens autem hæc virtus ab effervescencia & mutua reactione videtur proficisci, quam sal acidum cum alcali confusum excitat, sub qua æther vehementer motus non tantummodo particulas sulphureas valde rarefacit, dividit & in talem vaporem vertit, verum etiam ipsas regulinas sub contextu anfractuoso sulphuris latitantes extrahit & separat, ut dein acidum cum hisce jun-

ctum arsenicale, i. e. mercuriale volatile salinum quoddam crama producat. Attentionem enim meretur, lixivium scoriarum reguli antimonii vulgaris leni evaporatione incoctum sal sulphureum alcalinum præbere, quod virtutem diaphoreticam & aperitivam omnis vehementiæ expertem exserit, quoniam nullo acido correctum est. Circa ejus tamen usum cavendum, ne cum vehiculo vel corpori exhibeatur, cujus primæ viæ acido exsuperante scateant.

13 Quocirca optimæ ratione perspicacissimi quidam chymicorum a longo retro tempore in eo magnam collocarunt operam atque studium, ut sine ullo prævio conflictu vel effervescencia actus, & præsertim sine acidi accessu sulphur a sale suo lixivioso liberetur, confisi, tunc omnem drasticam virulentam vim esse expiraturam, & moderatum, securum, diaphoreticum & resolvens nobile inde emersurum. Hunc in finem jam ipse Glauberus, vir magnæ in chymicis peritiæ ac famæ, sulphuris hujus præcipitationem cum solutione tartari, ceu minori & mitiori acido adornat & sulphur inde obscure rubicundum, quod titulo *panaceæ* in scriptis suis venditat, acquirit: cujus usum non satis in sanandis morbis rebellibus, chronicis impuritate lymphæ ex veteri glandularum & emunctoriorum obstructione pronata corrigenda, exulcerationibus consolidandis, tumoribus partium dissipandis, & quidem in exigua dosi repetitis vicibus propinando, non satis dilaudare potest. Videatur ejus *Pharmacia Spagyrica*. Curiosum est, quod ceu magnum experimentum illud commendat ad variolas arcendas & corpus ab ipsis præservandum: id quod experientia septem infantum confirmat vid. loc. cit. pag. 27.

14 Idem remedium in usum traxit & celeberrimum, magnum & nobilissimum illud archiattrorum Conerdingiani nominis par, ut illud sulphur in pharmacopoliis Brunsvicensibus & tractus Westphalici ferme omnibus *panaceæ Conerdingianæ* nomine magno venditatur lucro. Hoc jam dictum remedium a peritissimis istis archiattris non modo in periculosissimis acutis, verum etiam in refractariis diuturnis morbis usitatum est; cujus utendi modus in eo consistit: miscent v. g. grani partem dimidiam hujus panaceæ cum pulvere bezoardico Sennerti vel Anglicano, & in principio variolarum, morbillorum, purpuræ, febrium petechialium, dysenteriarum illud repetitis vicibus propinant; succedit

exinde sudor optatus, præcordiorum anxietates maxime remittunt, & peropportuna exanthematum ad corporis habitum fit propulsio. Interdum etiam non sine damno salivæ fluxum irritat. In intermittentibus febribus inque morbis, qui a feri coagulo, copia & infarctu proficisci solent, idem remedium paullo majori dosi datum & cum salibus fixis, nitrosis, vel etiam cinnabarinis, martialibus junctum, divinam præstat opem. In lippitudine oculorum molestissima cum unguis & panni metu, in artuum doloribus scorbuticis demulcendis, idem sulphur exilissima dosi resolvendo & acrimoniam feri demulcendo, suppetias tulit optatissimas, teste clarissimo Schradero in dissertatione de medicamentorum Galenicorum & chymicorum necessitate. Memini me quondam hic loci verbi divini ministrum hujus medicamenti efficacia & veronicæ infuso restituisse, qui scabie maligna instar lepræ in artubus laboravit, quos simul duri glandularum tumores in cute instar globorum hærentes occupabant. Cum autem jam laudatum remedium non plane drasticæ virtutis expers sit, sed in majori dosi ad grana sex vel octo adhibitum præsertim cum cremore tartari felicissime vomitum suscitaret, hinc caute cum illo mercandum esse in debilitatis, ubi vires fractæ ac concussæ sunt.

15 Alii, inter quos acris judicii & eruditionis consummatæ Ettmullerus referendus est, purius & nobilius sulphur ex antimonio elicere hoc modo tentarunt. Lixivium nimirum illud, ex quo jam semel & bis mediante acido præcipitatum fuit sulphur, denuo miscuentur cum acido penetrantiori, spiritu nempe vitrioli, & ita sulphur, quamvis parcissimum, purius tamen & nobilioris effectus obtinuerunt, quod ceu eximium diaphoreticum, specificum in epilepsia præsertim infantili, adfectibus spasmodicis, venereis, & quavis lymphæ ac sanguinis pravitate mirifice extollunt laudibus. Neque res est plane de nihilo; hoc enim pacto sulphur levius & subtilius obtinetur, crassum vero, gravius & regulinum præcipitationibus in fundum dejicitur; levius autem ac subtilius interstitiis liquidi adhuc innexum, spiritu vitrioli demum præcipitatur. Ubi notandum, quod hic ipse magis facultatem habeat arsenicales mercuriales partes fingendi, quam motu suo volatilifandi, sicuti spiritus salis & nitri efficitur: utpote spiritus vitrioli non agit in regulum, ipsumque solvit, quemadmodum

aqua regis, vel spiritus nitri aut salis præstat. Quoniam autem illud ipsum neque in magna quantitate parabile est, neque etiam plane destitutum arsenicali volatilitate, cum fusione albicantes in aerem emittat vapores, merito nobilius desiderandum.

16 Jam ad alias hujus sulphuris extractiones progredimur. Sic quondam aqua fontana, nullo accedente alio liquore, ipsum sulphur copiosissimum ex scorii reguli antimonii simplicis separavi, quod probe elutriatum & exsiccatum non amplius vomitum, sed diaphoresin egregie excitavit, miscui hoc ipsum cum anatica portione auri fulminantis exactissimo tritu, quod arsenicalem virulentiam egregie in mineralibus cicurare consuevit, & hocce remedium efficacissimum in morbis chronicis vincendis judico, quod tamen ulteriori experientiæ relinquo. Hic autem non possumus silentio præterire sublimatum quoddam ex vitro antimonii, mediante sale ammoniaco per debitum ignis gradum factum & edulcoratum, quod tinctura antimonii sicca Grammanni vocatur, cujus meminit Hoffmannus in *Clav. p. 3. II.* quam grassantibus febribus malignis in continuo auctor habuit usu, nec non in mania, melancholia, quartana ceu arcanum adhibuit: dosis præscribitur a granis duobus ad tria vel quatuor, sed ultra ad scrupulum semis extendi potest, nec alvum movet, nec vomitum ciert, sed saltem diaphoreticam vim obtinet. Tota autem encheiresis in ignis regimine, quod moderatum esse debet, & vasis sublimatorii humilitate consistit, alias flores isti fiunt purgantes. Ascendit hac ratione tantum sulphurea antimonii portio, relicta regulina virulenta, ceu graviore in fundo: ab arsenicali tamen contagio sulphur hoc plane non immune esse existimo. Cum igitur in nostro remedio hoc ipsum sit fixatum ceu securius illud anteferendum esse adfirmo.

17 Nunc ad examen sulphuris nobilissimi antimonialis devolvimur, cujus Vigani in *chymia p. 50.* mentionem injicit. Ex nitro nimirum, tartaro, sale communi & antimonio conficitur regulus, ex cujus separata scoria & dissoluta in formissimo lixivio calcis vivæ, præcipitatione nobilissimum sulphur antimonii acquiritur, odoris gratissimi & saporis, febres ardentes unica dosi profligans, sudorem & urinam movendo, quod remedium etiam in doloribus gallicis summe proficuum laudat. De hoc sulphure nostrum hoc est

est iudicium : ipsum esse præstantissimum , modo non sub præcipitatione tale quid confundatur , quod arsenicalem vim exaltet atque exsuscitet . Ex nostra præterea inventione non inelegans sulphur antimonii martiale medicamentosæ virtutis egregiæ sequenti ratione : scilicet lixivium scoriarum reguli antimonii simplicis præcipitatur cum solutione vitrioli martis , ita in momento color exsurgit atramentosus , & pulvis in fundum ejusdem coloris secedit ; utpote , coeuntibus acidi vitrioli partibus cum sale lixivioso hac ratione non tantum ex lixivio antimoniali particulæ sulphureæ , sed ex solutione vitrioli martiales sulphureo-terreæ præcipitantur , ut adeo pulvis hic martialis & antimonialis sit prosapiæ , qui bene elotus & desuper spiritu vini accenso correctus , virtutem custodit non contemnendam in expediendis gravissimis obstructionibus , & excretionibus sudoris & urinæ promovendis ; unde ejus usus in cachexia , hydrope , hæmorrhagiis , intermittentibus &c. laudatur .

18 Accedimus jam ad medicamentum , quod sulphur antimonii fixatum est , usu securissimum . Sumitur nempe antimonium crudum vel ejus minera Hungarica , aut regulus antimonii medicinalis , in quo sulphur magis reclusum & extraversum est , miscetur cum liquido penetrantissimo , non tamen pure lixivioso , & ita substantia sulphurea dissolvitur , quæ etiam singulari encheiresi , nullo alio interveniente liquore heterogeneo , multo minus acido , in fundum deiecitur , ubi pulvis coloris obscure rubicundi apparet , qui aqua purissima elotus , & exsiccatum medicamentum nostrum est desideratum . Injectum hoc carbonibus ignitis , vel crucibulo nullum vapore tetrum arsenicalem vel sulphureum emittit , neque invicem coit aut in massam funditur , sicuti hætenus omnia fere recensita faciunt , sed manet fixissimum sine ulla ponderis imminutione , tantum quod color tantummodo evadat brunior . Tandem autem subministrato extremo ignis gradu , sive igne vitrificatorio , qualis est , qui ex solis radiis collectis in vitro prægrandi causto nascitur , instar croci martis , vel hæmatitis in massam ferro fuso similem , in auram elevatis vaporibus colore albis , odore sulphureis , colliquatur .

19 Quod vires hujus sulphuris fixati attinet , non possum non hic propria & aliorum exercitatissimorum practitorum experientia confirmatus adfirmare , illud ipsum

Hoff. Opusc. varii argum.

in chronicis rebellibus , in acutis periculosis auxilium ferre maximum . Primum ejus usum vidi & didici ex viri letteraturæ quidem experte , ast in rebus & operationibus chymicis ac experimentis etiam practicis ad invidiam multorum versatissimo , qui in febribus acutis petechialibus , variolis , nec non intermittentibus contumacissimis faustissimo eventu , ubi omnia alia , etiam generosissima fuerunt adhibita , propinavit , & quidem sub duorum vel trium granorum dosi effectum edidit diaphoreticum : quandoque etiam tantum per insensibilem evaporationem peccantem causam exterminavit . Et quod attentionem meretur , deprehendi in aliquot subjectis , imo in me ipso sum expertus , sudorem ab adsumto hoc medicamento per triduum durasse , ita ut hora certa ac stata tempore matutino , ubi primum ipse sudor cœpit , magno cum naturæ levamine fuerit reversus . Postea ego ipse in artis exercitio multoties ejus usum vidi mirabilem in profligandis malignis petechialibus febribus , in morbis arthriticis , contracturis artuum scorbuticis , lymphæ impuritatibus scabiosorum , ubi in contractura laborantibus notavi , quod prima vice sudor ex partibus adfectis non profluxerit , sed tantum ex sanis , donec continuatum præsidium , reclusis viis obstructis similem effectum . in morbosus etiam præstiterit partibus .

20 In medicamento dicto duo præcipua veniunt notanda & expendenda : primum est ejus mirabilis fixitas , alterum cum fixitate persistens efficacia summa medicamentosa tam in corrigendis , quam in commovendis humoribus . Ut autem de fixitate ejus primo loco faciam verba , vero simillimum esse judico , illam ipsam mechanice fieri , & dependere a particularum varia structura , connexionione & implicatione . Fixum dicitur corpus , quando ignis vi ejus particulæ minimæ non possunt separari & in auras ejici . Notum autem est omne sulphur ex mineralibus , nec non omnem mercurialem & arsenicalem substantiam igni non adeo forti obsecundare & abire in fumum ; quod autem in nostro remedio illud non fiat hujus inquirendæ causæ sunt . Principalem autem credimus particularum mutuam implicationem atque implexum talem , quem ignis motu , etiamsi vehementi intestino divellere & dissolvere neutiquam valet . Placet itaque proponere quædam exempla ex chymicis , ubi ex mutua mixtura partium , quæ per se ignem non

T

fere-

ferebant, subnata fuerit satis constans fixitas. Ita memorabile est, spiritum vitrioli summe sulphureum volatilem sale tartari saturatum cedere in sal neutrum, quod in igne fixissimum, ubi tamen, quando admiscetur, vel spiritus salis vel vitrioli, statim resuscitatur pristinus sulphureus odor. Eadem ratione, spiritus nitri fumosus fugacissimus commixtus cum nitro fixo vel sale tartari transit in verum nitrum inflammabile, quod validissimo igne fustum in crucibulo non avolat, sed persistit, simul ac autem affunditur ipsi oleum vitrioli in momento prodit spiritus nitri volatilissimus, sub vapore flammeo, & odore gravi, præsertim si accedit lenis calor. Ita quoque observatione dignissimum est experimentum, quo salis in igne fixissimi natura ostenditur: nimirum ex urina recte evaporata & inspissata paratur per crystallisationem sal mediæ naturæ, quod igne commissum exhalat spiritum urinosum, remanet autem sal, neutro analogum, quod neque cum sale acido, neque alcali effervescebat, in igne autem vehementissimo & penetrantissimo, qualis est solaris per vitrum convexum duorum pedum diametri concentratus, manet fixissimum & pellucidum; cum e contrario omnia salia media, uti sal commune, tartarus vitriolatus, arcanum duplicatum, sal ammoniacum promptissime avolent in auras, ne particula quidem relicta. Interim curiosum est, hoc sal urinæ fixissimum, ex spiritu salis acido necessario compositum esse debere, quoniam, si injicitur aquæ forti, vel spiritu nitri, efficit aquam regiam, compactum & densissimum auri corpus solventem. Ex quibus patet, corpora volatilia ob mixturam & implicationem ad fixitatis summæ gradum perducî posse.

21 Quomodo autem sulphur, quod naturæ est admodum in igne fugacis & dissipabilis, fixum & ignis patiens detineri possit, ex sequentibus illucescet experimentis. Nimirum plumbum si æquali parte misceatur cum sulphure & hæc invicem mixta injiciantur in crucibulum bene lutatum, plumbum, quod alias facillimæ etiam ante ignitionem fusionis est, ab admixto sulphure vehementissimum ignis gradum sustinet, antequam colliquescat. Quod si autem addatur limatura martis, pulvis carbonum vel aliquid nitri, fusio mox promovetur. Mercurius metallorum fluidum & volatilissimum ad magnum fixitatis gradum redigi potest, si nempe mixtura fiat ex mercurii triplo, sul-

phuris parte una & salis armoniaci parte una, hæc invicem probe in mortario lapideo vel vitreo trituro indantur phialæ vitreæ & aliquot vicibus instituantur sublimatio, ita tandem mercurius in fundo residuus, ponderosus purpurei coloris instar odeo fixus evadit, ut diu ignis violentiam perpeti queat & vitrum citius colliquetur, quam mercurius in altum evehatur.

22 Adduximus hætenus varia fixitatis exempla, eum in finem, ut appareat, ex mutuo nexu & implicatione corpusculorum per se non fixorum insignem firmitatem & in igne constantiam obtineri posse, unde etiam non tanta animum subire debet miratio, quando sulphur nostrum, quod per se ignis est impatientissimum propter subtilem salino-ætheream substantiam, quæ illud ingreditur, ad maximum fixitatis gradum perductum fuit. Non possumus enim non hoc loco confiteri, corpus illud, ex quo solvens nostrum antimonii confectum fuit, si igne etiam validissimo solari tractetur, nullo labore ad fusionem, colliquationem vel vitrescentiam posse reduci; cum tamen asbesti & talci species omnesque vegetabilium cineres, ipsique lateres in vitrescibilem massam hoc ipso redigantur.

23 Unicum adhuc mihi excutiendum restat altioris indaginis, qua ratione corpus in igne fixissimum tam egregium effectum & operationem, quæ sine activitate motus non potest concipi, in corpore nostro producat, cum tamen notum sit, corpora fixa ad motum præsertim intestinum intendendum propter defectum mobilium partium valde esse inepta. At vero experientia optima rerum magistra testatur, etiam fixa corpora, & quæ valentissimum ignis gradum sustinere possunt, virtute medicamentosa mirabili adhuc splendere. Notissimum enim in foro medico est, quod pulvis hæmatitis, quem certus medicus pro panacea solari per multos annos maximo cum lucro venditavit, quid limatura martis, mercurius fixatus cum auro, corallia usta, aurum fulminans cicuratum & ejus generis plura præstent in medicina. Non enim videtur dubium, corpus, tametsi sit ad ignem fixum, solvi tamen & discerpi quadantenus posse, præsertim a liquore solvente congruo. Cum autem liquor salivalis microcosmicus, utut insipidus efficacissimum menstruum sit, pro intimè extrahendis non tantum animalium & vegetabilium partibus, verum etiam ex mineralibus dissolvat quasdam minutias, uti id patet in as-

sumptione vitri antimonii, mercurii diaphoretici vel dulcis; rationi itaque non inconueniens & absonum est, sulphur nostrum minerale fixatum ab eodem liquore quadantenus extrahi, dissolvi, & particulas illas sulphureas activissimas postea per totam corporis sphaeram dispensari atque deduci. Videtur etiam hujus asserti ratio exinde probabilis, quoniam nostrum remedium in ore ad tempus detentum, metallicum & leviter constringentem saporem relinquit, luculento indicio, quasdam partes ab ipso mediante saliva dissolvi.

24 Operandi hujus remedii ratio, potissimum mihi videtur consistere non tam principaliter & primario in materiae morbificae correctione & alteratione, sed potius in motuum vitalium sanguinis, & secretoriorum, qui depurationi humorum inserviunt, promotione, & quidem tonum fibrarum nervearum ac musculosarum roborando agunt, leviterque constringendo. Unde tono partium relaxatarum adaucto contenti humores ad circulationem promptiorem non tantum invitantur, sed & per arctiores vias dum transprimuntur, majorem fluxilitatem subtilitatemque nanciscuntur. Accedit, quod intensiori facto circulo sanguinis excretio etiam partium heterogenearum ac impuritarum longe liberior atque liberalior evadat, & per consequens major puritas ac benignitas sanguini concilietur. Cum autem cutis universalis & optimum sit evacuatorium, quo particulae agilissimae, salino-sulphureae vaporosae ad corruptionem pronissimae sequestrantur ac separantur, unde diaphoretica & quidem talia quae salva sua textura neque immutata efficacia, quod expectandum a mineralibus, jure meritoque optima securissima, & magnis morbis sanandis aptissima sunt remedia.

25 Postremo loco adjiciendum etiam aliquid est circa singularem illum effectum, quem sulphur nostrum in nonnullis subjectis exserit, dum per aliquot dies stata hora sudorem continuat. Adscribendum hoc esse existimo operationi medicamento, quod effectum suum id est sanguinis ac humorum commotionem per longum tempus continuat, quoniam ex regno minerali desumptum propter soliditatem & plane non destructibilem vel alterabilem partium suarum naturam, non facile in effectum suo suspendi & impediri potest. Quod autem stata hora sudor profluxerit, hæc dici potest causa, quoniam

de die corpus non sufficienter tegitur, deinde etiam onere alimentorum humores pressi non tam promte circumvolvi, neque secretio nec excretio excrementorum libere peragi potest; circa tempus autem matutinum, concoctione peracta & humoribus redditis fluxilioribus, medicamentosae particulae adhuc in corpore restiles vi, quae movens est, fibras partium solidarum motrices, ceu ordinarium organon ad motus armant, & humores fluxiliores reddendo ad cutis evacuatorium pro excrementitii humoris secretionem liberaliter deducunt.

26 Circa nostri remedii usum & applicandi modum, paucissima adhuc veniunt monenda; primum efficacia ejus deprehenditur longe major, in corporibus complexionis cholero-sanguineae, nec non tenerioris & sensibilibioris texturae, quoniam ad mobilitatem & fluxilitatem magis sunt disposita, hinc tali in casu energiam praesentior exhibere potest. Hoc ipso tamen non negamus, ejus efficaciam in illis morbis, ubi humorum tenacitas segnis ac tardus motus est, tunc enim majori & reiterata dosi opus est. In genere autem observandum, omnia illa, quae quantitatem nimiam humorum ad convenientem proportionem deducunt, & fluxilitatem humoribus adferunt, non negligenda simul esse; impossibile enim est, ut unum remedium omnibus & diversissimis indicationibus solum satisfaciat, & ex æquo ubique respondeat. Hæc itaque pro tempore de efficacia hujus remedii praestantissimi dixisse sufficiant.

DISSERTATIO XV.

D E

SPECIFICIS ANTI-
SPASMODICIS.

§. I.

Perelegans dictum est ipsius Hippocratis Lib. de Art. §. 13. quorum instrumentorum, sive naturae, sive artium facultatem obtinemus, per ea, sane opifices esse possumus, per alia vero minime licet; quum igitur homo a morbo afficitur, qui vehementior est, quam medicina instrumenta, ne sperare quidem oportet, ut a medicina exsuperetur. In-
T 2 genio.

geniose divus vir medicamenta adpellat instrumenta. Nam sicut artifex sine instrumentis nihil valet agere, ita medicus sine præstantibus remediis, nihil solidi præstare poterit in medendo. Indigitat quoque porro hoc dicto, proportionem esse debere inter medicinæ instrumenta, ideo, ut si morbus valentior sit ipsis instrumentis, quæ debiliora neque sufficientia tollendæ causæ, morbus non sanetur. Quapropter utique opus est, ut medicus, non secus ac artifex, possideat instrumenta præstantissima, eaque bene præparata, quorum virtutem, facultatem probe perspectam cognitamque habeat, eorum applicationem ac administrationem calleat, hisce si destitutus est, omni suo fine ac scopo frustrabitur. Notum vero est, ad tres maxime classes omnis generis remedia referri posse, ad evacuantia nempe, alterantia & specifica, nam quoniam tota medicina est mechanica, h. e. innititur principiis physico-mechanicis, quæ sunt materia & motus, & quia nulla causa morbifica ex alio fonte, quam materiæ & motus vitio, potest derivari; hinc liquido fluit, omnem virtutem remediorum, quæcunque etiam sint, vel materiam, vel motum, respicere debere. Res clara est de alterantibus, quæ materiæ qualitatem varie modificant, temperant, disponunt, mixtionem, texturam, crasin immutant aliamque reddunt, ut ex maligna & inimica fiat blanda ac benigna, ex immobili mobilis, ex crassa fluxilis, ad circulationem, nec non secretionem, vel evacuationem, idonea. Clara quoque & omnis dubitationis expers res est de evacuantibus. Cum enim evacuatio consistat in motu, hinc quæ movent, sive motus vehementes in partibus solidis fluidisque concitant, simul evacuatorium effectum præstant. De specificis vero non adeo res liquet, quo sensu hæc accipi debeant, quamque virtutem agendi vel operandi habeant, in eo vero maxime conveniunt, quod per specifica intelligantur ejusmodi remedia, quæ nec alterando, nec evacuando, præstant magnos effectus in certis morborum speciebus, eos vel tollendo in totum, vel mitigando. De horum virtute modoque agendi communis quidem est sententia, quod lateat, quod occulta sit, nec explicari possit; nobis autem jam animus est evincere, quod motus nimios effrænes in morbis sistant, sedent, componant, sive quod sedativa & antispasmodica virtute gaudeant.

2 Quoniam scopus noster est, ea, quæ spe-

cificorum titulo superbiunt, perspicue explicare: quod eorum energia tantummodo versetur in certorum motuum, qui sunt in partibus solidis, morbosorum placatione, cohibitione, sive vi antispasmodica, primo omnium nobis opus erit, ex naturæ regnis famosissima specifica recensere, i. e. talia remedia, quæ magnum, certum & exquisitissimum effectum in certa morbi specie præstant. Fundamentum cui nostram assertionem superstruimus, est ipsa experientia, non imaginaria, non furtiva, vel cæca, sed certa, constans & fida. Et ut initium faciamus a vegetabilibus, certe ibi reperiuntur magnæ virtutis remedia, quæ specificè & peculiariter in certis morbis profunt, quod ab aliis expectari non potest, ita v. g. mentha & ex ea paratum purissimum, sine additione & adulteratione, oleum, est desideratissima medicina externe in dolore colico, tumore & dolore mammarum, a lacte coagulato, sola inunctione administratum, interne vero, hoc oleum vel in essentiam redactum, vel aqua ejus in singultu, vomitu, diarrhœa, in omnibus hæmorrhagiis certissimæ efficaciz medicina est; unde ejus usum frequentissimum ac vires mirifice in praxi commendo; imo novi exempla, ubi aliquot guttulæ olei, cum pulvere absorbente datæ, tussim convulsivam stomachalem, & asthma ejusdem naturæ, brevi cum admiratione sustulerunt. Temporibus oleum ejus adplicatum somnum inducit, cephalalgiam tollendo, diarrhœam externe ventri inunctum certissime sedat. Porro ex vegetabilium familia splendet inter specifica & peculiaris efficaciz medicamina chamomilla vulgaris, & ex ea paratum oleum sapphirini coloris, quale debet esse non adulteratum, quod in doloribus colicis & post partum, in cardialgia quoque est præsentissimum. Herba basilici ejusque oleum purum, in hemicrania, epilepsia, inque omnibus ferme capitis affectibus, qui ex spasmodis & contractionibus nervosi generis proveniunt, singulariter se exhibent. Oleum lavendulæ, vel spicæ, salviæque, in paralyti, quæ fit a spasmodis, rheumatismis, sive dolore artuum lancinatorio, tremore, vertigine, exterius specificè sese exserunt. Origani oleum in dolore dentium prædicatur, sed de oleo salviæ, menthæ & basilici similiter respondet experientia.

3 Si ullum in classem hystericorum reponi meretur, quod spasmos intestinorum & nervosarum partium placat, sedat ac sistit, do-

dolores colicos mulcet, certe est horminum, ejusque aqua vel decoctum, interius sumtum, aut per clysteres applicatum. Aqua ranunculi esculenti, sive tragoni, est in asthmate sicco & convulsivo metalico certissimæ efficaciz remedium. Hyssopi oleum & aqua quid præstet in pectoralibus, in vulgus notum est. Radix valerianæ sylvestris, a Fabio Columna tantopere celebratur, ut eam semel aut bis exhibitam, ab epilepsia liberare affirmet, refertque, se hanc multis amicis dono dedisse, qui deinde, divino prius numine & favore glorificato, pulvere hujus radices sibi restitutam sanitatem affirmarunt. Dosis autem est cochleare semis cum vino, aqua, lacte, aut quovis liquore appropriato. Pueris vero in minori dosi cum lacte datur, vid. Riverius in *prax. med.* p. 30. Radix cynosbati in morsu lupi rabidi & canis summam præstitit efficaciam, & sequens pulvis magnopere commendatur. Recipe pulveris radices cynosbati odorati unciam unam, ungular. lync. unciam semis M. F. pulvis, detur ad drachmam semis. Anno 1630. in Eislefeldensi pago Ruhmsprung, die, die 24. Mart. a lupo rabido ultra triginta homines læsi fuerunt, ex quibus 10. ad minimum mortui, reliqui per hunc pulverem evaserunt, sicuti ex communicatione ibi Practici D. Richter habeo.

4 Rosæ, earum aqua, spiritus & oleum, in capitis dolore & delirio compescendo, egregiam possident virtutem. Fœniculum ejusque oleum purum in tussi catarrhali, tam inveterata quam stomachali vel pectorali, idiopathica, vel consensuali, prævalet oleo anisi & præsentaneos reddit effectus. Flores sambuci & ex iis parata aqua, in affectibus exanthematicis, erysipelate omnique interno graviore dolore, inflammatione, magna præstant, quod etiam in doloribus & tractionibus podagricis vagis egregie se gerit, simulque alvum blande subducit, nisi fuerit spiritiosa, Corticis & florum sambuci efficacia, quam præstat externe in erysipelate discutienda, in vulgus notum est. Croci virtus in infarctibus pectoris resolvendis, in lenienda tussi & torminibus infantum solandis, obscura esse nequit.

5 Papaveracea, sive flores sive semen, sive resinam consideremus, tam intus, quam extus instar incantamenti dolores sopire, somnum accersere, excretionem nimias sistere, expeditissimum est. Flores illæ, primulæ veris, liliorum alborum, convallium,

jasmini, aurantiorum, in omnibus affectibus capitis, convulsionibus, epilepsia, & quibuscunque spasmodicis internis motitationibus, non sine fructu sese gerunt. Tota pœonia, tam quoad semen, quam radices & folia, in epilepticis insultibus compescendis egregia est; in cujus rei testimonium ad pulverem Marchionis provocamus & specificum Michaelis, cujus virtus, maxime simplici huic & cinnabari est adscribenda. Nam calces & magisteria, quæ ingrediuntur, plane effœta sunt, & nullius efficaciz. Hyosciami semen, nec non cynoglossa in impetu sanguinis cohibendo, & hæmoptysi, nulli sunt secunda, exemplo sunt pilulæ de cynoglossa, quæ in hoc morbo sunt instar omnium. Lycopodii semen in urinæ suppressione, quæ fit ex dolore & spasmo, in epilepsia, dysenteria magnifice æstimatum fuit a D. Michaelis aliisque, qua de re legi meretur, B. Hoffmannus in *Clav. Pharmaceut. Schroderian.* Anthera liliorum alborum in partu difficili, quem remorantur spasmi potentes & vagabundi abdominis, non sine ratione commendatur. Baccas paridis, herbam melissæ, artemisæ, in substantia novimus in affectu maniaco, ceu arcanum cum magno successu fuisse exhibita. Nos unum adjiciemus, quod in illustri quadam familia Monspeliensi, pro secreto genilitio & hæreditario habetur, illiusque descriptio talis est: Recipe foliorum melissæ manipulum unum, incidantur minutim & infundantur in spiritus vini uncias quatuor; deinde adde margaritarum præparatarum drachmam semis. M. dosis est cochlear. 24. River. pag. 56. Nucista largitur oleum duplex, unum æthereum per distillationem, & alterum expressum, paulo crassius, utrumque in dolorum ac fluxuum ferocia sistenda placidoque somno conciliando, infallibilem exferit virtutem.

6 Recensitis jam plurimis ex vegetabilium regno, præsidis, quæ specificorum titulum merentur, progredimur nunc ad animalia & ex iis quoque depromere, quæ specificè certis morbis subveniunt, apud animum constitui-mus. In universum autem hic notari velim, quod omnes partes animantium duriores, verbigratia, ungulæ, cornua, ossa, in substantia & pulvere sumtæ, virtutem habeant antepilepticam & antispasmodicam, in cujus rei confirmationem ac testimonium advocamus experimentiam & auctoritates v.g. Alcis ungula, quod specifica virtute celebretur adversus epilepsiam, noto notius est, neque hic

hic attendendum est, ad ungulam maris, nec adultam ætatem, vel tempus, quo in venerem hæc animalia feruntur, nec ad ungulam dexteram posteriorem, quamvis non negandum sit, quod animalium partes tunc temporis, quo vegetoria sunt, quo majori continuo motu fluidorum & spirituscentia gaudent & sulphur copiosius & activius possident, eo efficaciores esse ad medicum usum. Verum enim vero, hic antepilepticus effectus non tantum valet de ungulis alcis, sed & de cornubus aliisque. Ungulam asini, alcis, in epilepsia esse vicaria, scribit Schroederus pag. 146. De bovis & equi ungula idem sperandus effectus.

7 Cornu bovis ad epilepsiam idem Schroederus commendat & scribit, quod viderit scobem ejus exhibitam fuisse contra epilepsiam cum effectum, & pag. 272. hæc habet: *cornua & ungule bubule medentur spasmo*: de eboris dente idem perhibet pag. 387. quod tollat epilepsiam, arceat melancholiam & resistat venenis: De cranio humano & ossetriquetrum temporum, quod peculiare in epilepsia specificum sit, vulgo perhibetur. Rhinocerotis cornu, lapis manati, dens hippopotami, ad dysenteriam, ad spasmus, de quo subministramus locum ex Theodori Tabernæmontani Wassersehatz pag. 121. mirifice commendantur. Ego puto, quod non tantum horum animalium duræ allegatæ partes hac virtute antepileptica celebrentur, sed quod in universum omnes dentes, cornua & ungulæ, rasuræ, in subtilissimum pollinem redactæ, antispasmodicam & antepilepticam virtutem habeant, inque iis morbis, ubi spasmus tragœdiam ludunt, vel causam morbi subministrant, virtute donata sint eximia; & hoc ipsum non modo verum existimat de duris & ossibus partibus, sed etiam de eorum sanguine, visceribus, corde, hepate, intestinis, carne exsiccatis, adeo ut non magno selectu hic opus sit, sed ferme promiscue & indistincte siccata quædam pars ex animalibus desumpta, egregie & specificè opituletur epilepticis, convulsivis & spasmodicis pathematibus, & magnos effectus in medendo exferat.

8 Nihilominus quædam ex autoribus probatis, qui collegerunt specificorum classem ex animantibus desumptam tradere necessum est, ut asserti nostri veritas confirmari & res explicari possit. Aper dentem largitur, qui in substantia & philosophice præparatus, aut melius in decocto, in pleuritide & cy-

nanche mirifice a practicis æstimatur. In sanguine asinino, singulare latitat arcanum contra maniam, de quo scribit B. Hoffmann. *in clave*: hoc solo B. Michaelis in aula Altenburgensi maniacum restituit, eumque non semel maniacis applicavi summa cum euphoria. Secatur scilicet vena ad aures, intinguntur lintea & exsiccantur, deinde extrahitur cruor cum aqua florum hyperici & propinatur, egregie movet sudorem. Axungia ex animantibus, v. g. muris alpini, apri, ex ungulis bovis, ursi, cervi, taxi, humana, castorei, in leniendis omnibus doloribus, in luxationibus articulorum, dolore pleuritico, colico, stranguria, tenesmo, contracturis, ariduris, externa illinitione, virtutem mirabilem exserunt; dum cicatricum durtiem leniunt, callositates resolvunt, & foveas post variolas relictas delent. Sanguis ex nonnullis animalibus v. g. bovinus, hircinus, cervinus, humanus, leporinus exsiccatus in dysenteria, dolore pleuritico, epilepsia, in dolore ex calculo egregiam efficaciam exhibet.

9 Fel catelli lactantis ab Unzero hisce verbis prædicatur: *sume catellum parvum, nigrum, adhuc sugentem, (pro femella vero epileptica sume catellam) eumque strangula & interfice. Ex interfecti & per sectionem aperti corpore extrahere totam cystim felleam, vix 3. vel 4. guttas sincere bilis in se habentem. Illum biliosum succum omnem puerulo, in paroxysmo epileptico cum pauxillo aquæ florum tilie propina, & miraculi instar videbis illum ab hoc morbo & vestigio sanari ac curari. Vid. River. prax. med. p. 33. In Finlandia ubi datur urforum copia, vulgatum rusticorum est, fel exsiccatum instar panaceæ exhibere, sudoreque superveniente, morbos quam plurimos solutos audivi. Vid. Schroederus pag. 312. Cæterum, hanc ferme peculiarem habent virtutem fellis species v. g. anguillæ, leporis, viperarum, carpionis, ranarum, suilli, quod, vel in substantia, vel etiam soluta in spiritu vini, in aurium & oculorum adfectibus, tinnitu, surditate, ulceribus non sine fructu usurpentur. Pulvis testium equi ad secundinas pellendas, foetumque mortuum expellendum, ceu magnificæ famæ remedium commendatur, unde Henricus ab Heer L. I. observ. cuidam foeminae difficultate partus laboranti, pulverem testium equi cum croco propinavit, & dimidio quadrante citius, puerum enixa est. Decoctum rasuræ cornu cervi, dentis hippopotamæ.*

potami, unicornu marini, priapi cervini, in dysentericorum spasmodicis & torminibus sopiendisque non sine magno fructu propinatur.

10 Deinceps, celebris est pulvis secundinæ humanæ ad epilepsiam, ad expellendum fœtum mortuum. In moscho præsentissima virtus antepileptica latet, & ab eo quoque mutuatur efficaciam suam pulvis de Gutetta in Gallia famigeratissimus, quem describit Riverius p. 52. & hic est: recipe radicis pœoniæ, seminis ejusdem, dictamni albi, visci querniana unciam semis, seminis atriplicis drachmas duas, cranii humani drachmas tres, coralliorum rubrorum præparatorum, hyacinthorum præparatorum, ana drachmam unam semis, ungulæ alcis præparatæ unciam semis, moschi scrupulum unum, foliorum auri drachmam unam. Misce fiat pulvis. Sanguis porcellorum, cum cancris destillatus, in tabe & atrophia curanda remedium eximie virtutis & efficacie existit. Zibethum in torminibus colicis, ventris dolore infantum, etiam in uteri strangulatu, vulvæ applicatum, inque virili impotentia membro inunctum præstantis virtutis remedium est.

11 Quanta sit utilitas, præsertim ad passionem hysterica tollendam, item ad strangulatum & spasmos horrendos ex utero sistendos, castorei, & ex eo paratorum medicaminum, mulierculis non est ignotum, adeo, ut usum ejus remedii mox gravissima spasmodica pathemata, in quocunque etiam morbo præsentia, remittere soleant. Axungia ejus peculiariter quoque convenit nervoso generi ac utero, ideo morbo comitiali, membris resolutis convulsivis, apoplexiæ prodest. Pulmones ovis, vituli recentis, vel etiam viva columba vel gallina dissectæ, capiti impositæ, in cephalalgia, phrenitide & melancholia egregiam virtutem produnt. Aqua ex pica & hirundinibus destillata cum vino, non sine singulari fructu maniacis & epilepticis propinatur. Anguilæ fel ad partum facilitandum commendatur a pluribus. Cinis cancrorum adversus morsum canis rabidi vulgo extollitur, item in abortu arcendo. Nos in conceptu fœtu retinendo, inquit Poterius, ejus usum pluries experti sumus. Mulier cujusdam Phrygiæ, septies abortum passa, hocce pulvere ad duos menses accepto, partum ad finem feliciter tulit. Quos vivos, ut ranas, in olla vitreata, post panis extractionem, siccamus. De pulvere ad libitum sumitur in cibis, sero & mane. Funambulus quidam pro singu-

lari arcano habuit pulverem sciuri in vertigine, quem pretio & precibus vix ab eo extorquere potuit D. D. Michaelis. vid. Frieder. Hoffmann. p. 280. Pellis cygni colicos juvat & stomachi vitio laborantes. Stercus pavonis in epilepsia & vertigine exhibetur, a novilunio usque ad plenilunium, cum saccharo mixtum. De quo legi potest Borellus Cent. III. p. 119.

12 Lumbrici terrestres in substantia specificè profunt in arthritide scorbutica, quam vagam appellant, (die Lauffende Gicht, die Vahren) adhiberi possunt intus & extus. Intus exhibentur vel toti conquassati, recenterque, cum vino trajecti per linteum, vel siccati & pulverisati: extus applicantur vivi & mortui, vivi impositi, donec moriantur, mortui in cataplasmatibus forma adhibentur; podagricos dolores lenit pulvis cum farina calide impositus. Viperarum & serpentum carnem, hepar, cor, in pulvere, item illorum axungiam contra viperarum & serpentum morsum specificam antidotum esse & incomparabilem præstare efficaciam certissimæ experientie est. Eodem modo pulvis scorpionum & ejus oleum, interne & externe, contra morsum suæ speciei, & pars ex cane rabido sumta & exsiccata, interne & externe, contra morsum similis canis, si tempestive usurpetur, quod infallibilem virtutem producit, indubitata confirmat experientia. Cæterum viperarum caro, earum fel, spina, hepar, in dysenteria maligna, in arthritide vaga, in maligna & leprosa scabie, peculiarem quoque energiam ostendunt. Ulterius pulvis lapidis manati, ad sanguinis eruptionem spectantis cohibitionem, ut hæmoptycum fluxum, utilissime adhibetur. Dente hippopotami ad omnes hæmorrhagias eodem scopo B. Michaelis in Not. ad ideam Med. Pract. Jonstonii commendat, & notat Wormius in Museo & Pater Bohem, quod Goæ dens valde efficax, qualis fuit hippopotami, asservetur in nosocomio regio, cujus vim si monstrare cupiam velis, venæ sectæ eundem admovent, quo ipso illo statim fluere desinat.

13 Cornu rhinocerotis in omnibus affectibus spasmodicis, dolore pleuritico, hæmorrhagiis, in substantia non sine effectu datur, & similem ferme cum dente hippopotami, unicornu marino, & lapide manati exhibet virtutem. Pulvis intestinorum lupi ad compescendos dolores colicos datur non sine fructu. Leporis oculi exsiccati valent ad

ad partum difficilem, ad secundinas & molam propellendam, leporis cor quartanæ peculiariter medetur secundum Horstium, secatur in tres partes, & præmissis universalibus, initio trium paroxysmorum, tertia pars singulis vicibus propinatur. Vid. Schroederus pag. 300. Pellis leporina in affectu ischiadico & arthritico egregie celebratur. Officulum tale commendatur ad colicam partusque difficultatem, fel est otalgicum & ophthalmicum, renes testiculis & calculosis profunt, & mictionem involuntariam corrigunt. Humor crystallinus cervorum exsiccatus solvitur instar tragacanthæ in aqua rosarum, hæc in omnibus oculorum vitiis, fluxionibus, inflammationibus, quæ a sero acri, vel dolore proveniunt, pluribus opem tulit præsentissimam. De decocto rasuræ cornu cervi hoc loco non prætermittendum est, quod ejus usus maxime congruus sit omnibus infantum morbis, ubi spasmus, dolor & calor præternaturalis sese exserit, id quod experientia certa ac constanti confirmo.

14 Allegavimus hic ingentem specificorum numerum, quorum virtus certe non est de nihilo. Nam profecto experientiam vulgi, tot hominum & per tot tempora ratione certi remedii non temere rejicere debet medicus, utut ignorato operandi modo. Commendamus itaque dicta attentiori observantia & experientia, nobis vero in præsentiarum opus est demonstrare, quod illa effectum exserant dictis in morbis tollendo spasmos, circa quod necessarium duco exponere quid sit spasmus, & quid per illum intelligatur. Cælius Aurelianus L. 3. cap. 6. ita definit spasmum: *Spasmus est involuntaria tensio atque conductio partis cum vehementia & dolore acuto, ob structuræ violentiam cum dura distensione.* Et certissimum quoque, quod in omni spasmo fibræ musculosæ cum ipsis membranis non distendantur & elongentur, sed constringantur, comprimantur, & arctiores evadant. Spasmi nempe subjectum sunt præcipue fibræ musculares & membranæ quoque nerveæ, & versatur maxime circa motum ejusque incrementum: notum enim est, regulariter secundum naturam fibras musculosas filamentaque nervea esse instrumentum omnis motus atque impulsus, nec non omnis sensus in corpore nostro, unde nulla actio fit in œconomia animali, quæ non mediantibus hisce partibus absolvatur. Et quandocunque hujus instrumenti, nempe fibrarum ac nervorum motus, actio,

vel secundum aliquos, tonus recte sese habet, i. e. debita in eis fit strictio & dilatio, tunc circulatio sanguinis & tota œconomia motuum, nec non secretionis & excretionis negotium, item animæ operationes rite munere suo funguntur, & secundum regulam fiunt, & sic præsens adest sanitas: ex adverso, quando fibrarum & nervorum actio, motus & tonus vitiatum est, quod vitium consistit, vel in nimia earum distensione, vel relaxatione, vel in nimia constrictione, sive spasmo, tunc morbus vel dispositio ad eum in procinctu est. Nam omnes fere interni morbi, sublato hujus motus æquilibrio, causam suam agnoscunt & pro diversitate partium, in quibus hi motus fiunt, varii effectus morborum nascuntur, variumque accipiunt nomen: principaliter vero causam constituit illorum motus actus, nimium activus qui vocari solet spasmus. A qua ille motus celebretur causa, & an hæc sit substantia immaterialis, notitia & ratione prædita, & an hæc propter certum finem & ex morali consideratione ad averendum gravius malum, tales motus suscipiat, sive an sit materialis indolis substantia, & tantum virtute motus alioque physico actu suam operationem efficiat, & quomodo id in fibrarum structura præstet, studio hæc indaganda prætermittimus, ceu obscura, incognita, determinatione & inquisitione difficilia, nullius usus & ad medendi scopum directe non pertinentia; sed potius cuivis hac in re suas speculationes & delectationes in ipsis relinquimus. Hoc autem non poterit negari, neque dissensio reperitur, fieri tales spasmodicos contractorios motus in fibris corporis nostri a causa externa duplici, vel immateriali, vel materiali. Quod primum attinet, evincunt id animi affectus. Nam nulla gravior animi passio est, quæ non sese exserat in corpore per spasmos, & inde dependentes irregulares motus variaque symptomata: vel proficiscitur a causa materiali. Hæc rursus duplici ratione, vel in quantitate considerata, sive mole, vel in qualitate versatur; unde observatio practica & medica docet, vehementes & morbosas generis nervosi & fibrosi contractiones, non tantum fieri a sanguinis stagnantis in certis partibus copia, infarctu, earumque distensione, sed & ab acrimonia velicante, scindente & caustico materiæ morbificæ elemento eos suscitari, uti ad oculum venenorum effectus, animantium morsus & mul-

multorum medicaminum, v. grat. evacuantium effectus, testantur. Præterea, aliæ causæ externæ fibras nerveas musculosasque vellicantes, uti sunt calculi, festucæ, globuli, lumbricorum morificationes, causam præbent hisce motibus contractoriis dolorificis.

15 Considerata jam in genere essentia spasmi, videbimus jam, in quibusnam morbis maxime ludat suam tragædiam, ut deinde melius pateat asserti nostri veritas, quod superius allegata in morbis, qui ex spasmo proveniunt, efficaciam suam exferant. Primo, universalis medicorum est consensus, epilepsiam esse spasmodum totius corporis universalem, ubi non modo systema nervosum, sed & fibrosum fortiter contrahitur. Testantur id contractiones digitorum & pollicis, agitationes, jactationes & circumgyrationes corporis intensæ, oculorum contorsiones, anxietates præcordiorum constrictoriæ cum cordis palpitatione vehementes, compressio faucium & asperæ arteriæ, unde spuma, contractio intestinorum, unde borborygmi, flatulentia, alvi constrictio contumax, nascuntur. Porro, ad spasmos referimus omnes graviores dolores, quales sunt in passione iliaca, colica, calculosa, sive calculus sit in ureteribus, sive in vesica, sive in ductu choledochi, cephalalgia, otalgia, odontalgia, & podagra. Confirmant id symptomata, quæ hos dolores sequuntur, violentæ tractiones partium dolore affectarum, & subsequentes, maxime in artubus, incurvationes, cum stupore; evincunt id stases & repressiones, vel etiam expressiones sanguinis, unde dolor horripilationem & frigus, vel etiam calorem partibus inducit, ob liberum circulum, propter spasmodum fibrarum & compressionem vasorum, suppressum. Deinceps, ad spasmodicos & convulsivos motus referri quoque debent, v. g. incubus, tussis convulsiva, asthma convulsivum, singultus, palpitatio cordis, vomitus, tormina in dysenteria, alvi contumacissima adstrictio, urinæ & sudoris suppressio, tetanus, spasmus cynicus, priapismus, qui ex violenta tractione & motus intensione fibrarum proveniunt.

16 Spasmi quoque accensendæ sunt hæmorrhagiæ: nulla enim magna hæmorrhagia interna nascitur, nisi præcedant spasmi, præsertim in primis viis, mesenterio & abdomine. Spasmi enim, sunt causa inæqualitatis sanguinis circuli: dum enim præcluduntur & constringuntur viæ ac tubuli, & im-

Hoff. Opusc. varii argum.

peditur is motus, sanguis cum impetu fertur ad alias partes, ubi facta distensione, vasa disrumpit; ideo, qui hæmorrhagias, curare vult, spasmos prius tollat necesse est, hinc antispasmodica optima adversus hæmorrhagias sunt præsidia. Denique pathemata, quæ in hystericis, hypochondriacis, & ubi hæmorrhoides suppressæ, concurrunt, non nisi spasmi adscribi solent; item abortus, non nisi in uteri spasmi, & partus difficilis causa, in spasmodum vehementia querenda est. In intermittentium paroxysmis, præsertim sub frigore & horrore, spasmodicæ contractiones manifestissime visuntur: strictura enim pororum cutis, horripilatio, rigor, frigus, dolor contusivus pedum, inflatio abdominis cum alvi adstrictione, nausea cum dispositione ad vomitum, lumborum dolor, præcordiorum anxietas, nil nisi mere spasmi effecta sunt. Venenati animantium morsus & ictus, ipsaque caustica ex regno minerali deprompta, non alia ratione insensibilissima corpori sunt, quam spasmodum, quos producant, violentia & copia ideoque subito interficiunt.

17 Diximus specifica esse antispasmodica, jam ex præcedentibus facillime colligitur, quare ea, quæ recensuimus tam ex vegetabili, quam animali regno, in morbis ubi spasmi omne ferunt punctum, præsentissimum solamen afferant, & eam ob causam nominatim in dolore arthritico, colica, epilepsia, diarrhœa, dysenteria, mania, passione hystERICA, hæmorrhagiis, partu difficili, abortu præcavendo, convulsiva tussi, contracturis, morsibus animantium venenatis convenient. Jam res ipsa & ordo postulat, ut quo principio agendi instructa sint, & operationem suam exsequantur dicta specifica, videamus. Dicimus vero medicamentorum virtutes dependere principaliter ex duplici activo principio; sale nempe & sulphure. Sal est substantia, ex particulis figura acuta & scindente coagmentata, unde saporem in lingua efficit, inque nervosis partibus vellicatione ac rosione sua sensum doloris excitat, in glandulis vero evacuationes, excretiones causatur. Non enim dubitari potest, omnis generis evacuantia, ut sunt purgantia, vomitoria, sudorifera, diuretica, salivantia, apophlegmatizantia, aperientia, principaliter ex salino principio operari. Longe vero a sale distat sulphuris textura ac crasis. Quemadmodum enim salis

particulæ figuratæ sunt & facillime dissolvuntur, discerpuntur, ita sulphur compositum est ex partibus magis inter se implicatis, intricatis, arctius unitis, acrimoniæ expertibus, propter quam intricatam & implicatam texturam, oleosa & sulphurea aciem salium excipiendo & quasi in vagina recondendo, illa temperant, quo minus nocere possint. Et hæc quoque est ratio, quare acidissimi concentrati spiritus, nitri, vel vitrioli, affusi oleis destillatis, acrimoniam suam ferme deponant, ita etiam sulphur, reguli antimonii & argenti vivi vim virulentam, penitus, admixtione facta, castrat; & quemadmodum in sale magna est vis solidas partes irritans & rodens; ita in sulphure est principium vim istam sistens, fugans, temperans.

18 Equidem objici potest contra hanc sententiam, quod sulphura intensum calorem in corpore accendant & materiam motus intestini calidi igneique in ipso præbeant; uti videmus omnia olea destillata calidissima esse: sed respondemus, verum id esse de oleis, quæ sale volatili subtili pollent, uti olea destillata ex vegetabilibus, item ex animalibus sumta, quæ manifestam propter sal admixtum intimeque conjunctum habent penetrantiam ac volatilitatem, unde utique talis substantia salina volatilis, cum partibus sulphureis irretita, diutius manet in corpore, neq; tam cito avolat per poros, & sic calorem tam intestinum quam progressivum irritatione sua accendit eamque ob causam plus calefacit, olei guttula destillati, quam decem grana puri salis volatilis ab oleo liberati. Hoc ipsum vero non valet de sulphure sibi relicto; uti patet ex omni pinguedine, oleo expresso, axungia ignem non passa, quorum assumpta etiam magna quantitas minime calorem augent in corpore, sed potius leniendo, demulcendo spicula salina, sistit motum caloris, eundemque deprimit. Latet itaque in sulphure vis motus sedans, sistens, adeoque antispasmodica, cum omnis dolor & spasmus ex motus incremento fiant; in sale vero reconditur principium movens, sive motus excitans, unde omne sal calefacit, evacuat. Jam vero si consideremus supra recensita specifica, tam ex regno vegetabili, quam animali desumta, & inquiramus in illorum agendi principium materiale, mox sese sistit ac manifestat sulphurea substantia. Nam vegetabilibus plerumque olea, v. g. mentha, lavendula, spica, salvia, basilioi,

chamomilla, origani, anisi, fœniculi, hyssopi, hormini tantum exserunt suam efficaciam dictis in morbis propter sulphur vaporosum, quo pollent, & caput & nervos replent. In radice valerianæ, opio, croco, semine hyosciami, camphora, substantia sulphurea vaporosa ipso odore teste præsens est. Semen lycopodii, anthera liliorum alborum pure sulphureæ indolis sunt, & flatu immixta in flammam, ventum cum strepitu igneum exhibent; flores vegetabilium, pœoniæ, rosarum, papaveris, liliorum alborum, convallium, primulæ veris, sambuci, virtutem suam anodynâ & specificam exhalantibus subtilioribus sulphureis partibus unice debent. In animali regno principii sulphurei, benigni, lenis, acrimoniæ expertis, major datur copia. Nam sine destillatione prævia sanguis & omnium animalium partes, ossa, dentes omni salina acrimonia carent; porro quanta pinguedo & oleositas inexistat animantibus, notissimum; observamus enim totos panniculos adiposos viscera in pinguedine latitant, & nulla pars reperitur, etiam durissima, uti os existit, in cujus poris non copiosa pinguis substantia delitescat. Posset quidem hic opponi ex animali regno salia volatilia maxima in copia præparari posse, quibus respondemus, quod salia volatilia formaliter non existant, sed mediante igne, non ex pinguedine, sed ex substantia terrea, motu igneo, producantur, unde ratio patet, quare ex ossibus, terreis corporibus, major quantitas illorum, quam ex aliis confici possit; item quod non formaliter inexistant, ex eo judicare licet, quod non ex animantibus præparentur, nisi combustionem, & non initio destillationis, sed demum in fine prodeant, aperto indicio: minime his formalem assignari posse existentiam; nam sal tale est volatissimum, & sub lenissimo calore evaporat.

19 Porro salis manifesti experts est regnum animale, & inter excrementa potius, quæ salina sunt, sal referri debet, nam proxime non ingreditur partium, sive fluidarum, sive solidarum, compositionem. Ex dictis jam facile apparebit, cur animalia tantam specificorum largiantur copiam, i. e. remediorum, motus impetuosos convulsivos, spasmodicos, dolores, nimiasque evacuationes sistentiam; quoniam nempe sulphure vaporoso gaudent, ratione cujus hos effectus præstant. Jam vero sulphur custodire talem virtutem ex supradictis in regno vegetabili constat, quæ omnia

omnia ob sulphur evaporabile agunt. Sulphur enim vaporosum est, i. e. multas exhalationes, vapores & effluvia, vigore motus intestini, qui in ipso latitat, emittit; testante id gravi, vel etiam suavi odore. Nam ex sententia omnium chymicorum & physicorum affirmatur, quod sal sit principium saporis, sulphur vero odoris. Odor itaque provenit ex copia effluviorum, sive exhalationum. Atque etiam abundantissime deprehenduntur in animalibus eorumque partibus exsiccatis, quæ graveolentem & fortem odorem spirant, ut pulvis lumbricorum terrestrium, viperarum, rasura ungulæ alcis, fel ex animalibus, sanguis eorum exsiccatus & viscera exsiccata id docent. Hæ blandæ exhalationes nervis sese insinuant, & per poros in sanguinem transeuntes, rarefactione sua nimium dilatando fibras musculosas & in meningibus arterias, istum motum systolicum arteriarum & fibrarum impediunt, a qua systole & motus progressivus & spasmus pendet. Quod vero opiata agant rarefactione & nimia arteriarum expansione, latius jam deduxi in *dissertatione de opiatarum mechanica operandi ratione*.

20 Nunc selectiora eaque composita remedia contra hos morbos spasmodicos annectere placet, v. gr. in epilepsia habituali sequens pulvis valde est proficiuus: recipe rasuræ ungulæ alcis, dentis hippopotami, unicornu marini, cranii humani, pulveris lumbricorum terrestrium ana drachmas duas, moschi drachmam semis, essentia castorei inspissatæ scrupulum unum. M. F. P. qui vel cum cinnabari mixtus, vel solus usurpari potest. Ad fœtum mortuum & secundinam pellendam: recipe pulveris testiculorum equi, ungulæ alcis, secundinæ humanæ præparatæ ana drachmam, fellis anguillæ, antheræ liliorum alborum, croci ana grana XII. olei cinnamomi guttas quatuor. In dolore pleuritico: rec. rasuræ dentis apri, mandibularum lucii piscis, unicornu marini, oculorum cancri, dentis hippopotami, cinnabaris antimoni ana scrupulum unum, nitri grana XII. In contracturis externe: recipe axungia humanæ, castorei, urfi, taxi ana unciam semis, olei majoranæ, salviæ, lavendulæ ana drachmam. In colico dolore poterit addi zibethum. Contra maniam sanguis asininus egregius est. Contra morsum canis rabidi: recipe rasuræ ungulæ lyncis, pulveris viperarum ana drachmas duas, castorei grana

XII. In hæmorrhagiis: recipe dentis hippopotami, lapidis manati ana drachmam, nitri drachmam semis. M. In phrenitide, cephalalgia, externe, gallina viva dissecta egregia est. In arthritide pulvis viperarum, lumbricorum terrestrium cum cinnabari antimoni & nitro egregium effectum præstat.

21 Quod attinet ad convenientem usum & applicationem specificorum, maxime eorum, quæ ex regno animali petita sunt, sequentia monita notari merentur. I. ex animantibus tutiora sunt & præferenda iis, quæ in regno vegetabili prostant. Ratio in proclivi est; nam naturæ nostræ convenientiora sunt, facilius inveniunt ingressum in sanguinem & poris lubentius sese accommodant ideoque magis amica. Aliter verò res habet cum iis, quæ ex aliis regnis profluunt. Hæc enim non tam propinqua sunt nostræ naturæ, sed & heterogenea quædam principia simul custodiunt, quæ non bene correspondent mixtioni partium fluidarum, vel spiritibus, sive principio movendi corporis nostri inimica sunt; unde v. gr. opium ob suum sulphur vaporosum anodynam quidem vim habet, nihilominus hoc spiritibus non quadrat, spasmodica pathemata non tam prompte sistuntur, quam castoreo aliis remediis adpropriatis. II. Notandum est, quod hæc dicta specifica ex animantibus, si polere eximio usu debent, non nimis esse debeant inveterata, adeoque non diu in pulvere servanda, neque ex inveteratis effœtisque ossibus sumenda sint; ratio in procinctu est, quoniam per fluidum aereum iacturam partis volatilis, qua agunt, ferunt; unde omnia, quæ recentia sunt, quæ cadaverosum & volatilem spirant odorem, præstantissima. III. Deinde observamus, quod illa ex animantibus, quæ principio pollent vaporoso copiosisque exhalationibus, longe celerius & citius, sed etiam magis transitorie operationes suas exsequantur, præ iis, quæ sulphure & oleo magis fixo scatent, hanc ob causam castoreum, zibethum, moschus, ceu odoratissima expeditioris sunt virtutis, præ rasura ungularum, ossium, dentium, cornuum, quanquam horum virtus sit constantior, in agendo tamen tardior. Medio modo sic habent ea, quæ ex visceribus exsiccatis harum animantium, parentur. IV. Hæc specifica virtutem suam amittunt, quando fuerint usta, destruitur sic tota crasis, consequenter etiam virtus remedii. Exstat

hanc in rem egregius locus apud Angelum Salam, Sect. 1. Res, quæ in igne tractantur, omnes alterationes subeant, & de naturali sui temperamenti statu quodammodo deiciantur necesse est, ac magis, si vel vehementissimum eum, vel diutius sustinere cogantur, minus si remissior fuerit mora que in eo brevior. Nihil quicquam itaque certi de operatione remedii colligere licet e substantiis, vi ignis extortis; imo sæpenumero contingit, ut herbae, quæ vulgo refrigerantes putantur, ut cichoreum, lactuca &c. oleum calidum & sul volatile alcalinum fundant, quod calidit annumeratur. Deinde indubium est ac per innumera experimenta evictum, chinam chinæ præstantissimum esse febrifugum, quod si tamen destilletur, spiritum acidulum cum oleo pauco empyreumatico præbet, existente capite mortuo nigro: hæc vero febricitantibus exhibeantur, sive sola, sive invicem mixta, omni virtute plane sunt cassa ac inefficacia. V. Parum hæc specifica faciunt in epilepsia & aliis morbis, qui fiunt per consensum, sed debet tolli primum causa, v. g. in epilepsia, quæ fit ex dentitione difficili, variolis; longe vero majorem efficaciam exerunt in affectibus idiopathicis, v. g. epilepsia inveterata valde convulsiva, maxime omnium vero efficaciter se habent in affectibus & spasmis consuetudine quasi introductis, quæ nihil aliud est, quam summa facilitas & proclivitas spasmodicorum motuum per multiplex exercitium repetitum, v. g. in epilepsia, asthmate habituali, & hæmoptysi. VI. Ratione usus porro monendum est, ne iis tantum inhæreamus, sed ad causam morbi respiciamus, hinc v. g. si sanguis stagnat ex mensium vel hæmorrhoidum suppressione, item si circulus massæ sanguineæ impeditus, in hystericis, hypochondriacis causam præbet variorum spasmodicorum motuum v. g. arthriticorum, sola non conveniunt, sed tunc simul evacuantia, sanguinem detrahentia jungenda sunt: præmissis enim evacuantibus, alterantibus, nullum dubium est, quin tunc supposita specifica

egregie hisce affectibus subvenire possint VII. Perpendendum & hoc, quod non tam juvent, quando tantum ex causa materiali & ejus quantitate, quam potius ex motu, consuetudine, affectu animi & subtilissima materia motum provocante, provenit morbus, e. g. ex morsu canis rabidi, viperarum, dysenteriae miasmate, motibus spasmodicis in partu, epilepsia ab ira, terrore, verum enim, consensuali malo medentur v. g. calculi doloribus, si non constanter perseverat affectus, nisi principalis causa sublata sit. VIII. Et ultimo monitum inculcari debet junioribus practicis, ne hisce specificis abutantur, quoniam nonnulla ex iis potenter fluxum sanguinis cohibere & suppressere solent; ideo cavendum est, ne iis qui criticas tales evacuationes solennes cum fructu sentiunt, v. g. menses, hæmorrhoides, narium hæmorrhagias, præsertim si natura ad tales diu fuerit adsueta, frequentius & repetita dosi propinent. Facile enim evenire potest, ut in totum talis fluxus suppressi possit; unde præsertim, si homines fuerint adultiores, ad spasmodicos affectus, vel etiam ad hæcticam, cachexiam, hydropem via panditur apertissima.

DISSERTATIO XVI.

DE

STUDIIS PER REGULAS DIÆTETICAS FACILITANDIS,

ET PROLONGANDA LITTERATORUM VITA.

C A P. I.

Quicumque viam asperam arduamque & longam ingreditur, quæ ad excessum sapientiæ, ^a & musarum templum assiduo labore ^b perducit: inter alios hujus viæ

^a Sapientia est divinarum humanarumque rerum scientia. Divinam definit Sac. Scriptura quod sit vapor potentiae divinae, emanatio sincera omnipotentis gloriae & splendor sempiterni luminis. Hæc unica veritas est & vera sapientia, quæ non solet fallere. Origenes contra Celsum p. 154. Humana comprehenditur Philosophia morali, disciplinis mathematicis, & exquisita rerum naturalium scientia.

^b δύσκολα τὰ καλὰ ardua quæ pulchra. Arboris scientiæ radix amara, fructus vero dulcissimæ Philosophus.

via ac itineris duces fidosque comites, aliaque necessaria adminicula *a* etiam Medico peritissimo *b* indigere videtur. Misertus sapius sum sortem laboriosissimam illorum, qui sacris Minervæ operantur, & difficili assiduoque labore, magnaue intemperie studia tractant, salutaribus autem Medici præceptis destituti gravissimam labem corpori ingenioque afferunt, ac in irreparabile damnum eorum vires præcipitant. Peccari hic solet ferme toto die, dum litterati diætæ sive prudentis vivendi rationis negligentes & expertes, maximo fervore musæis ac libris affixi studia urgent, debitumque robur corpori ingenioque, consumtis spiritibus, suffurantur, sicque in sævissimos & satis diuturnos morbos *c* incidunt, vel præmatura morte fatalem diem sibi accerunt. Felicius ille procedit, qui rationem sanitatis & animi habendo *d* in studiis, vires quæ non paucæ requiruntur ad animæ functiones, & hoc

modo vitam longam & sanam, quæ ad mentis sanitatem, (qua sola sapientia comprehenditur) *e* necessaria est, consequitur. Quapropter ut eruditus & litterarum amore flagrans non modo salvis studiis sanum corpus in eoque sanam conservet mentem; *f* verum etiam majores in studiis sentiat profectus, non inutile vel vanum fuerit, brevi labore compendioque præcepta litteratis potissimum commendare, quibus sanitatem ac vitam tueri, atque corporis animique vigori prospicere queant. Agite itaque florentissimi Juvenes & omnes quos ardentius Minervæ studium nimium enervat, legite hæc solertius, atque curate valetudinem diligentissime. Sublata enim sanitate, sublimes Musarum fores, nisi Deus omnipotens mira quadam virtute patefaciat, aut non tanguntur a nobis unquam, aut certe frustra pulsantur. Amicabilis autem sanitatis cum eruditione mixtura atque conjunctio est. Diligenti

-
- a* Videlicet optimam indolem, locum ad studia aptum, institutionem fidelem, Præceptorem probatissimum. Plutarcho in libro de liberis educandis hic potissimus est, qui simul & dicere & facere solet. Hinc Divus Gregorius: aut non doce, aut vita ac re ipsa doce, ne una quidem trahas, altera vero manu retrahas. Quinctilianus istum probatissimum arbitratur, qui suorum discipulorum proventum proprium æstimat, quem laboris studium non fatigat, qui interroganti discipulo non tædiose respondet, bonos laudare non cessat, medios leviter increpat, & duros a studendi proposito non deterret.
- b* Hunc peritissimum dicimus, qui accedente fortuna, nihil sine ratione, nihil sine consilio circa suos agros agit. Homerus talem cæteris anteferendum arbitratur libr. Iliados, item Celsus, qui vitam non cædem molitur. Tyrius autem Platonius hunc commendat, qui & per philosophiæ præcepta animi pathemata feliciter sanat, & corporis male habentis affectus herbulis quibusdam ratione observata tollit. Pindarus cum exposuisset, Æsculapium Chironi in disciplinam esse traditum, ut ab eo medendi scientiam disceret atque ad Æsculapium postea convenire & concurrere solitos, qui aut morbi affecti, aut ulcerosi aut saucii essent, subjungit ad extremum, eam fuisse in Æsculapio artis præstantiam, ut quotquot ad se venirent egri aut debiles aut vulnerati omnes malis ac laboribus levatos abs se dimitteret, alios carminibus curans, alios potionibus, alios pharmacis & medicamentis forinsecus admotis, alios adhibita sectione.
- c* Familiarissimus eruditis affectus est ex vita sedentaria & nimia mentis agitatione hypochondriacus, quem omnium malorum compendium dixeris.
- d* Thales ut refert Laertius cum interrogaretur, quis esset felix dicendus? respondit: Qui corpore sanus est, animo autem eruditus.
- e* Ad artem scientiamque perfectam non tam vel docilitas ingenii, vel memoriæ firmitas, quam prudentis judicii alacritas nos perducit. Judicium vero propter ambiguitatem ex conjecturarum diversitate conceptum adeo difficile est, ut experimento sit necessario confirmandum. Experimentum quoque fallax, tum propter judicii ipsius difficultatem, tum ob fugacem opportuni in experimento captando temporis brevitatem. Quibus sane de causis artem esse longam, una cum Hippocrate recte concludimus: nec posse nos eam nisi vitæ longitudine consequi. Vitam vero longam præter fata medica etiam diligentia præstat. Vid. Mars. Ficinus, lib. 2. de Vit. long. cap. 1.
- f* Horatius: Optandum ut sit mens sana in corpore sano. Seneca Epist. 20. Roga bonam mentem, bonam valetudinem animi, deinde corporis.

ligenti experimento atque observatione constat, Medicorum cura non solum eruditos natura validos, sed etiam valetudinarios vitam longam aliquando consecutos. Herodicum quendam litterarum studiosum omnium sui temporis infirmissimum Medici providentia annum centesimum implevisse Plato & Aristoteles prodiderunt. Plutarchus narrat multos corpore alioquin parum firmo vitam sola diligentia longam consecutos. Mitto in præsentia multa quæ nobis nota sunt exempla. Instituta vero hæc ad vitam longam ducentia non inertibus ignavisque scribimus. Cur enim cupiamus istos diu vivere, nec hominibus, perdita voluptatum libidine dissolutis, qui brevem quotidie voluptatem longæ stulti præponunt, nec improbis iniquisque patefacimus, quorum vita mors est bonorum; sed duntaxat tradimus hæc prudentibus, atque temperatis solertis ingenii viris, humano generi vel privatim vel publice profuturis.

C A P. I I.

Primum quemadmodum cursores crurum, athletæ brachiorum, musici vocis exquisitam curam gerere atque habere solent: pari ratione qui ex litteris sapere vult, cerebri *a* quod principale animæ habitaculum & sapientiæ sedes est, rationem habere debet exquisitissime. * Solers quilibet artifex instrumenta sua perquam diligenter curat, peniculos pictor, malleos incudesque faber, miles equos & arma, venator canes, & suavisque similiter. Soli vero musarum sacer-

dotes, soli summi boni veritatisque indagatores tam negligenter pro dolor! instrumentum illud quo mundum & universas scientias quodammodo metiri & capere possunt, colunt atque percurant. Instrumentum illud tenuissimum machinæ fluidum cerebri; ac nervorum incolens est, quod animalis spiritus nomine a Medicis donatur, vapor sanguinis subtilis, purissimus, luminosus, quo anima tanquam instrumento idoneo ad suas functiones, motus & sensationes in corpore exercendas assidue utitur. Etenim qualis hic spiritus, tales & sensus, ingenique vires, talis & ratio esse solet. *b* Mirifice enim ex animæ corporisq; unione commercii oritur necessitas & utriusque vitia invicem facile communicantur, & in se transeunt. Segnescit protinus animæ virtus ubi corpus vacillat & succumbit, & corpus quoque detrimentum accipit, quando animus in præceps rapitur ab affectibus. Adeo mutua necessitudo animæ ac corporis ex æquo dispensat commoda & incommoda sua. Quo circa qui nobile & ad sublimitates rerum capiendas aptum sibi conciliare instituit ingenium, imprimis curet ut spiritum ingeneret sanguini ac corpori benignum, purum atq; temperatum, diligentissime observet ea quæ natura sua talem procreare apta sunt. Ex hisce principatum obtinet purus liquidus & imperturbatus lucis aer. Hic enim præcipuum & superius spiritus, qui præest corpori nostro, elementum ac pabulum est, & qualis aer talis quoque spiritus esse solet. *c* Græci aerem appellarunt spiritum vitalem *d* per cuncta

* Vid. Marsilius Ficin. de valetud. Studios.

a Cerebri, quod motum & sensum homini conciliat, præstantiam tantam Platonici crediderunt, ut veriti non sint, cerebrum nostræ animæ habitaculum principale nominare, & propter memoriam sapientiæ sedem. Ex quo tandem colligitur de Pallade sapientiæ & armorum Dea, summa ratione veteres dixisse, eam ex Jovis cerebro enatam esse.

b Stupendum est commercium animæ atque corporis, adeo ut etiam unius in alterum vis ac impetus mutuaque communicatio perspectissima sit. Quo purior sanguinis vitalis tinctura est, quo mixtura elementorum ejus magis congrua, eo major ingenii promptitudo enitet, & vice versa, quo lentior ad motum sanguis est, & fixiores spiritus, & tardius ingenium apparet. Pituitosos ignavum ac iners possidere notissima res est. Ebriorum inordinatas actiones, calido in venas abeunti vino deberi, indubium est. Quantum detrimenti corpus capiat, si a sevis affectibus animus in præceps rapitur, haud ignotum esse existimo.

c Hippocrates lib. de morb. sacro inquit, cap. 8. tit. 12. Ο' ἡρ τὴν φρονεῖν αὐτὴν τὴν κ'ησιν τοῖσι μέλεσι παρέχει. Aer sensum & motum exhibet membris. Per aerem intelligit spiritum animale, quia naturæ subtilis & aer est facta in cerebro majori alkoholisatione.

d Hippocrates passim v. 9. lib. de morbo sacro t. 24. c. 6. πνεῦμα vocat spiritum animale, quo nomine etiam aerem donat, quod Prosper Martianus comment. in hunc librum latius confirmat.

Et rerum inebilem totoque consertum .
Quam ob causam loca quæ inhabitamus a
quo puriore, sereniorē b ac temperatiorē ae-
re gaudent foveturque & a gravi nubiloq;
cælo magis remota sunt, hoc salubriora ju-
dicantur. Aer ingeniis favet c maxime tem-
peratus, & hic quoque studiis apprime uti-
lis. Nimis calidus spiritus dissolvit, densus,
caliginosus d itemque gelidus corpus premit
& humores coarctat, ac spiritus minus sere-
nos ingignit. Quocirca improbamus pro Stu-
diosis musæa nimis calefacta, vel etiam ni-
mis frigida, itidem quæ denso & humido
aere ac peregrino vapore e stipata sunt. An-
te omnia hyeme cavendum est, ne infen-
sum frigus in cerebrum f ac nervos pene-
tret, quod ingenio mirum nocet. Actio &
operatio judicii ingeniique optimo gaudet
successu, quando suscipitur sub cæli aerisque
temperie. Temperatus calor temperaturam
addit sanguini & humoribus, spiritus ani-
males in æquilibrio motus servat, & singu-
larem inducit partibus alacritatem, & ob
id, si verum facere judicium volumus, ver-
nale tempus litteratis ac studiis accommoda-
tissimum, quoniam temperatum. Quando
arbores foliis se induunt, brachiaque flori-
bus ornant fragrantibus, ingenia etiam vi-

res ac robur acquirunt & fructus proferunt
exoptatissimos, & sicuti tunc temporis om-
nia vigent ac florent: ita quoque ingenii
vigor summus. Et cum maxima pars Eru-
ditionis consistat in meditatione, inque hanc
non pauci impendantur spiritus: ideo ver-
num tempus ceu optimum subtiliori specu-
lationi, & altioribus ingenii actionibus com-
modissimum censemus. Æstivum ad experi-
menta facienda, & ad illa, quæ didicimus
applicanda; hyemale autem ad ratiocinia
in ordinem redigenda haud inconsulto com-
mendamus. Quantum incommodi aer intem-
peratus, vel peregrino vapore refertus, in-
genio afferat, dici vix potest. Multiplici
compertum est experientia, certo anni vel
etiam diei tempore mentis actiones longe
alacriores esse, speculationes longe floridio-
res concinnari quam alio, cujus causam
haud injuria rejicimus præcipue, nisi alio
notior subsit, in aeris dispositionem. Quan-
do sol non amplius illustrat horizontem,
nec amplius radiis suis implet illum atque
flagellat, sed crassus, densus, gravis & fri-
gidus est, pigrum corpus & animus ad spe-
culandum idoneus redditur. Proinde nihil
magis ingeniis nocet, quam tempore no-
cturno studiis invigilare & contemplationes
lon-

-
- a Ubi ades hominum aeri sereno, claro, puro & malignis omnibus exhalationibus carenti
expositæ fuerunt: ibi vita hominum diu conservatur. Vid. Quercetan, diætet. p. 145. Cel-
sus. Habitare in edificio lucido perflatum æstivum, hybernum solem habente; cavere so-
lem meridianum, matutinum & vespertinum frigus: auræ stagnorum ac fluminum, mini-
meque nubilo se committere cælo, & dormire in loco non humido, sed temperato & per-
flabili, optimum est.
- b Solebant veteres maxime senes in sole etiam nudi ambulare, ex quo spirituale nutri-
mentum sibi attraherent. Vid. Plato in Phædone. Hinc Plinius lib. 3. ep. 10. de avun-
culo: post cibum æstate siquid otii jacebat in sole. Gravioris ætatis hæc recreatio erat, na-
tivo calore jam sensim decrescente. Hinc Horatius senile corpus, aut senili simile solibus
aptum dixit. Ep. 20. v. 24.
- c Aer subtilis procreat spiritus corporis subtiles & temperatos, ad mentis regimen accommo-
datissimos. Tenue Athenis cælum acutiore Atticos effecisse, crassum autem Thebis pingues
Thebanos & valentes memoriæ prodidit. Cic. lib. de fato.
- d Thraces ob crassum regionis quam incolunt aerem, crassum itidem habent cerebrum. Obli-
viosi enim plane sunt, desides & torpescetes. Guido Bituric. ex Herodot. Boeoti ob aeris
impuritatem crassis ingeniis præditi fuerunt: unde Horatius: Boeotum crasso jurares in
aere natum.
- e Cavendum maxime tempore hyemali ne aer in hypocausto fumis candelarum nimium in-
quinatus intro subeat pulmones, & spiritus atque humores inficiat. Peropportune tali in
casu præstat tubo e laminis ferreis confecto per fenestram noxium vaporem educere.
- f Imago Hippocratis pileata ab antiquis celebratur, ut inæ admonerentur homines eam par-
tem maxime custodiendam esse, in qua tanquam in domicilio princeps animus resideret,
totaque intelligendi vis collocata esset. Caput, stomachus ac pedes ante omnia defendendi
a frigore sunt.

longas & difficiles inchoare, utpote spiritus in corpore tunc pauci retrahuntur etiam ad caput, ut sic distracti, neque stomacho satis neque capiti faciant. Merito ergo, qui nocte contra naturam pro die, atque contra die rursus pro nocte utuntur, vel inviti noctuas imitantur, ut quemadmodum sub solis lumine caligant oculi: ita & in illis mentis acies sub veritatis splendore caliget. Accedit, quod fatigatione diuturna spiritus iique subtilissimi resolvantur, nocte autem pauci crassique supersint, cogitationibus ac rerum ideis disponendis ineptissimi. Qua de causa matutinum tempus *a* quando aer calore temperatus est nec tam fortiter movetur vel agitur, studiis gratissimum pronunciamus; aurora quippe Musis amica. *b* Etenim aer subtilis extenuatus ad similem naturam sanguinem & spiritus compellit. Adde quod sol radiis suis hemisphaerium nostrum incedens meatus corporis aperiat, atque a centro ad circumferentiam humores spiritusque moveat, quod ad vigiliam actionesque multum excitat & conducit. Præterea matutino tempore post somnum spiritibus recreatis membrisque corroboratis multi tenuisque spiritus adsunt, qui cerebro serviant, atque expeditius obsequi possint in membris fovendis regendisque parum admodum occupati. Quamobrem scite *Aristoteles in æconomicis* monet: ante lucem surgere *c* asseritque id ad corporis sanitatem & ad philosophiæ studia, addimus & preces fundendas *d* prodesse quam plurimum. Ruriculæ præliis sanitate firmiore gaudent, quippe qui in aurora surgentes claram & fragrantem auro-

ram hauriunt. Consentit & ipse rerum ordo, dies enim vigiliæ, nox somno tributa est *e*.

C A P. I I I.

P Ræterea quicumque spiritum animale purum, subtilem, ingenii functionibus aptum, ingenerare corpori cupit, ante omnia & benignum, laudabilem & temperatum sanguinem sibi comparet necesse est. Ad hujus autem generationem maximum momentum affert diæta, & usus rerum, quæ a Medicis appellantur non naturales, quæ sanguinem vario modo afficiunt & alterant, qui quo purior & temperatior, eo subtilior spiritus ingenii sublimis foetura exsurgit. Sapientissime hanc in rem scribit *Hippocrates lib. de Flatibus*. Ex iis quæ corpori insunt, nihil magis ad prudentiam confert, quam sanguis. Hic ergo cum consistenti habitu persistit, prudentia etiam constat, sanguine vero permutato concidit simul prudentia. Nemo itaque ibit inficias, in temperamento redacta excessiva sanguinis qualitate, sive per medicinam sive diætam *f* menti sic sapientiam reddi. Pulchra sunt quæ hanc in rem scribit *Cartesius*, *diff. de methodo* s. 6. §. 2. dum inquit: Animus adeo a temperamento & organorum corporis dispositione pendet, ut si ratio aliqua possit inveniri quæ homines sapientiores & ingeniosiores reddat quam hætenus fuerunt, credo in Medicina illam quæri debere. Ut autem ad rem propius accedamus: in medium conferre ea volumus, quæ natura sua apta procreare lauda-

-
- a* Oriente sole movetur aer tenuaturque & claret; occidente vero contra. Sanguis autem & spiritus motum qualitatemque aeris circumfusi naturaque similis sequi necessario debet.
 - b* In aurora movetur sanguis motaque tenuatur maxime post mediam noctem hora secunda & tertia (quare veteres tunc temporis studebant & studiis invigilabant) spiritus vero sanguinem sequi imitarique solet. Verum accedente nocte, melancholia crassior & frigidior atque pituita dominatur, quæ spiritus ad speculandum ineptissimos reddit, vid. *Marsii Ficini de Stud. valed. c. 1.* *Erasmus Musis auroram sacram dixit.*
 - c* Sed hoc ita recipiendum est ut cita & modica cæna matutinam crudelitatem diligentissime devitemus.
 - d* Sacer ille vates *David* nunquam dicit vespere, sed mane semper atque diluculo in Deum suum canendum se cithara psalmisque, surgere. Quidem mente ea hora omnino debemus, mox etiam corpore, si modo commode id fieri possit.
 - e* Et ita sentit *Hippocr. 2. Prognost. c. 11.* quando inquit: somnus naturalis non effugiat noctem & non impediat diem.
 - f* Rectissime *lib. de diætâ sect. 32. Hippocr. concludit; Et sane hoc faciens, i. e. tali diætâ & medicamentis utens sanior & sapientior anima fuit, & ibid. sect. 33. §. 33. Potest ex diætâ & melior & deterior anima fieri.*

abilem sanguinem . Primum eruditi quoniam spirituum copia & subtilitate egent ad legitime exercendas functiones mentis , cibis paulo tenerioribus *a* potumque meliorem opus habent quam plebei, qui minus cerebro laborant ; quandoquidem labores animi ac meditationes spiritus exhauriunt & ideo illi non contenti esse possunt victu atque potu plebeiorum , qui labore ac motu talem corrigunt : litterati autem propter sedentariam vitam *b* cui plurimum indulgent non satis subigere & digerere talia possunt . Quapropter doctis & tranquillitatem sectantibus non facile durata , salita atque viscosa concedenda sunt , ut quibus excoquendis tene-

Hoff. Opusc. varii argum.

rum molliculumque fermentum sufficere non possit, nisi ubi consuetudo *c* aliud imperet . Namque & in hisce reperies , qui generosum ventriculi menstruum nacti duriora etiam & discepta admittant . Ex cibis autem, qui caliginem menti offundunt studiisque nocent , crassum proferendo sanguinem & spiritus , *d* atro carbone notandi sunt crassæ compactæque substantiæ , pisces complures, omnia leguminosa , uti pisa , fabæ *e* militum, similiter olera, carnes vetustiores non probe coctæ . Perutile quoque est glutinosa , pulres ex farina tritici confectos *f*, dulcia *g* & quæ facile putrescere solent , item nimium usum casei, acidorum, allii, ce-

X

pa-

- a* Pro diversitate alimentorum diversus generatur sanguis . Crassus provenit ex cibis viscosis tenacibus sale fixo scatentibus . Subtilior , mobilior ex cibis tenerioribus , subtilioribus . Belgæ cum utantur cibis sale conditis, aut fumo induratis, piscibus salitis, leguminibus, lacticiiniis, caseo, crassum foveant sanguinem, *a* cujus crassitie tardior motus, & illorum morbi chronici proveniunt . Ex adverso Galli vescuntur cibis tenuioribus, pullis, caponibus, avibus, columbis, jusculis delicatis, carnibus vervecinis, quæ in Languedocia & Delphinatu optimi sunt saporis, quoniam oves dictis in regionibus herbis aromaticis, lavenderula, rosmarino, thymo, majorana sponte provenientibus vescuntur . Quapropter sanguinem mobiliorem habent, & morbos patiuntur ex ejus resolutione, tenuitate concitatioresque motu potissimum nascentes . Quinimo Galli corporis & membrorum agilitate mentisque caliditate frigidiorum regionum incolas magnis parasangis exsuperant . Pulcre docet Philosophus lib. 1. polit. 3. Victus alimentique diversitatem diversas ac dispares hominum vitas efficere . Curiosum est lectu in historiis, sarcophagos longe magis delectari carne Gallorum, Italorum, quam Danorum, Belgarum ceu crassiore & crudiore .
- b* Motus calorem partibus intimis quasi sopitum & torpescentem excitat, diffundit foras, in ventriculum evocat, unde concoctionem, alimenti distributionem, excrementorum omnium supervacaneorum expulsionem juvat . Victus crassus tutus est illis personis, quæ imbecilles sunt, quiete ac otio nec laboribus assuetæ . Sapienter Hippocr. in lib. de Med. prisc. sect. 1. p. 3. scribit : Valentiora alimenta hoc habent, quodsi a natura superentur nutriant egregie, si non dolores & morbos frigidos producant . Et Celsus pag. 106. valentiora minus facile concoqui, sed si concocta sint, plus alere . Labore itaque & motu hic opus est .
- c* Semper aliquid concedendum consuetudini in sanitatis conservatione, ut monet Hippocr. sect. 1. aphor. 17.
- d* Crassos spiritus & humores similisque naturæ excrementa proferunt cibi atque potus crassæ compactæque substantiæ, ut panis azymus, bubula caro, majorumque animantium & piscium esus, vinum crassum ac rubrum; tenues vero gignunt alimenta & medicamenta extenuantia, potusque tenuis & liberalior . Fernel. lib. 1. c. 20.
- e* Pythagoræi a fabis abstinebant . Testatur hoc Tullius lib. 11. de divinatione hunc in modum scribens : Jubet igitur Plato sic ad somnum proficisci corporibus affectis, ut nihil sit, quod errorem animis perturbationemque afferat . Ex quo etiam Pithagoræis interdictum putatur ne faba vescerentur, quæ res habet inflationem magnam, tranquillitati mentis querentis vera contrariam . Idem testatur Plutarchus in Problematis, causamque addit, quod omnia legumina ventum & humorem impurum afferant corporibus, atque hanc ob causam ad venerem incitent .
- f* Galenus lib. de Alimentorum facultat. historiam notabilem refert de noxa pultis ex farina tritici ubi semper gravitatem & dolorem ventris induxit .
- g* Saccharata & dulcia uti omnibus nocentissima sunt, sic & Litteratis . Sanguinem reddunt viscosum & crassum, & acidum primarum viarum magis exacuunt, & tonum ventriculi & in-

parum devitare . Laudamus magis victum tenuem, vel medium, cibos simplices *a* facilisque digestionis *b*, boni succi & conditos cinnamomo, nuce moschata, *c* cardamomo, croco, majorana, item juscula ex bonis carnibus parata, tempore æstivo lac, ova, illorum vitellos, cremorem lactis, modicam carnem animalium juniorum, & quæ sunt ejusdem generis alia. Ex potulentis nocent cerevisiæ crassæ nimium lupulata, quæ ingeniis nocent, dum vaporibus replent caput. Magis probantur pro studiosorum sanitate tuenda temperatæ bene coctæ, ex levi & subtiliori aqua *d* confectæ, & quæ tam palato, quam ventriculo gratæ acceptæq; sunt, & urinam promovendi virtute pollent eximia.

C A P. IV.

Non inutilis quæstio oritur, an potus aquæ apprime litteratis conveniens sit? Cui respondemus; proflare exempla, ubi viri eruditi ab ordinario aquæ potu nullam sanitatis aut ingenii damnum deportarunt, quinimo ad longissimam vitam *e* pervenerunt. Nihilo secius non promiscue omnibus individuis quadrant maxime in regionibus nostris, quæ propter frigiditatem aquas bonas ac tenues non admittunt. Quarum signum est si cito descendunt ex hypochondriis, pinguedinem in animalibus albam hepata rubra efficiunt & renes absque lapillis præservant. Cholericis qui ingenio ac spiritibus exsuperant & humores acres ac biliosos in venis alunt, aquam bene ferre possunt. Læduntur autem ab ipsa pituitosi, & qui viscosum habent minus perspirabilem tardiorisque motus

Et intestinorum destruunt, ad flatulentias præsertim hypochondriacas disponunt. Adde quod intemperies sanguinis a dulcibus introducta, difficulter a remediis corrigatur.

Dulcia se in bilem vertent, stomachoque tumultum

Lenta feret pituita

Horat. Satyr. 2. l. 2.

- a* Cibus simplex homini est utilissimus. Seneca l. 1. ep. 90. Multos morbos multa fercula fecerunt, & simplex ex simplici causa valetudo. Innumerabiles esse morbos miraris? coquos numera, inquit idem loco citato Aristoteles probl. Cibus varius morbosus, turbulentus enim est, neque etiam omnibus una concoctio. Et Confer. Horat. Satyr. 2. l. 2.
- b* Plinius de avunculo suo scribit, ipsum sumsisse cibum interdum levem & facilem morbo veterum. Cæna ante omnia parca sit. Platonica cæna laudatur quia non solum in præsentia sed & postero die jucunda fuit. Tull. Tusc. 5. it. Athen. l. 10.
- c* Hæc blando subtili oleo pollent, spiritibus valde amico. Commode quoque Eruditi ad actiones mentis facilitandas, digestionem juvandam & ad spiritus recreandos inter cibos uti possunt sale volatili oleoso cinnamomifato, vel cum oleo cardamomi essentificato & maritato cum essentia ambre: hoc balsumica vi a plurimis morbis præservat.
- d* Aquæ bonæ characteres sunt, si omni sapore ac odore caret, pellucida, levis est, post evaporationem parum crassamenti relinquit, sitim sedat, prompte incalescit, hyeme calida est, æstate gelida, & qua legumina facile & cito percoquantur. Corrigitur aqua si bis vel ter per arenam coletur aut coquatur, vel pauca guttulæ spiritus aromatici instillentur, aut vino misceatur.
- e* Primævi homines ante diluvium præter aquam nihil aliud biberunt, & ad extremam senectutem sani robustique degerunt. Petebant illam ex fluviis & eo nomine fontes querere solebant, uti constat ex Gen. c. 26. Priscis aquæ potum, ac primævis usitatum indicat Tibullus l. 2. eleg. 3. ita canens.

Glans alat & prisco more bibantur aquæ.

Claudius Deodatus in Panth. Hygiastic. l. 2. c. 12. potum aquæ salubrem pronunciat, eaque Patriarchas usque ad Noë tempora post diluvium, usos fuisse ostendit. Brachmanni longævi erant, quia abstinebant ab esu carniū & vino, dum nullum ferme animal, quod carne vescitur, longævum est, sed ipsi utebantur cibo simplici vegetabili & aqua. Nec nocet aquæ potio ingeniis. Demosthenem abstemium fuisse prodiderunt. Cujus exemplo & argumento eos acrioribus ingeniis homines pronunciant qui aqua, vino autem non utuntur vid. Cælius Rhodig. l. 28. c. 36.

rus sanguinem. Cæterum potus aquæ calidus, qui etiam priscis in deliciis fuit *a* multis gravissimis morbis præservat, maxime si correctus fuit virtute herbarum balsamica *b* vel etiam vini mixtura, *c* convenientissimus est uti omnibus individuis, sic quoque Eruditus dum sanitatem conservat. *d* Quandoquidem ipse tenuitatem sanguini & humoribus fœnerat, illorumque perspirationem, circulationem, nec non depurationem egregie promovet, ut sic spiritus, & subtiliores & copiosiores procreentur, ad vigilias & mentis functiones conducentes, quo nomine inter eruditos celebratissimus est potus thee. Quod vini usum attinet, circumcidendus ille est, maxime juvenibus: Equidem paulo largiori copia mentem & vitam vegetiorem & alacriorem *e*, sed tamen hanc breviorē efficit. Concedendum id ipsum si bonæ notæ sit provectioris ætatis hominibus & qui

laborant ventriculo debili; *f* qui flatus, ructus, dolores ventris tensivos, & somnum inquietum accersit. Vinum autem stomachum languentem confortat, vitia ejus corrigit, placidum conciliat somnum, & spiritus progenerat ad actiones subeundas satis subtiles. Ubi tamen generatim tenendum est, non deteriore ingeniorum esse pestem *g* ipsa ebrietate sive ex vino sive ex cerevisia. Potus omne inebriantes intemperantius, maxime circa tempus nocturnum *h* hausti vaporibus pessimis implent cerebrum & suscitato calore sanguinis texturam laxant, arteriolarum poros aperiunt, ut impuræ & crassiores sanguinis partes promptius cerebri subeant tubulos angustissimos, unde gravitas & dolor capitis, torpor, lassitudo corporis oboritur, ingenii vigor minuitur, catarrhis via panditur, & filum vitæ præscinditur, quod tristissimo spectaculo *i* experiuntur præcipue juvenes.

X 2 qui

a Et Græci & Romani usi fuerunt potu calido. Vid. Athenæus Deipnosoph. l. 3. c. 34. Innucere hoc quoque videtur Horat. l. 3. od. 19. quærens.

— quis aquam temperet ignibus.

Et cum ipso Juvenalis: Quando vocatus adest calidæ galidæque minister?

b Olaus Borrichius de usu plantar. indigenar. harum infusa calide bibita mirifice laudat, ut spiritibus earundem longe præferat, dum illa vim faciunt corpori nostro, hæc autem moderate agunt.

c Veteres Romani & Græci calidam aquam cum vino miscebant, quorum exempla imitati fuerunt Anton. Persius & Galli, quorum meminit Bruyerinus loco citato.

d Dum humores pravos salsos diluit, & e corporis sphaera per sudoris & urinae vias educit, graves & difficiles morbos continuato & frequenti usu persanat. In podagra usum aquæ simplicis loco vini magnificum ac pene divinum præsidium vocat Bruyerinus de re cibaria l. 16. c. 13. Confirmat hoc l. 12. c. 2. medici Veneti exemplo, qui ad senium usque correptus podagra vinum dum biberat, liber dein & dolorum expers ad ultimum senium fuit, aquam dum biberet. Confer exempla eorum, qui ad extremam pauperiem redacti & in carceres coniecti, aquam pro vino bibere cogebantur apud Schenk lib. 1. obs. Præsertim contra catarrhos præsidium est utilissimum: vid. Barthol. Pasquet. lib. 2. destill. cap. 4.

e Vinum optimum medicamentum mentis dixit Oribasius, & Plato in Phædone. Vinum animum cum corpore calefacit. Hanc ob causam ingeniosi & poetæ omni tempore vini usum maximi fecere, unde etiam caballus Poetarum appellatur. Qua de re eleganter Taubmanus in Melodæsia. Hujus sententiæ favorem addit Horat. ep.

Nulla placere diu nec vivere carmina possunt

Quæ scribuntur aquæ potioribus.

Ingeniosiores populi sunt, qui vino utuntur, præ illis, qui cervisiam bibunt.

f Etiam ipso Paulo teste vinum stomachum languentem confortat.

g Habet vinum æquale cum igne robur, qui hominem subierit, conturbat eum ceu Lybicum mare aquilo vel auster; unde quoque prodit ea quæ latent in recessu mentis & virorum animum in universam concutit. Vid. Strabo l. 13. Hor. Serm. l. 2. Satyr. 2. corpus onustum hesternis vitiis animum quoque prægravat una atque affigit humo divinæ particulæ auræ. Pocula vel mentem rapiunt prudentibus omnem.

h Ovid. in metamorph. lib. 15. Nocte nocent potus, sine noxa luce bibuntur.

Apparent rari nantes in gurgite vasto Tull. in Catone: Libinosa intemperansque adolescentia effæctum corpus tradit senectuti.

qui antequam corpus satis firmum ac stabile nacti sint mero se obruunt. Spectat huc quoque abusus nicotianæ, cujus fumum interponunt computationibus sæpius per noctem, quod pessimum, utpote narcotica sua vi spiritus figit, concoctionem turbat & mentis actionem pervertit, cum alias usus moderatus & circumspæctus pituitosis & in aere crasso degentibus bonum medicamentum sit. At vero nec hic dissimulare possumus, rursus peccari frequentius a litteratis in defectu potus *a* dum non sufficiens assumunt liquidum. Eget enim copioso humido, sanguis, quo fluidus conservatur, circulatur & ad sequestrationem heterogenearum partium aptus redditur, dum ex adverso defectus humidi excretiones fordium retardet, alvum exsiccat, serum sanguinis reddat falsius spissiusque, unde hypochondriorum & alvi obstructions, morbi salini, scabies, scorbutus, calculus propullulant. Quivis itaque & hic explorare debet ingenium corporis sui & humorum, ut justam mensuram potus *b* invenire atque observare possit. Non facile enim pro quovis individuo certa mensura liquidi exacte determinari potest.

C A P. V.

A Iterum quod stomacho, sanguini, spiritibus & ex consequenti ingenio mirum nocet, est nimia voracitas *c* vel ciborum satietas præsertim in cœna. *d* Quandoquidem cibus nimius spiritus & omnem quasi naturæ vim *e* mentis & animæ functionibus revocat, occupatque in concoctione, quo fit ut capiti simul speculationique intendere nequeant. Deinde cibus exsuperans gravis ventriculo est, vires premit, in rudem facessit chylum, crudum & crassum sanguinem procreat; hinc intemperies, obstructio, hinc plethora, quæ vitia gravissimorum morborum causæ antecedentes continentisque fiunt: & quamvis etiam satis cibus coquatur, aciem tamen mentis obtundit, & ut Galenus ait, animus sanguine & adipe suffocatus cœleste aliquid *e* pervidere non potest. Unde etiam pessimum est, proximis horis post cibum meditationi difficiliori sedulo indulgere. Meliores progressus in studiis experiuntur, qui temperanter & sobrie vivunt *f*, modice pasti sunt, & quando satis temporis a pastu effluxit, demum in studia incumbunt. Postea

-
- a* Quantitas potus sufficiens concedenda est necessario omnibus, alioquin cibus copiosus, præprimis in cœna destitutus sufficients potu, pertinacem causatur obstructionem, hypochondria infarcit, falsos procreat humores, unde scabies, stranguria, qui affectus opificibus & juvenibus vitæ sedentariæ valde sunt familiares. Gal. ad 4. aph. 83. multus dandus est his, qui habent alvum siccam, contra, qui humidam.
- b* De Bartholo Ictorum principe dicitur, quod ad mensuram certam & pondus biberit, ut ingenium omni tempore equaliter dispositum, nec unquam alteratum haberet, quod mirifice commendatum sibi habeant juvenes litterati. Quamvis & in hoc medice vivere, non raro pessime sit.
- c* Hippocrat. ubi cibus præter naturam copiosus ingestus est, hic morbum facit, proinde uti a multo oleo lucernæ flamma, sic a cibo copioso suffocatus calor natus. Non minus acute quam facete, quidam intemperantiam medicorum nutricem appellant. Perniciosa sentina est abdomen insaturabile, omnium tum corporis tum animi vitiorum fons atque origo.
- d* Nam, Et magna cœna stomacho fit maxima pœna. Ut sis nocte levis, sit tibi cœna brevis; Schola Salernitana. In cœna liquidiora & facile resolubilia commodius assumuntur, quoniam nutritio noctu melior, resolutio autem ciborum difficilior est.
- e* Hieronymus: Plenus venter non gignit spiritum tenuem. Quid quod nec mente quidem recte uti possumus multo cibo & potione repleti. Tullius Tuscul. l. 5. Eodem pertinet quod scripsit Theophrastus lib. 5. Phil. Multum edere & carnibus vesci, rationis & consilii usum adimit, animosque efficit tardiores & eos immani quadam dementia ac stultitia complet.
- f* Una temperantia totius est jucundæ salubrisque vitæ moderatrix. Et nulla calamitate vel ærumna premetur, qui vitæ fundamentum jecerit temperantiam. Tempore isto cum temperata omnia erant, Macrobios i. e. longævas ætas tulit. Plinius: quando voluptas vivere cepit, vita ipsa desit. Gigantes & pugiles forrissimi viri sobrii erant; Vid. Olaus Magnus in Tr. de gentibus Septentrional. lib. 5. c. 3.

Itea non possumus non & hic quoque improbare illorum modum, qui longius jejunando abstinent, vel ab omni cœna, vel etiam cibis vix satiati corpus defraudant viribus. Ut ut itaque temperantia ad vitam sanam & longam conferat, & ad profectus in studiis apprime utilis sit, non temere tamen cibo & potui aliquid demendum est, sed ipso satiandum corpus, quamvis non onerandum *a*, ut spiritus ad studia necessarii reficiantur & apte illud resarciatur ac restauretur quod tum caloris vi, tum aeris circumfusi necessitate dissipatum e corpore fuit. Quod attinet somnum & vigilas litteratorum, moderatior hic maxime commendandus est. Immoderatior *b* calorem obtundit, pituitam & omnis generis supervacanea adauget, spiritus obfundit & obscurat omnesque sensuum & mentis vires torpore & ignavia quadam debilitat. Somnus ille semper optimus est, qui durat ad concoctionem absolutam. *c* Imbecillitate corporis & ventriculi laborantes longiorem desiderant. Quo major enim quantitas alimenti & quo major cruditas, hoc longior debet esse somnus. At vero multum & hic solent litterati peccare, qui vigilatas noctes ex ordine ducunt, & necessariam ad vires repa-

randas sibi demunt quietem. Somnus est requies animi *d* & pars humanæ melior vitæ, & quantum demitur somno, tantum viribus & spiritibus, & isti non pauci requiruntur ad studia, secus ac vulgus putat: sufficienter itaque dormire debet, qui feliciter in studiis vult progredi, ut concoctio absolvatur, & spiritus de die dissipati, ad meditandum autem necessarii, restituantur. Nimia autem vigiliæ *e* spiritus exhauriunt, corpus debilitant & cruditates ingenerant maximas. Denique dispiciendum est, quænam positura corporis in studendo litteratis maxime conveniat, & quæ circa motum & quietem notanda veniant. Nonnulli mirum amant sessionem. Fatemur illam non plane rejiciendam esse, sed magis ipsa offendi illos, qui minus huic assueti sunt & quibus vita otiosa, & sedentaria est. Alias quando quis sedendo solus & sibi relictus a motu immunitatem nactus est, uberior & excitator animis vis exsurgit. Quippe spiritus, qui alias ad musculos convertuntur, sic retracti in animæ ministerium se impendunt, & egregiarum rerum ideis in cerebro disponendis unice serviunt. Alii mala quæ ex sessione fluunt, corrigere omni modo contendunt statione

-
- a* Quantum decedit cibo & potui, tantum decedit spiritibus & viribus, quantum spiritibus, tantum studiis. Vid. Wedelius de diæta litterat. Tantum cibi & potionis adhibendum ut reficiantur vires non opprimantur: Cato Major de senectute.
- b* Plato dicebat somnum immodicum & corpori & animo obesse lib. 30. cap. 9. Ipse prima nocte surgebat & non plus dormire solebat, quam quod satis esset ad vitandam ex nimia vigilia malam habitudinem. Homer. Iliad. 20. Turpe duci totam somno consumere noctem.
- c* Celsus lib. 1. cap. 2. Qui bene concoxit mane tuto surget: qui parum quiescere debet, & si mane surgendi necessitas fuerit redormire: Qui non concoxit, ex tuto quiescere, ac neque exercitationi, neque negotio credere. Qui vires imbecilles habent, nihil somno detrahere debent.
- d* Somnus ab antiquis Poetis appellatur pax & tranquillitas omnium rerum, nec non quies spirituum: Sic canit Ovidius:
- Somne quies rerum placidissime somne Deorum,
Pax animi quem cara fugit & pectora duris
Fessa ministerii mulces reparasque labori.
- Et Seneca in Tragœdia:
- Tuque o domitor somne malorum
Requies animi, pars humanæ melior vitæ.
- e* Immoderate si fuerint, temperamentum hominis mutatur: facies pallescere incipit, corpus macie contabescit, oculi in capite concavi cum austero & tristi vultu fiunt, concoctio vitatur, vires depauperantur, sanguis siccatur, exardescit. Optimum remedium ad vigilas diuturnas est balneum ex herbis paregoricis paratum tempore vespertino.
- f* Quies diuturnior & exercitationis intermissio; qualem habet desidiosa vita, inertem calcem, spiritus ignavos ad omnes sensus & mentis natureque functiones segniores facit. vid. Fernel. lib. 1. de morborum caus. cap. 16. Plato in Theæteto. Corporum habitus otio

tione quam corpori non ita nocere existimant. Verum enim vero etiam admodum falluntur. Statio enim non modo ipsa sessione peior, sed & perniciosior corpori esse solet; utpote in ejus figura perpendiculari sanguinis & humorum descensus promovetur quidem, ascensus autem retardatur, nisi membrorum actione & ambulatione sanguini in pedibus lentius progredienti succurratur. Porro statio musculorum æquilibris tensio est, cui tota corporis moles ad perpendicularum incumbit, quantum autem hoc lassat dici vix potest. Postremo spiritus etiam impenduntur, sic dupliciter & menti vacant & musculis in tono servandis. Prudentius itaque in totum est, aliquantum se movere, ambulare & quando indulgemus meditationibus, quo in musculorum actione servetur æquilibrium. Deinde quoque ex motu, plurima bona in corpus profluunt. Musculi enim dum sic æqualiter moventur, fluidi circuitus ex æquo respondet, a quo cum viscera &

corporis membra firmitatem, robur atque calorem accipiant, utique etiam partium actiones, in illa sanguinis per motum divisione mirifice confirmari, credibile est. Præterea motus digestionem & concoctionem egregie procurat, & siquid a concoctione superest lenti humoris, commode & feliciter dissipat atque attenuat. Motus enim ad vitam & sanitatem maxime utilis est. Quo plus alimenti, & crassius assumitur, eo validior & diuturnior debet esse motus *b* & vice versa.

C A P. VI.

Ultimo loco litterarum studio flagranti primum omnium commendanda est vera animi tranquillitas, quæ genuinum animi pabulum est, quo nutritur & sustentatur. Hoc si animus perfusus est, non tantum corporis functiones, sed & ingenii vires vegetiores exsurgunt. Fieri non potest inquit Plato, ut animus bene affectus non corpus quoque vi sua optimum reddat. Et deinde quamdiu mens nostra in se quieta est, nec affectuum

& torpore corrumpitur, exercitiis autem & motu plurimum conservatur. Sessio nimia disponit maxime ad affectum hypochondriacum. Optimum remedium est ambulatio, unde illud apud Plautum: Ambula, hoc lienosis prodest.

* Mirum est inquit Plinius lib. 1. ep. 7. quod animus agitatione motuque corporis excitetur. Idem Plinius non minus animum quam corpus exercebat; animum eruditione, corpus venatione; mille passus mane ambulabat: movebatur quoque pila vehementer, nam hoc exercitationis genere pugnabat cum senectute, unde illi post septimum & septuagesimum annum aurium oculorumque vigor integer, inde agile & vividum corpus. vid. Plin. lib. 3. epist. 1. Seneca lib. 1. epist. 90. p. 786. corpora opere ac vero labore durabant; Socrates sanitatis causa artem saltatoriam magnificiebat, & ipsam quoque addidit vid. Athenæus lib. 1. cap. 16. unde exercitia moderatiora, saltatio, equitatio maxime ante cibum juvenibus concedenda sunt. Socrates dum solebat quotidie fere usque ad vespertinam contendere ambulare, a quodam interrogatus cur hoc faceret? respondit quo melius cœnem. Quibus verbis ostendit Vir sapientissimus, ambulationis usum, tum ad ciborum appetitum, tum ad cruditates absumendas non parum conferre. vid. Cic. lib. 4. Tusc. quæst. Notum est illud Hippocratis: Ο τὸν σίτην ἐνέειδω; Labor cibum antecedit. Et Cyrus apud Xenophontem l. 2. coram adhibeat ne unquam sui ad prandium aut cœnam ἀνιδροτοὶ sine sudore accederent. Mollihus autem viris & qui contemplationi se dederunt consulo, ut repentinam exercitationem & quæ laboriosa est ac fatigat, omittant: commoda deambulatio in *b* aere sereno maxime ante cibum & tempore matutino anticiissima studiosis est.

Gigantes & fortissimi viri, athletæ fumido ac rancido usi cibo fuerunt, ne virtutis nervos externarum deliciarum contagione remitterent. Unde fortium crudus cibus est virorum. vid. Olaus Magnus hist. septentrional. gentium lib. 5. c. 3. Victus crassus & multum nutriendus minus tutus est illis personis, quæ imbecilles sunt, quiete ac otio fruuntur nec laboribus adjectæ; Motus enim est, qui intimiore attritione & vi sua elastica crassas alimenti particulas resolvit, subigit, digerit & in substantiam corporis nostri convertit. Quies autem nutritionem sufflammat, obstructions morborum generatrices atque ingenium tardum & fluxile parit. Olim athletæ, qui robustissima membra & nimio sanguine atque adipibus quasi luto involutas animas habebant, panem grossiorem, quem dicebant coliphium ἀπὸ τῆς κολῆς membrum & ἰσχυρὸν robur, quasi robur membrorum, dumtaxat edebant in prandio, in cœna vero carnem suillam non elixam, sed igne paululum assatam, & aquam calidam bibebant, ut alimentorum duritie ac crassitie non modo uberius nutrirentur, sed etiam diutius saturi permanerent vid. Petr. Faber. Agonistices lib. 3. cap. 3. p. 231.

Autum cupiditatumque fluctibus jactatur: non tantum veritatem (quæ ipsi propria est & ad quam quærendam non aliter creata mens est, quam oculus ad lumen solis perspicendum) clarius assequi & secundum divinam animæ partem mores & actiones suas instituere poterit vel etiam corpori & vitæ, sanitatique melius præesse. Consistit enim tam animæ quam corporis sanitas in placido, æquabili & temperato spirituum animalium & humorum motu. Nihil autem magis illud æquilibrium tollere solet, & spiritus in motu suo turbare, quam animi pathema: unde etiam ejus perturbatio vocatur. Omnis itaque qui vitam sanam & longam exoptat, qui in studiis multum proficere vult, ille sanam, tranquillam & ab omnibus affectibus liberam ac vacuum mentem habeat, necesse est. Maximum autem ad animi tranquillitatem & vitam longam momentum ponit sanior philosophia *a* & praxis Christianismi. *b* Hisce enim cupiditates animi, ingenio, vitæ ac sanitati nocentissimas, feliciter reprimere possumus. Neque profecto præter tristitiam, animi mœrorem, curam quæ spiritus turbant & consumunt, Venus ullo modo salubris est, utpote quæ ingenii memoriæque pestis *c* existit, maxime si vires exceßerit & ipsam corporis languor, vel dolor subsequatur. Subito namque exhaurit, debilitat, mentem ac sensus infirmat atque convellit, *d* & stomachum labefactat atque

enervat. Tandem unicum remanet litterarum studiosis tenendum, ut labore & studiis commendatam sibi habeant moderationem ac temperiem. Peccari contra solet indies, dum litterati per dies ac noctes libris ac museis affixi studia vehementissime urgent, quasi vi possit nasci eruditus cum tamen revera postponant magis profectus. Continua enim & non interrupta meditatio e necessarias corpori subfuratur vires, motumque spiritus consumit & evocato e contrario ad laborantis cerebri subsidium igne cruditates accumulatur, quæ obstructions in hypochondriis, quæ omnium malorum fons sunt, producit. Sic revera corpus torpidum redditur, ingenium hebetatur. Quo magis enim illa vi urgentur, eo minores subsequuntur profectus. Tempore namque egent litteræ, quo fructus desideratos ferant. Successiva temporis mora & moderato humido & calido, non vi procreantur flores, cæteroquin nullos ferent fructus. Eadem res est studiorum, quorum intempestiva tractatio non promovet profectus, sed postponit potius. Sapientius illi faciunt, qui moderate in studia incumbunt, & secundum virium proportionem dirigunt meditationes, ac honesto otio animique remissione quandoque fruuntur. Moderata enim durant, & agri quiete egent quo meliores fructus ferant. Qui medio gradu sic incendunt, longe subtiliores postmodum conficiunt speculationes & sublimiora ingenii opera concinnant, & talia in-

a Lucianus lib. macrob. p. m. 827. Longævus annumerat Philosophos, & omnes qui ingenio & eruditione præstantes fuerunt, aliqua sui cura habita ad extremam senectutem pervenerunt, & eodem loco recitat multa exempla Philosophorum longævorum. Speculatio novæ rei & magne aut pulchræ suaviter spiritus oblectat: Unde videmus Democritum, Parmenidem & alios naturæ admiratores ad longam pervenisse vitam, inquit Vossius in lib. de Idololatria Gentilium p. 910.

b Quicunque per veras spirituales virtutes ac preces Spiritum S. jungit animæ suæ, incredibile gaudium, tranquillitatem, pacem, amorem possidet, qui affectus sunt ad vitam sanam & longam multum facientes, ut sic revera Christianismus ad vitam sanam & longam cæteris paribus potissimum contribuat.

c Musas atque Minervas virgines esse voluerunt Veteres. Huc Platonice illud spectat: Cum Venus Musis minitaretur, nisi sacra venera colerent, se contra illas suum filium armaturam. Responderunt Musæ: Marti o Venus talia minitare. Tuus enim inter nos Cupido non volat. Tacit. demors. Germ. Rara juvenum Venus eoque inexhausta pubertas.

d Hippocrates coitum comitiali morbo similem judicavit, quia mentem quæ sacra est percellit.

e Anxiæ & morosa studia obsunt valetudini, quia spiritus consumunt vid. Vossius de Idololatria Gentilium p. 910. Vide elegantem tractationem de studiorum intemperie C. Wedelii.

f Vegeta & strenua ingenia quo plus recessus sumunt, hoc meliores impetus edunt. Valerius Maximus lib. 3. c. 6. Danda est remissio animis: meliores acrioresque requieti surgent. Ut fertilitas agris non est imperanda, cito enim exhauriet illos nunquam intermissa fecunditas: ita animorum impetus assiduus labor frangit. Senec. de Tranquillitat. animi. Indulgendum est animo, dandumque subinde otium, quod alimenti ac virium loco sit:

invenire solent *b* otiosi, quæ illis, qui continuo studio se macerant nunquam in mentem inciderunt. Ultimo loco quoniam literarum cupidis atque eruditis non nunquam accidit, ut pituita copiosior ex nimis meditationibus, vita sedentaria, prava ciborum digestionem non tantum corpus sed & caput occupet & gravet, atque hebetes & obliviosos efficiat, unde sæpius sine remediis exonerari non potest: *c* commendamus itaque tali in casu inediam; ex remediis sunt pilulæ cephalicæ, salia volatilia oleosa, ambrata, succinata & ejusdem generis, quæ cerebro mirum conferunt, item medicamenta quæ blande & citra tumultum humores crassos & viscidos per alvum evacuant, & simul facultate, nervos ac caput roborante, pollent. Extrinsecus vaporosa suaveolentia, præsertim in tenerioribus & in copia maxime evitanda sunt, dum facile dolorem in capite causantur, & vertiginem producant. Tandem memento, optimam semper esse temperiem aeris, alimentorum, motus, somni, vigiliarum, studiorum ac laborum, animique: & omnia temperata custodienda esse, quæ ferme omne punctum ad vitam longam & sanam perveniendam absolvunt. *d* Hisce discussis concludo cum Marsilio Ficino exquisitissimo Philosopho & Theologo. *a* Si homines veritatis cupidi tanta Medicorum diligentia corporeum spiritum curare debent, ne forte omnino neglectus vel impedimento sit, vel inepte serviat quærentibus veritatem, multum procul dubio diligentius in corporeum spiritum, id est, intellectum ipsum disciplinæ moralis institutis colere decet, quo sola veritas ipsa cum sit incorporea capitur. Ne fas enim est, solum animæ servum, id est, corpus colere, animumque verum corporis dominum regemque negligere, præsertim cum Magorum & Platonis sententia sit corpus to-

tum ab animo ita pendere, ut nisi animus bene valere non possit. Quapropter Medicinæ auctor Apollo non Hippocratem quamvis ex sua stirpe genitum, sed Socratem sapientissimum judicavit. Quippe cum quantum Hippocrates corpori, tantum Socrates animo sanando studuerit, quanquam quod tentaverant illi, solus Christus efficit. Proinde si mentem nostram optimis colere modis a Socrate idcirco jubemur, ut lucem veritatemque naturæ instinctu quæsitæ serenamente facilius assequamur, quanto magis veritatem ipsam divinam inprimis religione sancta fas est venerari. Ad quam quærendam capiendamque non aliter creata mens est, quam oculus ad lumen solis perspicendum. Atque ut Plato noster inquit: Quemadmodum visus nihil usque visibile perspicit, nisi in ipso summi ipsius visibilis, id est, solis ipsius splendore: ita neque intellectus humanus intelligibile quicquam apprehendit, nisi in ipso intelligibilis summi, h. e. DEI lumine nobis semper & ubique præsentem. In lumine inquam quod illuminat omnem hominem venientem in hunc mundum. In lumine de quo canit David: In lumine tuo videbimus lumen. Profecto quemadmodum purgatis oculis, inque lumen aspicientibus subito splendor ejus infunditur coloribus figurisque rerum abunde refulgens: Ita cum primum ab omnibus corporis perturbationibus per moralem disciplinam purgata mens est, atque in divinam veritatem, id est DEUM ipsum religiosa quodam flagrantissimoque amore directæ, subito ut divinus inquit Plato, divina menti veritas influit, rationesque rerum veras, quæ in ipsa continentur, quibusve omnia constant, feliciter explicat, quantaque mentem circumfundit lumine tanto, simul & voluntatem gaudio perfundit.

EXER-

Et in ambulationibus apertis vagandum, ut cælo libero & multo spiritu augeat attollatque se animus; Aliquando vectatio iterque & mutata regio, vigorem dabunt, convictusque & liberalior potio. Adde & illud Xenophontis: fortium virorum voces & gestus etiam in vino & lusu dignum studio & memoratu quiddam proferre. Corpori vaco, cujus fulcris animus sustinetur, inquit Plin. lib. 2. ep. 9.

b Ipsum illud silentium quod venationi datur, magna cogitationis incitamenta sunt. Experieris non Dianam magis montibus quam Minervam inerrare. Vid. Plin. lib. 1. ep. 6. Ingenium secessus maxime appetit ubi magna recluduntur. Idem l. 6. 31. Frequenter comædiis cæna distinguitur, ut voluptates quoque studiis condiantur. Plin. l. 3. ep. 1.

c Exercitatio cum inedia a multis præservat morbis, dum crassum sanguinem movet & attenuat atque ejus copiam imminuit. Hippocrates: non repleti cibis & impigrum esse ad laborem sanum efficit corpus.

d Prævitæ victus, somno sufficiente, exercitatione modica, animique letitia tota vita humana ac sanitas constat. Cætera sunt quædam additamenta, & parum efficiunt. vid. Cardanus de Sanit. tuend. p. 349. *e* Vid. ejus tract. d. tuenda studios. valet. in fine.

EXERCITATIO MEDICO-CHYMICA

D E

CINNABARI ANTIMONII,

Ejusque eximiis Viribus, Usu tam secretiori quam vulgari tam
in Morbis huc usque cognitis quam incognitis.

Adjecta sunt Ratiocinia varia sat curiosa.

A D

LECTOREM.



Cite ait Seneca : *Natura per Naturam explicanda, non vero per rationes evertenda.* Peccant in hoc Galenici, qui quasi omni chymica experientia ejurata solis rationibus per se admodum frivolis ac languidis quasi per fascinum naturæ phænomena metiri ac explicare conantur. Empirici dum vitarunt hoc vitium, in contrarium inciderunt, despondentes quippe omnem rationis usum in ruditer saltim observata experientia acquieverunt, sine ullo habito respectu causarum ac circumstantiarum. Felicissimum contra nostrum est seculum, splendidissima medicinæ hodiernæ facies, cum sola Philosophia Experimentalis seu Chimia rationali auspiciato Naturæ arenam intraverimus. Experientia quippe & Ratio amice conjurare debent; altera alterius poscit opem. *Illa enim Ratio, quæ secundum Illustrem Baconem de Verulamio in novo organo scientiarum, est optima, quæ debitis modis elicitur ex rebus, & vocatur naturæ interpretatio, quæ verior efficitur per instantias & naturæ experimenta idonea & apposita.* Philosophia autem hæc Experimentalis per axiomata, quæ condita & confirmata sunt phænomenis variis chymico igne erutis optime traditur: horum enim qui copiam & rationem habet, næ is de quibusvis obscuris pronuciare valebit. Per universalia enim, quæ particulares experientiæ rationi subministrant, quivis naturæ scrutator ex notis suas illationes in ignotissima promovere potest. Quivis ex hisce facile (nisi fungum habeat pro cerebro) videt, quantam lucem rerum naturalium explicationi, ipsique arti Medicæ suffundat ocularis Chimia: Hæc enim ut affabre loquitur Helmont. in Tr. Pharmacop. & Dispensator. moderno. §. 32. *principia habet non logismis parta, sed quæ per naturam sunt cognita & per ignem conspicua, præparatque intellectum ad penetranda naturæ occulta, ponitque investigationem in natura ulteriorem quam alie scientiæ omnes.* Adeoque secundum eundem Helmontium, non sufficit libros legere, sed insuper oportet vasa atque carbones emere, vigilatas ex ordine noctes impendere, quo particulares experientiæ emergant, quæ postmodum divino rationis radio excoctæ axiomata constituere possint. Hac via qui procedit, naturæ cathedram mox possidebit. Methodica hac ratione ego succinctus præsentem conscripsi *Exercitationem Medico-Chymicam de Processu Cinnabaris Antimonii*, quæ si non in omnibus cujus vis delicato sensui respondeat, veniam facile impetrabo ab eo, qui materiæ considerat gravitatem. Hanc præprimis ad manus sumere penitus excutiendam mihi placuit, cum processum hunc Cinnabaris Antimonii in tota Chimia non solum difficillimum, verum etiam optimum ac fructuosissimum deprehendam. Ingredientia sunt saluberrima illa astra & quasi Chimie occultioris & totius Medicinæ fulcra Antimonium & Mercurius, quæ hic mutuo amore conjunguntur & confœderantur jucundissimam ac virtuosissimam datura prolem. Tot hic occurrunt artifi-

Hoff. Opusc. variis argum.

Y

ciosæ

ciosæ encheireses, tot pervestigandæ naturæ rerum, tot explicanda phænomena, colores, tot exsurgunt nobilissima Medicamina, quæ Divinas Medentibus porrigunt manus. Omnia itaque experimenta, phænomena occurrentia sollicitus ad rationis trutinam perpendam, encheireses fructuosas, experientiam manualementem insinuabo, naturas ingredientium examinabo, medicamenta selectiora ac compositiones rariores recitabo, simul vires & modum agendi subjungens.

C A P U T I.

D E

Nomine, Auctore, Differentiis
Cinnabaris.

Cum curiosior nominum ventilatio ac enodatio (a qua exordia vulgo ducere solemne) ad criticam potius quam Medico-Chymicam spectet cathedram, hinc circa corticem, & ipsius nominis enodationem nolumus esse longiores, ad ipsarum rerum tractandarum curiosam investigationem potius digressum facturi, in antecessum paucis saltem leviter delibatis.

Cinnabaris Antimonii Germanico idioma te exprimitur Zinnaber des Spießglases. Dicitur a J. P. Fabro curat. p. 736. Sulphur rubrum minerale, Bezoar rubrum, Antimonium rubrum sudoriferum, ab Harmano Butyri Antimonii parergon & Flores butyri Antimonii.

Agnoscent naturæ Mystæ vulgo Cinnabarin duplicem nativam & artificialem. Nativa, quæ operosissimæ naturæ donum, originem suam ducit a Mercurialibus vaporibus & ramosis Sulphuris metallici moleculis in coecis glocosini uteris archæo subterraneo meteorisatis, ac intimius sibi adunitis in corpus coccineum stabile. Differt hæc pro admixtione heterogenearum terrestrium sortium, quæ in ipso generationis actu sese intimius connubunt, & per lotionem frequentem lege artis institutam sequestrandæ sunt. De variis ejus speciebus vid. Johannes Langius in Epist. 65. p. 325.

Artificialem casus & error felicissimus peperit; cum enim quidam Mercurium in Solem mediante Sulphure coagulare & convertere conati fuerint, inducti communi hypothese, illud, ut reliqua metalla constare ex Mercurio & Sulphure, accidit ut corpus illud sanguineo resplendescens colore invenerint. Inter inventores Callias quidam Atheniensis refertur v. de hac re D. Wedelium Anno 3. Ephemerid. p. 172. 173. Cinnabarim hanc factitiam vulgarem (quam

Paracels. part. 6. p. 289. qui sal com. addit in præparatione, Schroderus in Pharmacop. p. 409. Zwelff. Mantiss. Spagy. p. 360. prolixius describunt) præter usum mechanicum nonnulli in civitatem Medicam pro usu interno adscribunt; inter quos eminet Quercetan. in tetrad. graviss. affect. t. 33. qui illam ceu egregium deprædicat sudoriferum. Et subordinari sane Cinnabaris hæc vulgaris (modo suadente lucro & colore rutilanti arsenico non sit adulterata) quam commode potest antimoniali in omnibus morbis spasmodicis & ubi dolorum faces accenduntur egregie, tantum abest, ut ejus usus internus exulare debeat. Quin imo Mercurius iste fixus præcipitatus, quem specioso titulo venditat Febure in traité de la Chimie p. 661. nil aliud est quam Cinnabaris quædam vulgaris (fit nim. ex sale ammoniaco, & Mercurio Sulphure invicem mixtis & Sublimatis) quæ singulares in sinu fovet virtutes nervinas epicrisi Ludoviciana vid. Pharmac. p. 317.

Ad hujus Cinnabaris imitationem philochemici cognito præparationis fundamento (quod tale est, ut beneficio Salis acidæ Sulphur & Mercurius amicabile fœdus ac conjugium ineant, quæ sine Sale ceu amicitia interprete consortium respuunt) rem tentarunt cum Antimonio & Mercurio Sublimato, nim. parte Salina prius igne abstracta, quæ offam butyrosam Antimonialem constituit, restili proportionato Sale Mercurius prægnans inque amplexus arripiens ramosas Antimonitas particulas in Cinnabarinum corpus coagulatus fuit. Hanc alii iterum variis substitutis ingredientibus meliorarunt præparationem, variasque Cinnabaris species produxerunt, quæ latius infra adducuntur.

Utro quoque curiosiores progressi sunt & Solarem Cinnabarim artificialem parare desudarunt, inter quos eminet Greifus qui in Tr. de Theriaca cœlesti, modum proponit, nim. Fiat amalgama Solis & Mercurii, hoc cum Sulphure sublimatum & legitimo modo tractatum in Cinnabarinum concretum coalescit, quod Solis maxime particeps est.

Nobis

Nobis hoc loco animus est, pensiori indagine prosequi processum Cinnabaris Antimonii, præparationis fundamenta, omnia phaenomena, omnia medicamenta occurrentia sollicitius trutinando chymicaque lance æstimando, philosophiam experimentalem in subsidium præprimis orantes. Quo autem felicius scopum nostrum attingamus, & veritatis auspiciis in naturæ arenam descendamus, placet spagyricam ingrediuntium præmittere analysin puta Antim. & Merc. Sublimati. Hinc

C A P U T II.

Antimonii elementa exhibet.

ANtimonium idolum quasi Hermeticorum antria Chymicorum principia possideat & quomodo, præprimis indagandum venit. Hæc uti omnibus corporibus mixtis magis materialiter, quam formaliter, eorum propensiones & feminales potentia existunt: sic illud fatum quoque experiri Antimonium, cum per se sine additione aliorum tria hæc principia elici vix possint, abunde constat. Et (1) quod attinet Sulphur illud non nisi beneficio acidorum Spirituum ex Antimonio producitur, uti id testantur Sulphura φλογιστᾶ ministerio Olei Vitrioli it. Spiritus nitri ex Antimonio extracta, a Boyleo in *Chymist. Scept. p. 24.* it. cum aqua regis secundum Tachenium in *Hippocr. Chym. p. 206.* Cum nitro vel fale ammoniaco permixtum Antimonium, & crucibulo candenti injectum lucidissimam flammam eructat a connubio particularum acidarum cum pinguibus Antimoniatis in Sulphuream texturam abeuntium ortam. Ope nitri peculiari modo regenerati nuper ex Antimonio, it. ex coralliis elegantissimum concretum Sulphureum produxi. Omne enim Sulphur inflammabile est crama e Spiritibus Vitriolatis & substantia combustibili conflatum, uti eleganter dicit summus & extra comparationis aleam positus Boyleus in *Chymist. Scept. p. 24.* Nam cum ignis manifestior sit fermentationis species, ubi Spiritus luminosus influit in Spiritum in materia Oleosa & resinosa insitum, hinc omne Sulphur ex particulis lucidis ceu moventibus, acidis & alcalinis ceu mobilibus compositum esse per se fluit. Omnia enim corpora inflammabilia resinosa Sulphureæ

indolis si Vulcano tradantur & acidum fundunt stigma & Sal vel volaticum vel fixum elargiuntur, uti Sulphur, opium, myrrha, ladanum, succinum, terebinthina, fuligo, ipsum etiam resinofum gialapium, imo omnia corpora inflammabilia id testatum faciunt. Porro Sulphuris elementum esse Sal acidum, ipsius adstruit compositio; ex quo enim quid componitur ex illo etiam constat. Jam autem *Illustris Boyleus in Chymist. Scept. p. 75.* Sulphur inflammabile exacte naturam communis redolens ex Oleo Vitrioli cum Oleo terebinthinæ misto lege Hermetici artificii paravit. Ex maritatione Spiritus salis ammoniaci & Spiritus nitri, (utroque per se flammam versanti) exsurgit sal nitrosum, quod candefacto crucibulo immixtum lucidissimum de se spargit ignem ne gry quidem materiæ relicto: Olea, anisi, terebinthinæ, Tartari destillati cum Spiritu nitri vel aqua forti iusta proportionem combinata fatiscunt in sapam Sulphuream rubicundam inflammabilem, id quod etiam bilis canina commista cum Spiritu nitri leni calore accedente præstat. Color hic rubicundus quoque qui proprius est quasi Sulphuri, & a commistione Spiritus acidum cum particulis combustibilibus oritur, nostrum assertum stabilire videtur. Bilis, omnia Olea destillata v. gr. anisi, tartari, terebinthinæ iusta proportionem copulam Spiritus nitri ineuntia indipiscuntur colorem elegantem rubicundum. Spiritus tartari, mellis, terebinth. fuliginis, lignorum accedente moderato caloris impetu facile in tincturam rubineam abeunt. Inest enim ipsis Oleum subtile per substantiam eorum dispersum, inest etiam acidum, quæ invicem Sulphuris schema induunt. Mixtura simplex, quæ componitur ex Spiritu tartari & theriacali, utroque Oleoso, it. Spiritu Vitrioli acido colorem rubicundum nanciscitur. Pronuper observavimus & analectis nostris chymicis inseruimus, quod Spiritus Salis debite instillatus Spiritui Oleoso volatili (constanti ex Spiritu Salis ammoniaci vinoso abstracto ab Oleo tartari foetido) elegantem coccineum colorem mixturæ induerit. Porro quoque hæc ratio est, quod tincturæ vegetabilium v. gr. myrrhæ, aloes, centaur. min. &c. fl. quatuor cordialium cum acidulo menstruo v. gr. Spiritu salis vel Vitrioli dulci extractæ tam jucunda reluceant rubedine, quæ nim. dependet a miscela ato-

morum ætherearum ac terrearum cum nutritiis acidi menstrui.

Ex hisce videmus, quodlibet inflammabile rubicundum corpus & omne resinosum alere occultum acidum, imo Sulphur Antimonii non formaliter latitare in Antimonio, sed saltem materialiter ac propensivè, dum nim. moleculæ Antimonii terreæ subtiles æthereæ cum acidis accessoriis colliquatæ in concretum Sulphureum migrant.

Idem nostrum iudicium esto de Mercurio Antimonii, qui ex particulis metallicis in Antimonii regulo latitantibus beneficio Essentiæ Mercurificantis ex diversis commissis salibus enatæ paratur.

Hunc non infimæ notæ viri negare & inter non entia proscribere conati sunt, ast remordent hic Chymicorum emunctiores oculari experientia suffulti, inter quos non infimum locum obtinent viri supra fidem veraces *Langelottus* & *Becherus*, qui publicis in scriptis veterum Philosophorum asferta manuali sua experientia confirmarunt. Alii mitius procedentes, non proprium sed adscitum hunc extractum Mercurium Antimonii conjiciunt a Mercurio vulgi in subterraneis pyrophylaceis ipsi Antimonio adfociatum; verum hos refutat laboriosissimum extractionis negotium per trimestre vix absolvendum spatium. Nonnulli Mercurium hunc laboriosissime extractum nil aliud quam personatam Sulphuris larvam pronunciant: cum nim. longæ & exporretæ atomi micantes in Antimonio artificio fallaci rotentur in globulorum stillas, & mercurium mentiantur, qui facile in pristinum minerale redeat. Ast Mercurius ne quicquam de Sulphure participat 1. notum est, e metallis Sulphureo principio turgidis uti ex Marte, Jove, Venere paucissimum elici Mercurium, copiosissimum contra ex Sole, Saturno, Luna, regulo Antimonii, quæ Mercurialibus magis abundant particulis gravissimis, cum Sulphura sint levissima. 2. Mercurialia nullo modo solvi per menstrua Sulphurea alkalia possunt; potius homogenea Mercurialia requiruntur. 3. Mercurius semper eadem forma potest resuscitari, neque in metallum vel minerale facile redigi potest; & quanquam a Mercurio per salium adjectionem (ad purificationem inservientium) particulæ nigre terreæ metalli formam mentientes sequestrentur, oculorum tamen fascinum est,

cum particulæ hæ immerse liquori per aliquot dies iterum abeant in globulos Mercuriales. Ast datur Mercurius Antimonii, qui in omnibus similis communi, excepta virtute.

Præparatur hic Mercurius e regulo Antimonii, commisto cum salibus acido-alkalinis inter se confligentibus ut Spiritu Salis ammoniaci, Spiritu nitri, Sale tartari, tartaro crudo, Aceto, sale ammoniaco, cineribus clavellatis, uti ex fidei communicatione *Basilii Valentini in curru triumphali*. p. 250. *Glauberi*, *Becheri*, *Monte Snyders* cognitum habemus. Fundamentum hujus præparationis est, ut a commistione salium e diametro sibi contrariorum & se invicem effœminantium exsurgant copiosa effluvia ætherea, quæ in subtilissimum fatiscunt Spiritum, qui essentiæ Mercurificantis nomine gaudet, quæ deinde poros particularum metallicarum regularum permeat, particulas resolvit, emollit, & fluidificat. Hinc quoque non inepte *Becherus in Phys. subterranean*. p. 469. Mercurium vulgarem vocat amalgama fluidum ex essentia Mercurificante & ipsis metallicis atomis compositum. Et hoc modo fortissimo igne prolectatur Mercurius Antimonii.

Regulum autem particulis metallicis, quæ proxime ad Saturni naturam accedunt, esse fœtum, sequentia videntur adstruere. Potest enim ille ipse per Sal Saturni in verum Saturnum verti *Auctore Basil. Valent. in curru triumphali v.* p. 303. Portio quoque Antimonii in meracum Saturnum sæpe liquefcit, si cum nitri ana calcinetur, annotante id *Willisio in pharmac.* p. 61. instar Saturni quoque facile propellitur, omniaque metalla, (quod alias Saturni proprium est) arripit. Tandem experimento Glauberiano regulus Antimonii Jovi liquato (qui pene totus Sulphureus, hinc quoque levissimus) iusta dosi admixtus illum indurat: idque dependet ab effluviis reguli Antimonii Mercurialibus intime sibi connuptis cum atomis Jovis Sulphureis: quæ ratio quoque est, quod Mars (ut maxime Sulphureus) si calcinetur cum Mercurii vapore, tam durus fiat, ut instar vitri frangi possit. Quæ curiosa *Paracelsi observatio est*, part. 9. d. *conservat. rer. natural.* p. 273.

Tandem an Sal Antimonio insit videbimus, non formaliter sed materialiter eodem modo in illo latere conjicimus. Et quanquam decoctum Antimonii cum aqua com. insitu-

stitutum non contemnendas in lue Venerea possideat virtutes a *Zuvelffero* in saxeae renum occalescentia a *Poterio* in *Pharmacop. Spagyr.* p. 334. commendatum, adeoque ejus efficacia Salinas atomos ac minutias in aquam ejaculatas arguat, non tamen proprie dictum Sal in aquæ poros se insinuavit: Sed potius sunt particulae illæ minerales, quæ in salinam propendent formam, modo acumen Vulcani accedat in acidum stigma facile abeunt: flamma enim (uti omnis fermentatio) est salifica. Nimirum flamma æthereo suo motu particulas propensivas vel acidas in regno minerali, acido-alkalinas in vegetabili, alkalinas in animali perficit & sistit, non aliter ac fermentatio quævis solet.

Ex hisce liquet, in Antimonio principia illa tria Chymica non formaliter inexistere, sed tantum certas specificatas materiales particulas in illo latere, quæ aptæ natæ sunt pro diversitate additamenti vel Mercurii vel Salis vel Sulphuris schema induere.

Perspecta jam Antimonii natura e re fore duco ad Mercurii Sublimati naturam ac genium cognoscendum descendere. Hinc

C A P. I I I.

Mercurii sublimati genium indagat.

Hunc 1. quatenus ab omni salino contagio immunis ac liber est. 2. ceu corrosivum ac septicum paulo intentius æstimare lubet. Mercurius inter generata vix par habens, uti inter naturæ magnalia refertur præcipua: sic quoque nonnisi qui veram naturæ cathedram possident, Chimia huc vecti hujus naturam explicare ac rimari scite noverint.

Nos Mercurium fluorem æthereum volatilem saturatum specificis particulis metallicis conjicimus. Ex subtilissimis autem effluviis æthereis ac fluidissimis conflatum hunc esse Mercurium, præter artificiosam Mercuriorum metallicorum præparationem, (quæ absolvitur effluviis æthereis ex Salibus invicem collidentibus ortis) præter rotundam (quæ propria est materiæ primi elementi) qua semper gaudet Mercurius formam, sequens mechanica veritati lucem suffundit. Mercurius communis si tractetur igne fortiter debitis in vasis, miram aquæ cujusdam

insipidæ elargitur copiam, semper tamen priori Mercurii vivi pondere salvo manente, uti *Boyleus* in *Chymista Sept.* p. 46. *Joh. Agricola* in *Poppium* p. 119. testantur. Alit enim Mercurius quendam magnetismum, qui dependet a particulis æthereis in Mercurio eminentibus, quæ vehementi caloris & ignis impetu in motu actuantur, novumque ætherem cum matrice sua aquea attrahunt. Parili modo ut Spiritus nitri summe æthereus volatilis moleculis metallicis incorporatus vel etiam alcalinis uti cretæ, continuo abit in deliquium, copiosasque allicit particulas æthereas ac lucidas, quæ (si mixtura rite tractetur,) satis conspicuæ constituunt phosphorum *Balduini*. Sic quoque nonnulla vegetabilia ut aloe, cepæ, sedorum genera nitroso principio terfivo turgida, terræ matrici exempta diu germinant, neque facile injucunda marcescentia se crispant. Nunquam enim intermoriturum amicabile illud ac magneticum fœdus, quod nitro inferiori cum superiori intercedit. Accedit quoque, quod Mercurius vulgi per Spiritum mundi aereum solvatur ob sympathiam uti *Ludovic. de Comitibus* tradit *tr. de metallis* p. 225.

Spiritus hic Mercurialis æthereus quasi menstrui vicem gerens in subterraneis antris, appellens ad metallicas minutias illas emollit, solvit ac fluxiles reddit, sicque compositus evadit fluor dictus Mercurius vulgi manus non madesfaciens. Quapropter ab hoc Mercurio vulgi si partes terræ metallica depeculentur artificiosa encheirisi, & Spiritus iste ab omni metallico contagio liberatus haberi possit, virgineus & philosophicus ille evadit, diciturque veris per ignem Philosophis Mercurius de Mercurio: Patrocina-tur sententiæ nostræ *Philosophorum Coryphaeus Geber*, qui in *aphorismis* p. 161. inquit: *continet argentum vivum in se Spiritum internum viventem & convertentem ignem, si de potentia in actum prrmovebitur, pro suo illo agnoscunt Philosophi Mercurio*. Assensum porro præbet *Acutissimus per ignem Philosophus Helmontius*, qui *tr. Progynasm. meteori* §. 14. & seqq. Sulphur externum originalem metalli labem continens separari jubet a Mercurio vulgi, quo fiat Mercurius de Mercurio, qui deinde nullo igne potest in formam terræ præcipitari ob simplicitatem sui maximam, quæ aquæ elemento comparatur, cum terram id est Sulphur amiserit.

Quo autem Mercurius homogeneus purissimus

simus æthereus emancipetur e carcere impuro metallico, omnes ferme in eo defudant Chymici. Iteratas Mercurii sublimationes commendat *Ludovicus de Comitibus*. Singularem modum lavandi Mercurium vulgi commendat *Geber L. 2. part. 1. p. 125.* Optime sane depuratur Mercurius vulgi a scoriis suis terrestribus metallicis per amalgamationem, quæ potest institui vel cum regulo Antimonii Martiali & Luna, secundum præscriptum *Zwelff. in Pharmac. regia p. 360.* vel cum regulo Antimonii secundum *Philaletham in tr.* qui inscribitur, *Introitus apertus ad oclusum Regis Palatium*. Amalgamationem hanc perficiunt binæ additæ Dianæ columbæ, quas *Becherus in suppl. pag. 117.* per Salia interpretatur. Hoc modo per amalgamationem cum regulo Martiali (qui nil de Marte participat, in candidissimum enim cum nitro detonatur pulverem) a Mercurio heterogeneæ terreæ scorix, (quæ homogeneas particulas Mercurii non adeo contiguas relinquunt) felicissime præcipitantur, si præprimis verbera & imber accedant. Acquiritur sic decies iterata amalgamatione & sublimatione Mercurius virtuosissimus astralis ac splendidissimus, *cujus partes due partem unam auri radicaliter solvere possunt.*

Hæc itaque elementa nim. Spiritus astralis subtilissimus & particulæ metallicæ constituunt Mercurium vulgarem, non autem hæc a Saturno & bismutho suam semper petunt originem, sed sæpe quoque alia metalla ingrediuntur Mercurii naturam. *Boyleus in Tr. de Coloribus pag. 47.* solutiones Mercurii cum aqua forti celebratas non raro virides observavit, qui color sine dubio dependet a particulis immixtis Venereis.

Mercurius per se omni noxa vacat intus assumptus, pondere suo alvum cito perreptat, verum simul ac Salino contagio afficitur, statim septicus summeque deleterius evadit. Exemplum præbet lethalibus infamatus exemplis Mercurius ille corrosivus, qui in minima assumptus quantitate, auram suam acidam volatilem idealem in æthereum lymphaticum nectat, ob consymbolicum magnetismum immediate evibrat, veneno post polluti hoc Spiritus animales consternuntur, ipsorum schesis & per consequens omnium ventriculorum in toto corpore fermenta vitalia destruuntur ac pervertuntur: *δυσμία* hæc Sublimati virtus optime castratur ac curatur solis alkalinis, quæ acidum efflorescant & debellant. *vid. Sennertus de consensu*

Chym. c. 16. Oleosa quoque demulcentia, quæ suo contextu anfractuoso, oleosis ac crassis trices acies excipiunt, obtusioresq; gibbo includunt, eundem cum alkalinis promittunt effectum. Huc quoque spectat saccharum Saturni, a *Crollio in Basil. Chym. p. 389.* commendatum ad dulcificandum corrosivum, in amplexus namque arripit salia fortiora, aceti particulis quasi reviviscentibus.

Hujus autem corrosivi meteorisati Mercurii naturam accuratius paulo pensitare lubet, & primo ejus analysin Chymicam institueret. Nascitur hic foetus ex semine Salino (puta sale com. & vitriolo) connupto cum foeminino Mercuriali, coquuntur invicem Chymico igne in resplendescens niveum hoc corpus.

Isaacus Hollandus in operibus suis p. 177. præparationem instituit solo Sale com. prius in aqua soluto & iterum coagulato (totum enim tunc ferme in Spiritum acidum fatiscit) addito tantillo Salis ammoniaci.

Fundamentum omnis præparationis est, ut Spiritus salis acidus separatus aggrediatur globulos Mercuriales, seque intime ipsis agglomeret atque interponat, (cum solutio nil aliud sit quam intima interpositio particularum solventis intra poros corporis solvendi) globuli enim ac micantia illa Mercurii vivi elementa in Sublimato microscopio adhuc sunt conspicua. Solutus hic in Spiritu Salis Mercurius calore in sublime fertur: non secus ac Mercurius solutus in Spiritu Salis debite prius parte liquida evaporata sublimatus in stabile concrevit crystallinum corpus, exacte æquans naturam Mercurii Sublimati vulgaris. Jam autem quomodo igne a mixtura Vitrioli & Salis Spiritus Salis acidus solus evehatur ac separetur, indagandum penitus venit. Salia acida fortiora ac penetrantioris indolis e sedibus suis propellere ac quasi resuscitare salia mitiora congelata, loco Chymici axiomatis habendum. Sic Spiritus Vitrioli superfluis saccharo Saturni, vel solutioni coralliorum cum aceto destillato parata, in destillatione prodit merum acetum destillatum redivivum, quod in Saturno coralliis coagulatum fuit, relicto Spiritu Vitrioli in particulis Saturninis. Porro Spiritus Vitrioli commixtus cum Sale com. Spiritum Salis propellit in destillatione: *vid. Willis. in Pharmac. p. 166.*

Cum autem Spiritus hi acidi nil aliud sint quam Salia metaschematismum passa, subtilisata

fiſata ac fluorem igne nacta ſolo motu differentes, hinc eodem modo res procedit cum iſſis Salibus. Sic ſolutio Vitrioli commiſta cum Sale com. & deſtillata ſuggerit Spiritum Salis elegantem volatilem, non ſecus ac e Sale ammoniaco & Vitriolo bene permixtis nuper obtinui per alembicum (per quem omnes Spiritus minerales ſingulari artificio deſtillari poſſunt) 1. Spiritum urinoſum 2. Spiritum Salis volatilem præſtantiffimum.

Quod autem vitriolum ſolutum in Sal com. agat, ex hoc unico experimento abunde conſtat, nim. ſolutiones Vitrioli & Salis invicem combinentur, ochrea Vitrioli terreſta pars fundum petit, (ſecus ac fieri ſolet, quando ſolutio Vitrioli Martis cum arcano tartari maritatur) ſubtileque acidum principium nares vibrat. Ad rem quoque facit experimentum, cujus meminit *Rolfincius in diſſ. de Antimonio c. XX.* deſtillavit nimirum quam commode butyrum Antimonii miſcendo Antimonium cum Sale com. & Vitriolo: ubi ſpiritus Salis aggreſſus Antimoniaſtaſ particulas in butyraceam offam abiit. Huc quoque trahendum eſſe exiſtimo *Wedelii* experimentum publico ſcripto nuperimo inſertum & tale eſt. Miſcuit Vitriolum com. cum globulis a deſtillatione Spiritus Salis relictis, (qui adhuc ſale abundant) & deſtillationi in retorta igne aperto concedidit ſicque elegantiffimum Spiritum acidum volatilem Sulphureum viridiuſculum acquiſivit, qui etiam ſuper alembicum cogi potuit.

Ex præfatis itaque experimentis facile diſcimus atque animadvertimus, Vitriolum Sali com. additum ſumme velificari Spiritus Salis elevationi: Sal nempe Vitrioli ceu fortius acidum aggreditur ipſum terreum Salis com. hoſpitiū, Spiritumque facit extorrem. Eſt autem Spiritus hic non purus putus Spiritus Salis, ſed de conſortio Sulphureo metallico revera participat, nim. Sulphuris Vitrioli maxime prægnans eſt, hinc non tantum viridi colore tingitur, verum etiam Mercurio Sublimato illud Sulphur intimat, quod conſpicitur in Mercurio Oleo tartari præcipitato, qui grata rubedine oculos paſcit, id quod phænomenon in Mercurio Spiritu Salis com. ſoluto & Oleo tartari per deliquium præcipitato non apparet: cum communis Spiritus Salis non tam copioſum poſſideat Sulphur: hinc albæ particule Mercuriales fundum petunt. Quod autem ex turpetho

hoc minerali cum Spiritu vini nulla rubicunda tinctura extrahi poſſit, non tam ambiguum reddit Sulphuris præſentiam, quam Sulphureas Mercurialibus maxime intricatas & incuneatas eſſe oſtendit; parili enim modo & Cinnabari Antimonii nulla tinctura rubicunda cum ſpiritu vini extrahi poſſe.

Tandem de prædominio particularum Mercurialium & Salinarum in ipſo Sublimato exiſtentium ut ſimus ſolliciti ipſa res ſuadet. Communiter ſtatuunt utrarumque æquilibrium. *Knoeffelius in meth. med. febr. malign. p. 81.* e Mercurii Sublimati libra 1. Mercurii currentis elicit Unc. vij. Verum oppono huic experientie aliam, nim. *Glaſerz qui in Chim. ſua p. 253.* dicit, ſe ex Sublimati libra 1. eliciſſe 26. lothones Mercurii vivi cum butyri deſtillatione prodeuntes. Eſt ſane mechanica ſequens, quam ipſe fecit, omne dirimit dubium: nimirum Mercurii ſublimati unc. iv. ſi cõquantur in lebetæ addita ſ. q. limat. Mart. & aquæ com. magna quoddam Vitrioli forma emergit, quod igni arenæ commiſſum perelegantem exhibet Spiritum acidum volatilem Martialem: tandem poſt fortiorem Vulcani torturam prodit Mercurius dimiſſus vivus ad unc. iij. & ferme unc. j. qui alio receptaculo excipiendus eſt. Relinquitur crocus Martis ſubtiliffimus. Hoc experimentum ultra partem tertiam in Sublimato contineri particulas mercuriales abunde evincit. Progredimur nunc ad ipſam butyri ac Cinnabaris Antimonii præparationem. Hinc

C. A. P. IV.

De Butyri ac Cinnabaris Antimonii præparatione, cum variis ſubnexis cautelis.

E Ligatur ad hunc proceſſum Antimonium bene ſtriatum rubriſque punctulis ſcintillulans, quod bonam Sulphuris ac Mercurii arguit miſcelam. Hinc non immerito *Generoſſimus Boyleus in tentam. phyſiolog. p. 30.* occultæ Antimonii differentie adſcribit, quod Cinnabaris Antimonii & regulus ancipiti proceſſu nonnunquam attentetur.

2 In promptu ſit Mercurius Sublimatus optimæ notæ, neque (ſuadente lucro) aſenico adulteratus, cujus fucus patet Oleo tartari per deliquium inſtillato, loco enim flavedinis, (quæ expectatur a puro) offert ſeſe ingrata nigredo, quæ tamen non prodit aſe-

arsenicum non in destillatione (quod alias fieri solet) sed in substantia Sublimato a fraudulenta manu additum fuerit. Hinc non facile Mercurius Sublimatus pulverisatus emendus, suspicio enim de mixto arsenico crystallino nascitur. Vidi aliquando destillationem cum talismodi arsenico adulterato Mercurio Cinnabarim Antimonii a Chymico quodam insigni, mihi amico, qui Mercurium vitæ flavissimum præcipitavit e butyro, Spiritum autem Vitrioli philosophicum maxime Sulphur olentem indeptus fuit. Loco Cinnabaris in retortæ collo flores fusci coloris levissimi se repræsentarunt. Caput mortuum repertus fuit leviusculum gryseum præ se ferens colorem. D. Wedelius paucis abhinc diebus notabilis experimenti me fecit participem, nim. Mercurius Sublimatus arsenico adulteratus mistus fuit cum Antimonio ad Cinnabarim elevandum, verum loco Cinnabaris purum putum arsenicum rubrum se in conspectum dedit in superficie Antimonii hærens, quod nativam suam formam redoluit.

Ingredientia itaque probitate se commendantia rite misceri debent. De hac mixtura tria præprimis attendenda sunt.

1. Præstat successive conficere Cinnabarim, neque pro unica destillatione tam insolitam farraginem assumere Antimonii & Mercurii Sublimati.

2. Auspicatius semper res succedit inque majori copia impetratur Cinnabris, si plus de Mercurio Sublimato quam Antimonio ad præparationem expetatur. Fundamenti enim loco hoc habendum, quod Cinnabaris pene nil aliud sit quam Mercurius larvatus ac schematismum passus rubraque veste indutus a tingentis Sulphuris Antimonii pauca quantitate. 2. Quod Antimonium ferme totum, modo sufficiens quantitas Sublimati præsto sit, in Cinnabarinum concretum encheirisi Chymica cogi & converti possit. *Febvre Traité de la chem. part. II. p. 1016.* Mercurii Sublimati p. 3. ad p. 1. Antimonii recipit. Melius autem hoc modo res procedit si p. 3. Mercurii Sublimati, p. 2. autem Antimonii assumantur y. g. R. Mercurii Sublimati unc. vj. Antimonii unc. iv.

3. Omnia singulatim prius bene pulverisata in lapideo mortario exactissime miscantur. Suscitatur insignis conflictus (qui dependet a Salibus in Antimonii particulis agentibus) cum æstuante calore (si præparum aquæ aspergatur) & fumorum venenatorum (a quibus sedulo cavendum) in-

genti copia in aera exspatiantium, ita ut etiam *Olaus Borrichius in Act. Haffniens. p. 131.* hoc pacto regulum Antimonii sine igne liquari ac fundi posse experientia deprehendit. Notabile quoque hoc loco est, quod sine igne hoc pacto butyrum Antimoni compendiosiori modo possit parari, si nempe prædictæ mixturæ affundatur aqua com. ad sufficientem irrorationem, adhibita digestionem & leni evaporatione Salia Mercurium dimittunt, & Antimoniatas aggrediuntur particulas, inque butyrosū liquorem abeunt, qui per inclinationem separandus, & exacte butyri Antimonii per destillationem parati naturam in omnibus servat. Hoc autem probe observandum, si Cinnabarim magis præ butyro desideramus, ne mixturam humectemus, vel in cellam humidam illam ponamus, sed statim post mixtionem ad præparationem confugiamus.

Mixtura itaque Antimonii & Mercurii Sublimati præfata retortæ vitreæ indatur inque arēnam collocetur. De retorta autem hoc probe tenendum est, ut bene figurata sit, collo sat longo ac amplo adornata, ne forsan copia Cinnabaris obstipato collo retorta disrumpatur, totusque labor perditum eat. *Mercurius enim, sunt verba illustis Baconis de Verulamio in Histor. natural. cent. I. pag. 762. maxime crudum & aquosum corpus, calefactus arteque conclusus eadem cum pulvere pyrio vi pollet.* 2. Retorta ita collocari debet, ut fundum capellæ pene tangat; ingens enim requiritur ignis impetus ad Cinnabarim elevandam.

Ignis primo non adeo intensus sed paulo modificatus & mitis sit, quo maceratio quasi quædam perficiatur, auctus postmodum, ut capella aliqua ex parte candescat, prodit liquor albedine nitens, (quæ oritur a particulis butyri Antimonii præcipitatis a vaporibus aqueis, qui leni calore elevati sunt in collum retortæ) succedit demum butyrum maxime limpidum, quod alio receptaculo excipiendum, prius tamen bene lutari debet, ne fumus malignus acido-volatilis in auras abiens perreptet nostros agros vitales, ibique haud inconspicuam pro indole sua vitæ archivio affricet noxam. Hanc ob causam quoque *Helmont. in tr. de inspirat. pag. 490. it. de Lithiasi c. 9. §. 71.* confectores Cinnabaris it. qui in auripigmento, stibio laborant, brevissimam agere vitam pronuntiat, & quamvis talismodi septici vapores vitam statim non tollant, abbreviant tamen eamque

que variis cladibus subjiciunt. Serva ignis gradum & si liquor luteus a particulis Sulphureis admixtis egrediatur, ut recte monet *Blasius in Beguinum pag. 283.* fortifica ignem, & si nullæ amplius decidunt guttulæ, cum charta convoluta foramen retortæ obtura, vehementique ignis gradu admoto interiorem retortæ partem candefactam, & materiam in illa liquidam (quam diffracta retorta observavimus) redde; utpote ad mercurii evaporationem non levis ignis gradus requiritur, quod patet, si auro cum Mercurio albefacto pristinum splendorem conciliare velimus, ipsum igniri debet.

Cumque totum artificium auspiciati successus in ignis regimine consistat, placet per paucas encheireses subjungere de hoc recte administrando.

1 Probe considerandæ sunt omnes circumstantiæ v. g. structura furnorum, varietas capellarum, retortæ positio, quibus variantibus variare quoque ignis regimen debet, & hic requiritur accuratum Chymici judicium: Si enim capella sit nimis profunda & retorta in infimam hujus regionem non locari possit, tunc omnino vehementissimum vulcani acumen addendum est. Hoc namque instar fundamenti tenendum, quod Mercurius non adscendat & in Cinnabarim mutetur, nisi retortæ infima pars in arena locata penitus, uti & materia in retorta contenta aliquo modo candescat.

2 Cavendum ne sub distillatione butyri statim vehementissimus ignis detur: hoc modo quippe productio Sulphuris Antimonialis, quod ex connubio particularum acidarum & pinguium Antimonialium exsurgit, impeditur & quod productum est, dejicitur, hinc nulla pene coitio vel amalgamatio Mercurii cum Sulphure hoc, ad Cinnabarinum concretum constituendum expectanda. Signum autem nimis fortis calor est, si citatius butyrum exeat, ita ut gutta guttam trudet, si retortæ collum variegato colore nimirum flavo, viridi, rubro, nigro statim pingatur: qui omnes dependent a destructione Sulphuris & varia ejus texturæ ac pororum dispositione.

3 Quod attinet ignem suppressionis, hunc non semper ducimus necessarium: utpote in cucurbitula imposita crucibulo arena repleto, ignem circularem administrando, si per retortam prius butyrum abstractum fuerit, Cinnabarim copiosissimam ex relicta in retorta materia obtinuerim. Verum si capella nimis sit profunda, ac arena in superiori parte non

Hoff. Opusc. varii argum.

sufficienter incalescat, tunc ignis *ad* circumspēcte admotus promovet evaporationem atomorum Cinnabarinarum & collectionem in ipsius retortæ collo; hoc tamen probe tenendum, circa illam arenæ partem, ubi principium colli sepultum jacet (quod ad Cinnabaris concretionem destinatum) ignis fortior adhibeatur, ne concrecere incipiens Cinnabaris disjiciatur parte nimirum Sulphurea combusta & Mercuriali in vas recipiens detrusa.

4 Hæc omnia quamvis sese rite habeant, ita, ut hoc modo spatium 6. vel ad summum 7. horarum ex $\frac{1}{2}$ ana Antimonii & Mercurii nonnunquam Cinnabaris unc. iij. imo unc. iv. haberi possint: mihi tamen adhuc, est alius modus notus ac familiaris, cujus beneficio sine ignis suppressione, sine igne arenæ, saltem igne aperto spatium horarum 4. ex prædicto pondere nonnunquam unc. vi. paucissimo Mercurio currente prodeunte sæpe obtinui, & Jenæ tunc temporis discipulis quibusdam demonstravi. Et talem enchiresin Chymicorum nonnulli jam dudum animadvertunt: Sic namque *Dethardingius in furno suo docimast. pag. 166.* ad præparationem Cinnabaris retortam terream commendat & ignem apertum: verum ob firmiorem pororum vasis texturam *Zwelfferus in Mantiss. Spagyr. pag. 367.* retortam vitream probe lutatam mavult seligere. B. *Dn. Ludovici in Pharmaciacia* crucibula duo inversa, at probe lutata ad laborem hunc laudat. Accedit quoque quod Cinnabaris vulgaris igne aperto saltem ex cucurbita sublimetur. Optimus quidem hic modus, sed majori eget cautela & sane enchireses quædam hic summe necessariæ attendendæ sunt.

Ex destillatione butyri & sublimatione Cinnabaris relictum caput mortuum si omnibus Cinnabaris elementis destitutum est, fulget particulis splendentibus regulinis, quæ ut graviores in fusione materiæ ad fundum detrusæ, arborescentem elegantem nonnunquam repræsentant figuram. Quod si autem adhuc rubris punctulis scintillet præprimis in superficie, & chartæ affricum obscura illam rubedine tingat, certum adhuc Mercurii Sulphurei indicium: qui etiam dimissus a Sulphureo consortio, viva forma facile in conspectum venire potest, si cum forti decoquatur lixivio. Melius autem tunc est, si nova adornetur sublimatio saltem in cucurbitula vulgo *scheide Holblein* imposita crucibulo: scorix in rostro colli contentæ ac curio-

sius collectæ cum capite mortuo pulverisato permisceri possunt : sic refundunt adhuc novam Cinnabaris quantitatem . Alias caput mortuum quam optime inservit præparationi reguli Antimonii, item Antimonii diaphoretici purissimi , in cujus confectione nitrum nullum edit strepitum ob defectum Sulphuris in cap. mort. Nonnulli aquam ophthalmicam ipsi affundendo egregium concinnare volunt ophthalmicum, non viribus inferius Rulandi celebri ophthalmico .

CAPUT V.

Singul aria phænomena in confectione Cinnabaris occurrentia exhibet .

Duo hic præprimis obveniunt notatu digna , quæ singularem merentur meditationem : Nimirum observavi non semel in confectione butyri & Cinnabaris omnium ingredientium singulare incrementum. Nimirum assumpsi Antimonii & Mercurii sublimati ana libra ꝑ. Cinnabaris acquisivi ꝑv. & ꝑj. ꝑss. Mercurii currentis ꝑj. & ꝑij. butyri Antimonialis ꝑiv. & ꝑij. ꝑi. Capitis mortui cum scoriis in retortæ collo relictis ꝑiv. ꝑiijꝑ. ꝑi. & grana. xij. Computatis omnibus calculus ostendit ultra ꝑij. incrementum accessisse . Quin imo ad ꝑiijꝑ. aliquando observavi : Sed ponderatio in priori experimento instituta fuit accuratior . Porro experimentum feci hoc , assumpsi Cinnabaris ꝑv. ꝑj. & ꝑss. remisui cum limatur. ferri ꝑvi. & cinerum clavellator. ꝑij. ex retorta vitrea probe lutata igne aperto destillationem adornavi & vehementissimo adhibito Vulcano obtinui Mercurii vivi ꝑiv. & ꝑiij. ꝑi. Hoc pondus cum prædicto Mercurii in destillatione butyri prodeuntis contractum efficit pondus ad ꝑviꝑ. ꝑiꝑ. & ꝑi. Jam autem Mercurius in scoriis colli ponderavit ferme ꝑij. Ergo in omnibus Mercurii sunt pene ꝑvij. Cum autem saltem ꝑviii. Mercurii sublimati fuerint adhibiti, credo sane incrementum sensisse Mercurium: neque deest ratio : turget enim Mercurius essentia quadam ætherea , qua in particulas metallicas homogeneas Mercuriales magnetice quasi appellit, illasque in fluorem vertit . Est enim Mercurii vulgaris ad Mercurificationem non levis opera , hinc quoque non inepte dixerunt Veteres : fac Mercurium, puta metallicum, per Mercurium scilicet communem . Communicatum habeo ab amico, quod si solu-

tionem argenti cum aqua forti institutæ in generationem arboris Hermeticæ Mercurius jungatur , iste Mercurius in majori quantitate separetur, quam additus fuerit . Ex eodem fundamento Mercurium plumbi & stanni paranda mihi modus est notus . Nimirum solvatur Mercurii sublimati, Vitrioli, Nitri, ana ꝑss. in aqua vulgari misceatur cum limatur. stanni & plumbi ana ꝑij. coque leni igne ad siccitatem : materiam relictam destilla & habebis Mercurii vivi pene ꝑss. Hic Mercurius cum prodeunte butyro & capite mortuo iterum misceatur & vehementi ac diuturniori trituratione uniatur & iterum destilletur , & hoc 4. vicibus reiterari debet : tunc plumbum ac stannum pene totum vertitur in mercurium currentem : scorix terrestres metallicæ nullo modo in pristinum metallum reduci possunt .

Quod attinet usum ac vires Mercurii ex Cinnabari Antimonii extracti, vel etiam istius qui prodit cum butyro , sane præferimus illum longe Mercurio vulgari . Non solum enim in amalgamationibus cum metallis , (quas citius & minori quantitate additus perficit) virtutes suas nobilitates exerit , verum etiam evaporatus ex cochleari argenteo relinquit maculam ex flavo rubicundam elegantissimam : quod signum absolutæ bonitatis est . Porro insignem quoque spondet medicationem ; sic ab amico certior sum factus *Celeberrimum Norimbergensium Practicum Dn. Volckamerum* Mercurii e Cinnabari extracti & singulariter præparati usum plurimum extollere in desperatis fere morbis . Puritatis hic character Mercurio procul dubio accedit ex amalgamatione istius cum Sulphure Antimonii. Nimirum Mercurius cum particulas metallicas non possideat homogeneas, porisque gaudeat laxioribus, (in quibus consistit omnis metallorum impuritas) hinc non potuit non fieri , ut heterogeneæ plures impuræ terreo-aqueæ particule, quæ Sulphuris externi nomine veniunt , in subterraneis pyrophylaceis copulam cum ipso ineuntes ejus texturam ac virtutes deturpaverint . Quo itaque purissimus ac virgineus fiat, partes illæ necessario imprimis depeculandæ, quod non solum fit singulari trituræ ac lotionis artificio , verum etiam amalgamatione cum Sulphure Antimonii , utpote hoc æthereis lucidis atomis turgidum dum intime Mercurii texturam penetrat , ex poris præcipitat peregrinas illas terreas sordes illasque ex domicilio suo dejicit , simulque aqueas

aqueas exhaurit ac absumit, ut hoc modo per reiteratam sæpius amalgamationem purissimus ac efficacissimus exsurgere possit Mercurius.

Quod attinet alterum phænomenon, nimirum ingredientia sub præparatione Cinnabaris Antimonii insigne ponderis augmentum acquirere, id jam uberiores requirit meditationem.

Notorium est, corpora igne tractata & calcinata sæpe magnum ponderis augmentum capere; Sic lateres cocti iisdem qui ignem nondum sustinere ponderosiores sunt, quod etiam vulgo notum. Porro refert *Tachenius in Hippocrat. Chym. c. 27.* coralliorum integras unc. xij. igni reverberii per 6. dies subjectas trium unciarum augmentum acquisivisse: Eodem modo sese res habet cum quibusdam metallis ac mineralibus: Sic plumbum calcinatum in minium fortissimo igne reverberii notabili vincit quantitate illud, antequam in ignem fuerit positum. *Industrius Dn. Kunckelius in observ. Chym. pag. 32.* elegantem insinuat observationem: Nimirum reguli Antimonii libram j. calcinavit, usque non amplius fumum emisit, semper post calcinationem graviores illum deprehendit præter fumos consideratos. Idem factum experiri stannum, non autem aurum, argentum, ferrum & cuprum certiores me fecit nuper in Anglia *Illustris Boyleus, Patronus colendissimus*, qui etiam in vitris clausis Saturnum vel Jovem calcinatum ponderis augmentum acquirere observavit; quod experimentum sane destruit rationem hujus phænomeni communiter datam: nimirum acidum lignorum spiritum in poros alkalinorum corporum ferri, ibique sese coagulare, & pondus augere: in hujus impugnationem non volo ulterius adducere calcinati Antimonii beneficio radiorum Solis per speculum causticum collectorum ponderis incrementum, cum Anglorum curiosiores deprehenderint accurata instituta ponderatione successum non semper respondere hujus experimenti.

Quærendum itaque illud corporum augmentum non tam in sale acido ignis materiali, quam subtili æthereo penetrantissimo, quod corpora menstrualia sua virtute dissolvere ac transmutare, illorum poros radicaliter permeare, ac particulas quasdam menstruales ipsis affricare aptum natum est: non aliter ac omnia menstrua solutis gravitatem quandam scenerant. Sic si Mars vel Mercurius solvatur in aqua forti & solutio præcipitetur

sale communi, semper metallum illud solutum ac præcipitatum, licet omni falsedine etiam per coctionem privatum sit, semper tamen ponderosius exsurgit. Eodem modo Saturnus in aceto solutus & spiritu Vitrioli præcipitatus pondere augetur.

Menstrualem autem ætherei salis in igne contenti virtutem phænomena varia exhibent. Sic spagyricus quidam *Ætis Hassniens. anno 1671. obs. 92.* per mensem continuum ex capite mortui Vitrioli vehementissimo igne adhibito nigricantem liquorem elicuit, absque capitis mortui sensibili decremento. Porro hujus salis ætherei transmutantem virtutem ultro probant varia producta, quæ beneficio ignis ex corpore quodam metallico eliciunt. Hinc *Doctissimus Dominus Morhofius in Epist. de metallorum transmut. pag. 30. inquit; Vidi in Anglia Brabantum aliquem, qui solo moderamine ignis sine ulla alius rei additione ex Saturni minera verum Vitriolum, Sulphur, sal com. nitrum, acetum, tincturam, & plura alia parare potuerat.* Adeoque eadem ratione non immerito ponderis augmentum in præparatione Cinnabaris Antimonii observatum subtilissimo æthereo sali a vehementissima flamma proficiscenti adscribimus. Pergimus jam ad

CAPUT VI.

De Butyri Antimonii Natura, & præparationis fundamento.

EST butyrum hoc Antimonii nil aliud quam Spiritus Salis concentratus turgidus particulis stibiatis. Elementa habet duo, unum recipiens fluidum Salinum, alterum firmum quod in poros fluidi recipitur. Illud debetur Spiritui Salis stabulanti in Sublimato, qui in destillatione hospitem primum deserens corpuscula Antimonii magis amica amplectitur, cumque illis in offam butyraceam fatiscit. Contineri autem in butyro genuinum Spiritum Salis acidum (præter supra allata) non infimi momenti rationes experientiae fulcro innixæ clarum faciunt. 1. Cum Spiritu Salis com. æque ac cum Mercurio Sublimato, non item cum Spiritu Vitrioli prolectare quivis ex Antimonio butyrum potest. 2. Ipsum butyrum Antimonii (id quod notabile est) cogi ac vehi potest super alembicum, quod tamen renuit Spiritus Vitrioli gravior. 3. Spiritus dictus Vitrioli (potiori jure Salis) philosophicus miscela Salis tar-

tari coagulatur in Sal Salis com. exacte æmulum. 4. incorporatus hic Spiritus moleculis Martialibus concrefcit in Vitriolum, quod libero aeri commiffum abit in deliquium, id quod folemne eft cuivis Vitriolo cum Spiritu Salis com. parato.

Elementum Siccum eft proles Antimonii. Falfo romine Mercurii vitæ Antimonium in butyro contentum falutatur vulgo, cum tamen nequicquam de Mercurio vivo participet, infervit namque loco crudi Antimonii variis præparationibus, poteft enim ex illo parari Sulphur, regulus, vitrum. Apud veteres tamen erroris illecebram hancce conjicio, quod sæpiusculæ in Mercurio vitæ ficcato poft longum tempus confpexerint intercludentis Mercurii vivi granula, quæ etiam sæpe obfervavi nova femper quafi progerminantia prioribus vivis ablatis. Debentur hæc fine dubio particulis Mercurialibus forti igne prolektatis, inque butyrum dejectis, in quo deinde folutæ (optime enim butyrum folvit Mercurius) & præcipitata rumulata jacuere in Mercurio vitæ, donec ab involucro Salino particulæ aqueæ vel Sal aeris æthereum continuo appellens illas vendicaverit, & conspicuas reddiderit.

Mercurius hic vitæ an magis Sulphuri vel regulo debeatur, contentionis ferram vulgo inter fe trahunt. Ego nil niſi Antimonium folutum fufpisor, falva manente particularum Sulphurearum & regulinarum mifcela: Antimonium enim attactu Salis acidi concentrati in pulverem album vertitur; deinde Mercurius vitæ temperamento Vulcani adminiftrato inftar Antimonii & vitrum paucis regulinis granulis interſtinctum, imo ſcorias (additione Salium) & regulum ſingularim fundit; cum alias, ſi ſaltim Spiritus Salis admittat particularum regulinarum copulam, totus Mercurius vitæ in meracum debeat abire regulum.

Albedinem Antimonio fcenerat acidum, a quo alia particularum diſpoſitio lucem aliter refringens inducitur: reſtantur id ſolutiones coralliorum, minii cum acido menſtruo celebrata, quæ magifteria reddunt candidiſſima.

Miror hic *Tachenium*, & ex illo plures (alias circumſpectiores) tradere, Mercurium vitæ aqua ferventi præcipitem datum luteum præ ſe ferre colorem, cum tamen eventus rei nunquam ſuccedat. In cogitationem itaque deſcendi, *Tachenium* uſum fuiſſe Sublimato Veneto, qui Spiritu nitri

maxime abundat; notum autem eſt, quod ſi Antimonio, a quo Spiritus nitri ſemel abſtractus fuit, aqua calida affundatur, illud flavedine tingatur. Experimentum hoc inſignem affundit lucem aliarum explicationi v. g. cur aqua calida in præparatione Antimonii diaphor. affuſa flavedinem plerumque illi ipſi conciliet, ſecus fit cum aqua frigida, quæ non ita extrahit Sulphur latens, & ob oculos ponit.

Porro quantum hoc butyrum de Sale, & quantum de Antimonio participet, indagandum venit. Obſervavi in butyro fluido p. 2. Antimonii & p. 1. Salis acidi contineri; nim. butyri Antimonii unc. iſſ. aqua affuſa, & Mercurio vitæ ab omni Sale eloto, dant Mercurii vitæ ficcati unc. j. Ergo neceſſario concludere licet p. 1. nim. unc. ſſ. Salis acidi contineri in illo, quod jam aquæ communicatum eſt.

Butyrum Antimonii forti igne expreſſum in excipulo, sæpe quoque in nimis longo retortæ collo, non in fluidam & Olei dictam convenientem ſubſtantiam, ſed in cryſtallinam condenſatur maſſam, id quod fit ab æthere craſſiore appellente ſequæ interponente, uti v. g. Olea fluida, macerata, admiſſo frigido aere, concreſcunt; Mercurius cum Viridi æris & Sale com. vulgo coagulatus, ſi per noctem ſtet in aqua frigida, mire indureſcit. Butyrum hoc coagulatum in excipulo ſi aeri trananti exponatur a verberatione particularum aerearum, quæ Salia ſolvunt, continuo liqueſcit: & notatu dignum eſt, quod meſura & pondus butyro accreſcat a particulis humidis ſubſtantialibus, quæ etiam proceſſu temporis quaſdam Mercurii vitæ particulas ad fundum præcipitant. Familiare hoc eſt omnibus Spiritibus concentratis acidis, vide in hanc rem ſingulare Experimentum de Oleo Vitrioli in *Curioſiſſimi Dn. D. Bohnii tr. de aeris in ſublunaria influxu* p. 48.

C A P U T VII.

De Medicamentis e butyro Antimonii præparandis.

Get butyrum Antimonii nulla rectificatione, cum ſucceſſu temporis ſe a craſſis ſcoriis liberet ac purget dum per aerem ſolvitur, adeo ut veriſſima ſit *Vigenarii de Igne & Sale* c. 43. ſententia, nimirum Salia in aere ſoluta per ſe magis ſe depurare ac ſubtili-

tilisare, quam fit per 12. alias dissolutiones. Butyrum ad usum internum non pauci reformidant, metuentes vel insignem corrosivitatem, vel stibiatas *depressivas* in eo latentes particulas, verum inanis omnis metus cuiusdam noxæ, quo enim concentratior Spiritus Salis acidus, eo minori quantitate propinari debet. Quod attinet atomos Antimonii in butyro contentas, hæc cum acido exhibitæ, quod Sulphur volatile mire figit ac deprimit, non adeo drasticam exerunt vim. Sic, Spiritus Vitrioli digestus super vitrum Antimonii flavum acquirit colorem & saltem purgat per inferiora v. *Crollium in Basil. Chym. pag. 96.* Imo ipse testatum facio, quod butyrum Antimonii ad gr. 3. assumptum mihi post lenem subsequutam nauseam alvum blande subduxerit. Ejus usus externus frequentior est in bubonibus pestilentialibus, herpete, ulceribus malignis, cancro, gangræna, v. *Joh. Agricola in Poppium pag. 143.* & *J. P. Faber* passim in curation: Ad verrucas quoque tollendas *Auctor Gallus Tibaut cours de la Chémie q. 180.* mire extollit. Podagricos quoque dolores illud ad 3j. mistum cum Spiritu vini libra ꝑ. instar incantamenti tollere, auctor est *Wepfferus Practicus felicissimus in Msto. Basilii Valentini in curru triumphali p. 268.* ex butyro cum Spiritu vini iterata rectificatione parat Oleum rubrum quod in ulceribus malignis cancris magni æstimat. Rubedo debetur texturæ Sulphuræ, quæ proficiscitur ab acido Spiritu Salis & Spiritu vini, si hæc præprimis calore & intestina particularum agitatione inter se actuentur. Testantur id tincturæ rubicundæ coralliorum, quæ eodem modo, cum Spiritu Salis dulci fiunt v. *Gansii Histor. Corallior. p. 62.* item olea, quæ emergunt ex miscela Spiritus acidi fortissimi v. gr. Spiritus nitri cum Spiritu vini; si enim Spiritus nitri dulcis paratur ac destillatur, relinquitur Oleum crassum in cucurbita.

Butyrum quoque exactissime solvit aurum, imo radicaliter hoc cum illo fermentare & per rotam philosophicam reducere norunt Chymici, sunt verba *Crollii in Basil. Chym. p. 70.* Martem quoque it. Saturnum, Lunam facile quoque in poros recipit, ita ut hac encheiresi per compendium quasi possint parari omnia bezoardica, vid. de his *B. Dn. Ludovici Pharmac. pag. 329. 330.* Elegantissimum quoque Bezoardicum Mercuriale ac solare paratur, si Cinnabaris Antimonii prius solvatur in butyro, pulvis flavus cum

aqua com. præcipitetur, cui affundatur aqua regis, in qua aurum solutum fuit, sæpiusque ab eo abstrahatur, relictus pulvis edulcoretur Spiritu vini. Vid. plura de hoc Processu in *Pharmacop. Schroderiana p. 412.*

Quando butyro Antimonii aquam vel frigidam vel calidam affatim affuderis, subsidet paulatim lactescente in liquore pulvis niveus, qui diligenti ablutione edulcatus Mercurii vitæ nomen sortitur. Præcipitatio fit a particulis aqueis Salium ramenta amplectentibus, hinc non possunt non e poris decidere particulæ stibiatæ. Aqua Spiritu acido ebria filtrata per chartam emporeticam miti decoctione asperrimus fit liquor, qui obliqua stillatione per focum in arenâ elutriatus longis parasangis anteit Spiritum Salis com. Fovet enim in sinu subtile quoddam acidum Sulphureum ab Antimonio & Vitriolo profectum, imo tenuissimas Antimonii atomos, quæ in conspectum facile veniunt, modo Spiritus Vitrioli Spiritui Vitrioli philosoph. concentrato affundatur. Inservit hic Spiritus extractioni Tincturarum 4. florum Cordial. it. ad tincturam *Mæbii* aperitivam ejus singularis usus, modo Oleo tartari per deliquum debite ejus corrosivitas refringatur, & torna Solis, vel rosæ aut santalo rubro saltem tingatur. Porro si hic Spiritus limaturæ Martis mundæ affundatur, emergit liquor, qui leni evaporatione in Vitrioliforme coagulum condensatur, cui si Spiritum vini combines, exsurgit tincturæ aperitiva Martialis non inelegans, quæ cum areano tartari ana mista tincturam Martis *Zuvelfferi*, cum Saturni saccharo Tincturam antiphthificam Gramanni constituit, utramque rubicundam, atque viribus nobilissimis fulgentem.

Si Spiritus Vitrioli philosoph. per aliquot dies stet super Mercurium vitæ, fit iste Mercurius gravis, splendescens & fundum petit ab associatis telis Salinis, color illius lacteus mutatur in luridum. Admodum fortiter operatur hic Mercurius; contra bene elutriatus aqua calida non tam validus est, ac si spicula Salina adhuc in porulis hæreant. Qualitas enim corporum drasticè operantium Spiritualis per se non agit, nisi in effectum ducatur a Sale acido. Hinc per alcalia, quæ acidum prorsus castrant, ac destruunt correctio omnium venenorum, purgantium, quam commode perficitur, vide de hac re erudite differentem ingeniosissimum *Pechlinum in Exercit. de Purgant. p. 197.*

Buty.

Butyro Antimonii si Oleum tartari per deliquum instilletur, Mercurius vitæ corrigitur & cicuratur fitque catharticus, sed notandum, quod Sal. alcalinum acido prædominari debeat. Purgari quoque perhibetur, si Mercurius vitæ spiritu vini præcipitetur. it. si cum Sale com. misceatur.

Alia ex butyro Antimonii commisto cum urina humana putrida, præcipitant Mercurium vitæ roseum (ast maxime pallidum) si præprimis urina cum butyro digeratur, neque statim per inclinationem separetur. Conciliatur huic pulveri color elegantior ac virtus commendatior, si Mercurius vitæ imbibatur Ess. fantali cum Spiritu Vitrioli dulci parata, & Oleo cinnamomi postmodum irroretur. Dicitur hic pulvis Rosa mineralis *A. Sala* emetica. Porro Mercurius vitæ cum terra foliata tartari in crucibulo liquatus in schema rubrum vertitur, ex quo cum Spiritu cochleariæ extrahitur elegantissima Tinctura Antimonii antiscorbutica v. *de hac Hartmanni Commentar. in Crollium p. 74.* Cæterum hic Mercurius ana cum nitro detonatus & arcano tartari nuptus virtutem leniter alvum subtrahendi acquirit, quo arcano tartari purgante sæpissime usus fuit *B. meus Parens.*

Tandem Mercurius vitæ cum duabus vel tribus partibus nitri detonatus (vel si Spiritus nitri iusta quantitate ab illo abstractus fuit) acquirit virtutem diaphoreticam, & vocatur bezoard. minerale. Notabile autem hic est, quod in detonatione nullus ignis motus ac strepitus (qualis in præparatione Antimonii diaphoretici fit) attendatur, quod dependet a Sulphure in Mercurio vitæ maxime fixato & obtuso, hic quoque bezoardicum minerale grata semper nitet albedine.

Restat tandem egregium explicandum phenomenon, cur nimirum Spiritus nitri affusus butyro Antimonii tantam excitet effervescentiam, cum calore vix tolerabili & præcipitatione particularum Antimonialium concomitante ac subsequente. Communiter asserunt, acidum debilius cum fortiori summo collidere impetu, hinc Spiritum nitri ceu debiliorem cum butyro Antimonii acido fortissimo impetum atque conflictum exercere. Verum non sufficit hæc ratio; perspicimus namque Spiritum vitrioli, vel Salis butyro affusum non similem exercere effectum, sed saltim nitrofa id præstare, v. gr. Spiritum Vitrioli, aquam fortem, (quæ a Spiritu nitri nil differt, nisi quod per fer-

mentationem cum terra Vitrioli in destillatione Sulphur magis explicatum ac volatile factum; hinc Spiritus nitri abstractus a limat. Martis in arena per retortam, veram aquam fortem reddit) it. aquam regis, secundum *Crollium in Basil. Chym. p. 135.* Nitrum quoque in crucibulo liquatum & butyro Antimonii immisum eundem effectum ac Spiritus nitri mihi præstitit. Spiritus enim acidi nil aliud sunt quam Salia ætherea ignis motu fluorem adepta, hinc quoque aque Sal. com. & Spiritus Salis armat ac commasculat Spiritum nitri ad aurum solvendum, uti & ipsum nitrum Spiritum Salis vid. *Billich. in observat. Chym. p. 60.* Alii existimant Spiritum nitri cum Spiritu Salis concentrato hanc collisionem efficere. Ast neque Spiritus Vitrioli philos. maxime concentratus cum Spiritu nitri ebullit. Veram itaque rationem sollicita indagine jam prosequi nobis animus est. Præsupponimus autem 1. aquam regis constare sive componi e Spiritu Vitrioli, vel aqua forti acuata cum sale com. vel Sale ammoniaco aut Spiritu Salis com. 2. Butyrum Antimonii (ut supra docuimus) esse Spiritum Salis concentratum, fœtum particulis Antimoniatis. 3. Aquam regis quamcunque cum Antimonio pulverisato it. cum regulo Antimonii mirum quantum effervesce cum graveolente aquæ fortis odore in aera exspatiente, cum summo calore, ita ut fracturam sæpe vitrum minetur, si præprimis calido in loco mixtura foveatur. Ex hisce præsuppositis facile colligimus, Spiritum nitri vel aquam fortem it. nitrum crudum butyro Antimoni-additum cum Spiritu Salis (in butyro contento) degenerare in aquam regis, quæ deinde Antimoniatas particulas latentes summa vi aggreditur, ingentemque excitat strepitum cum summo calore, qui debetur velocissimo particularum ætherearum motui. Spiritus enim quo magis abundat Sale æthereo, uti aqua fortis, Spiritus nitri, eo cum alcalinæ naturæ corporibus majorem suscitatur effervescentiam majoremque ætum. Præcipitatio Mercurii vitæ proficiscitur a particulis acidis butyri, amicabile mutuum conjugium ineuntibus cum nitrosis, hinc cum in mutuos amplexus hæc Salia rapiantur, non possunt non in poris Spiritus Salis antea contentæ minutiae Antimoniatae subsidere ac fundum petere, non secus ac Mercurius solutus in aqua forti, immisso Sale com. vel Spiritu Salis (dum fit aqua regis) præcipita-

pitatur. Notabile autem hoc loco est, quod butyrum Antimonii si pauxillum aquæ com- prius fuerit admixtum (quo Mercurius vitæ præcipitetur) cum Spiritu nitri non effervescat, neque etiam hoc facit Mercurius vitæ cum aqua præcipitatus & exsiccatus si cum aqua forti misceatur. Ratio est: quod nimirum ab affusa aqua communi textura Mercurii vitæ pororum ac particula- rum jam immutata sit, hinc non datur aquæ regis in ejus poros ingressus ac aditus. Spiritus nitri igne arenæ a butyro Antimo- nii abstractus mutatur in aquam regis, quæ Solis repagula exactissime reseat, residuo in fundo vasis Bezoardico minerali.

C A P U T VIII.

Cinnabaris Antimonii naturam ac elementa docet coloremque ejus rubicundum explicat.

Considerata butyri Antimonii natura, ut mentis flectamus aciem ad Cinnabaris Antimonii indolem, principia constituentia coloremque ejus coccineum perscrutandum, ipsius nobilissimæ scientiæ dulcedo & rei gra- vitas exposcere videtur: Nimirum Cinnabaris Antimonii nil est aliud, quam Mercurius vivus cum Sulphure Antimonii amalgama- tus & sic in corpus stabile ex obscuro rubi- cundum beneficio ignis commutatus. *Doctis- simus Dn. Vvedelius* statuit illam nil aliud esse quam Mercurium Sublimatum dulcem Sul- phure sive tinctura Antimonii embryonatum & imprægnatum. v. *Pharmac. p. 139.* quod etiam suo sensu verum est. Nimirum Mercurius dulcis dicitur sensu Medico, quia est insipidus, estque nil aliud quam Mercurius vivus particulis acidis salinis imprægnatus proportionaliter interspersis ac ipsi mixtis: notanter dico, certam proportionem salis acidi requiri ad Mercurium dulcem confi- ciendum: Mercurius enim Sublimatus com- munis, in quo prædominantur partes salinæ, secus ac ferre possunt Mercuriales summe corrosivus ac virulentus existit: quod si au- tem exuberans salinarum particularum por- tio tollatur ac dematur, vel earum abstra- ctione cum Antimonio in butyrum, vel de- bita salis tartari alkalici copia addita, (quæ enchiresis h. m. Mercurium dulcem parandi mihi optime nota) vel novo Mercurio vivo adjecto, qui globulos suos minutissimos ra- mentis salinis interponit, exsurgit Mercurius

dulcis. Sic eodem modo in nostro opere, acidæ particulæ Mercurii Sublimati destilla- tæ aggrediuntur particulas Antimoniatas, ac fatiscunt in texturam Sulphuream (Spiritus enim acidus quivis ab Antimonio abstractus inflammabilem ex illo producit substantiam) quibus particulis Antimoniatis acidis Sul- phureis sese intime atomi Mercuriales asso- ciant, acidum illud in amplexus arripiunt ac invicem maritata in sublime feruntur, constituuntque stabile corpus rubicundum, quod sapore, textura, friabilitate, modo concresecendi, non differt a Mercurio dul- ci, nisi quod ab associatis atomis Sul- phureis Antimoniatis colore rubicundo im- butum sit.

Patet itaque ex quibus principiis ac elemen- tis constet Cinnabaris, nimirum ex Mercurio, & Sulphure Antimonii cum Spiritu salino acido recluso. De Mercurio autem maximam partem participat; est enim Cinnabaris An- timonii gravissima & pondus pene adæquat ipsius Mercurii, quod clarum fit sequenti expe- rimento. Assumpsi vitreum vasculum, & exacte indidi Cinnabarim. Antimonii bis re- ctificatam & ponderavi lance accuratissima adhibita drachmas quinque & scrupulum se- mis. In illud ipsum vitrum indidi Mercurium præcipitatum communem, & replevi illud ac cum Cinnabari factum fuit, & pon- deravit drachmas quinque & grana 28. Mer- curius itaque granis 18. plus ponderavit NB. Vitri pondus separatim fuit institutum. Gra- vitas itaque Cinnabaris dependet proculdubio a Mercurio, omne enim Sulphur levissimum est. 2. Quod Cinnabaris nostra pene tota sit Mercurialis, probatur porro, quia ad Subli- mationem Cinnabaris major quantitas Subli- mati requiritur quam Antimonii, magna enim pars Antimonii relinquitur, quod cum novo Sublimato remixtum adhuc magnam quantitatem præbet Cinnabaris. Et hoc mo- do pene totum Antimonium, cum omne in Sulphur verti possit, in Cinnabarim redigi pot- est, non obstantibus particulis regulinis. Ve- rum quidem est & experimentum plus vice simplici feci, quod regulus Antimonii a Sulphu- re Antimonii pene liberatus & terna vice per ignem & sale Nitri purificatus, & cum Sublimato mixtus (in destillationem men- strui optimi secretioris) ne granum quidem Cinnabaris largiatur: nihilominus particulæ regulinæ adhuc cum Sulphureis conjunctæ in Cinnabarinum concretum invicem fati- scunt. 3. Ad Cinnabarim com. præparan- dum

dum requiri p. 4. Mercurii vivi & p. 1. Sulphuris vulgo notum. Cinnabaris hæc pene eodem gaudet pondere cum Antimoniali reſtificata, niſi quod illius pondus ad unciam unam differat granis viginti tribus. 4. Mercurius e Cinnabari Antimoniali reſuſcitatus ferme totius Cinnabaris pondus in retortam prius injectum adæquat, ut ſcribit *Febure in Chymia* p. 657. Experimentum instituendum eſt cum limatura Martis: Salia enim alkalina & omnia calcinata huic præparationi minus inſervire perſuaſum meum habeo animum. Inſtitui nimirum aliquando purificationem Mercurii, & tritura diligenti Mercurii vivi uncias 6. permiscui cum ſalis tartari unc. decem tamdiu, donec ſal hoc nigrum ac gryſeum redditum ſit, globulique Mercuriales ubique diſperſi fuerint. Commiſi hanc materiam retortæ vitreæ & ignem dedi apertum primo leniorem, poſt fortiſſimum & ultra quatuor uncias non prodiit Mercurius. Cui cauſæ hoc adſcribendum, adhuc ſuſpendo iudicium meum: invigilare enim huic experimento ulterius volo.

Patet ex antea dictis quam facile, Cinnabarim noſtram pene totam eſſe Mercurialem & ab ipſo Mercurio gravitatem, conſiſtentiam, texturam, imo virtutem poſſidere, illamque inter medicamenta Mercurialia optimo jure referri debere; de quo infra mentionem injiciemus.

Quod attinet alterum elementum Cinnabaris, nimirum atomos ſtibiatas Spiritu acido in texturam Sulphuream commutatas: illæ abunde in noſtra Cinnabari ſe offerunt ac patefaciunt: modo cum lixivio forti decoquatur, & tinctum lixivium ſeparetur ac cum acido præcipitetur, Sulphur nanciſcitur haud inelegans puriſſimum, quod fluit & leviter ardet inque auras pene totum abit flammæ admotum.

Acidum autem Sulphuri Antimonii eſſe immixtum ceu ligans ac coagulans principium, quamvis guſtum non afficiat, exinde liquet, quia 1. vapores illi rubicundi, qui in Sublimatione Cinnabaris e retorta prorumpunt, & in Cinnabarim coaleſcere debent, odorem acidum ſpirant, eundemque ſaporem referunt. 2. Mercurius in Cinnabari ab acido Sulphuris ligatus non ſui juris ſit formaque viva prodit, niſi additis alkalinis acidum abſumentibus ac deſtruentibus. 3. Ab hoc acido Cinnabaris accidit, quod limatura martis cum illa permixta ad revivificandum Mercurium, in crocum verſa in

retorta ſemper reperiatur. 4. Nullum Sulphur elemento acido fixativo ac coagulativo deſtitutum, ſi non formali tamen materiali & potenciali eſt imbutum: quod pluribus deducere hujus non eſt loci.

Tandem non excludendæ ſunt a principio conſtitutivo Cinnabaris particulæ Sulphuræ vitriolatæ, quæ nimirum deliteſcunt in Mercurio Sublimato. Notum eſt, ex mixtura Vitrioli & Salis (quæ ad Sublimationem Mercurii requiritur) deſtillari poſſe Spiritum Salis Sulphure Vitrioli flavo copioſiſſimo imprægnatum, hoc Sulphur in Sublimatione Mercurii procul dubio in amplexus arripit, & ſecum vehit: cum ille maxime gaudeat conſortio Sulphureo. Hinc quoque patet ratio, cur ſolutio Sublimati, inſtillato Oleo tartari per deliquium rubefcat. Sulphur itaque hoc Vitriolicum Mercurio Sublimato intime remixtum abire in conſtitutionem Cinnabaris, ex poſitis facile colligere poſſumus.

Perspiciamus itaque Cinnabarim maximam partem ex Mercurialibus, deinde ex Sulphureis Antimoniatis & Vitriolatis acidis particulis eſſe conſtatam.

Cognitis jam principiis & natura Cinnabaris facile eſt perſpicere rationes diverſæ hujus præparationis a quibuſdam inſtitutæ.

Sic *Helmontius* ſuam Cinnabarim parat hoc modo: primo conficit Sulphur Antimonii ex Antimonio crudo cum aqua Regis, (quod exacte naturam Sulphuris com. refert) Sulphur autem longe elegantius ac copioſius ſit, ſi non tam cum aqua Regis nimis forti menſtruo quam magis tēperato, nimirum Spir. Nitri Bezoardico præparetur, (quod colore, ſapore, fluiditate, imo in omnibus pene ſimile eſt vulgari Sulphuri) hoc leni igne liquat & commiſcet intime Mercurium vivum: adornat poſtmodum Sublimationem, qua virtuoſiſſimam elegantiffimamque obtinet Cinnabarim.

Porro Cinnabaris Antimonii, ad imitationem Mercurii iſtius præcipitati fixi (quem deſcribit *Febure in Chymia* p. 661. & confit ex Mercurio vivo, Sale Ammoniaco, & Sulphur com.: tritura Mercurius cum Sulphure, quod notabile eſt, h. m. conjungitur & amalgamatur, poſtmodum mixtura deſtillatur, & Cinnabaris elegantiffima vaſis lateribus apponitur) ſi loco Sulphuris com. aſſumatur Sulphur Antimonii.

Huc pertinet quoque Cinnabaris Antimonii

nii *Wedeliana*, quam anno 3. *Ephemer. German.* p. 114. communicat, & præparatio talis est: R. Sulphuris Antimonii cum lixivio saponar. factis ℥ iij. Mercur. Sublimati ℥ iv. pulverisata & mixta in mortario lapideo, cum spatula lignea indita sunt retortæ angustioris orifici datusque ignis *κατω* in principio levior, hinc sensim auctus, donec tandem omnia, attamen sine igne suppressionis canduerint. Primum exiit butyrum aliquomodo empyreumaticum, hinc se ostendit Cinnabaris antica parte colli retortæ, præcedenti ut solet quasi iridis splendore. Collecta fuit Cinnabaris fere ad unciam unam cum Mercurii vivi circiter tantundem.

Tandem differt ratione præparationis Cinnabaris sequens quam ego maximopere æstimo: Accepi solutionem Mercurii Sublimati cum aqua com. institutam ad ℥ x. ita ut Sublimati contineret ℥ iij. solutionis Sulphuris antimonii cum lixivio factæ (qualis est illa ex qua Sulphur sic dictum Antimonii aurum præcipitatur ℥ v. commiscui invicem & post conflictum Sulphur Antimonii cum Mercurio præcipitato in fundo sese junxit eleganter rubicundum. Liquorem salinum supernatantem decantavi, & recenti aqua com. addita salsedinem, ast non penitus omnem, elutriavi, materiam siccavi, in mortario lapideo calido forti tritura optime commiscui, deinde Sublimationi in retorta vitrea igni aperto leniori commisi, & destillavit primo liquor quidam admodum sulphureus empyreumaticus ad drachmas ferme tres: ignem urfi & inveni fracta retorta Cinnabaris longe rubicundioris ac elegantioris illa, quæ communi modo præparatur, unciam unam & drachmas quinque. In retorta corpus nigricans salinum interspersis paucis globulis Mercurialibus fuit relictum. Adeo hunc modum sublimandi Cinnabarim pene optimum iudico: ast butyrum deperditur.

Hiscæ pensculatis omnibus restat jam ut colorem illum purpureum, quo Cinnabaris fulget, unde nimirum ille dependeat, inquiramus. Deducitur ille dubio procul a varia textura ac dispositione particularum Mercurialium, quæ lucis radios ita reflectunt ac modificant, ut ad oculum spectatoris color rubicundus sistatur. Dispositio autem talis pororum ac particularum inducitur Mercurio plerumque vel a Sale ignis æthereo, vel ab admixto Sulphure, utroque prædito facultate tingendi. Sic Mercurius vivus solo æthereo ignis sale sine ullius rei additione igne

Hoff. Opusc. varii argum.

Chymico præcipitatur in corpus rubicundissimum durum.

Hinc quoque si Mercuri vivi ℔ j. igne forti ex retorta vitrea destilletur, in vasis fundo & circa ejus latera parum rubri pulveris adhærebit. v. *B. Parentis Clavis Pharmacut. Schroderiana* p. 265. Saturnus qui totus Mercurialis est (hinc quoque gravissimus post Solem & Mercurium) igne reverberatorio tractatus vertitur in minium rubicundissimum. Cæterum Sulphura maxime apta nata esse corpora Mercurialia tingendi ac rubicundum illorum colorem per intimam quasi disseminandi ac propagandi, plurimis clarum sit experimentis. Sic ratio patet, cur aurum pallidum, si per Antimonium, quod maxime Sulphureum est, fundatur, vel saltem cum tartaro & Sulphure com. (ut aurifabri solent) coquatur, colorem suum flammæ aureum reassumat. Aurum autem dicente *Gebro l. c. p. 125.* nil est aliud, quam corpus creatum ex substantia subtilissima argenti vivi & ex substantia pauca Sulphuris mundi & puræ rubedinis illud tingentis. In hujus confirmationem valet illud: quod nonnunquam reperiatur album, ut refert *Dr. Boyle tentam. Physiol. p. 26.* cui colorem parum veneris admixtum iterum fœnerat.

Porro Mercurius dulcis admixta Sulphuris Antimonii cum sale ammoniaco sublimati pauca quantitate, & triturratus cum aqua com. colorem luteum saturatum acquirit. Mercurius quoque sublimatus corrosivus pulverisatus, cui Cinnabaris Antimonii particula adjecta fuit, affusione aquæ com. in rubicundissimam pulverem vertitur. Turpethum minerale, (quod fit ex sublimati solutione præcipitata cum oleo tartari per deliquium) ob particulas Sulphureas Vitriolatas admixtas, quæ mire colorem rubicundum explicant, elegantissima rubedine gaudent.

Simili modo Mercurius tum a sulphure communi, tum a Sulphure Antimonii in nostra præparatione mire tingitur, & veste purpurea induitur. Quod autem hic color a textura saltem particularum Mercurialium immutata originem ducat, ac solummodo colorem superficiale, non radicale esse, evincitur sequ. experimentis: nimirum Cinnabaris Antimonii cum sale ammoniaco mixta & sublimata in cucurbitula per arenam elargitur flores nigros, cum tamen sal ammoniacum cum Antimonio mixtum flores producat rubicundos. Contra Cinnabaris vulgaris exhibet flores albicantes, si cum eodem sale su-

blimatur: parili ratione uti minium, quod colore superficiali etiam gauderet, cum eodem sale sublimatum flores albos in alembico exhibet.

C A P U T IX.

De medicamentis e Cinnabari Antimonii preparandis.

Cinnabaris Antimonii quanquam per se citra rectificationem intus tuto propinari possit, saltem bene lota aqua calida, cum pauxillum salis lixiviosi adjectum, quo fordes acidæ Antimoniales a butyro relictæ in extremis porulis undulantes detergantur: rectificatione tamen longe purior ac nobilior redditur. Rectificatio potest institui per cucurbitulam (vulgo *scheide Holblein*) impositam crucibulo arena repleto dato igne primo leni, post fortiori, donec Cinnabaris circa inferiorem cucurbitæ partem sublimetur. Eadem encheiresi utimur in sublimatione Mercurii dulcis: Peracta sublimatione vitri cololum caute discindatur & Cinnabaris eximatur, quæ longe splendidior ac purior existit: chartæ si affricetur, colorem longe elegantiorum & rubicundiorum exhibet: magma terreum antimoniale acidum manet in fundo, scoriarumque in collo affixæ sunt. Sublimatio ac rectificatio hæc continetur sexies vel septies. Sunt quidem recentiorum nonnulli, qui unicam sublimationem sufficere judicant ac tot repetitas inutiles ac superfluas æstimant: ast pace tantorum virorum, (insignes enim illi sunt Chimici) ego sancte contestari possum, quod, quæ Cinnabaris, etiam nativa, frequentius est sublimata, eo longe efficacior subtilior ac spirituosior imo coloratior evadit, ut unum granum in morbo quovis datum plus præstet quam quinque non rectificatæ. Verum quidem est, tuta est admodum non rectificata, ast non tantis gaudet virtutibus, uti & Mercurius dulcis: particulæ enim omnium metallorum ac mineralium, quo subtiliores, ac puriores, eo virtute sunt nobiliores. Jam autem reiterata sublimatio, particulas Mercuriales non solum subtilizat, Spirituosas reddit, æthereo ignis sale penetrantissimo communicato, verum etiam purissimas: hinc in quavis sublimatione novæ resurgunt scorix. Et sane ob hanc rationem, quod non Cinnabarina sufficienter sublimatione exaltata sint, iudicio non tantos effectus hodie exferere ac præstare posse quam olim. Specificum cepha-

licum Michaelis, cujus basis est Cinnabaris sexies sublimata, olim longe efficacius fuit, quam nunc, dum ex Cinnabari saltem unica vel ad summum secunda vice sublimata concinnatur.

Deinde probe notandum hoc est, quod Cinnabaris hæc nil pene præstet, si non exactissime sit pulverisata, & in minutissimum pollinem diligenti ac diuturna cum aqua cordiali instituta tritura redacta. In hoc peccant plures Chymiatrorum; dum metallica (quæ tamen gravia sunt & ob id non ascendunt nec cum lymphæ vel massæ sanguineæ communicantur, sed statim per alvum sine effectu rejiciuntur) v. g. Antimonium diaphoreticum, regulum Antimonii medicinale (qui summum massæ sanguineæ est depurativum) Mercurium dulcem, Cinnabarium saltem leviter triturant & ita propinant. Idem quoque tenendum est de martialibus, lap. cancerorum, coralliis, quæ nisi præparata, vix ullum effectum laudabilem in viscerum morbifica dispositione præstant, saltem quod acidum in primis viis obveniens absorbent & dulcificent. Et ob id magisteria, subtilissima a veteribus commendata ob virtutem quandam absorbentem non sine effectu propinata fuere. Cinnabaris hinc frequenti trituratione & aquæ adspersione in minutissimas atomos redacta cum chylo, lymphæ, sanguine miscetur, per consequens nervos, membranas ac Spiritus animales afficere ac alloqui potest. Vires Cinnabaris hujus an præparatione singulari, nimirum vel solutione vel fixatione insigniter nobilitari vel exaltari possint, opus est videamus. Quod attinet solutionem illam quæ celebratur per menstrua corrosiva v. g. aquas stygias, ut aquam Regis, buryrum Antimonii, Spiritum Nitri (in quo solutum Vitriolum est) nullius est momenti. Notabile hoc est, quod Cinnabaris virtutes potissimum obtineat ex eo, quod Mercurius Sulphureis anfractuosis ac gibbosis obtusis particulis blande ligatus ac obductus sit, hinc non facile in venenosam corrosivam naturam, accedente licet salino stimulo vel spiculis acidis in massa sanguinea, abire potest: illa enim amplius non habent jus in Mercurium, & ob hanc rationem a nullo solvente acido, v. g. Spiritu Virrioli, aceto, aqua forti solvitur Cinnabaris, licet in Mercurium vivum hæc menstrua insigniter agant. Patet exinde, quod Mercurius copula hac sulphurea quasi solarem induerit naturam, & ad vires eximias exercendas aptus redditus fuc-

fuerit : si itaque copula ac textura per solutionem violentam hanc invertitur ac destruitur particulis Sulphureis a Mercurialibus separatis , & Mercurius simul deleteria facultate per associationem salium corrosivorum in menstruo latitantium imbuatur , non potest non cessare virtus Cinnabaris commendatissima & in summum venenum facessere .

Secretiores autem naturæ mystæ altius progrediuntur & ad exaltandas vires salva manente textura commendant menstrea insipida catholica æthereæ profapæ , quæ radicaliter metalla , lapides , vegetabilia recludere illorumque vires exaltare apta nata sunt . An detur talismodi menstruum nolumus hic deducere rationibus ac experimentis , sed saltem commendare egregium tractatum de Alchymicorum mensuris & imprimis de usu Spiritus vini Lulliani Domini Doctoris VVeidenfelt , Angli , Fautoris æstimatissimi , qui jam sub prælo sudat & ex professo de adeptorum omnium mensuris tractat . Plures quidem pro dolor sunt , qui universaliora menstrea , Sal Naturæ , insignes panaceas , radicales , metallorum solutiones , pleno ore dilaudent ac speciosis rationibus & sagaci artificio animis ad credendum obtrudere conantur , & tamen , si attentius rem consideremus , nil nisi fucus ac dolus est . Talismodi impostores plures dantur idiotæ , qui Reges , Principes summosque viros per totam pene Europam , imo ulterius vagantes fraudulentâ manu circumvenire ac decipere audacissimi sunt . Plures historiæ ac exempla (turpe dictu est sed verissimum ,) & Germanorum prostant , qui toti nationi sæpe apud exteros maculam quandam inurunt . Talismodi impostores infamia sane notandi ; non solum enim summas tenebras animis curiosorum suffundunt , summam confusionem in naturalis scientiæ doctrinam introducunt , verum etiam sæpe toti provinciæ ac reipublicæ detrimento sunt . Interim tamen non negandum esse judico , dari menstrea quædam subtilissima ætherea , quæ nullo corrosivitatis vestigio relicto intimius corpora recludere ac magis Spirituosa reddere possunt . Sic Balduinus , vir satis curiosus in Hermete suo curioso p. 56. refert , se parasse ex sale suo Hermetico magnetico menstruum catholicum radicaliter solvens vegetabilia , carbones , metalla , Cinnabarim nativam illaque sine ulla corrosivitate potabilia reddens . Porro Archiater Saxonicus Dn. D. Sieboldus , monstravit mihi liquorem ante aliquot annos vinum vetustum sapien-

tem , pellucidum , æthereum , qui in lapidibus pretiosis ac minus pretiosis metallis intime resolvendis in summa medicamenta , egregia , ut me certiores fecit , præstet . Quod si itaque menstruum datur talismodi , quod Cinnabarim nostram solvere possit sine corrosivitate , sine destructione texturæ , medicamentum sane exinde exsurgere posse longe excellentius ipsa Cinnabari , non ibo inficias . Observavi enim in praxi mea quam sæpissime , quod , si Cinnabaris cocta prius cum vino : vel si Sp. Vitrioli dulcis ipsi affusus fuerit , liquor supernatans propinetur debite , vires longe præsentiores exserat quam si præparata saltem assumatur : cum tamen hæc solutio saltem superficialis ac lenis sit . Quoad fixationem Helmontius illam in medicamentis Mercurialibus mirum laudat : Quamdiu enim , inquit , in tr. de Febris §. 9. pag. 778. Mercurius potest resuscitari , non est boni viri remedium . P. J. Faber in Curat. p. 736. Cinnabarim Antimonii vocat Sulphur rubrum & minerale bezoar rubrum , quod si fixetur , vires auri potabilis æquare pronunciat . Fixationem talem communiter instituunt sale seu Oleo Vitrioli , quod ob particulas graves fixas salinas , Mercuriales globulos dividit , disgregat , ac interpositione sua ætherearum particularum conjunctionem (quæ volatilitatem efficit) impedit . Hunc in finem Keslerus in Observat. Chym. Oleo vitrioli cicurat ac figit Mercurium vulgi ita , ut fortissimi ignis patiens fiat . Basilus Valentinus in curru Triumphal. p. 408. Mercurium Antimonii cum Oleo Vitrioli in panaceam mirabilem figit . Beguinus quoque in Tyrocinio Chymico pag. 137. Cinnabarim Antimonii vel vulgarem potius cum sale communi mistam figit Oleo Sulphuris in pulverem album terna vice abstrahendo illud a Cinnabari . Fixatio Cinnabaris eodem modo optime procedit , si ab hac terna vice abstrahatur Spiritus nitri : sic in colorem ex albo flavescens vertitur , Spiritus edulcoretur & relictus flavus pulvis , qui carbonibus ignitis injectus totus avolat retorte immittatur , & Oleum Vitrioli , quod Vitrioli Sulphure est prægnantissimum , aliquoties ab eo abstrahatur . Materia in retorta relinquitur flavescens , quæ aeri exposita in deliquium abit , si materia hæc adhuc sicca igniatur , fit fixissima & acquirit colorem ex bruno-tubicundum instar caryophyllorum , saporem habet Vitriolicum venereum ; auro si affricetur , illud non tingit colore albo ut Mercurius solet . Et talis

Mercurius fixus procul dubio etiam fuit, quem in usu habuit *Celeberrimus Knoeffelius*, quo podagram perfecte curare scivit: Virtutes ejus sumams ac laudes proponit *Johann. de Laet in Epist. de podagra curata per Andream Knoeffelium*. Notabile autem hoc est, quod, si materia ab abstractione Olei Vitrioli in retorta relicta, aqua simplici edulcoretur, aqua quæ provenit exinde acida, saporem ac naturam longe aliam referat ac Oleum Vitrioli, & relictus flavus pulvis Mercurialis, carbonibus injectus volatilis sit, ignemque fugiat, quod lecus fit, si materia hæc Oleo Vitrioli adhuc prægnans igniatur. Cinnabaris autem prædicto modo fixata longe in minori dosi propinari debet, quam vulgaris: saltem ab uno grano ad duo & quidem in vehiculo quodam appropriato: circumspectius longe est danda, quoniam sal quoddam ipsi associatum est, quod violentam operationem exercere potest. Interim caute data ad obstructions pertinaces tartareas referendas longe commodior est, majoremque opem fert, quam Cinnabaris saltem pura præparata. Quartanarios aliquot summa cum laude curavi Cinnabari hac fixata, remixta cum extracto chinæ chinæ, cent. min. gentianæ & sale absynthii in forma boli.

Cinnabaris hoc modo fixata non caret quidem sua laude in arte curandi, ast quoniam non perfecte fixata est, (resuscitari namque Mercurius quam facile iterum potest) hinc non tantas vires, quantas promittit vere fixata præstare atque exhibere potest. Quamdiu enim externæ heterogeneæ terreæ scorix, sive Sulphur externum purissimis æthereis homogeneis Mercurialibus particulis est commixtum, tamdiu nulla vera fixitas Mercurii, ita, ut resuscitationem renuat, sperari potest.

Porro Chymicorum plures desudant quoque, ut Cinnabarim in tincturam sive potius in formam liquidam potabilem redigant: vix autem talem obtineri posse judico, si intelligenda simul est radicalis solutio.

Nimirum solutionem Cinnabaris præstant nil nisi aqua Regis vel menstrua secretiora insipida Chymicorum: hæc autem nondum nota sunt, illa magis venenum ex medicamento faciunt, hinc judicium nostrum de tali tinctura suspendimus. Cum autem præter Mercurium, Sulphur etiam Antimoniale purissimum Cinnabaris nostra pro elemento habeat, hinc tinctura Antimonialis Sulphurea elegantissima per separationem & extractionem

illius parari potest, quamvis non differat, tincturis faciliori methodo ex antimonio extractis: Nimirum omnes Antimonii tincturæ, sero fluxilitatem quandam fœnerant, salivationem movent, sordes glandulis impactas excutiunt, virtutemque simul possident anodynam.

Sulphur hoc e Cinnabari per alkalina vel Sulphurea oleosa menstrua potest extrahi: Si nimirum cum lixivio ex sale tartari bene calcinato confecto coquatur & solutio iterum coaguletur, & massæ salino-Sulphuræ Spiritus vini saltem leviter rectificatus (alias non facile tinctura saturata, efficax resurgit) affundatur ac digestionem exponatur. Per oleosa quoque concinnari potest extractio: Sulphura enim mineralium facile obsequuntur menstruis Sulphureis oleosis. Sic *Polemannus in Tr. de Sulphure Philosoph.* Elixir vitæ parvum facit ex Sulphure aurato Antimonii sæpius ab illo abstrahens Oleum cinnamomi, quod tandem Sulphur hoc secum vehit super retortam. Eodem modo ex Cinnabari nativæ & Antimonii talismodi tinctura parari potest. Elegantissime scripsit *Thomsonius in tr. the direct. method. of. curing Chymical.* p. 113. Cinnabaris nativæ, quæ juxta Paracelsum vocatur metallus primus, possidet radians Sulphur solare, quod si in Oleum rubrum transferatur & postmodum in Essentiam spirituales, nomine, vinum vitæ: Vel si dissolvatur in Oleo quodam aromatico & circuletur cum sale quodam alkalino & Spiritu vini, non solum purificat & abigit illud, quod corpori nocivum est, sed renovat vires, toti imperat corpori, tonumque & vigorem restituit omni parti, ut proportionatam & justam actionem edere possit: hinc talismodi Elixir est summe conducibile ad protelationem vitæ. Nimirum Cinnabaris nostra cum Oleo v. g. cort. citri recenti vel cinnamomi & pauxillo Salis tartari admixto probe digeri debet, tunc Sulphur Oleo communicatur, & illud fit rubicundum, huic potest affundi Spiritus salis ammoniaci vinosus, qui Olea solvit, & emergit tinctura Spirituosa volatilis elegantissima. Alii ut *Dn. Elsholtzius in destillator. curios.* p. 22. Cinnabari nativæ vel factitiæ affundit Spiritum terebinthinæ, qui per arenam e cucurbita vitrea destillatus prodit rubicundus. Balsamum quoque Sulphuris Antimonialis elegantissimum parari potest, si sali tartari, quod Sulphur ex Cinnabari extrahit, affundatur oleum anisi vel juniperi

ri & oleum per digestionem tinctum cum Spiritu Salis ammoniaci vinoso commisceatur, prodit Spiritus, qui in phthisi, pleuritide, debite datus vix par habet.

Porro elegantissima tinctura antimonialis ex Cinnabari nat. parari potest cum Spiritu blando acido volatili (cujus beneficio ex omnium metallorum Sulphuribus tincturam extrahere scio) quæ flava dulcis est, Sulphureumque ingentem habet odorem. In epilepsia illam ana mixtam cum Essentia anodyna admirandam sensu in epilepsia duorum infantum hic Mindæ Westphalorum.

Quod attinet Mercurium Cinnabaris nostræ, ille cum limatura sive scoriis martis aut veneris quam optime potest reduci, itum calce viva. Hic Mercurius longe nobilior est vulgari, quoniam Sulphure Antimonii, cum quo amalgamatus fuit, non leviter correctus est. Si cum foliis auri amalgametur, & sic saturatus misceatur cum sublimato debita proportione in Mercurium solarem præstantissimum Chymico igne coquitur, qui blande alvum detrahit, simulque astrales splendidissimas in sinu fovet virtutes. Tandem Cinnabaris Antimonii vel nativa etiam optimum est correctivum opii. Latet nimirum in opio Sulphur quoddam narcoticum volatile, quod feminali sua resolubili virtute nervorum ac glandularum porulis sese applicat, ac insinuat, & ramosis suis particulis Spirituum motum ac influxum retardat, sicque fermentatio sanguinis fit, Spiritus ad quietem secedunt, causaque morbifica non amplius sentitur. Omnes hi effectus opii non contemnendi sunt, si applicatio ejus cauta sit, & causa morbifica non maligna, altiusque infixæ vitalibus, ac vires adsint, sanguinisque motus citior, evacuatoria omnia aperta: ne itaque nocere possit, quam commode adduntur resolventia, sic grata medicamenti harmonia exsurgit. Nihil autem melius huic scopo inservit quam Cinnabaris, quæ glandulas afficit, lymphamque ac Spiritus in motu ac fluore conservat. Quare in usu habeo Laudanum Opiatum tale: Assumo opium enchiresi Helmontiana cum succo cydoniorum, vel pomorum Chinesisum per fermentationem correctum, huic anatica proportione immisceo Cinnabarim nat. vel Antimonii antiquities rectif., addo ol. cinnamomi & Essentiam ambræ ac moschi ad gratum odorem. Et hoc laudanum præfero omnibus aliis pretiosissimis. Dosis est granum unum ad quatuor.

Plures compositiones & selecta medicamina e Cinnabari hac vide in sequentibus.

C A P U T X.

De modo agendi, ac viribus generalibus Cinnabaris.

Admiratione dignum est, quod Cinnabaris nostra cum e duobus corporibus, quæ per se sat drastice operantur, sit conflata, tam nobilissimis ac præstantissimis gaudeat virtutibus. Nempe patet ex superioribus, Cinnabarim nostram nil aliud esse quam Mercurium acido Antimonii Sulpure in corpus Cinnabarinum stabile coagulatum. Jam autem Mercurius vivus tum externe tum interne adhibitus non raro violentas & naturæ inimicas operationes exserit: Namque salivatione molesta non solum corpus delassat, verum etiam tremorem (motus convulsivi speciem) paralytin, contracturam, imo diarrhaam, cæcitatem nonnunquam inducit. Sulphur quoque antimoniale intus per se adhibitum non solum nauseam movet sæpissime, sed & vomitum, imo sedes. Ex hisce perspicimus, Sulphur Antimonii ac Mercurium vivum adscendere quasi in levia venena. Ast felicissimæ sunt conjunctiones ac confederationes nonnullorum metallorum ac mineralium, ceu salutarium astrorum, adeo, ut utriusque operatio violentior per se compositione & mutua confermentatione valde cicuretur, imo viribus collectis & adauctis virtuosissima evadat. Sic medicamenta ex Venere parata plerumque sunt emetica: potest autem tinctura interveniente martis ex Antimonii connubio ex Venere parari rubicunda, gratissimi saporis, quæ sudorem, non autem ullam nauseam movet. Porro regulus Antimonii in substantia ob vim emeticam ac virulentam virtutem interne non potest propinari. Interim tamen in sale com. tanta latet virtus, si hoc rite cum regulo misceatur & liquetur, ut ipsi omne venenum demat, & inde exsurgat pulvis ex rubro obscurus sudoriferus, præstantissimum massæ sanguineæ depurativum; in proclivibus ad vomitum nonnunquam ita juvat naturam, ut ille promoveatur. Eodem modo Mercurius vitæ cum sale com. bene tritatus vel melius adhuc liquatus degenerat in medicamentum sudoriferum vel etiam purgans. Mercurius sublimatus infamatum illud venenum cum Mercurio vivo debite permixtus

tus fit medicamentum tutissimum ac lenissimum, quod Mercurii dulcis nomine venit. Emetica ex Antimonio & Mercurio parata conjugio solis in lenissima medicamina abeunt, facultate illorum drastica maximam partem ablata. Sic quoque vitrum Antimonii ejusdemque familiae Mercurius vitæ associatus Mercurio vivo blando ignis temperamento juxta *Schroderum in Pharmacop. p. 409.* benignissimus leniterque purgans evadit, vel etiam sudoriferus, si pars una Mercurii vitæ & partes quatuor Mercurii dulcis assumantur ac coquantur invicem in panaceam *Riverianam antiquariam dictam.* Vid. *Hartmannus in Crollium p. 67.* Sulphur veneris volatile cum Mercurio vivo debite junctum & fixatum fit summa panacea. Porro quoque notabile est quod si arsenicum, summum illud venenum, cum antica Antimonii & Sulphuris vivi proportionem misceatur & fluat in phiola clausa fortissimo igne, materia obscure rubicunda emergat, quæ Lapidis magnetici nomine venit, & quod hæc materia citra nocumentum tuto objici possit canibus ad devorandum. Videmus ex hisce unum venenum alterum corrigere. Eodem modo quoniam in compositione Cinnabaris Mercurius cum Sulphure Antimonii conjungitur, corrigens in quovis horum corporum latet virtus, qua nimirum alteri virulentia demitur, puta acrimonia salina debellatur. Nempe Sulphur Antimonii cum acido menstruo paratum, licet præcipitatum fuerit cum alkalino, emeticum tamen est ob spicula acidæ relicta: contra si Sulphur Antimonii cum sale alkalino, quo solutum fuit, intus detur, nullumque sal acidum ad ejus compositionem accedat, est diaphoreticum. Ergo acidum solum additum ipsi scænerat drasticeam vim: Acidæ itaque has particulas imbibit ac absorbit in nostra compositione Mercurius, qui ob particulas terreas metallicas, quibus constat, acidum admodum rapax est: quod patet, quando Mercurius vivus sublimato adjunctus ipsi demit corrosivitatem. Deinde corrigitur quoque Mercurius vivus in nostra compositione ita, ut non possit venenatam induere naturam, a copula nimirum sulphuris Antimonii. Utpote Mercurius simul ac salino afficitur contagio, transit in venenum: ne autem spicula salina in sanguine vel lymphæ aggredi possint ipsum, seque cum ipso conjungere impedit textura sulphuris anfractuoso contextu ramosisque tricis prædita. Videmus enim, ab aqua for-

ti plumbum vel alia metalla vix solvi posse, si illinantur oleo.

Ex hisce perspicimus, Cinnabarim, licet conflata sit ex duobus venenatis corporibus, medicamentum tamen existere posse nobilissimum.

Quod attinet modum agendi Cinnabaris, illa non operatur qualitatibus primis vel secundis, sed tertiis Spiritualibus æthereis. Observamus nimirum Cinnabarina non solum, sed omnia Mercurialia ac metallica non obsequi fermento ventriculi, in minori dosi operari & sæpe integris viribus permanentibus per alvum iterum excerni, uti pilulæ perpetuæ ex regulo confectæ hoc faciunt testatum. Sic aqua licet centies ebulliat cum Mercurio vivo juxta *Helmont. & Poterium*, Mercurio nihil ponderis decedit & aqua illa virtutem anthelminticam semper obtinet. Eodem modo vinum superfusum vitro Antimonii sæpius, illud emeticum semper existit, quanquam vix deprehendi possit ponderis decrementum. Cinnabaris Antimonii uncia semis si suspendatur in dolium vini *p. 24.* horas, vinum egregiis imbuit virtutibus, ut ejus cochlear unum per aliquot dies sumptum miros præstet effectus. *V. Helmont. in Tr. in herb. verb. & lapid. est magna virtus.* Ex hisce patet porro ratio, cur aqua in qua Cinnabaris Antimonii vel nativa elutriata fuit, licet stet diutius super Cinnabarim, non facile putrescat ac corrumpatur. Liquores quoque, in quibus sæpius aurum extinctum, mire laudantur & instar auri potabilis habentur a *Burrho in Ep. ad Bartholinum.* Plura de aquis metallicis vide in *Dn. D. Majoris Genio errante.* Habent nimirum omnia metalla ac mineralia effluvia sua æthereæ spirituosa sensibus occulta, quibus virtutes suas exserunt quasi magneticas ac lucidas. Experimentum est vulgare magnetis, qui atmospheram habet effluviis ab ipso corpore secedentium, quæ in distans agere possunt & ferrum movere, seu acum magneticam, licet hæc duabus spithamis distet a magnete.

Porro Gas illud sive effluvia sulphurea quæ emergunt ex præcipitatione sulphuris aurati cum aceto facta per clausas cystas penetrare & argentea vasa flavo colore inficere possunt. Martem attrahere venerem, seu potius venerem pelli ad martem patet, si solutioni veneris viridi cum sale ammon. & aqua com. factæ ferri limatura immisceatur, quæ statim venerem attrahendo mixturam seu

feu solutionem claram reddit. Mercurium vivum aurum appetere, illudque albo-argenteo colore imbuere, etiam vulgo notum.

Hiscæ abunde metallorum Spirituosæ particulæ probari possunt.

Effluvia hæc subtilissima cum sint corporea & a corpore promaneant, etiam in corpore nostro virtutes eximias exhibere ac Spiritus afficere possunt. Ex hisce quam facillime intelligere possumus, quid velit *Hellmont. in tr. in herb. verb. & lap. est magna virtus*, dum inquit: metallica medicamina, gemmas, Sulphura mineralium citra sui dissolutionem, interitum solo adspectu, nudo contactu, irradiatione ac radiorum lucidorum ejaculatione in partibus, quas transeunt, vires suas exserunt, imo sunt instar astrorum lucentium & speculorum lucidorum, radios suos eminus in sopitum vel succensum archeum evibrant.

Agit itaque Cinnabaris solis æthereis subtilissimis effluviis ac atomis, sensibus, sed non rationi occultis; hinc, quo magis est per rectificationem spirituosæ reddita, ac subtilisata, eo virtutes luculentiores exhibet in curatione morborum.

Quomodo autem subtilissimæ hæc æthereæ moleculæ a Cinnabari promantes tantas virtutes edere possint, opus est, videamus.

Præsupponimus nimirum ventriculum ac intestina maxime tenuia composita esse non solum ex membranis musculosis, ac nerveis, verum etiam glandulosis porosis (ubi sanguis & lymphæ Spirituum vehicula cum ipsis Spiritibus undulantur) ad ingesta digerenda & quintam illorum essentiam extrahendam, inutilesque partes separandas. Nimirum ingesta varii generis fermentescibilia in ventriculum descendunt ac intestina transeuntia, mediante saliva ac lymphatico menstruo, accedentibus effluviis calidis æthereis sulphureis sanguinis, resolvuntur, ac compages arctior recluditur: cum ingestorum natura ipsa sit fermentescibilis, impetum sustinens ac efficiens: particulæ hinc solutæ ac extractæ volatiliores sulphureæ statim per porosam corporis substantiam avolant ac Spiritibus vires suffundunt, fixiores autem mucilaginosæ salino-sulphureæ per glandulosam ac porosam tunicam filtrantur, ac beneficio glandularum, quæ fermento singulari præcipitante præditæ sunt, in chylum lacteum abeunt, qui per vasa lymphatica,

quæ omnia sunt chyliifera, imprimis autem per ductum thoracicum cum lymphæ sanguini communicatur. Eodem modo quando propinantur medicamenta & in ventriculum descendunt, archeus seu totius naturæ Alchymista resolutionem ac extractionem partium solubilium machinatur beneficio lymphatici microcosmici menstrui. Est enim in lymphæ corporis nostri virtus menstrualis æthereæ penetrantissima, cujus beneficio & ossa imo metalla nonnunquam, ut ferrum, plumbum, resolvuntur, uti observationes variæ prostant: Parili ratione archeum seu Spiritum nostrum in ventriculo existentem agere in medicamenta metallica ac Cinnabarina, & ex illis, quantum fieri potest, virtutis medicamento-sæ solubilis extrahere, concludendum est: quæ virtus postmodum cum lymphæ ipsa conjungitur & ipsas Spirituum palæstras, musculos ac membranas (ubi vitalis Spirituum est fermentatio) illisque facultatem suam imprimit. Qualis autem facultas sit videbimus.

Habet nimirum quælibet totius machinæ corporeæ pars suum peculiare fermentum, suam digestionem, suum excrementum, suum stercus, ut ingeniose philosophatur *Paracelsus l. d. modo Pharm. p. 770*. Gaudet namque quævis pars sua specifica textura seminali (quæ aliis audit Spiritus insitus) hæc, omnis transmutationis specificæ causa primaria, excitatur per Spiritus influentes animalem & vitalem: hinc glandulæ, vasa lymphatica, venæ & arteriolæ ubique adstites sunt, ut lymphaticum Spirituosum fermentum partibus subministrant, cujus beneficio succum seu serum nutritium adductum ulterius resolvunt, coquunt partesque heterogeneas per poros ac evacuatoria ab homogeneis separant. Non aliter enim ac metallis nobilissimis impuræ heterogeneæ metallicæ sordes intimius adhærescunt: sic quoque omnibus cibis & alimentis intimius illæ coherent: adeoque quo omnes separentur & ambrosia seu quinta essentia secedat in corporis & vitalium sustentaculum, provida natura ubique ventriculos & evacuatoria apposuit. Quod si autem lymphatica partium fermenta non rite sint constituta, si Spiritus influentes peccent, si chylus nutritius in prioribus digestionibus a salibus & impuritatibus, non rite fuit expurgatus, fit *sæcis*, acescentia ac vappescentia humorum, pori partium a saburra tartarea, (quæ procedente tempore acrior semper redditur ac vertitur calore in sum.

summam corrosivitatem) obstruuntur : hinc fermenta naturalia partium immutantur, peregrini mortiferi acidi fracidi odores juxta *Helmontium* oriuntur, qui dolores inferunt, nutritionem impediunt, ulcera producant ac motum partium inhibent. Talismodi sordes acidas stagnantes tartareas omnium morborum mineram ac matricem præbentes, Cinnabarina resolvunt, fluoresque omnes totius corporis in ordinem ac motum redigunt, & vasa porosque obstipatos a tartarea fœculenta saburra liberant atque aperiunt, & sic pene omnibus morbis, cum ab obstructione ortum pene omnes ducant, Cinnabarina medentur.

Agunt itaque Cinnabarina ceu medicamenta Mercurialia resolvendo, non autem absorbendo ac præcipitando, ut nonnulli volunt: Acidum enim si affundatur Cinnabari, illud non absumitur, uti alkalibus id solemne est, sed integris viribus permanet.

Quod autem Cinnabarina lympham movendi facultate gaudeant patet exinde, quia maximam partem constant in Mercurio uti superius edoctum fuit. Mercurialia autem lympham movere, salivatio lue Gallica laborantium Mercuriali inunctione inducta abunde docet. Mercurius namque cum constet ex purissimis æthereis ad nullam formam determinatis subtilissimis particulis & terrestribus metallicis, hinc ex consymbolismo Spiritus animales omnis sensus ac motus parentes alloquitur ac immediate afficit, motumque illorum promovet subtilissimis suis particulis; Quoniam autem illis scoriæ heterogeneæ terreæ metallicæ plures immixtæ sunt, & illæ, si sal quoddam ipsis associetur, in summe stypticam corrosivam venenatam naturam abeunt, fit ut glandularum ac nervorum pori plus justo contrahantur, neque amplius hient, ut Spiritus influere possint, & hinc sæpe horrenda symptomata sequuntur Mercurialium usum. Nihil autem periculi facile timendum est, quod usum Cinnabaris attinet: hæc enim Sulphure Antimonii constat, quod tricus suis pinguibus anfractuosis obducit Mercurium, hinc non facile salia associari ipsi possunt & copulam cum illo inire, adeoque in venenum abire, uti Mercurialia cruda. Quod autem porro Cinnabarina Spiritus animales, qui omnem motum fluorum ac lymphæ in toto corpore procurant, afficiant, constat exinde, quia, ut docet *Helmontius in tr. Catarrhi deliramenta Mercu-*

rius foris illitus, fauces, dentes, linguam afficit, imo mercuriali assumpto larynx ac fauces nonnunquam præcluduntur. Quapropter a Mercurialibus motis Spiritibus animalibus movetur quoque lymphæ, quæ perpetuum habet cum ipsis commercium.

Perspicimus exinde, Cinnabarim nostram immediate Spiritus animales afficere illorumque motum promovere, adeoque universale omnium humorum stagnantium esse resolvens ac specificum catholicum, & unicum omnium salum solvendorum arcanum, & cum omnes pene morbi ab obstructionibus proveniant, quasi veram panaceam. Dum enim Cinnabaris omnes obstructiones tollit & in ordinem excrementa Spirituosa stagnantia redigit, est nobilissimum purificans sanguinem, fermenta peregrina citra ullam sensibilem mutationem destruens, anodynum, nervinum, omnes evacuationes (alvi, urinæ, sudoris, salivæ) promovens, putredini resistens, antifebrile, antispasmodicum, arthriticum, antilcorbuticum, pectorale, imo omnium morborum felicissimus alexicacus. Sane digna est Cinnabaris panacæ titulo, quamvis non negem dari longe præstantiores ac nobiliores panaceas: statuimus tamen primo, nullo alio modo operari posse panaceas quam tali, quali Cinnabaris agit: nimirum Spiritus serenando ac humores resolvendo: Secundo ex principio ac elemento Sulphureo & Mercuriali conflare debere panaceam veram, uti Cinnabaris.

Si nimirum Mercurius vivus sit ab omnibus externis heterogeneis scoriis ac impuritatibus liberatus, ac Spirituosus virgineus philosophicus redditus, & postmodum singulari artificio fixatus cum solis connubio debito, summa medicina catholica exinde parari potest, quæ omnibus morborum indicationibus satisfacere possit. Quamquam plures dentur modi acquirendi veram panaceam, illum tamen pro optimo ac commodiori habeo, si Mercurius, secundum *Philaletham in Introitu aperto ad Occlusum Regis Palatium*, ab omnibus heterogeneis externis scoriis liberetur ac Philosophicus evadat, ita ut pars amalgamet partes duas solis. Processum *Philaletha* non solum tradit præfatus in tractatu, verum etiam longe accuratius ac magis perspicue in *tr. Anglico cujus Tit. hic est: Ræpley revivdor an exposition upon Sir George Ripleys Hermetico-Poetical works*.

Et hoc pacto ac ratione veram viam vi-

des stratam acquirendi summam medicinam universalem. Plura circa hanc materiam tractabo in tractatu propediem edendo cui Tit. *Vera panaceæ, inquisitio, & examen omnium medicamentorum Chymicorum falso pro panaceis venditorum.*

C A P. XI.

De Viribus specialibus, variis medicamentis internis & externis, cautelis.

Cinnabaris nostra quam optime omnes evacuationes juvat ac promovet, dum nimirum Spiritus serenat, confortat, qui deinde excrementa hostilia per debita sua evacuatoria quam commode proscribunt, adeo, ut sæpe observatum fuerit, Cinnabarim Antimonii non solum sudorem excitasse, verum etiam fortiter purgasse ac salivationem concitasse, vid. *Wedelius in Tr. de Medicam. facultat. p. 152.* Sic quoque pulvis absorbens *Wedelianus*, quem ingreditur Cinnabaris, sæpe vomitum effecisse observatus fuit. Potest itaque Cinnabaris nostra quam commode misceri cum purgantibus, sudoriferis, salivantibus &c. Natura enim confortata optatius præsidet evacuationibus. Sic *Dn. D. Wedelius*, Cinnabarim Antimonii maritatum cum tartaro emetico mire commendat ad vomitum movendum. Potest commode sic misceri: *R.* tartari emetici gr. ii. croci metall. gr. i. Cinnabaris Antimonii gr. iii. Misc. f. pulvis. Pro scopo purgandi eleganter miscetur cum pulvere vegetabili vel gialap. resinof. additis Salibus v. gr. cremore tartari, tartaro Vitriolato & pauxillo olei macis vel citri. v. *Dn. D. Scultzius in Scrutini Cinnabarino p. 86.* Inter sudorifera alexipharmaca sanguinem depurantia commodum locum invenit. Potest misceri vel cum sal. volat. sal. ammoniaci: it. cum Sale C. C. volat. a saccharo Saturni sublimato (quod commendat *Helvetius in Microscop. physignom. p. 42.*) vel cum Sulphure aurato Antimonii, Antimonio diaphoret. spina serpentin. fl. Sulphuris, CC. f. igne. Inter diuretica quoque ejus usus excellit, si amicabile, conchyum ineat. cum arcano duplicato, Sale Succini volatili, lapidibus Cancræ, tartaro tartarifato *Ludoviciano*; Tandem quoque Cinnabarina, ut salivam moventia, egregiam laudem merentur. *Dn. D. Cramerus* magni æstimat & in omnibus *Hoff. Opusc. varii argum.*

fere malignis febribus mixturas salivæ fluxum promoventes præscribit, quas semper ingreditur Cinnabaris. Si saliva (excrementum maxime Spirituosum, in malignis fluat, certum salutis indicium. Hinc frequenti in usu hancce habet. *R.* Aquæ card. b. basilic. scordii an. ℥j. aceti scyll. 3vi. Cinnabaris Antimonii ℥ss. bez. mineral. Sennerti ana ℥ij. Mixt. simpl. ℥j. M. F. Mixtura.

In febribus intermittentibus Cinnabaris Antimonii egregiam locat operam (præmissis emetico-diaphoreticis, Salibus aperitivis antifebrilibus, sudoriferis & diureticis,) habet enim virtutem resolvendi, Spiritus confortandi, fermenta peregrina præcipitandi, furibundum spirituum motum coercendi, si præprimis misceatur cum Præcipitantibus, aperitivis, opiatibus v. gr. cum Antimonio diaph. lapid. Cancræ, tartaro Vitriolato, conchis præparatis, Sale volatili aperitivo (ex Spiritu sal. ammoniaci & Spiritu Vitrioli enato) addito pauxillo laudani opiat. etiam pro re nata guttula adjecta Olei antifebrilis. Optimum est stratagema, cum præcipitantibus in febribus jungere Salia aperitiva diuretica, quo scoriarum tartarearum saburra præcipitata eliminari possit. *B. meus Parens* frequenti in usu habuit Salia antifebrilia. v. gr. arcanum duplicatum tinctum cum Cinnabari nativa vel Antimonii, item Sal exurgens ex combinatione Spiritus salis ammoniaci & spiritus Salis, mistum cum Cinnabari Antimonii. Hæc Salia una quasi falce demetunt febres.

In febribus malignis, variolis, morbillis, si indicia adsunt convulsionum, si vigiliæ, dolores graviores, optimo consilio tunc pulvis bezoardicus compositus ex Antimonio diaphoret. terra sigillata, CC. f. igne, rad. contrajervæ, lap. bezoar, maritari potest cum Cinnabari Antimonii, paucis granis additis magist. anodynæ, vel cum pulvere bezoardico *Sennerti*, pannonico rubro non inconcinne Cinnabaris nostra miscetur.

In affectibus capitis, vertigine, epilepsia, paralyti, apoplexia, &c. insigni encomio digna ac omnibus palmam præripiunt Cinnabarina. Præmissis prius medicamentis specificis cephalicis v. gr. Elixirio cephalico misto cum Spiritu cephal. volatili, vel antepileptico *Hartmanni*, Mixtura simpl. it. præmissis ordinariis evacuantibus, pulveres cephalici omne punctum absolvunt. Egregius hinc est pulvis cephalicus *Ludovici v. Pharmac. p. 642. 643.* v. gr. *R.* pulveris bez. 3j.

Bb

lycci.

Succini albi præparat. ʒʒ. Cinnabaris nativ. vel Antimonii ʒj. laudan. op. gr. iij. M. F. pulvis. Inter omnes excellit specificum cephalicum *Michaelis*, *Mæbii*, Panacea *Anvvaldina*. Sequens quoque laudem meretur v. gr. R. Cinnabaris Antimonii, cranii human. ungu. alcis an. ʒjʒ. bez. Lunaris, smaragdi præp. an. ʒj. croci ʒʒ. ambræ gr. ij. M. F. pulvis. Sic novi quoque felicissimum Præsticum, qui pro summo arcano habet in epilepsia Cinnabarim Antimonii, quæ probe clyffo Antimonii Sulphureo imbuta est, ac imbibita.

In *Mania*, *melancholia* propinatis prius emeticis evacuantibus, Martialibus aperitivis, ac Salibus volatilibus cephalicis, Cinnabarina commista cum arcano duplicato, camphora, saccharo Saturni pro re nata addito laudano opiato miris encomiis ornat ac magni æstimat *Dn. D. Ettmullerus*.

Porro in *vigiliis*, *doloribus*, *affectionibus spasmodicis* omnibus, optima sunt Cinnabarina exaltata laudano opiato, it: præcipitantibus mista v. gr. conchis, matre perlarum, Antimonio diaphor. ocul. Cancri, cornu. C. s. igne.

In *affectionibus* quoque *thoracicis*, *tussi*, *asthmate*, *dispositione phthisica* omnem laudem superant. Præmissis pectoralibus balsamicis sulphuratis & myrrhatis aperientibus, Martialibus, it. nitroso balsamico Sale gaudentibus diureticis, pulveres pectorales, quos Cinnabarina opiata ingrediuntur, omnem paginam absolvunt; v. gr. R. mag. Saturni, ocul. Cancri an. ʒʒ. Cinnabaris Antimonii, flor. sulphur an. ʒj. fl. benzoes ʒʒ. laudan. op. gr. ij. Olei anis. gut. ii. M. F. pulvis. Sequens in tussi humida a *Dn. D. Wedelio* commendatus eximius quoque est: R. fl. Sulphuris myrrhator. ʒij. rad. irid. florent. ari præparat. Antimonii diaphor. an. ʒj. lap. Cancri, Cinnabaris Antimonii an. gr. 15. mag. anodyn. gr. M. F. pulvis pro 6. dof.

Imo si prius sudorifera volatilia v. gr. Tinctura bez. cum Salibus volat. Elixirio pectorali vel Tinctura anodyna remixta morbo opponantur, pulvis sequens antipleuriticus *Wedelianus* descriptus in *Opiologia* est optimus, R. dent. apri phil. præp. lapid. Cancri, mandib. luc. pisc. Cinnabaris n. vel Antimonii ana ʒj. laudan. op. gr. j. vel ij.

In *Syncope*, *palpitatione cordis*, *deliquio animi* datis prius medicamentis cordialibus confortantibus, antiscorbuticis, Martialibus,

pulvis absorbens *Wedelianus* (quem etiam ingreditur Cinnabaris) remixtus cum speciebus cordial. temperat. vel perlis, lap. bezoar, Oleo cinnamomi, est omnium laudatissimus. Ad confortandos quoque Spiritus vitales & animales sequens Mixtura non improficua, v. gr. R. aquæ buglos. cinnamom. borrag. rosar. an. ʒvj. succi Kermes ʒiijʒ. moschi gr. iʒ Cinnabaris nat. l. Antimonii gr. xv. Zibethi, laudan. op. an. g. j. syr. corallior. ʒvj. M. F. Mixtura.

In *Cardialgia*, *singultu*, *vomitu*. Præmissa tinctura bez. vel Ess. carminat. nupta Ess. castorei, opii, it. externis applicatis carminativis roborantibus nervinis, sequens pulvis admodum proficuus existit. R. pulveris bez. ʒj. conchar. præp. Cinnabaris Antimonii an. ʒj. castorei ʒʒ. laudan. op. gr. ij. Olei cinnam. menthæ an. gut. j. M. F. pulv.

In *Anorexia*, *appetitu vitiato*, præmissa vomitorio, Sale volat. cinnamomif. cum Ess. balsami peruviani vel Spiritu Vitrioli volatili cum Spiritu mastich. mixto, Cinnabarina cum crystall. tartari, lapid. Cancri, terra catechu, rad. aronis juncta, adjectis guttulis Olei cinnamom. menthæ, macis, & paulillo moschi laudatissima sunt.

In *Scorbuto*, *affectione hypochondriaca*, *arthritide vaga scorbutica*, *scabie*, Cinnabarina egregium faciunt officium, præmissis & interpositis evacuantibus, Martialibus, antiscorbuticis, v. gr. Mist. simpl. cum Ess. fumar. tinctura Antimonii, liquor. Martiali, & Ess. anodyna combinata vel cum Ess. lignorum, tinctura aperitiva *Mæbii*, Ess. pini cum Salibus volatilibus, pulveres anodyn. præcipitantes e Cinnabari Antimonii, croco Martis (cum nitro parat.) vel pulvere cachect. Quercetani, succino, Antimonio Martial. cach. lap. Cancri, conchis præparat. Antimonio diaphor. parati, adjecto laudano opiat. vel Oleo aromat. egregio cum emolumento exhiberi possunt. Salia quoque aperitiva v. gr. arcanum duplicatum, Sal succini volatile, tartarus Vitriolatus nobilissimarum virtutum conjugium cum Cinnabarinis ineunt, quæ non satis laudandam in præfatis affectionibus ferunt opem.

In *diarrhæa*, & *dysenteria* exhibitis prius medicamentis interne & externe carminativis, theriacalibus, absorbentibus, bezoardicis v. gr. R. Ess. theriacal. ʒij. balsam. peruvian. ʒj. Ess. anodyn. ʒj. M. Ad dolores & intestinorum convulsiones tollendas, malignas

lignas acres qualitates præcipitandas sequentem pulverem in frequentissimo usu habuit *Dn. D. Cramerus* & terræ sigillat. fl. Sulphuris, Antimon. diaph. an. ʒʒ. Cinnabaris Antimonii, terræ catechuanæ ʒj. laudan. op. gr. ij. Olei cinnamom. gr. j. Misce. Si malignitas simul adsit, spina serpentina admixta conducit.

In *nephriticis doloribus*, ubi Spiritus maxime afficiuntur, vomitus; optimum consilium practicum per Cinnabarina, opiata, absorbentia naturæ tumultum sistere; hunc in finem laudatur pulvis nephriticus *Ludovicianus*, qui ex ocul. Cancr. Cinnabari, & laudano opiato conflatus est. Inter calculum resolventia Cinnabarina quoque primas tenent partes cum spermate ceti, sale volatili Succini & aliis remixta. *D. Wedelius* in usu habet laudatissimum pulverem nephriticum sequentem. & sperm. ceti, lap. Cancr., an. ʒʒ. Cinnabaris Antimon. ʒj. Salis volat. succin. gr. iv. laudan. op. gr. ʒ. trochisc. de alkekeng. cum opio ʒʒ. M. F. pulv. D. in 4. doses. Hic pulvis resolvit tartareum coagulum, absorbet acidus humores, doloribus ac convulsivis motibus medetur.

In *asthmate, catarrho suffocativo* laudem quoque meretur. Præmissis itaque resolventibus in calculo, & anodynis topicis carminativis pellentia cum fructu adhiberi possunt: v. gr. tinctura *Mœb.* aperitiva cum Spiritu succin. mista, Spiritus nitri dulcis cum Spiritu Salis ammoniaci combinatus & Oleo petroselinæ imprægnatus, tinctura alkekengi cum Spiritu nephrit. & Spiritu Salis parata, quæ egregie pellunt.

In colica, passione hysterica, Cinnabarina, anodyna & castorina omne absolvunt medendi punctum. Præmissa tinctura bez. cum spiritu sal. ammoniaci, castor. vel Elix. uterino, it. Ess. anodyn. mista, pulvis sequens *Wedelianus* omni intentioni satisfacit. & pulveris absorb. ʒj. bez. Jovialis, Cinnabaris Antimonii an. ʒj. castor. præp. ʒʒ. laud. op. gr. j. M.

In *partu difficili* Cinnabarina cum anodynis confortantibus pellentibus maritata multis parasangis antecellunt omnia medicamenta. Hinc hæc mixtura admodum proficua existit. & aquæ cinnamom. puleg. lilior. alb. an. ʒj. fell. anguill. ʒʒ. borracis, Cinnabaris Antimonii ʒj. Spiritus secund. hum. ʒiʒ. syr. de pæon. q. s. M. F. Mixtura.

Ad omnem putredinem, pestem, gangrenam, & febres malignas arcendas, it. lumbricos

enecandos sequens pulvis commendatissimus est. & myrrhæ, Zedoar. cort. citri an. ʒʒ. Cinnabaris Antimonii ʒj. camph. ʒʒ. Olei succin. rutæ an. gr. j. M. F. pulvis.

In *Gonorrhœa virulenta, Lue Venerea, scabie* singularem quoque promittunt energiam atque effectum Cinnabarina; propinatis prius bezoardicis, Antimoniatis, succinatis, lignosis, ac purgantibus sequens pulvis egregius. & Cinnabaris Antimonii mag. Saturni, succin. Antimon. Martal. cach. off. sepia. an. ʒj. laud. op. gr. ij. M. F. pulvis.

Præter usum internum Cinnabaris Antimonii externe applicata egregiarum virium suarum radium dispergit quoque ad intima sanguinis, dum serum resolvit, fermentales putredinosos sapes ulcerum absorbet, nervos solatur, nobilissimasque exercet virtutes. Sic *Potterius cent. 2. p. 126.* Cinnabarina Antimonii miscet cum aliis in Empl. quo strumas exulceratas tollit. Abscessus quoque sine dolore ullo suppurare ac rodere Empl. de cicuta *Hildan.* mistum cum Antimonii Cinnabari, autor est *Bogdanus in observat. p. 266.*

In præcordialibus anxietatibus Empl. de gummi ammon. cum Cinnabari Antimonii, ung. alth. & bals. peruvian. mistum ad salivam promovendam egregiam locat operam. In scirrhis quoque duris tumoribus cum Empl. de gum. ammon. remixta ad illos resolvendos non excludenda est.

In spasmodicis affectibus externe applicata cum aliis commendatur a *B. meo Parente in Clavem p. 294.* Potest commode misceri cum ung. alabastrin. oleo hyosciam. destillato, oleo macis, caryophyll. balsam. peruviano. Conducit quoque in capitis doloribus.

In *ulceribus malignis, Cancro, herpete, variolis*, *Dn. D. Cramerus* illam magni æstimat inspersam cum ocul. Cancr., mag. Saturni, it. cum lap. arsenicali, balsam. peruvian. vel cum camph. sperm. ceti. Intervit quoque Cinnabaris Antimonii cum succino, Sulphure, mastiche mixta suffumigiis ad movendam salivam, in lue Venerea, scabie. Mercurialia pro suffumigiis sint exclusissima, verum cum Sulphuris tricis fixatus fumus omnem deponit noxam; hinc cum Cinnabaris com. pro suffumigatione usurpetur, nullum dubium, quin Cinnabaris Antimonii purior cum meliori fructu substitui possit.

Singularis quoque est ejus virtus in peste, in omnibus incantationibus si appendatur. (*Vana superstitio*). Electrum minerale immaturum *Paracelsi*, quod nil aliud est quam Cinnabaris Antimonii, ad incantationes, si collo appendatur, commendatur ab *Helmontio de injectis material.* §. 7.

Tandem quoque de Cinnabaris usu restant quædam subjungendæ cautelæ. 1. Corporibus impuris scorbuticis, quæ salia sylvestria ac fordes biliosas possident, non cum optato effectu propinantur Cinnabarina, potius prius humores sunt alterandi & per debita evacuationia eliminandi. 2. In resolutione san-

guinis nimia v. g. in febribus quibusdam ardentibus, hectica, sudoribus scorbuticis cum Cinnabarinis caute mercari debemus. 3. Non eorum usus sit continuus, valde enim gravant ventriculum, ejusque fermentum destruunt. 4. Semper præstat in forma pilulari illa propinare (modo semper liceat) præprimis cum opiatas mista, ne faucibus adhærescant. 5. A noxa Cinnabaris Antimonii usum subsequente bez. Solare cum præsentissimo auxilio propinatum, liberat; latet enim in ipso magnetismus, quo Mercuriales atomos in corpus sparsas attrahit.



FUNDAMENTA MEDICINÆ EX

PRINCIPIIS NATURÆ MECHANICIS IN USUM
PHILIATRORUM SUCCINTE PROPOSITA.

AD
LECTOREM.



Uguſte non minus quam ſapienter antiquiſſimus medicinæ parens Hippocrates lib. de Steril. c. 18. §. I. ſcribit: Περὶ φύſικου εἶναι, Conare ut phyſicus eva-
das. Dolendum & dictu turpe eſt, ſapientiſſimum Divi Senis monitum ad
hæc tempora uſque negligi ab illis, qui medicinæ ſacris operantur. Tota me-
dendi ſcientia ſine rerum naturalium philoſophia trunca ac debilis eſt, nec
ullius morbi explicationi vel prudenti directioni curationis apta exiſtit. Phy-
ſicus in interiora naturæ introſpicit, abditas corporum ſtructuræ, temperies,
mixtiones ſcrutatur, ex quibus illationes ſuas in medicinam facit feliciffime. Non autem hic
intelligimus ſcientiam ex meris ſpeculationibus natam, ſolidiori experientia ceu prima veri-
tatis parente deſtitutam: ſed talem urgemus, quæ methodo ſimplici, plana, mathematica
concluſiones ſuas demonſtrare ac firmare ſatagit. Quantum fulgoris ac incrementi medendi
ſcientiæ a paucis temporibus phyſica tali ſolidiori acceſſerit, exprimi vix poteſt. Omnium
diſciplinarum, ſic quoque naturalis & medicæ ſcientiæ fundamenta lubrica ac imbecilla ſunt,
niſi demonſtrationibus robur ac firmitatem accipiant. Omnes autem veritates maxime peten-
dæ ex matheſi ſunt, quas æternas, a DEO ſtabilitas, & mortalium mentibus ingenitas vo-
cat Carteſius in epistol. 104. Sola mechanica, anatomie & chymie nupta, ab humili ad
altum hætenus duxit ipſam ſcientiam rerum naturalium & medicarum: tali ſcientia qui
rite inſtructus eſt, rerum abſtruſarum cauſas eruere, dubias Medicorum controverſias ac ſen-
tentias diſſolvere, remedia valentia vel in deploratis morbis invenire quam feliciffime poteſt;
Pauciſſimis hæc ſcientia utitur principiis, eademque tam artificialium quam naturalium
ſunt, nimirum materia & motus. Materia unam & ſimplicem dat rebus eſſentiam, va-
rios autem accipit modos, & multifariam ſpecificatur a motu ceu univerſaliſſimo omnium
principio, unde fluunt variæ corporum formæ, qualitates, vires, quas unice producit
motus; ex varia materiæ diſiſione, configuratione, ſitu & ordine. Totius univerſi vi-
ciſſitudines & mutationes motui debentur, cujus cauſa eſt ipſe DEUS maximus & ter
optimus mechanicus ac primus cunctarum rerum motor, qui non ſolum impulſum omni ma-
teriæ imprimi, ſed & omnia hujus univerſi corpora in proportionato ſuo ſervat æquilibrio,
pondere, menſura & ordine: qui ſtaticè & mechanice res produxit, cunctaque in æquilibrio
ſuo tenet, quo deſtructo, & rerum virtus, forma ac temperies dejicitur. Medicus autem in
arte ſua imitatur naturam, & ipſius parentem DEUM, hinc merito naturæ audit miniſter.
Eadem enim naturæ & artis medicæ ſunt principia: & uti artifex, qui materiæ naturam
& motus leges ac rationes exacte callet, pro lubitu ſuo mutare, deſtruere, componere corpo-
ra ſcit; pari modo medicus, iſdem principiis inſtructus, immutando, reſolvendo, ac varie
alterando corpora, maxima & prodigioſa præſtare poteſt: exemplo ipſius Chymie cultioris &
curioſæ. Quivis itaque ſapiens medicus ad talia principia mentem accommodare debet, ſic
facili via omnes controverſias ac litigia in medica ſcientia occurrentia tollere, dubia ſolve-
re.

re, sectarum originem & errorum causas perspicere feliciter poterit. Multarum sectarum in medicina ortum ignorantie naturalis philosophiae adscribendum esse, vero videtur simile. Cordate itaque & aperte fateor, nullum vere rationalem medicum esse, nisi qui physicus sit perfectus, & principiorum naturalium exactam cognitionem habeat; & si dicere licet, quod res est, nil nisi subtilis empiria, veris rationibus destituta, facundia saltem & ingenio tecta, haecenus inter plures medicos regnavit, qui etiam sapientissimi videri volebant. Equidem non censendum, antiquiores & omnes, qui tali philosophia carent, ob eleganter fidelissimeque multa tradita negligendos penitus esse; utpote ex quorum scriptis historiae & morborum observationes, & quae ad prognosin pertinent, sufficienter peti possunt; illis tamen anteponendos credo, qui altius & subtilius excolunt ipsam naturam & ejus studium, in subsidium vocatis experimentis variis ex mechanica, anatomia & chymia desumptis. Non tamen & hic in mera subtilitate subsistere, sed & fructus inde petere, & omnia transferre ad usum debent, unde non minus a prudentia & usu, quam scientia commendandus est medicus. Magnum quid medendi scientia est, nec minus prudentia & sapientia medici; illa medicinae oculus, haec manus est; absque prudentia nec tempora lustrare medicus rei gerendae, nec praecipites captare occasiones, vel in prognosticis caute se gerere, & famam aucupari potest. Uti autem scientia optime comparatur ex Neotericis & philosophia moderna, sic prudentia sapientiaque ex antiquioribus, variis observationibus, & se ipsum rebus gerendis accommodando addiscitur. Ex hisce itaque adductis liquidissime constare puto, quomodo tractari debeat studium medicum: uti autem in omni disciplinarum genere, sic quoque in ipsa arte medica firma ac stabilia oportet habere fundamenta ac praecepta, quibus cultorem hujus artis instituere possimus, ut felicissime deinde in ceteris progredi possit. Haec autem praecepta praecipue commendare debet perspicuitas, brevitates, ordo, ut omnia rite inter se connexa sint. Suscepi hoc in me laboris, & totius medicinae fundamenta in breve systema & corpus facillima methodo constitutum redigere allaboravi, juxta normam sanioris modernae philosophiae mechanico-chymicae, ut totam medicinae scientiam inde per breve temporis spatium commode haurire liceat. Nihil quod fundamenti loco inservire potest & scitu in medicina necessarium, hic omissum arbitror: abstinui a prolixitate, controversiarum & quaestiuncularum maleficiarum mole, nauseosa sententiarum compilatione, quibus gravare & retundere discentis mentem alii consueverunt; sed illud saltem quod solidum, quod demonstrari potest, & principiis physicis & mechanicis innexum est, insinuavi, non ad gloriam, sed in gratiam & utilitatem discentium simul & docentium. Qui autem haec ringunt & in aliorum scripta vivere consueverunt, tentare velint, ut haec meliora faciant; nulli enim ad gloriam clausa janua est. Non dubito plures ex hoc labore uberrimum fructum petituros esse: experti quoque sunt discipuli mei, quibus haec haecenus praelegi & explicatione illustravi, e quibus tantum eos nominatim laudare nunc visum est, qui theses has ex cathedra publica, me presidente & moderante, fortiter & erudite defenderunt: videlicet

CHRISTOPH. WILHELM Gattier, Grena Guelpherbyt.

JOHANN. BALTHASAR SCHONDORFF, Hallens. Saxo.

JOHANN. NICOLAUS Koper, Halberstadiens. Saxo.

MARTINUS CHRISTIANUS LUTZO, Cellensis.

Ut uteretur, B. L. hoc labore meo, si non ingratum Tibi fuisse cognovero; alias etiam ejusdem artis curas, quas meditor, in posterum communicabo.

CAPUT I.

De Natura Medicinæ.

I.

Medicina est ars, bene utendi principiis Physico-Mechanicis, ad sanitatem hominis conservandam & amissam restituendam.

2 Incertitudo & ignorantia veræ Philosophiæ Naturalis variarum in Medicina Secretarum origo & causa est.

3 Sapienter dixit Hippocr. lib. de Steril. *Περὶ τοῦ φύσις εἶναι*: conare ut Physicus evadas.

4 Vera Medicæ artis fundamenta ex principiis Naturæ petenda sunt; hinc Medicus Philosophus juxta Hippoc. Deo æqualis habetur.

5 Medendi ars omnium antiquissima, & Hippocrates antiquissimus Medicinæ parens, & scriptor.

6 Medicus Naturæ minister, non magister est: & eadem principia Naturæ ac artis sunt, hinc cum Natura operari & agere debet.

7 Duo in Medicina fulcra sunt: experientia, quæ prima veritatis parens, & ratio, quæ clavis scientiæ Medicæ est. Experientia ordine præcedit & ratio sequitur. Hinc rationes in rebus Medicis experientia non conditæ nihil valent.

8 In physicis experientia optime peti potest ex mathesi Mechanica, Chymia, Anatomia: In praxi Medica ex observationibus morborum, Historiis & Curationibus accuratioribus, experientia fuit uberrima.

9 Medicina quatenus utitur principiis Physicis, recte scientia, quatenus practicis, Ars dici potest.

10 Ad Medicum perfectum non solum requiritur scientia artis Medicæ, sed & Prudentia ac Sapientia.

11 Subjectum Medicinæ non solum est corpus, sed ipsa mens, quatenus illius commercio utitur, hinc motus mentis seu cogitationes maximam partem dependent a motu & temperie humorum.

12 Medicus finem suum non semper obtinet feliciter, vel quando machina, quoad partes suas præcipuas prorsus est destructa, vel quando nulla inter morbum & medicamentum amplius est proportio.

CAPUT II.

De Principiis Rerum Mechanico-Physicis.

I.

Uti tota Natura sic quoque Medicina debet esse Mechanica.

2 Principia Mechanica sunt Materia & Motus: figmenta ergo sunt Peripateticorum & Chymicorum excogitata elementa.

3 Materiæ essentia consistere videtur in extensione: Ex hac fluit finitudo, figura, divisibilitas ac impenetrabilitas.

4 Motus est primum & universalissimum rerum principium & causa efficiens omnium formarum; & uti Materia omnibus rebus communem dat essentiam, sic motus specificam illis largitur.

5 Materia uti differt ratione figuræ, sic quoque magnitudinis, & optime dividi potest trifariam, nimirum in materiam subtilissimam, subtilem seu ætheream, & crassiorem seu terrestrem & aqueam.

6 In omnibus corporibus solidum & fluidum observatur. Fluiditatis causa sunt duo priora elementa, soliditatis autem posterius.

7 Omnia corpora naturalia ex triplici hac materia sunt conflata, & prout particulæ figura & extensione differunt, ex quibus artificiose inter se combinatis in certum ordinem constant, eo variant quoque formæ & qualitates corporum.

8 Nullæ dantur formæ substantiales, sed omnes respectu materiæ sunt accidentales, licet ratione compositi essentielles vocari possint; hinc omnes formæ sunt materiales, & invicem transmutari possunt: producuntur mechanice, non autem sunt materiæ.

9 Magnitudo, figura, motus, quies, radicales & catholicæ simplicium corporum sunt affectiones, hinc ex illis omnium phenomenon & effectuum naturalium ratio petenda est.

10 Uti Deus prima causa est omnis motus: sic quoque omnium formarum: Materia enim quæ pure passiva est, requirit necessario agens quoddam, quod illam in tam diversissimas formas, quæ mundum absolvunt, distinxerit, seu quod extensum illud in varias diversas partes diviserit, figurave-

rit, moverit ac translocaverit, quod principium est solus DEUS.

11 Nullum corpus motum inchoat, nisi impulsus sit ab alio.

12 Causa efficiens motus est pressura corporis fortior ad aliud minoris pressionis, sic hoc illi cedere cogitur.

13 Omnis motus natura sua est rectilineus, nisi quid impediatur, hinc oritur motus vel reflexus vel refractus.

14 Quantitas motus vel ex celeritate, vel ex corporis mole aestimanda est.

15 Omnis motus qui in tota rerum natura fit, peragitur pulsione, non autem tractione.

16 Æquilibrium in rebus naturalibus semper observatur, in quo si corpora constituta sunt, quiescunt: destructo autem hoc, moventur tam diu, donec ratione gravitatis locum occupaverint, in quo subsistere possint.

17 Corpus ubi ingreditur alterius locum, hoc alterum inde expellit.

18 Motus non potest esse sine medio, per quod mobile fertur, hinc omnis motus inter circumstantia fit corpora.

19 Corpus quo minus est & rotundius, eo ad motum promptius; quo ramosius autem, porosius & angulosius eo minus.

20 Causa prima motus est materia subtilissima, cui Deus immediate impulsus impressit.

21 Quoniam omnia corpora molem, & hinc pressuram habent, hinc omnia tendunt ad centrum terræ & sunt gravia.

22 Nullum corpus absolute leve est, sed saltem unum altero magis vel minus grave, quod dicitur leve, hinc omnis gravitas & levitas est respectiva.

23 Quoniam omnis motus fit in fluido, hinc pro diversitate fluidi corpora vel ascendant vel descendunt.

24 Nullum corpus propria vi ascendit, sed ab ambiente extrinseco fluido graviori sursum pellitur, hinc nullum gravitatis principium est in corporibus.

25 Corpora duo dummodo ejusdem materiae, diversae licet magnitudinis, æquali nisu tendunt versus inferiora.

26 Centrum gravitatis est, ubi est punctum lineæ directionis.

27 Fluidorum cylindri tanto magis gravitant in corpora, quanto sunt altiores.

28 Corpus quo magis est porosius & principiis primi & secundi elementi magis abundat, eo est fluidius.

29 Cohæsiorem particularum in corporibus duris efficiunt expulsio materiae subtilis & compressio fortior cylindri aerei & ætherei externa.

30 Fluidorum particulae in perpetua sunt agitatione & motu, hinc facile solida & fluida resolvere possunt.

31 Solidorum natura in quiete particularum consistit, hinc quaecunque in motu sistere possunt particulas fluidas uti sunt, v. g. salia acida, rigida, ex fluidis solida efficere possunt.

32 Natura in plerisque incipit a fluido & definit in solidum.

33 Omnia corpora resolvi ac emolliri possunt, si particulae elasticæ vel igne vel menstruis impingantur iisdem.

34 Solutio fit, quando ipsius corporis soluti minores moleculæ sub propria forma interveniente menstruo saltim dislocantur ac distrahuntur.

35 Quodlibet corpus habet circa se atmosphæram h. e. massam insensibilem effluviis.

36 Aer distinguitur in subtiliorem qui æther dicitur, & crassior, qui atmosphæricus est, & ex æthere, particulis aqueis terrestribus & corporum effluviis confectus, & prout loci differunt & effluvia, aer quoque est diversus.

37 Non solum aer atmosphæricus gravis est, sed & æther quod variis experimentis probari potest.

38 Aer corpus est elasticum, sive post compressionem pristinum reassumit statum, seu comprimi & dilatari potest.

39 A gravitate & elatere aeris innumeri in naturalibus dependent effectus.

40 Omnibus corporibus tam fluidis, quam solidis aer & æther inest.

41 Aer dicitur densior, quando materiae subtilis particulae expelluntur, & particulae terrestres, & aquææ magis ad se invicem accedunt, rarus autem dicitur aer vel etiam corpus, quando expulsis particulis terrestribus gravioribus abundant particulae æthereæ.

42 Aer est receptaculum omnium effluviis.

43 Aer inclusus & compressus magnam vim possidet.

44 Aer immutare & destruere multorum corporum texturam aptus est.

45 De aere nos docet experientia, eum in omnia loca, sibi ab aliis corporibus reli-

reliſta, cum impetu ruere.

46 Aer non penetrat ipſam aquam.

47 Aqua eſt corpus fluidum poroſum, flexile, & valde dilatabile, hinc maximam ætheris ac aeris debet admittere influentiam.

48 Aquæ ratione fundi & aeris mirum differunt.

49 Aquæ effectus ſunt fluidificare, emolliſſe, intrare ſalium ac gummarum poros, illaque diſſolvere ac diſcontinuari.

50 Ignis conſiſtit in conſuſo, & rapidiſſimo particularum ſubtiliſſimarum motu, & uti frigus ſit per motum rectilineum, ſic calor & ignis per motum curvilineum & conſuſum.

51 In igne particulæ tertii elementi craſſioris innatant particulis materiæ ſubtiliſſimæ & ſubtilis.

52 Ignis effectus ſunt movere, rarefacere, propellere, penetrare, diſcontinuari corpora, & vim eläſticam aeri, & aquæ conciliare, corporaque ſolidiſſima perrumpere.

53 Ignis flamma corporum texturam non ſolum deſtruit, ſed & mutationem corporibus inducit, hinc non verus eſt corporum analyſta.

54 Uti caloris natura in motu, ita frigoris in quiete conſiſtit, & calor rarefacit, frigus autem condenſat corpora.

55 Fermentatio dicitur, quando particulæ ſubtiliſſimæ vehementer motæ in corporum liquidorum poris exitum non inveniunt, hinc in illorum latera reactione corpus diffringunt, reſolvunt & ſubtiliſant.

56 Fermentatio putredinoſa locum habet in regno animali, vinoſa in vegetabili.

57 Particulæ ſubtiles fermentationem efficiendo corpora dividunt, quod probat illorum poſt fermentationem ſubtilitas.

58 Lux eſt celerrimus globulorum miniſſimorum motus rectilineus.

59 Reflexa lux dicitur, quando redit propter occurſum alterius corporis impediētis primam lineam motus; refringitur autem quando radius in motu conſtitutus oblique diverſa tranſiens media non nihil a linea recta deſſectit.

60 Omnes colores, ſoni, viſus, reflexioni & refractioni lucis debentur.

61 Color nil aliud eſt, quam lux refracta ac modificata pro diverſitate ſuperficierum, vel denſitatis corporis, per quod lux tranſit, & materiale colorum in textura ac diſpoſi-

Hoff. Opuſc. varii argum.

tione particularum radicum eſt.

62 Sonus nihil aliud eſt, quam tremulus aeris motus factus a percuffione corporis aliqujus trementis.

63 Principium materiale odorum eſt, Sal volatile Sulphureum mediante aere & æthextractum.

64 Cauſa ſaporis Sal eſt, quod ratione particularum diverſæ figuræ, & magnitudinis varie modificatum diverſos exhibet ſapores.

65 Sal eſt ſubſtantia ſapida & ſolubilis in liquore aqueo.

66 Sal eſt, vel acidum, vel alcali, vel neutrum, ſecundum & primum vel fixum, vel volatile.

67 Sal acidum eſt Sal primogenitum & fundamentum reliquorum omnium, a quo omnia pro diverſitate particularum terreſtrium, concentrationis, reliquæ omnia oriuntur.

68 Qualitates corporum nil aliud ſunt, quam certæ diſpoſitiones & modificationes materiæ: qualitates autem ſenſibiles uti calor, frigus, humiditas &c. nil niſi meri ſunt percipiendi modi, & quaſi inſenſibiles motus occasione tremoris nervorum excitati: & relative ad noſtrum corpus varium ſortiuntur nomen.

69 Nihil in ſe calidum nec frigidum, ſed reſpectu corporis, & ſecundum modum receptivitatis & ad ſenſum tale dicitur.

C A P U T I I I.

*De Sanitate, Vita, Temperie
& Natura.*

I.

COrpus noſtrum eſt inſtar machinæ ſeu automatiſ, quod ex variis organis ratione figuræ & magnitudinis certo ordine ac ſitu diſpoſitis ac conſtructis gaudet, quæ moveri & animari a partibus fluidis corporis noſtri debent.

2 Partes corporis noſtri ſunt vel ſolidæ vel fluidæ. Fluidæ ſi in decenti temperie æquabilique motu conſtitutæ ſunt, & ſolidæ quamdiu in decenti configuratione, ſitu & ordine conſiſtunt, corpus ad actiones ſecundum naturam exerendas aptum exiſtit, & ſanum eſt.

C c

3 Actio.

3 Actiones vitales absolvuntur sensu, motu & nutritione.

4 Vita corporis versatur in perenni ac decenti partium fluidarum per solidas motiones, partes autem fluidæ prima motus causa sunt, solidasque in motum excitant.

5 Fluidæ corporis partes principales, sunt Spiritus animales, quasi impetum facientes, Sanguis cum sero & lymphæ.

6 Vita hominis consistit in continuata mentis & corporis communione, seu versatur in his operationibus, ad quas & corporis motus & cogitatio mentis concurrunt.

7 Vita perficitur causis mere mechanicis, nec mens facit ad corporis ipsius vitam, nec vita spectat ad mentem sed ad corpus.

8 Quando corpus humanum moritur, non mens a corpore recedit, sed corpus recedit potius a mente, quatenus organa corporis vitiosa sunt, ut mens amplius iis præesse nequeat.

9 Uti vita consistit in motu, & sanitas in motu temperato ac æquali partium fluidarum, sic mors nil nisi destructus motus est, & motus improporcionatus ac inæqualis.

10 Non partes solidæ dici possunt temperatæ & intemperatæ in se spectatæ, sed illarum temperies dependet a temperie & motu partium fluidarum.

11 Quando corpuscula sanguinem constituentia diversa, nimirum: terrestria, ramosa, aquosa, salina, volatilia, fixa, acida, Sulphurea proportionaliter inter se sunt mixta, ita, ut motum æqualem inter se efficere possint, tunc sanguis dicitur temperatus, & blanda temperies introducit partibus solidis.

12 Quo magis autem inæqualis est horum corpusculorum mixtio, eo inæqualior resultat motus & intemperies varia.

13 Quando particulæ sulphuræ, oleosæ, volatiles, salinæ, prædominantur præ ipsis fixioribus aqueis, terrestribus, intemperies calida est, & tunc temperamentum calidum dicitur, seu sanguineum, & si nimius ille excessus sit, evadit cholericum.

14 Calidi temperamenti illum dicimus, qui tali fibrarum plexu constat, cui multæ particulæ igneæ æthereæ calidæ insunt, vel in quo multæ facile congregari possunt.

15 Quod si particulæ aqueæ mucilaginosæ acidæ fixiores prædominium habent, præ ipsis sulphureis spirituosus salinis sanguinis, exsurgit temperamentum phlegmaticum fri-

gido-humidum, & quando particulæ illæ salibus acetosis stipatæ sunt, vocatur Melancholicum, quod gradu saltim differt a Phlegmatico.

16 Phlegmatici dicuntur, qui serosis humoribus abundant, & tam denso fibrarum plexu constant, ut partes calidæ difficiliter colligi queant.

17 In temperamento Sanguineo & Cholerico motus partium fluidarum magis vehemens, celer ac velox est, in phlegmatico autem & Melancholico magis tardus & imminutus.

18 Qualis est temperies, & motus sanguinis & humorum, talis etiam est motus Spirituum animalium, & qualis Spirituum animalium motus ac temperies, talis etiam mentis motus, inclinationes, & cogitationes exsurgunt, hinc effato Galeni mores animi sequuntur corporis temperamentum.

19 Sanguinei magis sunt audaces, hilares, ingeniosi & alacres, e contra Melancholici & pituitosi magis sunt tardi, timidi ac tristes ob Spiritus in Sanguineis subtiliores, & illorum motum celeriores, in phlegmaticis autem & Melancholicis fixiores, & motum illorum tardiores.

20 Ad temperiem corporis & humorum faciunt parentes, ortus, solum, cælum, ætas, morbus, vitæ ratio, sexus.

21 Principium motus primum in machina nostra omnium Philosophorum consensu est anima, quam sive Naturam, sive Spiritum potentis Mechanicis instructum, sive materiam subtilissimam ætheream ordinate & specificè agentem nominare velis, perinde est.

22 Animam in homine præter potentias Mechanicas, & ordinatum agendi motum, nobiliori potentia, nimirum cogitandi & ratiocinandi instructam esse, quam brutorum anima, extra dubium est, & ratione hujus potentie dicitur mens, & est substantia immortalis ex decreto ipsius Dei.

23 Causa prima potentiarum in anima existentium, est ipse Deus, a quo uti omnia, sic quoque animæ nostræ existentia & functiones dependentiam suam habent.

24 Spiritus animales non sunt ipsa anima, illis tamen utitur anima ceu instrumento ad exequendas functiones suas.

25 Functiones animæ sunt movere spiritus, & ad certum motum edendum eosdem determinare.

26 Natura seu anima hominis facile character-

raeterisatur specifico motu, quem deinde jugiter custodit, unde consuetudo naturæ dependet, quæ in vitæ genere & morbis variis illorumque periodis admodum est solennis.

27 Natura est mensuræ, numeri, temporis, & ordinis observantissima, unde omnia ordinate, tum in productione corporis, quam in illius conservatione & morborum curatione facit.

C A P. IV.

De Partibus solidis & fluidis machinæ humanæ, principaliter de sanguine.

COrpus nostrum est instar machinæ, quæ ex particulis solidis & fluidis vario ordine ac situ dispositis & constructis constat.

2 Solidæ partes sunt ossa, cartilagines, tendines, membranæ, nervi, arteriæ, venæ, tubuli lymphatici, carnei seu fibræ dictæ, & illi qui glandulas constituunt.

3 Fibræ sunt prima stamina & filamenta omnium partium, ex quibus artificiosa textura situ & constructione omnes partes componuntur.

4 Fibræ tubulatæ sunt, quoniam nutriuntur & augmentum accipiunt, per has fluit materia liquida, quæ latera illarum distendere potest.

5 Unaquæque fibrilla certum per intervalum suas habet implicaturas, hinc patet, cur flaccidus antea musculus tumidus & densius, redditus, dolorem non statim efficiat.

6 Fibræ prout magis crassæ, vel teneræ & subtiles sunt, & prout rectum vel obliquum situm habent, & quo magis compactius vel laxius sunt unitæ, varia constituent organa.

7 Quilibet musculus constat ex infinitis parvulis fibris tubulatis, quæ in media parte, ventre dicta, laxius coeunt, carnem constituunt, in fine autem & principio artius colligatæ, tendinem efformant.

8 Nervii sunt fasciculi plurimorum tubulorum, cavi, ac cannæ indicæ in modum perforati, ex alba seu medullari cerebri substantia progredientes.

9 Nervii qui sensui inserviunt molliores, qui autem motui, duriores sunt.

10 Tubuli nervei per totum corpus sunt dispersi, hinc canaliculis exilioribus læsis ce-

rebrum, & plura correspondentia organa in consensum trahuntur.

11 Ossa constant ex tubulis poros innumeros habentibus, in quibus circulantur depositæ particulæ sanguineæ & lymphaticæ.

12 Inosculantur ossibus venæ & arteriæ, intrantes cavitatem, & deponentes ibi pinguedinosam & sanguineam medullam, ne rigida evadant ossa & facilius rumpantur.

13 Arteriæ constant ex triplicibus lamellis: prima est reticularis, ex nervis, vasis sanguineis, membranosisque expansionibus conflata; secunda, ex fibris musculosis in circulum contortis, duris tamen & renitentibus; tertia tenuis est, & ex planis membranosisque expansionibus constructa.

14 Venæ si aspiciantur per microscopium, adsunt primò fibræ tensiles, secundo membrana glandulosa, tertio musculosi fascēs.

15 Membranæ tendinosæ & nervosæ constant ex fibrillis variis nervosis, fistulosis, facile dilatabilibus, hinc admodum sensibiles sunt. Periortium habet originem suam partim a dura matre per diversa cranii loca prodeunte, & a capite sic ad universam ossium compagem diffundente, partim a fibris & tendinibus musculorum.

16 Glandulæ nihil aliud sunt, quam vasorum minutissimorum implicatus nexus, habent nervos & carneas subtilissimas fibras, quæ varie circumducuntur, investiantur etiam aliquibus in partibus exterius membrana valde tensa, quæ sanguineorum vasorum lateralibus ramis irrigatur, sub hac carneæ fibræ circulariter ductæ locantur, quæ horizontaliter glandulæ corpus penetrant.

17 In tenerrimis glandularum ductibus & vasculis facile fieri possunt obstructions.

18 Glandulæ cutis instructæ sunt poris seu ostiis, singula suis valvulis cucurbitiformibus aut pelliculis incurvis versus interiora protensis dotata. Valvulæ adsunt ad fluidum alias nimis effluxurum remorandum, sicque refrænandum halituum nimiam transpirationem.

19 Glandulæ sunt vel conglomeratæ vel conglobatæ. Conglomeratæ sunt acervus minutissimarum glandularum communi tunica investitarum, quarum singulæ emittunt vasculum excretorium, quæ iterum abeunt in canalem, per quem liquor fluit in aliquam cavitatem, quales sunt parotides, pancreas, mammæ. Conglobatæ constant ex meris fibrillis, inter se varie contextis, non autem

vasculis, uti conglomerata.

20 Vasa lymphatica ductus sunt admodum tenues, pellucidi, firmi, simplici tunica donati, & plurimis nodulis, qui totidem valvulae sunt, conspicui.

21 Vasa lymphatica valvulas habent semilunares, quae ejusdem naturae videntur cum substantia vasorum lymphaticorum: microscopio autem examinatae apparent fibrosae, ut contrahi & relaxari possint.

22 Vasorum lymphaticorum, lacteorumque, & ductus thoracici structura eadem est.

23 Solidae partes invicem singularem & necessariam connexionem habent: hinc arteriae inosculantur venis, & venae arteriis, nervis & musculis. Tubuli carnei desinunt in tunicas, & haec sic involutae propagantur in tendines, cartilagineas, & ossa, sicque datur communicatio & circulatio fluidarum partium.

24 Solida corporis animati compages tota tubulosa est, & minutissimas partes cavas esse, probat circulatio sanguinis in pediculo, & per caudae fibrillas in anguilla, quod optime demonstrari potest microscopio.

25 Partes solidae, quoniam ex infinitis minutissimisque staminibus & fibrillis contextae sunt, multa millia spatiola intermedia, seu corpusculorum, ex quibus illae conglomerantur, intercapedines fieri debent.

26 Inter partes fluidas praecipua est massa sanguinea, quae ex innumeris, ratione magnitudinis, figurae, & ponderis diversis particulis & corpusculis constat.

27 In sanguine latent particulae serosae, lubricae, flexiles, & rigidae salinae, tam volatiles, quam acidae & ramosae, sulphureae, oleosae, & crassae, mucilaginosae, terrestres.

28 Sanguis per microscopium inspectus, constat ex fibris & meris globulis, qui intestino & irrequieto motu in omnem positionem se movent: cessante hoc motu, mutua implicatione coeunt, & subsident isti globuli, sicque crassities & coagulatio fit sanguinis.

29 Uti in coitione globulorum sanguinis, illius crassities: sic in illorum globulorum perpetuo motu & divisione ejus, fluiditas & tenuitas consistit.

30 In globoso elementorum sanguinis contextu, nativa ejus dispositio consistit, quoniam sphaerica figura ad perficiendum motum

omnium est aptissima.

31 Color sanguinis floridus, fluiditas, turgescencia, & calor ille vitalis debentur exactissimae & decenti globulorum horum comminutioni.

32 Globulorum horum comminutio, divisio & motus perennis debetur materiae subtilissimae aetherae, in aere hospitanti, quae uti causa omnis fluiditatis & motus, sic quoque sanguinis est.

33 Rubedo sanguinis fit a sibi incumbentibus globulis, in quorum poris & interstitiis, materia aetherea lucida repercutitur, & repercutiendo talem visui exhibet colorem.

34 Chymici rubicundum sanguinis colorem deducunt a sulphureis oleosis particulis, exaltatis, a calore & particulis salinis volatilibus.

35 Uti omnis calor est a motu, sic quoque corporis nostri calor vitalis ab eo dependet, quo autem motus hic magis est reflexus & vehementior, eo major quoque exsurgit calor.

36 Nullus calor datur insitus, sed omnis est influus, hinc calidum innatum & humidum radicale, nisi sumantur pro dispositione seminali & innata sanguinis & feri, mera sunt figmenta.

37 Sanguis duplici motu gaudet: intestino uno sive minimorum juxta se invicem, & altero circulari seu progressivo, cujus ope per vasa circumvehitur, neuter sine altero consistere potest.

38 Uterque hic motus debetur aeris & aetheris virtuti elasticae, per respirationem communicatae, & cordis vigori seu motui.

39 Cordis motus absolvitur constrictione seu systole, & dilatione seu diastole, & est cor non tam officina, quam antlia sanguinis, ad illum recipiendum & expellendum inserviens.

40 Cor nil nisi musculus est, ex fibris & staminibus fibrosis motricibus geometricè constructus, ut ad contractionem robustam & dilatationem aptus sit.

41 Cor est omnis motus in corpore nostro, & sanguinis circulationis (sine qua homo vivere nequit) primum principium, & instrumentum & primum impellens sanguinem.

42 Motus cordis non motrici alicui insitae virtuti, sed nixui expansivo spirituosum liquoris seminalis in ipso embryone, in adultis autem expansivae aetheris & spirituum ani-

animalium sanguinisque videbatur.

43 Contractio cordis & dilatatio arteriæ conincidunt, sicque fit pulsus, qui nihil aliud est, quam dilatatio arteriæ.

44 Cor principium est arteriarum & venarum, omnes arteriæ advehunt ad partes, venæ autem revehunt, excepta vena portæ, quæ advehit ad hepar.

45 Venæ semper sunt comites arteriarum, ampliores tamen sunt, quoniam motus sanguinis in venis lentior est, valvulisque semilunaribus instructæ sunt, ut refluxus impediatur.

46 Non dantur anastomoses arteriarum & venarum, sed arteriis junguntur tubuli, per quos sanguis transit ad substantiam carneam, ubi deinde per venarum tubulos excipitur.

47 Quando cordis ventriculi contrahuntur & aer subtilior elastica & pellente virtute imbutus ipsi communicatur, non solum contentus intra eos sanguis in arterias expellitur, sed & universus sanguis per arteriosum & venosum genus progreditur, adjuvante musculo venarum contextu & valvularum structura.

48 Quindecim ad minimum vicibus sanguinem singula hora per cor circulari, probabile videtur.

49 Atmosphæra externa corpus ambiens, fervorem & elasticitatem humorum & spirituum reprimit, temperat, ac moderatur, propulsionemque sanguinis in venas promovet.

50 Remoto atmosphæræ equilibrio, spiræ ætheris & aeris in succis contentæ mirum dilatantur, sicque distendunt & coarctant plus justo vasa, & motum sanguinis sistunt, quod patet per experimenta, beneficio antliæ, in vivis animalibus peracta.

51 Sanguis quo tenuior & fluidior, eo melius per minutissimos venarum & arteriarum tubulos circulatur, quo autem crassior, eo lentior fit circulatio.

52 Falsum est calorem sanguinis & corporis nostri dependere a citatiori circulatione sanguinis, magis ille fit a motu intestino sanguinis, & ætheris reflexivo motu in sanguine aucto.

53 Fermentatio in sanguine nulla est, talis nimirum, quæ in vegetabilibus locum habet, vinosa; si autem per fermentationem intelligis intestinum particularum motum, qui subtilisationem sanguinis efficit, concedi potest.

54 Sanguini κατ' ἐξοχὴν sic dicto, nimirum ramosæ, fibrosæ, & rubicundæ texturæ sanguinis semper immixtum est serum, quod magis flexilibus, mollibus, gelatinosis & salinis constat particulis.

C A P. V.

De Lympha, saliva, chylo, lacte, bile, semine, spiritibus animalibus.

I.

Post sanguinem, fluor principalis corporis nostri est lympa, quæ non secus ac sanguis circulatur per certa sua vasa, dicta lymphatica.

2 Lympa differt a sero, dum illa magis orbata gelatinosa ac glutinosa substantia est, magisque aquea, serum autem leni ignis calore concrevit in gelatinam multis minimis fibrillis conspicuam.

3 Lymphæ omnis motus a peripheria ad centrum est, nimirum ad cor, quod manifeste ostendunt valvulæ vasorum lymphaticorum, quæ talem habent structuram, ut lymphæ ad cor tendenti liber pateat transitus.

4 Omnis lympa separatur a sanguine adducto per arteriolas in ipsas partes.

5 Non omnia vasa lymphatica habent commercium cum glandulis, vel ex illis scaturiunt, sed pleraque oriuntur ex viscerum substantia, & sunt quasi tubuli arteriarum continuati.

6 Omnes pene partes gaudent vasis lymphaticis.

7 Lympa omnis revehitur a partibus & affunditur sanguini venoso, cum quo transit ad cor.

8 Lympa non efficit nutritionem partium, sed potius est recrementum ipsius feri nutritii, & ex sero sanguinis ortum suum habet, dum a particulis feri gelatinosis nutritiis, aqueæ, quæ ad nutritionem ineptæ sunt, secedunt.

9 Lympa, quia non constat particulis gelatinosis, conservat sanguinem in fluiditate, chylum diluit, salia acria temperat & vehiculum est variorum excrementorum, maxime autem salinosulphureorum, ex corpore educendorum.

10 Præter lympham alius adhuc humor est in corpore nostro, medius quasi inter serum & lympham, qui ex sanguine arterioso immediate, beneficio glandularum conglomer-

meratarum excernitur, & dicitur vel salivalis, pancreaticus, intestinalis & ventriculi.

11 Humor salivalis & Pancreaticus &c. ejusdem sunt naturæ, non autem lymphaticæ, ut vulgo credunt, sed constant ex particulis serosis, acetosis, subtilibus & spiritibus animalibus.

12 Saliva ex particulis summe subtilibus constat, hinc non secus ac Spiritus vini, repositus in vase ab aere evacuato ebullit.

13 Succus hic salivalis, una cum Pancreatico & intestinali menstruum corporis quasi universale & liquor microcosmicus publicus est, inserviens ciborum resolutioni, medicamentorum exactiōni, chylicationi &c.

14 Pancreas cum vasibus & glandulis salivalibus conglomeratis, quæ sub auribus & lingua sunt, eandem habet structuram, eundemque usum.

15 Succus pancreaticus, non secus ac saliva facile ad fermentationem disponit cibos, ipsis admixtus.

16 Falsum est succum pancreaticum naturaliter esse acidum, & effervesce cum bile.

17 Ductus salivales sunt vel majores vel minores; majores sunt vel externi & superiores, vel interni & inferiores: illi sunt ductus Stenoniani & Nukiani: hi Warthoniani & Bartholiniani, seu mavis, Riviniani: Minores innumeri sunt in faucibus, palato & labiis conspicui.

18 Lacrymæ, & liquor ille, quem stillant glandulæ oculorum, Salivalis naturæ videntur, dum per ductum insignem ab oculis in nares tendentem, & ex hisce in palatum abeuntem in os derivatur.

19 Menstrua insipida magnam in solvendis rebus habere efficaciam, testatur Mercurius & aqua communis.

20 Salivam non solum ex particulis aqueis & subtilissimis salinis, sed & subtilissimis elasticis, per nervos ipsis communicatis, constat.

21 Quale serum sanguinis, & qualis spirituum animalium constitutio, talis est saliva, qualis saliva, tale fermentum ventriculi, & quale fermentum ventriculi, talis est digestio, & qualis digestio, talis est chylus.

22 Motum spirituum animalium inordinatum communicari salivæ posse, testatur morsus canis rabidi, affectus animi, philtura &c.

23 Saliva verum ventriculi menstruum est, quoniam fermentum ventriculi copiosum esse debet, secundo activum & ad fermentationem aptum, tertio cibis intime misceri debet, quæ omnis in se continet saliva.

24 Lympha quæ stillat in glandulis ventriculi & intestinorum, pauca, ad madorem horum viscerum internum necessaria est.

25 Saliva menstruum quasi universale est, ratione particularum spirituosarum maxime penetrat, ratione salinarum particulas sulphureas extrahit & dissolvit, ratione aquearum ipsa salia gummeasque particulas resolvit & imbibit.

26 Saliva, quam primum masticatis in ore cibis admiscetur, statim insignem ac evidentem alterationem ipsis inducit, ut in locum calidum repositi facilem fermentationem per se recipiant.

27 Inter partes fluidas corporis nostri singularem quoque obtinet locum chylus, qui non nisi emulsio naturalis, ex cibis contritis, & a salivali menstruo resolutis est.

28 Chylus per vasa lymphatica in mesenterio existentia & lactea dicta, affunditur sanguini & cum hoc circulator per totum corpus.

29 Elementa chyli sunt particulæ aquosæ, dulces, gelatinosæ, it. oleosæ ac ramosæ; ex quarum conjunctione lacteus exsurgit color.

30 Essentiæ resinosæ, item olea intime cum aqueo menstruo mixta constituunt lac.

31 Chylus proxima sanguinis, feri, lymphæ & omnium corporis fluorum materia est.

32 Chylus infusus in sanguinem, ejusque motu comminutus ac subtilisatus, partim transit in ipsum sanguinem, ratione particularum ramosarum, & oleosarum, partim in succum nutritium, ratione particularum mucilaginosarum, partim in serum, ratione particularum aquearum & viscido-salinarum, partim in lympham, ratione particularum insipidarum aquearum.

33 Qualis est cibus, talis chylus, qualis chylus, tales humores, quales humores, tales sunt Spiritus, quales sunt Spiritus, & humores, talis est nutritio, motus & sensus, & per consequens vita, & sanitas.

34 Chylus non dimittitur a sanguine totus, nisi in gravidarum uberibus, quæ congeries minutissimarum glandularum sunt, & ibi lac nominatur.

35 Lac non est serum, nec sanguis immu-

tatus, sed chylus, ad ipsas glandulas mammarias deductus per ipsas arterias.

36 Bilis in hepate secreta, & in intestinum duodenum effusa, non excrementum, sed utilissimus corporis nostri fluor est.

37 Bilis si destilletur, fundit insipidum phlegma, remanente resina inflammabili ac tenaci, si autem cum Sale tartari mixta, vel fatida facta destilletur, prodit liquor Alcalinus, qui in mixtura cum aliis rebus semper edit effectus Alcalinos.

38 Bilis non immerito chyli & sanguinis balsamum constituit, acorem corrigit, oleosas ciborum particulas solvit, ut intime possint misceri cum aqueis & chylum constituere, visciditates terreas incidit, & spiculis suis salino-sulphureis ad excretionem intestina stimulat.

39 Bile deficiente, cruditates acidæ, viscidæ in corpore cumulantur, excretio alvi impeditur, & spiritusascensio sanguinis debilis est.

40 Tres vel quatuor uncia bilis brevi tempore in intestino duodeno colligi possunt, ejus enim fluxus per ductum hepaticum continuus est, ex cystide vero, non nisi pleno ventriculo.

41 Terrestris & crassa pars bilis per excrementa alvi ejicitur, subtilior autem salino-sulphurea transit cum lymphâ vel chylolo iterum ad ipsum sanguinem, sicque circulator.

42 Nullum animal bilioso humore caret.

43 Semen delibatissima succi nutritii, & spirituum animalium portio est, in anfractuosis testium canaliculis elaborata & subtilisata.

44 Nullus datur spiritus naturalis nec vitalis in ipso sanguine, sed saltim animalis, in ipso cerebro & nervis.

45 Spiritus hic est ens activum, motum, & quidem determinatum ac ordinatum efficiens in materia.

46 Materia licet etiam sit subtilissime divisa, pure tamen passiva est, nec motum simplicem, multo minus ordinatum edere potest sine spiritu activo, & primo motore.

47 Fluidum itaque subtilissimum, quod visum fugit in nervis contentum, est nil nisi subtilissima materia, potentia mechanica determinata instructa, quæ ideales & ordinatos motus in corpore edere apta est, hinc recte dici potest spiritus.

48 Spiritus in sanguine vitalis Veteribus

dictus, nil nisi æther seu subtilissima aeris portio est, elasticitate imbuta & cum particulis sanguinis mixta, unde motus cordis, arteriarum, & ipse calor corporis nostri dependet.

49 Spiritus animales nec alcalini, nec acidi, nec sulphurei sunt.

50 Probabile est, liquidum nerveum constare ex duplici substantia, una nimirum humidiori subtilissima succi nutritii parte, altera sicciore, quæ ex purioribus aeris particulis pulmonum ministerio, in sanguinem receptis elaboratur.

51 Quamdiu hæ partes inter se bene sunt temperatæ ac mixtæ, & in æquilibrio constitutæ, tamdiu spirituum elaterium viget, motus est æqualis, partes recte nutriuntur, & somni vigiliarumque legitimæ vicissitudines sunt.

52 Nervi licet subtilissime vehant substantiam, absurdum tamen non est, illum non tam formaliter, quam etiam materialiter concurrere ad nutritionis negotium.

53 Ratione rigidarum elasticarum particularum, Spiritus animales ipsius nervi ab objectis tensilibus commoveri possunt, sicque fiunt sensus, qui non nisi certæ spirituum animalium nervorumque mutationes sunt.

54 Spirituum motus duplex est, vel rotatorius, dum nimirum quævis particula circa axem movetur, vel directus, qui a termino ad terminum tendit.

55 Motus spirituum animalium in nervis est magis rectilineus, motus autem ætheris in sanguine magis est curvilineus, unde calor dependet.

C A P. VI.

De motu machine nostræ vitalis & Sensu.

I.

Nihil in machina microscopica fit sine motu, nulla immutatio, secretio, nutritio, nullus sensus sine motu fieri potest.

2 Moventur partes fluidæ, inter quas primum locum sibi vendicat nervorum fluidum, quod omnium subtilissimum & ad motum edendum celerrimum aptissimum est, a quo cunctarum machinæ partium tam solidarum quam fluidarum motus dependet.

3 Spiritus animales summa subtilitate & ela-

elasticitate præditi potentiam habent a DEO impressam non solum mechanice sese movendi, sed & electivæ, determinate & ad certum finem: quæ potentia dicitur anima sensitiva & radicaliter inexistit subtilissimo cerebri fluido.

4 Instrumentum motus spirituum animalium organicum sunt fibræ motrices, variæque illarum implicationes & texturæ.

5 Quando fibræ motrices ita inter se sunt contextæ, ut duæ extremitates tendineæ fiant, media autem pars laxior fit, exsurgit musculus, qui motus spontanei instrumentum est.

6 Quando fibræ motrices certa quadam serie super se sunt stratae & quidem transversim, tunica evadit musculosa seu carnea dicta, quæ motus involuntarii & naturalis organon esse solet.

7 Tunicam ventriculi, intestinorum, vesicæ urinariæ, biliaræ, ureterum, articularum, venarum musculosam existere & fibras carneas ac motrices sibi intertextas gerere, *ΑΥΡΟΨΙΣ* docet.

8 Spiritus animales mobili & expansiva sua natura fibras inflant, sicque illas abbreviant & distendunt, adeoque quod longitudini illarum decedit, crassitie accedit. Equidem figura, non moles in musculo tumefcente mutatur.

9 Uti in vesica inclusus aer dilatatus ingentia pondera attollere solet, sic quoque vi spirituum fibræ musculorum dilatatae trahunt per tendines suos ossa.

10 Ad motum in musculari & fibris motricibus exerendum non solum requiritur influxus sufficiens spirituum animalium, sed & ipsius sanguinis spirituosus laudabilis, hinc arteria partis ligata sensus & motus partis exspirat.

11 Omnes partes, vasa, quæ ex muscolosis fibris constant, motu gaudent tensivo, qui, quando in statu naturali est, dicitur tonicus, quando autem hic motus viscerum naturalis læditur, vel nimis tenditur, fit spasmodicus, aut si nimis relaxatur, maxima incommoda motus inordinarii & morbi oriuntur.

12 A specifico hoc tonico partium motu læso inordinariæ excretiones, vari morbi oriuntur, usus viscerum invertitur & actiones vitales depravantur.

13 Spiritus animales fluidum sunt simplicissimum purissimum, cui facile imprimi potest idea certi ac determinati motus, quam

etiam diu & exacte certoque tempore, mensura & numero servare solet, uti id testantur periodicae excretiones, morbi &c.

14 Spiritus animales sunt naturæ mobilissimæ, purissimæ, hinc si heterogenei quid ipsis immixtum est, illud statim motu suo intestino & elastico ad extremas partes propellunt, non secus ac flumen motu vorticoso gaudens heterogenea immissa ad ripam pellit.

15 Quando fibræ nervæ vel musculosæ stimulantur & irritantur a quadam materia, non solum concitatus ad hanc partem spirituum fit affluxus, verum etiam sensus & perceptio quædam certa ab objectis ipsis imprimitur.

15 Spiritus animales non movent solum corpus, sed & sentiunt, quæ sensatio tamen sine motu fieri nequit.

17 Ab objectis saltim certi motus fiunt in organis, & ex varietate motuum mens rerum sensibilibus differentias varie percipit.

18 Objectis, quæ in nobis sensus movent, nihil attribuimus, nisi potestatem, quæ ex figura, motu & partium dispositione fluit, varie organa & his mediantibus mentem afficiendi.

19 Calor, odor, sapor, omnesque qualitates non fiunt in objectis externis, sed variæ sensationes excitatae in mente nostra.

20 Instrumentum omnis sensus, in quod objectum impellit, est nervus vel ejus extremitas, quæ vel in membranam vel in papillam definit, in hac varium objectum irruit, variumque excitat motum, qui motus beneficio spirituum animalium transfertur ad sensorium commune, ubi perceptio fit.

21 Nulla pars corporis humani tangi vel moveri potest, quin eò ipso moveatur fluida & spirituosæ nervorum substantia & consimilis motus ad sensorium cum undulatione vel pressione quadam traducatur.

22 Ad tactum omnes referri sensus possunt, est ille universalissimus, reliqui sunt saltim diversi tangendi modi.

23 Organon sunt papillæ nervæ perfusæ spiritu animali, & quo copiosiores sunt in parte, eo exquisitior fit sensus.

24 Pro objectorum itaque diversa impressione vel motu, variæ & diversæ fiunt perceptiones, quæ frigoris, caloris, ac humiditatis nomine veniunt.

25 Visus omnium sensuum est præstantissimus; objectum ejus est lux, sive a corpore

re luminoso radiis imperturbatis, id est, pressione globulorum æthereorum rectilinea sive a corporibus opacis refracta, seu varie percussa transeat ad tunicam oculi retinam, ubi pro diversitate impressionum vel sensum luminis vel coloris producit.

26 Organon visus est oculus, qui nil nisi camera obscura est, quoniam omnibus gaudet requisitis.

27 Visio fit non in nervo optico, sed in tunica retina, quæ est nervus opticus expansus.

28 Tunica sclerotis porosa est, & minimis lymphaticis vasculis stipata, quæ oculorum humores restituunt & nutriunt.

29 Auditus absolvitur aure externa & interiori, extrinseca pars est cava, interior convexa, & obliquum illum anfractuosum meatum, quem auditorium vocant, efficit.

30 Auris interior duplici constat cavitate, anterior dicitur concha & est tympani membranæ quædam concameratio, tribus ossiculis sibi mutuo articulatis & duobus musculis constat; altera cavitas est labyrinthus, ubi os petrosum miro artificio in varias spiras contortum est.

31 Datur ductus quidam ex aure interiori ad ipsum palatum, qui ex adverso oppositum est meatui auditorio.

32 Meatus auditorius oblique & per varios flexus ad tympanum fertur, quo aer percussus meatum illum copiosius ingredi & per tot ejus anfractus varie reflexus & quasi in tuba auctus, tympani membranam eo validius percellere possit.

33 Tremulus aeris motus ossiculis communicari debet, quæ ita sunt fabricata, ut motum a tympano acceptum propagare, aerique in concha contento imprimere valeant, isque tandem motus mediante illo aere nervos acusticos expansos penetret, sonumque in nobis producat.

34 Auditus objectum est sonus, qui ex tremulo aeris collisi resilientisque motu tympanum nervosque auditorios & spiritus in illis undulantes feriente producit.

35 Objectum odoratus est odor, qui consistit in subtilissimis salino-sulphureis corporum effluviis & atomis aeris vehiculo ad nervos narium translatis.

36 Organon olfactus est papillosa membrana, quæ ex nervis olfactoriis ex osse cribroso prodeuntibus constat & nares investit interiores: hæc membrana madida semper

observatur, quo melius solvi & sic penetrare possint effluvia illa salino-sulphurea.

37 Objectum gustus sunt particulæ sapidæ, quæ fiunt ex salinis cum sulphureis & terreis varie modificatis ac mixtis, & hinc diversitas oritur saporum.

38 Organon gustus constituunt papillæ illæ nerveæ, quæ ex fibrillis nervorum nascuntur, abeuntibus in superficie linguæ instar cornuum in rotundas papillulas, & ubi copiosiores papillulæ illæ sunt, ibi magis viget sapor uti in linguæ apice.

39 Quoniam salia non agunt nisi soluta, hinc in ore saliva præsens est, ut hujus beneficio extrahantur particulæ illæ salinæ sapidæ.

40 Olfactus organon multam simul facit ad gustum, hinc naribus obstructis vel olfactu læso, non vera saporum dignotio esse potest.

41 Ubi omnium perceptionum concursus est, ille locus dicitur sensorium commune, non autem est glandula pinealis, sed potius centrum sic dictum ovale seu fundus ventriculorum cerebri, ubi omnia corpora striata terminantur, & ex quibus nervi originem suam petunt.

42 In sensorio communi tanquam in supremo tribunali omnes rerum externarum impressiones beneficio sensuum conveniunt, & a mente percipiuntur, & rursus ex hoc seu supremo regiminis loco pro arbitrio & nutu mentis spiritus animales ad omnes partes sensu ac motu animandas determinantur & emittuntur.

43 Quando sensorium hoc turgidum est spiritibus animalibus, ita ut mens pro nutu suo spiritus in nervos determinare, item motus externos organis impressos percipere possit, tunc dicimur vigilare.

44 Quando deficit spirituum animalium in nervorum ac fibrillarum tubulis copia, ita ut rite tubuli isti inflentur ac expandantur, sed in semet blande concidant ac relaxentur, ut non recipi possint consuetæ objectorum impressiones in sensoriis, nec in cerebro percipi vel spirituum determinatio in partibus fieri possit, talis status dicitur somnus.

45 Motus animales duplicis sunt generis vel voluntarii vel involuntarii seu automatici, qui citra animæ imperium nobis inscisci perficiuntur, hi fiunt in cerebello, illi in cerebro.

46 Si ad vestigia præteritæ impressionis attendat mens & corpora absentia sibi præsensia sistat, tunc dicitur memoria.

47 Quando per varios motus spirituum releguntur vestigia rerum per sensus impressarum, tunc in mente similes cogitationes excitantur, sicque fit phantasia.

C A P. VII.

De usu Viscerum, Secretione animali & Nutritione.

I.

VIta nostra consistit in motu & calore partium fluidarum æquali ac temperato, motus autem & calor semper dissipat & depascit fluidas partes quæ debent restitui, quod fit nutritione, nutritio autem requirit alimenta.

2 Assumimus alimenta stimulat per appetitum, qui interpret est indigentia nostri corporis, & quando cibum desiderat, fames, quando potum, sitis appellatur.

3 Appetitus non debetur venarum suctioni, sed potius blando orificii sinistri stimulo & spirituum animalium in ventriculo & ejus tunicas influxui.

4 Alimentorum in ventriculo digestio fit solutione & extractione.

5 Alimenta quo magis sunt divisa & comminuta, quod accidit masticatione, eo facilius possunt solvi.

6 Verum menstruum gastricum, quod solvit & extrahit ciborum nutritias partes, est saliva & lympa pancreatica & intestinalis.

7 Oesophagus, ventriculus & intestina eadem gaudent structura, iisdem tunicis, & simul unum constituunt canalem alimentarium, qui dicitur primæ viæ.

8 Intestina magis sunt officina chyli quam ipse ventriculus, qui saltim intestini cavi & latioris pars est.

9 Tonus & robur ventriculi & intestinorum naturale dependet ab influxu legitimo & naturali spirituum animalium in tunicam sic dictam carneam, quæ ex variis fibris motricibus sibi invicem intertextis constat.

10 Perperam docetur, oesophagum per diaphragmatis nervosum centrum transmitti, perforat potius illius musculosas partes, hinc diaphragmate moto, oesophagi finis movetur & contra.

11 Chyli secretio filtratione mechanica in intestinis peragitur per villosam spongiosamque crustam, ubi vasa lactea in intestina obliquo ductu inserta excipulorum vices gerunt.

12 Chylus per venas lacteas & ductum thoracicum premitur ac pellitur tam propria sua gravitate, quam continuo diaphragmatis aliiu, compressione musculorum abdominis & beneficio motus intestinorum peristaltici: sicque ab una valvula ductus thoracici ad aliam promovetur, donec in venam intret subclaviam.

13 Mesenterium colligendis ac tuendis chyliferis sanguiferisque ductibus, ut liquoribus meatus præbeatur, destinatum est.

14 Organon sanguificationis non secundum veteres hepar est, vel secundum recentiores cor, quod magis instrumentum circulationis sanguinis & motus intestini vitalis quam sanguificationis est.

15 Ipse sanguis vitali motu & calore præditus chyli particulas ramosas sulphureas sola digestionem diuturna vertit in sanguinem.

16 Cor est principale & eminens machinæ nostræ movens, & quod motu perpetuo, dum vita est, gaudet, & ab hoc reliqui dependent omnes motus.

17 Cor motum principale instrumentum circulationis sanguinis est.

18 Sine circulatione sanguinis animal vivere non potest, dependet ab illa primo fluiditas, crasis & intima particularum tenuium cum solidis partibus mixtio, secundo nulla nutritio, excretio, nullus motus vel sensus sine circulatione sanguinis fieri potest.

19 Sanguinis circulatio ex ligaturis vasorum, & ex positura valvularum, & ex refluxu aquæ per venam in arteriam injectæ, & ex oculari demonstratione in pediculo vel anguillæ cauda beneficio microscopii patet.

20 Sanguis non solum motu progressivo & circulari, sed & intestino gaudet, motus autem intestinalis prior est circulari & ab intestino dependent spirituscentia, robur & ipsæ vires.

21 Motum sanguinis intestinum sustinent particulae subtiles aeris elasticæ, quæ in sanguineis variis ratione figuræ ac magnitudinis particulis turgescunt quandam vitalem efficiunt, a qua turgescencia dependent corporis vires & motus simul ipsius cordis.

22 Particulæ æthereæ elasticæ per respirationem haustæ turgescunt vitam efficiere nequeunt, si sanguis nimis est crassus & particulis fixis abundat, vel si nimis fluidus, rarus ac subtilis est, hinc vires requirunt sanguinem temperatum.

23 Non solum cor, sed ipsæ arteriæ, venæ, imo omnia vasa, viscera ac muscoli ad sanguinis motum progressivum & localem faciunt, illumque augere vel imminuere, æqualem vel inæqualem reddere possunt.

24 Succenturiatum cordis motus organon sunt ipsi pulmones, quorum corpus ex meris aereis fistulis & membranis vesiculosis una cum ramificatione arteriarum & venarum constat, per has sanguis venosus omnis trajicitur & materia subtiliori aerea imprægnatus, transit ad sinistram cordis ventriculorum.

25 Totum abstrusum respirationis negotium a musculis thoracis atque abdominis actione procedit, & alternata utriusque ventris dilatatione ac subsidencia dependet, hinc reciproco aeris in pulmones ingressu expulsionemque peragitur.

26 Quando augetur pectoris cavitatis ob diaphragmatis descensum & costarum elevationem, tunc ob æquilibrium aeris interioris cum externo sublatum, aer gravitate sua ruit in asperam arteriam & ei annexos pulmones; quando autem thorax in fornix suum iterum redit, & costæ coincidunt, tunc aer expellitur: non secus ac si folium latera deducuntur, aer impellitur & contra lateribus concisis aer iterum expellitur.

27 Respiratio actio est, quæ semel incepta nunquam cessat,

28 In respiratione comprimuntur vasa pulmonum & sanguis exprimitur, in expiratione autem recipitur: hinc in inspiratione pulmones albescunt, & in expiratione rubescunt.

29 Aer externus gravior propria vi inclinat ingredi pulmones & spatium thoracis propter aerem inibi calefactum & rarefactum, quem propria virtute restituere conatur.

30 Aeris portio subtilior sanguini communicatur, quia colorem acquirit alium sanguis in vena pulmonali.

31 Vesiculæ pulmonales inserviunt subtiliori particularum aerearum segregationi, quæ sanguini intermiscuntur, particulæ autem aqueæ crassiores per expirationem iterum rejiciuntur.

32 Subtilior aeris portio elastica vi donata globulos sanguinis disgregat & a se invicem propellit, motum seu fermentationem intestinam, fluiditatem, calorem vitalem & colorem producit purpureum.

33 Aer non refrigerat, sed calefacit, hinc quo major est inspiratio, uti in motu & exercitio, eo major adest calor.

34 Bronchiorum pulmonalium vesiculæ sive cellulæ ita sunt conformatæ, ut ex trachea in illas proximæ & ex illis in vicinas & ex his iterum in alias pateat transitus, donec in communem pulmonum membranam definant, sicque omnes expandantur.

35 Ex sanguine cum sero mixto originem habent spiritus animales, & ipse succus nutritius & natura unice generationem horum fluidorum ex sanguine intendit, in cujus finem conspirat omnium viscerum usus.

36 Succus noster nutritius, cujus partes subtilissimæ volatiles ipsis spiritibus præbent animalibus materiam, ex particulis fluidis globosis, dulcibus, gelatinosis, temperatis constare debet.

37 Particulæ viscidiores fixæ, acidæ, salinæ, sulphuræ, acres, succi nutritii generationem & spirituum animalium materiam ingredi non possunt.

38 Usus pene omnium viscerum eo conspirat, ut ex sanguine & sero particulæ salinæ, rigidiores, terreæ, viscidæ separentur & crassiores subtiliscentur.

39 Viscera segregationem humorum excrementitiorum non peragunt fermento quodam, quod nimirum præcipitet humores secernendos, sed omnis secretio bilis, urinæ, sudoris, pituitæ, salivæ mechanica ratione & certo filtrationis modo peragitur.

40 Hepatis glandulosi pori & vascula separant a sanguine particulas amaras sulphureas, quæ collectæ in vesicula fellea bilem constituunt.

41 Renes, qui ex minutissimis constant canaliculis, serum salsum, quod urina vocatur, a sanguine colant ac filtrant.

42 Minutissima cutis vascula, glandulæ & pori vaporosum illud salsum serum, quod sudoris nomine venit, sequestrant.

43 Cutis totius corporis emunctorium est juxta *Galenum*.

44 Cutis transpirationem vaporum moderatur, sine qua homo vivere non potest.

45 Conformatio pororum cutis talis est, ut possint claudi & aperiri, & modo faciliorem, modo difficiliorem transitum concedere.

cedere, in tono itaque cutis naturali modus transpirationis nostræ maximam partem consistit.

46 Crusta villosa ipsius ventriculi & intestinorum ex minutissimis vasculis & poris constans, separat pituitam viscidam ex ipso sanguine: simili modo ductus nasi, qui ad palatum abit, ex tunica glandulosa & porosa constans mucum viscidiorē separat.

47 Glandulæ conglomeratæ salivales pancreaticæ serum salivale transcolant, illudque ductibus committunt salivalibus.

48 Glandulæ atrabiliaræ, si interius microscopio subjiciuntur ex minutissimis glandulis constant, quæ liquorem separant alkalinum, qui infusus sanguini retrogrado arenibus, illum a coagulatione præservat.

49 Cerebrum constat ex substantia corticali, cinerea, glandulosa, & ex medullari albissima, illa spiritus animales separat, hæc autem filtratos spiritus recipit.

50 Quod viscus singularem ac certum humorem secernat, male adscribitur variæ dispositioni pororum ratione figuræ ac magnitudinis: glandularum enim pori interni non sunt figuræ diversæ in diversis corporis locis pro diversitate partium secernendarum.

51 In glandulis non secernuntur minima fluidorum solida, sed ipsa fluida parva licet portione: fluida autem non requirunt figuram singularem, cum ea se cuivis figuræ accommodent & in cujuscunque orificium penetrant, hinc non opus est peculiari orificii figura, sed quælibet sufficit, modo sit satis ampla.

52 Orificia vasorum & pori glandularum circulares sunt, verum amplitudine differunt.

53 In tunicis arteriarum pori sunt secretorii, qui pori orificiis nascentium excretoriorum adnati sunt, hinc vasa excretoria annumeranda sunt ramulis arteriarum.

54 Glandulæ nihil aliud sunt quam curvaturæ arteriosæ.

55 Singularis est structura & usus venæ portæ, recipit illa omnem sanguinem ex abdominis visceribus & deducit illum ad hepatis, cum tamen hic impulsus debitus deficiat: hinc circulatio sanguinis in venâ portæ impedita magna incommoda inducere potest corpori nostro.

56 Plurima viscera ex minutissimis & arenatis vasculis constant, uti excarnationes &

injectiones mercurii in ipsa vasa satis id clare demonstrant.

57 Quo minora adsunt vascula, per quæ sanguis transire debet, eo magis subtilisatur, ne autem in illis vasculis stagnet, nervi spiritus advehunt animales, ut illorum motu & subtilisatione promoveatur motus sanguinis & obstructio impediatur.

58 Lien nihil a sanguine separat, sed ex innumeris cellulis & fibris conflatus est, quæ ad conquassationem, comminutionem & intimiorem sanguinis subtilisationem multum contribuunt.

59 Substantiam lienis transit saltim arteria, non autem vena.

60 Observatum est, canes, quibus lien exsectus fuit, tristes, ignavos ac pingues factos fuisse.

61 Ureteres fibris musculosis sunt instructi; hinc non solum pondere transit urina, sed adjuvatur constrictione.

62 Vesica urinaria umbilico per urachum connectitur, hinc magnus illorum est consensus.

63 Vesica non est membranacea, sed pluribus prædita est fibris transversis, quarum beneficio constringi potest ad expellendum suum contentum, propter immodicam itaque fibrarum tensionem illa se amplius contrahere nequit, sicque graves fiunt urinæ suppressiones.

64 Nutritio est particularum absumptarum restauratio: auctio autem fit, quando ultra absumptarum restaurandarum inoleum accessio est.

65 Nutritio animalis cum ejusdem generatione convenit, & eadem est materia generationis ac nutritionis.

66 Motus uti partes fluidas atterit & consumit, nostrumque depascit corpus, sic quoque illud ipsum conservat, dum non solum materia nutritionis ad partes advehitur, verum etiam illo ipso partes ad illam recipiendam & assimilandam disponuntur.

67 Propter rapidi sanguinis localem motum & intestinum adauctum excitatur calor, qui non nisi vehementior motus est particularum subtilissimarum, hic depascit partes fluidas, illas dissipat in auras, & ipsas solidas liquefacit.

68 Quo major itaque calor est in sanguine, eo magis consumuntur partes, quo autem motus & calor magis est temperatus & blandus, nutritio quoque melior fit.

69 Materia nutritionis non est sanguis
nec

nec lymphæ vel succus nervorum, sed serum γλυσχρον gelatinosum, dulce ac temperatum.

70 Omnes partes corporis solidæ, ossa, cartilaginee, membranæ, fibræ coctæ præbent gelatinam.

71 Serum sanguinis super ignem calore mediocri in gelatinosam seu glutinosam osfam congelatur.

72 Causa efficiens nutritionis non est singularis nutriendi facultas propria partibus ac connata, nec fermentum quoddam transmutatorium, nec pororum sola configuratio diversa hic sufficit, sed est naturæ seu animæ sensitivæ motus determinatus ad certum ordinem, mensuram, numerum, uno verbo, vis plastica.

73 Nutritio autem illa, ubi jam tota machina & ejus partes sunt confectæ, peragitur solo impulsu seri nutritii ad poros partium & inibi facta stagnatione ac assimilatione.

74 Spirituum animalium influxus & concursus ad laudabilem nutritionem est necessarius.

75 Spiritus animales non solum virtualiter ad nutritionem concurrunt partes actuando & vigorando, verum etiam materialiter, certo respectu, quatenus serum nutritium subtile, vitale & spirituosum efficiunt.

C A P. VIII.

De Conceptione, Generatione & partibus illi inservientibus, &c.

I.

UT omnia animalia ex ovo, sic quoque homo ex eo pronascitur.

2 In ovo totius animalis ideæ rudimenta & lineamenta depicta sunt.

3 Testes muliebres nil nisi ovarium sunt, constant ex corpore inæquali & ex vesiculis varie composito, non ablimili vesiculis virorum seminalibus; vesiculæ hæc vera sunt ova & pellucidam lympham continent, quæ si per microscopium inspiciuntur, varias lineas depictas ac delineatas ibi videbis.

4 Unum post alterum ovum successive fit maturum, & si duo ova simul sunt matura & simul fecundantur, tunc gemelli fiunt.

5 Ovum ad generationem aptum fecundari debet, quod fit subtilissimis spirituosissimis effluviis seminis masculini, quæ novum vitalem intestinum motum introducunt in ovu-

li contentas partes fluidas, quo motu turgescentia & rarefactio fit vitalis, quare pelliculæ ovi distenduntur, fluidæ partes spumascunt, sicque a fibrosis testiculorum vinculis ovula convelluntur.

6 In parte illa ovarii, ubi ovulum decedit, observata fuit ab oculatioribus anatomicis cicatrix quædam.

7 Ovum fecundatum per tubas Fallopianas ad uterum deferretur, quæ delatio peragitur contractione musculosarum fibrarum, ex quibus illæ constant partes.

8 Ovulum femine continet principium materiale prolis, semen autem masculinum concurrat formaliter, contactu tamen corporum, quatenus insitum illud principium actuatur & movetur.

9 Mares, qui ad generationem proni sunt, testiculis instructi esse debent, quibus exsectis impotentes redduntur.

10 Testium substantia non glandulosa nec medullosa est, sed canaliculosa, totum enim illud corpus in infinitas fibrillas pilorum instar tenuissimas deduci potest, ut præter nervosum corpus nihil in medio reliquum maneat, ab hoc in albugineam tunicam plura minora corpora nervea observare licet; ipsum altera extremitate continuatum est cum epididyme.

11 Epididymis quamvis membrana involuta teres aliquod corpus inflexum videatur, contextus tamen plurimorum vasorum est, & separatio illius membranae fiat.

12 Vesicularum seminalium substantia mere vasculosa est, hiant in illa vasa deferentia, & ex illis semen fertur in urethram.

13 Prostratæ fere sunt glandulosæ & ita adhærent urethræ, ut unum videatur esse corpus.

14 Nervorum & testiculorum ingens consensus est, hinc unius dispendium alterius efficaciam mirum enervat.

15 Testiculorum conformationem cerebri structuræ analogam esse dixit Borellus, imo semen & fluidum nerveum maximam habet affinitatem & conformitatem, utrumque fluidum magno impetu determinato tamen & ordinato, non tumultuario agit.

16 In seminis virilis spiritu omnes partes maris illarumque ideæ delineatas esse, nullum est dubium.

17 Seminis masculini subtilissima effluvia non per tubas & vasa sanguinea, sed per uteri porosam substantiam transeunt ad ipsum ovarium, ubi in ovo maturo motum intestinum

num fermentativum vitalem, qui fecundatio dicitur; excitant.

18 Post conceptum non solum uterus, sed & partes ambientes magis intumescunt & a calore ac sanguine spirituosiore perfunduntur.

19 Quando punctum saliens adest in foetu, tunc tam subtiles sunt fibræ, ut vix sensibus pateant.

20 Fibræ sunt quasi prima stamina ac columnæ ipsius foetus, ex fibris fiunt membranæ & ex membranis cartilaginee, ex his ossa.

21 Ossificatio in centro semper incipit, deinde ad latera.

22 Uterus dividitur in cavitatem & vaginam uteri, est substantia ejus maxime spongiosa, tortuosis ramificationibus venarum & arteriarum, vasorum lymphaticorum prædita: distenditur & crassescit maxime in gravidis, detumescit autem effluentibus lochiis.

23 De vago uteri per abdomen & tandem in thoracem motu, popularis est error, ut mulierculis condonandus, sic in medicina non tolerandus.

24 Fœmina omni mense per vascula in uteri vaginæ existentia sanguinem emittit, qui fluxus post annum decimum tertium vel decimum quartum incipit, & circa annum quinquagesimum desinit.

25 Sanguis menstruus immediate infantem non nutrit, sed succus nutritius foetus alendi causa ad ipsum uterum cum sanguine derivatur, hinc sæpe etiam citra noxam sanguis fluit menstruus in gravidis.

26 Sanguinis & succi alimentarii plenitudo in fœminis periodici hujus fluxus stimulus est primarius.

27 Fœminarum corpus per singularem habitudinem summus Creator a masculino distinctum voluit, ut nimirum in illo abundent succi, quo concipiendo & gestando foetus fiant aptæ.

28 Natura per ideam certam sibi impressam & actum consuetudinis emittit superfluum succum per uterum, qui copiosissimis vasculis est instructus, quique propter singularem structuram evacuationi hujus admodum congruus est.

29 Tempore menstruationis sanguis per arterias & venas non rite circulatur, sed ob copiam sanguinis impeditior tunc per venas uteri fit refluxus, hinc stagnat sanguis, distendit lumbos.

30 Quando uteri textura cavernosa ac spongiosa facta fuit tempore prægnationis, sanguis, majus spatium in utero nato, dilatat tubulos uterinos.

31 Placenta uterina non statim primo observatur mense, quando autem adest, imbibit succum nutritium ab arteriis matris alatum & per venam umbilicalem in foetus hepar defert.

32 Secundinarum substantia maxime spongiosa ac porosa est, hinc flatu per tubulum immisso non aliter ac lien distendi potest; separat ac colat succum chylosum ex ipsis arteriis uterinis, quo ipse nutritur foetus.

33 Membranæ foetus in homine duo saltem observatæ sunt, Chorion & Amnion, chorio adhæret placenta & hæc utero, non tamen ita, ut vasa umbilicalia sive arteriæ sive venæ matris vasis adhæreant.

34 Foetus ultimis mensibus per os nutrir, absurdum non est.

35 Humor, qui proxime foetum ambit, videtur alimentarius, quoniam in quibusdam animalibus imminuitur ante exclusionem, imo perit.

36 Hiante ore foetus animalium in aqua sua sæpe videntur, & duodecimo ab incubatione die pullus, humori suo innatans, rostrum aliquoties deduxisse observatum fuit.

37 In foetu transit sanguis ex ventriculo dextro ad sinistrum, non per pulmones, sed per foramen ovale, quod est intra venam cavam & venam pulmonalem.

38 Foetus in lucem editus, membranis suis involutus, per aliquot horas sub aquis vivus ac salvus manere potest sine aere, quod si autem semel respiraverit, tunc ista respiratio semper continuari debet, alias hac cessante, statim moritur.

39 Quando ostiola vasorum uterinorum a placenta obturata referantur in partu, sanguis & humores, gestationis tempore intra vasa & uteri spongiosam substantiam collecti, educuntur, sicque fiunt lochia.

40 Foetus propter aeris defectum affectat exitum.

PATHOLOGICÆ MEDICÆ

C A P. I.

De morbis in genere & illorum causis.

I.

UTi vita & sanitas consistit in debito actionum vitalium exercitio: Sic morbus in exercitio illo depravato vel imminuto; mors autem in totaliter illo destructo consistit.

2 Quando actiones vitales, quæ versantur in motu, sensu & nutritione machinæ, læsæ sunt, tunc dicitur adesse morbus, seu præternaturalis machinæ nostræ constitutio.

3 Uti actiones vitales immediate dependent a motu laudabili ac æquali partium fluidarum, maxime spirituum animalium rectaque solidarum conformatio, sic imminutæ & depravatæ a læso illo motu humorum pravaque solidarum conformatione originem suam petunt.

4 Mors ex totali destructione temperiei & motus fluidorum machinæ nostræ naturaliter constitutorum oritur: & quo magis temperies vel motus humorum est destructus, eo morbus est gravior & periculosior.

5 Quodcunque lædit vel destruit temperiem & motum laudabilem sanguinis & fluidi nervei, vel partium solidarum conformationem, quæ consistit in debito situ, numero, figura, illud titulum causæ meretur morbificæ.

6 Intemperies in partes solidas non cadit, nisi quatenus dependet a partibus fluidis, hinc antipraxia viscerum antiquum est commentum medicorum.

7 Viscerum præternaturalis constitutio & debilitas consistit in pororum tubulorumque inconstantia & obstructione.

8 Intemperies partium fluidarum emergit ex læsa mixtura corpusculorum illas constituentium.

9 Partes fluidæ ex variis ratione molis, figuræ & situs particulis constant, & si volatiles, fluidæ ac spirituosæ cum fixis, terreis mucilaginosi rite invicem sunt mixtæ & in æquilibrio positæ, temperies adest, & vice versa, si mixtio hæc est inæqualis, intemperies emergit.

10 Intemperies ad duo genera optime referri possunt, vel enim particulæ mobiles, volatiles, salinæ, sulphureæ in sanguine &

humoribus prædominantur, & tunc intemperies calida, salina, acris exsurgit; vel particulæ mucilaginosæ, acidæ, fixæ prædominium habent, & tunc intemperies frigida, acida & melancholica resultat.

11 Intemperies sine materia merum est figmentum.

12 Sanguis & humores non peccant primis qualitatibus, sed calore dicuntur peccare, ubi tenuia, spirituosæ, salina corpuscula præ levioribus ramosis & aqueis palmam habent: frigiditate autem delinquant, ubi terrestres, aquosæ, fixæ, viscidæ particulæ partes volatiliores ac mobiliiores sub jugo habent; siccitate peccant humores, quando referti sunt salinis, regidis & fixis particulis; humiditate autem, quando abundant particulæ lubricæ, aqueæ.

13 Intemperies maligna sive totius substantiæ oritur a mixtura corpusculorum sanguinis, ratione situs, motus & ordinis penitus destructa, & quo magis vinculum particularum fixarum cum fluidis, mobilibus est destructum, eo pejor & periculosior est status.

14 Intemperies partium fluidarum principalis & efficiens causa morborum est.

15 A constitutione & mixtione corpusculorum sanguinis maximam partem tam circularis quam intestinalis sanguinis & humorum motus dependet.

16 Si particulæ viscidæ, fixæ, aquosæ in humoribus prævalent, tunc motus tam intestinalis quam circularis est magis imminutus & tardus; Si autem volatiles, spirituosæ, magis motus citatus & auctus est.

17 Morbi optime dividuntur in chronicos & acutos; in acutis motus humorum magis est fortior, in chronicis autem magis depressior.

18 Quo humorum motus sunt fortiores & auctiores, eo naturæ magis sunt infensi.

19 In omni itaque morbo motus sanguinis & partium fluidarum vel imminutus vel auctus est.

20 Dantur quam plurimi morbi, ubi in una parte motus auctus, in altera autem est depressus & qui dependent ab inæquali sanguinis circulatione.

21 Causa morbosæ intemperiei & remota morborum utplurimum est obstructio, quæ in partibus solidis facile fieri potest.

22 Obstructiones in partibus fluidis esse non possunt, sed in partibus solidis & vasculis: & in quibus partibus vascula sunt mi-

minora & angustiora, eo facilius ibi obstructions generari possunt.

23 Obstructiones partium vel morbum præcedunt vel ipsum sequuntur, hinc morbus alium morbum generare facile & producere potest.

24 Obstructiones vasorum inæqualem motum ac circulationem efficiunt, dum enim in parte obstructa motus est imminutus, tunc in tubulis apertis magis crescit & incrementum sumit.

25 Omnes obstructions æquilibrium motus tollunt.

26 Quando vasa sanguinea & minutissima obstructa sunt, motus sanguinis tam intestinus quam progressivus in reliquis vasibus augetur: hinc inflammationes, ebullitiones, febres, calor præternaturalis, ruptiones, distensiones venarum, hæmorrhagiæ & catarrhi oriuntur.

22 Quando in systemate nervoso tubuli quidam obstructi sunt, necesse est, ut per tubulos reliquos apertos intensius moveantur spiritus sic dicti animales, quo motu partes expanduntur & cum dolore contrahuntur, sicque fit spasmus.

28 Videntur plurimi morbi oriri a spirituum animalium & sanguinis per minutissima vascula inæquali & impedita circulatione.

29 Obstructiones non solum fiunt a particulis lentis, viscidis & motu humorum tardo, sed etiam a motu nimis aucto & impetuosiori.

30 Non raro subtilissima, salina, acria corpuscula membranas vellicantia causa majoris affluxus & *σφοδρος* esse possunt.

31 Spasmodicæ partium contractiones frequenter sunt obstructionum fabri.

32 Humores stagnantes ex mora corrumpuntur & discrasiam peregrinam induunt, & sunt instar fermenti, quod massam sanguineam in sua mixtura admodum turbare aptum est.

33 Humor in corpore nostro qualitate eminentiori instructus, reliquos facile ad suam disponere potest indolem.

34 Vitiatis ac distortis poris ac meatibus partium solidarum non humores solum stagnant, sed & vitiantur, uti strumæ, excrescentiæ, scirrhi, cancrosa ulcera id testantur.

35 Vitiosæ collectæ particulæ in vitiatis poris pressione cavitatem sibi formant, unde oriuntur tumores, hydatides, excrescentiæ.

36 Causa morborum non solum est intemperies & humorum vitiosa qualitas, seu dicta cacochymia, sed illorum quantitas aucta vel imminuta.

47 Plethora ad vires nunquam infensa esse potest corpori, sed saltem illa ad vasa: non solum autem datur plethora sanguinis, sed etiam feri & lymphæ, hinc plethora ad vasa non venæ sectione solum, sed purgantibus etiam, diureticis & sudoriferis tollitur.

38 Quando humores per vasa sua congrua non rite circulari & evolvi possunt, stagnant, corrumpuntur & excrementitii humores detinentur, hinc plethora, intemperies, obstructions & per consequens plures generantur morbi.

39 Nimix sanguinis ac lymphæ effluxiones a plethora sæpissime originem suam petunt, distendente ac rumpente vasa.

40 Non solum aucta humorum quantitas & deficiens morbos producit gravissimos, quod patet ex illis morbis, qui immoderatos fluxus humorum, sanguinis ac feri sequi solent.

41 Ex pituita, bile & succo pancreatico omnes deducere morborum causas, insufficiens est.

42 Bilis raro quantitate aucta, magis autem qualitate peccat.

43 Morbi conformationis consistunt in quantitate vitiosa secundum numerum ac magnitudinem, vel in qualitate vitiosa secundum figuram in longitudine & latitudine superficiei.

44 Ad morbos solutæ unitatis non spectant solum vulnera & ulcera, sed & contusiones, fracturæ ac luxationes.

45 Dolores male referuntur ad morbos solutæ unitatis, potius debentur nervorum & membranarum contractioni spasmodicæ.

46 Morbi sunt vel contagiosi & non contagiosi, vel maligni & benigni, acuti & chronici, essentialis & symptomatici, endemii & epidemici, periodum, vel illum non servantes.

47 Non omnes maligni morbi sunt contagiosi, nec omnes benigni non contagiosi.

48 Quivis morbus habet sua tempora & ordinem, nimirum initium, statum, progressum & declinationem.

49 In peste, morbis malignis & epidemicis observantur non raro certa tempora, ita ut hi morbi in principio leniter invadant, postmodum valde increcant & denique iterum vehementia illorum decrecat.

C A P. II.

De causis morborum remotis .

I.

UTi ad temperiem & naturalem sanguinis ac fluidi nervei constitutionem, ipsamque sanitatem faciunt parentes, natiuitas, solum, ætas, sexus, vitæ ratio: sic quoque ad sanguinis intemperiem, & ipsorum morborum generationem concurrere possunt.

2 Multi magni morbi fiunt a dispositione hæreditaria.

3 Quemadmodum intervallam rectarum inter se mutuo inclinantium linearum, quod vix sensibile est, in appropinquationis puncto vastissimum describit spatium, si in infinitum lineæ hæc producantur: Ita exigui a statu naturali decessus in utero incrementum insigne accipiunt, infans dum adolescit.

4 Quodvis clima, quævis ætas & uterque sexus suos habet peculiare morbos.

5 Solis & Lunæ positiones, situs & motus magnam possident vim in corpora nostra, hinc in solstitiis & æquinoctiis insignis accedit corpori mutatio.

6 Anni tempora variorum morborum causæ esse solent, hinc vere, illi morbi, qui ex multis fiunt humoribus, autumno illi, qui ex corruptis fiunt, frequentiores.

7 Spirituum, qui machinam nostram dirigunt, ac sanitatem efficiunt, indoles dependet maximam partem a sanguine, sanguinis autem constitutionem variam reddunt aer, cibus, potus, ætas &c.

8 Aer non solum humiditate, siccitate, calore & frigore varie corporis nostri humores, partesque solidas afficere potest, verum etiam pro diversitate effluviolorum magnam vim habent texturam ac temperiem sanguinis immutandi.

9 Cuivis ferme regioni & loco familiares sunt certi morbi propter diversam aeris constitutionem.

10 Ab inæqualitate & subita aeris mutatione sanguis varie afficitur, & machina nostra in suis operationibus ingentem in modum turbatur.

11 Aer de ipsis terræ effluviis participat, in mari est acido-salinus, in nonnullis locis nitrosus, bituminosus, & in aliis tenuis sub-

Hoff. Opusc. varii argum.

tilis & purus, in aliis crassus & impurus minusque mobilis.

12 Aer quo calidior, eo magis insensus est vitæ & sanitati nostræ, uti id testatur Hispanicus, & Italicus aer.

13 Aer calidus expandit, dilatat ac rarefacit humores corporis nostri, ita ut majus affectent spatium, frigidus autem illos condensat, & coarctat; aer humidus fibras reddit laxiores, siccus autem eas facit rigidiores.

14 Aeris qualitates ac virtutes dependent maxime a solis & lunæ positione, & uti Sole præsentente aer tenuior, calidior ac subtilior; sic in plenilunio humidior, gravior, densior & frigidior est.

15 Tempore verno alii fiunt morbi, alii tempore autumnali & hyemali, & sic quoque nonnulli morbi de nocte, alii de die magis sumunt incrementa.

Constitutio aeris multum dependet a ventorum agitatione, sic Euris & Boreas particulas magis rigidas & acutas aeri communicat; Ausler autem & Zephyrus particulis magis tenuibus, alcalinis, calidis aerem imprægnant, & illi frigidiores, hi autem calidiores ac humidiores sunt.

17 A ventorum mutatione machina nostra varias percepit alterationes.

18 Aer crassus, frigidus, particulis salsis acidis repletus, inflammationes causatur, illasque adauget, circulationem & excretionem humorum retardat, transpirationem inhibet, morbos reddit efficaces ac diuturnos, nervosoque generi admodum est hostilis.

19 Aer calidior, tenuior, ad ebullitiones sanguinis, putredines, dolores, humorum præternaturales effluxiones, & motus magis est proclivis, spirituumque crasin efficit acriorem.

20 Aer mutatus magnorum sæpe morborum remedium est.

21 Aer est vehiculum effluviolorum & miasmatum morbosorum, omnisque morbus contagiosus propagatur beneficio aeris.

22 Ab aeris constitutione dependet spirituum animalium tenuitas, mobilitas, item fixitas tardusque motus omnesque pene animi actiones ac motus, hinc quævis regio peculiararia profert hominum ingenia.

23 Quorum genus nervosum admodum debile & sensibile est, illi statim omnes mutationes in aere occurrentes percipere possunt, & tempestates sæpe prænunciare.

24 Ab ingestis, cibo nimirum & potu,

E e

san-

sanguinis temperies, & constitutio maximam partem dependet, qualis enim est cibus, talis chylus, qualis chylus, talis sanguis, & qualis sanguis, tales sunt spiritus & sanitas.

25 Quantitas ciborum interdum plus nocet quam qualitas, qui enim multum comedunt, plerumque non adeo sani sunt, & voracitas cruditarum mater est.

26 Omnes cibi eminenti qualitate præditi, uti falsi, visceri, acidi, pingues, acres in copia assumpti intemperiem sanguini inducere apti sunt.

27 Intemperies sanguinis sive acida, sive visceri, sive falsa acris multum dependet a cibo & potu assumpto.

28 Cibi visceri, saliti, indurati, acidi obstructions, scorbutum, febres intermittentes diuturnas, hydropem, inflammationes gravissimas excitant.

29 Cibi calidi, spirituosi, acres, nimis tenues, hæmorrhagias, dolores, febres inflammatorias, continuas, ebullitiones varias & putredines generant.

30 Cerevisiæ tenues facile, acescentes, maxime in regionibus frigidis, & ubi victus crassius locum habet ad morbos chronicos, scorbutum, malum hypochondriacum &c. disponit; cerevisiæ autem inebriantes, spirituosæ magis morbos excitant acutos.

31 Omnes spirituosæ & lupulatae cerevisiæ nervis & capiti nocent.

32 Spiritus vini, & vini abusus magnorum morborum fecunda mater est.

33 Vina calida, uti Hispanica, Francica, Hungarica in copia & immoderato usu assumpta, sanguinem inflammant, gravissimas febres inflammatorias, malignas, hæmorrhagias, dolores producere possunt.

34 Uti vinum & spiritus vini moderate sumpti ventriculum confortant, & spiritua-scentiam sanguinis & humorum promovent: sic intempestive & intemperate assumpti, chylificationem lædunt ac ventriculum totamque sanguinis temperiem destruunt.

35 Aquæ vitæ aliquot horis post cœnam vel prandium largius assumptæ lædunt chylificationem, quoniam spiritus vini præcipitat ipsum chylum.

36 Vina acida, quæque copiosum tartarum, ad calculum, arthritidem, podagram maxime disponunt.

37 Ex constitutione ac indole ipsius aquæ cibis ac potus varias acquirunt qualitates, varieque modificantur ac alterantur.

38 Vigiliæ immoderate acrimoniam sanguinis & humorum adaugent, & motum inordinatum partibus fluidis intemperiemque introducunt.

39 Somnus immoderatus spiritua-scentiam sanguinis & humorum impedit, tardumque ac torpidum sanguini ac spiritibus injicit motum.

40 Vigiliæ immodicæ plus nocent ac enervant quam somnus largus.

41 Somno & quiete intemperies acris sanguinis & humorum motusque spirituum inordinati egregie corriguntur.

42 Motus corporis uti moderatus egregie excitat spiritus & humorum motum, sic nimium excedens enervat ac debilitat.

43 Excrementa, extra sphæram corporis evacuari solita, retenta magnos morbos producere apta sunt, hinc alvi obstructio, urinæ ac muci narium, item sudoris, mensium, hæmorrhoidum suppressio gravissimorum morborum causæ existere solent.

44 Retentione longiori excretorum succi corporis nostri inquinantur, illorum temperies destruitur, & circulatio motusque illorum ordinatus læditur.

45 Nihil intimius simul & celerius sanguinem nostrum alterare ejusque mixturam destruere, ac motum inæqualem spiritibus introducere aptum est, quam ira, terror & tristitia.

46 Pulsus inordinatus semper sequitur affectum intempestivum usum.

47 Nihil magis accendit spiritus, quam ira & amor, mœror autem & tristitia illos ipsos figit.

48 Affectus animi immediate agunt in spiritus animales, spiritus in corporis nostri fluores, hi in partes solidas.

49 Nihil magis ad vitæ facit abbreviationem & morborum accumulationem, quam affectum præposterum usum.

50 In ira sanguis mirum agitur, hinc succi pancreatici & bilis ingentes sunt effusiones, quibus supervenit diarrhæa, cor tremat & palpitat, facies, mox pallet, mox rubet, os spumat, respiratio adest difficilis.

51 Ira furor brevis est.

52 Ira non raro malignos morbos producere solet, quatenus fermentum quoddam latitans in partibus quietum fortiori humorum motu excitat, quod deinde sanguini mixtum alias producit effervescentias.

53 Quorum sanguis particulis salinis, volatilibus est onustus, illi ad iram procliviores

res sunt illis, qui sanguinem crassum habent & melancholicum.

54 Terror spirituum animalium inæqualem motum efficit & circulationem sanguinis debiliorem, hinc pulsus parvus, frequens, & inæqualis a terrore fit, & fluxus sanguinis nimii non raro terrore sistuntur.

53 Ira frigidis remedio est.

56 Affectuum immoderatus usus mixtionem sanguinis & humorum turbat, spirituum inæqualem efficit motum, intemperiem ac obstructions producit, sicque magnorum morborum causa existere solet.

CAPUT III.

De Febris.

I.

Nullus morbus tam universalis est, & omnibus sese associat morbis, quam ipsa febris.

2 Spiritus, qui regit machinam microcosmicam, potentia motrice, electiva tamen instructus, contra illud, quod insensum & contrarium vitali motui est, impetuoso motu insurgit ad illud amoliendum.

3 Omnis febris est vel continua, vel intermittentes, hæc vel quotidiana, tertiana vel quartana; illa acuta vel benigna, sive ardens vel maligna; hæc vel cum exanthematibus, vel sine illis.

4 Febris non raro duplicatur, hinc datur tertiana & quartana duplex.

5 Febris est vel idiopathica vel symptomatice, symptomatice est, quæ accedit morbo, vulnere, ulcere, doloribus, gravioribus, arthritidi, malo ischiatico, capitis doloribus, podagræ, erysipelati.

6 Febris est vel critica, sive cum crisi & separatione certa, vel sine crisi, seu sine separatione, cum crisi seu separatione fit ipsa podagra, erysipelas, angina, pleuritis, bubones, & hæc critica iterum est benigna vel maligna, maligna in petechiis, febribus pestilentialibus observatur.

7 Omnis motus spiritus sic dicti sensitivi animalis contra causam morbificam fit in musculis, & cum cor musculorum sit principalissimus, hinc in omni febre & motu naturæ critico pulsus celer vel frequens adest.

8 Uti motus cordis & arteriarum naturalis dependet a particulis elasticis subtilissimis, tam spirituum animalium, quam

ipsius sanguinis: Sic quoque præternaturalis, & qui in febre fit, ab eodem fonte derivandus est.

9 Motus cordis adauctus & præternaturalis mixturam sanguinis turbat, & tam circulationem, quam intestinum sanguinis motum inæqualem reddit.

10 Turbatur sanguis in mixtura, quando corpusculorum sanguinem constituentium magnitudo, figura, ordo & situs pororum naturalis invertitur, & vinculum particularum ferrosarum cum sanguineis læditur.

11 Impulsu cordis & arteriarum aucto, æther in sanguinis poris hospitans in motum celerrimum circularem excitatur, qui deinde inordinate corpuscula sanguinis exagitat, fluidas & mobiles dissipat, sanguinem inspissat &c.

12 Sicuti calor naturalis debetur intestino particularum ætherearum, in poris ac interstitiis sanguinis motui, sic præternaturalis & fortior a violenta & celerrima ætheris per eosdem traiectione oritur.

13 Vigiliæ, sitis, urina rubicunda, pauca, delirium, dolor capitis vehementissimo particularum ætherearum in sanguine motui, & attritioni sive calori præternaturali adscribenda sunt.

14 Quemadmodum nulla fermentatio proprie sic dicta in sanguine naturaliter constituto datur, sic quoque illa nullum locum invenit in febribus.

15 Intemperies calida nihil facit ad naturam febrium, utpote febris omni intemperiei supervenit, nec in quartana sanguis acida, in quotidiana pituitosa, nec in tertiana biliosa laborat intemperie.

16 Intemperies potest adhuc esse, curata febre.

17 Non in tota massa sanguinea latitat causa febrium, alias non tam cita posset fieri curatio.

18 Sanguis intemperatus & viscerum obstructio diuturniores & curatu difficiliores ipsas reddit febres.

19 Obstructio glandularum intestinalium, pancreaticarum & meseraicarum non semper requiruntur ad productionem febris.

20 Fermentum sui multiplicativum, quod in minima mole succos vitales inficere potest, & certo tempore agit, deinde quiescit, non datur in febribus intermittens.

21 Glandularum & minutissimorum vasculorum arteriosorum in cute existentium obstructio a causu interna, facta nimirum a

materia viscida vasculis excretoriis sudoribus, incongrua causa est febrium intermittentium.

22 Vasculis ac cutis poris obstructis, ac obduratis sanguinis & humorum stasis, vellicatio ac irritatio fibrarum nervearum ac musculosarum fit, hinc a copiosiori spirituum animalium influxu spasmodicæ illarum partium fiunt contractiones.

23 Symptomata calori præcedentia, nimirum pandiculatio, corrugatio cutis, dolores artuum, dorsii, vomitus, suppressio sudoris, urinæ, rigor, frigus, concussiones ac tremores partium, cutis & musculorum cuti substratorum spasmodicæ contractioni debentur.

24 Qui decedunt febribus intermittentibus, semper in ipso frigore convulsionibus adauctis fati cedunt.

25 Extremis corporis vasculis coarctatis & compressis sanguis omnis ex illis exprimitur, retrocedit, & influxus ejus in cutis corticem impeditur, unde sensus frigoris adest, partes extremæ frigent, ungues livescunt, venæ quæ antea turgabant, in ipsa cute fiunt minores & sensum fugiunt.

26 Frigus fit ab influxu sanguinis cessante ad ipsas partes extremas, hinc cucurbitulæ in ipso frigore parum sanguinis ex cute eliciunt.

27 Quando in frigore sanguis a circumferentia ad centrum fertur, sanguis cum particulis suis elasticis comprimitur, & pori ac interstitia ejus minora fiunt: hinc æther compressionis impatiens, vi sua elastica liberum suum affectat spatium & se restituere in pristinum statum nititur, hinc poros sanguinis perumpit, ejus particulas in circulum gyrat, unde intestinus sanguinis motus augetur, pulsus celerior fit, sicque tam motu intestino sanguinis adaucto, quam impulsu cordis & arteriarum fortiori tacto, calor intensissimus oritur corporis.

28 Falsum est in febribus circulationem sanguinis esse adauctam, quamvis enim cor cum arteriis fortius pulset, motui tamen per minutissimas venas resistit crassus & humidus suo ac fluido depauperatus sanguis.

29 In omni febre circulatio sanguinis est inæqualis, & quando æqualis motus sanguini restituitur, apertis nimirum vasculis antea obstructis, in cutis cortice existentibus, paroxysmus cessat.

30 Declinante paroxysmo, transpiratio augetur, sudor longe largior fluit.

31 Notabile est, in omnibus affectionibus

& contractionibus spasmodicis ac intensis doloribus levem præcedere horrorem, rigorem & deinde subsequi incalescentiam corporis cum pulsu celeri.

31 Materia febrilis, cutis vascula propter irregularitatem figuræ, & majorem molem obstruens, de novo semper suggeritur per sanguinem, qui certo temporis spatio ibi apponit justam quantitatem, quæ ad paroxysmum de novo suscitandum sufficit.

32 Fomes materiæ morbosæ ut plurimum latet in primis viis, & magno intestinorum canale, inaxime autem in valvulis intestini duodeni & jejuni, & illorum corpore villosa ac mucosa, ubi peregrinus, viscidus, acidus humor hærens chylum transeuntem inquinare & characterizare potest.

33 Vitium bilis & succi pancreatici digestionem turbare & fomitem morbosum febrilem constituere apte potest.

34 Cibus cum nausea assumptus & male digestus in tunicis intestinalibus hærens, minorem febris facile producere potest.

35 Aer pro diversitate varie agitatus a ventis varieque constitutus ratione & positione solis, multas, irregulares salinas corpori & poris cutis particulas communicare potest, quæ mixturam sanguinis turbando, & poros obstruendo, sapissime febres producant epidemicas, quæ tamen citius & facilius curari possunt illis, quæ ex obstructione viscerum & graviori digestionis vitio nascuntur.

36 Quæcunque extrema vasculorum cutaneorum obstruunt & transpirationem impediunt, febrem facile producere possunt.

37 Recidivæ febrium creberrime fiunt a transpiratione prohibita, quando quis versatur in locis humidis & crassiori aere plenis.

38 Retentio excrementorum, digestio & chylosis depravata febrium fecunda mater sunt.

39 Familiare in praxi est, a cibo cum nausea assumpto, item post fortio rem animi motum capto subnasci febres.

40 Prout materia febrilis quantitate & qualitate delinquit & vel magis vel minus copiosa, acris, vellicans, acida, salina existit, generantur vel febres quotidianæ, vel tertianæ, vel quartanæ, & vel longiores, vel breviores illarum sunt paroxysmi.

41 In quotidianis & tertianis major acredo materiæ febrili immixta est, quam in quartanis, & quæ tardius recurrunt, ubi major visci-

visciditas & copia delinquere debet.

42 Quo acrior & mobilior est materia morbifica, eo citius vellificat fibras, illasque ad contractiones spasmodicas adigit, sicque paroxysmum febrilem citius accersit & vice versa.

43 Tempore verno & æstivo magis fiunt febres quotidianæ & tertianæ, illæque facilius sanantur: In autumno autem & hyeme magis quartanæ & hæ sunt contumaciores.

44 Illi, qui sanguine crasso & acido præditi sunt, magis quartana corripuntur, qui autem subtiliori & bilioso, magis quotidiana & tertiana laborant.

45 Febres quotidianæ citius curantur ipsis quartanis, materia morbifica illarum longe mobiliori existente.

46 In quartanis acidum & viscidum delinquere exinde liquescit, quoniam emetica & purgantia in illis vix operantur & fortiori appetitu gaudent.

47 Quemadmodum pro diversa constitutione materiæ febrilis febrium typi vel accelerantur vel retardantur: sic alterata & mutata materiæ morbificæ figura, mole ac motu, febrium datur transmutatio.

48 Febres statim die ac hora recurrere solent, præsupposita generatione materiæ febrilis certa quantitate ac qualitate prædita, quæ fibrillas cutaneas vellicare & spasmodice afficere apta est.

49 In omni paroxysmo, cum maxima materiæ morbificæ pars diffletur, necesse est, ut requiratur certum quoddam tempus, quo iterum fiat certa collectio apta ad vellicationem.

50 Uti in tota rerum natura, sic quoque in nostro microcosmo omnia certo numero, pondere, mensura & tempore fiunt.

51 In morbis periodicis multum consuetudini, naturæ, seu specifico ac determinato motui spirituum animalium per actus repetitos tribuendum est.

52 Facile spiritibus certa motus idea imprimi potest, quæ etiam firmiter retinetur, ita, ut tunc inordinatos suos juxta illam efficiant motus.

53 Chinæ chinæ specificum in febribus intermittentibus est remedium, quoniam particulis suis amaris, terreis, leniter adstringentibus & resinoso-balsamicis vitiosam materiæ febrilis qualitatem corrigit, sanguinis texturam ac crasin, ne materiam talismodi febrilem dimittat, roborat, & ipsos porulos ac vascula subcutanea nimis laxa & ad sta-

sin humorum disponentia blanda constrictione firmat, ipsisque novum robur ac vigorem inducit.

54 Utilis nonnunquam est febris propter motum spirituum fortiolem & intestinum sanguinis adauctum, cujus beneficio cruditates sanguinis corriguntur & viscosæ ad motum ineptæ particulæ comminuuntur & attenuantur, sicque obstructions solvuntur.

55 Febres intermittentes a continuis differunt in hoc, quod in illis per vices & successive mixtura sanguinis lædatur & motus intestinus illius non sit continuus: In continuis autem mixtura hæc sanguinis turbata & motus intestinus semper continuatur.

56 Febres continuæ sunt vel benignæ vel malignæ, benignæ fiunt a motu continuato, præternaturali, copiosiori spirituum in cor & omnis corporis musculos influxu, turbante mixturam sanguineam.

57 Concitator & præternaturalis spirituum influxus fit vel a sale subtili, acri, peregrino, irregulari, spiritibus animalibus nupto, vel in massa sanguinea, lymphæ stabulanti & fibras nerveas, musculosas & carneas stimulante ac vellicante, hinc a gravioribus doloribus, inflammationibus propter vellicationem & irritationem majorem factam nascuntur febres continuæ, & dicuntur ardentes.

58 Febres continuæ & acriores sanguinis ebullitiones scorbuticis & hypochondracis, & quorum humores collutati sunt salinis scorriis, admodum sunt familiares.

59 In numerum febrium continuarum benignarum referendæ quoque sunt catarrhales, quæ a salibus lymphæ & sanguinis extricatis & membranas vellicantibus, cum stagnatione seri & lymphæ circulatione impedita oriuntur.

60 Raucedo, tussis, coryza, dolores & omnia symptomata, quæ febribus catarrhalibus complicantur, stasi ac stagnationi seri & vellicationi fibrarum nervearum a sale factæ debentur.

61 Ex continuarum numero est quoque febris lenta & hectica, quæ vel ex vitio primarum viarum & humoribus acido-viscidis, peregrinis, in intestinis stabulantibus & massam chylosam deturpantibus, vel ex inflammatione & suppuratione partium internarum graviori.

62 Fit itaque febris hectica, partes solidas & fluidas consumens, ab intestino sanguini.

guinis motu inordinato & semper adaucto propter particulas irregulares & mixturæ sanguineæ impropportionatas ipsi continuo affusas.

63 Febris continua est vel cum exanthematibus vel sine illis, exanthemata sunt vel variolæ, morbilli, petechiæ, purpura.

64 Omnes variolæ & morbilli oriuntur cum febre continua & magna sanguinis ebullitione.

65 Variolæ oriuntur a sale caustico, acri certi generis, quod extricatum & sequestratum a particulis ramosis & oleosis sanguinis & cum fluido nerveo mixtum, concitatus cor & arterias non movet solum, sed mixturam etiam sanguinis turbat, hincque febrem producit.

66 Spiritus machinæ nostræ in vorticoso & impetuoso motu existentes illud quod irregulare & heterogeneum ipsis, non aliter, ac flumen ligna irjecta ad partes extremas dejicit, cum autem ibi non congruos inveniat poros, quibus eliminari possit, stagnat, pustulas ac ulcuscula efficit.

67 In variolis sal acidum magis vel minus causticum delinquere, probabile videtur.

68 Sal variolarum sæpe tam acre est, ut fistulas, ulcera in partibus ossibus & membranaceis excitet, & non solum externas, sed & internas partes occupet.

69 Quo sanguinis & humorum circulatio est liberior, eo promptius succedit secretio partium heterogenearum omnium, & sic quoque variolarum; hinc ante eruptionem anxietates adsunt præcordiorum, inquietudines.

70 Variolæ sæpe sub specie febrium catarrhalium infestant homines & indicant lympham stagnantem & acriorem factam.

71 Sal variolarum specificum rectius ab impuris, acidi nutrimenti, quo fœtus in utero utitur, particulis, sanguine intime nuptis oritur: his vitiosis impuritatibus massa sanguinea paulo laxior facta certoque æthere ac aere influente, sese liberare motu quodam, fermentationi æmulo, natura studet.

72 Materia impura, morbosa diu in sanguine hære & illius consortio ac vinculo citra aliquod incommodum uti potest, donec tandem certa dispositione sanguinis certoque aeris influxu secessionem a sanguinis vinculo ac jugo efficiat.

73 Contagium, vehementiores animi &

corporis motus, certaue dispositio aeris sal variolarum sanguini intricatum, extricare & in motum deducere quam facillime possunt.

74 Morbilli sunt maculæ rubræ sine exulceratione, cum febre erumpentes, ortæ identidem a sale quodam specifico caustico, in massa sanguinea sine noxa contento, & certo tempore ab illa secedente cum magna humorum ebullitione motuque impetuoso.

75 Sal morbillorum videtur originem suam ducere a depravata lactis qualitate tempore lactationis assumpti.

76 Purpura ut & febris purpurata puerperis familiaris a sale sanguinis peregrino, scorbutico, caustico identidem ortum suum ducit.

C A P. I V.

De morbis malignis.

I.

Maligni dicuntur morbi, qui actiones vitales subito destruunt, mentem turbant, vires prosterunt & totam massam sanguineam in motu ac crasi alterant, hinc vera malignitatis indicia sunt, virium subita prostratio, mentis turbatio, pulsus debilis & actionum vitalium extinctio.

1 Morbi maligni dicuntur etiam venenati & qui oriuntur a parvo & minutissimo principio venenato, quod instar fermenti sese multiplicat & spirituum ac sanguinis motum penitus invertit ac destruit.

2 Venenum dicitur illud, quod subito & in pauca quantitate actiones vitales destruere, motum ac crasin spirituum invertere aptum est.

3 Venena triplicia sunt, vel corrosiva, quæ in partes solidas agunt corrodendo & inflammando; vel vaporosa, quæ effluviis hostilibus minutissimos nervorum tubulos replent & spiritibus animalibus intime sese insinuant, illos obnubilando & obfuscando, uti sunt napellus, opium, narcotica; vel fermentativa, quæ magnam ebullitionem excitant & sale volatili, acerrimo, mobilissimo spiritus animales inficiunt, & talis est saliva inordinato ac furibundo spirituum animalium motu inbuta & sanguini communicata in morsu animalis rabidi.

4 Venenum ex animalibus proficiscens exactam motus determinati ideam continet, se-

secundum quam se multiplicat in ipsos spiritus animales immediate agendo illorumque motum æqualem destruendo, & similem idealem motum efficiendo.

6 Ipsi inordinati animalium ut & hominum affectus & spirituum motus totam massam sanguineam cum humoribus alterare possunt.

7 Quivis homo fabricare sibi ipse potest in corpore venenum immoderato affectuum usu.

8 Nullum datur in animalibus venenum, nisi quod ex turbulento & inordinato spirituum motu exsurgit, & per morsum communicatur.

9 Terror de certo morbo in dispositis facile similem morbum corpori inducere aptus est.

10 Contagio plures deberi morbos malignos, ipsa testatur experientia.

11 Contagium constat ex subtilissimis effluviis, a corpore morbofo exhalantibus, quæ beneficio aeris spiritibus & sanguini intimata instar fermenti illos ad suam indolem & naturam induendam disponunt, & similem ipsis motum introducunt.

12 Saliva miasmatum malignorum vehiculum esse solet, cum qua transit ad ipsum ventriculum, ubi primas suas tragœdias ludere solet.

13 Utî fermentum non agit nisi materiam ad fermentandam aptam habeat, sic quoque contagium non agit, nisi sanguis ad motum talem recipiendum sit idoneus.

14 Quorum sanguis particulis pituitosis, mobilibus, minus tamen spirituosus abundat, & ubi primæ viæ muco & amurca salivali obfessæ sunt, ibi contagium venenatum fomitem facile reperit.

15 Purgatio primarum viarum crebra, salivæ excretio & usus balsamicorum medicamentorum a morbis contagiosis optime præservant.

16 Quo magis massa sanguinea in mixtura & motu æquali est destructa & secessio elementorum sanguinis, nimirum particularum volatilium, salino-ramosarum a crassioribus, terreis, aqueis plus est facta, eo major adest malignitas, majusque periculum.

17 Pestis omnium morborum est malignissima, quia subito tam spirituum animalium quam sanguinis crasin ac motum destruit & actiones extinguit vitales.

18 Mixturæ sanguineæ destructio fit, dum

globosus sanguinis contextus prorsus resolvitur, particulæ salinæ, acres, fluidæ a consortio reliquarum separantur, sicque vinculum elementorum sanguinis penitus destruitur.

19 Quando mixtura elementorum sanguinis læsa est, æquilibrium motus naturalis penitus destruitur, & in una parte motus mirum in modum increscit, in altera autem valde est depressus.

20 Ut plurimum origo malignitatis quaerenda est in ipsis corporibus, hinc qui in nonnullis individuis est benignus morbus, in aliis malignitatis notam induit.

21 Affectus animi inordinati, prava victus ratio crasin ac motum partium fluidarum destruendo quam prompte malignitatem morbis addunt.

22 Quæcunque corpora bilem onustam acrioribus causticis corrosivis subtilibus salibus habent, illa malignos morbos producere aptissima sunt.

23 Aer summe æstuans & calidus, insectorum salibus volatilibus, causticis repletus, pestem & morbos malignos facile genere potest.

24 Petechiæ nihil aliud sunt, quam sal illud causticum, hærens in cutis tubulis & per totum corpus dispersum, si autem conjungitur & unitur illud ipsum sal anthracis, bubones & carbunculi fiunt, ibique magnam uredinem & acredinem efficiunt, non aliter, ac radii solis dispersi, in vitro caustico uniti, stupenda vi operantur.

25 Morbi maligni sunt vel acuti vel chronici; acuti sunt pestis, febres malignæ, petichiales & illi morbi acuti, qui in corporibus ad malignam dispositionem humorum dispositis, oriuntur; chronici autem sunt scorbutus & lues venerea.

26 Morbi acuti maligni admodum sunt periculosi & facile necant; non ita chronici.

27 In scorbuto confirmato omnes corporis nostri fluores diathesi peregrina, salina imbuti sunt & de crasi sua naturali dejecti.

28 Scorbutus nil nisi maxima impuritas & pravitas lymphæ & sanguinis est, hinc origo & fons innumerabilium morborum.

29 Symptomata scorbutica a spasmodicis nervorum contractionibus maximam partem derivanda sunt.

30 Si malum confirmatum est, fluidum ner.

nerveum inquinatum ac collutulatum est & motu anomalo delinquit.

31 Malum scorbuticum ab impuro aere, qui immediate spiritus animales afficere solet, originem suam petit, datur etiam contagiosum.

32 Lues venerea est insignis corruptela succi nervei & lymphatici quoad crasin & motum.

33 Causa luis venereæ est fermentum impurum, seminale, spirituosum, quod ex consymbolismo corpori communicatum, spiritus animales & lympham immediate alloquitur, illos de statu suo dejiciendo, coagulando & prava corrosiva diathesi imbuendo.

34 Cuncta in lue venerea contingere solita pathemata debentur lymphæ viscidæ, coagulatae & in illa hospitanti sali summe acri, corrosivo.

35 Contagiosus morbus est & ex impuro coitu progerminat dicta gallica lues.

C A P U T V.

De morbis ex circulatione sanguinis inaequali & impedita ortis.

I.

UTi potissimum momentum vitæ & sanitatis in circulatione sanguinis versatur: sic etiam origo multorum morborum inde quærenda venit.

2 Ex sanguinis circulo inaequali & sufflaminato oritur syncope, quæ est extinctio actionum vitalium motu cordis & arteriarum cessante.

3 Motus cordis, uti est primaria causa & fundamentum circulationis sanguineæ: sic illo extinctio, illa cessat & omnes actiones, quæ ex vita fluunt, simul tolluntur.

4 Uti ad motum cordis non solum influxus spirituum animalium sufficiens, verum etiam intestinus sanguinis motus & mixtura sanguinis proportionata requiritur: sic cessante illo spirituum influxu & intestino sanguinis motu ac mixtura sublata, tollitur & ipse motus.

5 Affectus animi inordinati ac immoderati, sanguis congrumatus & nimis coagulatus ut & nimis tenuis & rarefactus synopen generare facillime possunt.

6 Polypus cordis in ventriculis vel illo-

rum auriculis subsistens sæpius causa est synopes lethalis.

7 Polypus non est sanguis congrumatus, sed corpus coagmentatum ex fibris & lamellis crassioris seri nutritii.

8 Succus nutritius in arteriis & venis non raro ita concrevit, ut pene abeat in carnem, fibris & sanguineis vasculis instructam.

9 A circulatione sanguinis impedita oritur quoque asthma convulsivum, syncope cardiaca, catarrhus suffocativus.

10 Uti ad circulum sanguinis liberum multum contribuit respiratio & thoracis dilatatio & constrictio: sic quando nervi respirationi inservientes spasmodice sunt contracti & obstructi, tollitur circulatio.

11 Sanguis non solum per vasa, sed etiam per minutissima anfractuosa capillaria circulari & moveri debet, ubi facile in cursu suo sisti & impedi potest.

12 Multi & magni morbi ex circulatione sanguinis per minutissima vasa impedita oriuntur.

13 Ex circulatione sanguinis per minima vascula impedita oriuntur tumores, scirrhi, inflammationes, exulcerationes, hæmorrhagiæ, suppressiones excretionum consuetarum.

14 Inflammatio est tumor dolorificus cum calore, rubore ac pulsatione, sæpe conjunctus feбри.

15 In omni inflammatione adest obstructio pororum & vasculorum a materia viscida, rigida.

16 Quando sanguis in motu suo retrogrado impeditur & non circulatur per minima vascula, accidit, ut dum ipsi multum sanguinis communicatur, tumor enascatur.

17 Quando materia subtilis libere partes obstructas pertransire nequit, vehementissime per vacua spatiola movetur, & hoc motu mire exagitat sanguinis particulas, unde calor, rubor ac dolor ortum suum trahunt.

18 Pulsatio partis inflammatae oritur, dum sanguis impetu quodam propellitur ad partes, ad quas minus libere transire potest, hinc sequitur arteriolas magis extendi, sicque insignem oriri diastolem, quam necessario debet comitari systole.

19 Sanguis in vasis capillaribus & partium spatiolis hærens & stagnas coagulatur & in minori quantitate successive insensibiliter evanescit & discutitur in contusionibus, casu ab alto &c.

20 Quando uberius colligitur sanguis in minimis vasculis ibique stagnat, doloris & caloris molestum producit sensum, donec sensum corruptus in pus vel saniem abeat, quorum prima mutatio vocatur inflammatio seu *φλεγμονή*, posterior vero abscessus seu apostema.

21 Inflammationis causa ut plurimum est sal irregulare, lancinans & figura angulari præditum, quod fibras nerveas ac membranceas moleste vellicat, spasmodice contrahit, venas coarctat capillares, sicque circulationem sanguinis sufflaminat.

22 Sanguis ad motum circularem in minimis vasculis ineptus redditur, quando ab acido quodam vitioso ad coagulum pronus est, hinc in subitaneo frigore aut haustu frigido post nimium corporis motum & incalescentiam prompte inflammationes oriuntur.

23 Graviore contusiones, arctæ partium compressiones, fracturæ, luxationes, nimix ligaturæ, atroces dolores, frequentissime inflammationem causantur.

24 Quando faucium illa pars, quæ pharyngis & laryngis musculos tam internos quam externos constituit, inflammatione corripitur, dicitur angina.

25 Quando partes internæ thoracis & maxime pleura, quæ costas cingit, inflamman-
tur, ibique sanguis hæret extravasatus, dicitur pleuritis, quando simul pulmones, morbus dicitur peripneumonia.

26 Non solum lateraliter afficitur pleura, sed simul muscui intercostales interni, & plerumque simul pulmonis pars in illo latere.

27 Frequentissimæ hæ sunt inflammationes, quoniam sanguis in pulmonibus alterationibus aeris est expositus, hinc sanguis alteratus promptissime loca thoracis lateralia & alias ejus partes afficere potest.

28 Si inflammatur diaphragma, cui ordinario supervenire solet delirium, paraphrenitidis nomine venit morbus.

29 Plerumque sanguis, qui e vena secta pleuriticorum & peripneumoniacorum emit-
titur, semigrumosis & promptissime coagulabilis prodit, sero supernatante glutinoso existente.

30 Quando impeditur sanguinis circulus in tunica oculi adnata, quæ copiosissimis vasculis & arteriis est instructa, tunc illa inflammatio dicitur ophthalmia.

31 Si in visceribus v. gr. ventriculi ac
Hoff. Opusc. varii argum.

intestinorum tunicis, hepate, renibus, utero, vesica, sanguinis circulatio impeditur & in minimis vasculis ac porulis corrumpitur, oriuntur pro diversitate partium variæ inflammationes.

32 Non omnes inflammationes sunt a sanguine, sed non raro a sero acri, quæ leves sunt, nec stipatæ tantis symptomatibus.

33 Si major sanguinis in parte stasis, corruptio & omnis refluxus impeditus est, gangræna oritur, quæ saltem ab inflammatione differt gradu, quando autem sanguis penitus cadaverisatur & pars omni influxu spirituum destituitur & mortificatur, tunc dicitur sphacelus.

34 Quodcunque itaque profundior ob-
structionem sanguini in partibus causatur & illius circulum impedit, id gangrænam concitare quam promptissime potest, v. g. magna contusio, summum frigus, fortior ligatura, gravior dolor, ingens ambustio &c.

35 Si sanguis extravasatus corrumpitur & suppuratur in quadam corporis cavitate, empyema fit, a vomica distinctum, quæ est collectio puris in quodam viscere, hinc si id colligitur in pulmone, vomica pulmonum, si in renibus, vomica renum audit.

36 A contusione, vulnere, casu ab alto, & graviori inflammatione facile empyema oriri solet.

37 Inflammatio ut plurimum præcedit ulcera, quod si enim penetrantia minus salia sunt, inflammationes solæ oriuntur, si vero rigidiora & validiora illa fuerint, discissiones ac dilacerationes fibrillarum fiunt, unde ulcera nascuntur.

38 In ulceribus humores propter dilacerationem vasculorum ac fibrillarum & hinc impeditam circulationem stagnant, aciescunt, corrumpuntur & in pus vertuntur.

39 Pus non oritur ex præcipitatione sanguinis beneficio acidi & alkali facta, sed nihil aliud est, quam succus nutritius oleosus, ab acido ulceris fermento corruptus & albo imbutus colore, non secus ac oleum olivarum cum aceto vel solutione lythargirii mixtum ac conquassatum album evadit.

40 Si pulmonum vesiculæ membranaceæ & minora vascula eroduntur a stagnante sanguine acriori, oritur ulcus pulmonum.

41 Nimix sanguinis effusiones & hæmorrhagiæ ex æquilibrio sanguineæ circulationis sublato repeti quoque debent.

42 Quando sanguis non æqualiter move-
F f tur

tur per totum corpus, sed ob partem obstructam vel spasmodice contractam non rite cursum ac iter suum absolvere potis est, hinc regurgitat, majus affectat spatium, vascula minima & illorum orificia dilatat, sic qua data porta erumpit.

43 Rara sanguinis textura ad expansionem nimiam apta ejusque acrimonia præternaturalem hanc fluxionem auget.

44 Fundamentum omnes hæmorrhagiæ maxime pertinaces habent in vasis obstructis vel spasmodice contractis, hinc sanguis affectibus animi vel ab alia causa interna & externa nimium in motum excitatus & in motu suo circulari turbatus, per insolitas vias non raro exitum affectat.

45 Hæmorrhagiis complicati sæpissime sunt dolores tensivi in hypochondriis, flatulentæ primarum viarum contractiones, anxietates præcordiales, excrementorum alvi suppressiones &c.

46 Adstringentia & styptica motumque sanguinis retardantia intempestive adhibita non raro in ingens periculum ægros præcipitant, & hæmorrhagiam largiorem efficiunt.

47 Sanguis copiosus & rarus motu ejus intestino vel a bile acriori, vel a febre, inflammatione, affectibus inordinatis, ab usu spirituosorum nimis adaucto rarefit, majus affectat spatium, hinc distendit & expandit minima vasorum orificia, sicque præternaturales fiunt sanguinis effusiones.

48 Si sanguis nimium fluit per vasa uteri, mensium fit nimius fluxus, si per arteriolas in narium tunica existentes, vocatur hæmorrhagia narium, si vasa ventriculi aperiantur, fit vomitus cruentus, si apertio arteriæ pulmonalis, fit hæmoptysis: si vasa ad anum tendentia referantur, hæmorrhoidum fluxus, si vascula renalia nimis distenduntur, mictus cruentus exsurgit.

49 Sicut ab æquali & libero sanguinis per tubulos corporis influxu ac refluxu dependent omnes ordinariæ & consuetæ excretiones, nimirum sudoris, urinæ, muci narium, ceruminis aurium, salivæ, mensium, hæmorrhoidum; sic excretiones supprimuntur ab obstructione vasculorum minimorum & inde nata debiliore vel plane cessante sanguinis circulatione.

50 Quando sanguis crassior redditus limositates in vasculis minimis excretoriis ac glandulosis deponit, supprimuntur inde excretiones ordinariæ.

61 Menses pertinaciter subsistunt a polyposa vasorum uteri obstructione.

92 Polyposa sanguinis & seri nutritii concretio in venis vel arteriis, turbando sanguinis cursum, dyspnœam, peripneumoniâ catarrhum suffocativum, ruptiones vasorum, hæmoptysin facillime causari potest.

Maculæ cutis rubicundæ, cœruleæ, flavæ, nigræ a læsa circulatione sanguinis & facta ibi stagnatione sanguinis oriuntur.

54 Quando adest sanguinis abundantia, ita ut vasa illorum capere nequeant, impeditior ejus fit motus, stasis, corruptio & magnorum morborum origo, ubi V. S. locum invenit.

C. A. P. VI.

De morbis ex motu aut vitio lymphæ ac seri ortis.

I.

Sicuti abundantia sanguinis in venis & arteriis motum ejus sufflaminare, ita quoque plenitudo lymphæ in vasis lymphaticis ejus motum retardare & varios concitare morbos potest.

2 Si vasa lymphatica turgent & distenta sunt copiosa lymphæ, tardior ejus fit motus ac facilis stagnatio ruptionisque periculum imminet.

3 A circulatione debita ipsius sanguinis dependet etiam lymphæ motus, hinc quando tardior est evolutio sanguinis per minima vasa, tardus quoque existit lymphæ motus.

4 Lymphæ inducens lentorem & coagulum, in angustissimis tubulis ac canaliculis stagnat, & quia materia tam contumax est, ut in pus converti non possit ob calorem continuo exsiccantem, tandem ita induratur, ut exinde fiat scirrhus.

5 Scirrhus non solum occupare solet partes externas, glandulas, sed & internas. uterum, hepar, lienem.

6 Si glandulæ fiunt scirrhosæ a materia corrosiva acida, tunc fit cancer, qui si exulceratur, incurabilis est.

7 Si partes serosæ sanguinis per minutissimos glandularum & fibrarum carnearum poros & tubulos non rite circulantur, sed inibi stagnant ac vascula illa distendant & ampliant, tunc oriuntur tumores, qui pro diversitate partium varium sortiuntur nomen, hinc tumor testium, mammarum,

ton-

tonsillarum, parotides, rana sublingualis, tumor pedum, glandularum colli seu amygdalarum, inguinalium ortum suum trahunt.

8 Quando sanguinis serum falsum per glandulas subcutaneas illarumque poros non recte circulatur, sed ibi sustinet, tunc distensionem, erosionem ac suppurationem efficit, unde fit scabies.

9 Prout major vel minor acrimonia feri vel falsedo ipsius variat, & serum magis vel minus particulis substantificis, chylosis, nutritiis est imbutum, majores vel minores oriuntur pustulæ fitque scabies vel sicca vel humida.

10 Si serum nimis corrosivum & acidum est, & major partis cujusdam est obstructio, tunc oritur herpes.

11 Ex circulatione feri sanguinei impedita per tenuissimos canaliculos oriuntur varia sudamina, phlyctenes, syrones, pustulæ variæ, gutta rosacea &c.

12 Gutta rosacea est rubor faciei tuberosus ac pustulosus, interdum guttis sanguineis similis, nasum sæpe inæqualiter ac valde augens.

13 Causa guttæ rosacæ est serum sanguinis falsum, crassum, per faciei cutim dispersum & in circulatione sua impeditum, erosionem ac tumorum efficiens.

14 Lepra est scabies consummata & maligna, oritur identidem ab obstructione & destructione tubulorum carneorum profunda a sero vapescente acri.

15 Si serum abundat particulis ad mutuum contactum & quietem aptis, quæque plures planas superficies habent, facile in partibus membranosis frigidis, uti in articulis, in renibus, ureteribus, vesica in gypseam & lapideam duritiem concrecere solent, unde topi in arthritide, & calculus renum, vesicæ urinariæ & felleæ originem suam nanciscuntur.

16 Omnes catarrhi sive decubitus lymphæ fiunt ex circulatione impedita lymphæ, & quicquid motum retrogradum lymphæ impedit, id occasionem catarrhis præbet.

17 Caput, quoniam infinitis glandulis & vasis lymphaticis est obvium, frequentes catarrhales patitur affectus.

18 Inæqualitas aeris nimirum calidi in frigidum & contra frigidi in calidum, defluxum catarrhalium fecunda mater est.

19 Non omnis catarrhalis affectus originem suam ducit ex capite juxta veterum sententiam.

20 In pulmonibus & arteria aspera innumera sunt vasa lymphatica, in quibus si motus lymphæ impeditur & hæc qualitate acri est imbuta, excitatur tussis, rauco.

21 Si continua talis est effluxio & lymphæ scorbuticis acribus spiculis est imbuta, erosio pulmonum & ipsa phthisis creari potest.

22 Prout lymphæ magis crassa est & viscida, vel magis acris, tunc tussis, vel sicca vel humida est.

23 Prout lymphæ salina, acri, maligna, & corrosiva qualitate est saturata, varia emergunt ulcera mali & boni moris, fistulæ, carcinomata, cancri &c.

24 Si vascula lymphatica nimis sunt distenta, aperta vel erosa, magna quantitas lymphæ profunditur, hinc pyralismus, in viris gonorrhæa, in mulieribus fluor albus originem suam petunt.

25 Vasa lactea, quæ nil nisi vasa sunt lymphatica, si vel in principio, nimirum crusta villosa intestinorum, vel in medio, uti in vicinia glandularum meseraicarum sunt obstructa, ita ut chylus circulari ac evolvi non possit, tunc oritur atrophia & diarrhæa chylosa, quæ maxime locum habet in ipsis infantibus.

26 Omnia viscera & omnes corporis partes solidæ, maxime ubi magna adest nutritio, gaudent vasis lymphaticis, quæ superfluum a nutritione lympham revehere debent, hæc si sunt obstructa, ut suo fungi officio non possint, magnus fit feri in ipsis partibus decubitus, hinc tumores, dolores partium internarum & externarum oriuntur.

27 Si ex vitio circulationis sanguinis tardioris propter visciditates copiosas, balsamicas & sulphureas depressas lymphæ non circulatur & revehitur, serumque sanguineum in partibus stagnat, illasque distendit, oritur tumor quasi universalis, qui anasarca dicitur seu leucophlegmatia.

28 Hydrops ascites dicitur, quando extravasatio lymphæ & collectio ipsius fit in cavitate abdominis a ruptione vasorum lymphaticorum.

29 Obstructis vasis lymphaticis novo continuo sero accedente ampliantur illa & intumescunt, & quoniam ob valvularum situm non retrogradi lymphæ potest, fiunt hydatides seu magnæ vesicæ, a quibus ruptis magna lymphæ fit extravasatio, hinc subito hydrops oriri potest.

30 A loco collectionis diverso hydrops varia sortitur nomina, si in abdomine fit extravasatio, fit ascites, si in capite, hydrocephalus, in scroto, hydrocele, in pectore, hydrops thoracis; præter has species observatus adhuc est hydrops uteri, tubarum uteri, ovarii, pericardii.

31 Hydrops frequenter tumores scirrhopos, ganglia, tubercula & mesenterii, uteri, lienis, hepatis, &c. obstructions subsequitur.

32 In cadaveribus hydropicis dissectis frequentissime observata fuerunt magnæ vesicæ.

33 A circulatione lymphæ impedita ex partibus & chyli in ventriculo in ipsum sanguinem dependent omnia hydropicis obvenire solita symptomata, nimirum, acrimonia sanguinis, & ob hanc erosio partium, atrophia partium superiorum, urina intense rubicunda, sitis, calor præternaturalis pulsus frequens &c.

34 Serum extravasatum, si leniter igne conquassatur, concrevit in albuminis ovorum substantiam, indicio, partes nutritias chyliferas ibi deponi, nec transire in sanguinem & ad ipsas partes.

35 Quod a lymphæ motu retrogrado per venas & vasa lymphatica impedita extravasatio feri & per consequens hydrops oriatur, evincit *Lowerus* experimento; si enim in vivo cane vena cava super diaphragma ligetur, canis in abdomine magna quantitate feri collecta morietur hydropicus, eodem modo ligatis in cane venis jugularibus tota capitis regio intumescit & fit hydrocephalus; quæcunque enim magnam coagulationem lymphæ inducunt & circulationem ejus ut & sanguinis imminuunt, causam antecedentis hydropis instituunt.

36 Tympanites non est singularis hydropis species, sed potius tumor est flatulentus ortus ab obstructione pororum in intestinis, mesenterio, pancreate, ventriculo, hinc cum vapores & effluvia primarum viarum non rite hos poros partium subire & transire possunt, mirum in modum has partes distendunt & expandunt, ut pulsæ tympani sonum edant.

37 Cachexia seu nutritio partium depravata ex circulatione feri nutritii per minima vascula suppressa & obstructa oritur.

38 Quando non rite sanguis assimilatur, chylus & excrementitiæ particulæ viscidæ non rite segregantur, fiunt obstructions in venis capillaribus, & ob particulas balsami-

cas deficientes oritur depravata corporis nutritio seu cachexia.

39 Cachexia scorbutica fundamentum pene est omnium morborum chronicorum, dicitur scorbutica, quoniam propter obstructionem vasculorum minimorum in visceribus sanguinis depurationi inservientibus excrementa salina in humoribus nostris remanent, & insignes tragædias ludunt.

C A P U T VII.

De morbis ex vitio & motu impedito spirituum animalium ortis.

I.

Quemadmodum ad actiones vitales in partibus celebrandas laudabilis & proportionatus spirituum animalium influxus requiritur, sic illo cessante vel præpedito actionum illarum abolitio fit.

2 Spiritus animales per cerebrum, spinalem medullam & nervos & ex illis contextas tenuissimas fibrillas & membranas in statu naturali æqualiter moventur: Si autem illorum motus extra ordinem sit, vel minuitur, vel plane aboletur, morbi oriuntur gravissimi.

3 In apoplexia, quæ est sensuum tam externorum quam internorum extinctio & motus voluntarii abolitio & destructio, fluidi nervei seu spirituum sic dictorum animalium per cerebrum motus plane interceptus est.

4. In cadaveribus apoplecticis sectis extravasatus & conglumatus sanguis vel coagulum feri observatur, hinc apoplexia est vel sanguinea vel pituitosa.

5 Opiata, fumi carbonum, particulæ fulminis & omnia vaporosa, narcotica, spirituum animalium crasin vitiando ad apoplexiam & stuporem disponere solent.

6 Sanguinis motus ad cerebrum deficiens vel obstructione existente in carotidibus vel cordis motu cessante omnis motus & sensus perit, itidem accidit a fortiori ligatura arteriarum carotidum.

7 A corporibus polyposis sinus cerebri oppilantibus observata sæpius fuit apoplexia.

8 Apoplexia est quasi paralytis universalis,

alis, paralytis autem apoplexia particularis.

9 Paralytis sedes est ipsa spinalis medulla, quæ in dextram & sinistram partem divaricata est, & si in una parte obstructio fit, oritur hemiplexia seu paralytis dextri aut sinistri lateris.

10 Paralytis est vel perfecta vel imperfecta, in perfecta & motus & sensus læduntur, in imperfecta imminuuntur tantum.

11 Apoplexia & paralytis non semper fiunt ex obstructione tubulorum spirituum animalium influxum sufflaminante, sed sæpiissime a spasmodica contractione membranarum medullam spinalem investientium, unde fortiori constrictione tubulorum motus spirituum animalium ad partes intercipitur & talis paralytis non tam periculosa est quam illa, quæ fit ab obstructione.

12 Lethargus, coma, carus omnesque soporosi affectus ab obstructione cerebri & influxu spirituum animalium impedito oriuntur.

13 Plerumque in affectibus soporosis facta sectione cortex cerebri sero obrutus deprehenditur.

14 Cerebri meatuum ac tubulorum laxior facta dispositio serum corporis viscidum facile admittit, maxime si vel febre vel alio sanguinis fortiori motu, v. gr. intempestivo sudorum, balneorum usu in motum cieatur, ut angusta cerebri vascula ingredi possit.

15 Affectus soporosi poros & tubulos cerebri invertunt, & semper ferme debilitatem cerebro inducunt ac memoriam auferunt.

16 Si cum febre somnus profundus irruit, dicitur lethargus.

17 Si in somno spirituum ad thoracis musculos influxus quodammodo inhibetur, respiratio fit difficilis propter impeditam circulationem sanguinis, hinc oritur anxietas circa præcordia cum sensu ponderis thoracem incumbentis & suffocationis metu, & hic affectus dicitur Incubus.

18 Coma est vel vigil vel somnolentum, & somnolentum & carus sunt unum idemque: vigil est nimia in somnum propensio, sed cum dormiendi impotentia, & fit a mucō tubulos cerebri obstruente, propter acredinem vero continuo irritante.

19 Coma vigil oritur etiam ex nimia debilitate spirituum, tubulorum molesta irri-

tatione, & in morbis diuturnis, in febribus malignis, nimis doloribus & immodicis evacuationibus locum habet.

20 Catalepsis est soporosis affectus ortus ex sublato commercio mentis cum corpore propter defectum spirituum animalium in corpore calloso & centro ovali, ubi sensorium commune poni debet, existentium.

21 Si sensorium commune spiritibus animalibus est destitutum, mens impressiones factas externas in sensorio nec percipere, nec spiritus determinare potest ad certos motus edendos in partibus.

22 Prout corporis istius callosi major est obstructio, eo graviora existunt symptomata & morbus periculosior est.

23 Sæpe accidit propter nimios & inordinatos spirituum animalium motus in affectibus intempestivis sensorium commune spasmodice contrahi, sicque quasi ad tempus spirituum animalium influxum impediri, & tunc fit catalepsis levior & imperfecta minusque periculosa.

24 Ad catalepsin referenda est *ἔκστασις*, quæ vel theologica vel medica, in illa mens abstrahitur a corpore per immediatas quasdam divinas impressiones ac speculationes, hæc autem nil nisi catalepsis est, quæ etiam mediate & remote ex nimia tristitia, mœrore animi vel nimio gaudio ab audito verbo divino excitari potest.

25 In catalepsi non est juxta veteres congelatio seu coagulatio spirituum animalium.

26 Quemadmodum somnus præternaturalis ex nimia pororum cerebri subsidentia & motu spirituum animalium lentiori ortum suum habet: sic nimix vigilix ab illorum tubulorum præternaturali apertione & concitato spirituum animalium motu exsurgunt.

27 Sulphur & aqua sunt somni materiale principium, sulphur ramosum ac vaporosum nimis inviscans & copiosum compedibus suis spiritus irretiens, *ὑπνός* inducit.

28 Placidus somnus ordinatum spirituum motum, lympham roscidam blandam requirit, hinc quodcunque spiritibus inordinatum introducit motum & roscidum blandum humidum absomit, vel illud acre reddit, pervigilium excitare potest.

29 Cerebrum & totum nervorum systema temperatum esse debet, nec nimis siccum nec nimis humidum, si temperies hæc lædatur, statim imbecillitas & morbus nervorum præsto est.

30 Si circulatio & motus rectilineus spirituum animalium per cerebri tubulos impeditur & propter obstructos poros vorticoso motu agitantur spiritus, objecta simili cieri motu apparent menti juxta consuetudinem judicanti, sicque fit vertigo.

31 Quoniam omnis motus est rectilineus, & si a linea deflectit, fit circularis & ellipticus; quare spiritus animales, cum motum suum rectum in nervorum tubulis obstructis servare nequeant, necessario reflectuntur & tandem in orbem aguntur ac inde radiatione spirituum, quæ proveniunt a vestigiis cerebro impressis & omnes externæ imagines animæ rotantes exhibentur.

32 Sensus nostri falli posse & illos nos quoque fallere, vertiginis natura abunde docet.

33 Humororum crassities vel spirituum nimia densitas causa vertiginis esse potest.

34 Uti ratio humana, sic quoque ipsius absentia seu delirium ex vinculo, quod menti cum corpore intercedit, optime explicari potest.

35 Recta hominis ratio consistit in hoc, ut mens seu anima ideas objectorum cerebro inscriptas ad ideas connatas menti insculptas dirigat, conferat, & ratio nihil nisi additio & subtractio est, donec inveniatur æquilibrium & proportio idearum influentium externarum cum ideis insitis primis, hinc ratio mere algebraica & statica est.

36 Mens seu anima non agere & recte cogitare seu proportionem & æquilibrium invenire potest, nisi mediante spirituum animalium non modo laudabili temperie, verum etiam æquabili & moderato motu gaudentium, quibus sensorium commune, quod in centro ovali statuimus, sit instructum.

37 Qualis est spirituum & humorum motus ac temperies in corpore, tales etiam in mente fiunt inclinationes & cogitationes; sic furibundus motus spirituum furiosas ac celerissimas efficit cogitationes, lentior autem & tardus timidas, tristes & meticulosas in mente producit cogitationes.

38 Imaginatio nihil aliud est quam idearum, quæ ab objectis externis sensibus communicantur, in fibrillas ac porulos cerebri impressio.

39 Qualis itaque est cerebri constitutio, talis quoque est impressio & imaginatio; hinc qui cerebrum molle & laxum habent, in illis vis imaginationis viget & memoria optima, qui autem cerebro præditi sunt

crassiori & solidiori, in illis difficulter imprimuntur vestigia, ast diutius tunc retinentur.

40 Mens instructa consortio spirituum animalium in sensorio communi, ideas vel extrinsece advenientes a sensibus vel cerebro insculptas perspicit illasque distinguit & recte connectit, vel similes addendo vel dissimiles subtrahendo, sic enascitur ratiocinatio & mens sana est.

41 Quando autem illæ ideæ cerebro insculptæ propter apertos cerebri poros a causa interna involuntaria excitantur, non autem a mente, quæ vel destituta est spirituum animalium laudabili quantitate, uti in somno, vel motu illo præternaturali inverso, ut in morbosis constitutionibus, tunc oritur ratio perversa sive delirium, quod nil nisi imaginatio fortior est, a directorio rationis aliena.

42 Delirium seu ratio perversa in cogitationis & dictis fit, quando animæ ideæ non respondent illis vestigiis idearum cerebro impressis, sed quando hæc dominium habent in illas.

43 Motus externi a sensoriis excitati spirituum animalium beneficio, illorum radiatione ad cerebrum delati ibi vestigia seu characteres reliquunt.

44 Quando a causa vel interna relicta hæc vestigia denuo aperiuntur, ideæ earum rerum necessario redeunt ad mentem.

45 In insomniis profundiora & familiariora vestigia facilius aperiuntur, hinc ideæ poris cerebri inscriptæ, cum ob confusionem & copiam a mente in sensorio communi spiritibus animalibus destituto tempore somni non dijudicari & distingui possint, confusas tales instituunt comœdias, quæ dicuntur insomnia.

46 Deliria sunt insomnia vigilantium.

47 Quando anima se ad nihil determinans per se sequitur saltim segniter ideas cerebri vestigiis impressas vel denuo apertas, fit phantasma, sive vigilemus sive dormiamus.

48 Delirium est vel melancholicum vel maniacum, utrumque sine febre, illud cum tristitia & metu sine causa manifesta, hoc cum furore & audacia conjunctum.

49 In melancholicis spiritus obscuriores fixi & quasi ad acetosam naturam accedentes, stabiles ac fixas non solum ideas in cerebri poris relinquunt, sed & prompte aperiunt vestigia similia, nimirum idearum tristitiæ, terroris, metus &c.

50 In maniacis spiritus magis sunt sulphurei, furibundi magisque actuosi, hinc ideas in cerebro ponunt fluxiles & vestigia ipsis similia aperiunt.

51 Dum vestigiis illis, quæ a spiritibus aperiuntur, tota mens inhæret nec perceptione extremorum vacat, perversum enascitur iudicium.

52 Mania in melancholiam & vice versa melancholia in maniam facile transire potest, quoniam in utroque affectu constitutio pororum cerebri vitiata est, spiritus autem acetosi fixi facile naturam igneam & sulphuream induere & vehementissimo motu excitari possunt & contra.

53 *Αντόχειρες* plerumque vitio phantasiæ laborant & melancholici magis suffocatione ac strangulatione, maniacy autem gladio vel præcipitatione fatalem sibi diem accersunt.

54 Plures adhuc dantur cognitioni Medici occulti morbi & affectus phantasiæ.

55 A motu inordinato spirituum in febribus ardentibus, a nimia ebrietate in phrenitide, a morsu canis rabidi in hydrophobia vestigia idearum cerebri præter nostram voluntatem facile aperiri possunt.

56 Sensus externi actiones mixtæ sunt, nimirum corporis & mentis, corporis quatenus idearum impressiones fiunt in cerebro, mentis, quatenus a mente illæ ideæ dijudicantur: hinc sensus proprie dicti non cadunt in bruta.

57 Uti ad sensum externum efficiendum requiritur non solum apta organi dispositio, verum etiam debitus spirituum animalium influxus, quo organon illud animari non possit, & motiones ac passionēs externæ factæ ab objectis mediantibus spiritibus ad sensorium commune transferri, sic sensuum illorum abolitio vel extinctio fit vitio vel in organo vel in motu spirituum existente.

58 Si spirituum animalium influxus per nervos opticos illis vel obstructis vel compressis sufflaminatur, fit cæcitas, dicta gutta serena.

59 Cætera omnia oculorum vitia dependent a tunicarum, humorum, spirituum & nervi optici aliorumque vasorum vitio.

60 Quando humores nimis crassi fiunt & diaphaneitatem amittunt, tunc visus imbecillitas oritur.

61 Particulæ ramosæ terrestres limosæ si innatant humori aqueo vel vitreo, suffusio spuria fit & muscæ, insecta conspiciuntur in aere volitantia: si autem copiosæ fiunt hæc

irregulares opacæ atomi & congregiuntur, tunicam solidam constituunt sicque fit cataracta.

62 A poris arteriolarum, quæ oculorum humores restituunt, nimium apertis suffusio facile fieri potest.

63 Surditas fit ab obstructione nervi acustici, item post febres acutas, morbum hungaricum, casum ab alto, contusionem.

64 Tympani membrana laxa nimis & flaccida ac tensionem debitam amittens, quod fit a sero, vehementiori madore & humiditate nimia, vel ab improvide instillatis medicamentis, vel ab aere pluvioso ac nebuloso auditum reddit difficilem.

65 Quando hæc tympani membrana spasmodice nimis tenditur vel in affectu hypochondriaco flatulento vel a nimio dolore capitis in febribus, soni acuti non solum intolerabiles redduntur, verum etiam tinnitus & surditas in auribus excitatur.

66 Si tympanum crassescit rumpitur vel perforatur & exulceratur, gravissime quoque læditur auditus.

67 Quando meatus auditorius a cerumine nimis tenaci inspissato obturatur, auditus impeditur.

68 Cerumen auris ad coagulationem & lapidescentiam gypseam aptum esse, testantur observationes.

69 Aphonia non modo ab obstructis nervis ad linguam tendentibus, verum etiam recurrentibus fit, si catarrhis obsidentur, quod sæpe fit in infantibus.

70 Si canibus nervi recurrentes abscinduntur, non amplius possunt latrare.

71 Sapor tollitur vel immutatur a papillis nerveis in lingua desinentibus ab amurca viscida obstructis, quod fit in calore præternaturali &c.

72 Sapor maximam partem dependet ab odore, hinc naribus obstructis in coryza vel obturatis illis nullus specificus & accuratus sapor percipitur.

73 Quod si processus mammillares vel tunica internas nares vestiens a sordibus pituitosis obstructa impedit spirituum influentias, odor perit.

74 Quemadmodum ad excretionēs naturales tonus partium naturalis requiritur, qui fit a debito & moderato spirituum influxu, sic si influxus ille deficit vel cessat, fibræ partium laxæ ac flexiles fiunt, tonus & robur partium deicitur & sic nimia & involuntaria fiunt excretionēs.

75 Quando sphincter alvi & urinæ spirituum animalium influxu destituitur, nimia debilitas & laxitas inducitur, sicque involuntaria urinæ & alvi excretio fit.

76 Si pori cutis & vascula sudoris ob denegatum spirituum influxum nimis laxantur, sudor copiosus & colliquativus fit: si autem spasmodice contrahuntur ob nimium & inordinatum illorum influxum, suppressio sudoris contumax exsurgit.

77 Ab ureterum, vesicæ, intestinorum, uteri spasmodica contractione pertinacissimæ fiunt suppressiones urinæ, alvi excrementorum & mensium fluxus.

78 Virilis potentia & membri erectio potissimum dependet a sufficienti & laudabili spirituum animalium in corpus penis nervosum influxu, qui si cessat, impotentia oritur.

79 Quando copiosius spiritus animales in partes musculosas ac nerveas membri virilis influunt, tunc illæ inflantur, distenduntur & majus spatium occupant, quando autem illi cessant, tunc labascunt & in arctius spatium coguntur illæ ipsæ partes.

80 Convulsiones, spasmi, concitatiores & inordinati sunt spirituum in nervis & musculis motus, qui sensorii communis determinationi, ut par est, non obtemperant.

81 Convulsiones a plicaturis valvularum in nervis existentium oriuntur, quæ si violento motu a spiritibus rumpuntur, illius violenter subtilia nervorum filamenta per-rumpunt & ingentes dolores ac spasmos pariunt. Si hæ plicæ nulla arte iterum contrahi possunt, lethales fiunt convulsiones.

82 Validiorem fibrarum ac nervorum concussionem ac vellicationem ab acris humoribus productam subsequi solent motus spasmodici, constrictivi ac dolorifici, dum enim fibræ ita tenduntur ac premuntur, placidus spirituum motus turbatur, & irregularis, inordinatus & concitator fit.

83 Omnes dolores convulsivi & spasmodici aliquid in se habent; excitatur, si ex fibrarum lancinatione, ab humorum acredine orta, tristis ac molestus in mente sensus ob turbatum spirituum notum fit.

84 Uti in omni sensu pressionis quædam species concipienda est, sic quoque in doloribus fibrillarum, tensione ac pressione spiritus ad motum concitatiores ac inordinatum perficiendum incitantur ac impelluntur.

85 Omnis dolor fit vel ab obstructione

vel distensione, & consequenti partium vicinarum membranacearum ac nervearum pressione, vel a particulis rigidis, irregularibus salinis, vellicantibus ac lancinantibus contextum fibrosum ac nerveum.

86 Quo salia sunt magis rigida, acria, fixa vel volatilia & subtiliora, & prout pars magis vel minus subtilioribus membranarum ac fibrarum est instructa, eo variat ipse dolor & est vel gravativus, scindens, pungens, tensivus, osteocopus & pulsatorius.

87 *Gravativus* fit a crassis humoribus, *tensivus* a flatulentis vaporibus, *scindens* ab acido, *pungens* ab alkali, *ὀστέοκοπος* ab humore acri periosmium & fibras medullares vel osseas vellicante, *pulsatorius* ob vicinam arteriam in membrana inflammata.

88 Ob concitatiorem spirituum animalium in doloribus vehementioribus motum non solum febris accendi, sed & delirium excitari potest.

89 In omni dolore constrictio ac contractio quædam est partium nervosarum, hinc in doloribus atrocibus evacuationes supprimi solent, nimirum alvi, urinæ, sudoris, sanguinis.

90 Si vasa minutissima capitis vel interna vel externa in membrana obstruuntur a particulis inæqualibus, exiles vasorum meatus transgredi nescientibus, distensio, partium vicinarum pressio & consequenter dolor capitis exsurgit.

91 In dolore capitis magis externæ membranæ & pericranium affectum est quam internæ sive meninges.

92 Quoniam pericranium oculorum orbitam cingit, dolores etiam capitis externi eo pertingunt.

93 Hemisrania fit, dum in una parte capitis, obstructis minimis venis & arteriis, in alteram partem sanguis majori cum impetu ruit, distenditque vasa, sicque dolorem efficit.

94 Quodcunque itaque sanguinem particulis pluribus viscidis, inæqualibus, rigidis onustum in intestinum & rapidissimum motum concitare solet, uti omnes febres, spirituosam largius assumpta, ebrietas, vaporosa, id graves capitis dolores excitare valet.

95 In notabilioris sanguinis impetuositate & difficiles respirationes & capitis dolores frequentissime obtingunt.

96 Si crudus chylus, id est, non satis divisus in parvos globulos cum reliquo sanguine ad caput defertur, veniens ad venarum angu-

angustiores extremitates hinc particulis non respondentibus motui & poris, particulæ ibi hærent & a subsequente arterioso sanguine hi in exiles illos meatus impelluntur, hinc obstructio, distensio & dolor oritur.

97 Hypochondriacis & illis qui ventriculi imbecillitate ac vasorum impuritate laborant, capitis dolores frequentes sunt.

98 Si distenduntur vascula & particulæ rigidiores salinæ hærent in perioestio, pancreum & gravissimi dolores partium oriuntur; si in nervea membrana meatum auditorium cingente, tunc crudelissimus auri dolor fit; si in membrana nervea radices dentium investiente, atrox odontalgia; si in articulis pedum, podagra; in manibus, chira-gra; si in osse coxendicis, ischiadicus; si in uret eribus & illorum principio, dolor nephriticus; si in orificio superiori vel inferiori ventriculi, cardialgia; si intestinorum Ilei vel oculi membrana, passio iliaca & colica ortum suum habent.

99 Distinctio inter motum convulsivum & convulsionem nulla est, cum nulla detur convulsio, quæ non sit motus convulsivus & contra.

100 Omnes convulsiones sunt dolorificæ, hinc epileptici post paroxysmum conqueruntur de doloribus totius corporis, & tunc carnes dolent ac si fustibus essent exceptæ.

101 Convulsio est vel universalis vel particularis, convulsio universalis est, quando totum systema nervosum convellitur ac contrahitur & dicitur epilepsia: particularis autem dicitur *κκδ' ἐξοχλν* motus convulsivus seu spasmodicus.

102 Nervi constant ex infinitis filamentis, quæ porulos ac tubulos relinquunt, qui inter se sunt æquales & uniformes, per hos si circulantur æqualiter spiritus, tunc anima est quieta & motus spirituum est placidus; si autem ordo ac situs filamentorum tenuissimorum turbatur, inæqualitas etiam tubulorum exsurgit; hinc aliqui majores & ampliores, nonnulli autem minores & angustiores fiunt, sicque inæqualis quoque fit motus & æquilibrium spirituum animalium tollitur, dum per poros apertos & majores nervorum rapidissimo motu influunt, sicque partes nervosas & musculosas plus justo inflant, distendunt, abbreviant & contrahunt.

103 A punctione & vellicatione violenta fibrillarum situs & ordo in ipsis nervis mutatur, sicque inordinatus ac inæqualis spiri-

tuum animalium influxus inordinate contrahens partes musculosas suscitatur.

104 In epilepsia inæqualis quoque est influxus spirituum animalium per totum systema nervosum, dum in ipsa medullari substantia & principio nervorum obstructio ingens fibrillarum cerebri, quoad unam partem fieri debet, hinc per alteros poros apertos eo rapidius & vehementius influunt spiritus animales, sicque universalis partium fit convulsio.

105 Constitutio cerebri humida & pituitosa ad epilepsiae generationem contribuere multum solet.

106 Quo obstructio in cerebro est pertinacior, diuturnior seu magis habitualis, eo curatu difficilior est epilepsia.

107 Quando corpori humoribus pituitosis viscidis onusto motus vehementior introducit v. g. per affectus animi, per morbos, per ebullitiones, variolas, nimios dolores, humores hi pituitosi facile angustæ mollique glandularum fibrarumque cerebri fabricæ vim inferre possunt, dum majori impetu intruduntur ac impelluntur in minutissimos illarum poros, ubi obstructionem pariunt.

108 Palpitatio cordis fit a præternaturali muscoli cordis constrictione, dum sanguis ob acredinem salinam viscidam cor immediate convellit.

109 Plerumque post pastum palpitatio cordis ingravescit, prout nimirum chylus a nova fermentatione acrior ac falsior accedit, pressioque major tunc efficitur.

110 Polypum in cadaveribus palpitatione cordis emortuis repertum potius hujus concussionis productum & effectum quam causam censemus, quoniam a particulis ramosis, terrestribus ibidem præcipitatis faciles concrectiones in ramis proximarum venarum contingere possunt.

111 Syncope non modo a motu intestino sanguinis cessante, verum etiam ab influxu spirituum animalium deficiente in cor deducenda est, uti id liquet ex inordinatis animi affectibus, morbis spirituum, malignis & venenatis.

112 Ex invalidiori fibrarum uteri concussione seu convulsione abortus oriri solet, quem diarrhææ, hæmorrhoides, purgantia, dolores & vicinarum utero partium irritationes ac inordinati spirituum per affectus intempestivos motus causari solent.

113 Abortus fieri nequit, nisi ipse uteri fundus violenter convellatur, hinc purgan-

tia & alia abortum provocantia specifica non facile abortum procurare possunt, nisi dispositio uteri sit ad talem contracturam spasmodicam.

114 Singultus est violenta aeris impulsio suscitata a convulsione diaphragmatis & violento ejus descensu.

115 Causa singultus ut plurimum latitat in ventriculo, qui propter consensum afficit diaphragma.

116 Sternutatio est violenta aeris expulsio seu exspiratio a convulsione diaphragmatis orta ob consensum membranæ narium nimium irritatæ.

C A P. VIII.

De morbis ex vitio primarum viarum ortis.

I.

Sub primis viis comprehenduntur œsophagus, ventriculus, intestina cum pancreate, mesenterio, hepate, bile & illis annexis vasibus.

2 Quemadmodum ad alimentorum solutionem debitam & digestionem bonam requiritur saliva temperata seu menstruum salivale non nimis salsum nec acidum, tenue dilutum sed temperatum, activum tamen; deinde calor naturalis ab influxu sanguinis debito dependens & tandem robur & tonus ventriculi ab æquali spirituum animalium in ventriculum & intestina influxu exurgens; sic digestio depravata ex vitio horum resultat.

3 Actio ventriculi est systematica & dependet a totius machinæ constitutione, hinc si crasis & motus vel sanguinis, lymphæ aut spirituum animalium vitiatus est, appetitus & digestio statim vacillant.

4 Quando saliva, quæ verum menstruum ventriculi est, nimis acida existit, nimia fit appetentia multæque cruditates generantur acidæ & viscidæ; & quando nimis appetitus urget, morbus dicitur fames canina, quæ si cum desiderio rerum insuetarum & vitio phantasie conjuncta est, nuncupatur Pica.

5 Si fermentum ventriculi nimis tenax & viscidum est, & calor imbecillis, anorexia seu inappetentia cum nausea conjuncta & intemperies ventriculi exsurgit & cruditas pituitosa; si autem saliva nimis salsa &

biliosa est, cruditas dicta nidorosa conjuncta cum ructu putrido oritur.

6 Vomitus est peristalticus ventriculi motus inversus a violenta constrictione ejus orificiorum ortus & productus ab humore quodam acri irritante.

7 Nausea est vomitus intentatus & quasi in fieri, & oritur a contractione & stricture quadam præternaturali ventriculi & ipsius œsophagi.

8 Vomitus diuturnus creberrime obstructione quadam graviore in primis viis existente sustentatur.

9 Quando perspiratio effluviarum ex digestionem natorum per intestina propter occlusos illorum poros inhibetur, fiunt flatus, qui mirum distendunt tunicarum intestinalium fibrillas & sic oritur dolor, qui dicitur colica.

10 In colica non solum intestina crassa sed & tenuia affecta sunt.

11 In dolore colico peccat etiam humor acidus, acris, biliosus, mordax fibras intestinales convellens & contorquens, hinc effluvia intus contenta intestina & abdomen dolorifice distendunt.

12 Alvi constipatio, vomitus, tormina, item diarrhœa colicæ juncta indicant spasmodicam contractionem.

13 Si motus peristalticus intestinum pervertitur propter nimiam convulsionem, ita ut fœces alvi per vomitum rejiciantur cum maximo ventris dolore, & alvi constipatione, tunc morbus dicitur passio Iliaca.

14 Quodcumque est colica in intestinis, illud est cardialgia in superiori vel inferiori ventriculi orificio nerveo.

15 Sedes cardialgiæ non tantum est orificium ventriculi superius, sed & inferius propter diversorum ibi humorum factum concursum.

16 Alvi obstructio a bilis inertia, vel acido terreo constringente vel a fibris intestinalibus spasmodice contractis oritur.

17 Diarrhœa est variorum liquidorum humorum per alvum excretio a continua glandularum & fibrarum intestinalium irritatione, facta a sale acri caustico.

18 Transpiratio prohibita, aer nimis calidus, purgantium, acrum salinorum, fermentescibilium abusus, depravata digestio acridinem bili & humoribus communicando, & tonum intestinum labefactando diarrhœam promptissime inducere possunt.

19 In dolore intestinum, diarrhœa, colica

lica non irritatio semper est ab humore in intestinorum cavitate stabulante, sed sæpissime in ipsa intestinalium fibrarum substantia latitat causa.

20 Si a sale caustico corrosivo nimia fit erosio & exulceratio intestinorum, sicque sanguis cum pure excernitur, dysenteriae nomen morbus accipit.

21 Quo major est exulceratio & erosio intestinorum, eo gravior est dysenteria.

22 Continuus & frustraneus egerendi conatus ob sphincteris ani crispaturam a mucō quodam acri in glandulis intestini recti lenticularibus hærente excitatus, nuncupatur tenesmus.

23 Si vomitus cum diarrhoea simul conjunctus est & cum maxima ventriculi & intestinorum spasmodica contractione, morbus dicitur cholera.

24 Malum hypochondriacum ejusque symptomata unice debentur spasmodicæ contractioni ac crispaturæ partium nervearum ac membranarum, quas primæ viæ completuntur.

25 Idem morbus & eadem causa ac curatio est affectus hypochondriaci & hysterici.

26 Fundamentum horum morborum est digestio primarum viarum & chylosis penitus destructa, propter vitiatam salivalem & gastricam lympham, bilem digestionis præcipuam causam.

27 Obstructio vel scirrhescentia pancreatis, glandularum meseraicarum, intestinalium, hepatis & obstructio pororum intestinalium digestionem continuo turbando affectum hunc gignunt promptissime.

28 Illi quorum genus nervosum admodum debile est & qui spiritus ad motus convulsivos exerendos mobiliores & promptiores habent, hoc affectu gravius tentari solent.

29 Hypochondriacus affectus multorum magnorum morborum origo & fons est & maxime ipsius scorbuti.


30 Quando plexus mesenterici intestinales & musculorum abdominis tendines in faiminis contorquentur ac constringuntur, sicque partes conglobatæ diaphragma sursum propellunt & aeris ingressum impediunt, morbus dicitur hysterica suffocatio seu strangulatio uteri.

31 Bilem, quæ in maxima copia ad intestinum duodenum deducitur, ceu humorem balsamicum utilissimum non per alvum

omnem exterminari, sed ejus partes subtiliores sulphureas per poros venarum meseraicarum foras intro spectantes in sanguinem iterum transire, sicque bilem circulari, variis rationibus & experimentis clarum reddi potest.

32 Quod si itaque bilis motus ad intestinum duodenum impeditur sive obstructo vel spasmodice contracto ductu choledochi, vel calculo in vesica existente, vel poris hepatis biliariis calculosa viscida materia oppletis, oritur icterus.

33 A bile peccante tam in quantitate, qualitate & motu ejus circulari multi magni morbi chronici, febres, cachexia, hydrops, pathemata hypochondriaca & hysterica deducenda sunt.



S E M I O T I C E S

C A P. I.

*De signis morborum ex sanguine
urina, pulsu & saliva
petitis.*

I.

Diagnosis consistit in morbi & causarum ejus exacta cognitione, facta per signa.

2 Qui bene cognoscit, bene curat, hinc diagnosi morbi est summe necessaria medico.

3 Uti omnis morbus ex intemperie & motu partium fluidarum præternaturali fluit: sic diagnosi peti debet ex signis, quæ constitutionem humorum, illorum temperiem & motum aperiunt.

4 Signa morborum diagnostica sunt duplicia vel sunt ipsius morbi symptomata & accidentia, vel desumuntur ex ægri natura, victu, ætate, sexu, climate, excretis, retentis, constitutione parentum, pulsu, virgiliis, somno, ingenio, juvantibus, nocentibus &c.

5 Signa sive symptomata morbum patefacientia sunt vel essentialia a morbo inseparabilia dicta pathognomonica, vel accidentalia & concomitantia seu separabilia.

6 Ad morbi indolem indagandam omnia signa & symptomata attendi debent, nec illa separanda, sed potius invicem combinanda.

7 Temperies & motus spirituum animalium principaliter elucet ex sensibus tam internis quam externis & maxime ex oculis, vi phantasiæ & ingenii, vigiliis, somno, movendi potentia, ratiocinatione &c.

8 Ex pulsu, respiratione, transpiratione, sanguine & urina, sanguinis temperies ac mixtura dijudicanda venit.

9 Ex ore, saliva, appetitu, siti, excretis per os vel alvum menstrui gastrici & digestionis primæ natura patefit.

10 Pulsus non tantum spirituascentiæ sanguinis & ejus intestini ac circularis motus, verum etiam spirituum animalium constitutionis index est.

11 Pulsus est motus cordis per arterias continuatus, & dependet tam ab influxu spirituum animalium quam ipsius sanguinis spirituosi.

12 Multæ superflue sunt pulsum differentie.

13 Pulsus magnus indicat spirituascentiam sanguinis & spirituum animalium copiam, quoniam magno impetu tunc dilatantur arteriæ.

14 Pulsus debilis a debiliore sanguinis spirituascentia & inopia spirituum animalium oritur.

15 Spiritus addunt calcar sanguini.

16 Pulsus celer indicat intestinum sanguinis motum plus justo adauctum, & tardus fit ab intestino ejus motu imminuto & notat sanguinem crassiores minusque mobilem.

17 Pulsus frequens est, quando pulsum sequitur exiguo spatio interjecto & fit vel a sanguinis abundantia vel a vellitione nimia musculi cordis & arteriarum.

18 Pulsus intermittens ab inæquali particularum sanguinis mixtura & ejus spirituascentia in corde paululum suppressa dependet.

19 Inæqualitas pulsus identidem male sanguinis mixtioni debetur.

20 Sanguinis inspectio ad ejus constitutionem & naturam indagandam multum facit.

21 Si sanguis spumofus emittitur, intestinum ejus agitationem adauctam, dolores, respirationem difficilem & pectoris affectus significat.

22 Sanguis floridus & tenuis salis volatilis copiam & arthritidem volatilem, dolores scorbuticos vagos, hæmorrhagias præfagit.

23 Sanguis crassus & nigricans sero paulo stipatus dispositionem ad melancholiam & scorbutum frigidum ac inflammationes graviores notat.

24 Sanguis per venam emissus, quo magis scatet sero acri, eo plus denotat defluxiones catarrhales, dolores, hæmorrhagias &c.

25 Sanguis pleuriticorum ut plurimum in superficie firmam, crassam ac glutinosam habet substantiam.

26 sanguis viscosus & tenax facilisque ejus grumescencia acorem indicat, & indicium est scorbuti, luis venereæ, paralyseos.

27 Nitrosa, salia volatilia & fixa sanguini infusa illum reddunt floridum & tenuem; e contra acida & vitriolacea immissa illum condensant, & colorem purpureum ejus destruunt.

28 Allium comestum eodem odore sanguinem imbuunt.

29 In morbis malignis & peste in sanguine sæpe nullum apparet vitium externum, indicio, causam malignitatis magis radicari in spiritibus.

30 Urina constitutionem sanguinis, feri saliumve in lymphæ contentorum, & primæ digestionis vitia patefacit.

31 Urina alia dicitur ipsius ventriculi, quæ statim post cibum & potum excernitur, vel ipsius sanguinis, quæ tempore matutino mingitur, hæc ad inspectionem est optima.

32 In urinæ inspectione attendenda sunt quantitas, qualitas, pondus, color, odor, consistentia & contenta.

33 Quantitas urinæ aucta secessionem feri a sanguine vel sudorem suppressum aut transpirationem impeditam indicat.

34 In morbis acutis & malignis urina sæpe copiosa & tenuis profluit & pessimum signum est.

35 Urina pauca notat vel vias urinarias obstructas vel sanguinis mixturam & circulum turbatum vel feri effusionem aliorum factam.

36 Pondus urinæ, quod instrumento statico est indagandum, contenta salina terrestria fixa ratione quantitatis manifestat.

37 Qualitatem salium & contentorum in urina, sapor, odor, & evaporatio, atque etiam destillatio igne facta & capitis mortui calcinatio patefacit.

38 Color urinæ rubicundus non semper de-

dependet a calore sanguinis, hinc in nonnullis frigidis morbis urina nonnunquam mingitur rubicunda, in magno æstu autem tenuis & limpida.

39 Salia sanguinis quo magis sunt incocta & alcalifata ac fixiora, eo urinæ intensiorem colorem conciliant, & quo pauciora adsunt, illaque magis sunt diluta a lymphaticis & aqueis, eo magis ad flavedinem & diaphaneitatem urinæ inclinant.

40 Urina intense rubicunda protinus flavescit & naturalem colorem acquirit sufficienter diluta additione aquæ communis.

41 Urina rubra sine febre notat scorbutum & salia copiosa terrestria in lymphæ.

42 Urina rubicunda & tenuis in febribus vel scorbuto sine sedimento vel præcipitatione indicat salia sylvestria morbosa sanguinis viscosis & ramosis particulis non esse implicata & intricata, sed illa satis spiculata libere vagari in fluoribus, partesque solidas facile offendere posse.

43 Urina cum sedimento in febribus præfagit materiam morbosam seu febrilem non adeo malignam vel acrem ac rebellem, sed sub involucris aliarum particularum fixarum illam esse; veteres dixerunt *coctionem*.

44 In malignis urina sæpe sanorum similis est; & hic valet illud: *urina bona, pulsus bonus & æger moritur*.

45 Urinæ crassæ notant copiam viscidorum humorum in sanguine, & contra tenues & lividæ caloris nativi defectum & pravam digestionem ac spirituascentiam sanguinis deficientem.

46 In acutis morbis lividæ & tenues urinæ delirium præfagiunt.

47 Urinæ quo magis sunt oleaginosæ & pinguedinem habent supernatantem rubicundo colore tinctæ, eo major ad corporis contabescentiam est proclivitas.

48 Urinæ, quæ continet arenas copiosas, calculum renum; quæ viscosum album sedimentum, calculum vesicæ, in infantibus vermes; quæ pus & sanguinem, ulcus vesicæ & renum vel etiam mictum cruentum patefaciunt.

49 Urinæ nigræ non semper præfagiunt mortem, sed ut plurimum arguunt colliquationem acidarum terrestrium fixarum particularum: melancholicis scorbuticis ac hypochondriacis familiares sunt, si calore præternaturali corripiuntur.

50 Urinæ turbidæ sic statim emissæ significant copiam terrestrium, viscidarum par-

ticularum in sanguine, quæ ætheri non innatant, vel ejus motui obsecundant.

51 Graviditatem, imprægnationem ex urina exacte cognosci posse, item labem certi cujusdam visceris, falsum est.

52 Ab allio, asparago, cepis, urina foetida, e contra a nucista copiose assumpta, oleo terebinthinæ, succini, juniperi violaceum ac suavem odorem acquirit.

53 Pulsus & urina infida morborum signa sunt & ex iis solis morbus judicari nequit.

54 Salivæ inspectio & examinatio secundum qualitatem multum facit ad indagandam digestionem ventriculi & intestinorum, nec non spirituum animalium motum.

55 Pauca, spumosa, alba saliva denotat efferatum ac impetuosum spirituum animalium motum corporisque incalcescentiam.

56 Saliva tenax viscida calorem, sitim & æstum sanguinis præternaturalem indicat.

57 Saliva in copia emissa limpida præsentiam acidi, transpirationem impeditam & ventriculum frigidum arguunt.

49 Salivæ salia & contenta destillatione & putrefactione manifestantur.

50 Spirituascentia salivæ optime explorari potest beneficio antliæ pneumaticæ, si nimirum illa recipienti ab aere evacuato immittatur.

C A P. II.

De signis & differentiis morborum essentialibus.

I.

Febrium intermittentium certa signa sunt frigus seu horror cum subsequenti calore præternaturali, pulsu celeri, urina rubicunda & horum symptomatum per certum tempus intermissione.

2 Tertianæ signa sunt præter superius dicta, urina flammea & alternis diebus accessus.

3 In tertiana duplici post simplicem tertianam omni die recurrit paroxysmus.

4 Tertiana notha dicitur, quando urina non tam flammea est & crassa, nec calor corporis ita intensus.

5 Quartanæ, quæ per duos continuos dies quiescunt, invadunt magis cum pandiculationibus, oscitationibus, horrore majori, pulsu inæquali.

6 Vera malignitatis tam in peste, quam in

in febribus & petechiis indicia sunt subitaneus & totalis virium lapsus, mentis ac sensuum turbatio, pulsus debilis & inæqualis, urina sanorum similis, variaque exanthemata.

7 Differunt petechiæ a pulicum moribus, dum hi in centro ductuum seu morsus vestigium habent, secundo petechiæ compressæ totæ evanescent, morsuum autem centra neutiquam, tertio petechiæ raro in facie conspiciuntur, & non tam ampli sunt quam morfi pulicum.

8 Differunt petechiæ a maculis scorbuticis, quod hæ absque singulari malignitatis nota & cum prurito prodeant, ac magnitudine, colore ac rubore differant.

9 Febrium scorbuticarum signa sunt symptomata scorbutica, artuum dolores, maculæ & urina ante febrem rubicunda.

10 Signa variolarum imminentium sunt æstus corporis maximus cum pruritu cutis, rubore & tumore oculorum, dolore dorsi, somno inquieto maxime illo tempore, quo grassantur.

11 Variolæ differunt a morbillis, quod illæ pedetentim in tubercula crescant, & in pus mutantur, hi autem paucos post dies insensibiliter evanescent.

12 Signa pestis sunt virium totalis prostratio cum erumpentibus carbunculis, bubonibus, & intra paucos dies interitus.

13 Carbunculus gangrænæ instar partes vicinas inficit, donec pars mortificata excidat.

14 Febris lentæ seu hæcticæ signa sunt calor ardens maxime post pastum, & tempore vespertino cum pulsu frequenti, siti, debilitate & consumptione corporis, urina pinguedinosa & rubicunda.

15 Hæctica ex ventriculo dignoscitur, si post febres male curatas, vel erratum in diætâ commissum invadit, & quando vomitu infestat ventriculus.

16 Hæcticam ex viscerum abscessibus & corruptela comitatur respirationis difficultas, tussis, dolor, ardor partis & pulsus præternaturalis.

17 Scorbutus se ferme omnibus immiscet morbis, & pro diversitate temperamentorum & partium affectarum varias induit laryas.

18 Scorbutum indicant dolores & contractiones spasmodicæ partium fixæ vel vagæ, gingivarum putrescentia, hæmorrhagiæ, urina saturate rubicunda & maculæ scorbuticæ.

19 Lues venerea manifestatur ex lassitudine corporis, dolore fixo & diuturno tam capitis, quam aliarum partium tempore maxime nocturno, ex tophis & concrecentiis osseis, ulceribus palati & faucium, pustulis putrilaginosis in capite & partibus genitalibus, carunculis & difficiliori horum symptomatum curatione.

20 Inflammationis notæ sunt dolor, rubor, calor, tumor, pulsatio arteriolarum in parte affecta & febricula.

21 Quando in erysipellate dolor est profundior & pertinacior cum tumore, erysipelas dicitur scorbuticum.

22 In pleuritide adest dolor lateris acutus cum tussi, respiratione difficili atque etiam puris vel sanguinis ejectione ac febre; si pulmo simul afficitur & præcordiorum totiusque pectoris adest gravitas, spiritus difficultas & magna febris cum metu suffocationis, dicitur affectus peripneumonia.

23 Tumor tonsillarum cum calore & febre lenta inflammationem illarum indicat, & differt ab angina, quod hic longe acutior sit febris & respirationis ac deglutitionis major difficultas & minor tumor.

24 Quando inflammationis signa in intensissimo gradu sunt, fit gangræna.

25 Polypum cordis occultum patefaciunt respiratio difficilis, palpitatio cordis, syncope & pulsus intermittens.

26 Syncope fit cum facie pallida, pulsu debili, vel plane intermittente & extremorum frigore.

27 Catarrhus suffocativus est, quando summa adest anxietas in pectore cum spirandi difficultate, stertore, pectoris elevatione, pulsu inæquali atque etiam intermittente & expectoratione suppressa.

28 Suffocatio uterina cognoscitur ex respiratione difficili, faucium strangulatione, quasi aliquid hæreat in faucibus, & sensu quasi globi in abdomine oberrantis, syncope &c.

29 Differt peripneumonia a catarrho suffocativo, quod in hoc cum impetu ad fauces & pectus ruat defluxio, in illa autem non.

30 In incubo sufflaminata est inspiratio, dormientibus imprimis ac dorso incumben-
tibus familiaris cum sensu ponderis præcordia prementis ac imminente suffocatione.

31 Incubus ab aliis epilepsia nocturna dicitur,

citur, quia similes fere convulsiones thoracis in incubo adsunt ac in paroxysmo epileptico.

32 Inflammatio renum cognoscitur ex calore & dolore pulsatorio gravativo lumborum, stupore cruris, febre vehemente, & mictione ardente, & si mictio hæc sanguinea est vel purulenta, ulcus adest renum.

33 Inflammatam vesicam ordinario comitatur tensio, durities, ardor, & dolor in regione vesicæ & pubis, urinam reddendi impotentia, tenesmus, febris, vigilia, delirium, interdum alvi suppressio.

34 Delirium grave cum febre ardente, facie rubicunda, dolore interno capitis pulsatorio, urina alba indicat phrenitidem seu inflammationem cerebri.

35 Ophthalmia est vel sanguinea vel serosa, illa est inflammatio tunicæ adnatæ cum rubore, ardore, dolore, tumore & lacrymis profluentibus; hæc vero, quæ proprie epiphora dicitur, est continua ex copiosa lacrymarum destillatio ex oculo, comitata plus minus cum ejus dolore, morfu, ardore, rubore.

36 Ophthalmia distinguitur in veram & notam, biliosam & serosam, epidemicam & non epidemicam; in biliosa oculus quasi erysipelate affectus & lacrymæ sunt acerrimæ, in serosa, lymphæ lacrymalis magis est glutinosa viscida.

37 Inflammatur etiam hepar & quidem vel in parte gibbosa vel concava, si est in gibbosa parte, urgent magis symptomata pleuritidem mentientia; si in concava, magis symptomata ventriculi & intestinorum.

38 Hepatis inflammationem comitatur sensus ejus gravativus in dextro hypochondrio cum dolore simul obscuro & tensivo, qui sub suppuratione punctorius plus minus evadere solet, deinde adest febris acuta & lenta, tussis sicca, difficultas respirationis, decubitus in latere affecto difficilis.

39 Sanguinem congrumatum & collectum in abdomine præter vulnus penetrans imprimis insinuat abdominis tumor, durities, renisus, virium prostratio, impedita respiratio.

40 In pectore collectum & coagulatum sanguinem comitantur respirationis læsio, gravitas ac pondus circa nothas costas, extremorum frigus, febris & prægressa contusio, vel casus ab alto, aut vulnus in pectore.

41 In capite & sub ejusdem calvaria collectum sanguinem grumosum monstrant dolor gravativus, sensus pulsationis, rubor faciei, oculi nonnihil lacrymantes, sanguinis per os, aures vel nares exitus, mentis stupor & antecedens valida contusio vel incisio.

42 Hæmorrhagiæ ex plethora sunt, si evacuationes consuetæ suppressæ, si victus plenus & spirituosus fuerit assumptus & V. S. diu intermissa aliaque signa plethoræ adsunt.

43 Hæmorrhagiæ a turgescencia sanguinis fiunt post immoderatos animi affectus & inordinationes spirituum tempore æstivo, copioso assumpto vino & in variolis & morbillis, febribus &c.

44 Hæmorrhagia ex acrimonia feri est, si signa scorbuti adsunt, vel acria varia assumpta vel externe applicata.

45 Hæmorrhagiæ a circulo sanguinis & lymphæ impedito fiunt, quando scirrhusæ adsunt viscerum constitutiones, hypochondriorum tensiones ac flatulentia, uti fit in hydrope, affectu hypochondriaco &c.

46 Hæmorrhagiam narium indicant imminens dolor capitis & cervicis, rubedo oculorum, pulsus arteriarum, pruritus narium, irritatio in interiore pectore.

47 Menses præsentis mox patefaciunt lumborum & regionis epigastricæ tensio, gravitas, æstus, tempus consuetum, pulsus auctus.

48 Fluxus hæmorrhoidalis præsens est, si absque sæcum excretionem etiam sanguis sincerus stillat sine dolore abdominis, sed cum tumore ac dolore hæmorrhoidum & tenesmo.

49 Hæmoptysis a sanguinis sputo differt, quod illa cum tussi sicca, respiratione difficili & impetu fiat, sanguisque floridus & copiosus sit, sputum autem cruentum magis fit scretu & tempore nocturno vel matutino & sanguis magis obscure rubicundus, qui ex faucibus læsis ortum suum ducit.

50 Sanguis, qui ex ventriculi vasis prorumpit, excernitur vomitu, & nigricans ut plurimum est.

C A P. III.

*De cognoscendis morbis ex vitio lymphæ,
ac spirituum animalium ortis.*

I.

Phthisis pulmonalis cognoscitur ex respiratione difficili, dolore fixo in latere sinistro vel dextro, anhelitus fœtore, materiæ purulentæ, sanguineæ excretionem & corporis consumptione cum calore præternaturali maxime post pastum.

2 Phthisin imminuentem prænunciant substantiæ carnosæ consumptio, sapor salus, & putridus cinereus in ore, stimulus ad tussim, sudor nocturnus copiosus & corporis debilitas.

3 Phthisis pulmonalis ab illa, quæ fit ex obstructione vasorum, vitio stomachi & viscerum differt, quod in hac materia purulenta non excernatur, nec respiratio difficilis aut anhelitus fœtor adsit, sed saltem consumptio & lassitudo corporis cum tussi, calore præternaturali, appetitu dejecto, sudore copioso &c.

4 Lepra est vel Græca vel Arabum, hæc dicitur Elephantiasis, illa est universalis & instar squamarum piscium ac fursurum decidunt crustæ & profundius depascit carnem ac difficulter est curabilis: Arabum autem particularis est, quando v. gr. pedes livido vel nigricante tumore cum varicibus & ulceribus corripuntur, & cutis tunc scabra, aspera & rugosa instar Elephantum fit.

5 Catarrhales acres defluxiones, coryzam, tussim & dolores arthriticos prænunciant appetitus auctus, gravitas & lassitudo corporis, horror cum pulsu præternaturali.

6 Tussis stomachalis a pulmonali differt, quod in hac raucedo & sapor salus sit cum respiratione difficili & pectoris gravitate, illa autem magis pertinax cum inspiratione facili absque raucedine & excretionem.

7 Calculus renum cognoscitur ex dolore lumborum fixo, vomitu, stupore crurum & urinæ arenacea.

8 Calculus vesicæ palam fit ex difficili urinæ excretionem, dolore, pruritu ac pondere in pube, tenesmo, urina mucilaginosa & catheteris explorationem.

9 Gonorrhæa benigna a purulenta differt, quod in hac materia putrida, fœtida, vario colore tincta sit & major corpo-

ris debilitas, in illa autem leniora symptomata.

10 Anasarca ab ascite distinguitur, quod in illo tumor totius corporis sit æqualis, urina flava, calor imbecillis; in ascite vero partes superiores marcescunt cum inferiorum tumore, urina pauca ac rubicunda crassa est, cum calore & pulsu intensiore & spirandi difficultate, & sensu fluctuationis aquæ in abdomine.

11 Hydrops ex febribus intermittentibus chronicis male tractatis, & speciatim ex quartana diuturna, ex asthmate humoroso vel convulsivo, item ex vitio renum vel viscerum, ictero ac sanguine præternaturaliter excreto vel retento frequentissimus.

12 Hydropica a gravida differt ex colore faciei & oculorum vivido, ex fluctuatione & lapsu aquarum, quod non fit in gestatione, ex siti, quæ hydropi iuncta est; in imprægnatione autem non: ex tumore corpus gravante, non autem in graviditate.

13 Signa cachexiæ sunt corporis a nativo colore in pallidum, humidum, flaccidum & subtumidum degeneratio, crurum & universi corporis lassitudo ac anxiosus præcordiorum dolor, urina cruda, pulsus inæqualis, & debilis, & febris lenta; si ulcera, scabies, dolores ac spasmodicæ contractiones conjunctæ sunt, dicitur cachexia scorbutica.

4 Signa apoplexiæ sunt omnium sensuum tam externorum, quam internorum abolitio, facies rubicunda & pulsus adhuc salvus.

15 Paralytis, quæ apoplexiam sequitur, & ex cerebro vel spinali medulla læsa & nervis oritur, dicitur paraplegia, & ibi sensus ac motus partium perit.

16 Paralytis remanente sensu dicitur paresis, in qua muscoli & tendines magis sunt affecti & sequitur scorbutum, colicam convulsivam, & fumos saturninos copiose haustos.

17 Lethargus manifestatur somno profundo cum delirio, febre lenta & oblivione.

18 Carus est sopor profundus cum stertore, ut excitari ægri difficillime possint.

19 Coma somnolentum est somnus cum delirio.

20 Catalepsis dicitur sensuum tam internorum, quam externorum abolitio cum pulsu remanente, oculis apertis & quasi torvorum

vorum videntibus, & quod affectus in illa positura ægrum relinquat, in qua ipsum deprehenderit.

21 Catalepsis est vel gravior vel levior, levior fit per paroxysmos & breves, & post finitos paroxysmos ægri varia narrant, quæ viderint; In graviore autem, paroxysmi sunt longiores & nihil sciunt, quid in paroxysmo cogitaverint.

22 Vertigo sæpissime ex ventriculo oritur: indicium est, si jejunium ferre nequeunt, si in hypochondriis flatus sunt, & hysterica adest affectio.

23 Vertigo, quæ caduca dicitur, primus gradus est epilepsiæ, & est vertigo idiopathica.

24 Signa melancholiæ sunt mœstitia & timor sine causa, cum anxietate animi, cogitatione fixa & forti circa aliquam rem & somno turbolento pauco; tempestate obscura & humida pejus semper se habent.

25 Melancholia ex vitio hypochondriorum nata judicatur, si signa mali hypochondriaci adiunt.

26 Mania cognoscitur ex delirio sine febre conjuncto cum furore, viribus plus quam humanis, vociferatione, somno pauco, pudore deposito, dilaceratione vestium.

27 Cephalalgia diuturna est cephalæa, quod si capitis dimidium est affectum dicitur hemicrania, quæ cum exacerbatione & per intervalla ut plurimum invadit.

28 Si in una parte aut loco capitis dolor est, dicitur clavus.

29 Cephalalgia a causa frigida dicitur ubi dolor est gravativus, facies pallida cum frigore, pulsu tardo; quando autem calor & rubor faciei adest & sanguis fervet, pulsus vehemens & celer, dicitur calida.

30 Cephalalgia sæpius internis capitis membranis residet, & indicium est, si functiones cerebri non sunt læsæ.

31 Quando adest tinnitus aurium, vertigo, dolor capitis, in ipso cerebro malum latitare verosimile est.

32 Arthritis calida a frigida differt, quod in hac tumor adest magis œdematosus cum nullo vel levi saltem rubore, pulsu tardo paroxysmo longiori, in calida autem paroxysmus est brevior vel acerbior, colorque ac rubor manifestus magis: Idem valet circa omnes dolores.

Hoff. Opusc. varii argum.

33 Dyspnœa dicitur, quando inspiratio est depravata cum anxietate & difficultate; secundus gradus dicitur asthma; tertius orthopnœa, quia tales corpore erecto & expanso respirare coguntur.

34 Asthma est vel stomachale, si stomachus inflatus & infarctus est flatibus & materia crassa per intervalla turgescens; vel hypochondriacum & scorbuticum, si signa horum affectuum adsunt; vel hydropicum seu hystericum, si conjungitur his affectibus.

35 Asthma est vel humidum vel siccum seu convulsivum; humidi signa sunt, si magis est continuum & respiratio cum sonitu, profundo stertore, tussi & pituitæ copiosæ excretionem; siccum autem sive convulsivum est, quando diaphragmatis & nervos, & mûsculos contractio sine notabili excretionem & per intervalla magis affligit, sequiturque morbos spasmodicos, v. gr. passionem hystericam, hypochondriacam, subluxationem vertebrarum, dorsi, epilepsiam.

36 Asthma metallicum est quoque siccum, & fit in nervorum pulmonalium porulis propter copiosos saturninos vapores.

37 Imminentem iliacam passionem produnt alvus pertinaciter suppressa, intestinorum tenuium tormina crudelissima, & nausea cum singultu.

38 Sæpius gravior colica pro iliaco morbo a timidis medicis habetur.

39 In diabete plus humidi excernitur, quam assumptum fuit, sitis adest, ac debilitas membrorum, urina dulcescit, adsunt dolores vagi cum spasmis, si malum gravius.

40 In affectione hypochondriaca post assumptum cibum gravitas ventriculi, sputum pituitosum ac copiosum, vomitus, ructus, flatus & dolores tensivi in sinistro hypochondrio, respiratio difficilis, phlogoses, alvi adstrictio, spasmi partium nervosarum, ebullitiones sanguinis præternaturales urgent.

41 Affectus hypochondriacus habet sua certa intervalla, tempora ac paroxysmos, quibus exacerbatur.

42 In hystERICA passione profocatio faucium, difficultas respirationis cum motu suffocationis, syncope, cardialgia, alvi adstrictio, dolores abdominis acutissimi sæpe ægros invadunt.

42 Icteri signa sunt color flavus totius corporis maxime tunicæ adnatæ, urina crocea, feces albæ, præcordiorum anxietas
Hh & gra

& gravitas : si color ille in lividum vel virendentem degenerat , iſterus niger vocatur.

C A P. IV.

De prognosi medica.

I.

Nihil magis commendat medicum vel ipſi æſtimationem conciliat , quam prudens prognofis.

2 In prognofi caute ſe gerere debet medicus , famam enim ſuam prognofi temeraria facile amittere poteſt.

3 Prognofis eventum morbi judicat , qui differt ratione ſalutis & mortis , ratione longitudinis & brevitatis , ratione ſolutionis & medicamentorum operationis.

4 Prudens prognofis addiſcitur non tam præceptis , quam ipſa experientia.

5 Quo temperies & motus partium fluidarum naturalis magis eſt deſtructus in morbis , eo periculum eſt gravius.

6 Turbatio maſſæ ſanguineæ , quo major eſt & ejus circularis motus quo magis eſt imminutus , eo plus ſubeſt periculi.

7 Virium deſectus in omnibus morbis quo major eſt , eo periculoſior eſt ſtatus.

8 Mens turbata cum febre peſſimum indicat ſtatum .

9 Pulſus debilis , ſubitaneus virium deſectus , turbatio mentis , ſyncope , exanthematum eruptiones ſigna malignitatis ſunt .

10 Excreta quo magis recedunt ratione quantitatis , vel qualitatis a naturali ſtatu , eo pejor res eſt .

11 Excretiones copioſæ illis in morbis , ubi ſerum laudabile deficit , ut in heſtica phthiſi præſentiffimum periculum prædicunt .

12 Omnis morbus , qui per intervalla reſurrit , expers magis periculi eſt , quam qui continuo infeſtat .

13 Morborum recidivæ ſemper ſunt pejores ipſis morbis .

14 In omnibus acutis morbis prædictiones ratione ſalutis & mortis admodum ſunt incertæ .

15 Excretiones omnes naturales ordinariæ ſuppreſſæ morbum prænunciant .

16 Natura arte adjuta interdum facit miracula .

17 Tranſpiratio & reſpiratio , quo magis

in morbo eſt libera & naturalis , eo melius inditium ſalutis .

18 Viſcus laborans quo nobilius , eo gravius malum metuendum .

19 Inflammationes nobiliorum partium morbis acutis ſupervenientes lethalem nanciſcuntur ut plurimum eventum .

20 Vertigo , ſudor frigidus , pulſus debilis inſtantem lipothymiam prædicunt .

21 Dolores acerbiffimi ſubito deſinentes & indolentes facti funeſti ſolent eſſe & ſphacelum indicant .

22 Tumores in atrophicis morbis & contra atrophix in morbis hydropicis vel aliis tumoribus periculum præſens indicant .

23 Omnes excretiones involuntariæ vel ſummam debilitatem , mentem turbatam aut ingens in nervis vitium ſignificant .

24 Omnis morborum curatio tempore verno ac æſtate non adeo fervida , in ætate juvenili , temperie exiſtente ſanguinea melius procedit , quam hyeme in ſenibus & melancholicis ac pituitofis .

25 Plerique morbi chronici circa ſolſtitia , vel æquinoctia inſignem ac ſubitam alterationem acquirunt .

26 Tumores interni viſcerum diuturnos generant morbos .

27 Omnes excretiones criticae ſuppreſſæ vel retropulſæ v. gr. in cute exanthemata , ingens diſcrimen ſanitati ac vitæ minantur .

28 Solvitur morbus atque etiam febris ſæpius notabili quadam excretionem critica vel per ſudorem , urinam , alvum , ſalivam .

29 Febres male curatæ vel etiam diuturnæ corruptelam inſignem viſceribus & ſuccis vitalibus affricant , hinc affectus hypochondriacus , hydropiſ variæ ſpecies , digeſtionis vitia & alia inde propullulant .

30 Febres intermittentes & omnes morbi chronici , qui autumnæ invadunt , difficilius tolluntur , quam qui ſub vernum vel æſtivum tempus accedunt .

31 Intermittentes malignas dari ſine tali periculo , teſtantur obſervationes .

32 Ingentes ac præternaturales tam ſanguinis , quam aliorum humorum effuſiones comitatæ cum viribus proſtratis , corporis tabe , ſomno laborioſo , calore lento , appetitus dejectione funeſtum pronunciant eventum .

33 In morbis pectoris , quo reſpiratio eſt liberior , eo major aſſulget ſalutis ſpes , & contra.

34 Ver-

34 Vertigo cum capitis dolore & aurium tinnitu in senibus apoplexiæ prodromus est.

35 Scorbutus, malum hypochondriacum, podagricum, arthriticum, si diu duravit, & succos corporis notabiliter deturpavit, levare quidem, at perfectè sanari nequit.

36 Ubi propter nimiam ingurgitationem aquæ vel ex mensibus aut hæmorrhoidibus suppressis hydrops nascitur, curationis spes facilior est.

37 In senibus ac in omnibus morbis sopores profundi multum periculi habent.

38 Senes, qui frequenter tentantur erysipellate, tandem ex illo moriuntur.

39 Non omnis fluor albus steriles reddit fœminas.

40 Singultus & spasmus nimis excretionibus superveniens non semper lethali-
tatem affert.

41 Pulsus intermittens non semper portendit magnum periculum.

42 Pulsus intermittens vel summe debilis manens, intra sex horarum spatium mortem affert.

43 Dolores graviores maxime in corporibus tenellis, & quæ imbecilles nervos habent, convulsionem, diarrhæam, febrem, somnum terroris plenum, sudorem frigidum, syncopen, spirandi difficultatem & mortem non raro excitant.

44 Omnes morbi inveterati, & qui longas egerunt radices morbiq; senum curationem vix admittunt.

45 Omnes capitis contusiones, cranii, fissuræ multum periculi habent, præcipue si cum vomitu bilioso, delirio, stupore conjunctæ sunt.

46 Tendinum ac nervorum leviores saltem irritationes ac punctiones sæpe maximum periculum inducunt.

47 Paralysis ex nervorum dislocatione & luxatione sanari vix potest.

48 Tussis antea humida subito in siccam desinens cum pectoris gravitate pulmonum exulcerationem minatur.

49 Excretiones tam alvi, quam ventriculi per vomitum, & urinæ atræ, pessimæ sunt.

50 Qui quotidie vomunt, & quidem a pasto, facile incidunt in hecticam.

51 Vomitus sanguinis, qui est a mensum suppressione vel a nimia sanguinis ebullitione, minus periculi habet.

52 Petechiæ dysenterici comitatæ lethales esse solent.

53 Dysenterici, quando veluti carunculas deiciunt, magno in periculo versantur.

54 Omnes affectus nervorum, ab illorum obstructione nati & diuturni, insanabiles judicandi.

55 Singultus, delirium, vigiliæ, animi deliquium, sudor frigidus, anxietas maxima præcordiorum, pulsus debilis, si morbo vel acuto vel chronico superveniunt præsentissimum periculum adesse indicant.

56 Alvi pertinax obstructio multorum morborum mater est & difficilem reddit curationem.

57 Tumores scirrhusi viscerum minantur hydropem, marasum, febrem lentam, icterum nigrum.

58 In omni tumore corporis urina pauca, crassa ac rubra, febris lenta, difficilis respiratio, marcor superiorum partium funestum exitum significant.

59 Hypochondriaca & hysterica affectio terminatur ut plurimum in morbos spasmodicos convulsivos vel in apoplexiam, melancholiam, phthisin, hydropem.

60 Facilius ulcera faucium & pedum curantur, quam ani.

61 Ex inspectione oculorum spirituum animalium constitutio & motus elucet.

62 Omnia exanthemata livida & nigra pessima sunt.

63 Surditas & obauditio in febribus malignis & acutis convalescentiam prænunciat, nisi mox auditus redeat.

64 Omnes febres malignæ, variolæ, morbilli tempore hyberno invadentes pejores sunt.

65 Illi in majori versantur periculo, quorum in familia exitiales fuerunt variolæ.

66 Si post eruptionem exanthematum vel variolarum symptomata cessant, bonum signum est, si exacerbantur gravior metus est.

67 Omnes confluentes variolæ & copiosæ præter gravioris inflammationis metum graviores sunt.

68 Diarrhœa in principio variolarum accedens non semper mala est.

69 Variolæ, quo profundiores in cute latent, eo majorem excitant inflammationem, & contra,

70 Urina sanguinea in omnibus inflammationibus pessimum signum præbet.

71 Variolæ & morbilli non raro terminantur in phthisin, ulcera cocoethica, cæcitatem &c.

72 Surditas aurium ex morbis acutis non raro provenit.

73 Inflatio ventriculi, quæ fit in convalescentibus; mali prioris recidivam significat: si diu durat, disponit ad hydropem siccum seu tympanitidem.

74 Mulieres quando non rite fluunt menses, vel quando sunt cupidæ virorum vel gravidæ patiuntur sæpe vomitus.

75 Quoties sudores fluunt in malignis, vel saliva, anxietates remittunt, & sudore suppresso vel saliva iterum invadunt.

76 In omnibus morbis spasmodicis alvus solet esse adstricta.

77 Diarrhœa superveniens omnibus inflammationibus periculosa est.

78 Incubus vigilantibus superveniens cum tremore cordis & syncope, pessimus morbus est.

79 Dolores multum recidivare solent.

80 Fluor albus curatu difficilis est & talem & hydropem inducere potest.

81 Abortum non raro causatur contumax alvi adstrictio.

82 Omnes morbi acuti puerperarum multum habent periculi.

83 Larga mictio in acutis non semper est tuta.

84 Vermes per vomitum ejeti in malignis monstri quid alunt.

85 Qui sæpius sine causa manifesta tentantur syncope tandem illa moriuntur.

86 Omnes personæ pinguiore majori periculo expositæ sunt in morbis quam macilentæ.

87 Somnus morbis superveniens & vires reficiens optimum semper præbet signum.

88 Puerperæ, quando lacte penitus destituuntur, graviore versantur in periculo.

89 Hæmorrhoidibus cæcis male tractatis facile supervenire fistula potest.

90 Cholera sæpe terminari solet in ardorem urinæ.

91 Omnes morbi hæreditarii difficiliter sanantur.

92 Morbus qui per consensum fit, facilius curatur, quam qui per essentiam.

93 Epilepsia ante pubertatem magis admittit curationem quam post illam.

94 Hernia carnosæ non facile sanabilis: intestinalis, iliacum malum minatur.

95 Ubi frigent exteriora & interiora ardent, pessimum indicium est.

C A P. V.

De Crisi.

I.

CRISIS dicitur mutatio naturæ in melius vel deterius, sive est subita aliqua vel ad mortem vel ad sanitatem mutatio.

2 Crisis bona sive ad sanitatem si a laudabili motu sanguinis & spirituum per minutissimam capillaria vasa & viscera excretoria.

3 Crisis pessima fit a motu sufflaminato spirituum.

4 Bona criseos indicia sunt coctio, materiæ separatio & melior ægri status; lethalis autem criseos indicia sunt excretio & coctio suppressa materiæ morbosæ, & pejor ægri status die critico.

5 Spiritus uti sunt morborum medicatrices, sic quoque subjectum ipsius criseos, & quo illorum crasis ac motus minus vel magis destructus, eo melior vel pejor expectanda est crisis.

6 Uti influxus astrorum in spiritus operantur, sic maxime hoc faciunt tempore conceptionis & generationis, item in ægris, ubi spiritus sunt debiles.

7 Uti ad solem collata luna quadris suis potissimum mutationes subitas tempestatum facit; ita etiam in ægris varie operatur.

8 Quo acutior morbus, eo citior crisis.

9 Non religiosæ semper expectandæ sunt crises.

10 Motus criseos duplex est, vel enim fit per manifestam aliquam excretionem v. g. per sudorem, alvum, hæmorrhagiam; vel per *μετάσσειν* & translationem, quando humor vitiosus in partem aliquam solidam effunditur, ibidemque tumorem, bubonem & abscessum producit; quo autem illa pars ratione usus sui est ignobilior, eo tutior etiam erit hæc translatio.


11 Crisis alia est salutaris & perfecta, alia non salutaris & imperfecta, sæpe etiam infida.

12 Natura uti est mensuræ & numeri observantissima, sic etiam certo ac statuto die, quem criticum appellant, suas instituit operationes & motus.

13 Solstitia & æquinoctia in corpora nostra magnas mutationes & alterationes habent, hinc illo tempore vel in deterius vel
pejus

pejus mutari potest morbus.

14 Annos climactericos multis personis esse funestos, observationes practicæ abunde docent.



HYGIEINES MEDICÆ

C A P. I.

De Regulis conservantibus sanitatem generalibus.

I.

Facilius est sanitatem conservare quam illam restituere.

2 Quivis & nosse corpus suum, ejusque robur ac vires, & esse suus medicus debet.

3 Propter constitutionum diversitatem sanitatis regulæ dari nequeunt universales.

4 Alimenta & res non naturales, quæ uni profunt alteri sæpe nocent.

5 Optima regula sanitatis est; quæ juvenans & profunt sunt servanda, & quæ nocent sunt fugienda.

6 Omne nimium, quamvis sit optimum, naturæ inimicum.

7 Consuetudo altera est natura, hinc longo tempore consueta non simul & semel sunt omittenda.

8 Omnis mutatio subita periculosa est.

9 Quæ deteriora vulgo judicantur, modice sumpta, non solent nocere.

10 Medice vivere, id est secundum rigo-
rosas & scholasticas medicorum regulas vivere, est pessime ac misere vivere.

11 Abstinencia a cibis & inedia, præservatio a multis magnis morbis, atque etiam illorum curatio est.

12 Uti summum jus est summa injuria: sic exquisita vivendi regula summa est miseria.

13 Sanus homo & qui benevalet, nullis se obligare legibus debet, & varium habere vitæ genus & omnibus sese assuescere debet.

14 Qui a teneris assueti sunt ferendo frigori & labori, minus in morbos prolabantur, & facilius quoque ex morbis convalescunt.

15 Populi septentrionales, qui a primis annis frigoris & caloris repentinas mutatio-

nes sustinere coacti sunt, vita longiori & sanitate diuturniori gaudent.

16 Irritare nonnunquam ventriculum vomitu, sudare vel paulo largius vinum optimæ notæ bibere, ad sanitatem multum conducit.

17 Qui integra gaudent valetudine, ægre ferunt purgantia V. S. & omnia drastica.

18 Qui bene ingerit, bene digerit & bene egerit, sanus est.

19 Sanis omnia sunt sana.

C A P. II.

De sex rerum non naturalium vario usu & abusu.

I.

Qualis est aer, tales sunt spiritus. Et in aere maximum momentum sanitatis nostræ consistit.

2 Aer mutatus magnorum sæpe morborum remedium est.

3 Pro constitutione soli aer variat, variasque in corpore efficit alterationes.

4 Aer temperatus nec nimis frigidus, nec nimis calidus, nec excessive humidus & siccus optimus est sanitatis conservator.

5 Sicca aeris constitutio emolumentum humidis, siccis autem damnum infert.

6 Quando borealis & siccus est autumnus, corpora multo sero abundantia minus habent periculi, catarrhosi autem & arthritici effectus tunc temporis mitius invadunt.

7 Sicuti hyems frigida & sicca sanguinem & vires corporis concentrat & colligit: sic e contra humida spiritus & vires dissipat, corpus debilitat & humores ad putredinem aptos reddit.

8 Humida hyems gravidis infausta esse solet.

9 Aer siccus semper salubris magis est humido, quia perspiratio magis promovetur & aer siccus ac subtilior ad motum vitalem magis aptus est.

Calidissimus aer in æstate morbos a frigida causa ortos sæpissimæ solvit.

11 Hyemi frigidissimæ, si ver succedit humidum ac tepidum a frigore concentrati & collecti humores in præternaturales & morbosas fermentationes adiguntur.

12 Quorum sanguinis motus est vehementior & calidior, illi bene sese habent in hyeme, qui autem motum sanguinis tordiorum habent, illis melius est in æstate.

13 Sa-

13 Salubrem aerem non facit solum coelum serenum, sed loci situs & soli natura, & hic attendendum est ad vicinos montes, ventos perflantes, flumina.

14 Aeris salubritas maximam partem dependet a ventis, adeo ut mutatis ventis subitus saepe sequatur in ægrotantibus effectus.

15 Aquilo multum Austero est præferendus.

16 In conservanda sanitate ante omnia observandum est, ut temperies sanguinis & lymphæ conservetur, hinc omnia excessiva tam alimenta, quam medicamenta fugienda, temperata autem æstimanda sunt.

17 Cum temperies sanguinis & lymphæ maximam partem deducenda sit ex primis viis, hinc digestio ventriculi probe semper curanda est.

18 Quæcunque temperiem menstrui salivæ conservant & materiam boni chyli præbent, illa optima sunt alimenta.

19 Quoniam chylus est proximum elementum sanguinis & seri nutritii, & hic nil nisi emulsio naturalis est, constans ex particulis blandis sulphureis oleosis & aqueis dulcibus; hinc alimenta quæ hæc duo chyli elementa, nimirum sulphur blandum ramosum & serum dulce roscidum continent, optima sunt.

20 Omnia indurata, salita, acida, nimis pingua, leguminosa, spirituosissima chylum minus laudabilem producant.

21 Quoniam sanguis ex particulis innumeris & ratione figuræ ac molis diversis constat, hinc varietas ciborum non adeo nociva, sed magis est laudanda.

22 Largior ciborum ingestio plus negotii facessit, quam copiosior potus.

23 Lac inter alimenta est præstantissimum, & requirit corpus purum, viscera sana & primas vias liberas.

24 Alimenta, quæ sale volatili oleoso polent, admodum sunt salubria.

25 Cibi qui facile in putrilaginem abeunt, uti sunt mel, fructus horarii, saccharata, & facile fermentescibilia magna incommoda corpori inducere solent.

26 Saccharata scorbuticis & hypochondriacis instar veneni sunt, quoniam humores corrosiviores reddunt.

27 Acidum & frigus hypochondriacis & omnibus, qui nervos habent imbecilles, admodum insensum est.

28 Acida, dulcia, spirituosissima infantibus venena sunt.

29 Lac nutricis nimis crassum, butyrosus, ad coagulationem aptum infantibus pessimum est.

30 Senes fugiant omnia acida, flatulenta, viscida, frigida, sed gaudeant cibis optimi succi.

31 Vinum generosum parca manu datum, senum lac est.

32 Alimentorum magna vis est, utpote, quæ humorum & spirituum materiam præbent, & qualia sunt alimenta, tales etiam sunt humores, mores, spiritus & inclinationes.

33 Carnes assatæ meliores semper sunt coctis.

34 Juscula ex bonæ notæ carnibus confecta plus nutriunt & stomacho minus negotii faciunt quam ipsæ carnes.

35 Bis de die edere quam semel præstat.

36 Victus est vel plenus vel tenuis, plenus constat ex carnibus durioribus, infumatis, pane, vino generoso, cerevisia crassiori ac spirituosiori.

37 Tenuis victus constat ex carnibus mollioribus, jusculis, vino rhenano & cerevisia tenui.

38 A victu pleno abstinere debent omnes, qui debiliore sunt ventriculi, ex morbis convalescentes, phthisici, hæctici.

39 Nec nimis tenuis, nec nimis crassus victus sit, sed mediocris.

40 Corpora impuriora quo magis nutritur, eo magis læsetur.

41 Duriores & concoctu difficiliores cibos præstat prius assumere, deinde cæteros.

42 Prandium semper cæna sit liberalius.

43 Tempore matutino assumpta valde alterant ventriculi fermentum, hinc stomachica hoc tempore assumpta multum faciunt.

44 In cæna liquidiora & facile resolubilia commodius assumuntur, quoniam nutritio noctu melior, resolutio autem ciborum difficilior est.

45 Medicamenta balsamica temperata inter cibos assumpta usu continuato maximam vim possident in morbis chronicis alioquin rebellibus.

46 Aqua illa optima censetur, quæ crystallina, insipida & levis est, nec facile in glaciem vertitur.

47 Ab aquæ salubritate & aeris maxima pars sanitatis nostræ dependet.

48 Aqua uti verum est menstruum macrocosmicum sic quoque microcosmicum, & quo

quo aqua est purior, salibus privata, eo melior generatur lymphæ in corpore nostro.

49 Aqua potus est naturalissimus & illis, qui ipsi assuescunt, admodum salutaris est.

50 Vinum temperatum est optimum, nec nimis acidum, nec tartareum, nec dulce, nec spirituosum.

51 Vinum generosum ac bonæ notæ parce sumptum inter stomachica, cordialia & confortantia primum obtinet locum.

52 Vinum Francicum, Hispanicum, Gallicum personis pituitosis, sanguinem viscidiorē habentibus, magis sunt convenientia; Mosellanicum autem & Nekarinum illis salubre, qui sanguinem habent subtiliorem.

53 Aquæ vitæ nimis spirituosæ tempore matutino & ventriculo vacuo existente sumptæ damnum inferunt, temperatæ autem & ipsos inter cibos haustæ, fermentationem & spirituoscentiam sanguinis & chyli blande juvant.

54 Cerevisiæ illæ laudem merentur, quæ temperatæ sunt, non facile acescunt, non caput replent & per primas vias facile transeunt.

55 Omnis potus matutinus & in sera nocte factus sanitati multum officit.

56 Potus calidi, ut infusum herbæ Thee, Veronicæ calore, tenuitate ac fluiditate sua humores viscidos resolvunt, sanguinem fluidum servant, & ejus circularem motum promovent, acrimoniam salinam abstergunt, illamque per sudorem & urinam educunt.

57 Post potum calidum in copia assumptum statim ventriculum cibis replere, & frigori se exponere, pessimum est.

58 Infusum Thee magis est temperans, Coffee magis destructivum acidi, succoladæ nutriens & nervinum.

59 Potus calidi nimia in quantitate & usu intempestivo hausti tonum ventriculi laxant & corpus infirmant.

60 Motus & vigiliæ uti excitant spiritus, sic somnus & quies illos magis ligat.

61 Æquilibrium uti in omnibus sex rebus non naturalibus sic quoque in somno, motu & quiete servandum est.

62 Somnus meridianus non omnibus nocet maxime assuetis, sed tempore æstivo magis prodest.

63 Sicuti stagnantes aquæ putrescunt sic etiam sanguis immotus manens.

64 Ignavia enervat vires, excrementorum congerie quotidie in majus crescente calor consopitus languet.

65 Vigiliæ nimis exsiccant, spiritus consumunt & vires enervant.

66 Motus fortior ante assumptos cibos melior quam post illos.

67 Somnus optimum est virium refectorium.

68 Mens tranquilla ad vitam longam optima est medicina.

69 Transpiratio, alvus libera & excretio urinæ semper procuranda est.

70 Gaudium moderatum est effectus ad vitæ prolongationem quam utilissimus.

71 Amare sanitati magis prodest quam nocet.

72 Nihil magis vitam abbreviat, quam continuus mœror ac tristitia.

73 Affectus animi æquilibrium spirituum animalium tollere solent, sic ira, nimium gaudium, amor insanus motum nimis augent, eundem autem imminuunt terror, mœror, tristitia &c.

C A P. III.

De regulis specialibus in diætâ observandis.

I.

Corpora sicca humidant labor minor quam ex consuetudine, frequens balneum, cibus plenior, multa potio & post hanc ambulatio, vigilia, & omnia genera ciborum, qui gelatinosam ac mucilaginosam substantiam continent.

2 Corpora nimis humida siccant immodica exercitatio, fames, spiritus vini, balneum siccum, sal immodicus & cibus exercitationi statim subjectus, & is ipse ex volatilibus salinis calidis particulis constans.

3 Inediam facillime sustinent mediæ ætates, minus juvenes, minime pueri & senectute confecti.

4 Qui increscit maxime eget cibo.

5 Calida lavatio & pueris & senibus apta est.

6 Vinum dilutius juvenibus, senibus meracius confert.

7 Juvenum minus, quæ assumant, interest.

8 Hyeme plus edere convenit, aut minus bibere & victu uti pleniori: æstate convenit plus bibere, quam edere & victu gaudere debili.

9 Potus tenuis magis æstate, spirituosior

fior magis hyeme convenit.

10 Verno tempore paulum cibo est demendum & adjiciendum potui, & eo anni tempore venus est tutissima.

11 Medicamentis calorem moventibus æstate non commode utendum, sed magis autumno & hyeme.

12 Per autumnum propter cœli varietatem periculum est maximum. Itaque bene se vestire tunc prodest, & bene operiri præcipue diebus frigidioribus, & cibo jam paulo pleniori uti licet, minus aut meracius bibere.

13 Æstate in totum, si fieri potest, abstinendum est a venere.

14 Venus nec nimis concupiscenda, nec nimis pertimescenda est, rara corpus excitat, frequens solvit.

15 Venus illa non inutilis, quam corporis nec languor, nec dolor sequitur.

16 Concubitus interdiu peior est, tutior noctu.

17 Quando ventriculi coctio facta est, tunc mane surgendum, quando autem nondum soluta & mane surgendi necessitas fuerit, redormiendum.

18 Habitare in ædificio lucido perflatum æstivum, hybernium solem habente: cavere solem meridianum, matutinum & vespertinum frigus: auræ stagnorum ac fluminum, minimeque nubilo se committere cœlo, & dormire in loco non humido sed temperato perflabili, optimæ sanitatis regulæ sunt.

19 Integrum & sanum corpus est, quando urina ex alboflava, deinde rufa est; illud concoquere, hoc concoxisse significat.

20 Exercitatio seu motus ad sudorem usque & lassitudinem quandam cum cibi abstinentia interdum instituenda est, ad corpus sanum servandum.

21 Nimia satietas nunquam utilis, sæpe quoque inutilis nimia abstinentia.

22 Quibus caput infirmum est, illi abstineant ab omnibus vaporosis, cepis, atque etiam suavibus odoribus.

23 Hypochondriaci, scorbutici, hystericae aerem humidum & crassum vitent, qui transpirationem prohibet; quo enim transpiratio in illis est liberior, eo status melior.

24 In omnibus inflammationibus, morbis salinis & aliis exanthematibus variis, variolis nimirum, vitandus est aer nimis calidus & etiam nimis frigidus, sed temperatus hic maxime confert.

25 Omnis animi fatigatio post cibum inutilis est & præcipue illis, qui capitis dolores habere consueverunt.

26 Gravedines & destillationes consuetæ abigi possunt aere, loco, aquisque mutatis.

27 Solis nimius ardor semper vitandus est.

28 Semper post cibum conquiescere, ac neque intendere animum, neque ambulatione quamvis leni dimovere, expedit.

29 Qui coli doloribus assueti sunt, admittant concoctu facilia, utantur cibis & potionibus calidis, balneo; denique omni modo evitent frigus, item dulcia omnia, legumina & quicquid inflare consuescit.

30 Qui stomacho frigido laborant, iis exercitium, vinum vel potus calidus optimus est, & cibus concoctu facilis.

31 Quibus nervi dolere & infirmi esse solent, vitent venerem, crudos cibos, partem, quæ affecta est, objiciant labori & frigori, nisi cum dolor increvit, sub quo quies est optima.

32 Bona ventriculi coctio omnibus vitiis & morbis occurrit.

33 Aer atmosphaericus omnibus ulceribus & vulneribus est inimicus.

34 Frigus inimicum est senibus, tenuibus, vulneribus, præcordiis, intestinis, vesicæ, auribus, coxis, scapulis, naturalibus, ossibus, dentibus, cerebro, nervis.

35 In morbida causa calida, salinas omnia aromata, calida, acria omni modo ac studio sunt evitanda.

36 Fere omnis ventus a mediterraneis regionibus veniens salubris est, a mari vero gravis est; morbi etiam peiores bono tempestatum habitu & leviores sunt & promptius finiuntur.

37 Pessimum ægro est cœlum, quod ægrum fecit.

38 Alimentorum proprietates nosse exacte Medicus debet.

39 Omnia legumina, quæ ex frumentis panificia sunt, valentissimum alimentum præbent, item omnia grandia animalia marina, ex avibus, feris quadrupedibus, domi natis, quo spectant mel, lac, caseus, salita.

40 Ad medium victum pertinent olera, bulbi, pisces, qui salem non patiuntur ex quadrupedibus, lepus, aves pene omnes.

41 Imbecillissimum alimentum præbent omne olus, & quicquid in caule nascitur, qualis est cucurbita, cucumeres, omnia poma, cochlea, conchyliæ.

42 Plus alimenti est in pane quam in ullo alio.

43 Caro suilla facillime apponitur & cedit in alimentum, sed transpiratione eget, ne excrementum fiat simul alimentum.

44 Ex potionibus, quæ ex frumento factæ sunt, item lac mulsum, vinum dulce aut vehemens, aut magnæ vetustatis vehementissimi generis sunt, est aqua omnium imbecillissima.

45 Aqua levissima pluvialis est, deinde fontana, tum ex flumine, postea ex puteo: post hæc ex nive aut glacie: gravior illa ex lacu: gravissima ex palude.

46 Quo levior eo melior est aqua, quod pondere apparet, eo celerius & calefit & frigescit, & citius ex ea legumina percoquantur.

47 Alimentum quo est valentius, eo minus facile concoquitur, sed si concoctum est, plus alit & contra.

48 Hominibus, qui sunt imbecillis naturæ, qui morbo adhuc laborant, vel ex morbo evaserunt alimentis infirmis parum alimenti habentibus opus est: Mediocriter firmi mediam materiam optime sustinent: Robustis, robustiora & magis substantifica apta sunt.

49 Juscula sic dicta confortantia, substantifica, pingua febricitantibus, & aliis ægrotantibus valde obesse solent.

50 Gravidæ exactissime sex rerum non naturalium observent usum, & vitent omnes motus animi & corporis fortiores, & quæcunque turbas in sanguine & liquore animali excitare, utrumque irritare possunt.

51 Acida, spirituosæ, alvum obstruentia, chylicationi resistentia, gravidis & puerperis inimica sunt.

52 Puerperæ primis a partu diebus victu utantur tenuissimo, & fugiant omnia frigida, acida, fermentescibilia, motus graviores tam animi quam corporis: transpiratio in iis sit libera, & diæta prorsus sit ex-carnis.

53 Nutrices omni sedulitate caveant ab acidis, spirituosis, acribus & animi pathematibus: hæc enim luctuosam plerumque exhibere consuecunt *καταστροφήν* in ipsis infantibus, quotidiana experientia id attestante.

54 Infans in lucem editus oleo amygdalarum dulci, & syrupo rhabarbari primum purgandus, & semper id agendum est, ut
Hoff. Opusc. varii argum.

alvus correspondeat, & lactis coagulatio inhibeatur, quo faciunt terrea, absorbentia, carminativa, sale volatili oleoso imbuta.

55 Plurimi infantes ex copia lactis morbos lethales sibi contrahunt.

56 Lenia emetica infantiles morbos plures avertunt.

57 Medicamenta magis nutricibus propinanda, quam ipsis infantibus, & hæc exacte vitæ regimen teneant.

58 Infantes sæpius sumant alimentum sed paucum, & videndum semper ut transpiratio sit libera.

59 Pueris subtrahenda sunt spirituosæ, mellita, lacticia, saccharata, omniaque muscarum sordibus & ovis conspurcata, quippe quæ lumbricos fovent & gignunt.

60 Adolescentibus & juvenibus conveniunt lenes corporis motus, saltatio, exercitia moderate adhibita: nocent ipsis & illorum ingeniis ceu pestis ebrietas, venus & creber purgantium usus.

61 Virili in ætate qui sunt, in sex rerum non naturalium usu mediocritatis terminos observent, & interdum utantur infusis purgantibus, potu calido Thee, Coffee, balneis & sudoriferis.

62 Senili ætati sacra sunt omnia confortantia, humidum radicale conservantia, succolada, juscula alimentosa, stomachica, salia volatilia oleosa, ambrata; Nocent ipsis purgantia aloetica, ebrietas, venus & cibi concoctu minus faciles.

63 Fumus Nicotianæ magis ad medicinam, quam ad delectationem est admit-tendus.

64 Personis pituitosis cælo nubiloso in regionibus septentrionalibus aere existente gravi, & humido, ejus usus non prorsus dissuadendus est; nocet autem siccis, senibus, juvenibus & qui nervos habent imbecilles.



THERAPEUTICES.

C A P U T I.

De Methodo medendi regulis generalibus.

I.

Methodus medendi est vel generalis, vel specialis. Generalis addisci potest certis regulis; singularis seu specialis autem

non, & est nihil aliud quam iudicium Medici.

2 Ratio & consilium, uti propriæ Imperatori seu Duci sunt artes, ita & Medico.

3 Uti JCtus sine lege erubescere debet: sic & Medicus sine experientia.

4 Duo fulcra methodi medendi sunt; *Ratio* nempe & *Experientia*; Unum sine altero claudicat & vacillat.

5 Fallacia causæ ut causæ in nulla disciplina magis, quam in medicina committitur.

6 Ad experientiam medicam requiritur, (α) accurata omnium circumstantiarum exploratio, (β) medicamenti applicatio, cuius præparatio mihi nota sit: (γ) Eventus est annotandus post medicamenti applicationem, non semel; sed pluribus vicibus.

7 Medicus intendere debet, ut cito, tuto, jucunde & compendiose curet.

8 Medica praxis melius docetur per casus & exempla, quam per capita morborum & medicamentorum.

9 Curationum animæ sunt temporum opportunitates.

10 Omnia secundum rationem facienti si non succedat secundum rationem, non transgredendum citra rationem.

11 Videndum, ne tantum ex una parte noceamus, quantum profumus ex altera.

12 Quo natura vergit, eo ducenda, contra eam nunquam aliquid agendum.

13 Deliberandum diu, quod statuendum semel est.

14 Quod non curavit ratio, sæpe curavit temeritas.

15 Nec nimis temere, nec nimis timide.

16 Non omnis periculosa curatio exitialis est.

17 Nihil æque sanitatem impedit, quam remediorum crebra mutatio.

18 Multa experiundo fiunt, quæ segnis ardua esse videntur.

19 Quæ ducere oportet quo maxime natura vergit, eo sunt ducenda.

20 Ab omni arte aliena quidem res est dilatio maxime in medicina, in qua dilatio vitæ periculum parit, quare auxiliari non differas.

21 Temporibus medicina data juvat, sero medicina paratur.

22 Notandum nullum esse remedii genus, quod eandem habet vim in singulis, unde nisi in omnibus remediis rite vis observetur & subjectum patiens cum objecto agente

conferatur, non obtinebis semper optatum finem.

23 Est prudentiæ granum, ad medicinas fortes non devenire, si debiles suffecerint.

24 Virium constantia ad omnem evacuationem requiritur.

25 Medicorum discordia sanitati ægrorum officit.

26 Tutius est nisi fideli & bono medico se committere, quam plurimis.

27 Medicamentorum tam Chymicorum, quam Galenicorum maxima semper est necessitas.

28 Medicamenta temperata naturæ sunt grata & amica, nec facile nocent; quæ autem excessivis qualitatibus sunt prædita majori cautione egent in applicatione.

19 In medendo gradus teneri oportet, sensim ab imbecillioribus ad potentiora ascendendo.

30 Notabile est, qua methodo currente anno certo morbo laborantes plures liberaveris, eadem ipso anno vertente forsan e medio tolles.

31 Simpliciora medicamina sæpiuscule compositis præferenda sunt.

32 Medicus in omni morbo respicere præcipue debet, (α) ad naturam & constitutionem ægri, (σ) ad temperiem & motum spirituum animalium & sanguinis, denique primarum viarum constitutionem bene nosse debet.

33 Quoniam Medicus naturæ est minister, & natura optima morborum medicatrix; hinc semper ad operationem & scopum naturæ attendere, illumque magis promovere quam turbare debet.

34 Omnis curationis cardo vertitur in inventionem medicamenti, ejusque applicatione; In utroque nosse Medicus debet exacte (1) morbi causam, conditiones & statum, (2) medicamentorum proprietates & agendi modum, (3) naturam indicantium, permittentium, contraindicantium, & omnium circumstantiarum rationem compertam ac cognitam habere debet.

35 Paucis utatur Medicus remediis, illis tamen selectis & optimis, & magis simplicibus quam compositis, ac propria experientia per dispensationem ipsi notis.

36 In medicamentorum delectu semper videndum, non quid possit præscribi, sed quid debeat.

37 Crebra medicamentorum mutatio ignorantiam medici arguit, & ægro perniciem inducit.

38 Non

38 Non continuo medicamentorum usu fatigandi sunt ægri, utpote quæ semper alterent, & tonum ventriculi & digestionem destruunt.

39 Plures ad sanitatem redire non potuerunt propter copiam medicamentorum.

40 Quotiescunque effectum singularem tam æger quam Medicus a medicamentis percipit, toties illis medicamentis insistentum est, nec facile illorum mutatio suadenda.

41 Applicatio medicamentorum verum est arcanum Medici.

42 Qui panaceas & medicinas universales crepant, plerumque indocti vel deceptores sunt.

43 Medicamenta dantur polychresta, quæ plurium morborum indicationi satisfaciunt, non autem universalia, quæ omnes curant morbos.

44 Medicamina sapientibus priscis *ἰατρικὰ* appellata fuere, ut hominibus inculcarent, ea summa cum reverentia & cautissime esse adhibenda.

45 Medicamenta præstantissima, in manu imperiti sunt uti gladius in dextra furiosi.

46 Remedium quod uni sæpe subjecto imo multis mirifice profuit, alteri non rite & circumspecte exhibitum, maxime obfuit.

47 Præcipuum in medendo est iudicium medici, quod potissimum versatur in applicatione medicamentorum & hæc est vera medendi methodus, quæ ex libris non adiscitur, sed per experientiam & prudentiam acquiritur.

48 Fortuna in medico est perspicua cognitio causarum morbificarum & remediorum, illaque applicandi iudicium: atque ita suarum rerum peritus medicus sibi ipsi fortunam fabricare potest.

49 Non negandum, cœlestem quandam vim nonnunquam intercedere in curationibus, ut quicquid etiam, quanquam ex arte, moliatur medicus, felici tamen careat successu.

C A P. II.

De medicamentorum elementis illorumque modo agendi & operandi.

I.

Medicus vim, efficaciam ac vires medicamentorum, illorumque modum

operandi perspicue cognoscere & sollicite inquirere debet.

2 Quoniam medicamina non ratione activitatis suæ, sed receptivitatis operationes in corpore nostro exerunt; hinc medicus non semper de medicamentorum effectū certus esse potest.

3 Activum quoddam principium ipsis remediis inest, at illud ratione effectus impediri, suspendi, immutari pro diversitate subjectorum, observationes passim loquuntur.

4 Uti totius naturæ, sic quoque medicamentorum, elementa & principia mechanica sunt, & uti omnes naturæ operationes mechanismo absolvuntur; sic quoque medicamentorum operationes optime ex mechanicis rationibus explicantur.

5 Medicamentorum naturam & proprietates qui nosse vult, materiæ affectiones & motuum leges ex mechanicis cognoscere & bonus physicus esse debet; secundo, chymico igne illorum elementa varie eruere, illaque transmutare debet; tertio, variis mixtionibus, experimentis naturam illorum ac indolem explorare, & per accuratam experientiam illorum vires perspectas habere debet.

6 Operatio medicamentorum mere est mechanica & ex magnitudine, figura & motuum legibus optime explicari potest.

7 Sicuti motus diversitas, quod major vel minor, tardior & celerior sit, non dependet a corporis insita potentia movendi, sed potissimum a resistantia alterius corporis majoris vel minoris; eodem modo motus ille, quem medicamenta partibus corporis fluidis communicare debent, non dependent ex efficacia medicamenti insita, sed pro varietate humorum varie ille determinatur.

8 Familiare in praxi est, remedia vim suam sæpius amittere ac retinere novamque acquirere pro morbi natura & motu, varietate eorum, quibus exhibentur, conditione.

9 Sæpius medicamentum, quod uni subjecto prodest, alteri infensum est, & contrarios producit effectus.

10 Falluntur, qui, certam ac infallibilem vim contra morbum medicamento inesse, firmiter sibi persuadent.

11 Applicare prudenter medicamenta pro varia ægrorum constitutione & morbi conditione, boni medici est.

12 Medicamentorum operandi ratio ex primis qualitatibus, quatuor elementis inædificatis non bene derivatur.

13 Fons operandi ac indoles medicamentorum optime detegitur ex diversa textura particularum, ratione figuræ, magnitudinis & motus variarum.

14 Textura harum particularum optime cognoscitur partim microscopiis, chymico igne, partim variorum liquorum connubio & inde phænomenorum resultantium attenta consideratione.

15 Securissimus modus est a posteriori & ab ipsa experientia & observationibus desumere medicamentorum vires.

16 Optime medicamenti effectus exploratur, si seorsim, nec aliis mixtum in usum trahatur, & quidem per certum ac longum tempus & idem medicamentum simili in casu iisdem correspondentibus circumstantiis non semel, sed crebrius in usum ducatur.

17 Medicamentorum vires sæpius qualitatibus sensibus manifestis, nimirum acido, sale volatili deducuntur, sæpe occultis sic dictis, id est, ex certa modificatione particularum resultantibus, seu secundum *Galenum* tota substantia agunt.

18 Ignis non est genuinus corporum analysta, sic, quæ ope Vulcani ex medicamentis eliciuntur, non pro veris medicamentorum principiis actu inexistentibus habenda sunt.

19 Uti cuiusvis concreti forma, virtus & qualitas mechanice ex certa particularum magnitudine, figura & situ emanat; qua textura mutato, extemplo alia oritur virtus & efficacia: sic quoque eodem modo virtus medicamentorum ex particularum constructione proficiscitur, qua mutata perit virtus medicamenti.

20 Valde illi decipiuntur, qui simplicium vires textura per ignem destructa, in qua residet vis medicamenti, quærunt illorum activitatem in spiritibus, oleis, salibus volatilibus.

21 Simplicia sæpe plus præstant suis præparatis Essentiis, Elixiriis, salibus ex illis paratis.

22 Efficacia medicamentorum per principium sensibus obvium non semper demonstrari potest.

23 Præstat ex manifestioribus & in sensus magis incurrentibus principiis, si haberi pos-

sunt, v. gr. ex fermentatione, acido, alcali, sulphure effectus particulares medicamentorum deducere, quam ex atomisticis primis, quæ magis theoretica quam practica sunt.

24 Quemadmodum omnis morbus in partibus corporis fluidis, quæ vel quantitate, vel qualitate, vel motu delinquant, radicatur; sic quoque medicamenta illarum partium, vel quantitatem, vel qualitatem, vel motum respicere debent.

25 Quantitas aucta exigit depletionem seu evacuationem, imminuta repletionem.

26 Evacuant humores: sed evacuantia sunt V. S. vomitoria, purgantia, sudorifera, diuretica, salivantia, sternutatoria.

27 Restituunt humores imminutos sanguinis transfusio, victus laudabilis & usus ciborum nutrientium, plethoram inferentium, quies.

28 Qualitatem sive temperiem humorum respicientia dicuntur alterantia seu temperantia, quatenus intemperies humorum corrigunt, excessivas temperant & temperiem fluoribus restituunt.

29 Sicuti autem humores corporis nostri ex particulis variis ratione figuræ & magnitudinis, nimirum subtilibus, fixioribus, sulphureis, acidis, alcalinis, volatilibus, terreis, mucilaginosi, aqueis constant: sic medicamenta horum principiorum excessivam qualitatem & prædominium imminuere, corrigere & alterare debent, & hinc alterantia varia exsurgunt.

30 Alterantia sunt, (1) salina volatilia, alcalica, (2) salina alcalica fixa, (3) spiritiosa seu sulphurea volatilia & sale volatili oleoso dotata, (4) sulphurea fixa seu resinosa dicta balsamica, (5) acida volatilia, (6) acida fixa, (7) emollientia mucilaginosa particulis ramosis oleosis imbuta, (8) aquea diluentia, (9) salina mediæ naturæ, (10) corrosivo sale acri prædita, (11) terrea fixa, (12) vaporosa. Ad has classes omnia medicamenta alterantia manifesto principio agentia deduci possunt.

31 Reliqua alterantia, quæ occulto quodam principio agunt ex mechanica quadam particularum constructione, dicuntur *Specificæ*.

32 *Specificæ* medicamenta sunt duplicia, vel quæ certæ parti corporis conveniunt & amica sunt, vel quæ certæ morbificæ cau-

sæ opposita sunt, sicque certum morbum curant.

33 Quod medicamentum uni corporis parti magis conveniat quam alteri, id dependet a diversa partium solidarum configuratione, quoad ipsos poros, texturam ac stamina, e quibus contextæ sunt, & a varia particularum medicamenti constructione partium solidarum poris correspondente.

34 Et uti dantur medicamenta certæ parti amica, sic quoque dantur, quæ certæ parti sunt inimica.

35 Dantur medicamenta acida, volatilia, vaporosa, *Anodyna* dicta, quæ, licet manifestis qualitatibus gaudeant, propter structuram tamen, qua inter se differunt, specificum in morbis habent effectum.

36 *Specificæ*, quæ certe parti affectæ saltem opitulentur, in reliquis autem nihil valeant, dari, absurdum est.

37 Medicamenta motum humorum moderantia sunt vel motum celerem efficientia, vel nimis celerem ac inordinatum sistentia ac componentia.

38 Motum humorum celerem naturalem restituunt omnia sic dicta cordialia, confortantia, spiritiosa, elasticas, æthereas, subtiles & amicas particulas spiritibus animalibus & sanguini suppeditantia, deinde omnia deobstruentia, quo spectant præter antea dicta evacuantia & alterantia, præcipue gummata & resinosa, martialia, antimonialia & mercurialia, quæ omnia potentissima sunt.

39 Motum impetuosum & celerem sistentia sunt præter acida nitrosa, alterantia, ipsa anodyna, quæ blanda sulphurea *ἀναδυσιαστέα* quodammodo celerem istum motum sistunt, & ipsa adstringentia.

40 Quodvis medicamentum evacuans, alterans & motum in æquilibrio servans pro diversitate causæ morbificæ & intemperiei corrigendæ potest esse *cephalicum*, *stomachicum*, *uterinum*, *pectorale*, *bezoardicum*, *hepaticum*.

41 *Cephalica* dicuntur illa, (α) quæ poros obstructos cerebri & nervorum referant, (β) quæ materiam spiritibus animalibus suppeditant, qualia sunt omnia sale volatili oleoso blando & resinoso principio fœta, ut sunt rosmarinus, lavendula, majorana, origanum &c., (γ) cephalica dicuntur illa, quæ spirituum animalium motum nimis celerem quadantenus compescunt, qualia sunt, quæ paregoricis, sulphureis, blandis, vaporosis

constant, v. gr. flores tiliæ, liliorum convallium, primulæ veris, pæoniæ, sambucimoschus, zibethum, ambra, nucifera, camphora &c.

42 Omnia cephalica sunt simul *nervina*, *uterina*, *antispasmodica* & contra.

43 *Pectoralia* dicuntur illa, quæ materiam acrem substantiæ pulmonum infensam demulcent ac leniunt, vesiculas membranaceas pulmonales consolidant & humores viscidos incidunt, ut sunt omnia emollientia, mucilaginosæ, humectantia, vulneraria.

44 *Stomachica* medicamenta respiciunt vel fermentum ventriculi vel calorem vel robur.

45 Acida volatilia, & salina incidentia fermentum ventriculi, aromatica & spiritiosa calorem, leniter adstringentia tonum ventriculi restituunt.

46 Alexipharmaca ac bezoardica dicuntur illa, quæ mixturam sanguinis turbatam & destructam restituunt, & vinculum feri ac sanguinis conservant, uti sunt Theriacalia, pulveres bezoardici.

C A P U T III.

De Evacuantibus, illorum usu & abusu.

I.

Sanguinis missio generosum est remedium, & uti multis utile, sic quoque ejus usus multis damnosus existit.

2 Quando vires debiles sunt, nullaque sanguinis & humorum adest abundantia, primæ viæ humoribus excrementitiis obsessæ, appetitus emortuus, dejectionum copia, tempore hyemali, in morbis frigidis & diuturnis V. Sonis usus damnosissimus est.

3 Quando sanguis abundat, & majus spatium affectat, & ordinariæ ejus evacuationes sunt suppressæ, si vires præsentis sunt, & atrocissimus dolor ad partem dolentem affluxus, V. S. sacra est anchora.

4 In regionibus calidis facilius ferunt Venæsectionem quam in frigidis.

5 Testatur experientia, sæpe unica venæsectione conquiescere morbum.

6 Nihil magis indicat V. S. nem quam dolor & plethora.

7 Præter finem venæsectionis evacuatorium datur etiam derivatorium, quia ad venam

nam apertam sanguis ἀπορρεῖ ruit.

8 Fluxus sanguinis nimius in partibus superioribus curatur per venæsectionem in partibus inferioribus institutam & contra.

9 Prima venæsectio a morte & magno morbo liberare potest, si a plethora morbus provenit.

10 Post *V. S.* pulsus semper est major, coctio autem debilior.

11 Abusus *V. S.* disponit ad cachexiam, hydropem, malum hypochondriacum, & febres intermittentes reddit pertinaciores.

12 Non tantum sanguis subtilis & fluidus per venæsectionem exit, verum etiam crassus, dempta enim ejus parte reliquus facilius medicamentis alterari potest.

13 *V. S.* consueta intermissa non raro magnos produxit morbos.

14 *Arteriotomia* carere possumus in medicina & hujus loco substituenda est sectio venarum minutissimarum.

15 *Cucurbitule* venæsectionis vicariæ esse possunt in serosis, pinguibus, catarrhosis personis, & ubi dolor & obstructio profunda adest, apprime utiles.

16 Ubi nervi obruti sunt copia tenacium viscidorum humorum, locum habere *cucurbitule* possunt, & non solum evacuant, verum etiam rarefactionem inducunt & motum debitum humoribus & sanguini conciliant.

17 Membra gangræna affecta scarificatione felici cum effectu sæpius tractantur.

18 *Purgantia* agunt sale quodam sulphureo acri stimulante irritante & spasmodice contrahente ac convellente fibras ac glandulas intestinales.

19 Quo sal illud acre differt ratione acridinis & corrosivitatis, purgantia ratione effectus differunt, & sunt vel leniora vel fortiora; leniora sunt folia sennæ, rhabarbarum, cassia, tamarindi, manna, polypodium, loes varia genera, mechoacanna, mirobalanorum species, centaurium minus; & hæc dicuntur quoque laxantia: fortiora sunt radix jalappæ, scammonium, esula, colocynthis, helleborus niger & albus, gumi guttæ & ex illis varia præparata ac composita.

20 *Purgantia* propter sal illud acre causticum simul alterantia sunt, dum incidunt, attenuant ac colliquant viscidos crassos humores in intestinis hærentes.

21 *A purgantibus* non tantum contenta in-

testinorum, verum etiam glandularum intestinalium, pancreatici & biliosi humores educuntur.

22 Non dantur juxta veteres purgantia specifica, quæ nempe certum humorem occulta qualitate attrahunt & evacuant.

23 Dantur tamen *purgantia*, quæ huic vel illi humori educendo magis vel minus conveniunt; Sic *rhabarbarum*, *tamarindi* optime bilem, *gummata*, *manna*, *folia sennæ*, *polypodium* acidos humores, *radix hellebori* glutinosos & viscidos humores, *Mechoacanna* & *jalappæ* serosos expurgant, quatenus simul alterantem virtutem possident.

24 Acidi & viscidi humores difficilius purgantur, hinc opus est, prius præmittere alterantia & corrigentia, & hæc dicuntur *Digestiva*.

25 *Purgantia fortiora* in morbis, ubi massæ sanguineæ mixtura, spirituum crasis ac vires deficiunt & ubi humidum deficit, pulsus debilis est & bilis acris ac tenuis, quique ventriculum debilem habent, nunquam danda sunt.

26 Præstat *purgantia fortiora* semper refracta in dosi dare additis salibus incidentibus, abstersivis & carminativis, quæ purgantium optima incentiva & corrigentia sunt.

27 Intempestivo purgantium usu plures in cachexiam, hæcticam, phthisin coniecti sunt.

28 Ante *purgantium fortiorum* usum semper prius tollendæ obstructions glandularum & vasculorum minimorum sunt, quoniam purgantia constrictione sua spasmodica magis obstructions firman.

29 Quævis copiosior ac vehementior *purgatio* plus nocet, quam prodest & præstat per epicrisin, & educere peccantes humores, quam simul & semel.

30 In *purgatione*, quæ ad morborum præservationem fit, tempus anni & lunæ phases attendendæ sunt, imminente enim plenilunio magis in corpore augentur humores & tumores.

31 Pessime illi faciunt, qui, quando fortius purgans non operatur, alterum fortius superingerunt, & sic ad purgationem naturam cogere volunt.

32 Melancholici, hypochondriaci, quartanarii propter copiosum acidum in primis viis contentum & purgantium vim enervans, difficillime purgantur.

33 Aloetica, rhabarbarina optima sunt purgantium, non tantum blande educunt, verum etiam acidum corrigunt & bilem balsamicam reddunt: possunt optime dari cum cibis.

34 Foliorum fennæ, & rhabarbari virtus magis per infusionem quam coctionem extrahitur.

35 Aloetica melius operantur in humidis & pinguibus, quam in siccis personis, & hoc habent incommodi, quod alvum siccent per aliquot dies & facile hæmorrhoides aperiant.

36 Mercurius dulcis convenienti dosi & caute adhibitus egregium est purgans, nec alvum adstrictam reddit post operationem; potest assumi in pilulis, quo modo in obstructionibus referendis ac in tenacibus viscidis humoribus colliquandis efficacissimus est.

37 Mercurius dulcis cum salibus intime mixtus deleteriam rursus induit naturam, & fortes purgationes ac salivationes excitare solet.

38 Circa solstitia, æquinoctia & diebus canicularibus non suadendæ purgationes sunt.

39 In paroxysmis omnium morborum non facile admittendæ purgationes sunt, sed potius extra illos.

40 Eleganti stratagemate purgantibus immisceri possunt aperientia, præcipitantia, diaphoretica, etiam opiata summo cum effectu in variis morbis.

41 Post purgationem semper magis convenit motus quam quies, & abstinencia a cibis.

42 Aer & potus frigidus post purgans assumptum ceu venenum vitandus est.

43 Vomitoria agunt irritando ac spasmodice contrahendo pylorum & tunicas ventriculi ac œsophagi sale quodam sulphureo volatili acri.

44 Differunt emetica & purgantia gradu, & diversitate acrimoniæ salino-sulphureæ irritantis, volatilioris vel fixioris, hinc vomitorium facile purgans fieri potest, & purgans per superiora evacuare.

45 Purgantia recentia particulis suis volatilibus adhuc instructa facile excitant vomitum.

46 In quartanariis, hydropicis, melancholicis raro operantur emetica, ob sal acre volatile medicamenti enervatum ab humoribus acidis in ventriculo stabulantibus.

47 Ex vomitoriis securissima & selectissima sunt *Tartarus emeticus* & *mercurius vitæ* rite correctus ac edulcoratus, sulphur antimonii correctum & sal vitrioli.

48 Vomitoria magis in forma liquida & felicius dosi refracta exhibenda sunt, nec unquam natura cogenda ad vomitum est.

49 Vomitoria, licet non operentur, nihil nocent, sed lenes ac utiles sæpe instituunt salivationes ac purgationes.

50 Indicant vomitorium nausea, os amicans, præcordiorum dolor, sputum copiosum, labiorum tremor & stagnatio humorum biliosorum viscidorum in ipsis præcordiis.

51 Contraindicant vomitorium habitus corporis obesior, lipothymia familiaris, inflammatio ventriculi, pulmonum læsio, prolapsus uteri & intestinorum, virium dejectio, systema nervosum debile & difficultas vomendi, imprægnatio.

52 Æstate magis emetica, hyeme magis purgantia prosunt.

53 Præstat non tantum ab assumpto vomitorio subinde repetere vehiculum debitum & pingue, sed etiam quando ipsum operatur per vices eundem adjuvare.

54 Ut in purgantibus, sic quoque in vomitoriis motus & calor convenit.

55 Præservatio a morbis omnibus contagiosis optime fit vomitu.

56 In principio hæctices & phthiſeos, ubi malum adhuc latitat in primis viis, in morbis ventriculi a saburra viscidorum humorum ortis, colica pertinaci, cardialgia, obstructione ductuum biliariorum, asthma stomachali, intermittentium contumacia, affectibus soporosis, vomitoria præsentissimam opem ferunt.

57 Vomitoria etiam die paroxysmi febrilis non nocent.

58 Ad præſervationem doloris arthritici, podagrici, colici, nephritici, & mali epileptici magna cum fructu sæpe data fuerunt vomitoria.

59 Infantiles plures morbi optime curantur vomitu.

60 Vomitoria cum diaphoreticis exhibitæ in obstructionibus morborum gravioribus efficacissima sunt.

C A P. I V.

*De sudoriferis, diureticis, salivantibus,
& aliis evacuantibus, illorum modo
agendi, usu, & abusu.*

I.

Sudorifera agunt motum & circulum sanguinis promovendo, dum sale oleoso volatili vel alcalinis fixis particulis, vel acidis sulphureis volatilibus humores viscidos incidunt, acidos destruant & particulas elasticas, æthereas, impulsuque mitiorem cordis & arteriis conciliant.

2 Sunt vel volatilia, vel medii generis, vel fixa.

3 Volatilia sunt spiritus urinosi volatiles, & omnia salia volatilia ex animali regno petita, spiritus tartari, fuliginis volatilis, tinctura antimonii vel sulphuris volatilis, tinctura coralliorum cum spiritu lignorum vel tartari parata, sal volatile eboris succinatum, & omnes radices sic dictæ alexipharmacæ, sale volatili oleoso imbutæ, camphora, ex sambuco parata.

4 Medii generis sudorifera sunt omnia theriacalia, theriaca cœlestis, de citro, diascordium *Fracastorii*, *Sylvii*, & acido sulphureo, volatili principio fœta, uti sunt mixtura simplex, tinctura bezoardica, acetum theriacale, aqua prophylactica, sal volatile eboris, viperarum cum acido tartari fixatum, spiritus salis ammoniaci cum aceto destillato, lignosa, illorum decocta, essentia, flores sulphuris, lac sulphuris &c.

5 Sudorifera fixiora sunt omnia terrea, usta alcalina, v. g. antimonium diaphoreticum, ejus cerussa, C. C. ustum, magisterium antimonii diaphoretici seu materia perlata, lapides cancrorum, conchæ præparatæ.

6 Fixiora secundi generis sunt salina fixa, v. g. vegetabilium salia fixa, nitrum antimoniatum, lapides prunellæ, arcanum duplicatum; huc spectant etiam amara sale fixo copioso imbuta, uti sunt absynthium, carduus benedictus, scordium &c.

7 Sudorifera, quæ copiosius oleum foveant volatilem per destillationem eliciendum, magis calida sunt, & majorem corpori calorem conciliant, quam quæ ex sale volatili deprompta sunt.

8 Una guttula olei destillati plus calefa-

cit, quam decem grana salis volatilis.

9 Agunt sudorifera vel positive vel private: positive, quæ particulis volatilibus spirituosis motum conciliant celeriores: private, quæ impedimenta sanguinis motum retardantia remonent, qualia sunt omnia fixa alcalina acidum destruentia.

10 Opiata, anodyna & theriacalia, quæ præcipue propter opium agunt, sudorem sæpe largissimum movent, dum vascula subcutanea nervea, illorumque poros vel a doloribus, vel a furibundo spirituum animalium motu, vel alia spasmodica contractione nimis constrictos ac crispatos iterum laxant.

11 Diaphoretica & sudorifera differunt tantum gradu, & leniora sudorifera dicuntur diaphoretica.

12 Sudorifera, sunt quasi evacuantia universalialia, & optima medicamenta habent locum in omni stagnatione sanguinis & lymphæ, in principio inflammationum, in tumoribus, febribus intermittentibus, malignis, peste, morbis frigidis ab obstructione enatis, sanguinis circulo debili, nervis pituita obsessis, catarrhalibus defluxionibus.

13 Sudorifera volatilia & calidia caute in nimis sanguinis ebullitionibus, hæctica, febribus ardentibus, doloribus gravioribus, & quando propter minutissima vascula obstructa sanguinis circulus impeditur, ac serum deficit: vel quando primæ viæ crassis viscidis acidis humoribus obsessæ sunt, tunc enim calorem, ardorem, dolorem, vigiliam augere, hæmorrhagias excitare, imo paralyfin & apoplexiam inducere possunt.

14 Semper diaphoreticis præmittenda sunt primas vias evacuantia, & a saburra humorum vitiosorum illas deplentia.

15 Nunquam cogendus æger est ad sudorem, & præstat nullum, quam coactum prodire sudorem.

16 Calor externus & balnea sudoriferorum vim augment poros dilatando & humores fundendo.

17 Balnea Laconica cum spiritu vini instituta in morbis frigidis ab humoribus pituitosis viscidis ortis egregiam præstant operam.

18 Diaphoretica ante paroxysmos febrium intermittentium exhibita illos sensibilibus levant.

19 Diaphoretica omnia sunt simul alterantia, & simul incidendo ac corrigendo vitiosos humores operationes egregias efficiunt: hinc non semper sine sudorem expellendi, sed

sed sæpissime sine alterandi exhibentur, nulum impetrando post illorum usum sudorem: præterea nullum medicamentum magis sanguinis mixturam restituit quam *diaphoreticum*.

20 *Diaphoretica* opiatorum optima sunt correctiva.

21 *Diuretica* agunt vel fundendo sanguinem, crassosque humores & circulationem eorum promovendo; talia sunt salia omnia fixa, terrea, alcalina, nitrosa, potus calidi, Thee, Coffee, vina, acidula varii generis, serum lactis; vel præcipitando seu particularum serosarum a sanguineis secesum faciendo; talia sunt spiritus salis, tinctura aperitiva *Mæbii*, spiritus mineralium dulces: vel poros ac canaliculos renum minutissimos aperiendo, & renum glandulas stimulando; talia sunt omnia subtilissimo sulphureo oleo imbuta, juniperina, terebinthinacea, succinata, asparagus, petroselinum, seleri, oleum cardamomi, cubearum, anisi.

22 Omnia calcinata ex marinis vel lapidibus egregie stimulant urinam, quatenus textura alcalina & particulis æthereis copiosis, in calcinatorum poris latentibus crassos viscidos humores fundunt, acidum destruunt & canaliculos renum stimulant; quo spectant etiam animalia sale volatili caustico prædita, uti sunt millepedes, vermes majales, cantharides &c.

23 Omnia *diuretica* simul sunt alterantia & crassis viscidis humoribus dicata.

24 *Diuretica* primis viis prius a sordibus purgatis, ventriculo jejuno existente, optime dantur in morbis frigidis, obstructionibus viscerum, malo hypochondriaco, tumoribus, hydrope, catarrhis regionem lumbarem occupantibus.

25 *Diuretica* optime præservant a calculo, sed fortiora in ipso calculi paroxysmo cautiissime sunt exhibenda.

26 In inflammationibus renum & aliorum viscerum, hæctica, phthisi, ferique defectu cautiissime *diuretica* sunt danda maxime fortiora.

27 *Apophlegmatizantia* dicuntur, quæ sale quodam volatili plus minus acri glandulas palati & faucium stimulant, stimulando constringunt, pituitam viscidam colliquant & expurgant, uti sunt radices pyætri, angelicæ, mastiches, nicotiana, cubebæ, semen sinapi, myrrha &c.

28 Profunt in gustus defectu, in humori-

Hoff. Opusc. varii argum.

bus viscidis capitis partes occupantibus, catarrhis, glandulis faucium obstructis & ad præservationem in omni contagio.

29 Quoniam omne miasma salivæ sese associat, & cum ipsa saliva ad ventriculum defertur, hinc quæ salivæ fluxum excitant, & mukum in fauce hærentem resolvunt, & ad expurgationem stimulant, optima sunt *Præservativa*.

30 *Errhina* tam sicca quam liquida agunt eodem modo ac apophlegmatizantia, & *sternutatoria* sunt *errhina* fortiora.

31 Omnia purgantia sternutatoria sunt, idem enim modus operandi purgantium & illorum, quæ sternutationem movent.

32 Omnes herbæ cephalicæ sale volatili oleoso & acri foetæ, ut & omnia salia volatilia, vel in forma sicca vel liquida, pituitam e naribus educunt.

33 *Errhina* magis commendanda sunt ipsis *sternutatoriis*.

34 Nocent *sternutatoria* primis viis non evacuatis vel obstructis, in lethargo, apoplexia, cæcitate, omnibus hæmorrhagiis, hæmoptysi, fracturis, luxationibus costarum, procedentia uteri, gravidis, phthisicis.

35 Profunt *sternutatoria* in obstructione cerebri & narium, in declinatione coryzæ, dolore gravativo capitis.

36 Notabile est, angulo oculi compresso *sternutationem* impediri.

37 *Expectorantia* dicuntur illa, quæ sale quodam tenui volatili oleoso glandulas ac tunicas bronchiorum irritant, ad excretionem stimulant, & lympham crassam attenuant.

38 *Expectorantia* optima sunt sperma ceti, oleum amygdalarum dulcium, syrupus violarum, looch pulmonum vulpis, ex enula, liquiritia, cærefolio, gummi ammoniaco parata, syrupus nicotianæ, de erysimo &c.

39 *Expectorantia* magnam habent efficaciam in tussi humida, asthmate, catarrho suffocativo, raucedine, phthisi, pleuritide &c.

40 *Salivationem* instituunt universalem mercurialia tam interne, quam externe per fustigmia adhibita.

41 Operantur *mercurialia* dum sale suo minerali æthereo penetrantissimo viscidos humores incidunt & colliquant; deinde quoniam mercurius ratione texturæ suæ alcalinæ cum acidis spiculis in humoribus ober-

rantibus facile conjungitur, corrosivam causticam acquirit vim, qua mollissimas glandulas salivales & faucium cum illarum vasculis fortiter irritat, stimulat, constringit & sæpe ulcuscula in illis parit.

42 *Salivantia* heroica sunt remedia & non nisi aliis medicamentis nihil efficientibus, cautissime tamen, adhibenda.

43 In morbo Gallico, scorbuto frigido, desperato, morbis chronicis a viscidis humoribus nervos obsidentibus ortis, ulceribus caethicis, *salivatio mercurialis* sæpe sacra est anchora.

44 Ante *salivationem mercurialem* primæ viæ probe purgandæ, humores corrosivi corrigendi, & pori sudoriferi aperti servandi, alias humores, qui per urinam & sudorem evacuare consueverunt, alliciuntur, & exulcerationes oris, gingivarum erosiones, anginam, deglutitionem difficilem efficiunt.

45 Frigida & omnia acida post *inunctionem mercurialem* oane pejus & angue fugienda.

46 In ulceribus, inflammationibus viscerum, phthysi, nervorum nativa debilitate, virium dejectione, scorbuto bilioso, hæmophthysi, nimis hæmorrhagiis *mercurialis salivatio* funestum solet habere eventum.

47 *Mercurialia salivantia* etiam refracta dosi magno cum effectu in morbis pertinacibus exhiberi possunt citra expectationem salivationis longioris.

48 *Theriacalia* optime mercurii noxam corrigunt.

49 *Vesicatoria* dicuntur ab effectu, quoniam vesicas excitant modo unam majorem, modo plures parvas.

50 Operantur sale quodam caustico volatili acerrimo, quod cutis vascula & poros sudoriferos irritando ac stimulando humores in copia advocat, qui propter cuticulam firmissimam transpirare non possunt.

51 *Vesicatoriorum* materiam usitatam præbent cantharides mixtæ cum emplastro vel fermento panis, quod aliquot elapsis horis vesicam excitat discindendam, ni sponte rumpatur.

52 Usus *vesicatoriorum* est in lymphæ stagnationibus, defluxionibus & derivatione lymphæ acris a parte affecta ad partem a vesicatorio dolentem.

53 In febribus malignis vesicatoria carpis manuum applicata nonnulli practici magni æstimare solent.

54 Tardior usus est *vesicatoriorum*, quan-

do partibus carnosius quam membranosis & nerveis applicantur.

55 In dolore profundo & diuturno partis sine tumore, rubore, ulcere *vesicantium* usus quam commodus esse solet.

56 Partibus inflammatis *vesicantia* non sunt adhibenda.

57 *Fonticulorum* & *setaceorum* usus non plane in medicina est frustraneus: malum tamen magis allevant, quam tollunt.

58 *Fonticulos* a morbis nervorum præservare, experientia testatur.

C A P. V.

De alterantibus medicamentis, illorum usu & abusu.

I.

Alterantia dicuntur illa, quæ humores & qualitates noxias corrigunt & in contrarium mutant & sunt varii generis.

2 Humores acidi pontici in corpore nostro contenti corriguntur ac invertuntur quam commodissime alcalinis tam volatilibus quam salinis fixis & terreis, & hæc quoque nuncupantur *absorbentia* & *præcipitantia*.

3 Talia sunt limatura martis, lapides cancrorum, conchæ præparatæ, mater perlarum, C. C. ustum, salia vegetabilium fixa, omnia salia volatilia.

4 Humores acres salinos quam optime corrigunt & diluunt mucilaginosi, ramosi, oleosi, ramosis particulis cuspides salium involventia, terrea & diluentia varia: Ex horum numero sunt terra varii generis, antimonium diaphoreticum, emulsiones ex oleosis paratæ, gelatina & decoctum C. C. mucilagine seminum.

5 Humores viscosi tenaces requirunt medicamenta sale volatili oleoso acri imbuta, qualia sunt aromata, radices, semina, herbæ tali sale gaudentes & salia varia incidentia.

6 Dulces, pituitosi humores optime corriguntur amaris ex vegetabilium regno petitis, balsamicis, resinosis.

7 Humores biliosi, sulphureis; volatiles requirunt blandiora acida, nitrosa & varia diluentia, emollientia.

8 Humores nimis sicci, & terreis particulis onusti salia volatilia, humectantia, diluentia, nitrosa exigunt.

9 Humores nimis fluxiles, serosi, terrea, ad-

adstringentia, roborantia, balsamica & constringentia fixa postulant.

10 *Alterantia* pro diversitate morborum ac affectuum partium varia nanciscuntur nomina.

11 Dicuntur vel *stomachica*, *cordialia*, *hepatica*, *splenetica*, *uterina*, *carminativa*, *anthelmintica*, *antifebrilia*, *antiscorbutica*, *antihysterica*, *traumatica*, *emmenagoga*, *alexipharmaca*.

12 Omnia superius dicta specifica agunt vel evacuando vel corrigendo humores noxios, vel vasa obstructa referando.

13 Sicuti acidum & viscidum ad stabilendas omnium morborum causas insufficiens est, ita quoque medicamentis alcalinis acidum destruentibus & viscidum resolventibus curatio morborum absolvi nequit.

14 Medicamenta *acida* magni æstimanda in praxi sunt, sed subtiliora; minus, fixa corrosiva.

15 *Acida* sal volatile sanguinis figunt, oleosas ac globosas sanguinis particulas nimis fluidas concentrant & coagulant.

16 Illi, quorum fluores & primæ viæ scatent acidis particulis, item gravidæ, lactantes, puerperæ, infantes, pectore affecti, & quibus ordinariæ excretiones sunt suppressæ, quique tussi, hæctica, ulceribus, vulneribus, alvo adstricta infestantur, parcius & cautius *acidis* utantur.

17 *Salia volatilia* maxima morborum sunt præsidia, illorum tamen intempestivus usus multa parit incommoda.

18 *Salia volatilia* venis animalium immissa non secus ac spiritus acidi illa necant.

19 In maximis sanguinis ebullitionibus, nimio ardore & incalcescentia corporis, sanguine nimis tenui existente, ac ubi primæ viæ icoriis biliosis & humoribus tenacibus repletæ sunt, *salium volatilium* usus parcius sit.

20 *Salia volatilia*, *oleosa* & omnia, quæ tali pollent, acidum corrigunt, humores viscidos resolvunt, diaphoresin excitant, *carminativa cephalica* & *uterina* sunt.

21 Omnia *salia vegetabilium fixa*, item *alcalina*, *terrea* v. g. marina, testacea acidis ponticos humores temperant, & dulcificant, per diaphoresin & diuresin superfluos humores expellunt & sunt *antifebrilia*, *antihypochondriaca*.

22 *Terrea alcalina* omnia in appetitu dejecto ob fermentum nimis salsum, vel ventriculi tonum destructum, in obstructionibus alvi & viscerum gravioribus, & ubi tardior humorum motus est, cautissime vel plane nunquam propinanda sunt.

23 *Salia* tam *fixa* quam *volatilia* vel *media* vitanda sunt in omnibus morbis a satino acri principio ortis & ubi acidum ventriculi destructum est.

24 Omnia *spirituosa* seu *sulphurea volatilia* & sic dicta *confortantia* propter tenuitatem ac subtilitatem partium superiora petunt, spiritibus corporis nostri sese immiscuent, celeriores sanguinis & humorum tam intestinum quam progressivum efficiunt motum, & si humidum adest & pori cutis laxi sunt, diaphoresin ac transpirationem procurant, flatibus & vitiis ventriculi ex causa frigida occurrunt.

25 Quibus caput & systema nervosum est debile, qui humido carent, teneræ sunt constitutionis & ad ebullitiones proclives, nimium *spirituosorum* abusus vitent.

26 In omnibus morbis, ubi transpiratio est prohibita & cutis sicca, *spirituosa* & sanguinem exagitantia assumpta mirum nocere solent.

27 Medicamenta *balsamica* dicuntur, quæ constant ex oleo & sulphure gummoso, blando temperato elemento, naturæ grato; uti sunt myrrha, scordium & variæ herbæ, crocus, zedoaria, nux Moschata, lignum aloes, sassafras, quæ humorum acrimoniam demulcent, spirituscentiam chyli, & sanguinis blande promonent, nervis prosunt & omnibus stomachi morbis, vulneribus ac ulceribus medentur, hinc *vulneraria* existunt.

28 *Gummata* oleo destillato copioso imbuta acido & viscido contraria sunt, hinc optima antihypochondriaca; biliosos autem humores facile exagitant & calorem præter naturalem accendunt.

29 *Amara* sale copioso fixo scatent, hinc aperiunt, acidum bili immixtum corrigunt & bilem copiosorem generant, sicque spirituscentiam sanguinis blande procurant; hinc amara optima sunt *hepatica*, *antihysterica*, *antifebrilia*, *anticachectica*, *antiscorbutica* & *anthelmintica*.

30 *Ligna*, quæ resina pollent copiosa & acri viscidos tenaces incidunt humores, exsiccant, sudorem movent, hinc optima sunt *antihydrica*, *antiscorbutica* & *luis gallicæ alexipharmaca*.

31 *Lignosa*, ubi humidum deficit, ut in atrophis & hæctica, omni modo vitanda sunt.

32 *Nitrosa* propter æthereum aereum sal quasi concentratum & figuram pyramidalem incidunt, attenuant, obstructiones aperiunt, particulas sulphureas sanguinis ligant & fi-

gunt, hinc in omnibus morbis calidis, ubi humidum deficit, sitis & vigilia adest, alvus adstricta, gratissimam opem ferunt, & optima sunt calorem & sitim sedantia.

33 Nocent *Nitrosa*, ubi ventriculus debilis est, vel ex causa frigida laborat, alvus humida & dispositio ad phthisin & catarrhos.

34 *Aquea*, *diluentia*, *insipida* majori in copia calide data, salia lymphæ peregrina antiscorbutica diluunt, temperant, crassos humores fluxiles reddunt, sudorem & urinam movent, sitim & calorem præter naturalem extinguunt, excretiones naturæ ordinarias promovent, & sunt *polychresta*.

35 Quicumque calidos hos potus ferre non possunt, eos in primis viis vitium quoddam habere judicandum.

36 Omnia *actu frigida* poros obstruunt, excretiones sistunt, inflammationes adaugent, & humores reddunt tenaciores & sunt *Repellentia*.

37 *Frigida* concentrant spiritus, & in morbis a spirituum resolutione natis illorum usus non semper contemnendus.

38 Medicamenta viscidam quandam mucilaginem recondentia, spicula salium acrium temperant, involvunt, nutriunt, dulcificant & sunt *emollientia*, *pectoralia* & *suppuratiorem promoventia*, *humectantia*.

C A P. VI.

De Medicamentis motum humorum accelerantibus & nimium sistentibus.

I.

Medicamenta accelerant spirituum, sanguinis & omnium humorum motum vel privative, vel positive: privative, omnia incidentia acidum & viscidum destruentia: positive, omnia calida spirituosam & sale volatili sulphureo imprægnata superius jam descripta.

2 *Mercurialia* & *sulphura mineralium*, quatenus spiritu quodam metallico, penetrantissimo, æthereo, ex solidissimis particulis constructo gaudent, in nervos & illorum fluidum immediate operantur stimulando, irritando, & impulsu spiritibus animalibus communicando, hinc fortissima sunt aperientia in morbis frigidis diuturnis & nervorum ac glandularum obstructionibus efficacissima: talia sunt regulus antimonii medicinalis, panacea *Conordingiana*, *Cinnabarina*, mercurius diaphoreticus jovialis, *Tinctura veneris dulcis*, *tinctura antimoniales*, mercurius philosophice præparatus & cum auro fixatus.

3 Nimium humorum motum sistunt ac demulgent *adstringentia vitriolacea* & omnia acido-terreo principio imbuta, quatenus particulis suis crassis ad motum ineptis vel vias minutissimas occludunt, vel humores nimis fluxiles ac tenues particulis suis motui ineptis angularibus & majori superficie gaudentibus coagulant; & tales sunt omnes *tincturae martiales*, quæ non nisi solutiones Martis sunt, vitriolicam naturam habentes, omnia vitriolacea, aluminosa, austera styptica.

4 *Adstringentia* per accidens sæpe aperiunt, quatenus angustioribus redditis viis accelerant spirituum motum, ut non raro spasmodica contractio inde resultet, qua contractione contentum fluidum movetur & expellitur.

5 In omnibus morbis ex nimis sanguinis & humorum excretionibus ex læso sanguinis circulo natis, morbis frigidis, obstructionibus & infarctu viscerum *adstringentia* instar veneni sunt.

6 Medicamenta *Vitriolacea* nauseam pariunt in majori copia assumpta, vomitus & sedes efficiunt, quatenus præter virtutem adstringentem etiam irritantem & stimulantem habent.

7 *Vitriolacea* errhina sunt potentissima.

8 Post usum adstringentium vitriolaceorum, martialium pulsus sæpe augetur, calor in corpore fit major, & sudoris ac urinæ fluxus excitatur.

9 Post usum *Martialium* & *Vitriolaceorum* feces ut plurimum secedunt nigrae, propter martiales particulas a bile præcipitatas.

10 Motum nimium humorum sedant ac sistunt omnia vaporosa, quæ nimirum in maxima quantitate emittunt vapores, uti sunt omnia grave & suaveolentia & hæc dicuntur *anodyna* & *narcotica*.

11 *Vaporosa* talia copiosissimis suis effluviis per poros, facile penetrantibus nervos replent & spirituum animalium fluxum quodammodo sufflaminant, & suspendant, hinc torporem inducunt ac somnum, dolores auferunt, calorem extinguunt, acrimoniam humorum demulgent, excretiones sistunt, sudorem nonnunquam movent, & hæc omnia efficiunt, dum motum spirituum furibundum nimis sedant.

12 Pro diversitate principii istius seu sulphuris vaporosa differunt & magis vel minus naturæ gratæ sunt: hinc diversus est effectus opii, nucistæ, camphoræ, croci, castorei, moschi.

13 Ex omnibus vaporosis *Opium* est efficacissimum.

ciffimum & hinc cautiffime applicandum.

24 Optima præparatio *Opii* est ejus solutio in infipido menftruo & a fordibus ejus terreis depuratio.

15 Optima *Opii* correctiva funt fudorifera & falia volatilia oleofa aromatica & fpirituofa.

16 Acida & Alcalica *Opii* texturam plane deftruunt, hinc ejus vim vel debilitant, vel immutant.

17 In omnibus morbis frigidis, obftructionibus tam alvi, quam vaforum & maxime nervorum, in virium dejectione, fpirituum animalium imbecillitate, pulfu debili, in omni malignitate, vifcerum infarctu *Opiata* cane pejus & angue vitanda funt.

18 Sæpe ubi *Opium* non prodeft, prodeft camphora, crocus &c.

19 *Opiata* pro diverfitate fubjectorum varios edunt effectus, in aliis extretiones fifunt, in aliis promovent, in aliis fomnum, in aliis vigilias producunt.

20 *Opiata* nunquam nifi primis viis bene apertis, refpiratione & tranfpiratione libera, pulfu fortiori propinantur, & melius in forma liquida quam in ficca operantur.

C A P. VII.

De Cautelis practicis.

I.

A Mara, mercurialia optimæ præfcribuntur in forma pilularum.

2 Medicamentum liquidum femper melius operatur, quam fi in forma ficca propinetur.

3 In omni morbo præftat alvum fervare apertam, & fi purgante id fieri nequit, clyfterio expediendum eft.

4 Clyfteres confent ex emollientibus, carminativis & ftimulantibus.

5 Salina in clyfteribus plus ftimulant quam purgantia.

6 Natura clyfteribus & omnibus medicamentis facile affuefcere poteft, hinc medicamentorum mutatio confulta eft.

7 Omnis venæfectio, purgantia, emetica tempore excretionis fubcutaneæ in variolis, eryfipelate &c. nocent & naturam in crifi turbant.

8 Purgatio ante variolas & poft declinationem optima eft.

9 Omnia calida, fpirituofa, volatilia, oleofa maffam fanguinis exagitantia tempo-

re eruptionis cane pejus & angue vitanda funt: fymptomata ut plurimum non tantum exafperant, fed & copiofiores efficiunt variolas: profunt magis temperata, ebullitionem humorum nimiam deprimentia.

10 Myrrhata tempore convalefcentiæ optimæ funt, & balsamum reddunt fanguini a nimia ebullitione vappido reddito.

11 Tempore fuppurationis commodiffime alvus claufa poteft aperiri.

12 Regimine calidiori nimio plures moriuntur ex variolis quam frigidiori.

13 Morbillos tractandi & curandi methodus eadem eft cum variolis.

14 In omnibus malignis quicquid movendum, illud ftatim in principio fieri debet.

15 Venæfectio in malignis nonnunquam falutem, interdum etiam mortem affert; & hoc tempore prodeft, illo nocet.

16 Quo mitius ægri in malignis tractantur in morbi ftatu, & quo magis totum negotium naturæ relinquitur, eo facilius ipfi medici procedunt, & citius ægri evadunt.

17 Vomitoria magis commutanda in malignis, quam purgantia, mixta tamen femper cum alexipharmacis, turbatam maffam fanguineam reftituentibus.

18 In malignis mixtura fanguinis turbata ante omnia reftituenda eft, & vires confervandæ.

19 Omnia alimenta fubftantifica, pingua, jufcula fic dicta confortantia nocent in omnibus febribus.

20 In omnibus morbis epidemicis præferant & curant emetica & diaphoretica cum balsamicis mixta.

21 In intermittentibus, antequam primæ viæ expurgatæ fuerunt & obftructiones vifcerum folutæ, cavendum maxime a china chinæ, præcipitantibus, adstringentibus.

22 Chinæ chinæ effentia in extractum liquidius redacta, convientiffima eft medicina, nec talia incommoda efficit, quam in pulvere exhibita.

23 Arcanum medendi intermittentibus eft verus ufus & exhibitio prudens chinæ chinæ.

24 Purgantia fortiora, uti in omnibus obftructionibus vifcerum fic maxime in intermittentibus, quæ ex obftructionibus funt, damnum inferunt.

25 Mercurialia & antimonialia glandularum obftractarum & morborum contumaciffimorum funt alexicaca.

26 Nimis calida, volatilia, fudorifera

in febribus, & ubi primæ viæ obsessæ sunt saburra vitiosorum humorum, nocent, & intermittentes, facile mutant in continuas.

27 In hæcticæ statu omnia purgantia & emetica, item acria instar veneni sunt.

28 In hydrope, cachexia volatilia, sudorifera maxime angustias efficiunt, febrem accendunt & symptomata augent.

29 Viis in hydrope obstructis adaperitis fortissime & quidem repetitis vicibus purgandum est.

30 In omnibus morbis cum virium defectu junctis, vel in ipso ortu cavendum est ab omnibus fortioribus evacuationibus, adstringentibus, opiatibus &c.

31 In declinatione morborum semper balsamica, amara & stomachica sunt optima, item salia volatilia.

32 In ulceribus, scabie, &c. internis semper prius auspicanda est cura, deinde externis adjuvanda.

33 Pediluvia in omnibus capitis affectibus, nec non clysteres conveniunt.

34 A balneis abstineant hæctici, cacoehymici & quorum viscera inflammata sunt.

35 Emplastra mercurialia egregie resolvunt obstructions, aut scirrhus lienis, pancreatis in abscessus facile mutant.

36 Post martialium, absorbentium usum semper interpolanda sunt leniora purgantia, item acidula, stomachalia menstruum ventriculi erigentia.

37 Adstringentia in pectoris affectibus cautiissime danda, sistunt enim expectorationem.

38 In morbis catarrhalibus & pectoris affectibus looch ac electuaria dulcia sæpe ventriculum ejusque digestionem ita lædunt, ut cachexia, hydrops, hæctica, asthma inde fiat.

39 Caute semper danda sunt & in minori dosi dulcia: scorbuticos, hystericos & hypochondriacos lædunt.

40 Ante purgationem semper prius humores alterandi, maxime acidi, sic felicius instituitur operatio.

41 Spirituosa, aromatica, theriacalia optime sistunt hypercatharsin.

42 Decocta, dulcia & magni potus in viscerum obstructionibus non danda.

43 Dantur personæ, quibus certa remedia sunt inimica, ex certa quadam idiosyncrasia.

44 Medicamenta, quæ sanguinis vitia corrigere debent, commodissime sumuntur cum decoctis.

45 Post purgatas primas vias medicamina semper felicius operantur.

46 Periodici morbi tempore intermissionis magis, quam in ipso paroxysmo, sanandi.

47 In frigidis morbis & ubi ventriculus debilis est, vinum vehiculum sit medicamentorum.

48 Acidularum, thermarum, lactis usus supponit viscera sana, robusta, non inflammata vel scirrhusa & robur ventriculi.

49 Acida post usum lactis evitanda.

50 Hyeme magis volatilia oleosa calida profunt, æstate magis temperata.

51 In omni inflammatione vitanda instar veneni sunt frigida.

52 Nervis, membranis & ossibus nimis calida, frigida, acida, & oleosa & mercurialia nocent.

53 In omni horrore ac frigore morborum incipiente nocet potus.

54 Medicamenta emmenagoga optime dantur aliquot dies ante consuetam purgationem.

55 Omnes morbi incogniti in principio tractandi sunt diaphoreticis.

56 In spasmodicis intestinorum affectionibus præstat clysteres ex meris oleis præparare.

57 In purgatione & vomitu omne frigidum, acidum & adstringens vitandum est.

58 Puerperæ tractandæ sunt uti graviter vulneratæ, & in illorum morbis semper inflammatio partium est attendenda.

59 Potus, balnea & carminativa herniosis valde sunt proficua: nocent autem ipsis purgantia fortiora.

60 Non omnia subjecta vel omnes morbi externi ferre possunt emplastra, unguenta, liquores &c.

61 Dosis medicamentorum varia pro diversitate medicamentorum & præparationis eorum.

62 Multum interest, qua dosi medicamentum applicetur.

63 Prudentis medici est, nosse, quamdiu cum medicamento præstanti continuandum sit.

64 Multa sunt in praxi juxta Galenum, quæ nec dici nec scribi possunt.



